

續

修

四

庫

全

書



《續修四庫全書》編纂委員會編

續修四庫全書



上海古籍出版社



四〇三・史部・紀事本末類

欽定剿平粵匪方略四百二十卷首一卷卷一至卷三十四

〔清〕奕

訢等撰

E284/Q3



剿平粵匪方略序

我國家受

天眷命撫臨方夏

列祖

列宗創業垂統，紘以內憲，主悉臣文德

武功超軼千古，自三省教匪平定後

中土人民安業，寇盜不作，者垂五十

年，即邊鄙偶有騷動，不旋踵而就謐

平，未有敢自辜靈燾公然叛亂流毒

十餘省如粵匪者也。粵匪蠢動於道

光庚戌之年，翦滅於同治甲子之歲

推原禍本，蓋由兩粵民俗，獷悍官吏

玩泄既不能化導於先，嘯聚劫掠又

我

皇考文宗顯皇帝當其倡亂之初，即命重

臣發兵討捕，承平日久，將士多不知

兵潰逸出，柙幾亂大局

皇考震怒，逮治債事，諸臣更簡良將，指授

方略，分路扼擊，賊尋北，援及畿甸

復命，將要擊不及，一年此股禽獮無

遺，然後東南軍事得以滋，容措置，拔

將才，籌饋饟，造戰船，集團練，規畫既

備，於是官軍日益壯，賊勢日益蹙，盛矣



皇考自臨御以來即會天下多事宵旰勵

精不遑暇逸憫念黔黎罹賊荼毒饑

溺在懷焦勞特甚每聞寇氛擾一城

則憂形寤寐聞官軍報一捷則喜動

天顏屢顛

昊穹為民請命馴至

三

巡方違豫猶復批章引對不肯少休此仁

慈憂勤之實蓋十一年有如一且者

也而且

聖哲如神明見萬里凡封疆將帥之才識

優劣功過長短鑒燭無遺治賦治軍

各得其任破格用人賞信罰必以故

在位竭節伏才奮起各省士民渥荷

祖宗二百年深仁厚澤之淪浹感

皇考痾瘵在抱之苦衷團練輸將同心敵

愾於是

天人協心所向克捷至咸豐十一年江西

廡安安慶垂拔江浙閩滬屢有捷音

四

戡定之勲翹足可待而

皇考棄羣臣矣予以冲齡寅紹大統承

皇考付託之重顧惟時艱業業乾乾罔知

攸濟仰賴

兩宮皇太后撫育藐躬慈誨諄至指授樞

垣諸臣及各督撫統兵大臣一應攻



討機宜恪守

成憲和衷共濟用能底定多方渠魁殄滅

薄海之內重登衽席於是

皇考未竟之緒一朝始成

皇考在天之靈一朝始慰此誠予小子之

幸天下臣民之福要皆由

五

皇考畏天愛民知人養士之盛德宏謨故

克默荷

天眷

祖佑以致斯也今大憝雖除而吾民之苦

兵燹者已深將士之罹鋒鏑者已衆

輸饟供軍民力已竭撫綏數年元氣

未復言念及此益深祇懼惟當恭承

懿訓勤求治理爾諸臣亦當追惟

皇考委任之深恩奉公忘私上下交儆即

以此編為毫末芥柯之炯戒勿謂民

器為可忽勿謂小醜為可玩勿以賊

平而懈武備勿以內安而弛邊防抑

六

墨揚清勸農善俗用以持盈保泰敬

迓

天休篤我國家億萬年無疆之祐予一人

有厚望焉

同治十有一年歲次壬申季秋月吉

御筆



欽定剿平粵匪方略

總裁總纂提調收掌纂修諸臣職名

總裁

內廷行走宗人府左宗正正日旗滿洲都統總理 行營大臣管理 內繕書房事務 臣奕訢  
閱兵大臣管理右翼近支第三族宗室族長總理各國事務衙門大臣和碩恭親王

經筵講官太子太保 體仁閣大學士稽察欽奉 上諭事件處 武英殿總裁管理工部事務 臣文祥  
務領白旗滿洲都統管理右翼幼官學神機營 內繕書房事務總理各國事務衙門大臣

經筵講官太子少保吏部尚書鑲藍旗滿洲都統閱兵大臣管理 臣寶鋆  
理 內繕書房事務 國史館總裁總理各國事務衙門大臣

經筵講官兵部尚書 國史館總裁總理各國事務衙門大臣 臣沈桂芬

剿平粵匪方略卷一

經筵講官工部尚書 弘德殿行走 武英殿總裁教習庶吉士 臣李鴻藻

總纂兼提調官

宗人府 府 丞 臣朱學勤

太僕寺 卿 臣朱智

三品銜 內閣侍讀學士 臣許庚身

滿洲提調官

二品頂戴戶部緞疋庫郎中今升湖南岳常澧道 臣增壽

四品銜 理藩院郎中 臣崇繕

按察使銜候選道 理藩院郎中 臣奎綬

原任按察使銜候選道 吏部員外郎 臣瑞廉

滿洲幫提調官

三品銜候選道 內閣侍讀 今升湖北鄖陽府知府 臣慶裕

滿洲收掌官

理藩院員外郎 臣續昌

剿平粵匪方略卷二

吏部郎中 臣春岫

內閣中書候補侍讀 臣尙德

知府銜 理藩院員外郎 臣志文

漢收掌兼纂修官

三品銜 內閣侍讀 今升山西蒲州府知府 臣江人鏡

刑部員外郎 今升湖南候補道 臣夏獻雲

鴻臚寺少卿 臣周瑞清



三品銜候補五品京堂臣徐用儀

滿洲纂修官

按察使銜戶部顏料庫員外郎今升浙江金衢嚴道臣英廉

鹽運使銜候選知府工部郎中臣崐玉

候選知府內閣侍讀臣額圖瑋

四品銜理藩院員外郎臣英謙

候選道戶部銀庫員外郎臣文海

聖學匪方略

三

戶部筆帖式臣朱文鑒

盛京工部主事臣裕昌

鴻臚寺主簿臣鈺寶

原任太常寺主簿臣和爾根

漢纂修官

吏部員外郎著收掌兼校對官臣靳邦慶

工部郎中升任山西朔平府知府臣杜來錫

道銜戶部員外郎臣李廷簫

吏部郎中臣史崧秀

戶部郎中今升福建興化府知府臣方熊祥

三品銜戶部員外郎臣葉衍蘭

四品銜兵部郎中臣蕭庭滋

翰林院侍讀學士臣文澂

翰林院編修臣梅啟熙

聖學匪方略

四

翰林院編修兼襲雲騎尉世職臣吳仁傑

兵部員外郎臣金日修

禮部主事兼校對官臣胡延夔

刑部主事臣陸爽棠

刑部主事臣張岳年

翰林院侍講學士銜詹事府司經局洗馬臣楊紹和

原任戶部郎中江蘇江甯府知府臣馮柏年

原任四品銜兵部員外郎臣吳國杰  
協修官

四品銜禮部郎中今升江西道監察御史臣梁僧寶

翰 林 院 編 修臣汪鳴鑾

校對官

六品銜內閣典籍委署侍讀臣李耀奎

工 部 員 外 郎臣李方豫

勦平匪方略卷

五

刑 部 主 事臣李士彬

工 部 主 事臣丁鶴年

吏 部 主 事臣沈源深

吏 部 主 事臣魏邦翰

四品銜刑部員外郎今升陝西道監察御史臣沈 淮

戶 部 主 事臣陳毓秀

內閣中書委署侍讀臣邵文煦

刑 部 主 事臣馮光勛

道 銜 兵 部 郎 中臣李固恆

四品銜內閣典籍委署侍讀候選知府臣常如楷

三品頂戴內閣中書委署侍讀今道員用候選知府臣汪元慶

內閣中書委署侍讀臣劉恩溶

內閣中書委署侍讀臣王殿鳳

內閣中書委署侍讀臣楊澍鼎

勦平匪方略卷

六

五品銜內閣中書委署侍讀候選員外郎臣劉淮焞

內閣中書委署侍讀臣馮向華

員外郎銜內閣中書委署侍讀臣黃貽楫

內閣中書委署侍讀臣劉景宸

五品銜內閣典籍委署侍讀臣翁曾翰

內閣中書委署侍讀臣王憲會

內閣中書委署侍讀臣王 莖

第一冊 勦平匪方略卷 五



內閣中書委署侍讀臣唐寶鑑	內閣中書委署侍讀臣曹翰書	內閣中書委署侍讀臣李如松	內閣中書委署侍讀臣厲祥官	內閣中書委署侍讀臣吳琦	內閣中書委署侍讀臣喻緝熙	內閣中書	內閣中書	內閣中書委署侍讀臣董文燦	內閣中書委署侍讀臣馮鏡仁	內閣中書今官翰林院庶吉士臣廖壽豐	內閣中書委署侍讀臣陳啟焜	內閣中書	內閣中書	內閣中書	內閣中書委署侍讀臣袁保齡	內閣中書	內閣中書	內閣中書委署侍讀臣曾金章	內閣中書	內閣中書委署侍讀臣馬紹訓	內閣中書委署侍讀臣牟樹棠
--------------	--------------	--------------	--------------	-------------	--------------	------	------	--------------	--------------	------------------	--------------	------	------	------	--------------	------	------	--------------	------	--------------	--------------

欽定剿平粵匪方略

欽定剿平粵匪方略 銜名

筆帖式臣慶恩	筆帖式臣樸奎	筆帖式臣英秀	筆帖式臣圖麟	通政司筆帖式臣善永	內閣中書	兵部筆帖式臣頤壽	翰林院待詔臣松年	詹事府筆帖式臣福蔭	譯漢官	光祿寺筆帖式臣貫璋	兵部筆帖式臣文光	刑部筆帖式臣恩惠	筆帖式臣慶順
--------	--------	--------	--------	-----------	------	----------	----------	-----------	-----	-----------	----------	----------	--------

欽定剿平粵匪方略

七

筆 帖 式 臣 尙宗順

筆 帖 式 臣 裕 啟

工 部 司 匠 臣 椿 年

原 任 筆 帖 式 臣 長 慶

勦平粵匪方略

九

欽定勦平粵匪方略目錄

卷首

聖製一卷

卷一至卷五

道光三十年五月庚戌至咸豐元年六月乙

亥

卷六至卷十

勦平粵匪方略目錄

一

咸豐元年七月丙戌至二年二月己酉

卷十一至卷十五

咸豐二年三月辛亥至七月甲戌

卷十六至卷二十

咸豐二年八月己卯至十一月乙亥

卷二十一至卷二十五

咸豐二年十二月丙子至三年正月己巳



卷二十六至卷三十

咸豐三年正月庚午至二月甲辰

卷三十一至卷三十五

咸豐三年三月乙巳至四月丙申

卷三十六至卷四十

咸豐三年四月丁酉至五月辛酉

卷四十一至卷四十五

欽定剿平粵匪方略錄

二

咸豐三年五月壬戌至六月戊子

卷四十六至卷五十

咸豐三年六月己丑至七月戊午

卷五十一至卷五十五

咸豐三年七月辛酉至八月癸巳

卷五十六至卷六十

咸豐三年八月甲午至九月壬戌

卷六十一至卷六十五

咸豐三年九月癸亥至十月己丑

卷六十六至卷七十

咸豐三年十月壬辰至十一月庚午

卷七十一至卷七十五

咸豐三年十二月辛未至四年正月乙巳

卷七十六至卷八十

欽定剿平粵匪方略錄

三

咸豐四年正月丁未至二月戊子

卷八十一至卷八十五

咸豐四年二月己丑至三月丙辰

卷八十六至卷九十

咸豐四年三月丁巳至四月乙酉

卷九十一至卷九十五

咸豐四年四月戊子至五月丁卯

卷九十六至卷一百

咸豐四年六月戊辰至七月丁卯

卷一百一至卷一百五

咸豐四年閏七月戊辰至八月乙丑

卷一百六至卷一百十

咸豐四年九月丁卯至十月甲子

卷一百十一至卷一百十五

勦平粵匪方略目錄

四

咸豐四年十一月丙寅至十二月壬子

卷一百十六至卷一百二十

咸豐四年十二月乙卯至五年二月乙巳

卷一百二十一至卷一百二十五

咸豐五年二月丙午至四月癸卯

卷一百二十六至卷一百三十

咸豐五年四月丙午至五月辛卯

卷一百三十一至卷一百三十五

咸豐五年六月乙未至八月丙辰

卷一百三十六至卷一百四十

咸豐五年九月辛酉至十一月甲戌

卷一百四十一至卷一百四十五

咸豐五年十一月丁丑至六年正月丁亥

卷一百四十六至卷一百五十

勦平粵匪方略目錄

五

咸豐六年二月辛卯至三月丙戌

卷一百五十一至卷一百五十五

咸豐六年四月丁亥至五月癸未

卷一百五十六至卷一百六十

咸豐六年六月丙戌至八月乙巳

卷一百六十一至卷一百六十五

咸豐六年八月丙午至十一月甲戌



卷一百六十六至卷一百七十

咸豐六年十一月丙子至七年二月壬子

卷一百七十一至卷一百七十五

咸豐七年三月癸丑至閏五月丁亥

卷一百七十六至卷一百八十

咸豐七年閏五月壬辰至八月丁巳

卷一百八十一至卷一百八十五

咸豐七年八月壬戌至十一月乙巳

卷一百八十六至卷一百九十

咸豐七年十二月己酉至八年三月己丑

卷一百九十一至卷一百九十五

咸豐八年三月庚寅至五月己丑

卷一百九十六至卷二百

咸豐八年五月壬辰至七月壬寅

欽定剿平粵匪方略目錄

六

卷二百一至卷二百五

咸豐八年八月甲辰至九月甲午

卷二百六至卷二百十

咸豐八年九月乙未至十一月庚子

卷二百十一至卷二百十五

咸豐八年十二月壬寅至九年二月庚午

卷二百十六至卷二百二十

咸豐九年三月辛未至六月丁卯

卷二百二十一至卷二百三十五

咸豐九年七月庚午至九月甲午

卷二百三十六至卷二百三十

咸豐九年十月丁酉至十年二月壬子

卷二百三十一至卷二百三十五

咸豐十年二月甲寅至閏三月己酉

欽定剿平粵匪方略目錄

七

卷二百三十六至卷二百四十

咸豐十年閏三月庚戌至五月辛丑

卷二百四十一至卷二百四十五

咸豐十年五月壬寅至六月辛卯

卷二百四十六至卷二百五十

咸豐十年七月癸巳至八月己丑

卷二百五十一至卷二百五十五

勦平粵匪方略目錄

八

咸豐十年九月壬辰至十一月壬寅

卷二百五十六至卷二百六十

咸豐十年十一月癸卯至十一年二月丙戌

卷二百六十一至卷二百六十五

咸豐十一年三月甲午至五月辛丑

卷二百六十六至卷二百七十

咸豐十一年五月甲辰至七月甲寅

卷二百七十一至卷二百七十五

咸豐十一年七月乙卯至九月乙卯

卷二百七十六至卷二百八十

咸豐十一年十月丙辰至十二月壬戌

卷二百八十一至卷二百八十五

咸豐十一年十二月癸亥至同治元年正月

丁亥

勦平粵匪方略目錄

九

卷二百八十六至卷二百九十

同治元年正月戊子至正月庚戌

卷二百九十一至卷二百九十五

同治元年二月甲寅至三月戊子

卷二百九十六至卷三百

同治元年三月庚寅至四月丙寅

卷三百一至卷三百五



同治元年四月戊辰至五月壬辰

卷三百六至卷三百十

同治元年五月乙未至六月甲子

卷三百十一至卷三百十五

同治元年六月乙丑至七月戊申

卷三百十六至卷三百二十

同治元年七月己酉至閏八月丁酉

欽定剿平粵匪方略目錄

十

卷三百二十一至卷三百二十五

同治元年閏八月戊戌至十月庚寅

卷三百二十六至卷三百三十

同治元年十月辛卯至十二月戊戌

卷三百三十一至卷三百三十五

同治元年十二月庚子至二年二月庚子

卷三百三十六至卷三百四十

同治二年二月癸卯至四月乙酉

卷三百四十一至卷三百四十五

同治二年四月壬辰至五月乙丑

卷三百四十六至卷三百五十

同治二年五月己巳至八月甲申

卷三百五十一至卷三百五十五

同治二年八月丙戌至十月癸巳

欽定剿平粵匪方略目錄

十一

卷三百五十六至卷三百六十

同治二年十月甲午至十二月癸未

卷三百六十一至卷三百六十五

同治二年十二月甲申至三年三月壬寅

卷三百六十六至卷三百七十

同治三年三月癸卯至四月丁丑

卷三百七十一至卷三百七十五

同治三年四月己卯至五月乙巳

卷三百七十六至卷三百八十

同治三年五月丁未至六月己卯

卷三百八十一至卷三百八十五

同治三年六月壬午至七月壬子

卷三百八十六至卷三百九十

同治三年七月癸丑至八月乙未

勦平粵匪方略目錄

十二

卷三百九十一至卷三百九十五

同治三年九月己亥至十月丁亥

卷三百九十六至卷四百

同治三年十月戊子至十二月甲午

卷四百一至卷四百五

同治四年正月壬寅至四月甲午

卷四百六至卷四百十

同治四年五月乙未至九月丁丑

卷四百十一至卷四百十四

同治四年九月己卯至五年二月甲辰

卷四百十五至卷四百二十

附設立長江水師章程

勦平粵匪方略目錄

十三



恭

進剿平粵匪方略表

內廷行走宗人府左宗正正白旗滿洲都統總理 行營大臣管理 丙

繕書房事務閱兵大臣管理右翼近支第三族宗室族長總理各國事務

衙門大臣和碩恭親王 臣奕訢等誠歡誠欣稽首頓首

上言欽惟我

皇上虹壁當陽

剿平粵匪方略表

龍圖啟運靈臺測景值

漢日之再中柳谷占星識

堯天之無外

兩宮垂訓

孝治洽而鈞鈐明六幕同文

威稜張而玉衡正以

聖繼

聖秉大武於三會

鞠人謀人揚

天聲於七德

商威有截軫馳桂海之文

姬籙無疆策探岱宗之字

善繼

觀成之志有此

剿平粵匪方略表

武功實惟

懿德之光受茲

介福觀瑤光七宿為河海清宴之休徵考

金版六韜見

旋轉乾坤之經緯

國家宗基磐固疆索孟安

六七作配

上帝之郊禮三萬里八司空之版籍慶霄輝宙瑞露膏

年閒有扞網之愚不煩折箠而定蝟蠖翔泳涵

亭育之慈象寄譯鞮化陸梁之氣屬以神州康阜潛

伏藁茅邊吏恬嬉偶寬銜轡乃有粵匪洪秀泉

者天資凶譎左道俯張恃嶺嶠之阻深謂潢池

之可試焚香絳帕入祆社而稱靈義米朱符託

神叢而號眾乘火旱木饑之厄五龍講經聚跳

聖學聖方略表

三

刀走戟之徒斗米作賊裾緣采綫始過市而無

譏囊探赤丸遂犯門而罔忌紅巾六等白梃千

羣自知僂民甘效奴賊紉咋人而漸大螳拒轍

而能驕智高有邕廣自王之心王則造彌勒持

世之語妖星害氣宵躔藤峽之山虺毒豺牙晝

飲桂林之水牙璋初發鐵額方張蟲沙之劇化

已多蠱蚋之撲搔難盡四面招討圍鎮無功諸

道行營扼巢不效奔兕開樊於百粵駭鱗觸網

於三湘盧循下桑落之洲楊太奪洞庭之口雖

嬰城搏戰不少九攻九拒之方而散地投戈難

用四正四奇之陣名城大郡唳鶴驚風長江洪

湖飛鯨跋浪梁山橫鑊難爲扼截之謀采石量

繩坐失喉衿之險穿刀容足衝朱雀之大航鳴

鼓吹屑躍青絲之白馬奪滕釐而載火伏構艘

聖學聖方略表

四

以藏兵盜鍾山龍虎之都爲朱圉鏹餘之穴蝟

繁鋒厲傳烽達於淮壩兔狡窟多蘊毒延乎江

表方且扇其蠅醜綴我魏軍吳淠旣困於攻梁

晏鼂復創於襲晉眩迷歸路鋌走郊畿橫行者

宋江三十六人城守者河北二十四郡狼星駭

睨敢向

威弧鼉足撼搖自投



天網

文宗顯皇帝拯萬方之厄申

九伐之經歐刀行失律之誅

齋斧選折衝之將懿親藩衛河閒孝恭之賢異姓名王

沙陀赤心之勇廉頗李牧出自禁中閱天泰顛

拔於材武得狄青於西班牙而任以專闔收徐勣

於歸義而用作干城虞允文起自書生岳家軍

勦平粵匪方略表

五

出於義勇

知之而善任

用之而不疑乃

幹璇機

闡金筵以爲欲傾孽窟先據上游欲折兇鋒先清三輔

河魁應將井鉞森芒太乙陳軍雷碾鬱怒羊頭

鶴膝尙方蘭筓之兵朔斡燕弧六郡良家之子

鼓洪爐而燂毒澱泥以澆瑩桐鼓股天鏃旗

捲霧老熊當道先扼勝於天津狂象走林遂合

圍於連鎮赤龍吐電挾礮石以飛鳴鐵騎凌霜

踏河冰而平波中黃士勁等矢三鎌太白旗高

衝朝百丈長纓繫賊吉林詐馬之健兒飛火注

槍蒙古打生之蕃部布周陸而剗地暈月成規

拔渠答而踰濠陣雲如墨剖巢入穴桎貳負以

勦平粵匪方略表

六

歸朝飲刃伏椹血溫馬而釁社高唐州一鼓而

下梟鳴牙中馮官屯三版難支鼉沈窰底臨戎

鼓蓋人識高敖曹之容破陣笳鏡軍奏蘭陵王

之曲投弓窮羿果知射日之難被髮狂夫始悔

渡河之誤然而北風雖勁南紀未康方棄整之

將窮適前禽之不戒相州師潰蜀郡彭亡致財

賦之大藩成荆榛之戰地

神謀早定

天策無遺用陶侃鎮武昌之西門使諸葛督長沙之軍

賦長沙完而糧通甬道武昌奠而水建高瓴築

塢守濡須之城輕兵塞淮泗之口衣冠抗慨范

蠡立君子之營觸舸巍峨揚僕創樓船之號楚

歌四面八千子弟之軍湘水九迴十萬水犀之

弩三呼蒼兕黑稍公陷陣如飛十丈青龍黃頭

聖學聖方略奏

七

郎習流而舞先清岳鄂則夏口燒船繼掃蕪黃

則九江歸漢揚旂於皖公山下而殺師之角先

摧刷馬於彭郎湖中而擊鞞之臂已斷蔽江流

柿頓成破竹之形曳地明光已有撥燈之勢當

是時

文宗顯皇帝方以十科選士五聽求言

周宣側身

漢文拊髀

神經金匱授自九天

澄鑒銀華燭乎萬里

發蹤導窾晨披白阜之圖

具食求衣夜聽赤囊之報

輟裘放賜千營銜挾纊之溫

畫箸伐謀諸將決埋根之計

聖學聖方略奏

八

為民請命之語惻愴於

丹綸脅從罔治之條諄詳於

申命七旬弗格知頑惡之將殲百六已過卜貞元之必

復覘燕巢於齊幕待藁

垆野之弓聞鶴語於

堯年遽鑄

荆湖之鼎



應門顧命不忘未濟之艱難

畢郢升祠卽兆

大勦之底定

皇上上元膺運

下武作求當

秉璋奉瑁之辰有合璧聯珠之慶稟承

聖善奉若

聖善奉若

九

詒謀凡

問

安視膳之年皆

訪道陳謨之日山川聚米

挈地絡於目中捷伐哀荆

運乾符於掌上

首清朝列

爰整戎機

知李靖有武略而兼文謀

命曹彬以大將而爲使相趙陽閩馬皆

先帝簡拔之遺彭濮微瀘極公侯腹心之選時則石達

開就俘於蜀徼而豈駟之形孤陳玉城授首於

壽陽而契渝之齒拔南恢甌越洗兵胥母之潮

東取蘇松奪戟神亭之壘皆所以翦朝吳之翼

聖善奉若

十

椿僑如之喉斷脅攻心扼吭拊背城開鐵甕重

收北府勁兵關叩秣陵增築藥園舊壘常山列

陣率然無自救之方坳水尺波鼉鼉失跳梁之

勢九洑州斷其饑道乳哺立枯雨花臺瞰其城

闔走飛俱絕窮山晚酒徒聞呼癸之聲衲服拳

旗已播伏辰之讖崇墉將圯不因壘而乞降齊

燼難收尙背城而借戰負嶠逞鬪奪刃乘危掃

其遊魂攻我夾寨下潦上霧鼓無死聲升精判  
冰士有朝氣十盪十決五兵五當颯枝墜而技  
窮驚纒沈而書絕於是將騎將步為鶴為鵝埽  
外援而足盡蚊僵塞走路而河枯魚泣地中鼓  
角道古攻其東南樓上梯衝亞夫備其西北餘  
鯨失水遁甲開山劉窟頭將掘地之兵甘興霸  
作升城之督指招搖之星怒雲旛飛揚候箕壁

聖學聖略奏

十一

之風高火輜具舉星九撒火地軸都搖素練騰  
風天梯直上雷公擊鼓應龍之翼齊張庭氏彎  
弓妖鳥之巢立覆防風已戮辨巨骨於專車侯  
景未寒藏漆頭於武庫滅塵鏟迹盪穢湔腥舉  
旛炳乎駟牙積甲高於熊耳洛陽父老重見漢  
官威儀常侍囊鞬來迎大將旗鼓思明既殛朝  
義知窮懸瓠既夷洞曲自潰洪茫玕孽童既殄

遠行袁尙之顛李秀城副賊成禽生對樓蘭之  
簿西江餘氣嶺外殘魂或逋誅於黔蜀之交或  
遺種於雍秦之境靡不杜摧朽落冰泮燼灰高  
張露布之長縑競唱勤歸之雅樂  
甘泉飛報聞吉語於五日之中  
明堂大開舞文干於兩階之上鐘鳴

長樂喜動

聖學聖略奏

十二

慈顏  
弓掛橋陵慶邀  
靈貺昔蓄今穫成  
文王丕冒之功後舞前歌誦  
太姒徽音之化惟  
天惟  
祖燔柴鏤壁之上儀視公視侯喬嶽翁河之茂典



珠邱昭告三矢前驅

璇極光輝壹戎大定瓚圭密卣

釐召虎而剖符條勒鑾旂

寵尸臣而銘鼎綜稽功簿皆容資轉三階永

詔勳常不僭侯封萬戶拔都標號如銀槍效節之榮

鷗尾影冠逾金璫附蟬之貴帷中間外

露湛雲需尺功寸長

聖學聖方略委

十三

天施海潤蓋帷紆

惠酌勤事之蓋臣粟帛流

恩慰國殤之猛士

授羽林孤兒之職俾紹家聲

廣博士弟子之負用旌敵愾農租

錫銓商算

裁緝猶復

慎埴思艱

涉淵知懼

智周善後不忘懲愆之詩

本務勸農特可墾屯之奏遣遊勇而脫巾不諱散鄉

團而賣劍無虞火猛水寬

舉循吏以安清馴吳輕楚剽

設水師以控長江

聖學聖方略委

十四

簫勺羣頑

盧牟六萬鏑銷燧灌劍脫戈包在昔殷伐鬼方僅威

夷落周平淮浦未滅徐戎唐中葉不能清河朔

戎馬之塵宋盛時不能取夏州彈丸之地然猶

披張鴻號鋪侈駿聲以準

清時洵躋前古茲者肇修軍志臚紀

宸謨揆諸經文則雅頌以告成功之義稽諸史例則

通鑑紀事本末之編溯

稠牙徵發之初底

偃伯武成之日蓋假擾者十有六省披猖者十有五

年其黠鷲則甚於赤眉青犢之徒其孽萌則夥

於方臘曹成之衆跨州連郡儼羽翼之將成襟

江帶湖幾牢膠而不拔鷓鴣狸嘯已徧蹶通報

德之維蟻國猴冠敢竊宇宙柱天之號此蓋仰

聖學聖方略表

十五

賴

天戈仗順

廟算籌全張網羅賢不限以循資之格鑿門遣將不

撓以中制之權不臨陣易將而奪符不恡賞惜

官而剋印南人使船北人使馬不違地以遷良

衢地則合圍地則謀不隨方而浪戰盜兵軫

念不舉獻俘受馘之儀倒戟歸

仁不用伍昇曹誅之法軍書駱驛而春千秋箭不廢

修文度支浩穰而丁算口錢不聞加賦

前光垂憲

繼序紹

聞用能

蒼緯孚精

珠鈴制勝下滿慘黷上答

聖學聖方略表

十六

光靈

文母冠十亂之勳

湯孫建四方之極

鈞臺誓衆瞻

禹迹之重光

鄩邑升壇告

炎符之上瑞北征六月南征采芑



煥景命以

重熙內治天保外治采薇播休聲爲

大愷臣等依

光丹地載筆蘭臺實均慶於普天敢竭誠於測海繫

年繫月知

整軍經武之有方

丕顯

欽定剿平粵匪方略奏

七

丕承著

保大定功之有本守難於創繹魏徵敷對之言安不

忘危鑒宣聖繫辭之訓訂長編四百廿卷

寶笈常輝祝

鴻祚億萬斯年金甌永鞏東南尉而西北侯定

皇輿一統之經

天地闢而

日月光上

帝世六符之頌臣等無任瞻

天仰

聖踴躍歡忭之至謹拜

表恭

進以

聞

欽定剿平粵匪方略奏

十六

欽定勦平粵匪方略卷首

天章

文宗顯皇帝聖製文

省咎報

天恩諭

朕以薄德敬承

考命撫育萬方兢兢業業已三年矣深慚治理乖方愆

勦平粵匪方略卷首

一

尤叢集溯自道光三十年秋逆醜跳梁徵調頻仍迄

無成效將士疲於甲冑黔黎苦於差徭自粵而楚自

楚而江妖氛狂悖可謂極矣君人者代

天司牧斯民當今之時司牧者何事而吾民塗炭未復

予一人辜

恩咎重夫復何辭因思空言無補時值多艱朕惟有虔

額

昊天速消民劫期與軍營諸將士共奮安民之志羣興

鼓舞之懷掃蕩此賊以蘇民因此朕之初志報

天恩即符

考願也憶自庚戌冬至親承

大祀已經九次每逢詣壇齋宿無不思逆賊未平倍覺

愧悚茲於本月初七日又值

雩祭前期因誌吾之過以自警焉宣布中外咸使聞知

勦平粵匪方略卷首

二

特諭

書事示廷臣

予蒙

天恩承

考命臨御天下六年於茲四海無一日安靜萬姓罹兵

燹之災返躬自問

天恩未報



祖考之恩未報若稍自暇逸是誠何心哉予不敢亦不  
忍也每逢親詣郊壇無不心增愧慙今年新正幸園  
敬循成憲次日卽恭值

皇考忌辰地猶斯地

言猶在耳興念及此真堪一痛哭也听夕常思何以使  
兵戢民安仰答

天

聖學聖方略卷首

三

祖之恩惟有永勵斯志倍加敬勤不願徒託空言務期  
躬行實踐爾諸臣或會膺

顧命或簡在賢良既爲國之大臣當思共濟時艱卽使

天下旣安更防恬嬉之漸書曰慎終如始我君臣其  
共勉之

聖製詩

辛亥春帖子詞 以下辛亥

邊徼願銷兵綏安惠庶氓春祺應普嘏默祝

吳恩宏

齋居卽事恭依

皇考詩韻

盼捷南望憂思深威宣指日熄羣陰狼貪犬獠真堪  
恨猶幸鄰疆尙未侵

詣齋宮作

聖學聖方略卷首

四

致齋默禱

上天仁渥澤連朝佑下民細雨霏微霑輦道濃雲灑  
覆城陰西疇敢曰兆豐歲南旅速望掃劫塵

穹宇先期欽九拜省躬敬止重

郊禋

盼信二首 七月晦日

狼奔豕突萬山中負險紫荆山必自窮峽  
峽 豬仔界雙



峯抗難破兵分五路銳齊攻壯哉烏鳥蘭向向榮謀兼

勇嘉爾賽賽尙鄒鄒鳴才濟忠權有攸歸師可克威

揚邊徼重元戎

罹劫吾民堪浩歎冥頑梗化罪難寬因除巨憝武非

贖迴思庸臣心可寒默額

蒼天事機順速望黔庶室家完未能繼

志空揮淚七字增慚敢慰安

粵西自逆匪竄擾以來前撫臣鄭祖琛始失之庸懦

勦平粵匪方略卷五

五

勦平粵匪方略卷六

六

無能因循畏葸繼之以李星沅推諉粉飾以致蟻屯

川險隘賊勢負嶠實在情形縷陳明晰七月二十五

日據奏烏蘭泰攻擊新墟向榮等分路進剿大獲勝

仗又繪具紫荊山圖並各屬勦賊稟報緣由此股賊

匪自中坪新寨回竄紫荊山內花雷等處前以新墟

為門戶後以豬仔峽為門戶烏蘭泰謀定後戰號令

嚴明向榮一路應期攻勦連破五寨直抵豬仔峽賽

尚阿調度有方事權歸一所望即日攻破豬仔峽並

新墟捷報現在民知愛兵知衛將撫臣鄒鳴鶴辦

社稷壇禮成敬述恭依

皇考乙酉詩韻

右壇虔報謝九拜荷

恩洪稔歲襄

坤德銷兵普厚功靖安人永慶綏屢

眷維隆責實應知愧未能成告豐

季秋朔日

今歲寒飈為秋閏菊晨欣值啟霜晨盼捷那忘師旅

勦平粵匪方略卷六

六

苦輸忠蹇蹇憶王臣

九日登延春閣述懷兼示諸弟

去歲圓明今紫禁兩逢重九暗增悲况當獨坐揆筭

候恍憶連鑣試馬時每歲秋苑西試馬親承笑撫今憶昔昆弟同深追慕色

雲嶺西瞻霜露換瘴鄉南睨羽書馳豈能無意酬佳

節惟看菊芳砌畔滋

詣齋宮作



盼捷南荒未輯戎下民昏墊又豐工今年二麥幸豐

稔戒滿思愆惕藐躬

壬子春帖子詞 以下壬子

東郊和藹啟青陽歲稔河平民更康盼捷彌殷敕宵

吁恰逢喜氣在南方 明歲元旦喜神正南方

詣齋宮作

小醜跳梁已兩歲未能繼

聖學聖方略卷

七

志愧無遑心股盼捷希

昭鑒益慎體乾宵吁慶

祈穀禮成有述

岩薨

寶殿陟三登捧璧夔夔若弗勝早靖兵戎希

厚貺時調暘雨驗休徵韶咸節中羽于舞燔燎明通翬

翠燈欲退屏營增敬畏初心惟益勵兢兢

齋居述志

雖獲時霖二寸餘關心稼穡倍憂予豐工難復賊難

滅繼

志安民願未舒

感述

匆匆廿七月含淚又西行馭世慚無術南荒賊未平

欲詢萬民苦敢懈一心誠受

聖學聖方略卷

八

命恩難述恫瘝繫我情

郊行述悶

啟蹕霜辰 是日霜降 路指東

山陵初謁典攸崇時殷民瘼詢疆吏仰企

祖功惕寸衷遲漕推原咎在朕成災豈忍責羣工楚南

赤子有何罪除逆安良叩

上穹

初冬至倚虹堂作

拂暑石衢由還宮祀事修戢戎赦民劫先稟一誠求

齋居述志

雪瑞連番荷

昊慈嚴恭三日致齋期籌農盡職庶無忝繼

志承先勉有為警寐投籤追景行下帷得句惕深思

天心厭亂銷民劫楚省佳音莫再遲

聖學聖方略管

九

詣齋宮作

抒敬先期禮率躬鯨音動處惕淵冲事

乾父必信之篤惟願荆南早戢戎

春帖子

玉律青陽展軍興二載過春祺布寰宇渴望矜么麼

東郊喜氣敷和德西苑嘉賓侑綺筵南服未能同此

樂北辰環拱懷乘乾

癸丑元旦試筆成什 以下癸丑

開筆迎韶率言吉元正例有冠吟篇三冬雪潤豐堪

卜大地陽回捷速傳

昊取

祖恩心對越金甌玉燭祚縣延途長益勵思兢惕鞏固

丕基勉紹

先

聖學聖方略管

十

詣齋宮作

感幸新正渥澤敷二日得雪安民除暴乏良圖南河佳信

軍營捷屈指郵傳刻莫逾

羣邪正熾劫深重又屆祈年倍敬寅雖彼喪心甘作

孽胥子撫育負

天慈

先農壇禮成述志恭依



皇祖丙辰詩韻

躬耕

家法民天重初莅

青壇祀典崇九拜致誠希

鑿佑四推盡禮奠綏豐優霑應候符農望承

貺加修惕我衷懷保心股消劫運勵精慎始必期終

詣齋宮作

欽定剿平粵匪方略卷首

十一

春澤幸霑邪未靖吁宵傲湯撫瘡痍盡微忱庶邀

天貺殄醜安民莫再遲

兵疲賊縱已三年德薄深慚負

上天三捷雖聞敢言慰師和勦戮皖江連

詣壇齋宿愧尤增

考願難符懼弗勝宥密思愆加慎勉

併恩普錫萬方承

閱報忽傳破賊營感深隕涕愧交繁大軍或可獲全

捷尙未聞克復揚州默禱

皇穹惠下氓

自警一首恭依

皇會祖宴坐齋中偶爾成詠詩韻 七月二十一日

兢業承

基始二旬治平務本必修身因循力挽開誠切邪逆難

欽定剿平粵匪方略卷首

十二

消望捷類迴憶前非期寡過欲圖集事在多人寸心

敬肆時毋忽猶恐祈

天念未真

中秋夜延春閣望月述懷

一半清秋色銀蟾分外明深宮切民瘼遠帳動鄉情

萬井心期定三城賊未平晉疆邪又蔓泣額

吳恩宏

自述一首恭依

皇祖詩韻 八月十六日

德薄垂裳愧邪源何日清三年勞衆力五省聚雄兵  
籌筆那知瘁敕幾敢不誠羣期除畛域定可掃欃槍  
敬頌

天恩重深辜

考願宏誰無肯堂志隕涕意難平

聖學聖略卷

十三

癸丑嘉平月朔開筆書福卽事述懷兼示軍機大

臣恭親王等

又臨開筆月嘉平小醜稽誅未廓清章奏雖繁鮮濟  
實將心難合枉多兵祇慚感奮激無術惟頌

仁恩冀有成夙夜所籌樞務重助勦有賴是諸卿

喜雪用蘇軾題北臺壁韻 十二月十四日

傍晚飄蕭瓊葉纖

吳恩感格懷

精嚴定知宿潤滋原隰已報餘氛匱米鹽 是日勝保報到賊匪窮蹙

情形列戍披堅寒毳帳下簾忍凍念茅檐消兵豫救應

加奮 勝保奏連日勦辦靜海獨流逆匪情形諭令今歲總期勦滅淨盡勝保屢次督兵擊賊奮勇必

能副朕委任之專仰冀 吳蒼垂 馬 上飛綿點帽

尖

甲寅元旦養心殿明窗開筆因成八韻 以下甲寅

聖學聖略卷

十四

例事明窗每歲朝無多欣慰惕乾饒時敷膏澤周羣  
姓日益都俞望庶僚霖霖鱗原知透潤玲瓏鴛瓦未  
全消宜人宜麥歡閭里惟敬惟勤敕吁宵三白占豐  
符臘底五城定亂及春詔將心和合兵心奮民氣安  
恬沴氣凋已兆有年田積雪聊酬佳節壁題椒圖懸  
瑞應看絲繒福逮曾元仰

聖堯

緙絲三星圖 皇曾祖製贊併宋人三星圖亦曾集經書成句 題贊



甲寅春帖子

從來七日慶宜人雲色相將送早春佇見紅旗三捷  
喜冀安黔庶一心真

為民祈歲值前齋

大祀必躬益惕哉染翰豈因資賞玩渴望喜報共春來

詣齋宮作

大祀必誠承

欽定剿平粵匪方略卷首

十五

父訓禮隆祈歲額

天恩惟期布澤消民劫兢業思艱治道敦

肅駕法宮閱軍報獨流鎮攻克戮盈千猶虞奔竄滋

他患感懷交縈豈慰焉

祈穀壇禮成有述

日且日明欽

帝載上辛

大祀啟初韶終慚分獻非躬獻且喜花飄是雪飄千畝

雲屯預決洽三成燈朗陟岵冀尤祈兵靖消民劫盼  
捷憂思吁復宵

詣齋宮即事成什

春膏未符望自省咎維多敬額時敷澤尤期早戢戈

勤修政治順感召地天和

穹宇先期叩優霑候不訛

欽定剿平粵匪方略卷首

十六

祈穀禮成敬述

上辛初祭致恭寅捧璧升香率盛儀五省速戡師旅

順萬方更祝雨暘時春耕秋穫期無忒夕惕朝乾勉

有為敬誌七言達忱悃

天恩

祖佑一心知

皇考聖製壬辰季夏行

大雩禮詩有焦枯一洗處皆同之句今歲雨澤愆期幸

蒙

昊貺大霈時霖寅感之餘彌增懷惕因衍

聖製詩得絕句誌喜 以下乙卯

印繳乾清纔告功焦枯一洗處皆同從知

降鑿消邪逆敢弗加修答

貺鴻

聖學方略卷

七

有憶和杜甫韻

水深魚自躍林靜鳥呼羣引興湖山景繫心江楚軍

飛章來遠驛極目豁秋雲卻憶書齋樂開編晤舊文

曉行馬上得句

靄靄淡煙橫石衢若砥平吉金宜磬控宿夢喜滋萌

雲裏嚴城峙林端曉旭明那忘師旅苦憂思達軍營

示志

代天司牧者惟願寰區安一夫弗獲所飢溺切恫瘝

矧茲兵未戢竭力旋乾坤籌戎罔敢怠立志拯民艱

昕夕時渴望渴望在得人方伯與卿尹布政同憂患

黽勉尙虞愒優游誠厚顏不惑脚跟行毋忘訓諄諄

還宮卽事截句

帝城景物實繁華胞與爲懷本一家更願

上蒼赦民罪速戡軍務捷聞遐

聖學方略卷

六

放舟

蒼蒼暮色四圍天福海揚舲興渺然序屆小春欣布

暖波澄新霽靜含煙幾曾清暇一心豫卻憶哀鴻中

澤憐稍喜廬城聞克復楚江更盼捷音連

南郊禮成敬述

履長欽報本

郊祀懷躬承律協黃鐘籥燔明翡翠燈除邪馳露布沐



澤望雲凝捧璧誠先達還洎愧未能

除夕

昨日春方至今朝歲又除垂裳勤政治敏學驗居諸  
縱使陳芳宴依然盼捷書聲聲喧竹爆豐歲叶維魚

丙辰元旦開筆成什 以下丙辰

咸豐六載春王月運幹虞廷

授

聖學匪方略卷

九

受年

祖

考仁恩昭鑒佑孫臣兢業懍仔肩萬方多稼倉箱足三  
捷飛章江楚連元旦明窗循例事更逢時玉潤原田

祈穀禮成敬述

齋不隔年承

聖訓次辛

郊祭一衷誠雨暘敬額符時若稼穡虔希普順成願我

何修能沐

眷今歲孟春上旬屢降瑞雪實為罕逢念茲罹劫願銷兵

上天

祖

考欽臨鑒福錫無疆惠庶氓

藕香榭放舟至鑑遠堂作

聖學匪方略卷

三

蘭橈緩放暮春天浩浩波光斷復連靜室樓陰雲外  
疊玉峯塔影鏡中懸時臨晉禊愜幽賞柳似唐隄冑  
曉煙御世鴻猷殷鑒遠籌戎莫釋百憂煎

靜明園卽景

山館暫停驂虛明足靜耽幾村煙樹羃萬象水天涵  
上界真標勝靈源待布甘林泉豈幽契籌旅憶江南

延春閣對雨 三月五日

微雨不成寸霑濡亦足欣無聲如膏潤應候散絲紛  
望歲心仍切籌戎憂正殷是日接閱文煜等奏報瓜州逆匪竄出兵多潰散憤

青壇將肅事沐澤利耕耘

福海泛舟

熙春上苑實佳哉鼓棹尋詩數往回似鏡中行金浪

曼如天上坐翠屏開如坐天上御舟名也書催廣艇騰驍將現由

粵學方略卷

三

廣東省屈募紅單船赴江南助勦 思濟巨川用巨材水態雲容呈畫

本斜陽東望是瑤臺

孟夏八日

常 粵禮成敬述

愆陽彌月滋臣咎龍見而

粵懼弗勝希膏麥苗免饑饉惟

天

祖

考式臨憑

鴻恩幼子千春慶

默佑深衷一敬承直省干戈何日靖虔祈洗甲喜音徵

雨霽

芳林雨足透朝曦林滿山前浪滿池浪影似金兼似

鏡林容如幄復如帷堪欣肅又蒙庥永恰對華滋得

粵學方略卷

三

句宜戎馬倥傯溼地清遊尙憶羽書馳

上下天光對雨

平湖鶯望夏如秋竟日滂沱灑未休煙色四圍迷遠

岸泉聲萬斛瀉高樓雲飛南浦情無極簾捲西山句

好酬千里陰晴雖有異久征將士使予愁

七夕立秋

夏潦微妨稼與禾疆臣屢報變遷河兵行勇練胥民



力每憶罹災愧更多

仲春福海晚坐 以下丁巳

柳眼桃頭候不遙御園風景近花朝夕嵐層疊排青

嶂春水蒼茫展碧綃有會鳶魚皆蕩蕩無勞柑酒慰

寥寥蠓窓坐對新蟾皎塵念維揚廿四橋 德興阿軍營駐揚州

齋宮卽事 丁巳立夏日

邪氛尙熾皖江連迴憶軍興越七年潤麥銷兵占叶

欽定剿平粵匪方略卷一

三

吉惟祈

吳眷速殲旃

欽定剿平粵匪方略卷一 庚戌年

道光三十年五月十九日 庚戌

上命軍機大臣傳諭鄭祖琛曰近聞廣西自去年賊首

張家詳滋事官兵不能捕獲強爲招安餘黨四散勾

結慶遠則張家幅鍾亞春柳州則陳東恩陳亞潰陳

亞分陳山豬羊武宣則梁亞九劉官生象州則區振

組潯州則謝江殿平樂則紫金山一夥皆分股肆擾

欽定剿平粵匪方略卷一

一

而陳亞潰一股爲尤甚似此盜風日熾該省緝捕懈

弛已可概見提督駐紮柳州卽爲賊蹤出沒之區何

以任其往來不加懲創難保無欺罔畏縮情事著該

撫實力查拏盡法懲辦並將廢弛捕務各員先行叅

劾責成文武員弁痛改錮習上緊會緝毋任一名漏

網

六月三十日 庚寅 兩廣總督徐廣縉廣東巡撫葉

名琛奏言查教匪會匪他省情形臣等未知其詳而廣東廣西則數年以來悉心採訪尙能知其情偽該匪祖孫習傳師徒授受雖遇案懲辦而由來既久根蒂過深梗頑不化竟若性成惟莠民妄言禍福煽惑鄉里成羣結黨玩法營私誠爲罪不容誅至良懦之民無能畏事或薄田自種或微資營生既慮其尋釁滋擾復恐其犯

聖學聖方略卷一

二

案仇攀名爲入會實以免禍若持之過急眞匪譸張爲幻多術藏身而良懦者蠢然無知每易弋獲不但激而生變且恐多所株連是查辦之時旣未便輕率而推原其始似應有區分也臣等旣確有見聞不敢稍涉欺飾奏入報

聞

七月十五日乙巳湖南巡撫駱秉章奏言廣東英

德縣匪徒李泳酬卽元寶亮於五月初二日至浚洸地方拒斃守備葉恩詔因被官兵截捕竄往廣西懷集冷坑地方占踞有欲取路連山連州劫掠並至湖南滋擾等情又探得該匪等於六月初三日前至廣西鷓公嶺搶劫現又折回桂嶺墟一帶並據嶺東營探報該匪等知楚省備禦謹嚴已由鷓公嶺竄回里松墟市臣查湖

聖學聖方略卷一

三

南永州郴州桂陽等府州所屬各州縣多與廣東廣西連界其間類皆深山密箐防範匪易該匪現踞之里松墟市地方離湖南江華縣濠界卡所止五十餘里堵截尤關喫緊該匪等又有來至湖南滋擾之語一經粵省官兵兜捕難保不竄入楚境臣已飛咨署永州鎮臣谷韞琛並飭衡永郴桂道張其仁會督印委文武各員帶



同兵勇駐於濠界卡所此外界連廣東廣西各

要隘一律嚴密堵禦並飭各屬士民舉行團練

併力協防遇有賊匪竄至立即兜拏臣仍當留

心查察如須添兵堵捕再行酌覈辦理奏入

上命軍機大臣傳諭駱秉章曰廣東英德一帶賊匪聚

集多人戕官滋擾並有欲往湖南之語湖南之永州

郴州桂陽等府州所屬多與廣東廣西連界該匪等

剿平粵匪方略卷一

四

一經粵省官兵兜捕勢必竄入楚境况該匪踞住之

里松墟市距江華縣濠界卡所僅止五十餘里堵截

尤關喫緊該撫務卽督飭鎮道管帶兵勇於毗連各

要隘處所嚴密堵禦並飭各屬士民互相保衛遇有

賊匪竄入立即兜拏解究總期官民聯絡防守森嚴

庶匪徒無隙可乘楚省甫當勦捕之餘地方已不堪

擾累萬難任其再肆蹂躪該撫宜如何盡心籌防以

副委任耶

八月初三日 壬戌 廣西巡撫鄭祖琛奏言 臣前經

奏請

陛見欽奉

諭旨著俟軍務告竣再行奏請現在楚粵軍務業已告

竣惟粵西地方此時緝捕一切正當緊要且藩

司張雲藻業已進京 臣未敢拘泥遽請北上合

剿平粵匪方略卷一

五

無仰懇

聖恩俯准 臣俟張雲藻回任後趨叩

闕廷躬聆

訓誨以遂瞻戀之私奏入

上諭內閣曰廣西緝捕正當緊要鄭祖琛著俟藩司張

雲藻回任後察看地方情形再行奏請陛見

初六日 乙丑



上命軍機大臣傳諭鄭祖琛曰近聞廣西流賊滋擾知縣受偏身死平樂協副將伊靈阿富賀營都司李慶什千總劉大剛勞玉榮聞風逃竄並閉城不出等情著鄭祖琛督飭該管地方文武各員迅卽分投勦捕悉數殲擒毋任一名漏網並嚴查知縣鶴年因何自盡伊靈阿李慶什等畏葸縱賊各情據實具奏

初八日丁卯廣西巡撫鄭祖琛廣西提督閔正鳳

聖恩方略卷一

六

奏言象州賊匪於七月十九日竄入平樂府屬之修仁縣境因城角缺口擁入城內拒傷委員兵壯人等又竄至荔浦地方勢甚猖獗該二縣四通八達且距省城僅止二百餘里若裹脅日衆必致滋蔓難圖臣現派兵前往勦捕惟該處路徑紛歧水陸隘口均須防守本省兵力較單不敷分布必須鄰省撥兵助勦方能合力進攻

應請

飭下督臣徐廣縉酌調廣東標兵一二千名迅速帶赴廣西會合夾擊以期早殄逆氛奏入

上命軍機大臣傳諭鄭祖琛閔正鳳曰廣西盜匪充斥節經降旨責成該撫會同該提督督飭所屬文武合力兜擒毋任此孽彼竄茲據鄭祖琛等奏稱盜匪由象州竄入修仁縣城拒傷委員兵壯人等又竄至荔

聖恩方略卷一

七

浦地方該二縣距省僅止二百餘里亟應防其分投竄擾該撫迅卽催提各路官兵親自帶往會同閔正鳳督飭文武員弁分路兜擒毋令偏近省城絕其逃竄後路一面解散脅從曉諭安撫免致愈裹愈衆滋蔓難圖

上又命軍機大臣傳諭徐廣縉曰盜匪擁入修仁縣城並竄至荔浦距桂林省垣甚近深恐裹脅愈多稍事



遷延卽難撲滅且各州郡匪徒竊發到處須防勾結其界連廣東各地方尤恐蔓延亟應及早兜拏免致勞師糜餉該督前經奉

旨校閱營伍應卽前赴廣西著於接奉此旨後迅赴廣西會同鄭祖琛閱正鳳督飭文武員弁不分畛域合力勦辦並先酌調廣東各標官兵一二千名派員管帶分起兼程前往會勦應用軍需該督卽行籌畫撥

聖皇聖方略卷一

八

解

上又命軍機大臣傳諭徐澤醇曰前任雲南提督張必祿由京回籍現在行抵何處著徐澤醇迅卽查明傳旨飭令該提督馳驛前往廣西會同徐廣縉鄭祖琛等勦辦盜匪毋得稍有遲誤

十一日庚午鄭祖琛閱正鳳奏言臣等連日接據探報賊匪由修仁竄至荔浦數日之內連陷兩

城肆行滋擾該處與陽朔交界距省城甚近路徑紛歧亟須嚴密堵禦臣鄭祖琛現已出省卽相度地勢擇要扼紮一面勸諭紳團協力防守一面督率兵勇實力進攻惟又接據柳州等處稟報右江各屬盜風四起股數甚多本省兵力本單各處紛紛告警籌防籌勦實有顧此失彼之虞應請

聖皇聖方略卷一

九

旨飭下鄰近省分選派得力兵勇迅速來援勦辦方易得手至此大賊匪竄入荔浦縣城雖據該署知縣薩畢圖稟稱該員探聞賊匪將近卽親赴各鄉招集團練致令賊匪倉猝入城究屬疏於防範應請

旨將署荔浦縣知縣薩畢圖先行革職以示懲儆至該員所稱是否屬實及修荔兩縣文武下落容臣



等查明再行辦理奏入

上命軍機大臣傳諭徐廣縉鄭祖琛閱正鳳曰賊匪於數日之內竄擾修仁荔浦兩城實堪痛恨鄭祖琛現已出省親往督勦計徐廣縉接奉前旨亦當兼程馳往著即督率在事文武激勵將士奮力攻勦四面兜捕該處距省垣甚近萬不可再令分竄致有疏虞該匪等股數不一同時並發必有渠魁詭謀分我兵力

聖學聖方略卷一

十

須先訪明盜首何人設法擒獲並廣張告諭懸賞購緝散其黨與自可一鼓成擒該省兵力較單若待鄰省紛紛徵調誠恐緩不濟急該督撫務即勸導本處紳民互相團練藉資捍禦必須剴切詳明鼓其忠義之氣其有固守城鄉俾賊匪無從竄越或能奮勇殺賊斬馘立功者即著該督撫破格奏請施恩從優獎敘庶兵民協力同心賊匪速就殲滅儻因兵少盜多

分勦不及即著飛咨貴州酌調官兵赴粵協勦該督撫於勦辦修仁荔浦賊匪時仍當嚴飭各路文武員弁探明賊匪股數分投兜勦併力殲擒毋令彼此竄突勾結致釀巨患著荔浦縣知縣薩畢圖據稱赴鄉集團堵禦致盜匪倉猝入城著先行革職交該督等查明是否屬實再行覈辦修仁荔浦兩縣文武下落即著迅速查明具奏

聖學聖方略卷一

十一

上又命軍機大臣傳諭徐廣縉曰近聞廣西提督閱正鳳專講應酬於紀律運籌一無所知駐紮柳州按兵不出賊匪逼近府城住及一月日無提督著徐廣縉秉公確查該提督於土匪肆擾之時如果縱賊養寇畏葸無能即行據實嚴參懲辦毋稍瞻徇

二十五日甲申鄭祖琛閱正鳳奏言賊匪竄擾修

仁荔浦兩城經官兵圍勦旋即退出踞守青山



復由青山竄至修仁荔浦所屬之四排地方勢極糾紛必應四面兜剿遏其奔突之路方可聚而殲旃鄭祖琛現駐平樂府城居中調度一面激勵將士紳勇合力兜擒兼顧省防其上林明江武緣等處盜匪滋擾並分派弁兵剿捕至修仁荔浦文武各員當賊匪竄近各該縣時並未先事豫防設法堵禦致令賊匪先後竄入城內

聖諭方略卷一

十三

肆行滋擾實屬咎無可辭相應請

旨將署修仁縣知縣劉益謨典史鍾壽森荔浦縣典史梁虹把總郭維先外委嚴正榮一併革職留於軍營效力奏入

上命軍機大臣傳諭鄭祖琛向榮閔正鳳曰賊匪竄擾修仁荔浦所屬之四排勢甚糾紛亟應認真兜剿該撫現駐平樂府城計徐廣縉張必祿先後接奉諭旨

均可馳赴軍營向榮現在調補廣西提督諒亦即日赴任著卽會商督飭文武員弁激勵將士紳勇合力兜擒其已經退出之兩縣地方務卽剴諭紳民妥爲安撫互相守助俾該匪不敢復行竄入並飭各路官兵奮力直前將青山賊巢掃穴擒渠密探股首姓名懸賞購獲一面解散脅從使賊首尾不能相應毋致此拏彼竄平樂近接省城尤爲緊要如果兵力不敷

聖諭方略卷一

十三

調遣前飭酌調貴州官兵卽著該撫迅速飛調協防毋誤事機其思恩太平等屬賊匪股數更多尤當及早剿捕並著向榮將廣西各路形勢通盤籌畫與徐廣縉鄭祖琛和衷商辦若將備中有臨事畏蒞藉詞推諉者立卽執法從事毋稍姑容署廣西修仁縣知縣劉益謨典史鍾壽森荔浦縣典史梁虹把總郭維先外委嚴正榮均著革職隨營效力



上諭內閣曰向榮著調補廣西提督馳驛前往閔正鳳著調補固原提督俟廣西勦捕事竣再赴新任湖南提督余萬清未到任以前著裕泰派員署理

二十九日戊子都察院奏言據廣西南甯柳州潯

州梧州思恩等府舉人李宜用等遣抱告何達以逆匪蝟起到處攻劫現在民不聊生紛紛逃散等詞赴臣衙門具控據稱近年以來慘遭匪

聖皇聖方略卷一

十四

毒自上年四月至本年五月匪首張家詳楊撈家等搶劫南甯府左江柳州府右江等處以及桂林府濼江一帶地方均受毒害首領數百人內有廣東湖南等賊皆用紅布包頭所豎旗幟上有替天行道等字樣各項槍礮器械馬匹俱全到處焚劫村莊搶掠財物淫汙婦女稟報各上憲不過委員一二人查看情形或發兵一二

百名探賊蹤跡以致匪勢愈張官員被戕居民先後被劫共有數萬餘家又據慶遠府紳士莫子升等遣抱告莫有發以逆匪肆劫連日擾亂

等詞具控據稱匪首陳亞潰暨黃四張亞珍文亞英嚴亞汶等均各擁眾數千劫掠村墟典當殺斃男婦人口不計其數雖經宜山縣率團生擒匪首生員詹德剛一名現因兵少匪多屢禦

聖皇聖方略卷一

十五

屢潰公請設法勦滅又據南甯府宣化縣生員何可元以逆匪絕產斃命等詞具控據稱生家於上年十一月間被匪劫擄四次燒屋斃命兵差畏緝現在外匪勾連土匪日甚一日縣內被劫者二百餘村被殺者二百餘命婦女被掠者一百餘人所到之處旗號悖逆各等語臣等查該舉人李宜用等各遣抱呈訴並生員何可元



自行呈控等情案關逆匪橫行延及七府一州  
種種不法罪不容誅若不及早剿除恐脅從日  
衆滋蔓難圖大爲邊省地方之害奏入

上命軍機大臣傳諭徐廣縉鄭祖琛曰本日據都察院  
奏廣西舉人李宜用紳士莫子升等各遣抱告呈訴  
並生員何可元自行呈控逆匪橫行各情著徐廣縉  
等確切查明指名嚴拏斷不可稍有回護

欽定剿平粵匪方略一

十六

九月初七日乙未徐廣縉奏言准撫臣鄭祖琛來  
咨賊匪已竄至荔浦縣地方鄭祖琛已催調各  
路官兵親往剿辦或可剋期撲滅惟查撫臣所  
奏此外有另股盜匪十數起蔓延五府一州自  
數百至數千人不等以臣所聞恐股數尙不止  
此伏思匪股正多聚散無定全在該管府州縣  
營隨時隨地堅壁清野以絕其擄掠實力團練

以杜其勾結殊非客兵尾追三五月間所能蕪  
事且廣東現值韶州廉州兩府匪徒滋事不特  
臣勢難帶兵久駐粵西卽東省弁兵各有該管  
汛守亦難終年遠出合無仰懇

天恩特簡實心任事大員馳往專駐督辦以資補救現  
聞匪勢甚張誠恐他股匪徒聞風東竄查廣西  
梧州府與平樂府接壤商賈輻輳爲東西兩省

欽定剿平粵匪方略一

十七

毗連喫緊之區臣現在調撥兵勇擬於八月二  
十六日自廣東省城起程駐紮梧州以扼其東  
竄之路一面委員確探情形再行相機分投剿  
捕  
徐廣縉又奏言西省盜風甚熾幾於徧地皆然  
該匪等每以數十人或二三百人爲一股所到  
之處隨時勾結土匪共行搶擄往往土匪多於



外匪數倍該管文武稟報動稱有外匪一二千  
入境滋擾不思匪蹤之來去視乎堵緝之疏密  
平日既不知講求捕務實力團練直至外匪入  
境得賊遠颺搜捕零星土匪將就粉飾了事無  
怪匪膽益張愈辦愈多臣自上年聞廣西地方  
每多不靖時加查探分別飭拏屢以公牘信函  
諄致撫臣鄭祖琛嚴飭各屬認真堵捕乃屢接

聖學聖方略卷一

十八

恩味良獲罪滋深奏入

上命軍機大臣傳諭徐廣縉鄭祖琛向榮張必祿曰廣  
西盜匪蔓延五府一州竄擾廣東廣西兩省股數既

多自不能以土匪外匪之衆寡強分畛域該督身任  
兼圻兩省事宜責無旁貸既據奏稱駐紮梧州著卽  
在彼居中調度與鄭祖琛向榮張必祿和衷商推督  
同藩司勞崇光嚴飭文武員弁激勵將士紳民合力  
兜擒鄭祖琛撫粵有年未能先事豫防以致盜匪充  
斥儻不力加振作復事遷延糜餉勞師咎將誰執向  
榮接奉前旨定已星夜馳抵軍營閱正鳳侯向榮到

聖學聖方略卷一

十九

後卽著來京陛見所有各路賊匪責成該督會同該  
巡撫提督等酌量兵力迅速勦捕其廣東各屬盜匪  
滋事仍著徐廣縉等熟籌迅辦毋得顧此失彼修仁  
荔浦各縣被擾地方加意安撫並飭地方文武各員  
隨時隨地堅壁清野以絕其擄掠實力團練以杜其  
勾結不得任令滋蔓

初八日 丙申 鄭祖琛閱正鳳奏言賊匪由修仁四



排竄赴塞沙鹿寨等處經官軍攻剿斬殺賊夥約有二百餘人奪獲大小礮械火藥多件該匪逃竄維容之道江運江一帶並有另股盜匪闖入遷江縣城肆行劫掠現在臣等調集兵勇分路搜捕以期速掃逆氛不敢稍涉疏懈奏入

上命軍機大臣傳諭徐廣縉鄭祖琛向榮張必祿曰廣西賊勢業已蔓延卽偶獲勝仗豈遂足以挫其逆鋒

欽定剿平粵匪方略卷一

二十

著徐廣縉仍遵前旨調派官兵分路嚴防乘機痛剿勿任其竄逸勾結尤須地方紳士商民協力同心庶衆志成城勦辦更可得力著徐廣縉等出示剴切曉諭激以大義並遴派賢員廣爲勸導如紳士商民中有能自爲團練並出貲協助有裨軍需者旣可自衛身家卽宜量邀甄敘事竣著該督撫查明奏請優加獎勵以爲好義急公者勸

上又命軍機大臣傳諭裕泰略秉章喬用遷曰現在廣

西盜匪滋擾股數甚多本省兵力不敷堵剿著裕泰略秉章卽於湖南鎮筸等標營選派精兵二千名揀選得力將弁分別管帶迅速馳赴廣西聽候徐廣縉等調度並著喬用遷於貴州等營豫爲揀選精兵二千名遴派將弁管帶以備調撥

上諭內閣曰廣西匪徒滋擾現已調派各路官兵合力

欽定剿平粵匪方略卷一

三

勦辦所有應用軍需著略秉章於廣東前解湖南省銀二十萬兩內酌撥銀十萬兩迅速派員解赴廣西並著戶部再行籌撥銀一二十萬兩迅卽解往以濟要需

同日兵科給事中袁甲三奏言廣西盜賊充斥蠻屯蟻聚已非一年該撫鄭祖琛專務彌縫查八月初三日該撫會奏稱軍務告竣請俟播司



張雲藻回任後來京

陛見其去馳奏修仁荔浦等縣失守之期不過十數日如謂十數日前毫無見聞則膜視封疆形同木偶罪何可逭若明知藩司久病必難回任僅以一請塞責其居心詐偽更屬不堪臣又伏讀八月內兩次

諭旨修仁荔浦等縣文武各官暫行革職隨營效力此

聖學聖方略卷一

三

係兩縣債事員弁失守城寨律有常刑不識鄭祖琛若何陳奏曲為開脫復請隨營效力為後日邀

恩地步墮軍民之志氣長寇盜之兇威貽誤兵機莫此

為甚且廣西統轄十一府今有八府紳民李宜用等航海叩關匍匐

闕下則民不聊生通省之糜爛已可概見可否明

降

諭旨嚴詰鄭祖琛象賊醜亂之由與其前後奏詞欺飾支吾之故並

飭令兩廣督臣徐廣縉嚴查死事諸人是否被戕抑係畏難自盡其失守倖生之員弁不准隨營效力查明應拏問者即予拏問應正法者即奏請軍前正法儻該員弁於起事之初曾經稟報該撫

聖學聖方略卷一

三

而該撫有抑勒不辦情事准其據實申訴大振文武積玩之心盡紓閭閻憤怨之氣雷霆一震聾聵皆驚烏合之寇不足平也奏入

上命軍機大臣傳諭徐廣縉曰袁甲三奏廣西盜賊充斥該撫鄭祖琛專務彌縫迨經叅奏查問覆奏尙涉含混至失守二城以後又復將債事員弁奏請革職隨營其八府紳民航海叩關前此豈全無見聞何以



不據實陳奏種種跡近欺罔著徐廣縉按照所奏各款秉公查覈據實奏參前有旨令該督確查提督閱正鳳縱賊養寇畏葸無能等情著即將該提督如何玩誤之處一併查明嚴參毋稍瞻徇

十三日丑辛 通政使司通政使羅惇衍奏言廣東

盜風素熾而近來橫行尤甚聞本年六月間有賊匪數千人攻圍肇慶府所屬之廣甯縣城該

聖皇聖略卷一

三

知縣賂以銀二千五百兩始行解圍聲言往英德清遠一帶七月初間直犯韶州府所屬之英德縣該汛千總梁恩陞帶勇抵禦被賊擄去索銀數百兩收贖又廣州府所屬之清遠縣水陸兩路爲行旅出入所必經賊黨自七月十五日爲始在各隘口公然設廠攔截往來船隻行李以收重稅蝟起鷓張日無官長如此該賊頭目

有陸和李和李法善黎東狗單眼德大鯉魚大

頭羊等名目號爲八千子弟與廣西勾通一氣

槍礮器械各極精良肆行無忌年來未聞地方

官嚴辦一案馴至賊匪無所畏憚推原其故皆

由提鎮賣缺肥已參遊都守扣餉虐兵府廳州

縣縱盜殃民前任封疆大吏已養癰貽患今該

督撫業經奏派提督臬司等官前往會剿但恐

聖皇聖略卷一

三

游寇出沒靡常黨類日衆而官兵單弱難操全勝相應請

旨責成該督撫添設兵勇剋期剿捕不准一名漏網並

嚴飭所屬文武員弁激發天良爲民除害務必

不分畛域盡數查拏毋得稍有諱飾

同日鴻臚寺卿呂賢基奏言廣西省領府十一

而匪徒蹂躪之區已近十分之七居民逃避紛



紛迄無安土若不亟為撫綏其孤弱者必轉壞  
溝壑其強黠者且竄入賊黨則為害愈大今日  
平賊之法宜以保民固本為先務安民之道無  
他恤死亡撫流離而已至於反側之徒譬不畏  
法弱肉強食誠堪痛恨業已調兵合勦方期掃  
盡賊氛然該省山峒繁多林箐茂密在在皆遁  
逃藪若分兵四出而兵力稍單則賊匪愈奔突

聖學聖方卷一

三

郡縣愈殘毀所謂救火而噓之也且臣尤有慮  
者脅從漸多則滋蔓漸廣要必先解散其脅從  
而後可以擒渠魁何者今日脅從之民皆前日  
之赤子也其勢迫於無可奈何遂苟且以延殘  
喘耳其初未嘗有從匪之心其後未嘗無自新  
之念則凡脅從者皆可矜之屬也唐德宗時朱  
泚等自作不靖遠近騷然陸贄勸德宗宣布赦

書宥其脅從百姓山東士卒感泣李抱真見之  
以為人情如此賊不足平也其後賊果平可見  
脅從之眾尚有天良全賴在上者有以激發之  
耳

皇上若宣布德音痛斥侵漁之吏深憐愚昧之民剴切  
曉諭使知

聖主御宇之初正凡庶維新之日脅從者果能革面洗

聖學聖方卷一

三

心去逆效順即飭地方官咨送原籍令其各歸  
故土各守本業斯小民咸曉然於

皇上德威交濟之妙用而無有梗化於其間者臣請以  
漢光武時事證之建武十六年郡國羣盜並起  
發兵追討則解散去復屯結後乃遣使者下郡  
國聽羣盜自相糾擿五人共斬一人者除其罪  
凡牧令守長皆聽以擒討為效但取獲賊多少



為殿最惟蔽匿者乃罪之於是更相追捕賊並  
解散郡國晏然此其明效大驗載在史冊相應  
請

旨飭下兩廣總督徐廣縉督飭該省文武官員同心效  
力以獲匪多少為賞罰庶幾匪徒即可殲除均  
奏入

上命軍機大臣傳諭徐廣縉曰呂賢基奏廣西匪徒滋

聖學聖方略卷一

天

擾情形一摺剿賊之法以保民固本為要必先撫恤  
流離解散脅從使賊勢日孤則渠魁易獲其平時地  
方官因何肇釁必應確切查明懲辦庶羣情翕服志  
切同仇辦理賊匪可期迅速肅事著徐廣縉按照摺  
內所指各條悉心體察有無可採之處斟酌妥辦又  
羅惇衍奏廣東盜風素熾近來尤甚圍城勒索設廠  
收稅賊目有陸和李和李法善黎東狗單限德大鯉

魚大頭羊等名號為八千子弟與廣西賊匪勾通一  
氣皆由提鎮賣缺肥已參遊等扣餉虐兵府廳州縣  
縱盜殃民等語著徐廣縉迅速添派兵勇剋期剿捕  
並嚴飭所屬文武盡數擒拏不准一名漏網並查明  
文武各官養癰貽患實據嚴行叅辦

同日

上諭內閣曰廣西各屬盜匪充斥先經竄擾修仁荔浦

聖學聖方略卷一

天

兩縣其另股匪徒復又闖入遷江縣城各地方被其  
蹂躪民不聊生朕甚憫焉業經降旨令徐廣縉帶兵  
馳赴廣西並起張必祿於四川調向榮為廣西提督  
會同該撫鄭祖琛迅籌剿辦並諭知湖廣貴州各督  
撫揀派精兵協剿惟廣東亦有游匪滋擾現經提督  
臬司前往勦辦儘令該督久駐粵西恐有顧此失彼  
之虞朕矜懷南服民生一日不安朕心一日不釋前



任雲貴總督林則徐先經疊次宣召尙未來京著卽  
作為欽差大臣頒給關防馳驛迅赴廣西會同鄭祖  
琛向榮張必祿督率藩司勞崇光悉心勦撫徐廣縉  
俟林則徐到後會籌周妥再回廣東專辦該省游匪  
其未到以前仍著徐廣縉等認真堵勦協力籌辦不  
得以特派有人稍存推卸之見林則徐受

皇考簡任重恩前在雲南辦理漢回軍務迅速歲事朕

聖學聖方略卷一

三十

所夙知著卽星馳就道蕩平羣醜綏靖巖疆毋違朕  
命

十六日甲辰徐廣縉葉名琛奏言廣東英德等縣

游匪滋擾現在調集兵勇殺斃賊匪二百三十

餘名內有頭目九名該匪等分股竄匿經候補

知府史樸與署遊擊蘇崇額並參將齊誠阿等

帶兵夾擊因佛岡鄉民導引不諳紀律一遇賊

匪卽紛紛逃回以致衝散隊伍文武員弁同時

被困旋復回營現在賊匪出沒數縣毗連界內

臣等惟有嚴檄官軍視賊所向迅速殄除奏入

命軍機大臣傳諭徐廣縉葉名琛曰匪徒圍困官兵

殊堪髮指非大集兵力四面兜勦不能迅就撲滅徐

廣縉現在未能前往廣西著卽專辦廣東軍務務須

督飭提督祥麟臬司祁宿藻嚴飭文武員弁相機設

聖學聖方略卷一

三十

法分別堵勦所有水陸各隘口尤須加意嚴防勿令

東西兩省匪徒勾結蔓延並當斷其接濟解其脅從

迅速進攻一鼓殲擒剋期蕩事候補知府史樸等輕

進失利均暫行革職仍責令隨營效力參將齊誠阿

是否有意遷延著該督確查叅辦至該省佛岡鄉民

情願幫同擊賊用爲前隊何以一遇賊匪卽紛紛逃

回致令官兵受困是否不諳紀律抑係勾同誑誘致



墮衝中鄉民導引勢所必需但須洞悉情形確有把握方能得力著諭知帶兵各員臨事制宜不可稍存大意

十七日<sub>乙巳</sub>

上命軍機大臣傳諭駱秉章曰廣西修仁荔浦兩縣賊匪滋擾雖距湖南地面較遠但經粵省勦捕難保該匪不竄入楚境現在向榮調任廣西想已帶兵赴粵

聖諭方略卷一

三

著該撫會同署任提督文安嚴飭所屬各營縣扼要防範如探明迎勦得手卽著不分畛域跟蹤追捕合力兜擒以期迅就撲滅

十八日<sub>丙午</sub>徐廣縉奏言查西省盜匪東奔西竄

廣東肇慶府屬處處犬牙相錯必須派撥弁兵防守要隘因封川縣地方與梧州府相距僅五十餘里一水可通最爲扼要先經派委參將崔

大同知州郭超凡會帶弁兵前往防堵又委副

將齋清阿帶兵駐開建參將左忻帶兵駐廣定

參將丁振剛帶兵赴梧州至勦捕英德佛岡等

處盜匪除三江協南雄協各營早經調撥外嗣

由提臣祥麟督帶提標兵丁一千名續又酌調

督撫二標及廣協兵丁共八百名並調惠州永

安營兵丁共五百名分起前往堵勦蓋盜匪本

聖諭方略卷一

三

由西省裹脅而來誠恐捕拏嚴緊該匪等仍復潛行竄回與西匪合而爲一轉致愈難捕除必須於東西兩省相通要路豫爲派兵堵截方可相機圍捕是以徵調較多現在廣東英德佛岡等處疊經飛咨提臣祥麟並飭臬司會同迅速設法堵勦一俟續調之兵勇到齊撫臣葉名琛擬卽於九月上旬親往督辦海疆省垣較之西



省各縣尤為緊要亦必須一人駐守控制方能  
鎮靜臣更未便先期遠離總之臣統轄兩省責  
任綦重不得不權其緩急通計熟籌以免顧此  
遺彼奏入

上命軍機大臣傳諭徐廣縉葉名琛曰粵西匪徒分竄  
縣城粵東英德一帶賊匪亦甚猖獗徐廣縉駐守省  
垣用資控制葉名琛此時計已親赴韶州督兵追捕

聖學聖方卷一

三

務須擇要防勦勿使兩省賊匪合而為一轉致愈難  
翦除一俟追勦得手即將現辦情形由驛具奏粵西  
軍務該督亦須兼籌熟計迅奏膚公以慰朕念

二十二日 庚戌

上諭內閣曰前任廣西提督閔正鳳以武職一品大員  
全省營伍皆其統制當土匪肆擾之時宜如何調度  
運籌剋期督勦乃駐紮柳州匪徒偏近府城該提督

按兵不出一月有餘似此畏葸無能縱賊養寇實屬  
辜恩負職閔正鳳著即革職來京聽候查辦

二十七日 乙卯 鄭祖琛奏言廣西修仁荔浦賊匪

經官兵轟擊殺斃多名而賀縣地方游匪竄入

昭平分為兩股膽敢圍困官兵以致將士傷亡

不少其明江匪徒竄擾龍州該州同知王淑元

不知下落其官親家丁同時被戕千總家屬亦

聖學聖方卷一

三

被擄去 臣現已飛飭官軍分路進勦力遏寇氛  
奏入

上命軍機大臣傳諭鄭祖琛向榮張必祿曰廣西游匪  
由賀縣竄入昭平分股圍困官兵覽奏實深憤恨其  
明江匪徒竄擾龍州戕害該廳官親家丁尤堪髮指  
已飛飭雲南督撫迅調官兵二千名馳往應援並諭  
知林則徐兼程赴粵督勦著鄭祖琛向榮張必祿會



同妥籌督飭文武激勵兵勇迅速勦辦不可稍事遷延並分咨鄰近各省不分畛域實力協勦其已就戮除各匪地方尤須安撫居民毋令失所龍州同知王淑元並千總家屬如何下落及龍州倉庫監獄有無疏失一併查明具奏

上又命軍機大臣傳諭林則徐曰粵西游匪四出滋擾亟應厚集兵力大加懲創林則徐前已有旨授爲欽

欽定剿平粵匪方略卷一

三

差大臣頒給關防計已迅速馳往屢接粵西馳奏總以賊多兵少股數不一鞭長莫及爲辭未見其因地相機扼要布置現在貴州湖南雲南各省調兵赴粵已有六千餘名林則徐惟當通盤籌畫酌量地勢遠近賊數多寡遴派文武各員分投進勦務將大夥渠魁併力殲擒其脅從各匪設法解散以期迅速奏功上又命軍機大臣傳諭程喬采張亮基曰現在廣西賊

匪猖獗該省兵力較單太平百色等處均被竄擾距省較遠策應爲難著程喬采張亮基迅卽於廣南府屬就近各標營調派官兵二千名選委明幹鎮將管帶由百色至太平龍州一帶星速馳往相機協勦毋稍延緩

欽定剿平粵匪方略卷一

三

欽定剿平粵匪方略卷二 庚戌年

十月初八日丙寅廣西巡撫鄭祖琛廣西提督向

榮奏言修仁荔浦大股賊匪竄擾武宣之三里

墟經副將李殿元帶兵進剿匪首陳亞潰率黨

渡河官兵分水陸兩路開礮轟擊斃賊多名落

水死者無算該匪奔潰潯州府知府顧元凱等

率練勇追擊斃賊二三百名次日官兵四面合

剿平粵匪方略卷二

一

攻斃匪四百餘名生擒一百餘名陳亞潰率黨

翻山逃至灣龍崗嶺一帶復經遊擊成保副將

舒春已革知縣劉益謨薩畢圖各擊斃數百名

生擒一二百名陳亞潰及其夥匪鄭廷威逃匿

無蹤其太平及右江河下另股盜匪我軍奮力

進攻該匪退怯避兵而行官軍分投搜剿斬獲

甚多匪勢渙散惟該匪或仍由土田州河道上

駛乘隙糾合均在意計之中現飭在事各員弁

一面嚴防郡城一面速籌兜捕賀縣昭平兩股

勢甚猖獗經縣丞白良棟巡檢胡成宗帶兵往

剿該逆抗拒拚死不退縱火燒山傷亡弁兵甚

多白良棟等均受重傷尙無下落其永安藤縣

平南鬱林貴縣宜山各州縣尙有匪徒四路竄

擾河池州屬亦被蔓延前調湖南雲南貴州各

剿平粵匪方略卷二

二

省官兵尙未到粵臣等惟就現有兵力妥商剿

辦以期羣醜盡殲奏入

上命軍機大臣傳諭鄭祖琛向榮曰修仁荔浦賊匪雖

經殲擒幾盡而首惡陳亞潰尙未弋獲現計向榮亦

不過甫經到粵林則徐張必祿到尤需時該撫等萬

不可因獲有勝仗稍存大意仍當嚴飭文武各員弁

督率兵練於賊所往來之處扼要搜捕懸賞購綫務



期必獲紳民有能縛獻賊首者朕必立加重賞其太平及右江河下各股盜匪勢雖退怯難保該匪等不圖糾合或仍由土田州河道上駛以乘兵勇之隙著督飭在事各員弁分投防剿以期迅就殲滅至賀縣昭平兩股匪徒抗拒燒山兵勇傷斃無數尤堪憤恨著該撫選調精兵督飭儘力攻剿嚴防分竄他處或逃回東省英德等處愈滋蔓延仍遵前旨迅速咨行

欽定剿平粵匪方略卷二

三

湖南雲南貴州將前調之兵催令管帶赴粵協力剿辦其永安藤縣平南鬱林貴縣宜山各州縣四竄盜匪並有竄至河池州屬滋擾情事亦當一併飭屬分投往剿不可顧此失彼致貽除惡未盡之患

上諭內閣曰此次連日攻剿疊獲勝仗所有奮勇出力之文武員弁著酌量保奏匪首陳亞潰現仍逃匿必當嚴密搜捕其夥匪鄭廷威並著趁勢追剿以絕根

株

十二日庚午貴州巡撫喬用遷奏言貴州與廣西毗連之都勻等府州縣現已分派兵勇防堵古州鎮遠兩鎮額兵較多均與柳州一帶相近臣與提督並該署鎮等函商古州鎮尙可選派精兵八百名鎮遠鎮可選派精兵一千二百名赴粵協剿古州鎮兵丁揀派曾經出師之署朗洞

欽定剿平粵匪方略卷二

四

營參將德安管帶鎮遠鎮兵丁由該署鎮周鳳岐督帶迅速起程臣已飛咨該署鎮等申明紀律約束兵丁不得在途滋擾一面飭司發給行裝銀兩並派員護送出境興義府屬與廣西泗城府接壤已選派兵練分駐要隘慎密防堵都勻府屬與廣西慶遠府毗連各州縣一體團練會同營汛兵丁嚴密防守惟慶遠府所屬河池



南丹思恩等州縣偏近荔波獨山等處山徑叢雜犬牙相錯要隘甚多在在應防現值廣西各路官兵四面兜剿賊匪勢必分竄都勻距省僅二百餘里臣已飭委署臬司周作楫與臣標中軍參將馬善寶酌帶得力弁兵前赴都勻一帶巡防並令周作楫順道赴興義等處查察地方情形至貴陽府屬定番州所轄大塘羅斛兩處

聖學方略卷二

五

亦與廣西南丹凌雲交界先經臣飭令貴陽府廖維勳署定廣協閃雲酌帶兵練前往防守臣仍嚴飭毗連各屬文武加意防範奮力堵捕遇有賊匪竄入立即擒拏究辦奏入

上命軍機大臣傳諭喬用遷曰廣西剿辦盜匪已據鄭祖琛等馳奏修仁荔浦大股逆匪剿除殆盡惟首惡陳亞潰現未弋獲此外太平右江以及賀縣昭平永

安藤縣平南鬱林貴縣宜山等處尚有另股匪徒四路竄擾已令鄭祖琛向榮等督飭將弁追擊該匪被追情急勢必分投奔竄且難保陳亞潰不潛蹤逃入鄰境所有黔省毗連廣西地方該撫既派委署臬司周作楫等帶兵防堵務飭各屬相度要隘嚴密巡防勿使匪徒乘隙闖入並偵探陳亞潰蹤跡一體截拏尤不可任其遠颺漏網

聖學方略卷二

六

十六日甲戌前任雲貴總督林則徐奏言臣在福建省城本籍因舊疾未痊正在趕緊醫治特蒙恩綈給臣以

欽差大臣關防令即馳往廣西接辦軍務臣但能稍離枕席即不敢藉病遷延惟有矢敵愾之夙誠冀以答

綏邊之至計現定於十月初二日由福州本籍力疾起



身查福建至廣西驛路應由閩南之泉漳粵東之肇慶前往較爲直捷臣先以臥病在籍於粵匪如何滋擾未悉情形惟當沿途訪查星馳到彼一面悉心會辦一面據實奏

聞伏求

皇上指授機宜俾得恪遵辦理奏入

上命軍機大臣傳諭林則徐曰昨據鄭祖琛奏報修仁

欽定剿平粵匪方略卷二

七

荔浦兩處大獲勝仗首惡陳亞潰現尙稽誅所調貴州湖南官兵各二千名計已先後到粵其雲南官兵二千名著該大臣卽速催調酌量分派堵剿所有軍需除本省籌款外其廣東湖南並戶部籌撥共四十萬兩該大臣仍當督飭覈實支用設有不敷著與該撫鄭祖琛並藩司勞崇光妥爲豫籌該省賊匪大肆披猖出入修仁荔浦遷江各城左右江各屬均被擾

害疊據該督撫奏稱或係外來游匪或係土匪勾結是否各股絕不相謀抑有總頭目爲之號召何以四處搶掠同時並發究竟起於何時何地文武各官有無激變情事該大臣馳抵軍營逐一查訪該撫鄭祖琛在粵有年何以無弭患未萌之策是否辦理延緩不能振作前任提督閔正鳳擁兵不出業經降旨革職仍著查明平素是否別有劣蹟據實奏貽誤地

欽定剿平粵匪方略卷二

八

方各員查明一併嚴叅其實在出力素嫻韜略或民情愛戴之員並紳士中有團練義勇互相保衛或捐貲助餉者均著該大臣查明據實保奏一切惟該大臣酌量情形辦理朕亦不爲遙制

十七日乙亥鄭祖琛奏言修仁荔浦大夥首匪逃

至賓州交界地方經遊擊成保督帶兵壯馳赴剿捕行抵黃練賊匪攔擁前來該遊擊分投抄



勦羈斃賊匪數百名生擒數十名匪首陳亞漬  
乘閒逃竄副將李殿元同知吳德徵購緝偵捕  
見有賊匪竄至豬仔紫金山經文武員弁指揮  
兵勇殺斃賊匪多名潯州府知府顧元凱所謂  
團長黎建勳首先將逆首陳亞漬擒獲委員兵  
練等並將該匪之弟陳火交一併生擒其太平  
慶遠匪股復竄永康州劫獄放囚該署州妻女  
同時被害另股賊匪竄擾河池州該知州被其  
攔截守備吏目亦被圍困現飭參將岳齡帶兵  
接應該參將所部雖屬無多臣已嚴飭穩慎進  
取協同勦洗以期得力奏入

聖學方略卷二

九

上命軍機大臣傳諭林則徐鄭祖琛向榮曰廣西逆匪  
連竄數城經該撫督飭員弁分投勦捕疊獲勝仗並  
生擒首逆陳亞漬等是修仁荔浦一股賊匪勦捕尙

能得手惟太平慶遠各屬匪股衆多現竄入永康州  
又有賊匪竄入河池州滋擾雖有參將岳齡帶兵接  
應而衆寡不敵攻擊難期制勝向榮現已抵粵林則  
徐計亦將次趕到著與鄭祖琛悉心會商所有已經  
檄調尙未到營之兵著卽飛咨提催如兵力仍屬不  
敷卽一面奏聞一面咨調其右江鎮總兵惠慶並著  
飭令相機勦捕林則徐鄭祖琛向榮三人駐紮處所  
無論分合總以扼要制勝追捕截擊俾賊匪不能互  
相糾結分竄滋擾庶可殲除羣醜迅速蕝功

聖學方略卷二

十

上諭內閣曰此次在事出力各員並紳勇人等著確查  
據實保奏修仁荔浦首匪雖經擊獲太平慶遠等處  
各股匪徒勢尙蔓延必有渠魁互相糾結務卽密訪  
嚴拏懸賞鼓勵紳民中有能縛獻著名逆首者朕必  
破格施恩林則徐計將到粵著與鄭祖琛向榮督率



文武員弁激勵紳勇掃除餘孽以靖巖疆

二十四日壬午徐廣縉奏言臣奉

旨飭將廣西巡撫鄭祖琛被參各節查覈奏參遵查廣西盜賊充斥原非一年始而勤加捕除尙不至十分猖獗自撫臣鄭祖琛抵任後專事慈柔工於粉飾州縣亦相率彌縫遂至釀成巨患卽如本年七月酌委道府分路查辦一摺臚列歷次

聖學方略卷二

十二

擒獲賊匪名數謂外盜均已分竄土匪亦漸能解散曾不踰月而修仁荔浦遷江之失事踵起賀縣知縣鶴年實係畏難自盡並非被戕至於陣亡營弁張文華等十一員則係爲賊分路抄襲以致敗北實非爲山水漲發漂沒此共聞共見之事何敢稍爲掩飾若招撫張亞詳一起則由於前左江鎮總兵盛筠苟且貽誤卽護送船

隻亦由河路梗塞行旅皆有戒心託其保護初

非官爲號令而官亦竟有時賴以伴送者總之

鄭祖琛世故太深周旋過甚祇存市恩之心全

無急公之義且年老多病文武皆不知畏服廣

西官紳卽有謂其賞罰不明人心渙散之語若

謂釀患由於該撫不令其置身事外非僅呼應

不靈轉至羣相掣肘實屬有損無益合無仰懇

聖學方略卷二

十三

天恩迅簡實心任事大員專駐督辦俾資補救奏入

上命軍機大臣傳諭林則徐徐廣縉曰本日已明降諭

旨將鄭祖琛革職命林則徐以欽差大臣暫署廣西

巡撫該大臣計可馳抵粵西所有竄擾修仁等處盜

首陳亞濱業經擒獲正法其同夥之鄭廷威一犯尙

在稽誅難保不糾合餘黨復圖分竄著林則徐專辦

廣西剿匪事務督飭在事文武務將鄭廷威並各股



首匪設法購錢檢獲庶夥匪易於解散地方迅就蕩平至廣東韶連各屬游匪滋擾亟須大加懲創葉名琛出省督勦該督徐廣縉駐省調度一切正可專心籌畫迅期肅清兩省勦捕事機總宜互相知照勿令賊勢勾結

上諭內閣曰廣西自上年以來盜賊充斥搶掠城邑分

股肆行朕早聞鄭祖琛閔正鳳廢弛貽誤疊經嚴諭

聖學聖方略卷二

十三

十四

勦辦並將閔正鳳先行革職旋據給事中袁甲三奏

鄭祖琛欺飾彌縫各情並都察院奏該省各屬紳民

赴京控告當降旨交徐廣縉秉公查覈據實叅奏茲

據覆奏鄭祖琛抵任以後專事慈柔工於粉飾州縣

亦相率彌縫遂致釀成巨案等語該撫平日如果振

刷精神講求緝捕何至粵西一省羣盜如毛數郡民

生受其蹂躪現在左右江各屬賊勢尙復蔓延該撫

年老多病文武皆不知畏服若仍令帶罪自效亦難望其振作鄭祖琛著卽革職林則徐著以欽差大臣暫署廣西巡撫督同向榮等盡力勦捕仍將徐廣縉所奏鄭祖琛欺飾各情及閔正鳳畏葸無能前任左江鎮總兵盛筠苟且貽誤並地方失事文武各員諱飾縱弛之處一併逐細查明分別據實具奏

二十七日酉乙

聖學聖方略卷二

十四

上諭內閣曰廣西各屬近來被賊蹂躪吾民顛沛流離

致多失業現在徵調頻仍兵差絡繹各處紳民猶能

舉行團練殺賊立功朕每覽該省奏報嘉尙之餘益

深憫惻因念窮黎蕩析杼軸幾空若仍令其輸納正

供朕心實有不忍所有廣西本年應徵錢糧著林則

徐迅卽遴委賢員查明被賊滋擾及官兵經過各地

方分別蠲免緩徵其已經徵收之區尤應確查覈實



辦理毋令官吏朦混滋弊林則徐務當悉心體察軫恤民艱迅速詳查具奏以慰朕懷

臣等謹案救困扶危爲利民之先務布德施惠乃治世之常經安宅有詠所以不愾鴻慈也惟我

列聖相承勤恤民隱九州之內已無不覆幬矣恭讀諭旨以廣西被賊蹂躪

欽定剿平粵匪方略卷二

十五

命林則徐查明分別奏請蠲免緩徵仰見

闔澤覃敷無俟窮黎之呼籲

德音所至感切遐陬故野人可作干城義士興歌板屋

跳梁小醜法網究難倖逃則所以得民心而

維邦本者豈一朝夕之故哉

二十九日丁亥徐廣縉奏言查賊首陳亞潰勾合

匪黨兩次攻城戕官最爲兇悍疊經官軍追擊

該匪屢次免脫日久稽誅茲經署桂平縣知縣

李孟羣署武宣縣知縣劉作肅府經歷楊潤等

帶同團首黎建勳等將陳亞潰捕獲該匪之弟

陳二一併就擒惟匪夥鄭廷威仍脫逃未獲太

平慶遠等處另股匪徒勢尙猖獗惟有嚴飭文

武員弁密速分投勦捕以期一律肅清此次擊

獲匪首出力之員弁紳勇可否由臣等擇尤奏

欽定剿平粵匪方略卷二

十六

請獎勵之處出自

天恩奏入

上命軍機大臣傳諭林則徐徐廣縉曰首匪陳亞潰之

弟陳二是否卽陳火交此外有無著名逆匪在內其

分夥之鄭廷威一犯尙在稽誅著該大臣遵照歷次

諭旨查明並嚴飭文武員弁迅卽設法將鄭廷威擒

獲懲治其餘各屬盜匪亦著迅速勦辦毋令勾結蔓



延至此次出力各員並團壯紳士等著該大臣會同該督確切查明奏請恩施毋許冒濫

十一月初二日庚寅兩江總督陸建瀛奏言據報

粵匪已分數股每股一二三千人不等擾及連平翁源二州縣臣當以連平翁源與贛州府屬之龍南等縣壤地相接飛咨署撫臣陸元烺嚴督該鎮道妥為籌辦該署撫隨於省標各營豫

黎粵匪方略卷二

十七

挑精兵三百名以備調遣仍派委知縣楊豫成等馳赴龍南等縣會同地方文武巡防並據續報探有匪徒一二千人被粵省官兵由翁源一路追逐距龍南縣界不及百里適南贛鎮總兵德坤派委贛州府知府周玉衡贛州鎮標中營遊擊羅玉斌挑帶精兵六百名分起進發以四百五十名馳往龍南一百五十名駐紮信豐連

界處所相機堵剿並就近募勇協同守禦奏入報

聞

初三日辛卯徐廣縉奏言廣西賊匪竄至永康州地方維時該署知州高汝霖正在隴東一帶防守一聞賊信立即趕回堵禦詎賊匪於該署州未至之先已經竄入州城該署州馳赴各圖勸

黎粵匪方略卷二

十八

集團練親帶抵城四面用火圍攻賊勢不支紛紛遁去現籌派兵追剿奏入

上命軍機大臣傳諭林則徐徐廣縉曰廣西永康州城失守該署知州高汝霖並未在城究竟在隴東所防何匪因何不知賊匪徑行入城難保非逃避於前裝點於後署永康州知州高汝霖吏目時榮均著先行革職有無與城守各武弁臨時逃避情事著林則徐

一第... 冊... 日... 年... 月... 日... 亥... 下



確查叅辦至鄭祖琛咨會徐廣縉所稱此股賊匪卽係前次擁入明江龍州之匪何以與前奏太平文武節次攻剿賊鋒大挫前後情形不符其賊目是否與滋擾修仁荔浦之陳亞漬等同黨分夥並著林則徐查覈確情一併奏聞

初七日乙未雲貴總督程喬采奏言遵調開化等鎮廣西等營及督標撫標各兵共二千名派總

欽定剿平粵匪方略卷二

十九

兵李能臣副將王錦繡分路統領馳赴廣西百色地方聽候調遣奏入

上命軍機大臣傳諭程喬采曰滇省與粵西連界廣南府最爲緊要其曲靖府屬之羅平州廣西州屬之師宗縣均與廣西之西隆州接壤中有河道可通百色尤不可不嚴密防堵著該督檄飭文武員弁於各路要隘處所偵探巡邏毋令匪徒竄擾

同日鄭祖琛向榮奏言賀縣昭平游匪與土匪勾結復分股四竄延入富川之太平墟而賀縣另股匪徒又由老鴉寨出擾馬峯經參將成安等分路進擊生擒賊首葉添良要犯陳脫並將要犯陳三滿殲斃統計平樂府屬及連界潯州之平南梧州之懷集藤縣各處先後斃匪一千八百餘名生擒四百六十餘名現在餘匪無多

欽定剿平粵匪方略卷二

二十

再查明賊匪由明江竄至龍州同知王淑元在灣道地方防堵時值大雨槍礮未能施放賊卽恃衆擁入廳署王淑元親至大堂痛罵並令鄉勇家人壯丁等盡力截殺該匪等卽將該員砍傷丟棄河內身死其子監生光頡並家丁等救護均被殺傷斃命又七月初九日賊匪竄入甯明州衙門署知州恆椿先經會同千總何光琛



在板利村堵禦趕回圍捕該匪等即日逃至楮  
蠶也方署都司羅起龍帶兵抵禦亦因眾寡不  
敵賊匪將營署及居民劫掠逃竄又賊竄至左  
州之馱盧代理知州保徵星赴四鄉催傳團練  
於十九日午刻趕回保護詎該匪已於是日擁  
入該州衙署又賊匪千餘人竄至萬承土州地  
方旋擁入該土州衙署隨即竄至大嶺距養利

聖恩一併

三

州僅二十餘里查太平賊係由東省欽靈等處  
而來該處素為盜匪淵藪與西省南太兩府屬  
犬牙相錯在在毗連上年疊經官兵擊敗輒即  
回竄欽靈東突西奔去來無定現經臣等函商  
督臣遴派鎮將並札飭高廉道府多帶兵勇在  
於欽州靈山各處扼要堵截會同西省文武不  
分畛域協力痛剿又賀縣之公會石塔等處前

有賊匪竄至昭平之天門嶺經同知英秀等帶  
領兵壯追剿殺賊多名該匪繞至山後放火傷  
斃兵壯縣丞白良棟巡檢胡成宗外委黃俊英  
武舉康壽均身受多傷陣亡同知王淑元及其  
子王光頡縣丞白良棟巡檢胡成宗外委黃俊  
英武舉康壽奮勇捐軀均堪憫惻仰懇

聖恩一併

聖恩一併

三

飭部從優議卹奏入

上命軍機大臣傳諭林則徐向榮張必祿曰賀縣昭平  
等處賊匪經署參將成安等認真剿捕尙為得力賀  
縣富川懷集連界山內逃匿餘匪恐其復出勾結著  
林則徐向榮張必祿等督飭文武員弁實力窮搜毋  
留餘孽所有此次出力之文武官兵壯勇及紳民團  
練著該大臣查明據實保奏現在右江各屬盜匪股



數尙多分路剿洗兵力尙單所有未到之貴州兵一千二百名湖南兵一千四百名並雲南兵二千名著該大臣等迅速催到分別險隘相機堵截該匪等既由明江竄擾龍州復分擾各州營衛署及左州與萬承土州等處著飛咨廣東於欽州靈山各處扼要堵截一面分飭文武帶領兵勇合力兜剿知府銜太平府龍州同知王淑元督練防堵當賊匪擁入廳署屬

聖恩賜方略卷二

三

聲罵賊致砍傷後被溺殞命實屬忠憤可憫其子監生王光頡救父被戕並昭平案內帶兵之六品銜縣丞白良棟巡檢胡成宗與富賀營外委黃俊英武舉康壽著一併交部從優議卹其各屬失事州縣營汛並土司等處並著確查具奏

初八日丙申程喬采奏言准貴州撫臣喬用遷來

咨據廣西撫臣鄭祖琛移咨該省盜風四起殺

數甚多遵調黔省兵二千名會同剿辦業經喬

用遷照數調齊派令鎮將備弁帶領分起進行

由懷遠前赴柳州聽候調遣一面飭屬於沿邊

要隘加意嚴防臣已札飭該處文武官豫爲布

置周妥務於各鄉認真團練遇有匪徒闖入卽

行併力兜擒至滇省與粵西交界地方惟廣南

府屬之剝隘汛相距百色廳計程兩站一水可

聖恩賜方略卷二

三

通聞現有賊匪數百人來至百色廳嚇索銀兩

若溯流而上難保不擾及居民查剝隘離廣南

城尙有八站係土富州所轄已飛飭署廣南營

參將惠成帶兵前往堵截並令該府梁金詔札

諭該土州厚集練丁互相策應恐兵力尙單已

調該鎮標兵三百名速赴廣南藉資捍禦如賊

勢猖獗該鎮總兵塔清阿卽親帶官兵星馳堵



勦奏入報

聞

十二日庚子福建巡撫徐繼畬奏言據在籍翰林院編修林汝舟呈稱現接家信伊父林則徐馳赴廣西勦辦賊匪行至詔安縣因沿途勞頓又發脾泄舊證至廣東普甯縣途次因病體難支具摺請假旋於十月十九日辰刻病故所奉

聖諭

三

欽差大臣關防已交地方官敬謹收存等情臣已飭沿途地方官俟該大臣靈柩回籍時妥為照料所有廣西省軍務緊要應請

旨另簡大臣前往接辦奏入

上命軍機大臣傳諭李星沅周天爵曰據徐繼畬馳奏林則徐遵旨赴粵行至潮州途次病逝已有旨命李星沅為欽差大臣頒給關防馳驛前往廣西勦辦逆

匪並令周天爵署理廣西巡撫一併馳驛前往矣李

星沅周天爵接奉此旨諒必兼程赴粵惟粵西賊勢

狡猾疊竄城邑戕害官弁蹂躪地方雖經鄭祖琛等

督兵追捕於平樂一帶屢獲勝仗並擒獲首要各匪

而左右江各屬股數衆多四出搶掠勢甚蔓延李星

沅自楚抵粵程途較近周天爵未到任以前已命勞

崇光署理撫篆現計湖南貴州雲南等省所調官兵

聖諭

三

已有六千名次第可到該大臣即會同該署撫及向榮張必祿等悉心籌商督飭文武相機兜勦務期擒渠殲醜淨絕根株勿致竄逸勾結方為不負委任其鄭祖琛前在巡撫任內周旋粉飾各情已革提督閔正鳳畏蕙無能及該省地方失事官弁逃避捏飾之處疊經寄諭林則徐認真訪查現已諭令徐廣縉將林則徐所奉諭旨各件檢齊封固派員齎至廣西李



星沅接收後卽當逐加訪查務令水落石出據實覆奏斷不可稍有不實不盡

上又命軍機大臣傳諭徐廣縉曰林則徐行至廣東普甯縣途次病逝其欽差大臣關防並歷次所奉寄信諭旨各件著徐廣縉派委委員迅速齎送廣西交李星沅祇領毋稍遲誤遺漏至廉州南韶等處勦捕事務亦關緊要徐廣縉著仍遵前旨籌辦廣東軍務以

聖學方略卷二

三

專責成

上又命軍機大臣傳諭勞崇光向榮張必祿曰林則徐在途病逝已有旨命李星沅爲欽差大臣頒給關防馳驛前往廣西勦辦逆匪並令周天爵署理廣西巡撫一併馳驛前往周天爵未到以前已令勞崇光署理巡撫廣西左右江各股逆匪情形現尙狡猾兵貴神速不容一日疏懈李星沅周天爵未抵粵西以前

著勞崇光向榮張必祿隨時妥籌堵勦前調湖南及雲貴之兵計已到齊該署撫等正可乘機殲捕迅掃機槍

上諭內閣曰前任雲貴總督林則徐由翰林洊歷外任疊蒙

皇考簡膺疆寄宣力有年上年勦辦雲南保山匪徒調度有方渥荷

聖學方略卷二

三

恩施賞加太子太保銜並賞戴花翎旋因病請假回籍朕御極之初知其平素辦事認真不避嫌怨疊經降旨宣召來京嗣以廣西匪徒滋事特授爲欽差大臣頒給關防令其速赴軍營勦辦前據馳奏已由本籍起程方冀迅掃邊氛以綏南服茲據徐繼畬馳奏該大臣沿途勞頓舊疾復發於廣東潮州途次遽爾溘逝念其力疾從戎沒於王事覽奏殊深悼惜林則徐



著加恩晉加太子太傅銜照總督例賜卹歷任一切處分悉予開復應得卹典該衙門察例具奏伊子編修林汝舟文生林聰彝文童林拱樞均著俟服闋後由吏部帶領引見候朕施恩

上又諭內閣曰李星沅著作爲欽差大臣頒給關防馳驛迅赴廣西辦理剿捕事務現在平樂一帶賊匪疊經擒剿漸就殲除惟左右江各屬股數尙多亟應乘

聖事聖方略卷二

三

勢撲滅著該大臣會同周天爵勞崇光向榮張必祿等督飭文武員弁實力勦辦綏靖巖疆以副瞻懷南服至意

同日

上諭內閣曰前任廣西左江鎮總兵盛筠畏葸無能又先期告病規避取巧著卽行革職與已革廣西提督閔正鳳一併交李星沅徐廣縉確查有無別項劣蹟

據實具奏

二十七日<sup>卯</sup>鄭祖琛向榮奏言廣西土匪竄擾

武緣賓州慶遠等處爲患地方經臣榮親督官

兵馳往慶遠一帶探蹤進剿賊衆約有二千餘

人正在龍門司之索潭墟盤踞時出滋擾臣榮

慮及賊匪聞知官兵將至先期逃竄必須乘其

不備立時掩捕方可聚殲當卽率將弁飛馳進

聖事聖方略卷二

三

剿殲斃賊匪數百名乘勝縱火圍攻該匪被傷

燒斃及落崖身死者無數生擒數十名奪獲槍

礮器械多件武緣賓州之匪亦經該處文武督

率兵練斬獲甚多現在督飭各軍乘勝進攻以

期迅速肅事提臣張必祿行抵潯州病故所帶

三千人仍留廣西剿賊奏入

上諭內閣曰向榮甫經到粵卽能身先士卒激勵將弁



實屬忠勇可嘉其武緣賓州等處逆匪亦經該處文武督率兵團斬獲甚多均堪嘉獎此次出力員弁及紳民團練人等著李星沅周天爵勞崇光向榮等查明保奏候朕施恩張必祿現雖病故其所帶弁丁等三千餘人想可得力均著留於軍營交李星沅等調遣

二十八日  
丙辰

聖學方略卷二

三

上諭內閣曰前任雲南提督張必祿由義勇出身歷在

四川陝西回疆湖南廣東各處軍營打仗出力疊蒙

皇考厚恩賞給巴圖魯名號由專閫擢至提督旋因年

老奉

旨以原品休致在籍支食全俸本年該提督來京朕見

其精神尙健暫准回籍以備召用嗣因廣西匪徒滋

事特令馳往會剿念其久歷戎行深資倚任昨據鄭

祖琛馳奏該提督帶兵赴粵在途患病猶復力疾前

進甫至潯州病竟不起覽奏實堪悼惜張必祿著加

恩賞加太子太保銜照提督例賜卹歷任一切處分

悉予開復應得卹典該衙門察例具奏其靈柩由粵

回籍並著沿途地方官妥爲照料伊子捐職同知張

由基恩廕生張由庚均著俟服闋後由吏部帶領引

見候朕施恩

十二月十一日  
戊辰

聖學方略卷二

三

上命軍機大臣傳諭李星沅周天爵勞崇光向榮曰廣

西平樂柳州一帶自陳亞潰就擒漸見安戢惟潯州

慶遠思恩等府賊數衆多兵力較單自應擇要併力

攻圍以期迅速蕝事李星沅計已行抵軍營著卽與

周天爵勞崇光向榮體察各郡形勢密訪盜賊淵藪

悉心籌畫合力攻擊其調到各兵道路不熟恐羣匪



乘閒竄逸或設伏抗拒亦須酌籌妥為布置總期兵多力厚將賊匪屯聚最多之處先行掃除他股畏懼軍威定能望風解散兵機制勝全在該大臣等因時因地調度得宜朕亦不為遙制也至兩粵交界處所尤須嚴密督飭防守毋令盜匪此拏彼竄

十四日辛未署廣西巡撫勞崇光廣西提督向榮

奏言廣西慶遠一帶賊匪自索潭受創之後竄

聖學聖方略卷二



至八旺附近地方恃險抗拒官軍奮勇攻擊殲斃三百餘名餘匪復竄至忻城土縣之木棉羅墨等處我兵連追三日及之於陶鄧墟痛加殲洗又追至覃村生擒賊匪百數十名復經各處兵練分路堵截殲擒多名並將陳亞潰之父陳勝卽矮古二一併擒獲奏入

上諭內閣曰現在慶遠餘匪無多賊勢窮蹙已極正可

乘此嚴密搜捕務期悉數殲除不留餘孽至潯州南甯等屬仍著勞崇光向榮飭派文武分投勦捕以期早就肅清

十八日乙亥

上命軍機大臣傳諭李星沅周天爵勞崇光向榮曰廣西柳州慶遠諸賊殲除殆盡而左右江各屬勢尙蔓延所有潯州府之大黃江桂平之金田村及附近平

聖學聖方略卷二



南鬱林等處賊蹤出沒人數甚多該大臣行抵柳州駐紮策應與勞崇光向榮互為聲援計周天爵亦將馳抵軍營厚集兵力分路兜捕當不難迅掃櫬槍著該大臣等因地制宜斟酌妥辦朕亦不為遙制總期迅速肅事不致糜餉勞師方為不負委任已革巡撫鄭祖琛著交李星沅差遣委用



欽定剿平粵匪方略卷三 辛亥年

咸豐元年正月初五日 壬辰

上命軍機大臣傳諭李星沅周天爵勞崇光向榮曰廣西潯州府屬之金田村賊首韋政洪秀泉等恃眾抗拒水陸鷗張自應聚集精兵全力攻剿庶期掃穴擒渠餘匪聞而膽落著李星沅等隨時審度機宜同心協力會籌迅剿朕亦不為遙制惟賊情狡譎難保不

欽定剿平粵匪方略卷三

一

揚言大夥所在而分遣夥匪襲我不備江河分汊山徑叢雜尤須堵截周而鄰省毗連扼要處所均須聲息相通勿令竄逸貴州總兵秦定三甫於冬閒陛見出京即著該大臣飛咨沿途無論該員行抵何處即飭迅赴廣西協同向榮督兵分剿現已諭知喬用遷飭令該總兵兼程馳往並添調貴州精兵一千名揀派得力將弁管帶赴粵俟到後由該大臣等酌量調

遣

上又命軍機大臣傳諭徐廣縉曰現在廣西兵勇雲集經費倍增亟應續籌接濟著徐廣縉於關稅款內籌撥餉銀二三十萬兩派員迅速解往廣西以資支應上又命軍機大臣傳諭喬用遷曰廣西匪徒滋擾前調貴州官兵二千名業已抵粵現在尙須添兵進剿著喬用遷再選精銳官兵一千名揀派將弁帶領星馳

欽定剿平粵匪方略卷三

二

赴粵現已有旨諭令李星沅等檄調鎮遠鎮總兵秦定三赴粵帶兵剿賊刻下秦定三計當回黔著該撫迅即咨行該總兵無論行抵何處即飭馳赴廣西毋稍遲延

初十日 丁酉 喬用遷奏言拏獲粵西匪犯瞿召保等四十名訊據供稱伊等係張滿股內頭目曾在慶遠河池滋擾所有廣西各處股匪均係隨



地糾聚並聽人自投入夥由廣東糾來者謂之  
廣馬在廣西糾合者謂之士馬其有槍礮器械  
並跟隨多人者為大頭目隨時自投入夥者擇  
有齊力膽量之人派為小頭目平樂思恩柳州  
潯州南甯太平等處均有股匪滋擾立有大勝  
福義等堂名各鑄圖章以為記認匪頭有陳亞  
潰大頭羊大鯉魚覃香晚鄭廷威楊撈家黃晚

黎寧匪方略卷三

三

鍾亞春顏大陶八諸人約有二三十股姓名不  
能盡知各股人數多寡不等每股各有暗號或  
用竹牌布旗傳信或於衣帶用紅布紅綫作記  
又據差探南甯太平二郡蔓延最甚來賓貴縣  
賓州宜山皆有賊匪竄擾其餘武宣上林平南  
鬱林州及所屬之興業縣尚有另股賊匪自千  
餘至數千不等沿村勒索搶劫此外則潯州桂

平縣屬金田村一帶有尙弟會匪嘯聚萬人皆  
係烏合之眾其大黃江一股船多匪眾聚泊江  
中攔截商船與金田村會匪並不聯絡各等情  
臣查探報係得自傳聞亦不能遽信為實而查  
覈各處所報大略相同臣仍督飭在事文武嚴  
密防堵不敢稍涉疏懈奏入報

黎寧匪方略卷三

四

十八日  
乙巳

上命軍機大臣傳諭李星沅周天爵勞崇光向榮曰解  
散脅從為用兵之良策然須實在鄉愚無知被賊裹  
脅者准予自新其中詐偽情形必當確加密察儻係  
計圖內應探我虛實或為利所動暫時投誠旋即反  
覆賞盜之戒不可不知想該大臣等確察情形不至  
墮賊奸計且賊匪近來糧草火藥勢將不繼正當乘



此機會官兵全力攻勦壯練分段兜擒以期迅就殄滅古人用兵有以多制勝者亦有以少擊衆者全在相地度機用人得當固不必盡出一轍也現在賊匪究有幾股每股頭目確係何人前次奏報均未詳悉開陳朕心甚爲懸繫所有前經添調之黔兵一千名及所請調之廣東潮州兵均著該大臣迅卽分咨飛調會勦仍當迅速籌辦毋致老師糜餉坐失事機昨

欽定剿平粵匪方略三

五

據喬用遷奏訊出粵西盜匪股數並差探情形所稱賊匪姓名圖章暗號均著嚴密訪拏悉數偵獲該大臣卽分咨雲南貴州湖南廣東各鄰省分飭各交界地方文武協力同心互相堵截如有賊匪竄往或各該省土匪與粵西賊匪勾結一經獲訊得有該匪等股首盜窩真實情形著各該督撫一面具奏一面飛咨該大臣等迅速掩擒免致遲誤

二月十三日庚午前任兩江總督李星沅署廣西

巡撫周天爵廣西提督向榮奏言廣西桂平縣屬金田逆匪竄踞大黃江一帶地險人衆經臣向榮督飭文武弁兵合力進攻於正月十八日直抵賊巢該逆分股迎敵我兵鼓勇直前攻擊自辰至午轟斃賊匪二百餘名並拋擲火具燒燬賊巢房屋多間乘勢進追該匪暗伏地雷復

欽定剿平粵匪方略三

六

敢左右抄截經官兵奮力衝殺連開槍斃又斃賊匪數十人該匪退竄回巢負隅固守臣等仍飭各軍實力進勦不敢因偶有斬擒稍形鬆勁同日徐廣縉奏言廣東潮州等處近時土匪紛起高廉一帶地方情形喫重防勦正需兵力所有前調之潮州兵本境汛地尙屬不敷布置其勢萬難分撥



徐廣縉又奏言臣接准李星沅咨稱軍費浩繁請籌撥銀四五十萬兩以資接濟等情查有粵海關徵存咸豐元年關稅十萬兩當即飭司委員起解今恭奉

諭旨於關稅等款內籌撥銀二三十萬兩迅速解往廣西以資支應查海關徵存稅銀業經全數撥解並無餘存惟有藩庫豫備春撥地丁銀十五萬兩係

聖學聖方略卷三

七

正項錢糧非奉

旨不敢擅動今既無款可籌祇得以此項全數解往查

廣東自上年春閒撥解湖南軍需銀二十萬兩

秋閒兩次撥解廣西軍需銀三十萬兩現據署

廣西藩司於鹽道西稅項下應解廣東之款截

留十萬兩茲又於關稅地丁兩項解銀二十五

萬兩前後共籌撥銀八十五萬兩廣東清英高

廉等處防剿已用過銀三十八萬餘兩是未及一年廣東一省於尋常支銷外實撥用銀至一百二十餘萬兩之多而現在搜捕尙未歲事至於捐輸上年十二月始奉部文遠近未及周知爲數無幾約在數月之後或可望有成數廣西軍務需費尙繁伏乞

飭下附近廣西各省早籌接濟均奏入

聖學聖方略卷三

八

上命軍機大臣傳諭李星沅周天爵向榮曰此次進剿

金田大股賊匪雖少有擒獲弁兵亦有傷亡急宜厚

集兵力設法兜擒庶不致老師糜餉惟前准調之廣

東潮州兵據徐廣縉奏稱該省高廉一帶防剿正當

喫緊勢難分兵前往儻兵力實有未敷著李星沅等

悉心商酌應調若干名准其仍於湖南廣東各府屬

一面飛咨調取一面具奏至所需餉銀計由部撥解



及廣東撥往爲數已不爲少捐輸業經設局於經費亦不無接濟如收有成數卽著隨時奏聞

二十日丁丑李星沅徐廣縉奏言臣李星沅銜

命抵粵卽將閔正鳳在任情形詳細確查僉稱粵省自

前年盜風漸熾該提督雖經調派弁兵分投剿捕無如兵力怯弱不能禦賊軍械復不適用上年五月賊匪竄至馬平縣大發墟搶劫典鋪距

欽定剿平粵匪方略卷三

九

府城僅數十里該提督安坐衙齋並未親往督捕迨官兵在都咸堡打仗陣亡弁兵多人該提督仍未渡河救應又上年八月賊擾修仁荔浦兩縣首逆陳亞潰等被兵練擊走該提督移紮象州自應扼要堵截乃僅拘守州城一任匪首陳亞潰竄入武宣幾至漏網臣李星沅徧加察訪衆口同聲查該提督身任一品武職大員全

省營伍皆其統轄平時既未能嚴飭操防修整軍械直至盜匪竊發相距不遠又不親身督剿雖查無別項劣蹟而畏葸無能種種玩誤實屬負

恩溺職奏入

上諭內閣曰閔正鳳身任提督全省營伍皆歸統制乃賊匪在府城外肆行搶劫之際安坐衙齋並不親往

欽定剿平粵匪方略卷三

十

督捕迨官兵打仗陣亡多人仍未渡河救應賊首陳亞潰肆擾修仁荔浦等縣被兵擊走閔正鳳時在象州並不扼要堵截幾至賊首漏網似此養癰貽患退縮無能若不立予重懲何以勵將材而作士氣閔正鳳著卽發往新疆充當苦差此時兩粵正當勦捕緊要之時如有身歷戎行有心玩誤該大臣等嚴查奏必當立正刑誅以肅軍律寬典不能倖邀也



二十二日 己卯

上命軍機大臣傳諭穆特恩徐廣縉烏蘭泰曰本日有旨令廣州滿洲副都統烏蘭泰馳驛前赴廣西幫同李星沅等辦理軍務該副都統向於火器最為留心如有製造得用各器械著烏蘭泰酌量帶往廣西軍營以資運用其平素操練得力之章京兵丁亦准酌帶數人一併馳驛前往

聖諭方略卷三

十一

上又命軍機大臣傳諭李星沅周天爵向榮曰廣西重兵雲集統率需人將領難資分遣本日令廣州副都統烏蘭泰馳赴廣西幫同該大臣等辦理軍務並令湖北鹽法道姚瑩馳往軍營交該大臣等差遣委用該二員到後應如何協勦分防之處著該大臣等相機商辦庶期布置周密不至顧此失彼右江鎮總兵惠慶右江道慶吉所屬賊匪肆擾自上年以來並未

聞該鎮道如何調度如何親自督勦是否株守偏隅一籌莫展著該大臣等迅即查明據實具奏該省前後撥解餉銀不下百餘萬兩軍需總局責任綦重現又分局報捐經理皆須得人勞崇光職任藩司務當分委賢員協同妥辦責令實心經理其各路分局亦須委用得人庶免濫應侵欺等弊

上諭內閣曰廣州滿洲副都統烏蘭泰著馳驛前往廣

聖諭方略卷三

十二

西幫同李星沅等辦理軍務湖北鹽法道姚瑩著馳驛前往廣西交李星沅等差遣委用其湖北鹽法道員缺著陸建瀛會同龔裕迅即揀員署理

二十三日 庚辰

上諭內閣曰江蘇淮揚道嚴正基著馳驛前往廣西交李星沅等差遣委用

二十四日 辛巳 李星沅周天爵向榮奏言廣西桂



平縣屬金田逆匪自正月攻勦之後尙踞大黃江牛排嶺等處憑恃險阻經臣向榮四路圍截二月初三日該逆分股詐誘我兵臣向榮派雲貫官兵移紮佛子口親率楚兵馳赴夾洲搜勦逆匪又復詐退從金匏村出撲猺壯營盤分撲大營經雲南鎮將開礮轟斃賊匪百數十名梧州兵丁柳肇先立斃長矛賊匪賊勢少卻臣向

欽定剿平粵匪方略卷三

十三

榮準備嚴防慮及該匪另有詭謀果於初五日賊分三大股擁出當卽督同總兵李能臣等會督兵勇分隊進攻蔭生向繼雄率勇堵其北面該匪又有大夥伏在正南竹林臣向榮督飭兵勇槍礮轟擊自寅至午斃賊無數都司龍金源親燃擡礮傷斃該匪多名乘勢衝殺將身穿紅袍賊首一名手執藍旗賊目一名轟斃匪衆潰

竄先後殲賊一千數百人此次痛加勦洗匪勢已極窮蹙惟探聞逆首韋政章元价洪秀泉極爲兇悍而賊股分踞各屬者亦尙不少彼此暗通消息互爲救援我軍專駐金田未能分投勦辦恐有顧此失彼之虞臣等惟有竭盡血誠和衷籌畫務將金田股匪先行勦滅再圖節節掃蕩奏入

欽定剿平粵匪方略卷三

十四

上命軍機大臣傳諭李星沅周天爵向榮曰金田村大股逆匪經此次痛加擒勦大挫賊鋒正可乘勢激勵將士直抵賊巢不難立就撲滅惟賊股甚多分擾各屬難保不暗通消息彼此互爲救援以爲牽掣我師之計重兵均駐金田各屬兵力頗形單弱該大臣等務當通盤籌畫嚴飭各屬文武將弁合力兜擒勿致顧此失彼逆首韋政章元价洪秀泉及各股匪首等



尤宜設法偵獲勿令乘閒竄逃該處兵力不敷本日  
已諭令張亮基喬用遷各選精兵一千名派定將弁  
聽候調用並令駱秉章於湖南省豫選精兵應需若  
千名由該大臣等酌調卽著察看情形如必須添兵  
協剿一面奏聞一面飛咨調撥李星沅周天爵向榮  
皆朕特簡大員深資倚畀前降諭旨殷殷訓勉無非  
推心置腹之誠諒諸臣必能協力同心和衷共濟以

聖諭

十五

紓朕南望焦思也

上又命軍機大臣傳諭張亮基喬用遷駱秉章曰廣西  
現在軍務未竣尙須添兵協剿著張亮基喬用遷於  
雲貴兩省各選精兵一千名派定將弁管帶俟欽差  
大臣李星沅等咨調到日卽飭迅赴廣西聽候調度  
並著駱秉章於湖南省各營內豫選精兵咨詢李星  
沅等應調若干名卽派將弁管帶前往

上諭內閣曰此次痛剿逆匪大挫賊鋒該大臣等調度  
有方鎮將踴躍用命實堪嘉獎向榮自抵軍營以來  
身先士卒疊立戰功洵屬有謀有勇不負委任其出  
力鎮將弁兵壯勇等著李星沅周天爵向榮查明保  
奏候朕施恩

同日

上諭內閣曰本年元旦經朕降旨飭令各省將節年民

聖諭

十六

欠錢糧查明奏請豁免所有廣西節年民欠應行查  
豁者自己覈實辦理惟念該省軍務未竣地方多被  
蹂躪何忍更事追呼著再加恩將廣西本年應徵地  
丁兵折等銀一併緩俟軍務完竣再行啟徵以示體  
恤

三月初三日 庚寅

上命軍機大臣傳諭李星沅周天爵曰已革巡撫鄭祖



琛身任封疆既不能消患於未萌又不能將貽誤之  
提鎮及文武各員早行叅奏以致勞師糜帑僅予革  
職回籍不足示懲著李星沅周天爵遵照前旨將鄭  
祖琛遷延徇庇各情迅卽據實叅奏毋得稍有隱飾

初四日 辛卯 駱秉章奏言臬司陳之驥到楚恭述  
面奉

諭旨現在廣西匪徒滋事飭俟到省後與撫臣駱秉章

欽定剿平粵匪方略卷三

十七

察看情形應否出省防堵酌量辦理臣查廣西匪徒

滋事湖南界連粵境之處惟永州府屬之永明  
等縣靖州所屬之通道等縣最爲喫重臣已於  
上年奏明調派官兵前往擇要防堵現在永明  
一帶有提臣余萬清與永州府帶兵分駐督防  
通道一帶有辰永道靖州協帶兵督防其鄰近  
粵西之寶慶府新甯等縣地方已疊飭該管府

協督屬嚴堵又廣東匪徒滋事鄰近之郴州宜  
章一帶亦有永州鎮衡永道分駐督防酌覈情  
形布置尙俱周密該司陳之驥此時似可毋須  
派令前往奏入報

初五日 壬辰

上命軍機大臣傳諭陸建瀛曰廣西剿辦賊匪須添兵

欽定剿平粵匪方略卷三

十八

籌餉以期迅就殲除著陸建瀛會同蔣文慶於安徽  
各營內迅挑精兵一千名派委得力將弁帶赴廣西  
軍營聽候調遣並著於部撥軍餉外再於鹽課關稅  
各項下豫籌銀數十萬兩候旨撥解以濟要需

上又命軍機大臣傳諭張亮基喬用遷駱秉章曰廣西  
剿賊正當喫緊著張亮基喬用遷各將選定精兵一  
千名揀派將弁管帶迅赴廣西軍營並著駱秉章迅



選精兵一千名揀派將弁帶往均聽候李星沅等調遣

上諭內閣曰廣西賊匪自蟻聚金田負嵎抵抗我師屢破賊巢殲其渠首逆匪已畏鋒逃竄必當乘此銳氣截追堵剿現在該省兵勇雲集鄰省亦協力兜拏朕瞻懷南服亟思一鼓蕩平復命湖南雲南貴州三省再調兵三千名又添調安徽勁兵一千名前往李星

聖學聖方略卷三

十九

沅等務當督率員弁度地相機分布要害使賊進不敢拒退無所逃其裏脅愚氓亦卽剴切曉諭許令悔罪自首免至玉石俱焚如能縛獻渠魁仍應加之獎勵朕聞該省紳民各處團練同仇奮義自必合力殲除斷不容釜底遊魂擾我樂土至軍需糧餉已命所司寬爲豫撥源源接濟惟望捷音疊報全境肅清朕必立加懋賞爾臣民其共勉之特此布諭嚴疆咸知

朕意

初八日 乙未

上命軍機大臣傳諭陸建瀛陸應穀龔裕略乘章曰廣西賊勢猖獗縱橫皆是現添調滇黔楚皖精兵前往協剿兵力既厚需餉孔殷前有旨飭部於江南江西湖北湖南各省籌撥各款銀兩委員解赴廣西恐部文遞到後各省輾轉籌商委員又遷延就道甚或以

聖學聖方略卷三

二十

指撥之款藉詞推諉劃扣抵算往返尤遲朕夙夜焦勞粵土一日不安朕心一日不釋著陸建瀛陸應穀龔裕略乘章各將歷次部撥軍餉已解者沿途催趨前行未解者卽派幹員星馳解往務須接踵而至源源接濟其鄰近省分接到李星沅等飛咨無論何項銀兩一面先行籌解一面具摺奏聞不得以未奉諭旨或未接部文致有遲誤昨諭陸建瀛再行籌撥



餉現在籌備若干先行奏明所有飭調安徽精兵一千名著陸建瀛飛檄揀調起程不得耽延其江西湖南界連廣東廣西各處尤當刻刻嚴防不可疏懈贛州南安各屬先因防堵謹嚴賊匪竄回故廣東得以乘勢夾擊獲勝惟防兵日久恐生玩泄設為賊匪偵知不免反撲偷越攻我不備永州靖州寶慶各屬與粵境毗連難保該匪等不竄赴鄰近為乘閒劫掠之

欽定剿平粵匪方略卷三

三

計是該二省堵剿情形必應隨時嚴飭地方文武加意防維自此次訓諭後設有粵匪闖入鄰省邊界不但將守邊文武嚴行治罪並將該省大吏重懲斷不曲宥

初九日 丙申

上命軍機大臣傳諭李星沅周天爵向榮曰廣西自上年以來土匪滋擾經朕特派李星沅周天爵向榮馳

往會剿朕夙夜焦思惟恐羣盜分竄擾及鄰省楚

之交尤為緊要特命賽尙阿及巴清德達洪阿馳驛前往湖南廣西交界地方督辦防堵李星沅等接奉此旨不得以朕特派有人稍存觀望務當督率將弁激勵兵民因地因時協謀攻剿該大臣等統領戎行責無旁貸又有特派重臣為之聲援兵氣既揚賊鋒自挫如賽尙阿未到湖南以前業已一鼓蕩平捷音

欽定剿平粵匪方略卷三

三

迅報渥膺懋賞實惟爾諸臣之功儻各持意見不以公事為重老師糜餉坐失事機亦惟爾諸臣之罪得失利害諒該大臣等自能熟思審處也

上諭內閣曰著派大學士賽尙阿馳驛前往湖南辦理防堵事宜並著都統巴清德副都統右翼總兵達洪阿隨往協同辦理

初十日 丁酉





上命軍機大臣傳諭徐澤醇曰廣西剿辦賊匪尙未蕩  
事現復特命賽尙阿爲欽差大臣馳往湖南辦理防  
堵事宜並派巴清德達洪阿隨往協同辦理自應添  
兵以資調度著徐澤醇於該省鄰近湖南各營伍內  
揀選精兵一千名派得力將弁管帶前赴湖南廣西  
交界處所聽候賽尙阿等調遣

上諭內閣曰大學士賽尙阿現派往湖南辦理防堵事

聖學聖方略卷三

三

宜著頒給欽差大臣關防

上又諭內閣曰直隸天津鎮總兵長瑞著卽來京隨同  
賽尙阿馳驛前往湖南聽候差遣

十六日 癸卯

上諭內閣曰前有旨令江蘇淮揚道嚴正基馳驛前往  
廣西軍營該員到粵後卽著辦理糧臺事務

同日

上諭內閣曰朕因廣西剿匪半載以來尙未掃除淨盡  
誠恐匪黨滋蔓愈多民生窮蹙益甚特命大學士賽  
尙阿及都統巴清德副都統達洪阿馳往楚粵之交  
駐紮調度旣防竄擾藉作聲援當卽寄諭李星沅等  
不得以特派有人稍存觀望仍當督率將士激勵紳  
民協力殲擒剋期掃蕩在廣西士民間有此旨定知  
朝廷眷念邊疆不安宵旰無不奮迅感激志切同仇

聖學聖方略卷三

三

卽各路兵勇亦可知重兵在後益振軍威士氣旣揚  
賊鋒自挫如賽尙阿等未到以前業已馳報捷音肅  
清各郡李星沅等奏績行間自當渥膺懋賞賽尙阿  
等亦卽可振旅而還以慰朕望第恐中外臣民未喻  
斯意特用明白宣示俾知朕命將出師不欲衆民之  
久遭蹂躪而又慮徵調過多不免滋累於綏疆靖寇  
之意固一日不能釋也



上又諭內閣曰前有旨派賽尙阿等酌帶官兵馳往湖南督辦防堵不日由京分起前進朕思人數衆多經由驛站易滋騷擾著賽尙阿等飭令隨往各員毋得多帶跟役並嚴諭兵役人等沿途行走毋許藉端訛索從前征兵過境往往包帶客貨多用民夫甚至賸占民房陵辱州縣種種弊端皆所不免朕知賽尙阿向來出差頗能約束此次分起出都特諭賽尙阿於

欽定剿平粵匪方略卷三

三

最後起程著卽沿途探訪留心稽察儘有滋擾各弊無論何人所帶兵役立即截留按律懲辦並將管束不嚴之員指名叅奏毋稍徇隱至各省州縣地方支應兵差例有明文儘有意存見好濫行應付並著賽尙阿一併嚴查隨時奏辦毋負朕諄諄誥誥誠之意

臣等謹案廣西自用兵以來徵調頻仍重煩聖慮猶恐鼙鼓所至擾及閭閻我

文宗顯皇帝軫念民依無微不至

臨軒策遣

誥誠諄詳使知翦伐凶殘卽撫綏善類凡有血氣孰不

感激奮興同仇偕作以期迅掃欃槍而共登

衽席哉

十七日甲辰李星沅周天爵向榮奏言逆匪自牛

排嶺潰竄後盤踞武宣東鄉一帶大股時出剽

欽定剿平粵匪方略卷三

三

掠勢極猖獗經臣於二月十七日親督官兵分路進剿自午至申力戰數時之久賊匪愈集愈多我軍幾不能支臣周天爵揮軍奮勇直前立於陣前手刃退走閩勇二人親率東勇大呼前進我軍乘勢奮擊勇氣百倍先後殲斃賊匪數十人賊衆紛紛敗竄雖未大加懲創然經此攻剿之後賊膽已寒臣等惟有激勵將士迅圖撲



滅以收聚殲之效奏入

上命軍機大臣傳諭李星沅周天爵向榮曰周天爵於進剿武宣東鄉逆匪時手刃退走閩勇二人親督東勇前進殲斃賊匪數十人看其精神矍鑠並非老不能軍現既親歷戎行著卽專辦軍務帶兵堵剿俾得捷音迅奏惟逆匪自牛排嶺直走武宣一帶距桂林不遠省垣重地尤宜加意防守著該大臣等體察情

聖諭

三

形一面兜捕一面嚴防斷不可稍有疏虞致匪徒乘閒而入昨命賽尙阿等帶領官兵前往湖南廣西之交防堵並添調四川兵三千名飭部另籌軍餉一百萬兩有此聲援賊必聞而膽落攻剿更易得手該大臣居中調度周天爵向榮謀勇兼施務當同心戮力計出萬全早紓宵旰焦思方不負此重任也

上又命軍機大臣傳諭徐澤醇曰前令徐澤醇揀選精

兵一千名派赴湖南廣西交界處所聽候賽尙阿等調遣現在軍務正當喫緊著再於附近楚省各營內選派精兵二千名連前調官兵共三千名揀定得力將弁備帶適用器械前赴楚粵交界候賽尙阿等調用

上諭內閣曰周天爵現在督兵攻剿著卽專辦軍務廣西巡撫著勞崇光暫行署理

聖諭

三

二十四日 辛亥

上命軍機大臣傳諭張亮基曰朕聞雲南土守備左大雄前在軍營出力極為勇往所轄土練亦甚精銳著張亮基察看情形該土弁是否可以遠赴徵調其所管地方是否必須該土弁彈壓如無窒礙之處卽一面奏聞一面飛札飭令酌帶得力土練數百名星速馳赴廣西聽候欽差大臣調遣



二十五日壬子

上命軍機大臣傳諭徐澤醇曰粵西軍務正當喫緊著徐澤醇再挑四川懋功協大小金川屯兵六百名綠營兵二百名維州協五寨屯兵四百名綠營兵二百名共一千四百名派懋功協副將和福提標中軍參將巴彥布廣元營遊擊穆騰額前維州協都司升任遊擊陳時亨管帶所有管帶屯兵將弁由屯官內揀

欽定剿平粵匪方略卷三

三

派並將綠營千把總曾經出師得力之員揀派十餘名帶劈山礮二十位迅速分起由川啟程前赴湖南沿途探聽欽差大臣賽尙阿行抵何處卽兼程馳抵行營聽候調用再四川沿江州縣舊存倉穀著徐澤醇分飭各屬迅卽碾動湊足米五千石由水路運至湖南地方交該省轉送廣西一切費用准其作正開銷如一時碾動不及著卽動項數採買運往仍將

碾動倉穀湊足米五千石豫備隨後撥運

上諭內閣曰廣西勦辦賊匪前經李星沅等奏請飭部撥餉八十萬兩現復派大學士賽尙阿爲欽差大臣前往督辦已飭部續撥餉銀一百萬兩以濟軍需惟念大兵雲集需用浩繁必應寬爲儲備源源接濟使後路糧臺毫無支絀則兵心無內顧之憂著再由內務府廣儲司給發內帑銀一百萬兩作速解赴大營

欽定剿平粵匪方略卷三

三十一

備用朕矐懷南服宵旰焦勞小醜一日不除粵民一日不靖不惜大發帑金饋餉轉運以殄羣盜而安善良諒該大臣等定能督飭領兵大員奮力攻勦俾匪黨悉就殲滅邊陲立見肅清用副朕靖寇綏疆之意

二十六日癸丑

上諭內閣曰周天爵著賞加總督銜會同提督向榮專辦軍務

二十八日<sup>乙卯</sup>徐廣縉奏言廣西賊目張釗即大頭羊田芳即大鯉魚侯志即捲嘴狗關鉅即大隻具等經藩司勞崇光委員查訪准其投首責令殺賊自贖旋經候補知府劉繼祖督率在金田勦捕會匪斃賊一百餘名大黃江勦捕會匪斃賊二百餘名奪獲器械火藥多件二月初三日進勦會匪張釗等皆隨同殺賊初八日火燒大黃江牛排嶺張釗等復首先施放火箭焚燬賊巢該賊目等僉稱求俟事竣後將所帶夥件給予路票回籍其不願回籍者賞充壯丁等語臣以張釗等悖逆素著反覆無常未便率行允准致墮詭謀應俟體察情形再行妥籌安插奏

聖皇方略卷三

三

上命軍機大臣傳諭李星沅周天爵勞崇光向榮曰投

誠賊目疊次殺賊出力似此以毒攻毒若果辦理得宜未始非化盜為民之法著該大臣等查覈劉繼祖所稟是否確實其所稱俟事竣後給予路票回籍及不願回籍者賞充壯丁之處徐廣縉議駁甚是將來如何安插或擇其可用者留營差遣亦宜豫為籌酌勿滋流弊

聖皇方略卷三

三



欽定剿平粵匪方略卷四 辛亥年

四月初一日丁巳兼署雲貴總督雲南巡撫張亮

基奏言查滇省迤東之廣南府廣西直隸州之師宗等縣曲靖府之羅平等州縣貴州之興義鄯勻等府皆與粵西互相接壤山深箐密最易藏奸而黔省之各種苗民滇省邱北師宗等處三沙儂夷匪及開化臨安之各廠匪素非安靜

剿平粵匪方略卷四

一

臣於二月初過黔時沿途探聽粵西賊勢尙屬猖獗而商貴州撫臣喬用遷會飭各交界地方文武於關渡要隘加緊防堵履任後即飛飭雲南廣南等府州縣鎮營先將與粵西毗連沿江各渡口要津概行嚴查封禁境內如有形跡可疑之人即盤詰查拏仍密派文武員弁分別查探不使少有鬆懈奏入

上是之

初二日戊午

上命軍機大臣傳諭賽尙阿曰該大臣行抵楚粵之交著即馳赴廣西軍營接辦軍務並傳知李星沅馳回湖南會同駱秉章辦理防堵事宜前頒給李星沅欽差大臣關防即由驛遞繳回

初五日辛酉駱秉章奏言粵西剿捕緊急所有前

剿平粵匪方略卷四

二

調湖南省官兵一千名應即飭令星馳赴粵以免遲誤臣已咨會署督臣龔裕飛咨綏靖鎮總兵李伏剋日起程趕赴前途統帶官兵兼程馳赴粵西協同剿辦其鎮筸後營千總張朝棟等八員臣亦已飛飭各該營查明各該弁除前調兵赴粵已經派令管帶前往者不計外其有未經調派者即令剋期起程帶兵赴粵聽候調遣



奏入報

開

初六日壬戌李星沅周天爵向榮奏言賀縣另股

賊匪由開建懷集竄至里松盤踞經徐廣縉選

派督標參將左忻等會同廣西省官兵進剿於

三月初五日從里松至半路墟四面界地方與

賊接仗開礮轟擊賊即退回里松我兵奮勇前

黎寧匪方略卷四

三

進奪番家坪駐紮賊匪來撲拒擊兩時斃賊百

餘人餘賊敗退我兵乘勝追擊賊分股包抄兵

壯亦分投堵截及追至里松墟口又斃賊七十

餘人左右忽出伏賊兩股放火圍燒該將弁等

率兵力戰至日暮不少退卻副將齋清阿參將

左忻護都司千總郭維彪守備劉恩錫千總侯

建祁把總梁興富邱先源外委郭安同時陣亡

該逆詭詐異常屢次設伏致挫我師非出奇兵

不能制勝惟有隨時偵探賊蹤臨陣格外嚴密

以防墮其奸計至陸川縣一帶各股土匪現飭

地方文武分路防剿不使凌十八及劉八等股

與武宣賀縣大股逆匪會合致成蔓延奏入

上命軍機大臣傳諭李星沅周天爵勞崇光向榮曰此

次進剿賀縣匪徒我兵奮勇爭先擊斃賊匪不少乃

黎寧匪方略卷四

四

因左右另出賊匪四圍放火以致我兵失利將備陣

亡用兵之道謀定後動必須豫為布置籌畫萬全後

路接應之兵尤為緊要當賊匪設伏圍裏時設後路

有兵層層接應乘勢殄滅安知不轉敗為勝朕屢次

諭令李星沅等嚴密布置勿令墮其奸計乃竟屢次

遇伏致挫我師未見我兵壯設伏誘敵及至賊黨飽

颺而去乃始調兵尾追塘塞了事於事何濟該大臣



等既知賊匪詭詐異常非奇兵不能破何尙毫無成  
算一至於此嗣後必須偵探賊情知其出沒蹤跡每  
遇督兵進剿之際務當格外嚴密防其奸詭毋得再  
有疏虞現派賽尙阿督兵接應尤不准稍形觀望致  
干咎戾該大臣等縱不自愛其如吾民塗炭何言之  
至此憤悶殊深至陸川縣一帶各股賊匪尤當嚴飭  
該文武督帶兵勇分投防剿勿令凌十八及劉八等

欽定剿平粵匪方略卷四

五

與武宣等處股匪合而爲一總兵惠慶德亮均係專  
閩大員統兵督剿責無旁貸現在帶兵防剿何處能  
否得力著據實具奏

上又命軍機大臣傳諭徐廣縉曰廣西賊氛日熾現在  
廣東剿辦匪徒已經得手該督卽移得勝之師迅赴  
廣西會同剿辦並著曉諭該省士紳如有捐資募勇  
隨往剿捕出力者朕必優加獎敘廣東接壤西省如

廣西現有急需著該省仍遵節次諭旨無論何款務  
卽迅籌解往毋致稍失事機

上又命軍機大臣傳諭喬用遷曰廣西軍務喫緊尙須  
添兵協剿著喬用遷於安義鎮標揀選精壯兵一千  
名迅委得力將弁管帶馳赴廣西百色地方聽候調  
遣

初十日丙寅周天爵奏言賊自焚牛排嶺突竄紫

欽定剿平粵匪方略卷四

六

金山槍雙響而踞東鄉東西六七十里複山重  
嶺水陸俱通省城蓋省南柳州象州各大郡之  
門戶亦卽通省安危之所繫也賊踞東鄉三里  
墟糧食雖充而水路爲我先據飭投誠之張劍  
及頭目九人統領七百水勇前往防江賊無食  
鹽煙硝欲拌命速戰謀攻黔兵大營潰圍北上  
是以三月初二日黔兵奮力鏖戰死傷最多初



八日聞賊欲出一股攻舊縣墟之江口意欲奪渡而報貴縣之仇再迎凌十八劉八兩股萬餘之賊是水路所關最要陸路兵將不善操舟又不能舟中用礮斷難抵禦臣與提臣向榮鎮臣秦定三熟商默籌一面按兵不動專委張釗與之力鬪知其長於水戰賊必受創初十日張釗果大勝礮斃東岸賊數十人又有被擊粉碎者

聖學聖方略卷四

七

登山望之伏賊歷歷可指其欲攻秦定三營者布滿山谷是賊欲一股南出以偏師牽動大營而乘虛北上也臣等多出兵勇晝夜水陸梭巡於深林澗谷江畔之地多獲奸細訊供賊又欲明攻舊縣江口而暗攻勒馬遂飭張釗等備之故張釗以少船守勒馬而以多船藏於山脚嚴陣以待未幾賊果大敗傷斃二十餘人而我水

勇受傷者一人臣觀現在賊情形勢惟韋政洪大泉馮雲山楊秀青胡以洸曾三秀頭目數十人而洪大泉馮雲山為之最其營皆散處戰亦散布即敗不至大創皆狡黠猾賊之尤者此時兵力不足則宜專理坐戰之法力有餘則連營偏進總以大圍收成小圍步步偏緊使之步步縮歸其至計要在驅諸羅淶峒聚而殲之若狎

聖學聖方略卷四

八

然擊之縱獲勝仗必有竄逸逆匪現在暗中四面分竄恐成流賊之勢是一戰之功小致賊四出之罪大也賊情不在速戰而在固守我兵以靜待動以逸待勞庶軍心和而士氣固矣奏入上命軍機大臣傳諭李星沅周天爵勞崇光向榮曰賊踞東鄉三里墟食鹽煙硝斷絕勢不能不出而速戰以圖潰圍北上其窘迫情狀如見肺肝現因兵力不



戮力持固守之說徐圖連營偏進將各股賊匪驅入  
羅涿峒然後聚而殲之周天爵親歷行閒所見自有  
把握惟賊情狡獪務當嚴飭我兵防堵周而設百密  
一疏致令突圍竄逸與凌十八劉八合謀則勦捕更  
爲棘手張釗投誠立功先當示之以誠令無疑懼使  
脅從之衆悔罪來歸亦以賊制賊之一法賊首韋政  
洪大泉馮雲山楊秀青胡以洸曾三秀等既經訪得

聖皇恩方略卷四

九

確實卽當設法懸賞購綫使賊黨自猜攻勦更易得  
手該大臣等總宜相機籌辦毋令日久勾結再致蔓  
延爲要

同日

諭內閣曰廣西盜賊橫行民遭塗炭推原禍始總由  
地方官不得其人撫綏無術而大吏又不能澄清舉  
劾以致養癰成患業將巡撫鄭祖琛提督閔正鳳革

職發遣並疊次飭諭李星沅周天爵等確查該省文

武各官分別保舉叅劾現在廣西通省舉行團練若

非慎選牧令使良民得所倚恃何以收衆志成城之

效其前次失事及庸懦各員業據李星沅等陸續奏

叅外所有守禦得力及平日治民出色之員自應乘

公奏保以昭激勸現據周天爵特舉林士傳以下十

餘人臚列勞績開單具奏現當用人之際周天爵既

聖皇恩方略卷四

十

破格請獎朕卽不難破格給予恩施升補鹽法道林  
士傳南甯府知府彭漢均著交部從優議敘候補知  
府張敬修著以道員升用並賞戴花翎升補泗城府  
知府盧昆鑾著交部議敘桂林府同知吳德徵著以  
知府升用博白縣知縣游長齡著以直隸州知州升  
用並賞給四品頂戴請補天河縣知縣黃輔相著以  
直隸州知州升用先換頂戴宣化縣知縣張凱嵩著



交部議敘天保縣知縣劉伯墳著賞加五品銜並交部從優議敘鬱林直隸州知州顧諸庚著以知府升用先換頂戴太平府明江同知鄒嶧杰著交部議敘請補臨桂縣知縣劉體舒著以直隸州知州升用候補同知張汝瀛著交部議敘試用知縣張鵬萬著選缺儘先補用並賞戴藍翎太平府土州州同陳寶著以同知升用另單內所保帶勇殺賊之廣西原補興

聖學聖略卷四

十一

安縣知縣姚近東著賞戴藍翎似此逾格獎擢鼓勵出力即以勸誘中材各該員受朕厚恩宜如何力圖報稱益加奮勉儻或始勤終怠先後易轍朕亦惟執法嚴懲至該省劣員仍著確訪款蹟據實糾參毋稍徇庇姑容庶幾吏肅民安盜風自戢朕實有厚望焉  
臣等謹案粵逆倡亂之由其始不過萑苻小醜盜弄潢池地方官若能詰暴除姦何至成

燎原之勢乃牧令以諱飾為故智大吏復相與含容不思弭變將萌粵事幾至不可問我文宗顯皇帝於出師戡亂之初即為正本清源之計首將巡撫鄭祖琛等革職發遣復

命李星沅等確查各屬賢否從實舉劾分別懲獎所以警闕茸而勸良能者用意至深且遠大小臣工孰不聞風興起力戒因循共矢敵愾獻功

聖學聖略卷四

十二

之志哉

十五日 辛未

上諭內閣曰江南籌備鹽關各款銀六十萬兩著陸建瀛迅速委員解赴廣西軍營交賽尙阿備用

二十日 丙子 李星沅周天爵向榮奏言廣西賊匪

有大勝堂潘大等於三月初二日率領夥眾由

果化竄至土上林墟經百色廳孫蒙會同雲南



都司李廷楷等帶領兵勇分投勦捕該匪侍衆  
撲拒兵勇槍礮兼施殺斃賊匪二百餘名生擒  
三十七名斬獲首匪蘇晚潘六等首級五顆奪  
獲礮械多件初三日復帶兵勇進攻殺斃賊匪  
三百餘名生擒九名該匪退踞土上林墟自初  
七至十一日我兵疊次分投進攻連獲勝仗將  
匪首潘大殺斃並疊戮賊夥八百餘名生擒數

欽定剿平粵匪方略卷四

十三

名受傷落水者無算奏入

論內閣曰此次疊獲勝仗文武各員均屬奮勇可嘉  
張國樑謝錫祥於悔罪投誠之後既能隨同官弁殺  
賊立功即可寬其既往予以自新張國樑著以千總  
補用並賞戴藍翎謝錫祥著賞給六品頂戴以觀後  
效在事出力文武各員一併查明保奏

李星沅周天爵向榮又奏言廣西另股會匪凌

十八等由廣東石城縣竄入膽敢圍攻鬱林州  
城經雲南臨元鎮總兵李能臣等統帶滇兵會  
同署臬司楊彤如督率鬱林直隸州知州顧諧  
庚分帶各路兵勇於三月二十五二十七二十  
九等日三次分路進攻奮勇倡勦每次殲匪數  
百名顧諧庚親督練丁生擒僞先鋒黃三黃八  
二名署提標守備秦如虎策馬當先衝入賊隊  
連砍數賊被匪用竹槍戳傷胸膛並鳥槍打傷  
右髀仍負痛力追復殺數賊經兵勇趕至將此  
股賊匪盡行殺斃其另股匪徒用藤牌遮護衝  
突經按察司經歷鄭泉所帶之東勇等亦滾舞  
藤牌衝入賊隊與滇兵夾擊斃賊無數復將坐  
轎指揮之僞軍師王晚砍斃仍當督飭各軍乘  
勝進攻將首匪凌十八及陳十六賴八剋期擒

欽定剿平粵匪方略卷四

十四



獲奏八

上諭內閣曰此股會匪抗拒官兵疊獲勝仗賊鋒已挫  
亟應乘勢搗毀賊巢將首匪凌十八及陳十六賴八  
等悉數殲除秦如九驍銳善戰忠勇勃發著賞戴花  
翎卽以都司升用先換頂戴其殺斃王晚之東勇並  
出力員弁均著查明覈實保奏

二十五日辛巳李星沅奏言臣於本月初四日馳

聖學方略卷四

十五

抵武宣疾勢增劇惟軍事重大萬不敢因疾置  
身事外亦未便乞假遷延致諸軍聞而懈弛惟  
所界

欽差大臣關防係出

符音所關甚鉅欲臥而護之則病中恐有疏虞若徑行  
交出跡似推卸再四熟思惟有將關防暫交撫  
臣行營遇有調發卽由撫臣監用既昭慎重於

軍事亦不致曠誤奏八

上諭內閣曰李星沅移紮武宣舊疾增劇賽尙阿現已  
在途著卽馳赴廣西接辦欽差大臣事務並傳知鄒  
鳴鶴兼程前赴巡撫新任李星沅著卽回籍養病所  
有頒給李星沅欽差大臣關防著暫交周天爵收存  
俟賽尙阿到日卽由驛遞繳還周天爵於賽尙阿未  
到以前通省軍務仍著會同勞崇光向來悉心籌畫

聖學方略卷四

十六

勿稍延誤

二十七日癸未署廣西巡撫周天爵廣西提督向

榮廣州副都統烏蘭泰奏言賊踞東鄉之村頭  
村爲韋逆之大淵藪其地西至東嶺三里墟有  
三十餘里賊以東嶺三里墟爲東鄉之門戶以  
台村靈湖之淤田爲關攔以山嶺嶺爲域限以  
莫村一帶十餘村爲埋伏之所其精銳大半悉



萃於此西窺武宣則由涼亭新路口而西北窺象州則由二塘墟大林小林而北其閒山徑崎嶇最易竄逸已飭各營兵丁練勇分番巡緝自二月二十日至今計擒大小頭目與曾經打仗之賊共二十二入江路自武宣至桂平之碧灘百餘里凡渡口十餘處派水勇七百名福勇三百五十名晝夜梭巡亦拏獲大頭目偽右先鋒

欽定剿平粵匪方略卷四

十七

湯亞才訊供凌遲處死至於見仗堵斃者則舊縣勒馬滑石平冲洞尾崇響碧灘等處皆因爭渡截殺轟斃淹溺者數百人刻下賊情甚窘所急需者食鹽臣等已差人售入毒鹽逆賊日有斃者臣等各營兵勇受瘴病斃亦復不少一俟滇黔兵到休息一二日訂期將防堵兵勇一律挑選進哨一攻東鄉一攻東嶺一帶賊巢可以

一鼓偪入羅深峒矣

烏蘭泰又奏言臣於四月初三日抵武宣軍營一路訪詢賊情其土匪有十餘股皆烏合之眾其凌十八會匪一股亦類土匪惟武宣東鄉會匪謀爲不軌立有偽王偽官名目留髮易服衆至萬餘兇勇鬼蜮實爲廣西腹心之患若將此股卽時殲除其各股土匪不難分投勦洗次第

欽定剿平粵匪方略卷四

十八

撲滅然現在兵力尙單會匪旣兇勇死鬪又且伎倆詭譎祇可相持嚴堵以待續調之兵再爲酌量進剿武宣東鄉地勢四圍皆山西臨右江中閒平陽不過五六十里閒有小山重嶺其內大小村墟共有六十餘處東鄉一帶均被賊匪占踞四面隘口早經署撫臣周天爵提臣向榮分撥兵勇扼要堵截俟兵力稍齊卽可分路進



勦

周天爵又奏言

欽差大臣李星沅於四月初一日由柳州登舟初三

日至象州有來謁者即患足輒不能步履初四

日至武宣臣見其精神大減言語不甚清楚即

為延醫調治不效十一日將

欽差大臣關防交臣敬謹封存十二日病故茲將李

聖學聖方略卷四

十九

星沅帶來湖南員弁兵丁酌留差遣委用奏入

上命軍機大臣傳諭周天爵勞崇光向榮烏蘭泰曰現

在李星沅病故著周天爵暫署欽差大臣即用廣西

巡撫印信其欽差大臣關防仍遵前旨收存俟賽尙

阿到營後由驛繳回該匪以東鄉為淵藪東嶺及三

里墟為門戶經周天爵等督飭各營兵勇將四面隘

口扼要堵截分番巡緝並於江路各渡口派水勇晝

夜梭巡疊次拏獲大小頭目賊情窘迫計可聚族而

殲周天爵殫竭血誠向榮奮勇出眾烏蘭泰初抵軍

營正可會商勦辦此時自以嚴防賊匪竄逸為要賊

所必經之水陸各路務即設法斷其鹽米接濟俾食

用無資進攻更易得力兵貴神速亦難恃重如兵力

不敷斷不可深入重地致墮奸計賽尙阿未到以前

所有陳奏事件著周天爵會同勞崇光向榮烏蘭泰

聖學聖方略卷四

二十

聯銜具奏以歸畫一

上諭內閣曰前任兩江總督李星沅因廣西盜匪滋事

特授為欽差大臣頒給關防令其馳赴該省勦辦應

據馳奏籌畫軍情均能周妥昨由柳州力疾進駐武

宣正擬親督將士掃除羣醜乃甫報病勢增劇即聞

溘逝悼惜殊深念其歿於王事深堪憫惻著加恩照

總督例賜卹任內一切處分悉予開復應得卹典該



衙門察例具奏並賞給銀五百兩經理喪事頒去人  
漫十兩交駱秉章派員送至其家賞給伊母俾資調  
養李星沅之次子李概三子廩生李桓均著俟服闋  
後交吏部帶領引見候朕施恩

五月初二日<sub>戊子</sub>周天爵向榮烏蘭泰奏言三月

十七日因貴州鎮總兵秦定三列營在北隨囑  
進營大林以堵賊北竄象州之路而秦定三力

欽定剿平粵匪方略卷四

三

任防堵不肯移營自二月至三月賊屢瞰大小  
林之路亦屢被檢獲四月初十前後連日大雨  
臣周天爵前遣人密入賊營探得此數日賊必  
北走東嶺由落梅走東鄉大林小林趨象州之  
廟旺<sub>臣</sub>周天爵卽飛飭秦定三派兵於大林小  
林倍加防堵秦定三未發一兵十六日早據報  
夜閒望見大林一帶燈火賊已竄去<sub>臣</sub>等卽派

練勇及貴州兵紮營大林力截北竄之路秦定  
三夜閒並不接應遲至辰時亦尙未出兵追剿  
臣周天爵速到黔營秦定三始帶兵一千北追  
又囑貴州平遠協副將周鳳岐出兵接應周鳳  
岐固執不肯適據探報回稟十六日申刻<sub>臣</sub>等  
先遣之劉季三等勇隊至官橋塘已與賊接仗  
賊無心戀戰捨去大礮兩位當卽追殺而秦定

欽定剿平粵匪方略卷四

三

三帶兵與貴縣勇桂林馬平兵勇共三千餘人  
悉至踴躍轟擊戰方得手秦定三因兵飢渴遂  
帶兵折回大眾亦隨之南走經<sub>臣</sub>等嚴飭始於  
丑時離營再追而賊已全至廟旺矣似此軍務  
重事<sub>臣</sub>等頻囑頻玩致賊兩夜一日全行竄出  
都司常啟雲不聽將令一味阿附秦定三一同  
退回亦屬不堪相應請



旨將秦定三周鳳岐先行治罪常啟雲革職拏問楚兵

時歷三月並無一戰亦屬玩視湖南靖州協副

將博春湖南永綏協副將和春亦請

旨革職仍留軍營效力贖罪臣烏蘭泰到營未久所有

督兵無能不能使將士知畏併心一力皆由臣

周天爵臣向榮之咎並請交部嚴加議處不得

置身事外仍在軍營效力

聖學方略卷四

三

周天爵又奏言提臣向榮本有才氣膽略因曲

徇其子向繼雄楚兵迄不用命乃不自責而反

訛冒兵練致失人心又不聽固守之言乃竟僨

事可否

簡派湖南提督余萬清帶兵勇三千就近來粵督兵進

剿奏入

上命軍機大臣傳諭賽尙阿曰據周天爵等奏鎮將不

受節制致賊竄逸等語周天爵勇於任事而不能用

人不但失秦定三之心亦不能與向榮和衷辦事覽

其陳奏概行叅劾並無拊循激勵之方賽尙阿到粵

尙需時日此時若照周天爵所奏全予罷斥治罪此

數十日中軍務延誤將誰責乎賽尙阿接奉此旨一

面迅速馳赴廣西一面豫籌剿辦事宜飛行烏蘭泰

及向榮秦定三令相機帶兵堵剿同心合力斷不可

聖學方略卷四

三

稍誤事機賽尙阿到粵即詳查主帥不善馭眾及將

領不遵調度之處據實叅奏如有豫籌方略亦可隨

時密陳

上又命軍機大臣傳諭周天爵烏蘭泰向榮曰賊匪大

股潰圍而出僅以叅劾鎮將自請嚴議一奏請旨而

於堵截迎剿現在辦理情形全未陳明該鎮將等不

受節制懦怯逗留致令武宣東鄉逆匪全行竄出本



應一律治罪姑念勦辦正當喫緊之時且因統兵大員不和以致將弁觀望自應先責主帥以飭戎行周天爵已令回桂林省城辦理巡撫防堵事宜現在武宜逃竄之逆匪卽責成烏蘭泰向榮督同該鎮將等同心協力急圖進剿以贖前愆賊匪突圍而出竄至象州地方意欲何圖東鄉賊巢是否平毀桂林平樂一帶如何防堵象州地方有無險要可守扼其奔竄

聖皇方略卷四

三

之處務卽詳細具奏向榮非不能辦賊之人秦定三亦素聞勇往何以坐擁重兵任賊遠颺勦捕重任豈可互相推諉朕非不能執法之主也

又命軍機大臣傳諭烏蘭泰曰據周天爵烏蘭泰向榮具奏鎮將不受節制又據周天爵單銜片奏向榮曲徇其子向繼雄軍不用命等語周天爵向榮自赴軍營以後屢經諭令同心協力和衷共濟此次探聞

賊匪有北竄之信經周天爵屢次札飭秦定三周鳳岐堵追接應何以該二人延不用命湖南副將博春和春統帶楚兵何以時歷三月並無一戰向榮奮勇爭先屢著戰功何以周天爵參其曲徇伊子致失人心詳閱陳奏各情皆因統兵大員不和以致觀望貽誤周天爵忠直素著向榮奮勇爭先人所共知而近日徐廣縉亦有參該提督諉卸觀望之奏是否實情

聖皇方略卷四

三

秦定三之心地朕未深悉烏蘭泰甫到軍營無所用其回護其所以不和實在情形自己訪察周知是否係周天爵不善馭衆致失兵心抑係向榮秦定三等各有徇私觀望之處著卽查明據實密陳毋稍隱飾賽尙阿未到以前烏蘭泰必能仰體朕意調和諸將使之盡釋前嫌共圖決勝烏蘭泰朕素知其沈毅諒必不負委任况係密旨交查之件尤不可洩漏勉之



慎之

上又命軍機大臣傳諭余萬清曰現在武宣賊勢潰散恐由脩仁荔浦等處窺伺桂林該提督余萬清現已駐兵江華防堵著卽確探賊蹤不可令與賀縣賊匪合股其桂林一路扼要地方如有可以應援之處卽速前往協同堵剿勿失機宜

上諭內閣曰周天爵烏蘭泰向榮奏賊眾竄逸一摺逆

聖恩方略卷四

三

匪蟻聚武宣據前奏稱四面圍困將羣匪偪入羅涿峒賊巢卽可殲滅何以相持日久仍復任賊竄逸流入象州統兵大員調度乖方咎無可諉周天爵著革去總督銜無庸暫署欽差大臣辦理軍務卽回省暫著巡撫事務向榮奏定三均著拔去花翎與周天爵一併交部議處

初八日甲午周天爵勞崇光向榮奏言據思恩府

百色廳同知孫蒙稟報該廳因賊匪陳三等竄入西林縣城滋擾卽會營截捕先後拏獲夥匪李亞蠻等五名其陳三麥亞富二名現由河口帶夥黨二百餘人往剝隘陽萬一路逃竄該同知查陽萬一路必由涑冲經過隨督帶壯勇設法堵剿三月二十七日賊匪徑奔涑冲該廳督率兵練將該匪圍住首匪陳三麥亞富各執籐

聖恩方略卷四

三

牌衝出率眾拒敵經兵練開放槍礮斃匪一百五六十名餘匪俱帶傷逃竄探知被泗城府團練擊殺殆盡又據博白縣知縣游長齡前任貴州黎平府知府朱德璠稟報賊匪劉八等由陸川復竄回博白經該縣等督飭壯練沿途截擊摧挫兇鋒賊眾心離該縣等卽出示曉諭凡被脅勉從者若赴官投誠概准免罪該匪由山僻



小徑陸續逃出解散者不下二千人四月初十日賊目黃錦泗馮子材各帶夥黨至該縣等行營投誠劉八因黨散心慌卽於十一日五更時候率其餘黨由小路潛逃朱德璣游長齡分路跟蹤追剿投誠之黃錦泗首先開礮擊斃賊先鋒二人朱德璣游長齡等各在山岡指揮督飭壯勇並投誠之馮子材等奮勇攻擊或超越賊

剿平粵匪方略卷四

二十九

前或衝擊賊後賊衆紛紛奔竄該府縣等督率壯勇追殺至馬尾嶺適遇大雨遂收軍紮任計殺斃賊匪三百五十六人內有賊先鋒十二人墮崖落澗死者七十餘人奪獲器械多件探知該匪於十一日連夜竄往合浦縣屬長坂香山各村該府縣仍督壯練追剿各等情臣等查西林陳三股匪經該驍剿滅但恐尙有餘匪竄匿

仍飭嚴密搜捕賊匪劉八聚黨盈萬經壯練擊敗逃竄現飭乘勝追剿以絕根株奏入

上諭內閣曰兵壯剿滅西林縣賊股並追剿博白縣逆匪大獲勝仗現在乘勝追入廣東合浦境內勢已窮蹙著廣東交界處所文武各員卽速合剿以淨根株百色廳同知孫蒙著先行交部議敘西林博白出力之官紳壯練查明酌保候朕施恩賊匪到處擄掠良

剿平粵匪方略卷四

三十

民被其裹脅此次經博白等縣出示曉諭棄械來投者不下二千人可見流離轉徙陷於賊中者不知凡幾大兵一到向化回心皆吾赤子卽如黃錦泗馮子材等亦知悔罪投誠殺賊自效如果始終出力不難與張釗等同寬既往悉予自新統兵大員務當仰體朕心翦滅兇頑保衛良善勿使吾民久困鋒鏑也十一日酉丁烏蘭泰奏言臣自到軍營體察賊情



困久思竄勢所必然四月十六日賊匪全夥果由東北竄出臣與署撫臣周天爵商議自帶提標兵二百名廣州駐防兵二十名會同提臣向榮追勦於十七日午時起程聞賊在廟旺墟屢攻古城營盤未破臣等督兵馳進行至新遠地方離廟旺墟約十餘里見古城營盤被賊攻破隨督兵一齊前進行至牛欄塘賊匪俱退入廟

聖朝方略卷四

三

旺墟等處因思古城敗兵回到象州城內人心必亂遂帶兵先赴象州入城示諭免致百姓驚慌並恐賊匪由廟旺入踞寺村掠中坪羅秀大樂等村走桐木入四排一入四排北即石牆通省城之要路東北即入八排猗山臣即飛致提臣向榮設法防守詎意十九日早探報賊匪已陸續竄入寺村提臣向榮帶兵由象州東門外

馳赴羅秀桐木一帶迎勦臣隨催秦定三由廟旺尾追二十日又報賊仍踞寺村附近大井白石各小村均有賊匪次日賊匪由寺村奔中坪百丈臣到營半月一籌未展一仗未接以致困久垂擒之賊全數遁竄襄辦無方惶愧無地惟有仰懇

天恩重治臣罪奏入

聖朝方略卷四

三

上命軍機大臣傳諭烏蘭泰向榮曰現在賊竄寺村一帶將由中坪百丈圖入四排四排北通省垣東北即接八排猗山此係最要關鍵提督向榮已馳赴桐木扼其前路斷不可稍有疏虞任賊竄擾續調楚兵黔兵各千名俱已到營此乃生力之兵合原駐官兵共七千餘名又隨營壯勇六千數百名兵勇之數不為不多前奏竄逸賊匪祇四千餘人似即應堵勦兼施



相機兜捕惟軍無紀律兵驕將惰若不力挽積習卽  
徵調頻仍亦豈有濟向榮自嘉慶年閒身歷戎行豈  
不知約束兵丁嚴申軍法坐視失事甘受重罪耶現  
在烏蘭泰統帶之兵著卽如法教練楚黔各營亦宜  
痛除惡習整飭號令若再遇賊奔北仍蹈前轍朕惟  
統兵之大員是問至投誠賊目如張釗張國樑黃錦  
澗等均已殺賊立功旣肯悔罪自新卽可寬其旣往

聖學方略卷四

三

其詭詐反覆之徒自不容輕率收納致貽後患惟在  
統兵者操縱得宜亦不必豫存成見也

上諭內閣曰烏蘭泰奏襄辦無方請旨治罪一摺賊匪  
由武宣東鄉竄至象州已將周天爵向榮奏定三分  
別懲處烏蘭泰雖係幫辦軍務惟甫經抵粵與久駐  
軍營者有閒著毋庸議處

又諭內閣曰廣西軍務前已有旨令烏蘭泰與向榮

督率鎮將相機籌辦向榮係該省提督本有節制鎮  
協之責烏蘭泰係特旨派令幫辦軍務所有廣西省  
鎮將以下及各省徵調赴剿官弁均著一併聽其節  
制賽尙阿行抵軍營以後著自巴清德達洪阿烏蘭  
泰向榮以次並通省文武統歸節制

十三日己亥大學士賽尙阿奏言竊以粵匪各股  
以東鄉爲最鉅若能迅速剿滅則餘匪勢如破

聖學方略卷四

四

竹五月初四日行次湖北應山縣境接閱周天  
爵信函所述情形實因從前視事太輕調兵太  
少兵不足則將帥無所施其謀練勇亦無以作  
其氣似惜費而費轉增鉅現在雲南所調之兵  
左大雄管帶一起杳無消息通計前後調兵僅  
及一萬五千有零查已到之兵應屆接仗情形  
未能盡期得力續調未到之兵均當起程在途



臣現已飛催趨程迅速前往仍恐屆時分投調遣未能裕如謹請添調湖北兵二千名以為後勁奏入

上命軍機大臣傳諭賽尙阿曰武宣東鄉會匪經大兵圍剿相持日久仍任北窳廟旺寺村等處總因主帥各執意見兵將解體觀望推諉以致老師糜餉曠日無功古人用兵有以多勝少者亦有以少勝多者師

聖皇聖方略卷四

三

克在和總在統兵大員善為調度若不能駕馭如楚黔兵將前轍兵雖多亦何濟耶賽尙阿到後事權歸一自必節制嚴明信賞必罰力矯前此惡習俾各營將弁咸奉約束庶克殄除醜類

上又命軍機大臣傳諭程喬采龔裕曰廣西勦辦賊匪現當喫緊之時著於湖北各營內挑選精兵二千名派委得力將弁管帶卽赴廣西軍營聽候調遣

賽尙阿又奏言訪有湖南丁憂在籍之前任浙江秀水縣知縣江忠源前因楚匪滋事團練著有成效才具頗堪驅策已由臣咨行湖南撫臣調令隨往奏入

上從之

十五日辛丑周天爵向榮烏蘭泰奏言查逆匪窳踞象州東南百丈新寨中坪一帶皆傍山依險

聖皇聖方略卷四

三

踞為巢穴形勢雖險而糧米無多勢必思窳臣等當卽會商以桐木為東路總彙逾桐木而抵修仁之石牆為東路入省咽喉由羅秀而趨寨沙鹿寨運江為西路入省咽喉是桐木羅秀最為喫緊重地必須重兵列營相拒方足以禦豕突以此臣向榮紮營桐木據貴州威甯鎮總兵重綸等呈報二十七日已刻賊匪由鼇村馬鞍



山而來分七股撲營攻打該鎮等思出營應敵  
不如坐戰遂令各營布置靜以待之用九節大  
礮對照賊伍迫賊偏近一燃衝擊遂成血路約  
斃數十人該匪大駭退而復住迫連擊不能支  
持始行逃逸若非鎮臣重綸卻敵有方貴州三  
鎮營盤又幾不守臣謹擇其尤爲出力者先行  
開列懇

欽定剿平粵匪方略卷四

三

恩量加獎勵奏八

上命軍機大臣傳諭周天爵烏蘭泰向榮曰此次象州  
賊匪分股撲營經總兵重綸等併力堵擊業已大挫  
賊鋒惟賊巢糧米無多勢必鋌而走險該處距省路  
徑紛歧且與四排等處徭峒接連尤爲要隘匪徒詭  
詐多端難保不設法誘我以爲明攻暗度之計烏蘭  
泰向榮等當嚴飭各路弁兵實力堵擊以防奔竄之

路現在賊鋒既挫續調各兵亦陸續到營正可乘勢  
直搗賊巢一鼓殲擒烏蘭泰向榮專辦軍務周天爵  
回省防守務當各盡乃心妥爲布置毋任賊匪再有  
竄逸

上諭內閣曰象州所屬羅秀地方爲入省要隘四月二  
十七日賊匪由馬鞍山分七股進撲總兵重綸俟賊  
偏近開放九節大礮轟斃數十人賊匪併力抗拒皆

欽定剿平粵匪方略卷四

三

被轟逃諸將奮力制勝均堪嘉尙重綸著賞戴花翎  
秦定三前降三級留任之處著開復二級仍降一級  
留任李瑞前在古城失利著免其治罪以示激勸佟  
攀梅德安均著賞戴花翎富珠隆阿著賞換花翎

十六日壬寅略秉章奏言查現在湖南派防兵勇  
雖有四千餘名第沿邊各屬隘卡甚多前項兵  
勇合則見多分則甚少每卡僅派數十名其最



要之處亦止一二百名僅敷分堵今武宣大股賊匪既已竄離巢穴勢必四路奔逃必不止於平樂一帶湖南永州寶慶靖州郴州等屬地方到處多與粵省毗連隨在皆可竄入况粵省來咨有探聞湖南土匪接應之說是楚粵交界各處隘口尤宜加倍防範又據探報廣東另有曾大生股匪欲至湖南滋擾而前由賀縣竄回廣

黎粵匪方略卷四

三九

甯之匪徒亦未撲滅如仍向英清逃竄則湖南宜章桂陽一帶又須防禦是此時楚省邊防情形實屬萬分喫重若再由提臣余萬清分撥官兵帶赴廣西修仁等處會剿湖南邊防勢必不能兼顧未免空虛且武宣股匪甚眾粵西兵勇萬餘四面圍剿尙被免脫如提臣前往會剿非厚集兵力難期制勝而湖南實無多兵可以派

調臣再四籌維固不敢心存畛域亦不敢顧彼忽此已飛咨提臣余萬清酌添兵勇在於楚粵交界之各州縣一帶要隘嚴密防堵仍遵

諭旨如遇該匪竄近楚境卽由提臣督率弁兵迎頭進剿庶鄰匪不致蔓延而楚邊仍可兼顧奏入

命軍機大臣傳諭程喬采略秉章余萬清曰廣西武宣大股逆匪竄至象州地方勢必四路奔竄湖南與

黎粵匪方略卷四

四十

粵西毗連處所防堵自應嚴密其廣東曾大生一股係何處賊匪欲至湖南何處滋擾略秉章據廣西咨稱湖南土匪接應之說尤應密察嚴防不可稍涉大意余萬清現已添調兵勇扼要分堵著卽毋庸前赴粵境卽於楚粵交界各地方相度要隘督兵堵截勿令粵匪稍有竄入程喬采兼轄兩省著察看情形如須帶兵親赴湖南邊界督辦卽一面奏聞一面啟行



前往駱秉章駐紮省垣現值四川安徽等省兵差絡繹亦須妥爲布置

上又命軍機大臣傳諭烏蘭泰向榮曰現計鄒鳴鶴到粵已降旨令周天爵於卸事後卽行來京象州大營軍務責成烏蘭泰向榮二人節制管轄無所掣肘自當妥速辦理現在續調大兵節次到營兵力卽厚烏蘭泰平日精於教練朕所素知卽應相機進攻分投

欽定剿平粵匪方略卷四

三

堵截以期一鼓勦滅羣醜提督向榮初到粵西疊獲勝仗豈不能辦賊之人若云統帥牽制不能自行已意此時周天爵已令來京賽尙阿卽日行抵軍營事權歸一復何能藉詞推諉現在黔兵已挫賊鋒著卽與烏蘭泰嚴督各路鎮將並鈐束驕悍兵丁力蓋前愆以圖後效若再游移觀望坐失事機責有攸歸朕不能爲爾寬也

上諭內閣曰周天爵自上年派赴廣西辦理軍務歷次

署理巡撫秉性忠直不辭勞勩朕素所嘉尙第念其年近八旬久居瘴癘之鄉朕心時深眷注現在賽尙阿已將抵粵軍營事務統帥有人鄒鳴鶴計日亦可抵任周天爵著於交卸巡撫篆務後卽行來京

二十五日辛亥周天爵勞崇光向榮奏言溫大貨

五股匪由懷集竄回廣甯各文武跟蹤追勦均

欽定剿平粵匪方略卷四

三

已齊赴廣甯會合勦捕茲另有股匪四百餘人由廣甯周分岡竄入懷集縣屬之南坪村距詩洞約二十餘里該處僅有賀縣縣丞任光祖管帶福勇四百名在彼防守當經署懷集縣知縣李萱飛諭該處團練與該縣丞任光祖所帶福勇會合堵勦一面酌留湖南靖綏各營官兵前往幫捕千總楊鶴超等管帶兵壯二百名馳往



詩洞會同任光祖分途堵截十二日早由詩洞  
前往南坪迎面攔擊該匪晨餐未完兵勇團練  
直前衝撲槍礮齊施登時斃賊百餘人並查有  
廣東德慶州匪首葉亞十李亞聾二人亦被擊  
斃餘匪四散逃竄仍由廣甯及附近德慶州界  
內竄去

周天爵勞崇光向榮又奏言宣化縣地方有另

聖皇聖方略卷四

聖

股賊匪竄入當卽帶兵壯跟蹤勦捕該匪由宣  
化縣朔墟過新甯州龍頭因聞兵壯追捕遂竄  
走宣化縣之金陵墟至那龍村離南甯府城一  
百三十里該署南甯府知府鄒澤杰於四月初  
九日趕至那龍村該匪黑夜竄往丁當村離那  
龍村四十里是夜天雨溪水漲隔兵壯不能前  
進查丁當村上下數十里村民均已豫先搬運

財物牲畜過河躲避該匪遂分遣一股奪得民

船五隻渡河擄掠十三日該署府密令投誠之

張國樑選帶壯勇潛往擊賊轟斃多名該署府

因所帶壯勇僅祇數百賊眾數千且占地勢必

須用計誘出方可勦捕隨於十四日密令張國

樑率領壯勇坐快艇由小河潛赴村左另派數

十人沿河接應該匪等蠶擁出拒放礮擊傷壯

聖皇聖方略卷四

聖

勇數人該匪得意正向旱路拒敵張國樑已至  
村左槍礮齊放轟擊村內房屋瓦片紛墜傷斃  
不少賊遂堅匿在內礮不能傷次日派健足壯  
勇攜帶火罐繞出村後攀登山嶺由高擲下其  
餘壯勇仍由水陸分進前後夾攻十五日該匪  
逃往思恩府之武緣縣地方被官軍攔住該署  
府尾追之兵又至生擒賊匪二名槍斃百餘名



因前面山嶺險峻恐有埋伏遂卽紮住旋聞欽  
虛巨匪顏品瑤有竄廣西滋擾之信該署府以  
郡城緊要仍回南甯飭鄒嶧杰督率壯勇會合  
圍捕不得因匪已出境稍存玩視現在會匪竄  
踞象州中坪一帶數十村莊五月初八初九等  
日各路兵勇列營進逼賊勢窮蹙歸新寨依  
山之地其欲逃入舊巢無疑茲飭四面進兵設

欽定剿平粵匪方略卷四

聖

卽逃敗亦必歸羅淥嗣殄滅祇在旬月之間此  
時西南一帶縱有零匪亦必剿盡此股方能再  
滅凌十八劉八溫大貨五等匪至太平思甯有  
賊之處德惠兩鎮多係分派將弁追剿不能得  
力惟賴張國樑及各鄉勇東西奔馳力圖掃蕩  
周天爵勞崇光向榮又奏言查博白劉入股匪  
前經壯練擊敗追至距香山二十餘里之樟嘉

村四月十三日攻進香山該匪移竄東館墟分  
住竹根坡十四日壯練攻進竹根坡該匪全行  
退踞東館墟維時合浦兵壯未至不能會剿知  
府游長齡等業已逼近賊巢勢不可卻當飭壯  
勇督同投誠之黃錦泗等分作兩隊先後繼進  
黃錦泗率領一隊首先直入賊巢殺賊二十餘  
人劉八之胞弟劉九亦被殲斃賊仍退踞東館

欽定剿平粵匪方略卷四

聖

墟我軍回屯竹根坡十七日該府紮營樟嘉村  
俟潮州兵勇到後再行合剿  
周天爵勞崇光向榮又奏言前奉

諭旨飭查左江鎮總兵德亮現在何處帶兵是否得力  
查德亮現在太平府屬督剿疊次殲擒賊匪多  
名是該鎮於剿捕賊匪尙能表率奏入

上命軍機大臣傳諭賽尙阿曰粵西一省羣盜如毛必



須大兵會合兜剿方能淨絕根株惟用兵之道謀定後動此時賊匪自以竄踞象州之會匪為最大一股其凌十八劉八溫大貨五等股奔竄兩粵交界地方此拏彼竄蔓延日久疊據兩省奏報均不免互相推諉所謂師克在和者安在耶賽尙阿計已馳抵軍營審度地勢人材全局在胸現在剿辦當以何股為先何股為次或合兵一處聚而殲旃或分兵協剿同時

聖恩聖方略卷四

聖

並舉務當權其輕重緩急相機布置各股著名賊首擒獲甚少必應殲厥渠魁乃可散其黨與先剿後撫庶無後患其應如何運籌決勝朕亦不為遙制現踞象州中坪一帶匪徒勢已窮蹙思竄是否仍歸羅涿嗣舊巢正可乘機誘伏截其奔竄之路以冀一鼓殲擒周天爵等片奏查明左江鎮總兵德亮疊次殲擒賊匪尙能表率著仍遵前旨與惠慶一併確查具奏

上諭內閣曰此次剿捕南坪另股賊匪雖獲勝仗惟溫

大貨五何名科等皆著名兇賊已由懷集竄回廣甯劉八等股賊匪奔竄兩粵交界地方雖屢經擊散旋復嘯聚總因兩省帶兵各員不能併力兜圍以致此拏彼竄良民受其蹂躪遭其裹脅何待還定安集朕心實深焦念現在賽尙阿業已馳抵軍營著卽嚴飭在事文武激勵兵勇迅速殲擒並著徐廣縉葉名琛

聖恩聖方略卷四

聖

督飭帶兵大員於肇慶高廉各屬交界處所一體會剿務使著名兇匪悉數就擒儻該文武等有推諉退縮等情卽著據實嚴叅朕必執法從事斷不能稍為寬宥也



欽定剿平粵匪方略卷五 辛亥年

六月初一日 丙辰 湖南巡撫駱秉章湖南提督余

萬清奏言廣西武宣竄出之賊已至象州之百

丈中坪等村盤踞此股賊匪若竄往廣東廣甯

等處與賀縣賊匪合股必須由修仁荔浦平樂

賀縣懷集等府縣經過道里較遠現經廣西提

臣向榮統帶大兵駐紮修仁之桐木石牆截其

欽定剿平粵匪方略卷五

一

竄路其賀縣賊匪亦據探報現有廣東廣西兵

勇三千餘名在廣甯交界扼要堵截該二股賊

匪似難遠行竄合至桂林一路凡湖南邊界可

與相通之處早已酌派官兵嚴密防堵嗣因武

宣賊匪竄出象州接准粵省咨會派兵堵剿復

經添調提標等營官兵一千二百名馳往分布

扼要協防並經督臣程喬采飭令永州鎮總兵

聞

厚集兵力遙作聲援臣等惟當隨時查察情形

妥籌辦理如有可以應援之處即由臣余萬清

統率兵勇不分畛域馳往協力堵剿奏入報

同日周天爵烏蘭泰向榮奏言逆匪竄踞象州

中坪百丈新寨一帶知大兵將至窮蹙無聊而

賊巢鉛彈稀少至有用銅錢者臣等與各鎮往

欽定剿平粵匪方略卷五

二

返籌商非急戰賊必捨命不突過急又必致死

於我惟各處列營徐徐進逼使賊不能乘隙竄

出而犄角之勢成臣烏蘭泰統帶貴州鎮遠鎮

古州鎮威甯鎮三營官兵共四千名於五月初

八日自羅秀拔營前進至獨麓山南梁山村地

方紮駐距中坪四五里許臣向榮於是日由桐

木拔營至界嶺紮駐扼守中坪之東總兵經文



岱與知府張敬修由林村至寺村紮駐皆不出十里內外各營隨帶壯練環峙其旁初九日賊於東面山頭聚集四五百人搖旗出隊其後布滿山谷有賊數千直逼臣烏蘭泰三鎮大營而各處營盤尙未整齊不能救援臣烏蘭泰當卽派隊分路轟擊斃賊多名該匪敗退初十日據探報有賊匪數千渡河直撲威甯鎮營盤臣烏

聖皇聖略卷五

三

蘭泰遂督率三鎮官兵排隊出營該匪分十數股約四五千入礮子如雨臣烏蘭泰嚴飭官兵仍舊站隊一面督兵施放大礮火箭打中賊巢望樓賊向下走我兵分投迎擊臣烏蘭泰往來指揮親督官兵奮勇攻殺先將西南山頭賊匪擊敗復由獨龍山腳過橋直撲賊隊該匪大小隊伍數十層擊退一層後層又上前迎拒我兵

自寅至巳戰至四時之久將該匪隊伍全行擊散惟西南山頭尙有賊匪數十參將馬善寶等見賊已奔率衆大呼策馬竟渡臣烏蘭泰止之不及逾河里許該匪已敗者忽然站在西南山谷間突出數百人橫攔歸路我馬先陷田泥中參將馬善寶等陣亡臣烏蘭泰催衆力救將賊匪擊退此次大勝之後該將領等見賊如仇一

聖皇聖略卷五

四

意酣戰致有疏虞賊燄更兇自當休息兵力暫回各營俟厚集大兵再圖掃蕩周天爵烏蘭泰向榮又奏言知府張敬修帶領壯勇往寺村一帶有賊三四百人開礮抗拒官軍施放大礮斃賊數名餘匪奔回巢穴初十日張敬修等由廟旺至寺村進剿殺斃騎馬偽中軍先鋒一名偽後軍夥黨一名十一日臣周天



爵帶領兵勇馳赴寺村會剿張敬修等已於巳刻由橋東山口進兵當時賊分三股來拒每股約七八百人該員等當派兵勇先伏澗谷閒亦分三路攻擊連放槍礮斃匪百餘名各賊棄械驚走張敬修等追至數里突有一股攔住迎拒副將常祿親點擡槍擊斃二賊賊匪膽落又殺數十人十二日張敬修等率領官軍由寺村進

欽定剿平粵匪方略卷五

五

東之長烈嶺分投進剿午刻賊自東南來當催福勇迎擊賊又分兩股布滿山嶺於是福勇及張釗之勇先行接仗東勇繼之開礮迎擊賊匪墜下崖谷閒已而西股賊匪沿山來者英勇一見大呼輒走而東澗西澗之伏賊蠶擁而至官軍短兵相接用矛戳斃數十人始行敗去又有股匪從後繞至經文岱張敬修帶兵迎之大戰

良久賊衆散走殺斃二百餘匪惟儘西面一股英勇無故喊走鎮道目睹此狀知英勇隊中必有賊匪隨傳令整隊而下迨所有兵勇皆自東來兜圍該匪始不能支斃賊三百餘名時已昏暗我軍收兵回營現在晝夜規畫仍行固守以待新兵大集再行偏進奏入

上命軍機大臣傳諭賽尙阿曰此次知府張敬修總兵

欽定剿平粵匪方略卷五

六

經文岱等由寺村進東之長烈嶺進剿福勇東勇開礮迎擊賊匪紛紛落下崖谷惟新到桂平平南之英勇一見大呼輒行走散而東澗西澗之伏賊蠶擁而出以致賊匪未受大創是英勇隊中顯有賊匪夥黨假名暗伏詭譎伎倆殊堪痛恨兩軍對壘不能不藉資壯勇以助兵力若謂盡屬可疑則防不勝防必難期其用命若謂概屬可信又恐墮其奸謀應如何密



查嚴防俾爲我用不爲賊用之處務當於招募之初責成管帶之人悉心體察勿使奸徒溷跡方爲妥善此次新到英勇究由何處招募著卽密查具奏

上諭內閣曰逆匪竄踞象州經烏蘭泰督兵攻剿大獲勝仗烏蘭泰調度有方殊堪嘉尙著交部從優議敘所有在事出力文武著賽尙阿查明保奏候朕施恩其陣亡之貴州撫標中軍參將馬善寶鎮遠鎮遊擊

聖學聖方略卷五

七

博勒果布威甯鎮中軍遊擊劉定泰等雖因乘勝輕進究屬奮勇捐軀均著交部賜卹

初二日丁巳賽尙阿奏言臣自五月初九日渡江行次武昌兼程前進十七日馳抵長沙所調川省官兵趕到者俱令陸續由水路趨行臣與達洪阿巴清德分起由陸路前進伏查粵西賊匪股數雖多而以武宣爲最鉅目今竄出象州四

路劫掠官兵雖有八千餘名在彼防守而得力者僅能過半一俟大兵雲集似尙無難得手聞象州匪徒數雖巨萬而裹脅之良民烏合之游手實居大半象州得手則各股自成破竹之勢俟臣到粵後與在事文武妥爲布置以求萬全賽尙阿又奏言周天爵如已遵

聖學聖方略卷五

八

旨回省擬令統帶所募皖勇二百名前赴楚粵交界之江華縣地方督同該處文武駐紮防堵再安徽所調兵一千名傳有不甚安靜之說晤達洪阿據云途間目睹安徽兵未免頓弱到粵恐難得力惟旣已調往應俟臣到粵後親爲查閱或分營布置以資教演俾收實用奏入

上命軍機大臣傳諭賽尙阿曰象州之賊固應厚集兵團迅速剿滅其南甯太平一帶及懷集奔竄各匪亦







東廣西兵勇扼要嚴防似難再行糾合其與湖南交界者防範現俱周密但恐大兵雲集一經會剿難保不狼奔豕突設有警報 臣即當督兵馳往堵剿奏入

上諭曰設若楚南有警必須汝馳往勦辦仍應一面啟行一面奏聞毋稍遲滯

十一日 丙寅 烏蘭泰奏言 臣於四月二十九日馳

黎寧匪方略卷五

十一

赴羅秀軍營將秦定三所帶官兵二千二百名查點內除前次打仗陣亡及受傷患病並遣回原營外僅有一千六百三十四名按名挑選年青力壯可以教戰者一千名將擡槍鳥槍長矛等項器械分給教以打仗陣式並將軍營一切條規紀律逐一傳示以期殺賊立功其羅秀所駐之兵尚有貴州威甯鎮重綸統帶一千名署

古州鎮李瑞統帶八百名五月初七日接周天爵咨會飛檄各路官兵拔營逼近賊巢屯紮剋日四面圍剿初八日並准向榮知會已督兵由桐木進紮 臣即會商署古州鎮 臣李瑞並知會威甯營帶兵官佟攀梅等即於初九日拔營逼近賊巢並選兵練共一千名整隊先進招募鄉民指引至獨鰲山南梁山村一帶相度形勢其

黎寧匪方略卷五

十二

地一片平陽東臨大河河東中坪仁義等村俱在目前瞥見中坪村北第一山頭賊匪望樓有人搖旗 臣即將大兵調過山南並令古州威甯二營兵各分六隊排列時由仁義村竄出賊匪三四十人被我兵用擡槍擊斃二名餘匪竄回其望樓下賊匪已聚集六七百人用大礮向我軍施放隨令旗營官兵開礮打中賊之望樓賊



匪卽紛紛潰散因恐該匪狡猾全軍未敢遽撤  
至晚始整隊回營其威甯營紮在西邊山頭古  
州營在中間初十日有賊匪數千蠶擁渡河而  
來臣當令佟攀梅往前開礮迎敵大股賊匪已  
至橋南開礮向我兵轟打礮子如雨我兵因得  
地勢由高臨下槍礮火箭齊發該匪前隊旣斃  
後隊又進由稻田奔鼇山西角直撲我營我兵

欽定剿平粵匪方略卷五

十三

用槍齊打該匪前隊倒斃後隊回奔臣見其勢  
已倒卽令各伍整隊過橋追殺大獲全勝西南  
高山打礮之賊經威甯營轟擊潰散適有由山  
上逃下十數賊奔梁山村經我兵擊斃僅贖七  
賊復奔上西山梁離威甯營不遠乃威甯礮兵  
因無長器械在手退回隊內賊見礮兵已退直  
撲威甯大隊大隊之兵亦卽退回營盤賊乘勢

追撲以致該營之兵全行棄營奔潰伏思千兵  
不敵七賊實出情理之外乃因該營全軍奔潰  
下山其南山頭之賊亦卽撲來用威甯營之礮  
直攻臣營臣入營防守見東南面似可保住卽  
赴西北面照料適旗營兵並鎮遠兵大聲吶喊  
首先上山富珠隆阿帶威甯兵隨同擁上該匪  
棄營南竄我兵復奪回威甯營是日由寅至午

欽定剿平粵匪方略卷五

十四

勝而誤敗敗而復勝轉戰四時之久共陣亡大  
小官十五員額外馬步兵丁二百四十二名廣  
州駐防旗兵七名受傷官兵四十四名臣布置  
不善以致傷亡官兵二百餘名之多咎無可辭  
惟有請

旨治臣重罪至威甯鎮官兵怯懦敗退至誤全軍該鎮  
重綸因病未在軍營其帶兵官署副將佟攀梅



署參將慶祿等不能約束亦不敢不據實奏明請

旨治罪

烏蘭泰又奏言五月十一日提臣向榮前軍移進都金嶺周天爵由寺村進得勝十二日復戰未利至晚官兵壯勇俱退回象州其寺村一路俱空接周天爵回信言十二日寺村之戰英勇

聖皇聖方略卷五

十五

內有奸細呼衆先逃兵勇不能支持連夜回到象州囑臣察看形勢如獨鼉山勢不可守即移紮羅秀防堵俟續調大兵到齊再行會剿因思圍剿之局已散獨鼉距中坪甚近孤軍臨敵舉目皆賊其地可戰不可守故於十六日率三營黔兵俱撤回羅秀仍歸舊營向榮仍駐界嶺與羅秀相距六七里聲援相應再向榮久歷戎行

勇敢有爲屢著戰功惟此次統帶楚兵始而攻剿流匪屢戰屢捷因之或有大意又因向繼雄不知避嫌以致楚兵藉口更因周天爵精神不及未能設法調度向榮知楚兵心離自挽無術故有誘卸之處然久歷戎行熟悉戰陣現在軍營鎮將各員均有不及向榮者賽尙阿到時必能激勵勸勉或更易其兵則向榮必知感奮仍可立功

聖皇聖方略卷五

十六

烏蘭泰又奏言遵查向榮之子五品廕生向繼雄隨向榮在軍營效力不能避嫌跡近干預又因向榮保伊子花翎以致衆心不服楚兵藉端挾制是周天爵所奏向榮曲徇其子致失人心不爲無因此次探聞賊匪有北竄之信經周天爵屢次札飭秦定三周鳳岐堵追接應該二人



延不用命一節查賊匪在武宣東鄉秦定三周鳳岐共駐一營在東面堵禦與管帶東勇之現署右江道張敬修營盤相連四月十五日夜間賊匪竄出未能堵禦十六日追賊至官橋打仗已勝因兵無鍋帳復回十七日又在二塘紮營未能尾追延不用命亦屬實情惟張敬修管帶東勇八百名與秦定三連營防堵周天爵現叅

欽定剿平粵匪方略卷五

十七

秦定三周鳳岐未叅張敬修人心亦有不服至統帶楚兵之副將博春和春係向榮隨營將官臣未到武宣以前聞本年三月初二日與賊匪打仗不利周天爵責秦定三不前後訪知秦定三並無退縮之處卽言向榮推卸而周天爵與向榮向榮與秦定三均似因之有隙以致不和周天爵爲人居心本直惟性強耳輟年老精神

不及以致其子周光岳從中干預致失人心奏  
八

上命軍機大臣傳諭賽尙阿烏蘭泰曰此次進兵獨龍山南連獲勝仗僅贖七賊復上山梁直撲威甯大營該營官兵計有千人何以不敢出營抵禦致有挫折著賽尙阿卽查明該營弁兵究係何人首先奔潰按律懲辦以肅軍令威甯鎮總兵重綸是否實係因病

欽定剿平粵匪方略卷五

十八

並未在營抑係有心規避確查具奏再向榮所帶湖南弁兵初到粵時頗覺勇往是否因向繼雄濫得保舉解體抑係該弁兵等恃勝驕悍不聽號令旣不得力卽留營亦恐誤事現在湖南防堵緊要亦須兵力著賽尙阿到營察看是否可以裁撤或令仍回本省防堵向榮籍隸四川現調四川兵有四千餘名或卽酌撥數千交向榮管帶似此量爲轉移可資得力其



威甯鎮潰散之兵勢不足恃應如何安插裁撤之處亦著酌量辦理至烏蘭泰覆奏查明軍營主將不和緣由湖南副將博春和春不能稟請追賊及張敬修獨未被參等情著與前此疊降諭旨飭令查覈功過各件一併確查據實具奏

上諭內閣曰據烏蘭泰奏稱五月初九日梁山村接仗先已獲勝次日因威甯鎮兵見賊退縮以致將弁傷

聖學聖方略卷五

十九

亡自請治罪等語此次我兵逼近賊巢奮勇勦殺逆匪已大受懲創雖小有挫衄究屬罪不掩功且烏蘭泰尙能轉敗為勝所請治罪之處著毋庸議烏蘭泰據實陳奏具見不欺若能迅速立功仍當加以懲賞管帶威甯鎮兵之署副將佟攀梅署參將慶祿始則屢催迎敵延不出營追賊匪撲營輒即退回致令全勝之後復有挫折實屬罪無可逭佟攀梅慶祿著卽

革職拏問交賽尙阿嚴訊定擬具奏

十五日 庚午

上命軍機大臣傳諭賽尙阿曰廣西勦匪以章政洪秀泉等大股為最急而南太一帶餘匪未淨地方寫遠深恐鞭長莫及轉致蔓延現在續調各路官兵均可到粵如何分派合擊前已有旨諭令熟籌辦理左江鎮德亮勦賊是否得力仍著隨時察看據實具奏其

聖學聖方略卷五

二十

各股匪徒除象州會匪外尙有幾股每股約計若干人及賊首姓名均著查明開單奏聞其省城防守各屬團練及保護糧餉各事宜鄒鳴鶴已次第籌辦該大臣到粵後擬駐何處及如何通盤籌畫之處諒有奏報在途矣

上又命軍機大臣傳諭鄒鳴鶴曰粵西勦匪自以象州大股為最要此外游匪如林聚散靡定亦應遴派大



員分兵督剿不至愈聚愈多勞崇光前駐梧州剿滅首匪鄧立奇等著有成效著卽飭令該藩司移紮南甯太平一帶會督該處在事文武協力剿捕毋令延蔓其梧州一帶仍應派員防剿著該撫會商賽尙阿妥籌布置至省城防守尤關緊要經該紳士龍啟瑞朱琦等辦理團練但恐兵力尙單著卽於全州等營酌調兵丁並添雇壯勇協力防守毋稍疏忽

欽定剿平粵匪方略卷五

三

十九日 甲戌

上命軍機大臣傳諭徐廣縉葉名琛曰逆匪溫大貨五業經擒獲其夥匪曾亞涓尙有數百之衆難保不因首匪就擒筵而走險至劉八凌十八及何名科各股賊犯尙未擒獲剿辦不容鬆懈現在周天爵已飭令來京賽尙阿等計已馳抵軍營事權歸一該督兼轄兩省尤當不分畛域合力兜拏庶可速圖蕝事以副

朕望

二十日 乙亥 賽尙阿奏言 臣於靈川縣途次接據廣西提臣向榮咨報金田逆匪屯聚中坪仁義等村旋因探得逆匪有調百丈等處賊匪助戰之信該提臣卽令綏靖鎮臣李伏等分帶楚粵官兵一千七百名及委員許炳東等各帶壯勇於五月十三日一同渡河攻剿署參將成安卽

欽定剿平粵匪方略卷五

三

於上流河口攻賊之伏先行開仗互相轟擊各兵壯依次涉水而進該匪卽從嶺後紛紛擁出各官兵開放連環槍礮奮勇接戰自辰至午傷斃賊匪百數十名總兵李伏帶兵當先搶上山梁又斃匪數十人復有大夥賊匪十數股擁來鎮守左營把總熊士貴手刃數賊殺入賊隊登時陣亡總兵李伏以賊多兵寡萬難獨當祇得



撤過小河以免受敵該匪亦未敢渡河卽行折  
回又中坪仁義等村賊巢水田環繞田陸路窄  
小河阻滯進退不易卽經督飭各路官兵嚴加  
防堵一面飛調知府陳瑞芝管帶潮勇一千名  
二十二日趕到界嶺飭令隨營聽候調遣探知  
賊衆因鹽糧不繼有欲逃竄之意隨經飛咨副  
都統烏蘭泰及各鎮嚴密堵截二十五日探得

聖學聖方略卷五

三

賊匪洪秀泉等欲攻撲楚兵營盤以圖逃竄卽  
連夜齊隊豫防將各壯勇伏於架村左右以備  
分途截殺二十六日寅刻該匪大隊約四五千  
人果由中坪仁義鄧村擁出至古磨黃岱嶺上  
屯聚因該處水田及小河甚多卽令陳瑞芝等  
管帶潮勇伏於下官村後未入流謝繼超督令  
投誠之陶昌培楊瑞乾壯勇數百名首先誘敵

一面飭各營官兵靜以待之該匪見誘敵壯勇  
人少卽有賊匪二千餘人蠶擁而來各壯勇誘  
至伏所經陳瑞芝等督令潮勇齊起一擁而出  
施放排槍該匪措手不及紛紛倒地並將先鋒  
騎馬賊三人立時槍斃餘匪驚潰詹事府主簿  
陳登仕等帶領潮勇奮力直前追至小河口該  
匪等已涉水奔回古磨嶺上因有小河之隔未

聖學聖方略卷五

三

便深入該匪見各壯勇撤後卽分三股一奔架  
村一伏寺葉村一越苦瓜嶺欲抄攻官兵營盤  
其餘盡占嶺上助勢該提臣卽將楚粵兵勇分  
爲五路齊進並令潮勇仁勇由猺山腳進擊該  
匪一股約二千餘人仍擁至架村將該處民房  
焚燒煙光迷漫經提勇由左邊山腳橫衝攻擊  
副將和春督帶楚兵數百名並潮勇仁勇千餘



人搶過架村環攻寺葉村轟斃賊匪數千人將  
偽右軍先鋒方標立時殲斃兵壯復追至小河  
口因賊匪尙有埋伏卽令官兵壯勇撤回其苦  
瓜嶺一股經遊擊瞿騰龍成林督帶楚兵五百  
名奮力堵剿該匪見中路敗走亦卽縮回惟要  
村一股約千餘人猶敢鳴角舞牌由村外衝出  
望大營而來該提臣指揮兵勇併力環攻卽時

聖皇聖方略卷五

三

潰敗我兵追至河岸亦鳴金收軍查點官兵僅  
傷斃壯勇數名受傷數名查該逆鹽糧空匱思  
欲拌死衝突經兵勇踴躍用命一日之間三戰  
三勝俟大兵雲集聲威愈壯似更無難得手惟  
該逆匪雖受懲創仍當加意堵截以絕其奔竄  
就食之路現經向榮札飭象州武宣桂平平南  
各文武官兵於水陸要隘一體嚴防並禁止往

來船隻以防偷渡臣仍授以機宜俾在事文武  
併力堵剿其陣亡之湖南鎮守鎮左營把總熊  
士貴應請

飭部照例賜卹

賽尙阿又奏言臣自五月二十一日自長沙起  
程六月初四日始抵桂林達洪阿已於初二日  
先到巴清德於初六日亦卽趕到查各省官兵

聖皇聖方略卷五

三

現有受傷受病及怯懦不堪復用者擬卽確查  
釐剔如其坐糜糧餉不如挑揀裁撤以期一兵  
得一兵之用卽各處練勇招集烏合有首鼠兩  
端居心叵測者詳悉甄覈分別妥辦尤當申明  
紀律嚴定賞罰庶期一律得力至於粵西通省  
情形除桂林一屬尙稱完善此外各府屬羣盜  
如毛各股土匪多者數千少者數百而會匪之



兇悍更甚於土匪會匪之黨與亦更多於土匪  
周天爵屢言賊勢窮蹙欲以坐困斃之而武宣  
大股由金田而東鄉由東鄉而廟旺寺村偏近  
象州諸將領各懷意見屢失機宜自五月以來  
經烏蘭泰向榮等少挫兇鋒現聞該匪有欲竄  
回東鄉之說自當一面密訪一面嚴行堵截儻  
有可乘之機斷不敢一誤再誤總使賊之所到

聖皇聖方略卷五

三

無可掠之鹽糧則匪徒已有困斃之勢再以大  
兵分投勦捕當可陸續奏功至湖南會匪接應  
之說沿途密訪實無確據可憑不便過事張皇  
轉致別滋事端  
賽尙阿又奏言查林士傳帶兵勇二千名前赴  
賀縣會同肇慶協副將齋清阿勦辦匪徒三月  
初五日齋清阿帶領兵勇在里松地方接仗官

兵先勝追至山澗該匪縱火抄後官兵失利該  
道在龍津橋駐紮離賀縣一百四十里其賀縣  
壯勇六百名臨打仗時復調回四百名是此役  
先勝後敗實由林士傳貽誤無疑相應請

旨卽行革職已革賀縣知縣甯域辦理防堵尙識機宜  
林士傳平素官聲尙協輿論擬請將該二員留  
於軍營差遣以觀後效

聖皇聖方略卷五

三

賽尙阿又奏言臣行抵廣西省城連日會晤新  
任巡撫鄒鳴鶴卸署巡撫周天爵詢知平樂柳  
州潯州鬱林太平鎮安泗城等處各股盜匪多  
經兵勇勦滅擊散或逃東省去而復來散而復  
聚股數衆多其由金田竄至象州會匪韋政洪  
秀泉等一股尙在中坪百丈新寨一帶村墟盤  
踞先經向榮帶湖南兵在賊之東北界嶺紮營



烏蘭泰同秦定三周鳳岐帶貴州兵在賊之西  
北羅秀紮營候補知府劉繼祖帶領壯勇及張  
釗水勇在賊之西運江紮駐皆嚴堵其竄往平  
樂桂平之路而南路之大樟西南路之寺村均  
係要地經臣札飭總兵經文岱督帶兵弁署右  
江道張敬修督帶兵勇前往寺村舉人韋仁元  
帶領搖勇前往大樟堵此兩路庶爲周密臣查

剿平粵匪方略卷五

三

會匪人衆善戰官兵先到者已形疲懈新調之  
兵未到會齊尙須旬日又現在六月盛暑南方  
炎溼非進兵之時應令各營照前堅堵儻賊匪  
出巢竄撲則相機擊退不必窮追但不令竄出  
以待新兵一面多購閒諜解散黨與計誘各賊  
首自相攜貳俟我新兵雲集八面進攻可爲一  
鼓殲除之計此外各股盜匪皆有兵勇堵剿其

大股如凌十八劉八等在廣東省之化州西省  
之博白一帶往來竄越現有署臬司楊彤如同  
總兵李能臣會帶兵勇勦辦惟南甯太平等府  
匪股衆多亦當籌辦而象州大股尤爲緊要向  
榮所帶湖南兵多疲乏不能得力擬令挑選精  
壯堪戰者留營餘俟新調兵到前往抽換桂林  
省城存兵無多經署藩司吳鼎昌率同在籍翰

剿平粵匪方略卷五

三

林院侍講龍啟瑞御史朱琦等辦理團練最爲  
周密臣一面會同鄒鳴鶴督飭各府州縣設法  
鼓勵本地紳士實行團練旣以保衛地方且使  
賊無所掠前此李星沅駐紮柳州係以通省賊  
勢盛衆柳州居中可以四面策應今各路賊勢  
忽聚忽散鬱林一帶已有楊彤如等分辦惟象  
州會匪喫重在省城之南相去僅四百里而柳



州反在賊後擬即暫駐省城控制俟各省新兵齊到剋期進剿或遣派巴清德達洪阿分帶前往或臣親往督辦之處再行具奏奏入

上命軍機大臣傳諭賽尙阿曰廣西羣盜如毛自用兵以來雖屢獲勝仗時有斬擒總未大加懲創該大臣現抵軍營節制各將事權歸一所陳廣西匪股地勢情形布置均合機宜象州大股逆匪距省不遠固當

聖學聖略卷五

三

嚴防北竄但既聞有竄回東鄉之說更當嚴飭文武四面堵截斷不可再令竄回舊巢復致滋蔓此次連獲勝仗楚兵似尙可用著該大臣體察情形其尙堪驅策者留在軍營其餘或令回守省城或撤回湖南防堵酌量辦理道員林士傳既經查明貽誤屬實著即革職與已革知縣甯域均著留於軍營差遣仍查明能否得力據實具奏該大臣暫駐省城控制全局

巴清德達洪阿烏蘭泰向榮等皆能奮勇圖功堪資分任應如何分剿合擊度地相機以操勝算想該大臣必能契合朕意掃蕩賊氛迅奏膚公也

上又命軍機大臣傳諭程喬采曰湖南地方會匪不少現在廣西賊氛未靖湖南境地毗連若會匪潛相勾引所關非細著程喬采即行馳赴湖南督同文武大員於要隘處所加意防堵仍不動聲色訪查該省會

聖學聖略卷五

三

匪實在情形妥為防備總期弭患未然不可稍涉張皇致滋事端

上諭內閣曰本日據賽尙阿奏六月初四日馳抵桂林巴清德達洪阿亦先後馳到所陳覈汰兵勇申明紀律多購閒謀解散賊黨嚴斷接濟實行團練使賊無可掠之食無可竄之路籌畫均合機宜該大臣等經朕特簡畀以重任到粵之始即能通籌全局條理秩



然深慰朕念著發去黃馬褂二件大荷包一對小荷包一對火鏢一箇賞給賽尙阿祇領黃馬褂二件分賞巴清德達洪阿祇領粵西地近瘴鄉時當炎暑現值用兵之際朕念軍士勤勞馳驅用命瞻懷南服宵吁難忘惟望迅掃賊氛俾吾民咸登衽席不特該大臣等渥膺懋賞卽文武員弁紳士壯勇亦得共荷恩施用酬勞動朕實有厚望焉

欽定剿平粵匪方略卷五

三

上又諭內閣曰此次一日之間三戰三勝該提鎮等督率有方尙知奮勉所有出力官弁兵壯人等著卽查明保奏候朕施恩陣亡之把總熊士貴著交部照例賜卹

賽尙阿又奏言臣奉

命馳赴廣西辦理軍務荷蒙

皇上天恩飭發內庫銀一百萬兩戶部籌撥銀一百萬

兩江南鹽庫銀六十萬兩計已足可敷用惟軍旅以糧餉爲急務必須寬爲儲備經臣函致兩廣督臣徐廣縉於粵海關稅項下截留銀一百萬兩一俟需用之時由臣奏

聞批解相應請

旨飭下兩廣督臣於關稅項下按季扣存連現在批解之款統歸一百萬兩之數聽候臣奏明撥解臣

欽定剿平粵匪方略卷五

四

仍嚴飭覈實樽節不得絲毫濫用以重軍儲奏

上命軍機大臣傳諭徐廣縉葉名琛曰廣西軍營糧餉至要必當寬爲儲備以免臨事周章著徐廣縉葉名琛仍於關稅項下按季扣存連前次已經撥解之二十萬兩統籌備銀一百萬兩聽候賽尙阿咨撥委解毋稍遲誤



欽定勦平粵匪方略卷六 辛亥年

七月初二日 丙戌 賽尙阿奏言象州中坪一帶逆

匪探知臣將抵省城於六月初四等日竄回東

鄉舊巢並竄擾桂平縣之新墟經烏蘭泰向榮

等連日追勦向榮督率楚兵節次轟斃賊匪多

名奪獲礮械多件復派總兵經文岱參將成安

督帶兵勇跟追於初七日自巳至未開礮轟擊

勦平粵匪方略卷六

一

斃賊數十人又經象州知州余思詔豫伏壯勇

將竄入金雞村之賊匪轟斃二十餘人生擒五

人奪獲大礮鉛藥槍矛各件初八日賊越嶺分

走小路兵壯施放槍礮連斃多匪至初九日我

軍進徧東鄉復斃賊數十人烏蘭泰督放火箭

該匪仍敢冒火乘勢反撲向榮策馬當先手執

烏槍擊斃執旗賊二人適因坐騎中礮守備蔡

應龍即時換給馬匹該守備步行短兵接戰立

斃賊匪三人潮勇趕到接應復轟斃賊數十人

內有驍勇過人者手執短刀搶上山梁連斬數

賊該匪敗走兵勇乘勝追殺復斬獲首級十餘

顆奪獲礮械甚多該匪敗回村內困守不出現

仍相機進勦所有出力各員應請先行獎勵

賽尙阿又奏言巨黨何名科等糾邀夥黨五六

勦平粵匪方略卷六

二

千人踞住信宜縣安鶴地方距北流縣境四五

十里四出焚掠抗拒官兵經署北流縣知縣阮

正惠召募丁壯並疊諭各里團練齊心堵禦五

月十三日探有賊匪二百餘人竄入新豐等處

經外委石中寶巡檢鄭際昌率丁壯督捕團總

監生蒙禮和梁中奇岑春元等率領練丁及各

團丁壯協同圍擊殺賊二十三名生擒五十三



名奪獲礮槍刀矛多件是夜又有賊匪三百餘人竄至文頭嶺等處經團總監生廖英陳廷彬等分率練丁施放槍礮轟斃賊匪三十三名餘匪潰竄千總黃遇陞復帶兵壯協攻擊斃賊匪二十二名生擒四十五名奪獲礮械多件該匪逃竄復經太平約團長監生麥燦榮等帶同練丁截擊生擒三名典史施元協同窮追各匪落

聖恩賜方略卷六

三

崖跌澗者甚多計先後疊次殺賊多名生擒一百餘名會匪凌十八踞東省化州平定墟距北流甚近聞安鵝逆匪挫衄卽於十三日連夜逃遁臣飭各文武奮力追勦務期弋獲奏入

上命軍機大臣傳諭賽尙阿巴清德達洪阿烏蘭泰向榮曰逆匪由象州回竄東鄉自係畏懼聲威負嵎走險第恐其南合凌十八等股匪則黨與更衆勦辦尤

爲棘手該大臣等當設法誘其出巢併力攻勦務須前截後追勿令勾結蔓延現在新調官兵計可全數抵粵應如何調遣防勦之處朕亦不爲遙制此次賊匪竄回舊巢究係分作幾股仍須防其聲東擊西誘我南向乘虛北撲致我兵又成尾追之勢是爲至要

聖恩賜方略卷六

四

諭內閣曰此次賊匪因北路嚴堵竄回舊巢向榮節節追擊屢有斬獲繼復奮勇衝鋒身先士卒實屬壯往可嘉著加恩賞還花翎守備蔡應龍奮不顧身勇往殺賊殊堪嘉尙著以都司儘先補用其驍勇過人之潮勇並著查明請獎管帶潮勇之捐職主簿陳登仕著賞戴藍翎象州知州余思詔應變知機頗有才略著以應升之缺卽行升用

上又諭內閣曰署北流縣知縣阮正惠於大股賊匪入境官兵未及應援之時督率鄉團疊次獲勝實屬認



真出力使各處團練均似此得力何難迅掃羣醜耶  
阮正惠著以應升之缺卽行升用以爲力行團練者  
勸

初九日癸巳雲貴總督吳文鎔雲南巡撫張亮基

奏言雲南廣南府三面界連粵西先經臣等飭  
屬嚴防四月下旬有西林縣賊匪二百餘人竄  
至距府城一百五十里之者孟上下兩寨地方

聖恩勇略卷六

五

滋擾當經兵勇勦捕格斃十八名生擒五名餘  
匪潰逃仍竄回西林縣境地方居民尙未被其  
蹂躪但滇粵犬牙相錯必須嚴加堵截方不致  
越境蔓延臣等現已添兵防守奏入

上命軍機大臣傳諭吳文鎔張亮基喬用遷曰粵匪竄  
入滇省廣南府境經該督撫飭兵勇捕勦並添兵防  
守著卽嚴飭地方文武於交界要隘實力查拏毋稍

疏忽雲南既有粵匪竄擾貴州各屬毗連處所尤爲  
喫重並著喬用遷於黔粵交界一律嚴防

十六日庚子賽尙阿奏言新墟大股賊匪賊首韋

政卽在其內後路東鄉之賊係馮雲山爲首已  
翻入紫金山連日據烏蘭泰呈報於六月二十  
七日已刻進兵令經文岱張敬修等由馬鞍嶺  
雞公嶺進攻新墟莫村東面令李能臣王錦緒

聖恩勇略卷六

六

等由新羅塘壘窰進攻新墟之東南面令上瑤  
十八村團練一千餘人進至羅旺過河直撲新  
墟聽護甲地方號礮火箭爲號烏蘭泰同總兵  
秦定三由思盤過河並知會李瑞王夢麟等嚴  
堵古城坳鴨化隘口以防賊竄嗣查明護甲地  
面積沙壅聚可以淺涉其地卽莫村賊巢後面  
繞出其背正可攻其不備而思盤亦不可不防



烏蘭泰自率兵勇由護甲潛行過江二十七日甫經接仗匪卽退走烏蘭泰豫知彼處有竹園村竹木叢雜最便埋伏先令秦定三伏兵其處果見賊匪由竹園村對面平岡纒擁而出直趨竹園秦定三用礮攻打一食頃聞賊屍徧地餘匪被殲無算趁勢窮追匪徒拌死回鬪凡七次烏蘭泰激勵兵勇愈戰愈奮直至莫村巢穴又

聖朝方略卷六

七

殲匪數百名而新墟伏匪仍出接應除四散奔竄外全數遁入新墟因天已昏黑勢難猝破各兵勇鏖戰一日飢疲實甚並防匪徒乘夜詭謀姑撤兵回營計共殲匪二三千人此二十七日連次獲勝情形也達洪阿所帶之兵於二十八日可抵潯州一俟生力弁兵會合接仗再圖進剿

賽尙阿又奏言六月十一日賊匪二千餘人由思盤搶渡被團練擊退復由盤龍河偷渡李孟羣會商守備李進榮帶兵堵截下游立卽親帶練丁八百餘人馳赴盤龍水口見韋政手執白扇其餘頭目均執黃旗吶喊而來李孟羣督飭壯丁連放巨礮自巳至申斃賊四十餘人次日該匪又欲偷渡守備李進榮督同把總劉正林

聖朝方略卷六

八

帶領兵壯抵擊適左江道楊彤如暨潯州府張其翰添派壯勇均已到齊十三日該匪二千餘人在田坡排列旗礮分伏竹林我兵四路並進放礮夾攻賊匪立腳不住退入上萸村拋棄槍礮紛紛逃竄各兵勇奮力剿殺斃賊一百餘名生擒賊匪二十餘名奪獲數百斤大礮二位大小擡礮子母礮三十七件藤牌刀矛不計其數



該署令李孟羣帶領壯勇勦捕多匪實爲出力之員合無仰懇

天恩將該員以知府升用先換頂戴守備李進榮把總

劉正林以應升之缺升用以示鼓勵

賽尙阿又奏言准撫臣鄒鳴鶴咨據革道林士

傳稟稱逆匪曾亞涓等餘黨一由粟塘連山逃

去一仍竄賀縣都江流沖一帶該道由官潭移

聖皇聖略卷六

九

紮賀縣催督各路兵勇合力勦堵該匪不能藏

匿於五月二十日翻山出川洞口欲過河竄往

大凝經富賀營兵勇分投堵禦遂竄往沙黃牛

角寨附近連山境界各兵勇復登崖涉澗分路

追捕該匪勢蹙於六月初一日連夜翻山竄出

桂嶺偷渡過河兵勇追躡初二日在格思營楓

木腳等處疊將該匪痛勦擊斃五十餘人生擒

二十餘人餘匪往里松黃田一帶奔竄其由粟

塘逃去一股據該革道轉據懷集縣張凱嵩等

稟稱首匪曾亞涓已於六月十五日在廣甯縣

之扶溪口地方就獲並獲夥黨十餘名業經廣

甯縣審解臣查曾亞涓一犯前與溫大貨五糾

合羣匪竄擾兩省拒捕戕官罪惡已極五月內

溫大貨五一犯已獲茲該犯亦復就擒餘匪搜

聖皇聖略卷六

十

除殆盡辦理尙屬得宜該革道林士傳前奉

諭旨留於軍營差遣仍查明能否得力據實具奏茲查

該革道歷辦情形尙知奮勉臣與撫臣鄒鳴鶴

面商意見相同現當潯梧各屬勦辦需人之際

賀懷等處漸臻安謐擬令該員帶勇前往梧州

防勦合無仰懇

天恩賞給五品頂戴以資彈壓



賽尙阿又奏言粵匪自洪秀泉等大股而外劉八一股衆至逾萬積年竄擾廣西博白縣及廣東合浦縣交界等處地方茲據博白縣升任知縣游長齡會同前任黎平府知府朱德燧合詞稟稱劉八股匪自竄沙河經廣東官兵大創之後復由花石竄走野鴨塘等處該升縣等督率練壯追捕至松山龍潭等處賊首劉八由合浦

欽定剿平粵匪方略卷六

十一

公館墟一路逃竄又由台浦沙堡墟渡江潛往龍門等處逃竄當派生員王汝諧等帶領壯練前往追捕旋據探役密稟劉八之妻李氏抱其幼子藏匿合浦博白交界之東埔山內當飭職員游居誠帶領壯練密速搜捕十七日在東埔竹殼嶺搜獲劉八之妻與其幼子並獲隨行賊匪四名又據王汝諧等同稱劉八逃往合浦北

塞墟左近地方已被東省鄉勇盤獲解赴合浦縣審辦統計此次續報各處練壯殺賊五百三十餘名生擒著名賊目及僞先鋒等多名就地正法其劉八之妻李氏與其幼子收禁聽候辦理臣查劉八滋事以來煽惑萬衆竄亂東西兩省屢經拒敵戕害官兵罪大惡極該升縣同在籍知府朱德燧董率紳民練勇幸賴東省官兵

欽定剿平粵匪方略卷六

十二

會同攻擊得以掃穴擒渠將此大股賊匪殲除淨盡委員道銜前任黎平府知府朱德燧及該升縣游長齡辦理均屬認真相應請

旨一併賞戴花翎以示鼓勵再該縣團練最爲得力現當通省舉行團練之際合無仰懇

天恩准將肇慶府知府游長齡開缺作爲卽補知府暫留廣西辦理團練及勦捕善後各事宜均有裨



益奏入

上命軍機大臣傳諭賽尙阿巴清德達洪阿烏蘭泰向榮曰東鄉新墟大股會匪經烏蘭泰等督帶弁兵分路進攻一日之聞連獲七勝殲賊二三千人賊鋒大挫該大臣調度有方烏蘭泰督率在事文武謀勇兼施從此乘機痛剿何難剋日殲除烏蘭泰於獲勝回營後次日當已進兵向榮由後路攻入達洪阿所帶

聖朝方略卷六

十三

之兵亦可馳到諒已續獲全勝奏報在途矣會匪章政係屬渠魁必當設法殲擒勿令免脫至馮雲山爲東鄉賊首現在竄入紫金山恐其翻越滋擾尤當起緊兜截毋使逆燄復張其劉八曾亞涓二犯業經廣東擒獲惟凌十八一股逃至化州平定墟地方兩省文武現在如何剿辦著卽飛咨東省合力會剿此股亦係著名兇狡會匪卽當趁此殲擒勿留餘孽

上諭內閣曰此次進剿大股賊匪一日連獲七勝共計

殲賊二三千人烏蘭泰紀律嚴明將士用命殊堪嘉獎著加恩賞戴花翎秦定三設伏制勝能破詭謀著賞還花翎六月十一日賊匪二百餘人由思盤槍渡被團練擊退復由盤龍河偷渡守備李進榮帶領兵丁堵截下游李孟羣親帶練丁八百餘人馳赴該處督飭壯丁施放巨礮自巳至申共斃賊四十餘人十

聖朝方略卷六

十四

二日該匪又欲偷渡守備李進榮把總劉正林帶領兵壯擊退左江道楊彤如等派員弁兵壯分投布置十三日該匪二千餘人排列旗礮我兵四面夾攻殺賊一百餘名生擒二十餘名該員弁等防守江路連獲勝仗俾賊匪不能渡河南竄均屬奮勉出力題補南甯府同知署桂平縣知縣李孟羣力疾從公尤堪嘉獎著以知府先用先換頂戴守備李進榮把總劉



正林均著以應升之缺升用賽尙阿甫到軍營卽將  
大股會匪痛加勦洗將士等亦各奮勇圖功實足以  
揚軍威而褫匪魄現在水陸兩路均已連次獲勝四  
面嚴堵賊匪無路可竄正可乘勢一鼓作氣掃穴擒  
渠迅奏膚公以副朕望

上又諭內閣曰逆匪曾亞涓竄擾兩省經已革道員林  
士傅分飭文武帶領兵勇疊次追勦斃賊多名復轉

欽定剿平粵匪方略卷六

十五

據懷集縣報在廣甯縣扶溪口地方將逆匪曾亞涓  
擒獲此次兩省合剿首犯就擒餘黨搜捕殆盡該革  
道等辦理尙爲奮勉林士傅著賞給五品頂戴飭令  
前往梧州防剿

上又諭內閣曰逆首劉八連年竄擾廣西博白縣及廣  
東合浦縣交界地方經知縣游長齡等董率紳民練  
勇與廣東官兵合力兜拏將著名賊目及僞先鋒等

拏獲又拏獲劉八妻子至逆首劉八已由廣東合浦

縣擒獲該逆首屢次煽衆抗拒戕害官兵罪大惡極

茲經兩省文武紳勇會同攻勦將此大股一旦殲除

洵足伸國法而快人心游長齡辦理團練認真出力

朱德遂率領有方均著加恩賞戴花翎游長齡業已

升任廣東肇慶府知府著開缺作爲卽補知府留於

廣西董辦團練及勦捕各事宜其廣東合浦縣拏獲

欽定剿平粵匪方略卷六

十六

劉八係屬何人並著徐廣縉等查明具奏候朕一併  
施恩

十八日壬寅徐廣縉葉名琛奏言會匪凌十八一

股由西省竄回信宜之懷鄉墟經總兵楊昌泗

知府胡美彥於六月初五初七等日兩次進剿

殲擒百餘名焚燒賊巢十餘間因賊衆兵單未

能痛加勦洗現在飛調潮州兵勇及提標各弁



兵親往督剿以期迅速撲滅奏入

上命軍機大臣傳諭徐廣縉葉名琛曰凌十八一日不除則章政得藉資援應西省剿辦亦難得手且尙有何名科一股首匪未獲一經嘯聚勾結必至蔓延該督現既飛調潮州兵勇及提標各弁兵親往督剿務將各股迅速撲滅總期於兩省毗連處所嚴飭文武分堵夾攻不得再令該匪東西竄擾該督現駐高州

聖學聖方略卷六

十七

一帶所有剿辦一切情形諒已隨時知照賽尙阿和衷妥辦不誤機宜也

徐廣縉葉名琛又奏言廣甯縣匪會亞涓經潮州兵勇痛剿分股逃竄該匪竄入粟塘裏脅甚眾署肇慶府知府李敦業護新會營參將衛佐邦等率領兵勇由懷集一帶馳抵陽山縣交界之馮公廟地方時曾亞涓屯聚橫石墟該員弁

卽於六月十三日黎明進剿該匪故作疑陣分路抗拒衛佐邦督飭弁兵分作兩隊先後進發繞至墟外施放連環槍礮轟斃一百十二名生擒三十四名各匪退回墟內我軍義憤同心倍加驍勇該匪力不能支盡從後路翻山竄逸兵勇分途窮追殺斃四十八名生擒二十一名並據分路嚴防之陽山縣營報獲一百十名廣甯

聖學聖方略卷六

十八

縣營報獲一百十五名分派守隘各文武亦各陸續報獲二三十名至四五十名不等該匪會亞涓自橫石墟敗後奔竄無路經李敦業督同署廣甯縣知縣程兆桂並該管營汛帶領兵勇於十七日在廣甯之扶溪地方將會亞涓及夥黨十一名擒獲並另股糾夥之曾土生等亦先後全行拏獲其竄入都江各匪復經前廣西鹽



法道林士傳搜獲殆盡奏入

上諭內閣曰賊匪曾亞涓竄擾兩省閱時已久茲得掃除淨盡洵足以伸國法而快人心該督等督飭地方文武合力協辦辦理實屬認真所有在事出力文武各員著卽查明保奏候朕施恩其節次陣亡弁兵壯勇一併查明交部議卹

二十五日己酉賽尙阿奏言伏查粵西軍務大局

欽定剿平粵匪方略卷六

十九

實由將帥各執己見賞罰既不相謀功罪何由得當周天爵人本慝直惟多率意而行毫無區別之處衆心益難傾服辦理更覺掣肘卽如烏蘭泰所奏獨鼇山南先勝後敗一節查閱周天爵及烏蘭泰原奏其所敘情節前後詳略不無舛漏以臣所聞係該匪壅流設伏計誘官軍烏蘭泰乘勝前追催令馬善寶等率兵徑渡墮賊

奸謀以致官兵二百餘人死於鋒刃者十之二死於湍流者十之八烏蘭泰目睹輿尸欲以身殉中情痛迫不爲無因然輕進失機究與臨陣退縮有間似亦毋庸深究惟威甯鎮七賊撲營千人潰敗一節現經密訪該總兵重綸實係先期患病在象州城調養尙無規避情事是日撲營賊匪分股前來實有數百俟佟攀梅慶祿到

欽定剿平粵匪方略卷六

三十

案其前後情節不難嚴究務期水落石出以服衆心又提督向榮所帶湖南弁兵初到粵時連獲勝仗向榮所用黑旗逆匪望而退卻以臣訪聞向榮每得一勝仗每兵賞銀一兩其時帶兵尙少及李星沅到時謂其難以爲繼令減作三錢軍中譁然誓不出力後雖改回一兩而兵心已渙竟難復振至向繼雄保舉一節聞係同營



將弁公呈求李星沅保奏並非向榮之意其後來不聽號令之故不係乎此現在湖南兵丁業

經臣札飭挑選已分別病弱者一千餘名令即

撤回歸伍重編所帶黔兵派赴南太隨勞崇光

勦捕顏品瑤大股匪徒六月二十七日新墟之

役如秦定三李能臣經文岱等均能同心戮力

設計用伏使逆匪大受懲創可見各營將弁皆

聖軍方略卷六

三

具有天良並非不願殺賊立功伏思已往情節

諮詢既難得實誠恐少有偏聽仍蹈前轍矧當

各文武振厲精神馳驅用命之際一予糾察則

衆情疑惑人人有自危之心兵機所關誠非淺

鮮以臣愚見惟有仰懇

天恩自臣到粵之日起所有從前不遵調度各情及漏

未叅劾之處一概寬其既往若復狡猾推諉坐

失事機臣欽遵面奉

嚴旨凡歸臣節制之員一面奏聞一面即於軍前正法

以肅軍令

賽尙阿又奏言前次中坪大股賊匪始意竄窺

伺省城因兩次北撲受創遂乃翻山南竄惟省

城並無多兵僅恃募勇團練近日盤獲奸細知

荔浦陽朔一帶均有匪徒勾結又湖南與粵西

聖軍方略卷六

三

接壤之區屢有匪徒出沒再四籌思惟臣暫駐

省城藉坐鎮之勢消羣逆之萌使大股賊匪不

敢北窺桂林宵小之潛伏者亦不敢狡焉思逞

且就近與撫臣鄒鳴鶴商辦一切事件似較妥

便

賽尙阿又奏言查逆匪前股分駐新墟安衆莫

村盤龍一帶章政胡以洸蕭潮潰楊秀青在內



後股在紫金山內花雷茶地大坪村等處洪秀  
泉馮雲山在內其後路雙髻山頂有賊扼要屯  
聚最後豬仔峽有賊守險並有屯糧其開山勢  
陡險該匪於各要口挖斷路徑壘石架木設柵  
堵守烏蘭泰等兵勇分爲西路東路均在紫金  
山前提督向榮等兵勇在紫金山後烏蘭泰先  
期知會各路於六月二十七日進兵並知會向

欽定剿平粵匪方略卷六

三

榮撥兵赴山放礮以亂山內賊勢是日烏蘭泰  
督兵勇一千五百餘名由護甲間道涉淺渡河  
嚴整隊伍前進該匪大隊退回忽聚忽散遙見  
林內伏賊亦忽出忽入秦定三兵已由竹圍村  
南來漸至第二竹林後烏蘭泰卽令在林後整  
隊豫備其時莫村北邊及大莫村東南房屋已  
爲火箭焚燒另股賊五六百人奔入竹林欲抄

我軍兵勇連放槍礮打傷無數其南邊另股已  
入兩林之間秦定三兵由南林後迎出槍礮齊  
發該匪前隊俱倒後隊飛奔其落後者均已刺  
斃此烏蘭泰進兵大勝之詳細情形也總兵李  
能臣於六月二十七日五更出隊會同王錦繡  
由白鳩石角一帶前進離干村四五里該處有  
溪河二道兵練涉淺而過將及岸西該匪數千

欽定剿平粵匪方略卷六

三

竄擁撲來李能臣飭兵練伏住勿動連施槍礮  
該匪紛紛倒地自己至未斃數百人該匪敗回  
干村李能臣親督將弁燒燬該匪哨樓一座該  
匪伏竹林放礮滇黔兵兩路夾攻該匪不能藏  
伏敗回三里村官軍奮勇直攻該匪分三股迎  
敵自申至酉該匪敗退新墟我兵進攻天已昏  
黑當卽撤回此李能臣進兵獲勝之詳細情形



也經文岱亦先接烏蘭泰知照於二十七日會同張敬修督帶兵勇出隊至古埽村有古秀河一道不能涉渡逆匪數百人對河拒敵兵勇齊放槍礮擊斃多名賊卽退去經文岱等立飭兵縛砍竹木紮箚二十餘架用作浮橋兵勇如履平地過河離新墟四里許見蔗田一帶足可埋伏遂密與張敬修分伏蔗林飭弁兵前往新墟

聖朝聖略卷六

三

誘敵良久賊出二千餘人我兵詐退賊果涉水來追我兵且前且卻誘至蔗田伏兵盡起奮力攻擊銳氣百倍自午至申斃匪數百人時有辦理雲南糧員署武宣縣陳寶運糧到陣按兵散給軍士騰歡此經文岱獲勝之詳細情形也是日向榮亦出隊至雙髻腳該處左山右水羊腸險峻一起一伏兵壯連爬三嶺計十餘里該匪

鳴角放礮滾石阻我陸路官兵亦開大礮轟擊相持一時許山勢過陡不能攻入二十八日向榮親督兵壯移偏山角至屯應村紮營差人上山攀藤附葛直上山巔並派令陳瑞芝帶潮勇入山探路連燒賊棚五處砍倒木柵五座直探至豬仔峽該處兩山並峙中通一綫十分陡險該匪先將大石塞路我兵仰攻人力難施另覓

聖朝聖略卷六

三

路徑以圖進剿此向榮連日進攻紫金山後路之詳細情形也伏查此股賊匪自中坪新寨回竄以來盤踞紫金山內花雷等處前以新墟爲門戶後以豬仔峽爲門戶現在前路烏蘭泰等雖獲大勝而新墟卽日未能攻破後路向榮雖連次進攻而豬仔峽山勢陡隘亦未能奪獲現在達洪阿統帶川兵業已到潯不日卽當與烏



蘭泰會合巴清德亦白象州帶川兵前進計日  
可與向榮會合臣仍隨時嚴飭各路文武將弁  
相機度勢務期迅速蒞功所有紫金山前後兩  
路攻剿會匪均屬奮勉烏蘭泰謀定後戰號令  
嚴明應請

賞戴花翎秦定三奮兵接應斬獲甚多應請

賞戴花翎李能臣王錦繡相機會剿屢挫賊鋒經文岱

欽定剿平粵匪方略卷六

三

張敬修設計用伏燒燬賊巢尤爲善於用兵應  
請

旨交部從優議敘向榮應期攻剿督率有方應請

旨交部從優議敘陳瑞芝連破五寨勇往可嘉應請

賞戴花翎署武宣縣陳寶以糧食分給兵丁應時之需

極爲得濟應請

旨交部議敘奏入

上命軍機大臣傳諭賽尙阿曰紫金山大股逆匪經官

兵四面堵逼勢漸窮蹙自應隨時合力進攻該大臣

仍駐桂林扼其由大樟北竄之路所見甚是但恐兵

力厚集前後夾攻之際該匪勢窮鋌險拌死突奔凡

北面山嶺險隘之地固屬緊要其南路通江各渡口

尤宜嚴加堵截勿任竄突至糧鹽爲賊匪要需必當

設法斷其接濟此時大兵會合節制嚴明蠢茲小醜

欽定剿平粵匪方略卷六

三

定必一鼓殲除餘匪自望風瓦解朕日盼捷音之至

也至節降諭旨查覈前此各文武功過據奏現當用

人之際姑寬既往儻能協衷集事奮勇圖功所有從

前不遵調度及漏未參劾之處即可毋庸深究所論

亦合機宜均著照所議辦理

上諭內閣曰此次紫金山前後兩路攻剿會匪在事文

武實屬奮勉出力除烏蘭泰秦定三業經加恩外總



兵李能臣經文岱副將王錦繡知府張敬修或相機  
會剿屢挫賊鋒或設計用伏燒燬賊巢均著加恩交  
部從優議敘提督向榮攻剿紫金山後路派候補知  
府陳瑞芝率領潮勇連破五柵直抵豬仔峽向榮督  
率有方著加恩交部從優議敘陳瑞芝勇往可嘉著  
賞戴花翎署武宣縣知縣陳寶辦運兵糧不誤急需  
著交部議敘

聖朝聖方略卷六

三

賽尙阿又奏言六月十二日張國樑馳抵左州  
邕侶地方探聽顏品瑤股匪已有分往崇善縣  
馱盧永康州那隆谷墟地方所存於左州村莊  
者賊數較為減少正可乘機進剿時投誠甯正  
岡等亦至懶墟距邕侶數十里顏品瑤等匪分  
於兩旁山坳埋伏衝出拒敵張國樑率勇極力  
衝殺殲斃賊匪多名該匪又從山後突出分抄

官兵來路適甯正岡等由懶墟馳來接應橫路  
突出用礮轟死賊匪多人賊見援兵大至方行  
敗退張國樑勇往撲賊深堪嘉尙甯正岡投誠  
效用接應不誤亦屬奮勉相應請

旨將候補千總張國樑准以千總卽補投誠甯正岡准  
給軍功六品頂戴俟續有功績再行擢用以示

鼓勵奏入

聖朝聖方略卷六

三

上諭內閣曰候補千總張國樑等帶領兵勇馳抵左州  
邕侶地方探聽顏品瑤股匪業已分竄當卽乘機進  
剿該逆等埋伏抗拒經張國樑率勇衝突殺斃多名  
並投誠效用之甯正岡等擊敗賊匪均屬出力張國  
樑著以千總卽補甯正岡著賞給軍功六品頂戴以  
示鼓勵



欽定剿平粵匪方略卷七 辛亥年

八月初一日 乙卯 賽尙阿奏言逆匪竄踞紫金山

前以新墟爲門戶後以猪仔峽雙髻山爲門戶

負嶠恃險疊經分飭各營相機進剿旋於七月

十九日據達洪阿烏蘭泰咨報初十日卯刻進

兵豫期知會總兵李能臣副將王錦繡帶兵勇

一千七八百名由新羅塘等處攻新墟東南總

一 剿平粵匪方略卷七

兵經文岱等同署道張敬修帶兵勇二千餘名

由馬嶺等處攻新墟正東署總兵李瑞王夢麟

撥兵八百於新墟之東北截擒逃匪達洪阿督

兵過思盤渡走安樂塘攻莫村之北新墟之西

南烏蘭泰復督總兵秦定三過思盤渡攻新墟

西北並堵紫金山口兼防金田伏賊且戰且進

自辰至未殲斃賊匪約四百餘人賊勢大挫逃

回寨內閉寨不出該匪山內賊巢星羅碁布各

處進山隘口均有賊守巴清德與向榮先將山

內路徑賊情探明將兩營兵勇分路於十五日

寅刻進剿先期密派兵勇由閒道翻山爬嶺乘

夜至猪仔峽雙髻山等處各隘口繞賊上路合

擊分派總兵劉長清帶川兵四百名由崇響翻

山攻猪仔峽參將巴彥布等分帶漢屯川兵義

二 剿平粵匪方略卷七

勇仁勇共一千二百餘名攻冷田黃茅嶺署總

兵松安等分帶皖楚兵八百名攻猪仔峽中路

其餘各要隘分派弁兵潮勇攻擊巴清德統領

京營員弁及漢屯兵勇會合同榮直由中路進

攻該匪於正面山峽內設伏阻截木石並發槍

礮疊施山路險窄我兵致有受傷巴清德催令

兵勇分由兩旁進剿不准退縮我兵奮力直攻



峽穴賊匪退後進至要口斃賊甚多當將猪仔  
峽要口奪回其雙髻山賊匪見我兵占據隘口  
槍礮木石如雨齊發我兵不能直前巴清德傳  
令俟賊槍礮放過我兵卽齊心迎擊並派參領  
福曜等施放火箭將賊望樓焚燒並轟著火藥  
一桶賊始驚惶我軍時已繞出賊後上下夾攻  
匪衆逃竄我兵槍上山頂仍飭兵勇窮追該匪

黎粵匪方略卷七



熟悉山徑由小路南竄我兵追三十餘里斃賊  
不少該逆窮蹙之狀已屬顯然其所以死踞新  
墟者因晚稻將熟計圖掠穫入山是鵬化大樟  
二路必須嚴防已派桂平道許祥光募勇堵禦  
鵬化其大樟一路有總兵李伏長瑞帶兵駐紮  
奏八

上命軍機大臣傳諭賽尙阿曰此次進攻新墟達洪阿

烏蘭泰等督率鎮將分路進兵巴清德向榮等由紫  
金山後路越嶺前進攻克猪仔峽連破雙髻山險隘  
要口一日之間進占山頂又復窮追深入斬戮多名  
賊匪已失負嶠之固我兵據險臨高勢若建瓴事機  
極爲得手惟地處險要賊必拚命爭拒我兵固當乘  
勝進攻尤當防其抄襲後路務須步步爲營聲勢聯  
絡庶期計出萬全猪仔峽爲賊匪屯糧之所今旣攻

黎粵匪方略卷七



破該匪勢更窘迫惟現當早稻登場難保不意圖搶  
掠自應迅速合剿斷其糧食使賊進無可掠退無可  
守我兵奮力殲擒居民亦可乘勢縛獻相度機宜時  
不可失至鵬化花洲大樟等處山徑紛歧恐賊匪窮  
極回竄且路通平南一帶我兵現在前後圍攻新墟  
逆首韋政洪秀泉馮雲山等均在圍中若不嚴防竄  
路卽使掃穴恐未能全獲渠魁該大臣已先見及此



必能加意防堵淨絕根株也

上諭內閣曰此次進剿新墟賊匪獲勝並攻破雙髻山要隘十五日我兵槍上雙髻山頂該匪已失負險之勢現在大兵四面會合釜魚檻獸定當一鼓成擒賽尙阿調度有方將士用命著發去御用黃辦珊瑚豆大荷包一對珊瑚松石豆小荷包二個四喜白玉搬指一個小刀一把火鏢一個交賽尙阿祇領巴清德

欽定剿平粵匪方略卷七

五

向榮紀律嚴明身先士卒均堪嘉尙巴清德著賞加軍功三級向榮著開復降三級留任處分仍賞加軍功一級並著各賞給大荷包一對小荷包一對白玉搬指一個小刀一把火鏢一個交巴清德向榮祇領總兵劉長清首先帶兵攻入猪仔峽尤爲奮勇著賞換花翎達洪阿烏蘭泰及各鎮將等圍攻新墟均能同心戮力奮勉爭先現已奪據山後要隘勢若建瓴

前路攻剿自更得手計日掃穴擒渠卽當同邀懋賞所有在事出力文武員弁著該大臣查明保奏候朕施恩

初二日 丙辰

上諭內閣曰湖南正當防堵喫緊丁憂提督余萬清現駐江華熟悉地方情形著暫留湖南辦理防堵事宜初三日 丁巳徐廣縉葉名琛奏言廣西博白縣賊

欽定剿平粵匪方略卷七

六

首劉八自竄回西省後糾衆至七千餘人往來肆擾臣等飭令提督陶煜文升任高廉道宗元醇督率署廉州府知府沈棣輝及文武各員激勵兵勇不分畛域越境痛剿於六月初四日分三路進攻該匪膽敢恃衆抗拒我兵所向無前殲擒千餘人追至沙河墟前羣賊傾巢而出陶煜文臨陣指揮將弁兵勇復殲賊五百餘人賊



黨四散奔至花石山隘口負嶠拒守我軍攀援奮擊無不應手輒倒計先後殲獲有數千餘名之多奪獲器械無算嗣探知劉八同吳晚等竄回合浦白沙公館等處陶煜文與沈棣輝於初七日由沙河至合浦之旱禾埔該匪仍敢抗拒將弁兵勇合力攻擊不令竄越是日斬殺淹斃及團練格殺共七百餘名生擒一百十名劉八

聖皇聖略卷七

七

率領餘黨由黃垌根渡水欲逃至武利沈棣輝先後探知蹤跡稟報陶煜文宗元醇派令文武率領兵勇於初八日追至武利之南岸墟左右前後分兵夾擊擒獲頭目劉八之弟劉九及頭目唐晚並生擒偽先鋒張六偽軍師張五復購綫拏獲賊目吳晚阮晚周二等多名三次疊獲勝仗賊黨芟夷殆盡劉八勢孤竄匿沈棣輝飭

令代理廉州府經歷謝效莊署合浦縣事顧駿諭知團練四面兜圍於十六日至分頭嶺督同鄉練在垌內將劉八拏獲解郡兵民無不稱慶洵足以伸天討而快人心奏入

上諭內閣曰廣西博白縣逆首劉八肆擾兩省閱時已久其夥黨剽悍尤為猖獗茲於交界地方生擒巨憝餘匪剿洗一空實足振軍威而伸國法該督等督飭

聖皇聖略卷七

八

文武越境攻剿俾地方漸臻安靖殊堪嘉獎提督陶煜文升任高廉道宗元醇均著交部從優議敘署廉州府知府沈棣輝應變知機尤為出力著賞戴花翎並交部從優議敘顧駿謝效莊及鄉練等拏獲首逆奮勇可嘉著該督撫同在事文武員弁一併酌量保奏候朕施恩

十五日 己巳



上命軍機大臣傳諭賽尙阿曰現在廣西重兵自以圍

攻新墟殲滅大股爲要是否尙能分兵南太一帶協

辦勞崇光現駐該處所帶兵勇是否足資調遣著該

大臣飭令該司悉心體察隨時稟明酌辦徐廣縉督

辦羅定州凌十八一股巨匪已飭陶煜文等督帶潮

州兵勇於欽州扼其要隘未知能否越境會剿太平

一帶兵力空虛亦屬可慮想該大臣已與徐廣縉通

欽定剿平粵匪方略卷七

九

盤籌畫計出萬全也至金田新墟逆匪前已四面堵

截奪其後路要隘賊勢已形窮蹙行軍制勝惟在相

其緩急不失事機或重圍進逼聚而殲旃或設伏誘

擒出其不意總須謀而後動正不必急於見功此股

會匪一經殲滅即可移兵南太一帶勢如破竹朕盼

望情殷惟冀該大臣蕩寇安民至軍行一切遲速機

宜亦不爲遙制也

十六日庚午賽尙阿奏言副都統達洪阿名望素

著向深知其忠勇乃此次帶兵進剿新墟每遇

接戰不待兵勇整束齊備先已乘馬獨出實能

不避鋒鏑而於隊伍步伐毫無計畫以致所帶

京川各營弁兵多有傷挫若非烏蘭泰秦定三

處處援應則屢瀕於危且性太剛褊於弁兵時

加怒詈賞罰無紀號令不明軍心俱已渙散若

欽定剿平粵匪方略卷七

十

不及早調度難免兵潰之虞臣夙夜籌思欲行

叅奏則其人並非怯欲行撤回則其勢必至

決裂適接達洪阿來函現因患病請派大員接

帶官兵以便隨營調理臣因令其赴潯州府城

調理將所帶弁兵移交烏蘭泰管帶於軍事大

有裨益又慮其痊愈後復欲帶兵臣禁之無名

用之不可儻蒙



召令回京當差既可全其身名又可整肅軍伍奏入  
上諭內閣曰達洪阿自到廣西軍營以來奮勇剿賊不  
辭勞瘁以致舊疾復發朕心實深眷念著毋庸仍留  
軍營即來京安心調理病痊照舊在京供職

二十五日己卯賽尙阿奏言據烏蘭泰等稟稱自

移營三合水探聞山內之賊全數逃出巴清德  
等約令二十八日前後同進烏蘭泰由下窰過

聖軍方略卷七

十一

河見小村內有賊搖旗即回過河北派署副將  
清長帶黔兵過河面西排列商令秦定三率參  
將巴圖帶廣東兵四百過河面南排列河內有  
沙岡一道派楚黔兵埋伏接應分布已畢四面  
賊匪蠶擁千餘離黔兵不及半里見我隊伍齊  
整持槍不發退避南邊林後遙見西面林內亦  
有伏賊西南兩林高坡突出賊匪約五六百名

直撲湖北隊香山勇暨湖北兵均開礮轟擊斃  
賊七八十名該匪退回忽南林繞過五六百賊  
湖北貴州兩隊勢難支持適張敬修王錦繡兵  
勇陸續趕到斃賊二三十名該匪始退我兵復  
追過河匪竄已遠收兵回營二十七日署道張  
敬修帶東勇及團練在赤土村與賊接仗斃賊  
數十名生擒數名旋又據巴清德向榮稟稱自

聖軍方略卷七

十二

督兵深入紫金山查看風門坳兩峯並峙該匪  
已將坳口壘石安礮山下小路挖斷兩邊山梁  
搭望樓及草棚數百間踞守現與各鎮籌商非  
三路齊進槍上山梁不能拔此險隘遂派潮勇  
為頭隊四川湖北官兵為二隊由中路進攻武  
生劉孟三等提勇為頭隊湖南官兵為二隊由  
東邊爬上山梁抄賊之左陶昌培楊瑞乾為頭

續修四庫全書 史部 紀事本末類



隊廣西官兵爲二隊由西路上山抄賊之右一面飛致烏蘭泰前路密飭官兵揚旗放礮以分賊勢初二日三路均衝枚疾走行至山腳一齊殺進槍礮愈緊該匪棄隘敗走立將風門坳隘口奪占該匪滾崖死者不計其數追至古調村外該匪抵死踞守當令兵勇拋擲火彈將村房焚燬該匪從村後逃走復將賊占各村全行燒

欽定剿平粵匪方略卷七

十三

燬已離新墟不遠寅刻巴清德向榮親督官兵拔營進至平山正在度地紮營探兵飛報賊匪千餘藏古林社內當卽分撥官兵迎戰長瑞劉長清親率川楚官兵由山梁橫衝殺入槍礮火箭斃賊數十人該匪卽由村後逃竄其時烏蘭泰亦令侍衛開隆阿會同總兵李能臣署道張敬修用大礮對新墟轟擊將傾巢之賊全數轟

斃約五六百名現在新墟前路自大黃江口及附近各營並鵬化要隘均經檄飭烏蘭泰處處嚴防以杜竄逸烏蘭泰營內兵力稍單新到之四川屯兵八百湖北兵五百經臣飭赴烏蘭泰營其時尙未能趕到達洪阿現因病請假回潯養病其所帶官兵臣卽札飭總歸烏蘭泰調度奏入

欽定剿平粵匪方略卷七

十四

上命軍機大臣傳諭賽尙阿曰此次前後兩路進攻賊巢屢戰屢勝斬獲甚多並經巴清德向榮由後路乘勝前追將風門坳一鼓奪獲現在我兵逼近賊巢其前路要隘處所經該大臣分飭烏蘭泰等處處嚴防並將新到之四川湖北各兵及達洪阿所帶官兵總歸烏蘭泰調度兵力旣厚防剿更易得手惟賊勢窮蹙已極因獸猶鬪難保不鋌而走險且該匪狡黠異



常或伴敗詐降疊施奸計亦不可稍涉大意省城重地防範亦關緊要著該大臣酌量情形如新墟刻已攻破塌穴檢渠即移兵南下勢如破竹儘一時重兵未能移撥而左江一帶兵力尙不敷用或於鄰近雲貴湖南等省再酌調一二千名以資防剿卽一面飛調一面奏聞

上諭內閣曰此次我兵前路進剿屢戰屢勝後路復乘

聖祖聖訓卷七

十五

勝將風門坳攻破賽尙阿調度有方巴清德烏蘭泰向榮均能身先士卒屢立戰功深堪嘉獎均著交部從優議敘所有出力之鎮將文武員弁兵勇著查明保奏候朕施恩

閏八月初五日 戊子 大學士賽尙阿廣西巡撫鄒

鳴鶴奏言此次軍需自上年七月以來已奉撥

銀五百餘萬兩目前固不虞支絀何敢遽行請

益惟軍務所需不敢不寬爲籌備且粵西地偏而瘠本省藩鹽二庫無款借墊卽各省指撥有項而輾轉運解非數月不能到齊儘不豫爲籌畫臨時恐難免周章惟有仰懇

天恩飭部速籌銀一百萬兩由各該省趕緊委解以資接濟奏入得

旨允行

聖祖聖訓卷七

十六

賽尙阿又奏言連據烏蘭泰稟報初九日帶同侍衛開隆阿總兵秦定三行近孔村卽聞紫金山口礮響探報向榮已經接仗遂督兵搜探莫村以南俱有礮臺北面三家隴大墩嶺干村一帶均有伏賊古城一帶並有木寨礮臺望樓遂商令總兵劉長清領兵接應秦定三帶兵分路埋伏烏蘭泰督兵居中徐進向莫村放礮該匪



並不回敵官兵遂將大竹園一帶燒燬並燒干村賊奔新墟我兵直追至墟口初十日烏蘭泰同開隆阿等帶兵到步安橋一帶度地紮營忽聞礮聲當卽督兵前進匪終不出我兵焚燒三家隴木寨突出百餘賊我兵迎敵該匪復退十一日有匪數十過河劉長清帶兵渡河往捕賊卽逃回十三日該匪六七百人突至孔村烏蘭

欽定剿平粵匪方略卷七

十七

泰帶兵往剿該匪飛奔回巢我兵追至干村放礮轟擊該匪不敢復出孔村練長連報賊匪七八百人由護甲過河南竄烏蘭泰因約巴清德向榮於十四日同時進攻一面分布隊伍一面挖溝築壘該匪一股由新墟撲來一股由莫村撲來當令胡俸伸趙榮升劉長清等分路進攻埋伏烏蘭泰與開隆阿各帶兵接應秦定三在

北面督兵該匪大股分而爲二一撲湖北隊一由竹林繞撲離半里許卽開槍礮我兵俟其漸近開放小礮轟倒十餘賊該匪抵死喊撲我兵用槍礮同擊該匪且戰且退約百餘步復開槍礮竹林後一股已被慶福伏兵用連環槍擊倒無數我兵追出竹林該匪亦於林後留賊接應烏蘭泰見正南喫緊留開隆阿照料西邊調嚴

欽定剿平粵匪方略卷七

十八

承恩赴南面接應莫村大股一半撲正南一半藏大茶亭後其南撲之賊見我兵開槍卽轉西去兩股合撲我兵槍熱藥盡飛將田學韜隊調來匪不能支復退百餘步站住東南槍聲又緊開隆阿飛赴接應見莫村之賊復分兩股一被慶福之兵擊退一衝劉永鈞之隊我兵橫擊該匪又撲廣東兵隊開隆阿親放鳥槍擊斃二賊



該匪始退入坡下溝內伏身轟打我兵稍退誘之使出其時李能臣張敬修兵勇趕到該匪仍奔溝內我兵下坡追殺該匪及林後各賊聚成一處約四千餘人且住且退北面干村又來一股約五六百天已陰沈卽令兵勇往北迎擊以便就近撤回不料該匪盡數追來前軍回走已遠烏蘭泰憤極下馬示拼死戰我兵奮勇回軍

聖朝方略卷七

十九

斃匪無數匪始敗回我兵追至後嶺是日轉戰四時之久前後擊斃賊匪三四百名此烏蘭泰一路自初九日至十四日接仗獲勝情形也又據巴清德向榮稟稱知會各路官兵於初九日圍攻新墟先於初八日派兵勇千餘偃旗息鼓而至拋擲火具匪見火起擁出千餘開礮抗拒巴清德向榮派兵接應賊占樹林我兵四面抄

出殺死多名賊始遁回新墟初九日出隊分兵兩翼沿河而進武生王發魁等各帶勇助勢官兵甫抵吉林社外該匪傾巢而至約三千餘人分七隊迎出新墟數里開礮副將奚應龍等開放槍礮逼近轟擊點放火箭射中賊匪望樓登時燃燒天津鎮長瑞綏靖鎮李伏督兵焚燒賊村擊死執旗賊目一名斃匪數十名仁勇陶昌

聖朝方略卷七

二十

培等正在過河助勦風雨驟至徐徐撤退該匪冒雨起來短兵接鬪因雨路滑匪亦未敢戀追兩止後聞東面礮聲知是烏蘭泰打仗隨又派兵接應天晚復雨亦卽撤回初十日探報賊匪斃千餘巢而出直撲大營卽飭鎮靜以待瞥見左山脊有騎馬賊五人黃旗十餘桿賊匪分踞山梁礮轟來右山梁一股約二三百人搖旗



助勢巴清德向榮卽令提勇上山截其去路又派兵勇由營後上山助威各股賊匪攻湖南營盤當卽派陳瑞芝等帶兵勇分擊迎敵短兵相接斬首三十餘顆直追至古林社始行撤回十三日烏蘭泰出隊至古林社該匪數千早伏新墟外之攔牆內卽督兵直前攻勦該匪倒地不少相持四時之久匪終不出傍晚收兵此巴清

欽定剿平粵匪方略卷七

三

德向榮一路自初八日至十四日獲勝情形也查此股賊匪自竄出紫金山之後經兩路連日圍攻勢已窮蹙但新墟地勢竹木茂密溝塍極多該匪復密設木壘礮臺築牆固守一時未能攻入訊據獲賊供稱現在拆取房屋竹木紮造箚筏冀由石嘴渡江南竄因令南路水勇撥船防堵並派委員陳瀚在石嘴一帶巡邏此股賊

匪若南竄過江不惟桂平等處大遭蹂躪且搶掠裹脅勢必復煽其東北鵬化一路爲賊舊巢前已令署總兵李瑞王夢麟帶兵勇在占城坳埋伏經文岱帶兵在鄧塘水埋伏復經烏蘭泰撥兵勇接應其鵬化里內七十餘村已飭居民將積穀搬移臣親晤該處紳士面加激勸咸知鼓舞山內犒勇亦志切同仇卽使新墟驟難攻

欽定剿平粵匪方略卷七

三

破該匪糧盡思逃石嘴大黃江處處埋伏斷難飛越而鵬化一路業經密爲布置我兵前伏後追較之因圍死鬪尤易爲力查烏蘭泰嚴密聯絡設防鵬化等處又復晝夜進攻新墟辛苦已極應請

賞換頭品頂戴二等侍衛開隆阿督率官兵身冒矢石亦屬壯往應請



賞給頭等侍衛先換頂戴所有出力員弁兵勇俟查明

再行保奏傷亡弁兵亦卽飭造冊咨部議卹

賽尙阿又奏言據探新墟賊匪爲前後各路官

兵攻偪已極於十六日夜越嶺思竄經平南團

練及東勇橫截衝殺我兵追及四面圍攻晝夜

轟殺新墟攻圍似更得手奏入

上命軍機大臣傳諭賽尙阿曰此次雖連日獲勝究未

聖學聖方略卷七

三

大加懲創現據訊供該匪有由石嘴渡江南竄之信

自應分派兵勇堵禦惟該匪詭譎異常難保不聲東

擊西其東北鵬化一路經該大臣激勵該處紳士及

山內猗勇均已志切同仇並經烏蘭泰派兵前往接

應儻該匪窮蹙竄出必能會合兜撿新墟賊匪紛紛

爬越後路高嶺逃竄現經兵勇衝殺圍攻該匪股數

衆多恐其分路牽掣我師尤當防其詭計兵貴神速

當此乘勝之時正可一鼓作氣掃蕩賊氛固不可急  
遽貪功亦不可遷延誤事

上諭內閣曰前後兩路官兵疊次進剿新墟賊匪窮蹙

已極正可乘此軍威撿渠掃穴烏蘭泰身先士卒有

膽有識殊堪嘉尙著賞給都統銜二等侍衛開隆阿

奮勇可嘉著賞給頭等侍衛所有連日攻剿出力文

武員弁兵勇著查明保奏傷亡弁兵查明咨部議卹

聖學聖方略卷七

三

十三日 丙申 賽尙阿奏言逆匪被困新墟鹽糧將

盡劫焚竹籐本欲由南淶石嘴潛往貴縣鬱林

等處勾結因沿河防禦甚嚴十六日夜遂放火

燒新墟一帶村舍擁衆由大簡翻山奔向鵬化

花洲一路烏蘭泰知會各路嚴防佛子嶺登高

廟胡村知會李能臣會同張敬修進剿劉長清

帶兵赴莫村新墟搜捕後趕由登高廟入山烏



蘭泰帶兵至黃茅界探知有賊數百至平山將  
練勇營盤奪占遂帶兵進剿賊黨甚衆我兵將  
至山口賊開數十礮我兵用擡槍擡礮下攻前  
面路已空斷仍由嶺上轟打該匪退回東行我  
兵用擡礮擊斃四五十人內有執旗騎馬者五  
六人又由村中出賊五六百槍礮攻擊我兵後  
隊從旁橫擊該匪始退兵丁由西邊小路魚貫

黎平方略卷七

三

而下繞過山頭路又空斷因用大礮向村轟打  
賊俱退出山頂南北分走忽黃茅界有賊抄後  
卽將接應後路兵撤回黃茅派兵上西山遙見  
有賊在山腰伏藏遂留開隆阿照料又調秦定  
三兵在登高廟接應回至平山官兵飢乏已極  
曾在黃茅界登高廟一帶分紮李能臣王錦繡  
督帶弁兵練勇跟追將新墟燒燬追至新羅逆

匪敗走張敬修帶勇至水棍村該匪吶喊而來  
卽開礮斃賊數十名賊棄輜重爬山越澗追殺  
二十餘里至新羅村張敬修追趕乘輜賊因山  
徑崎嶇墜馬傷足知州馮玉衡率勇衝賊後隊  
斃匪二百餘名賊屍內有戴紅風帽黃衣一名  
黃網衣黃風帽賊婦一名訊被獲僞司馬楊繼  
淵供稱黃衣賊是僞軍師周錫能賊婦是僞女

黎平方略卷七

三

官平南令倪濤在獨峯山帶壯練殺賊數十人  
各營接應轟斃賊百餘人匪分三路抄截約數  
千人壯練退冷水冲會同烏蘭泰擊賊副將王  
錦繡督率遊擊馬福等至羅碧村擊斃賊匪二  
百餘人經文岱自古狼渡河見匪黨滿山僅帶  
黔兵千名未能抵敵巴清德向榮亦連夜拔營  
趕至佛子嶺堵截此十七日各路追剿情形也



十八日巴清德向榮探賊由石門出至思旺會商移營橫嶺攔截因雨不能前進烏蘭泰又到平山口探營盤村有賊催兵前進該匪七八百人由村內擁出我兵力擊該匪敗回因將道路填起魚貫下山忽見風門坳賊五六百人向我軍放礮官兵紮在平山烏蘭泰兩日殺賊約三百餘名王錦繡等是日殺斃賊匪數十人經文

聖朝方略卷七

三

岱帶兵追截正遇賊匪過河官兵槍礮斃賊二十餘人該匪退去我兵追到大旗嶺山徑陡險卽於風門坳分兵駐守此十八日各路進剿情形也二十日烏蘭泰拔營前進探該匪尙有十之三四在山內一路追剿擒斬甚多追至龍街地方紮營張敬修由下窰移營至平南之得勝橋探得該匪由思旺逃竄欲至藤縣巴清德向

榮拔營欲移橫嶺前隊均已渡河探報樹林有伏當卽催兵速渡至離思旺墟六七里之官村廟正在紮營賊由思旺傾巢撲來賊匪漸近兵勇開放槍礮斃匪多名我兵亦傷忽松林內衝出一股約七八百人欲抄官兵之後卽撥兵勇由嶺後壓下開放連環槍礮賊抵死不去楚兵因火藥被雨溼盡不能抵敵退回紮營之處該

聖朝方略卷七

三

匪乘勢起來我軍營盤未定卽時退走接應之兵亦退該匪復從左邊山梁抄後兵勇突被數路夾攻猶攘臂大呼四面衝殺巴清德向榮長瑞李伏親衝賊隊千總楊成貴中槍陣亡我兵且戰且退思旺距平南不遠恐賊因我兵失利直竄平南遂暫回平南駐紮鍋帳多有損失俟整理器械再約各路進兵鵬化團練連日殺賊



數十人退至蚺蛇界又斃賊二十餘人匪竄出思旺等處此二十日各路進剿情形也二十一日烏蘭泰冒雨前進自尖石頂大山至馬頭山口遙見四處火起隨令屯兵爬上左右兩嶺黔兵從中直出該匪五六百人見我兵上山俱逃回思旺我兵卽至龍門駐紮兩日由山內追出共搜殺賊匪六十餘名生擒十八名該匪因追

聖皇聖方略卷七

三

兵緊急飛奔驚竄古州鎮李瑞拔營紮佛子嶺嗣又連據探稟賊到界水地方平南藤縣團練先在水冲內埋伏賊匪一到由兩邊攻擊賊匪敗走大合水地方屯任團練殺死會匪十餘名現在烏蘭泰秦定三張敬修等屯紮平嶺其餘各鎮弁兵紮營思旺巴清德向榮暫紮平南大將橋一帶以堵平南要路聞匪有由思旺直竄

藤縣和平墟等處之信俟整理器械鍋帳卽拔隊前進臣查該逆匪自新墟焚巢而竄思旺之匪因追捕甚急占踞鵬化七十餘村巴清德向榮繞道截賊前路紮營未穩遽被逆匪衝撲致帳房軍械全被賊掠副將李瑞王夢麟帶兵駐紮古城坳爲賊所必經之路任其免脫經文岱在鄧塘水雖屬兵單乃見賊滿山不敢抵敵均

聖皇聖方略卷七

三

難辭咎相應請

旨將李瑞王夢麟先行摘去頂戴仍交部嚴加議處管帶楚兵先潰之李伏及經文岱交部嚴加議處均責令留營帶罪立功以觀後效巴清德向榮長瑞亦應請

旨交部議處以示懲儆陣亡千總楊成貴應請旨交部議卹奏入



上命軍機大臣傳諭賽尙阿曰新墟賊匪因我兵圍逼漸緊焚巢而出由藤縣和平墟竄逸此路可通永安修仁等處爲入省要路該大臣自應持以鎮靜嚴飭向榮一軍激勵士卒與烏蘭泰等聲勢聯絡或前後夾擊或設伏抄剿總令該匪奔喘不暇斷其搶掠之路再此時賊匪分竄勢已渙散正可乘此機會立懸重賞設法擒縛逆首數人則賊膽自落其勢更易解

聖學聖方略卷七

三

散該大臣務當相機妥籌嚴密布置毋得再有疏失  
上諭內閣曰廣西新墟逆匪由藤縣和平墟等處逃逸巴清德向榮等截賊前路被匪衝撲李瑞王夢麟經文岱李伏管帶兵勇均未能遏賊奔竄之路實難辭咎李瑞王夢麟均著摘去頂戴仍交部嚴加議處李伏經文岱均著交部嚴加議處仍一併留於軍營責令立功自效巴清德向榮長瑞亦著交部議處仍著

會同烏蘭泰等合力兜剿務將竄出各匪併力殲擒毋得再有疏失致干重咎陣亡千總楊成貴著交部照例議卹

十九日壬寅賽尙阿鄒鳴鶴奏言據探賊匪竄至

永安代理知州吳江督率兵壯嬰城固守設伏斃賊多名因援兵未到遂於初一日失守文武均已陣亡前因新墟賊竄疊經臣賽尙阿飛札

聖學聖方略卷七

三

巴清德向榮烏蘭泰等緊躡賊蹤雖軍械不齊亦當趕緊前進乃屯守平南延稽時日烏蘭泰追至麻油坪地方及賊後隊探知賊匪前隊盤踞大旺墟另一股分往南行此間路徑分歧可通藤縣永安巴清德向榮欲令劉長清帶兵前赴修仁荔浦一帶堵截烏蘭泰尙恐兵單因令李能臣同往探知該匪已竄至藤縣之太平墟



烏蘭泰因由山繞路迎戰二十八日拔營知有  
翻山小路可通永安隨路開鑿行七十餘里至  
豆田翻山越嶺至馬林市初一日入二江峽騰  
洞峽等處過六梅嶺酉刻接永安州飛稟州城  
被圍催隊急行初二日至夏宜村正在造飯忽  
探該匪已破永安因帶已到各兵前進趨至離  
州城十餘里之文墟地方聞水寶仍有賊踞遂

聖皇輿方略卷七

三

趕築營壘探得賊現踞州城並莫家村衛龍村  
及水寶等處自花祿翻山至此三百餘里馬不  
堪行烏蘭泰每日徒步二三十里實爲勞瘁續  
據開隆阿江忠源等飛稟自初二日紮營文墟  
初三日因礮械未到稍爲休息初四日烏蘭泰  
急不能待帶領屯兵向永安州城前進行至佛  
子村距水寶僅八九里聞該匪有一千餘人在

水寶恐我兵全往州城該匪來抄我後留兵令  
經文岱暨江忠源在佛子村後嶺駐紮以防水  
寶烏蘭泰暨開隆阿秦定三率兵前進行至佛  
子村中間倏見該匪八九百名由鬪嶺蠶擁而  
來被我兵擊退乘勝追過鬪嶺城內暨水寶之  
賊約二千餘人從兩旁抄來我兵奮不顧身將  
抄出之賊擊敗直追至永安南關該匪逃入城

聖皇輿方略卷七

三

中踞守先後擊斃該匪七八百人生擒十一人  
烏蘭泰雖未趕及而連日翻山疲苦且已獲有  
大勝尙屬可原巴清德向榮因損失軍械未能  
刻卽拔追致該匪四竄咎實難辭應請

旨交部嚴加議處仍留軍營帶罪圖功目下省垣集團  
募勇以固根本一面飛調湖廣官兵一千名前  
來防剿李能臣劉長清已到修仁一帶臣賽尙



阿飛札即往會勦復因南太匪首顏品璠已經殲斃省城緊要已將前遣赴南太之兵調回臨桂鄉團統計五萬餘人均極整齊省城可保無虞各州縣團練均由在籍侍講龍啟瑞御史朱琦及其弟前刑部主事朱壽康董率可資得力將來巴清德向榮之兵復行整頓添募潮勇趕到可勦分竄各匪若以鄉團截其前兵勇追其

聖學聖方略卷七

三

後使無駐足之所似亦無難撲滅至永安州城文武如何殉難情形容俟查覈詳確奏請

恩卹

賽尙阿又奏言署右江道張敬修抵華錦村探知該匪屯聚大黎距華錦村十數里旋據報稱該匪分股各一二千人逃竄三江口及藤縣屬之太平墟餘匪及首逆等三四千人已先由大

黎入永安州境仍有留大黎者二十九日復報該匪紛紛他適據署潯州府張其瀚稟報逆匪自竄入永安州城後分作三起一在距平南百里之大黎水一在距大黎水九十里之榕樹江口一在距榕樹江口三十里之太平墟巴清德於閏八月初一日起程由平南至太平墟向榮亦於是日起程由平南至濛江張敬修在大崗

聖學聖方略卷七

三

村駐紮等情張其瀚擬初二日會同進勦臣查該逆自新墟逃竄勢已窮蹙惟因永安兵力太單適當該逆分竄大兵尾追不及據守三日力盡城陷即巴清德烏蘭泰向榮等連日分股追躡亦並無觀望退縮情弊實因各處山路分歧險窄難以趨行現在賊之大股及首匪多在永安州城各路兵勇陸續到來正可聚而殲旃第



事機屢變之後臣恐逆首潛逃及餘黨分匿急切不能剋期掃盡亦屬可虞奏入

上諭曰逆匪被困正可聚而殲旃勿令一名免脫至洪秀泉等欲由水路潛逃嚴密防範若首逆未能擒獲祇殺餘匪以塞責朕惟知將賽尙阿重懲不貸懷之上命軍機大臣傳諭賽尙阿曰新墟賊匪分竄後突入永安州城我兵繼至且追且擊該匪逃入城中閉門

欽定剿平粵匪方略卷七

七

踞守現在巴清德向榮烏蘭泰等均已督帶各路兵勇先後追至務當嚴密堵禦四面圍攻乘此機會聚而殲旃毋使一名漏網再城中賊匪是否有逆首在內尤須探明設法殲擒所調湖南兵一千名現在是否趕到足資防剿新墟一帶賊巢既已焚燬其零匪是否勦淨聞逃匪有怨恨思散之言若能設計誘令將首逆縛獻則餘黨更易翦除賽尙阿自抵軍營以

來凡遇奏報勝仗著有勞績朕無不優加賞賚卽巴清德向榮等亦均屢有恩施現在賊匪仍肆猖獗攻破城池該大臣等當知感知愧力圖報效以贖前愆上諭內閣曰廣西逆匪由新墟竄逸後於閏八月初一

日突入永安州城代理永安州知州吳江督率兵壯嬰城固守並設伏斃賊多名因援兵未至以致力盡城陷現在賊匪踞城拒守經烏蘭泰率同開隆阿秦

欽定剿平粵匪方略卷七

三

定三經文岱等帶兵赴援將抄出之賊擊敗逃入城中此次巴清德向榮因軍械損失未能卽刻進剿以致賊匪分竄咎實難辭巴清德向榮均著摘去頂戴拔去花翎帶罪自效賽尙阿調度失宜亦著交部議處其永安州城殉難文武深堪憫惻著卽查明請卹以慰忠魂

二十六日己酉賽尙阿奏言據烏蘭泰等報聞八



月初六日出隊至圖嶺遙見莫家村有賊因派令副將和福等帶兵在松嶺後埋伏侍衛開隆阿等帶兵在新村秦定三等隨同接應該匪擁而來烏蘭泰令旗兵放火箭正中賊隊乘勢而進該匪稍退西山上賊齊撲而下屯兵突出連槍攻擊該匪紛紛倒斃同時黔滇兵用連環槍將山根賊擊敗中路之賊被湖北兵及屯兵擊退惟莫家村賊隔河抗拒不退東南之賊抄來我兵登時擊退該匪兩股合一用大礮向我軍轟打經文岱接應秦定三等勇氣倍加斃賊無數內有一紅衣黃帽賊騎馬指揮督戰我兵將紅衣賊擊斃衆賊大亂我兵乘勢過河該匪大潰追殺到城該匪閉城不准敗匪退入多被殺死大獲全勝又據潯州府張其瀚稟逆匪由

聖朝方略卷七

三九

大旺墟竄至藤縣之大黎里平南令倪濤督團於八月二十八日追至上坡村見有賊船三十餘隻沿河賊匪千餘隨即開放鳥槍交戰時許斃賊百餘旋有騎馬執旗賊目率賊擁上經武舉廖凌漢等奮勇直前砍倒賊目二人殺斃數十人勢怯敗走適藤縣三江口團練截擊餘匪棄船逃逸署藤縣張鵬萬率團總前山西知縣卓希泰於二十九日由三江口截殺該匪二十餘人旋調各處團練五千餘人衆心更壯當即分撥追剿探得逆匪洪秀泉欲出濛江赴廣東隨即密飭生員覃瀚元率練在三江口蚡蛇嶺旁埋伏初二日匪船十三隻先到用礮擊沈五隻該匪攏岸逃走壯練奮勇上船斬首十餘級餘船仍從上游駛回其大坡壯練初二日與匪

聖朝方略卷七

四十



打仗生擒逆黨十餘名該匪不敢拒敵直竄永安州官軍復緊追至麻油村四面兜擒擒傷該匪無數臣查此股賊匪三路竄擾其濠江一路已爲倪濤張鵬萬擊沈船隻連日追殺全行竄回永安初四初六等日烏蘭泰又連獲大勝連次飛催向榮前進已於初十日拔營趕赴昭平堵遏並圖進剿永安又疊催劉長清李能臣迅速拔營逼近州城現探該匪於初六日夜在各

聖皇聖方略卷七

四

要隘趕造木壘礮臺爲踞守之計我兵四路會齊當亦無難得手署藤縣知縣張鵬萬連日獲勝實屬奮勉應請免補本班以同知直隸州知州卽行升用並

賞戴花翎六品軍功生員覃瀚元殺賊受傷應請以府經歷縣丞儘先選用並

賞戴藍翎平南縣知縣倪濤擒斬多名應請旨交部從優議敘

賽尙阿又奏言十一日烏蘭泰出隊設伏水竇以兵誘敵該匪五六千分路攻撲引至圖嶺我兵大隊由嶺後突出槍礮齊發殺斃二三百名逆匪仍退歸木寨水竇賊一千餘名乘虛欲撲我營東面伏兵將出該匪一股由嶺北抄後一

聖皇聖方略卷七

四

股直奔圖嶺欲截歸路均經官兵全行擊敗至收兵時秦定三勝受鉛子傷猶督兵力戰鎮將弁兵無不倍加奮勇復獲大勝賽尙阿又奏言臣自到粵西迄今三月所調兵勇不爲不多乃自新墟圍困功敗垂成致該匪焚巢竄越總由兵不齊心以至尾追不力向榮一軍又復因雨致挫頓兵平南十餘日始能拔



隊起程惟恃烏蘭泰一軍翻越追逐又因轉餉  
為艱難於迅速遂致永安失事查各路官兵疲  
頓已久計尙可出隊者不過十之五六而師老  
力竭亦復難期得力添募撤換勢固不得不然  
至各處鄉團實可以資保障目前之局若四路  
合攻非不可剋日蒞事然添募兵勇賞犒鄉團  
需費實難豫計糧臺所存僅數月餉惟廣東關

聖學方略卷七



稅一款未解到者尙有六十萬餘兩而隨徵隨  
解亦恐緩不濟急惟再乞

請飭部臣寬為籌畫陸續接濟俾免停兵待餉之虞各  
營鎮將亦已疲乏查有河南河北鎮總兵董光  
甲湖北鄖陽鎮總兵邵鶴齡湖北鎮標遊擊胡  
定國均屬有用之才懇請

飭下各該督撫轉飭該鎮等各帶親信官兵二三百人

迅速來粵以資調遣奏入

上命軍機大臣傳諭賽尙阿曰賊匪分作三路竄擾其  
濛江一路已經壯練擊沈船隻竄回永安賊首洪秀  
泉等是否與韋政等俱竄入城內抑係分竄他處務  
須偵探確實設法誘擒無令免脫現在賊匪大眾聚  
入永安州城所有城內被脅良民正可乘機設法密  
委有膽有識者潛入城中探悉賊情或設法誘擒或

聖學方略卷七



城內被脅紳民密相要約以為內外夾攻之計則  
勦擒更易得手全在該大臣設計用閒俾賊匪一舉  
一動無不豫知庶乘機應變不難一鼓蕩平也師行  
日久兵勇不免疲頓酌量撤換勢固不得不然著該  
大臣相機籌辦

上諭內閣曰此次賊匪分作三路逃竄經水陸各路分  
段截勦業已大加懲創該大臣仍督飭帶兵各員奮



力擒勦務將圍困永安城內及分竄之首逆並夥黨  
悉數殲擒勿留餘孽烏蘭泰屢著戰功不避艱險殊  
堪嘉獎著賞穿黃馬褂署藤縣知縣張鵬萬越境追  
賊實屬奮勉著免補本班以同知直隸州卽行升用  
並賞戴花翎六品軍功生員覃瀚元殺賊受傷著以  
府經歷縣丞儘先選用並賞戴藍翎平南縣知縣倪  
濤擒斬賊匪多名著交部從優議敘所有前經准撥

聖恩賜方略卷七

聖

廣東關稅並飭部籌撥銀一百萬兩著戶部飛催速  
卽解赴廣西以濟要需

上又諭內閣曰河南河北鎮總兵董光甲湖北鄖陽鎮  
總兵邵鶴齡湖北鎮標右營遊擊胡定國著各該督  
撫飭令馳驛前赴廣西軍營交賽尙阿差遣委用  
賽尙阿又奏言又據署右江道張敬修稟閩八  
月初二日帶勇追賊因地勢險窄各勇前後相

離竟不能齊隊懸崖陡壁技力無從施展未免  
膽怯退縮初五日行至樟村探知逆匪船至山  
門地方次早督勇出隊竟無一人敢進親自驅  
追一里其時未見一賊而壯勇忽稱賊至紛紛  
四散張敬修憤懣填胸情急投河經壯勇救援  
而銳氣竟難復振自知辦理不善惟請嚴叅治  
罪臣查張敬修所帶東勇屢立戰功何以忽然

聖恩賜方略卷七

聖

改變當札該署道妥爲裁撤遣使各歸本籍前  
經咨行兩廣總督募潮勇三千名並另募東勇  
一千二百名計日可到卽交張敬修管帶所有  
前次懇

恩將張敬修交部從優議敘之處應請撤銷又都司白  
人鵬前經勦捕鬱林逆匪出力保奏奉  
旨以遊擊儘先升用後因進剿新墟出力保以參將儘



先升用並請

賞戴花翎該員自保舉後推病不思出力未便姑容應

請將該員遊擊儘先及參將花翎一併撤銷又

曲尋千總李鍾林自保守備後不復出力亦請

將升用守備撤銷以示懲儆奏入

上諭內閣曰廣西署右江道張敬修管帶壯勇辦理未

善所有前次從優議敘著即撤銷都司白人鵬千總

聖學方略卷七

聖

李鍾林自保舉後俱各推病不肯出力白人鵬疊次

以遊擊參將儘先升用並賞戴花翎李鍾林以守備

升用之處均著一併撤銷仍責令帶罪自效儻再不

知奮勉即著嚴叅懲辦

欽定勦平粵匪方略卷八 辛亥年

九月初三日 乙卯程喬采奏言湖南衡州地方齋

匪最多經知府陶恩培訪獲謝發詳等犯究獲

頭目左家發並於獲犯蕭二家起獲旗幟黃布

馬褂及木印令籤陣圖書信偽照多件提訊左

家發據供係聽從廣東人李丹入會以廣東老

萬山即狗頭山之朱九濤為會首又有張添佐

聖學方略卷八

一

改名赤松子在湖北湖南各處藉名賣藥暗行

勾結朱九濤自稱太平王李丹稱平地王張添

佐稱徐洸王朱九濤約令該犯勾結匪徒其令

旗等件係李丹由廣東寄來用有偽印並寫老

萬山三字現又接李丹自廣西來信派伊為衡

州總管囑令糾人等情所有究出頭目應請

令各該督撫拏辦奏入



上命軍機大臣傳諭程喬采龔裕駱秉章徐廣縉葉名琛曰據程喬采馳奏訪獲會匪訊究各情該犯等行蹤詭秘游弋於楚粵之交若不協力訪拏勢必滋蔓愈甚著徐廣縉葉名琛查明老萬山坐落何處是否即係狗頭山該匪等係何會名夥黨若干分隸何處務即嚴密訪查派委員弁將頭目朱九濤及匪黨全行弋獲並搗其巢穴毋得稍留餘孽其在湖北湖南

欽定剿平粵匪方略卷八

二

粵結各匪著程喬采等就現獲各犯究其黨與詰其住址密飭兩省州縣不動聲色一體訪拏毋令一名漏網

又命軍機大臣傳諭賽尙阿鄒鳴鶴曰湖南現獲匪徒左家發據供係聽從廣東人李丹入會現接李丹自廣西來信囑令糾人等情李丹由廣西致信左家發是該匪現在西省已有端倪此時竄匿何處夥黨

若干如何勾通衡州齋匪亟應嚴查勦捕盡絕根株又左家發供以廣東老萬山即狗頭山之朱九濤為會首朱九濤自稱太平王令旗用印寫有老萬山三字等語前據賽尙阿奏獲犯供詞有太平王坐轎進永安州城之語是否即係朱九濤抑係章政並洪秀泉是否即係狗頭山朱九濤之匪黨俱著確查具奏再顏品瑤雖經就戮其弟顏三及其夥黨仍應乘勢

欽定剿平粵匪方略卷八

三

殲滅毋令賊勢復熾容縣梁二十大興業縣黃亞佐等賓州麥二邱二嫂各股匪俱多至二千餘人其餘股匪亦復不少著即嚴飭該處文武併力堵截殲厥渠魁解散黨與是為至要

程喬采又奏言湖南提督余萬清聞訃丁憂暫留江華防堵茲新任提督鮑起豹行抵衡州不日可到江華接任查粵逆現踞永安與湖南江



華等縣處處緊連防堵十分喫重余萬清自上  
年履任後妥籌布置擇要嚴防無一不臻周密  
雖鮑起豹人極老練軍務亦素所講求而甫經  
來南究不如余萬清之諳熟應請

旨將余萬清仍留防所與鮑起豹協同籌辦以期策應  
悉協機宜奏入

上諭內閣曰湖南提督鮑起豹現已到任惟該省防堵

擊粵匪方略卷八

四

喫緊余萬清著准其暫留該處協同鮑起豹籌辦一

切事宜俟防堵事竣卽行回籍守制

初八日庚申賽尙阿奏言據烏蘭泰稟報約會總

兵李能臣劉長清於閏八月二十日一同進攻

水竇逆匪十九日派秦定三穆騰額田學韜色

欽額戴文蘭等各帶兵在獨水嶺龍虎嶺等處

埋伏常祿開隆阿等帶兵分路接應經文岱江

忠源和福嚴守各營仍備接應隨卽銜枚前進  
二十日至石燕嶺我軍離賊營不及一里該匪  
用大礮連轟復於南頭營內擁出賊匪六七百  
名我兵用擡槍火箭分路迎擊忽莫家村賊繞  
來二股常祿之兵由山上壓下用連環槍轟擊  
該匪敗走南行北面二寨之賊一齊擁出被我  
兵擊敗該匪入寨不及向東南逃竄其接應之

擊粵匪方略卷八

五

賊拌死直撲我兵常祿清長一由山上壓擊一

由山腰截剿該匪死鬪未能合一其二寨之賊

俱竄南面二大營內穆騰額田學韜極力督攻

烏蘭泰飛令兵丁緊偪營牆該匪槍礮不能施

放衆兵一齊拋擲火器屯官思達朋首先帶兵

爬牆而上該匪用礮子木石擲打我兵拌死擁

入賊營北門早被堵住南門逃匪亦被截擊營



內賊匪約六七百名盡行殺斃搜獲槍礮旗幟器械多件其輜重及板房帳房三百餘架悉行燒燬當我兵攻營時東南山頭之賊撲來救應經清長等擊敗退回其北面大股賊匪攻撲嶺嶺經開隆阿擊退乘勝追剿復有莫家村賊七八百名前來接應水竇經慶福之兵迎頭截擊烏蘭泰率常祿帶滇兵接應賊匪已敗秦定三

欽定剿平粵匪方略卷八

六

兵亦幫同追剿將衛龍村乘便燒燬時西北煙火四起並有礮聲知係劉長清等兵到經文岱江忠源亦帶兵趕至鬪嶺烏蘭泰隨飛調清長等兵攔截水竇之賊其餘齊來攻城該匪復出營來追經我兵奮力擊敗時莫家村等處之賊退入寨壘施放槍礮各路俱有礮臺我兵奮攻一時之久未能得力時已申刻子藥火繩殆盡

當卽收兵回營又據總兵劉長清李能臣稟報二十日帶同川滇兵勇由龍眼潭前進該處山險路狹山下均係水田北勞六廟竹枝等處均有賊匪盤踞當卽督兵分路進攻轟擊賊匪延燒村莊直衝至西門外西河村該匪先於山嶺安礮設卡阻截施放大礮兵勇奮力逼近卡門該匪死鬪官兵連放槍礮斃賊數十名生擒三

欽定剿平粵匪方略卷八

七

名臣查水竇莫家村皆賊之精銳所在烏蘭泰雖四次獲勝而兵力太單無夾攻接應之軍卽使破其水竇亦不能分兵以守巴清德前赴梧州養病茲聞已愈趕赴昭平向榮因病由水路已於二十日至昭平日內卽當拔營前進其所帶之兵原係交總兵長瑞李伏先期統帶疊經臣嚴札一面留防昭平一面分兵進攻永安乃



遲遲不應未能刻速進攻幸烏蘭泰獨力維持  
屢挫兇燄此次攻營首先突入之屯官思達朋  
打仗奮勇之總兵經文岱遊擊穆騰額都司田  
學韜應先行請

旨獎勵仍令烏蘭泰查明此外出力員弁酌保巴清德  
向榮自官村挫敗遲至一月始抵昭平惟因病  
遷延稍有可原總兵長瑞李伏既至昭平去永

聖學聖方略卷八

八

安一百餘里乃因鍋帳未齊耽延不進應請

旨交部嚴加議處仍留營差委以責後效現在兵力多

有疲乏前經臣咨行廣東巡撫再募潮勇三千  
名以資剿捕嗣准咨覆已先募潮勇一千名飭  
令潮州府同知甯立梯卽行督帶起程其餘二  
千名現由臣札飭潯州府知府張其瀚前往迎  
提並札令署道員張敬修就近募勇一千餘名

統歸烏蘭泰一路會合攻剿近據探報逆匪於  
濛江一帶備有船隻恐官兵一律到齊該匪復  
有竄越已密飭藤縣知縣張鵬萬招募前次得  
勝團練密爲分布不動聲色夾江以待復密飭  
劉繼祖帶領張釗水勇潛伏濛江中流遇有竄  
匪卽行截擊臣現派臬司姚瑩持令前赴荔浦  
卽可就近與諸將參酌辦理復派候補總兵長

聖學聖方略卷八

九

壽督帶兵勇五百名前赴平樂防堵以昭嚴密  
奏入

上命軍機大臣傳諭賽尙阿曰賊匪竄踞永安以水竇  
莫村爲前路門戶經烏蘭泰督帶將弁分路進攻四  
次獲勝先將水竇攻破賊氣大挫惟莫村餘匪未淨  
永安州城逆首尙未擒獲我軍乘勝圍攻是否兵力  
尙單現經張敬修就近募勇千餘名歸烏蘭泰一路



會合攻剿著隨時察看情形調度接應務出萬全並嚴飭巴清德向榮趕緊帶兵前赴永安協剿毋得再有遷延坐失事機該匪於濠江一帶備有船隻希圖竄越逆首洪秀泉是否仍在其內該大臣已密飭張鵬萬劉繼祖等分帶練勇潛伏以待並派姚瑩長壽分赴荔浦平樂等處相機防堵斷不可令該匪等乘間竄逸又費周章永安距省甚近匪眾盤踞州城難

欽定剿平粵匪方略卷八

十

保不分股窺伺現在湖南續調之兵想已趕到務須加意嚴防妥為布置毋得稍有疏虞其顏品瑤餘黨現聞彼此各不相下正可設計用閒使其自相猜忌更易剿除

諭內閣曰逆匪竄踞永安州城以水竇莫村為前路門戶我兵圍攻州城先將水竇攻破賊氣已奪賽尙阿現已分飭帶兵大員剋日進攻務當激勵將士乘

勢將莫村餘匪及因守城內分竄各路首夥賊匪悉

數殲除勿留餘孽所有此次首先攻入賊營之屯官

花翎副將銜巴圖魯魯思達朋奮勇可嘉著賞加總兵

銜總兵經文岱隨同烏蘭泰疊次殺賊立功所有前

將該總兵交部嚴議之處著卽加恩開復遊擊穆騰

額都司田學韜督攻奮勇均著交部從優議敘此外

出力員弁著卽查明保奏總兵長瑞李伏因鍋帳未

欽定剿平粵匪方略卷八

十一

齊耽延不進均著交部嚴加議處仍留營差委以觀後效

賽尙阿又奏言據布政使勞崇光稟報八月二

十九日署橫州知州黃輔相探得麥二匪黨一

千數百人由貴縣之三里墟竄往站墟練眾堵

禦互有殺傷該署州調集團練於閏八月初一

日馳抵謝墟探得該匪已竄至南岸村隨飭團



練堵截該匪開礮轟擊勢甚猖獗各村團到齊進戰殲斃執旗賊一名騎馬賊先鋒一名賊夥二十餘人初二日三次進攻該匪負隅不出該署州調博合墟一帶團練五千餘人以圍南岸調謝墟站墟團練二千餘人駐紮北岸調周璞古平中屯等村團練二千餘人堵截龍門塘又諭那陽市黎村塘各團堵截上游該署州之子

黎匪方略卷八

十二

黃韶年管帶壯丁百名幫同練眾堵截南岸村後小路初三日分三路攻勦又派壯丁二百名駕船在龍門塘及劉公墟一帶堵守並牽大纜於河灘攔截以防兔脫初四日直進大灘駐紮偏近賊巢每路先縱火牛四頭衝入賊陣賊匪不能開礮我軍乘風噴放花筒火勢猛烈賊不敢出練壯奮勇直前槍獲賊礮向村內轟擊並

四面放火該匪情急紛紛鼠竄北岸槍礮齊施該匪駛駕大船三隻欲逃每船約六七十人當於灘頭擊翻二隻賊首麥二之船駛至中屯河口被大纜牽掛橫互灘上該處亂石森立灘水甚緊賊船不能竄過軍船亦不得前該署州趕到用大礮轟擊斃賊二十餘人餘匪情急投水俱於下流撈獲據獲賊認供內有賊首余亞源

黎匪方略卷八

十三

大當割首級梟示賊首麥二抱大槳漂流而下經練勇槍斃溺死又首匪麥亞銳同夥犯數人由小路逃至大塘村山坳經黃韶年帶壯丁生擒並獲夥匪三名初七日撈獲麥二屍身割取首級梟示是役計獲首級四百五十九顆生擒四百一十七名燒斃溺斃共約千人首夥各犯悉數殲擒奪獲刀矛器械大小礮位油米等物



無數又賊首邱二嫂於八月間由麥二殿內分夥千餘人自來賓石牙墟竄至貴縣木樞墟府經歷楊潤等帶壯練數百人進剿該匪負隅不出因賊眾兵單添調北山里練丁二千餘名會剿並先期知會來武各縣堵截閏八月初十一等日探報匪黨已至石龍墟盤踞該縣知縣張汝瀛督壯練於牛窩嶺駐紮派團練二百名

欽定剿平粵匪方略卷八

十四

分爲兩隊暗紮王村又派四百名分爲四隊前後設伏選練丁前往誘敵該匪持械突出接仗練丁且戰且退殲斃賊十餘人該匪繼擁前撲伏兵齊發斃賊數十人奪獲刀矛百餘件該匪敗退各路壯練乘勝奮擊斃賊一百四十餘人餘匪閉柵暗放槍礮傷練丁數人我軍開放大礮破柵進墟斃賊百數十人生擒八十四人奪

獲礮械百餘件餘匪逃竄武宣縣屬之東晚梧

山一帶該縣督壯練越境窮追適五山汛守備

吳成榮帶兵馳至十二日至梧山村適署武宣

縣知縣翟松在於交界防堵派練勇趕到協同

攻擊殺斃騎馬賊渠邱二嫂割取首級通計先

後各路斃匪六百餘人生擒二百七十餘名連

日搜捕餘匪以期淨絕根株所有此次尤爲出

欽定剿平粵匪方略卷八

十五

力之署橫州知州升補知府黃輔相應請

賞戴花翎署貴縣知縣張汝瀛應請

旨交部議敘以示鼓勵其餘在事文武員弁紳團人等

應飭查明保獎奏入

上諭內閣曰此次勞崇光督飭員弁率領團練多方布

置不藉一兵之力將積惡首匪麥二殲斃並將股匪

一千七百餘人剿擒淨盡其邱二嫂一股亦經兵壯



將首夥殲擒餘孽即可殄滅勞崇光調度合宜深堪嘉獎署橫州知州升補鎮安府知府黃輔相出奇制勝有膽有識著賞戴花翎署貴縣知縣張汝瀛素得輿情勤賊出力著交部議敘在事文武員弁紳士團練人等均著查明保奏

初十日 壬戌

上命軍機大臣傳諭徐廣縉葉名琛曰前因廣西新墟

聖學方略卷八

十六

逆匪分竄降旨飭令徐廣縉等嚴守肇慶等處昨據賽尙阿奏現探該匪復於濛江一帶備有船隻恐官兵一律到齊又思竄越東下肇慶各屬為東西兩省孔道最為喫重該督等已添派員弁督帶兵勇馳往交界處所著嚴飭認真防堵斷不可任其竄入至藤縣距信宜不遠現在凌十八等股尙未撲滅該匪與廣西韋政等皆係會匪結為死黨恐韋政等被勦窮

盛南竄信宜合夥必應於沿江一帶扼要堵截勿任勾結轉致蔓延再該督現駐高州辦理凌十八等股匪屢獲勝仗一俟此股辦竣即酌量移紮兩省扼要地方合力堵剿聲勢更為聯絡諒該督等已籌及此也

十八日 庚午 賽尙阿奏言永安州城為賊竄踞一月有餘各路大兵未能會合雖烏蘭泰一軍連

聖學方略卷八

十七

獲勝仗而兵力太單萬難責其收復城池殲擒渠首總兵李能臣劉長清進紮古排尤當時顧荔浦之新墟隘口且兵數亦復無多故僅與犄角相持不能輕進專俟巴清德向榮兵勇到齊方敷策遣乃該都統提督自官村挫折後在平南頓兵旬餘猶未拔營起程及抵昭平又不迅速前進屢經臣嚴催曲諭總以山深徑窄為詞



又各因病折轉梧州往返遲延至九月初三日始繞抵平樂猶幸賊匪未竄方冀其催兵前進剋日奏功乃據向榮函稱病勢增劇請假二十日卽由平樂水路趕赴省城等語該提督爲本省統兵大員卽抱恙未痊何得擅離營壘乃當萬分喫緊之際竟將兵弁交與巴清德驟行回省實出情理之外應請

聖聖聖方略卷八

十八

旨將向榮先行革職責令隨營效力巴清德遷延日久始到永安亦應請

旨交部嚴加議處仍留營帶兵以觀後效所有提督印務札委總兵劉長清暫行護理仍乞迅

賜簡放以重軍務署古州鎮總兵李瑞自黃茅界拔營由龍寮嶺翻山行抵永安屬之古東村紮營未定被賊劫營鍋帳等項全失傷亡弁兵多名退

回昭平不復前進似此恇怯失機應卽請

旨革職拏問治罪現偵探各賊首均在永安城及水竇莫村等處又於各隘口均築礮臺空斷路徑冀圖拒守巴清德率同總兵長瑞已抵荔浦之新墟臣授以機宜令其會同劉長清等約會烏蘭泰分路策應李瑞所帶之兵暫令嚴守昭平遏其東竄復於臨桂附近各團挑選精壯二千名

聖聖聖方略卷八

十九

又募壯勇五百名並京營弁兵二百名新調湖南兵一千名湖北兵五百名配帶礮位臣卽於拜摺後帶同前赴陽朔駐紮督令各路會合剋期攻勦陽朔距永安旣近且爲省南門戶旣易督戰亦可保衛省城聲勢較爲聯絡奏入

上命軍機大臣傳諭賽尙阿曰向榮久歷戎行素稱驍勇自湖南移鎮廣西屢獲勝仗前此雙髻山風門坳



之捷皆能身先士卒疊奏奇功何至官村一挫之後  
與前判若兩人該員為本省提督勦賊是其專責即  
有疾病亦當力圖進取以贖前愆何遽藉詞諉卸輒  
行回省是否與巴清德意見不合其赴省面見該大  
臣有無稟訴之詞巴清德向榮又何以藉病遷延兩  
人如出一轍著賽尙阿詳細訪查並將前次雙髻山  
風門坳兩捷巴清德與向榮究係何人奪隘先登官

聖學聖方略卷八

三

村之敗是否兩人互相推諉以致失機一併確查具  
奏該大臣仍當酌量兩人才識優劣用其所長如不  
能同心合力即令各領一軍責以自效勝則立予敘  
勳敗即嚴行治罪功罪分明該員等便無所用其推  
諉諸賊首萃集永安正如釜底游魂不難併力殲斃  
况賊心離貳有機可圖我軍又各路堵截該大臣現  
進駐陽朔即當激勵諸將迅督兵勇立掃妖氛萬不

可再事稽遲致該匪乘間突圍竄擾他處並須嚴密  
訓誡各營毋得稍洩軍情致匪黨得以探聽消息

上諭內閣曰廣西大股逆匪竄踞永安州城一月有餘  
烏蘭泰雖屢獲勝仗仍須巴清德向榮督兵會合策  
應乃該都統提督前因官村挫失頓兵平南月餘始  
抵昭平屢催前進仍各稱病折回梧州往返耽延至  
九月初三日始繞抵平樂永安急須圍攻收復而督

聖學聖方略卷八

三

兵大員似此諉卸延誤實出情理之外向榮久歷戎  
陣豈竟不知緩急輕重前此雙髻山風門坳之捷皆  
能身先士卒累奏奇功朕方冀其努力滅賊克膺懋  
賞乃於萬分喫緊之時自稱病勢增劇將兵弁交與  
巴清德遠行回省身任本省提督擅離營壘設有疏  
虞咎將誰屬自問於心安乎否乎向榮著即革職仍  
責令隨營效力廣西提督朕不遠行簡放著劉長清



暫行署理向榮果能感知懼奮勉出力尙不難再承恩眷若竟意存諉卸甘棄前功自速後禍朕亦不能曲加寬宥也至巴清德以都統大員督帶重兵亦復屢次託病任意遷延與向榮厥罪惟均著一併革職留營自效署古州鎮總兵李瑞前在古城堵守縱賊竄出今復於永安所屬之古東村地方被賊撲營傷亡弁兵多名退回昭平不復前進實屬懼怯無能

欽定剿平粵匪方略卷八

三

著卽革職拏問治罪以示懲儆

二十日  
壬申

上諭內閣曰廣西自軍興以來調派各省弁兵募集壯勇爲時已閱一載屢次移營剿賊士卒等觸冒暑雨瘴癘辛勞跋涉夙夜馳驅朕瞻念南疆日盼捷音速奏俾吾民得安衽席而從征將士亦得以早息疲勞現在逆匪竄聚永安正如釜底游魂暫偷視息賽尙

阿出省親督各路官兵環攻會剿自不難剋日蕩平朕聞在營兵勇無不切齒同仇誓圖滅賊當此賊勢窮蹙士氣奮揚之際統兵大員等自當乘機鼓舞多方激勵諭以及早成功卽可立膺升賞儻臨敵退縮亦必執法從事嚴明賞罰更足勵士氣而固軍心其帶兵員弁遇有保舉叅劾尤須覈實平允庶人人知感知奮定可迅奏膚公朕宵旰焦勞念逆匪一日不

欽定剿平粵匪方略卷八

三

除吾民一日不靖賽尙阿現抵大營著將朕意剴切宣布自各路帶兵大員及行閒兵丁練勇人等咸使聞知從此掃蕩妖氛靖巖疆而安黎庶朕實有厚望焉

二十九日  
辛巳

徐廣縉葉名琛奏言廣西南太一帶自殲斃巨匪顏品瑤後夥匪尙多臣等飛咨提臣陶煜文並飭知府沈棣輝會督兵勇前赴



西省交界之小董墟大寺墟分駐與西省聯絡聲勢合力兜剿閏八月初八日有大夥賊匪由亞王山背翻越竄至新鋪村距小董二十里陶煜文飭遊擊蘇崇阿等各帶壯勇馳往該匪出村抗拒我軍迎擊斃賊三十五名生擒七名賊匪退回初九日賊已過河竄至離新鋪六里許之那陵村我軍整旅進剿槍斃執旗賊目一名

黎粵匪方略卷八

三十四

兵勇奮力齊進殺執旗先鋒五名又乘勢驅殺一百四十二名生擒二十六名該匪即由那陵轉過勉村渡水而走其在新鋪之匪紮於對河接應我軍冒險前進施放火箭焚燒村口房屋初十至十六等日賊竄那勤村與新鋪勢成犄角當即飛飭知縣甘槐調集西鄉練勇二千餘名隨同分剿該匪出村拒敵潮州兵勇槍斃在

前賊匪十五名匪即退回堅閉柵門我軍開礮轟擊攻入村內各兵勇均奮勇直前將賊巢燒燬共斃賊二百五十七名生擒二十四名忽新鋪賊匪遙撲而來玉山何萬興持刀在後不許兵勇退回蘇崇阿復督兵進援賊始退去奪獲礮位軍械多件據探報匪首黃錫從業經槍斃陸老五黃春晚身受重傷垂斃賊勢大挫仍督飭在事各文武無分畛域通籌設防不稍鬆勁奏入

黎粵匪方略卷八

三十五

上命軍機大臣傳諭徐廣縉葉名琛曰廣西南太一帶股匪竄擾兩粵交界地方經廣東文武督帶兵勇分路堵剿現雖連獲勝仗而餘匪尚多且廣西正在攻剿喫緊之際更恐四路分竄仍當嚴飭在事文武實力堵截痛加剿洗不分畛域以期淨絕根株此次獲



勝之潮州兵勇屢挫賊鋒究竟兵丁與練勇孰爲得力匪首黃錫從黃春晚及陸老五等是否均已殲斃一併查明具奏廣西調撥潮勇三千名業已起程刻下想已行抵軍營惟念大兵雲集所需兵餉尤關緊要朕心甚爲懸念除戶部指撥軍餉銀兩外著徐廣縉葉名琛仍遵前旨於正雜各款並閒款內有可通融協濟之項寬爲儲備並傳諭會維於關稅應解項內無論何款酌量豫備以濟要需

欽定剿平粵匪方略卷六

三六

上諭內閣曰此次會剿廣西交界地方匪徒疊次獲勝徐廣縉仍當激勵兵勇分投堵剿務將著名要匪及各股餘匪悉數殲擒以期淨絕根株所有出力文武員弁兵勇著查明酌量保奏

欽定剿平粵匪方略卷九 辛亥年

十月初五日丁亥賽尙阿鄒鳴鶴奏言粵西股匪雖多本以金田會匪最爲頑狡死黨累千盈萬固結甚堅不惟設謀用間未由解散卽疊經擒斬芟蕪之餘而所過地方尙有愚民陸續煽聚一經入會從逆輒皆誓不畏死金田逆匪自稱太平天國確有歷次所獲犯供及僞衣僞印可

欽定剿平粵匪方略卷九

一

憑其匪首確係稱太平王惟該僞王究係章政抑係洪秀泉供詞往往不一臣等各路密發偵探多有指爲洪秀泉者緣此會匪本由洪秀泉馮雲山煽惑章政傾家起釁始推章政爲首後仍推洪秀泉爲首而洪秀泉又一姓朱則尙有此說但未聞有朱九濤之名至張添佐一名屢獲犯供匪黨內未有其人亦未聞有平地王徐



沈王等名目麥二邱二嫂等股亦已於橫州貴縣等處勦滅至顏品瑤就戮後其弟顏三及餘黨經勞崇光會同德亮等疊加勦創芟夷過半餘黨逃往廣東欽靈所屬崎嶇長灘等處現在兩省合勦其中脅從大半解散有真心悔過而尙無兇惡情狀者紳耆力保酌量收團亞王山背一帶數十村莊現已一概廓清餘匪竄聚靈

聖皇聖方略卷九

二

山地面那勤新鋪一帶揀派得力兵勇越境前往與東省兵勇合力會勦凡有路可通村墟及橫州永淳各隘口均飭集團守禦如此嚴密布置不難悉就蕩平惟容縣梁二十大股本與何名科凌十八等股或離或合向於東西兩省高廉潯鬱交界地方出入滋擾現在督臣徐廣縉出駐高州專辦凌十八等股疊經函稱勦捕獲

勝富飭各屬於毗連地方嚴密堵截並派道員林士傳專駐梧鬱一帶協同助勦又據林士傳稟稱馳詣岑溪水汶地方查得何梁股匪竄至岑溪地界者俱由扶參竄往東鎮一帶距水汶地方百里而遙當飭兵壯嚴防至興業縣黃亞佐本與梁亞花爲一股今梁亞花股匪已爲署桂平縣李孟羣等率團撲散惟首匪未獲黃亞

聖皇聖方略卷九

三

佐是否仍在股內當飭各該縣嚴密搜查現計粵西各處零股數月以來業已掃除十之六七餘股自何梁凌逆及顏大餘黨外俱已敗殘惟有永安逆匪實爲兇惡大慙臣等殫竭心力務將此股及早殲平使各股敗殘之黨聞風潰散大軍與各路兵勇得以分投撥用餘股較易翦除奏入報



賽尙阿又奏言臣行抵陽朔先期飛札各營官兵分路向永安進攻四面接應九月初十日都統巴清德署提督劉長清總兵長瑞李能臣等督同將弁攻其北路將龍眼潭東山口及馬背嶺村等處礮臺賊巢圍官嶺一帶礮臺全行燒燬斃賊無算都統銜烏蘭泰帶同都司田學韜

欽定剿平粵匪方略卷九

四

等攻其南路並飭秦定三慶福帶兵接應將石燕嶺銅盤村各匪用礮轟擊前後殺賊四五百名十二日巴清德劉長清會同長瑞李能臣復率將弁兵勇由北路進攻分隊誘敵三次斃賊二百餘名烏蘭泰自初十日攻水竇後復於十二日攻其南路賊匪伏於寨內不敢出拒我兵槍礮齊發復斃賊二三十名十六十九等日南

北兩路官兵疊次進攻斃賊甚眾現仍嚴催各軍更番疊戰力圖攻拔惟查各匪首分住水竇莫村等處並非蟻聚城內探得該匪有將輜重船隻順流竄入濛江之信已飭令新募潮勇行抵梧州時遇有賊船即行截擊並令劉繼祖馮玉衡等迅速追剿防其竄逸所有此次尤為出力各員先行懇請獎勵奏入

欽定剿平粵匪方略卷九

五

上命軍機大臣傳諭賽尙阿曰逆匪竄踞永安官兵未能攻入城中殲擒渠首現計所募潮勇必可到齊該大臣駐紮陽朔就近調度即當分撥南北兩營四面圍而步步逼入將各處賊營迅籌攻毀該匪首既分住各營並非蟻聚城內固當先圖克復城池為擣穴擒渠之計俾在外各匪無可竄入尤當力防各匪首之在水竇莫村等處者分路逃竄務飭統兵將帥趁



此圍剿喫緊之時將著名各匪首悉數殲擒毋任漏網該匪既有將輜重船隻順流竄入濠江之信所有潮勇前赴梧州時是否已於途次將匪船截擊該匪或因我兵前截後追登岸他逸尤須密飭劉繼祖馮玉衡等刻刻嚴防切勿稍有疏虞墮其奸計

上諭內閣曰此次攻剿永安州城雖未即時收復賊勢已極窮蹙正可乘時掃穴擒渠一鼓蕩平長瑞屢戰

聖學方略卷九

六

獲勝甚為奮勇著加恩開復總兵原官遊擊田學韜督兵力戰身受重傷深堪嘉尚著以參將儘先補用六品軍功把總全玉貴以寡擊衆並手刃數賊實屬勇往著賞戴花翎以守備儘先補用其餘出力員弁兵丁著俟收復城池分別請獎陣亡弁兵查明議卹  
初六日 戊子 戶部奏言粵西軍務方殷東西兩省均須籌備該商民等情殷桑梓其願出資助餉

者諒不乏人臣等公同酌擬該兩省土著紳商士庶有深明大義國爾忘家出資助餉自數萬兩至十萬兩者非尋常急公可比仰懇

天恩准由該督撫等專摺奏請破格

加恩以昭激勸恭候

命下由臣部咨行該督撫等悉心商酌妥協辦理仍飭

嚴防所屬毋得稍有抑勒致滋弊端此外各省

聖學方略卷九

七

如有情願出資助餉自數萬兩至數十萬兩者並聽其便由各該省督撫做照辦理奏入

上命軍機大臣傳諭徐廣縉葉名琛曰現在東西兩省軍務方殷均應寬為籌備著徐廣縉葉名琛察看地方情形如有急公好義捐資較多者不妨專摺奏請候朕破格施恩以昭激勸想該督等必能妥協辦理力求實濟不致稍滋流弊也



初七日己丑程喬采奏言竊臣前因粵匪竄踞永

安與湖南之江華永明較近誠恐大兵圍剿餘匪四處奔逃而新甯城步等縣又均緊接粵西前次粵東股匪竄擾宜章雖已殲擒散亦恐去而復來彼禦此防處處均關緊要必須居中控制始能兼顧無遺衡州係適中之地是以奏明移紮茲自抵衡後督飭嚴防布置不致有鞭

欽定剿平粵匪方略卷九

八

長莫及之虞至城步新甯現距賊氛尙遠並經該府州雇募鄉勇團練壯丁聲勢亦極聯絡但新甯曾經屢次滋事不可不未雨綢繆前將該處調防之兵移撥永州兵力稍形單薄臣於所調湖北兵內添派二百名前往協同防守以壯聲威又新任提臣鮑起豹與前任提臣余萬清現在同駐江華縣永州鎮總兵孫應照現駐宜

聞

章臣並函囑該提臣等隨時確探賊情酌量緩急如須分駐亦即馳往籌防臣遵與撫臣駱秉章體察情形悉心籌畫並督飭各文武認真巡緝總期固民安鄰匪無從竄越奏入報

十一日癸巳徐廣縉葉名琛奏言何名科自廣西容縣與梁二十大等糾集餘黨仍入信宜縣境

欽定剿平粵匪方略卷九

九

滋擾因凌十八正在羅鏡圍困之際未便分兵經臣等飛飭另調各營兵丁及添募壯勇前來合剿一時尙未能集屢經札飭現駐信宜之高州鎮道督飭兵勇及各鄉團練實力堵禦並東省之茂名化州西省之岑溪北流容縣交界等處一體嚴防該匪自入境以來即分夥在豐桶扶參附近數十里內滋擾迨八月二十八日大



駭齊至扶竹墟被該墟團練斃匪一百二十五名連夜竄至渡頭一帶旋由扶參竄至東鎮墟與西省岑溪縣界之水汶毗連及分飭移兵往追又向北竄距信宜縣城僅四十里與西省北流縣接壤既恐遠逃出境又慮近徧圍城當飭該鎮楊昌泗回城防守飛催續調各兵丁星夜前來會剿二十四日該匪率駭竄至魚良坡經

粵匪方略卷九

十

西省容縣防堵之兵勇殲擒多名奪獲礮械等件該匪復在茂名之紅花坡屯踞欲由金垌而竄北流經西省防堵大峇兵勇擊退兩月以來該匪東奔西竄總未得以出境九月初四日高廉道宗元醇遊擊劉開泰自黃襪嶺拔營前進行至二十里之良窩地方探聞該匪又復竄出劉開泰遂令後隊紮營良窩親督前隊兵勇飛

騎緊追仍分飭兵勇追至沈香嶺地方見有後隊賊百餘名回頭拒敵經各勇擊斃騎馬賊目一名駭犯十二名生擒一名初六日探聞該匪仍回東鎮墟我軍復相約齊驅直抵墟口擊斃十五名生擒二名並奪獲大旗礮械多件該匪仍退墟內用礮向外轟拒初七日該匪由東鎮墟逃至懷鄉墟初九日馮子材督帶壯勇拔營

粵匪方略卷九

十一

並進該匪大隊來撲壯勇衝出共殲斃二十八名生擒二名匪即退逃各兵勇又復由後繞前殺斃六名奪獲槍矛刀牌四十餘件初十日該匪傾巢而出且分隊埋伏在附近大營嶺腳各兵勇一鼓作氣分路迎擊將埋伏嶺腳之賊匪先行殲斃我軍併力齊追適遇出墟之大隊賊匪在前迎拒其敗走者亦即轉回無不拌命死



關轉戰數時之久復殲賊一百八十五名生擒十八名奪獲礮位馬匹刀矛槍械甚多頭目梁二十大因下馬點礮經提標兵丁緊跟先行認準出其不意放礮立斃臣等查何名科與梁二十大同惡共濟狼狽爲奸梁二十大既經殲斃並節次斃賊五百餘名匪膽已寒現飭宗元醇等激勵兵勇盡力掃蕩不難計日殲除奏入

欽定剿平粵匪方略卷九

十二

上諭內閣曰此次圍剿信宜匪徒先後殲擒五百餘名復經殲斃匪首梁二十大賊勢已極因感仍著嚴飭高州鎮道等激勵兵勇趁此聲威悉數掃蕩並將股首何名科嚴拏務獲

十五日丁酉賽尙阿鄒鳴鶴奏言廣西添調官兵廣招壯勇並增防設備保衛省城以及各處堵捕匪徒請領經費每月需銀七十萬兩現在庫

存及已撥未到之餉接續到齊可敷七八十日之用萬一功虧一簣餉不應手實爲可虞惟有仰懇

天恩再發內帑銀二百萬兩以資接濟儻得軍務速竣卽行奏明截止計京餉到粵程途日期總在兩月以外必須趕緊起解以圖萬全奏入得

旨戶部速議具奏

欽定剿平粵匪方略卷九

十三

同日

上命軍機大臣傳諭賽尙阿曰逆匪竄踞永安我兵屢次進攻惟以抗拒不出爲苟延之計其窮蹙情形已可概見我兵日久疲乏能出隊者僅五六千人即使潮勇到齊合計亦祇八九千人果否足資調遣兵力不至單弱潮勇到齊之後該大臣務當嚴飭帶兵將官四面圍攻合力進剿嚴密布置謀定後動務將賊



首章政洪秀泉等設法誘擒不可任其竄逸破城之後僅有零星餘匪分竄他處亦應嚴密堵截勿留餘孽向榮現在病體若何如已就痊卽飭令迅赴軍營勉力自效以贖前愆

十八日 庚子

上諭內閣曰廣西逆匪竄踞永安州城現在大兵進剿層層圍攻賽尙阿駐紮陽朔督辦所需軍餉業經戶

聖諭方略卷九

十四

部陸續撥解源源接濟惟念兵勇雲集需用浩繁必應寬爲儲備除現經戶部撥解外著再由內庫添撥帑銀一百萬兩作速解赴廣西大營備用朕瞻懷南服宵旰難忘不惜疊發帑金數百萬兩爲吾民除害諒該大臣必能督飭文武紳民兵勇殄滅醜類迅奏膚公以副朕綏靖巖疆至意

二十一日 癸卯 戶部奏言粵西軍餉臣部擬撥廣

東籌備廣西軍需銀三十萬兩山西秋撥後續徵地丁銀三十萬兩河南秋撥後續徵鹽課銀二十萬兩共撥銀一百萬兩並奉

旨添撥內庫銀一百萬兩共合二百萬兩之數恭候

命下臣部飛咨各該督撫趕緊起解並沿途各督撫嚴

飭地方官妥爲護送星速解往廣西以備應用

聖諭方略卷九

十五

奏八

上從之

二十三日 乙巳 徐廣縉葉名琛奏言何名科股匪

自九月間大受懲創以後該匪卽由虎跳山紛

竄廣西岑溪縣地方遊擊劉開泰督兵尾追沿

途復獲餘匪十七名信邑兵勇及各鄉團練陸

續孛獲何梁兩夥黨一百餘名節次訊供僉稱



岑溪壯丁彭肇昌與何名科向爲同類疊經密飭岑溪縣知縣張永鑰嚴防賣放乃何名科將至岑溪之勝田地面彭肇昌卽以該匪二千餘人蠶擁而來料難抵禦之言向張永鑰恐嚇該員畏葸先退迨何名科到時彭肇昌佯爲打仗實則放行並送給火藥鉛子十二擔何名科亦送銀一包並丟棄廢礮一尊僅拏獲挑夫八名

欽定剿平粵匪方略卷九

十六

希圖塞責此次何名科殘敗之餘連挑夫不滿千人該縣若能扼要嚴堵後有追兵必可聚而殲旃乃疊經嚴飭而該縣執迷不悟始終倚彭肇昌爲腹心私放殘寇以致功敗垂成殊堪髮指相應請

旨將廣西岑溪縣知縣張永鑰卽行革職拏問務獲彭肇昌到案治以通盜之罪現何名科竄至北流

地面已嚴檄弁兵盡力窮追並懸賞格飛飭迎頭堵截庶可殲厥渠魁以淨根株

徐廣縉葉名琛又奏言伏查何名科梁二十大於八月初間糾黨一千五百餘人由容縣擾及信邑高州鎮總兵楊昌泗現有兵勇一千八百名足敷攻剿於閏八月初三日進兵扶參村乃紮營旣失地利臨陣又昧機宜賊匪分隊撲營

欽定剿平粵匪方略卷九

十七

我軍聚於山窩不能衝突以致陽江鎮標千總關鎮標外委沙兆麟陣亡並傷斃兵丁八名鍋帳亦有遺失全軍退出山口賊始折回相應請旨將高州鎮總兵楊昌泗交部嚴加議處以爲籌勦無方者戒再閏八月初九日增城營參將王學詩帶兵三百行抵高州臣徐廣縉面加激勵曉以信邑山徑叢雜宜慎選本處練勇爲嚮導迫紮



營黃嶺嶺鄉民奔告有賊數百至附近之高嶺  
速求救援兵勇俱有奮激之心而王學詩一味  
恇怯不敢出營掩捕 臣等復於水擺大營調回  
遊擊劉開泰選帶勁旅攻打頭敵賊匪即聞風  
圖竄九月初四日追至東鎮墟奪旗斬賊賊勢  
已靡王學詩若能同心協力必可痛加剿除乃  
該參將見墟旁出有百餘賊撲其前隊即棄馬  
而逃以致賊得乘閒免脫應請

聖恩賜方略卷九

十八

旨將增城營參將王學詩革職拏問從重治罪以伸軍  
律

徐廣縉葉名琛又奏言羅鏡圍剿逆十八逆匪  
該匪藏匿墟中必須誘令離墟設法攻剿閏八  
月十九日分飭兵勇三路進攻先將礮械於東  
山背等處埋伏守備薩國亮等由石皮灣進攻

新墟外委馮元亮由東山廟進攻東墟遊擊閻  
恆瑞等督同兵勇直攻西墟該逆分投迎敵各  
兵勇施放槍礮擊斃逆匪百餘人該逆退奔山  
梁薩國亮黃曜吉分兵抄上賊眾奔潰我軍從  
後尾追各伏兵亦同時共起賊仍退入墟中兵  
勇乘勝追放槍礮轟塌礮臺數處擊斃者不計  
其數此次東西南三路環攻共計擊斃該逆不

聖恩賜方略卷九

十九

下二百餘名兵勇皆奮勇撲墟因墟巢堅固未  
能攻破現在制勝之法惟有多備大礮分路轟  
擊使該匪無可容身庶兵勇得以乘機撲進掃  
穴擒渠九月十二日派副將瑞琳等分四路攻  
剿其北路甫經運礮到嶺賊匪突擁出巢欲搶  
大礮黃琴勝手執刀牌護礮兵勇奮力交攻殺  
匪數十名西路大隊亦飛繞而來兩路夾攻逾



兩時之久賊匪散而復出者三次死傷甚多並  
生擒十餘名南路黃曜吉用礮轟塌新街大礮  
臺一座傷斃賊匪十餘名縱火燒去墟外房屋  
東路衛佐邦直攻東墟墟口礮臺因賊俱埋伏  
濠內我兵礮不能傷及至向前搶墟則濠內槍  
礮齊發兵勇不能前進該匪被困日久仍能抗  
拒總由糧食火藥接濟未能盡絕屢經嚴飭附

欽定剿平粵匪方略卷九

二十

近賊巢之鄉務絕接濟仍飭在營將弁逐日設  
法進攻使其疲於奔命無暇圖竄奏入

上諭內閣曰逆匪何名科自九月間大受懲創以後紛  
竄廣西岑溪縣地方經遊擊劉開泰帶兵追剿沿途  
獲匪多名先後計共擊獲匪黨一百餘名岑溪縣知  
縣張永鎰乃聽信壯丁彭肇昌恐嚇之言畏葸先退  
以致逆匪遁逃該壯丁彭肇昌並有得銀縱賊情事

實堪痛恨張永鎰著革職拏問仍嚴飭緝拏彭肇昌  
到案治以通賊之罪廣東高州鎮總兵楊昌泗於勦  
辦逆匪何名科梁二十大兩股種種調度乖方增城  
營參將王學詩不能與遊擊劉開泰協力勦賊疊次  
逃避以致賊得乘間免脫實屬怯懦無恥楊昌泗著  
先行開缺交部嚴加議處王學詩著革職拏問從重  
治罪現在該逆何名科竄往北流縣地方著該督嚴

欽定剿平粵匪方略卷九

三十一

飭兩省文武員弁合力兜拏勿令漏網逆匪凌十八  
經派出將弁分路進攻先後斃匪數百名匪勢窮蹙  
現仍藏匿羅鏡困守不出該督務當激勵將弁併力  
圍攻仍須設法誘擒並將附近賊巢地方嚴密搜查  
斷其接濟以期迅速勦除毋致遷延時日

十一月初二日 癸丑 賽尙阿奏言何名科股匪前  
由容縣北流竄來欲與永安會匪合夥疊經詳



飭各營嚴防截剿茲據右江道楊彤如等稟報該匪於九月十六日由岑溪南鄉翻山竄至容縣經知縣韓彥章等率同壯練擒斬七八十名十八日該匪竄往北流界復經知縣阮正惠等督率練丁會同各營官兵擊退該匪向鄧江涉水經兵練追擊溺斃擒斬甚多餘匪奔竄旋據署貴縣知縣張汝瀛稟稱該縣團練人等於二十七日在縣屬郭南里地方擒獲匪首何名科及大頭目何名怡梁十八李四暨夥黨多名此股匪徒業已蕩平臣現派隨帶司員前往會同右江道楊彤如將何名科等提訊確供即行就地凌遲處死並查明何員首先擒獲何員協力追剿購綫接應以便分別奏請

恩施量加鼓勵

聖學聖方略卷九

三

同日徐廣縉葉名琛奏言何名科股匪自信宜擊敗後竄入藤縣所屬之岑溪寮平大塘一帶經團練擊傷十餘人其餘不敢抗拒由容縣坡里一帶而逃經該縣督飭兵勇擊斬五十餘名各鄉團練陸續截獲四十餘名餘匪分竄北流前隊占踞新村後隊先過鄧江小河互為應援經該縣會同署鬱林營參將瑞保分督兵勇進剿該匪見勢不敵向鄧江河鳧水而過官兵從旁截殺擊斬一百數十名生擒賊匪男婦二十餘名餘匪翻山越嶺而逃廣東追兵亦即趕到旋據鬱林州知州顧諸庚稟稱九月二十二日探有敗匪五六百人由北流而來即派兵勇趕至牛屎塘邀截殺斃一百數十人各鄉團練分投截殺沿途殲斃不計其數餘匪四路奔竄訪

聖學聖方略卷九

三



查何名科竄入貴縣境內與何名怡梁二十大之弟梁十八分匪貴縣之雷村新定村甯村等處各有死黨相隨於九月二十七日經兵勇將何名科何名怡梁十八拏獲並獲大頭目李大頭四等八名廣東在事員弁可否仰懇

天恩准其擇尤酌保數員以昭激勸均奏入

上諭內閣曰首匪何名科一股嘯聚數千人竄奔兩粵

黎粵匪方略卷九

三十四

交界地方滋擾日久罪大惡極茲經廣東廣西兩省官兵練勇合力兜剿將首夥各匪悉數擒獲訊明正法餘匪翦除殆盡辦理甚屬可嘉其首先擒獲逆匪者何人協力追剿購綫接應者何人著賽尙阿徐廣縉等會同確切查明據實保奏現在竄踞永安州之洪秀泉等及羅鏡墟之凌十八等均係著名會匪豈容日久遁逃該大臣暨該督等仍當激勵將士併力

圍攻迅速殲除以慰朕望

徐廣縉葉名琛又奏言查羅鏡墟逆匪信宜人凌十八爲一股鬱林人陳二爲一股化州人吳三爲一股設法用間離其黨與十月初二日凌十八與陳二吳三口角彼此互毆兩次陳二吳三率其夥黨議於初三日黎明從八字嶺逃出遂照會各將備陽爲出師攻其東南卻於北面

黎粵匪方略卷九

三十五

重重設伏該匪吳三陳二果於黎明擁衆從營頂岡繞出凌十八聞之驚慌亦率衆隨後守備岳生璧先放號火四路伏兵齊出署守備薩國亮等各帶兵勇抄截將陳二凌十八兩股截回羅鏡吳三全股直奔八字嶺經東西兩路弁兵會同東莞新會順德肇慶各壯勇或抄前迎擊或隨後尾追圍於山窩槍礮齊施刀矛並舉生



擒男婦二百二十七名擊斃七百餘名鏖戰三時之久已將吳三全股殲滅奏入報

聞

二十五日丙子賽尙阿奏言自上月初三日南北

各路會剿後烏蘭泰暗伏地雷轟斃二十餘賊嗣後潮勇陸續俱到十八日烏蘭泰派副將常祿等攻城之南秦定三等在銅盤村一帶接應

聖恩聖方略卷九

三六

烏蘭泰開隆阿等攻賊之北副將巴圖在秀才橋埋伏已革遊擊劉文賢在北蕩村埋伏守備戴文蘭等率帶兵勇環攻誘敵先將放卡巡更賊殺斃四名其水寶村旁屯糧小營並大甕村一帶賊屋盡行燒燬其州城暨莫家村賊匪分股來襲我軍經巴圖劉文賢經文岱周鳳岐督兵環攻烏蘭泰回兵截擊該匪退奔石溝村水

寶池北賊匪亦經開隆阿督兵擊退計先後斃賊四五百名東南路駐紮之許祥光張敬修馮玉衡各帶兵勇到古眉峽口用火箭燒賊望樓蓬寮賊奔峽內對山賊匪亦被北勇擊斃二百餘人劉長清李能臣長瑞等分三路進逼紅廟賊匪鳴角開礮我兵攻擊多時斃賊數十人其東平嶺二股賊匪均被我兵擊退十一月初五

聖恩聖方略卷九

三七

初六等日烏蘭泰等復攻水寶焚燒賊巢搜獲該匪鑄礮鍋具各路兵勇合力追殺先後斃賊五六百名再向榮病已就痊該員感激

聖恩亟思自效已於初八日移營淳亭即圖合力大舉奏入

上諭內閣曰向榮病已痊愈既知感激朕恩力圖報效著賞給三品頂戴飭令迅速進剿以專責成現在南



北各路疊獲勝仗新紮營盤距城漸近該匪勢已窮  
蹙著賽尙阿督飭文武盡力搜捕勿任竄逸

二十七日 戊寅 鄒鳴鶴奏言查潯州府屬之桂平

貴縣平南武宣南甯府屬之宣化新甯隆安永  
淳太平府屬之龍州明江甯明崇善左州養利  
永康柳州府屬之象州慶遠府屬之宜山鎮安  
府屬之天保百色共十九廳州縣並所屬各土

欽定剿平粵匪方略卷九

三

司地方受害較重必須量加撫恤請將被搶之  
戶不論丁口每戶均給銀一兩如給倉穀照部  
價每石五錢計算每戶給穀二石燒燬房屋無  
論間數瓦房每座給銀二兩草房每座給銀一  
兩奏入

論內閣曰廣西潯州等府所屬桂平等十九廳州縣  
並所屬各土司地方被賊擾累居民受害較重必須

急加撫恤茲據鄒鳴鶴奏請分別酌給銀穀著照所  
請妥速辦理毋令窮黎失所

十二月十七日 戊戌 賽尙阿奏言大兵勦捕永安

逆匪自十一月初六日烏蘭泰等獲勝後向榮  
於十五日移營上壘橫嶺等處該逆乘我兵營  
壘未定三路出撲向榮率同鎮將官兵奮勇轟  
擊斃賊無數總兵長瑞督飭新舊潮勇直趨龍

欽定剿平粵匪方略卷九

三

眼塘該逆埋伏齊起鏖戰逾時我軍開放連環  
鳥槍賊眾紛紛倒地全夥退去十七日該匪三  
四百人從西藏臺直上龍眼塘後山城外亦有  
五六百賊遙為聲援我軍伏兵齊起立將河邊  
之賊擊敗黃鶴飛李孟羣之勇從旁趕截賊即  
散逃兵勇追過河邊而還二十日我軍進紮龍  
眼塘沖口該逆千餘人直撲新營伏兵左右衝



出槍礮齊施擊斃賊匪多名賊卽敗走二十二日該逆傾巢而出約四千餘人分三股蠶擁而來一撲龍眼塘大營一搶龍眼塘山梁一衝二洞口新營其槍龍眼塘山梁之賊被董光甲馬龍等分兩翼包抄當將此股賊衆擊退其撲龍眼塘大營之賊尤爲兇很向榮先戒嚴障勿動俟賊近營盤數十步內我軍伏兵盡起槍礮齊

勦平粵匪方略卷九

三

施擊斃賊匪甚多該逆且鬪且走退至河邊死拒不去向榮親率劉長清等張左右兩翼抄至河邊我兵爭先過河欲包賊後該逆始行潰逃其衝二洞口新營之賊因黃鶴飛李孟羣之勇正在築營該逆意欲攻我不備向榮先令該勇一半築營一半出敵該逆三次衝來俱被擊敗烏蘭泰探知向榮於二十一日進紮龍眼塘卽

於黎明帶勇逼近賊巢以分賊勢正與賊遇我軍分路截擊斃匪無數二十二日烏蘭泰復督兵出隊攻打莫家村賊巢該逆傾巢出鬪被我兵擊敗三次追殺殆盡臣當以南北兩軍雖經連獲勝仗而該逆負隅拒守總未攻克州城必須各路會攻方可制其死命因定二十四日辰時密傳各軍屆期齊進是日向榮由北路進兵

勦平粵匪方略卷九

三

連敗紅廟及舊縣東礮臺之賊追至土城共斃賊二百餘名南路烏蘭泰亦於是日辰刻進兵五戰皆勝亦斃賊二百餘名又許祥光張敬修於二十三四五等日由東路古帶沖口一帶進兵行近永安州城之大諾嶺該逆向前抗截有手執黃旗騎馬賊二名率賊前來我軍四面圍裏槍礮環擊斃賊百餘名生擒賊目二名餘匪



紛逃卽將附近賊屋二十餘間放火焚燒提訊  
二賊據供一名韋亞晚係韋政之姪一名隆仲  
時訊明正法二十六日烏蘭泰於獨松嶺開濠  
連紮四營二十七日復約許祥光等進攻水竇  
該匪屢出拒敵均爲我兵擊敗前後殺賊共一  
二千名自此次連日痛剿賊匪不敢復出現擬  
各營進逼直擣州城總期一鼓蕩平稍紓

聖恩方略卷九

三

宸廑奏入

上命軍機大臣傳諭賽尙阿曰向榮自統帶北路各兵  
以來知感知奮與諸鎮將同心協力南路烏蘭泰督  
兵夾擊與東路許祥光張敬修等爲犄角之勢十一  
月二十日以後各仗頗爲得手向榮先經賞給三品  
頂戴茲又聞復原官正宜感激愧勵乘勝迅剿烏蘭  
泰親督南路各兵勇亦復旁無牽掣兩路移營進紮

漸逼州城自不難剋期攻克其城外水竇各處賊寨  
亦須同時進攻勿令匪黨互相救援致有竄逸此次  
痛剿之後賊勢業已窮蹙如再不能迅速攻剿徒延  
時日朕惟賽尙阿是問若或防堵不周致賊匪潰竄  
再擾他處朕惟烏蘭泰向榮是問其能當此重咎耶

上諭內閣曰此次各路官兵殲斃賊匪不下一二千人  
疊獲勝仗十餘次連營進逼葭爾孤城自不難剋期

聖恩方略卷九

三

收復向榮疊次親冒矢石激勵兵勇人人用命實屬  
知感知奮前已賞給三品頂戴著卽開復廣西提督  
原官並賞還花翎以示鼓勵賽尙阿惟當督飭各路  
文武員弁兵勇乘此屢勝軍威奮力攻剿迅速掃穴  
擒渠以慰朕望

十九日  
庚子

上諭內閣曰廣西逆匪竄踞永安州城數月以來官兵



四面攻圍尙未克復朕心實深焦盼昨據賽尙阿奏  
現在南北兩路移營進逼疊獲勝仗蕞爾孤城自不  
難指日攻克行軍之道賞罰爲先朕於賽尙阿出京  
時頒給軍營備賞各件又特賜用過必隆刀期於信  
賞必罰以振軍威當此大兵合剿賊匪窮蹙之時尤  
當號令嚴明俾我將士知感知畏併力爭先庶克一  
鼓殲擒庸公迅奏著再傳旨諭知在事文武員弁兵

聖恩方略卷九

三

壯人等務各齊心協力奮勉圖功乘此屢勝軍威機  
不可失其出力將士果有奮勇超羣者除由該大臣  
據實保奏外卽將前頒賞件傳旨賞給以示褒榮其  
有臨陣退縮不能用命或守禦不嚴致賊竄逸貽誤  
事機者該大臣卽用朕所賜過必隆刀立正典刑以  
肅軍紀毋稍姑息總期賞罰公允迅掃妖氛以慰朕  
望勉之懷之

欽定勦平粵匪方略卷十 壬子年

二年正月初十日 辛酉

上命軍機大臣傳諭賽尙阿鄒鳴鶴曰上年十二月十  
七日賽尙阿奏報軍務以後迄今又將一月未據續  
有奏報朕心甚殷盼望前奏南北兩路疊次獲勝連  
營進逼朕又聞向榮奪據橫嶺俯瞰永安州城城外  
賊匪紛紛遷入城中是我兵已據勝勢正可乘機合

聖恩方略卷十

一

力一鼓攻克何捷報尙爾遲遲耶現在永安北路已  
有重兵進壓南路及各路兵力是否不至稍單卽日  
攻克州城總宜將著名首匪悉數殲擒僅將州城  
收復仍任匪衆潰圍出走再向他處竄擾尙復成何  
事體前此攻克之風門坳紫金山等處山隘叢雜久  
爲該逆巢穴亦宜加意防堵毋任逸匪復行竄踞以  
致日久稽誅



同日鄒鳴鶴奏言粵西各屬舉行團練前經奏派右江道升任河南布政使嚴正基總辦一切並於本省外省各員中擇其實心幹練者十六人分赴桂林平樂梧州潯州柳州慶遠思恩等七府會同查辦其鬱林州知州顧諸庚本以辦團著名卽委該州督催鬱林團務茲據各員會同該管知府陸續稟報各州縣計里集團按戶

聖學聖方略卷十

二

出丁均已一律辦成每邑抽得健壯團丁自數千人至一二萬人不等類皆鍛礪戈矛講求技藝所需經費紳民踴躍公捐各邑少則二三千兩多則二三萬兩不等悉交老成團總經管以供練費並製器械臣恐稟報不盡覈實密加查察並囑嚴正基與局紳龍啟瑞朱琦等另派親信可靠之人擇要密訪互相印證統計六十三

廳州縣中國練已成者實有四十餘處似此人自爲戰家自爲守旣以保全鄉井並可助官兵搜捕餘匪奏入報

聞

十一日壬戌賽尙阿鄒鳴鶴奏言粵西辦理軍需自上年七月以來先後奏動截留並部撥應作軍需支用共銀八百二十餘萬兩內有未解到

聖學聖方略卷十

三

者仰荷

聖恩飭令沿途各省督撫臣催趨前進自可陸續到齊約計用至明歲二月中旬尙可無虞支絀惟一切用項孔多數難豫計當此軍情緊切檢渠埽穴未能確有定期兵餉要款不得不先期請撥以免臨時接濟不及相應請

旨飭下部臣籌撥銀二百萬兩並飭各該省迅卽撥解



來粵務期及時解到庶於軍務不致有誤奏入得

旨戶部速議具奏旋經戶部議覆請於山東等省如數

撥解廣西

上從之

賽尙阿又奏言永安大股逆匪經向榮等連日將各營盤一律移近日夜進攻該逆因我營備

聖朝聖方略卷十

四

近兩次來攻俱被兵勇擊敗十二月初二日該

逆千餘三路出巢當即催令兵勇五路出應兩

次鏖戰傷斃二三百賊斬取長髮賊首二十餘

顆嗣據查明打斃賊目係黃滿乃羅大剛之先

鋒初四初九初十等日疊次進攻十一日該逆

衝出三股約有二千餘衆新潮勇首先接仗官

兵繼上一齊開放槍礮誘令入伏各路截擊傷

斃逆匪二百餘名十三日復斃賊六七十名十

六日斃賊百餘並割取首級二十餘顆連日用

二千斤大礮乘高轟擊打入賊巢二十日三隊

兵勇分路前進槍礮齊施該逆紛紛倒地是日

先後斃匪三百餘人帶傷逃去者無數其南路

經烏蘭泰於十二月初四日進攻水寶斃賊六

七十名初七日復斃賊二十餘名初九日各路

聖朝聖方略卷十

五

同時並進辰刻至水寶用礮轟擊斃賊五六十

名十二日賊出五六十名兵勇分路迎去又有

百餘賊飛撲而來烏蘭泰截住極力死戰賊勢

稍退南面賊衆與湖北兵對敵甚緊金玉貴等

趕來湖北兵勇氣倍加奮力撲殺賊衆大敗先

後斃賊一百數十名十五日該逆見我兵少傾

巢而出兵勇來往酣戰二十餘次殺賊一百餘



名並紅風帽賊目二名該匪大敗回巢堅壁不出十八日由獨松嶺進攻水竇賊始不出後誘出五六十賊一經追擊退回匪巢許祥光張敬修於初四日出隊分三路而進轟打賊營之西南馮玉衡由峽中進轟打賊營之西許祥光督運大礮六位安設松山之上朱啟仁等帶勇列陣誘敵該匪不出我軍連開五礮均打入賊營

欽定剿平粵匪方略卷十

六

時松山上大礮連環轟擊礮子如雨斃賊甚多先有黃風帽紅衣賊目在南門望樓上手執黃旗當經官軍擊斃初九日檢獲匪黨王組榮一名據供初四日被礮擊斃之賊目係秦軍帥十七日掠選勁旅以四百人伏於松山以二百人過河誘敵以四百人伏於峽內以八百人護運大礮先在松山轟擊令各勇埋伏接應以一二

百人誘其出追果見三賊營各出賊百名搖旗而來旋見各營賊衆絡繹而出共有二三千之多誘賊之勇伴退過河數十匪直入谷口伏勇齊起用連環槍斃賊二十餘名餘匪退出伏勇直追出谷口分兩隊迎擊斃賊數名賊即奔竄復麾各勇下山分投截擊計是日鏖戰四次斃賊六七十名二十三日向榮出隊悉銳專攻東

欽定剿平粵匪方略卷十

七

礮臺舊縣各路兵勇一齊追趕攻打多時賊衆死拒仍不能入當即傳令撤回計此戰擊斃賊匪約三四十名擊傷賊匪甚衆烏蘭泰於二十三日攻打賊寨約一時之久賊出六七十名被兵勇打回不敢復出許祥光張敬修於二十三日由能六嶺紅泥嶺而進疊有新擒臣當以永安逆匪經我兵連次移紮屢獲勝仗雖已漸見



因蹙而土壘礮臺總未攻入即於二十六日率同隨帶司員等各將弁自荔浦前赴永安以北距城三里安營賊之礮臺營牆厯厯可數滿擬二十七日即進兵大舉而陰雨連宵淋漓不止隨與向榮及各鎮將密商機宜以圖攻拔之策俟天氣晴霽即當鼓勵將士合力併攻奏入論內閣曰永安賊勢日就窮蹙現在賽尙阿已統率

聖恩聖方略卷十

八

文武員弁馳赴永安以北距城三里地方安設大營親自督戰計此蕞爾孤城不難即日攻克著即嚴飭各路帶兵大員激勵將士奮力併攻並將水賣莫村賊寨迅即掃蕩勿留餘孽

十九日 庚午

命軍機大臣傳諭賽尙阿曰向來召募鄉勇最難遣散現在兵力不敷不能不兼資練勇將來事平之後

或抽擇精壯充伍其出力得功者留營拔用其餘遣歸復業或酌留若干人派員管帶搜捕土匪防守地方一二年再行全撤必應先事妥為籌計務期萬全無弊不致貽患將來即現在各路募勇亦應嚴飭管帶之員堅明約束若戰不向前處不安靖甚至陽奉陰違與賊暗通消息萬一輕信誤用貽害無窮至大頭羊即張釗大鯉魚即田芳等投誠以來是否真能

聖恩聖方略卷十

九

效力現在如何驅使若仍在沿江劫掠抽稅地方官隱忍姑容必致又釀巨患著賽尙阿嚴密訪查據實懲辦再大兵雲集永安剋日收復前經降旨北路軍威雖壯南路及各路要隘必須一律堵截其紫金山等處逆匪舊巢尤當防其復踞著再申諭帶兵各員嚴密攻圍斷不可再任竄逸儻不能遏其出路查明賊自何路竄出朕惟有將該處帶兵大員重治其罪



決不寬貸

二月十三日  
甲午

上命軍機大臣傳諭徐廣縉曰廣東凌十八股匪自困守羅鏡墟以後經該督徐廣縉督兵圍剿該督於十二月初十日進駐信宜縣城就近督攻自不難剋日殲除惟自正月十八日接該督奏報後又將一月未得續報朕心甚爲焦盼此股匪首凌十八與洪秀泉

欽定剿平粵匪方略卷十

十

等同惡相濟現在賽尙阿親抵永安城外督兵環攻逆匪勢日窮蹙若凌十八一股刻卽剿除該督乘勝前赴永安合力圍攻更易得手且可堵截逆匪逃竄之路著徐廣縉嚴飭員弁迅速殲滅毋任苟延並督帶官弁兵勇與賽尙阿會合迅奏膚公以慰廑念

十八日  
己亥

賽尙阿奏言自前發摺後仍復大雨正月二十七日少止二十八日飭各營兵勇搃

運大礮八九位對準城內外房屋轟擊每擊一

礮屋瓦皆飛二十九日又將西門城樓擊塌一

角三十日令向榮先以勇壯誘敵再以兵勇接

應仍用大礮轟擊該逆果出千餘誘敵之勇卽

行詐退賊衆來勢頗兇當被舊潮勇與提標之

勇分兩翼撲去川北官兵繼上該逆始大敗而

去共計殺賊五六十名其西面兵勇見莫村及

欽定剿平粵匪方略卷十

十一

西礮臺各出賊四五百人分三隊而來剛至半

坡卽被荔浦博白等壯勇齊施火罐立將該逆

擊走其餘復從嶺後包來當經雲南兵槍礮齊

施燒傷擊斃不下百餘該逆潰竄計兵勇陣亡

九名受傷九十餘名二月初一日天色微雨仍

將大礮向城轟擊初二日濃雲密布該逆城內

暨莫家村兩處出有千餘人將往水竇見我兵



已到西礮臺對嶺開礮賊即來奪此嶺雲南官兵帶領壯勇首先接仗安徽四川官兵接應湖南廣西官兵帶領潮勇從旁衝出截賊隊為數段該逆退至河邊槍礮連環疊擊賊隊傷斃無數紛紛踏水過河開散兵勇趕近賊巢轟擊忽大雨驟至當即調回據烏蘭泰稟稱二十七日會同許祥光張敬修攻擊羅彝賊營安礮於松

聖祖聖訓卷十

十三

嶺上自未至申打中三百餘礮賊勢驚惶隨令奮勇兵壯續放火具連日分三路轟擊忽見賊營黃旗搖動約出七八百賊各勇迎戰擊倒多名初二日賊出三四百名向松山撲來兵勇接戰斃賊二十餘人臣在營門礮臺望之惡慄在目滿擬天氣晴霽冀可一鼓而前而此間春雨最多淋漓不止焦灼萬分昨於二十八日弁兵

檢回逆書一本居然妄改正朔實屬罪大惡極臣惟有激勵將帥痛加勦洗誓必剋期翦滅以靖妖氛奏入

上命軍機大臣傳諭賽尙阿曰此股賊匪負隅日久雖官軍屢次戰勝而其兇狡之狀百出不窮細察各路勦辦情形將士辛勤人人用命朕懷時深慮念該匪困守孤城果能斷其接濟及爨汲路徑豈能持久現

聖祖聖訓卷十

十三

在南北兩路圍攻倡近城垣務須嚴飭在事文武勦力同心滅此朝食其著名首逆尤當悉數殲擒萬勿稍有疏虞致令免脫所望晴霽連旬

上蒼默佑攻戰得力迅奏蕩平該大臣諒亦知朕寢饋之不安矣

賽尙阿又奏言查顏品瑤餘黨在靈山縣新鋪那勤地方分踞十一月十八二十等日張國樑



壯勇進剿殺賊無算把總張鴻才帶勇直偏賊巢柵內被礮子打入右膝至十二月十八日礮子尙未取出奮不顧身裹創進戰殺賊多名又被礮子打入右髀肚越日仍裹創復戰其勇往實屬僅見然終不能破柵勞崇光接據左江鎮惠慶函商以分攻兩巢既不能同時勦洗莫若合攻一處冀可併力破除當卽覆函照辦惠慶

欽定剿平粵匪方略

十四

等攻其後柵從九品姚章等伏於賊巢左右參將德亮等攻打前柵遊擊雙貴等隨後接應候補府經歷羅遠揚等周歷巡防俱於板暮村佛子坳兩處會齊惠慶卽督同並進直偏賊巢圍攻該匪初不料我軍突至驚慌無措卽開柵門出拒陳振威等卽領練丁一擁到柵點燃火罐火箭孫方增等亦帶練勇將山草油松堆積焚燒時值北風正緊立將柵木燒斷延及該匪收藏火藥之屋賊衆見柵中火起不敢竄回傷斃甚衆餘匪東西奔竄其新鋪賊匪前來救應經東省遊擊蘇崇阿等督兵勇迎截該匪堅守不敢出援查那勤柵內燒斃二百六十一賊西省兵勇割驗首級一百五十三顆生擒十一名奪獲大礮六具旗幟槍牌數百件將巢內房柵盡

欽定剿平粵匪方略

十五



行燒燬惟賊首蘇凝三尙無下落其逃竄之匪  
經各處獲解送營共一百八十餘名現飭各路  
委員嚴密截捕一面飛催德亮等立即前進惠  
慶移營會勦藍翎把總張鴻才裏創出戰勇敢  
異常應請

旨以千總補用俾昭激勸此外出力文武官紳員弁兵  
勇查明覈實保奏奏入

聖皇聖方略卷十

十六

上諭內閣曰粵匪顏品瑤餘黨在靈山縣新鋪那勤地  
方分踞日久甚屬狡悍勞崇光惠慶及參將德亮等  
設計用間於除夜冒雨焚燬賊巢殲擒殆盡謀勇兼  
施實堪嘉尙著卽督飭在事文武會合兩省兵勇乘  
銳前進將新鋪賊巢一律蕩平並將帶傷逃竄之首  
匪蘇凝三嚴拏務獲毋任遠颺把總張鴻才疊次襄  
創力戰奮不顧身勇敢異常著卽以千總升用此外

出力官紳員弁兵勇查明據實保奏候朕施恩

二十八日酉己賽尙阿奏言北路向榮於本月初

七日派令兵勇出擊方偏賊壘大雨卽至該逆  
突出千餘人分四五路來包都司余開春等斃  
賊多名正在相持守備王家翼帶領潮勇趕到

開放連環鳥槍賊衆紛紛倒地我軍直到西礮  
臺外濠初八日大雨傾盆賊亦不出營中平地

聖皇聖方略卷十

十七

水深尺許初十日雨止特派總兵和春等從馬  
背嶺取路前往古束察看以通聲氣長瑞長壽  
邵鶴齡帶兵勇三千隨後接應詎賊先已出有  
千餘向東行走和春兵勇分隊截擊賊卽回撲  
因馬背嶺前後水田兵勇行走不能疾便賊先  
將小山三座站住我兵從田間仰攻賊之槍礮  
密如雨點潮勇與提勇等奮力抵敵和春指揮



守備朱占鼈等一齊前進立將三座小山搶占各兵勇乘勝追殺擊斃八九十人城中賊匪衝出四五百人舊縣衝出七八百人護擁截我歸路我軍後隊迎擊打斃多名賊遂退伏牆內兵勇直至馬背嶺前轉截賊後摩天嶺有賊二三百人黃旗亂動意在出巢向繼雄於對面小嶺上放礮轟斃數賊和春等復從水田衝去賊衆

聖朝聖方略卷十

十八

知勢不敵一闕退回是日斃賊約百餘人十二日各路兵勇分攻東西礮臺兵勇不能前進臣與向榮酌商一面用大礮轟擊摩天嶺東礮臺牽制賊衆一面提兵統至大誥嶺背出其不意突襲其後不意積雨之後水勢隔絕祇得將大小礮位一齊開放打入賊巢羣賊蒼黃入舊縣而去仍令兵勇開礮轟擊該逆始終不出此北

路連日進攻情形也烏蘭泰在南路於正月三十日將赴羅壘之賊截回後水竇復出千餘賊分三股來撲經文岱在山頭連放大礮中賊數十副將德安侍衛開隆阿等帶兵勇迎擊東西兩股中股賊直奔博勇勢甚兇猛我軍短刃相接斃賊多名東西兩股亦被擊敗初二日賊約千人由東嶺越羅壘經文岱撥兵二百餘名留

聖朝聖方略卷十

十九

全玉貴在河東岸伏住適賊北三營鳴角東嶺賊俱轉回全玉貴等迎擊見有伏賊百餘突出全玉貴卽詐敗退回大隊過河蹲伏田坎賊追至田坎三四十步我兵伏起斃賊數十人賊衆奔潰全玉貴追賊被傷連日復行進攻均未得手十三日令兵往攻水竇賊仍不出而羅壘之賊房屋被打破後伏於地溝死守查賊踞州城



南有水竇莫村爲之犄角北有東西礮臺爲之  
接應非先奪其礮臺勢難攻城而兩礮臺俱在  
圍牆以內並有深濠當積雨彌月以來水深數  
尺難於涉越且往來泥淖之中攻具難施稍近  
賊牆輒爲槍礮所傷粵西春雨本多而連旬暴  
雨尤爲罕見臣心實深焦急惟有逐日出隊攻  
擊使賊不能竄越嚴飭各營擇要妥防一俟雨

聖皇聖考卷十

二十

止水消卽分隊併攻以期殄滅

賽尙阿又奏言臣到粵之初各處所招壯勇已  
屬不少原以賊多兵寡不得不借助於勇且多  
募一勇卽少添一賊明知用勇之費較兵爲多  
而倉猝之際調兵則耽延時日募勇則取之目  
前當兵力難分之時如南太一股實資壯勇之  
功現在所募東勇潮勇以及本省各項壯勇良

莠不齊而奮勉出力者亦復不少潮勇打仗驍  
悍異常惟飢則回營覓食禁之不可稍假好言  
則殺賊罔顧性命其不受節制在此其可用亦  
在此初來至梧因船隻不齊口糧不繼又適與  
東勇相值兩不相能遂致燃槍持械經許祥光  
等勸之亦遂和好無猜正月開南路烏蘭泰張  
敬修等東勇潮勇每因口角互鬪賊乃乘釁而

聖皇聖考卷十

三

出各勇仍一齊奮力將賊擊退素習如此至本  
地招來各勇如李孟羣所帶一起香山勇亦在  
其內並未聞其滋事打仗亦尙勇敢楊瑞乾等  
壯勇雖由招安而來亦尙奮勇敢戰桂林等勇  
散之更易惟大頭羊張釗大鯉魚田芳等自就  
撫後未見出力當因大股未平該撫勇尙無滋  
事案據亦未便操之太蹙如永安一旦成功須



先將各勇分別遣留然後大兵方可歸伍

賽尙阿又奏言查逆匪自踞永安以來因糧於民剽掠附近各村糧米自無短絀至鹽斤火藥節經嚴飭各路文武督率兵壯團練於各要隘實力巡拏乃奸黨匪徒貪利亡命仍復由山僻閒道暗爲轉運疊據各地方官並軍營帶兵文武員弁拏獲多起均卽立置重典其長髮逆匪

欽定剿平粵匪方略卷十

三

由永安翻山潛出探信勾結購買接濟者亦屢經擒獲正法現在各路兵勇軍威整肅北路偏城甚近各隘口把守嚴密勢難透漏惟南則崇山峻嶺隘口甚多奸匪易於翻越且賊匪之營北面則有東西礮臺紅廟摩天嶺舊縣等處南面則有水竇莫村之隔尙未能近逼州城此三十里中山徑紛歧所有總要路口業經分撥兵

勇駐紮復飭文武員弁詳查通匪路徑無論小口窄道一體多設巡卡懸立重賞如有匪徒接濟者立卽截擊一面清釐本地土棍儘敢勾通窩結按法重辦

賽尙阿又奏言南太股匪於二月初四日經各路兵壯進剿外攻裏應登時破柵首匪顏三臨陣生擒餘匪大潰分投勒殺殲斃無數生擒一

欽定剿平粵匪方略卷十

三

二百人奪獲礮械不可數計兩省兵壯及附近團練一齊趕到將賊巢平毀甯明州及龍州一帶巨匪黃東汰翟二及其僞軍師陳樹禮均經吳德徵擒獲新鋪賊旣掃平南太一律肅清藩司勞崇光自赴南太將匪黨悉數掃平合無仰懇

天恩賞給頭品頂戴以示優獎奏入



上命軍機大臣傳諭賽尙阿曰永安城外南北兩路經烏爾泰向榮連日進攻雖屢有斬擒皆因雨水過多攻具難施以致未能攻入朕心實深焦灼逆匪困守孤城勢已窮蹙我兵攻具現既陸續齊備卽當密飭帶兵大員相機攻勦破其礮臺與莫村水竇犄角之勢斷其鹽米火藥接濟之路並分派將弁各路埋伏接應俾賊首尾不能兼顧庶可一鼓殄滅據稱日日

聖聖聖

三

攻擊使賊不能竄逸固宜如此辦理惟我兵槍礮徒費鉛藥而鉛子轉爲賊所取資且負隅死守牆濠外蔽賊匪內藏出入自由互相援救似此堅持坐耗何日是破城之時用兵之道計謀爲先總當相度地勢出奇制勝若旣不能設法用間復不能嚴斷接濟一味冒險前進徒勞無益殊爲可惜該大臣當與烏爾泰向榮熟籌破賊善策也

上諭內閣曰我兵南北兩路進攻永安賊巢傷斃賊匪甚多惟因連旬暴雨未卽大舉深入該大臣仍當激勵將士相機進剿至新鋪賊巢經兵勇攻破首匪顏三臨陣斬獲南太一帶肅清廣西布政使勞崇光自赴南太以來與東西兩省文武會督勦賊調度有方將匪黨悉數掃除洵堪嘉尙勞崇光著賞給頭品頂戴以示獎勵所有出力之文武員弁兵勇人等著該

聖聖聖

三

大臣查明保奏候朕施恩



欽定剿平粵匪方略卷十一 壬子年

三月初一日 辛亥 鄒鳴鶴奏言省城為根本重地

防範尤應加嚴現據防堵永福縣堡里一帶委

員彭正楷等督同團練盤獲奸細李玉洸羅挺

選二名解省委審供認俱係占踞永安州逆匪

黨夥曾與官兵打仗賊目派令潛行來省探聽

虛實中途被獲 臣親提審明後恭請

欽定剿平粵匪方略卷十一

一

欽定剿平粵匪方略卷十一

二

王命即行正法此後仍嚴飭各屬督率兵壯團練實力搜拏務使根株盡絕奏入報

聞

初十日 庚申 鄒鳴鶴奏言逆匪占踞永安州城經

官兵疊次攻剿斷其接濟賊勢窮蹙於二月十

七日丑刻冒雨突圍由東路奔竄大兵跟蹤追

剿殲斃賊匪數千名並擒獲逆首洪大泉因山

徑陡險大霧迷漫鎮將遂致陣亡 臣聞信後即

飭臬司姚瑩馳入永安州城安撫百姓一面與

賽尙阿籌議嚴守要路並於近省各要隘分派

員弁帶領兵壯會合團練節節防堵不敢稍涉

疏虞現在賊匪紛竄查大廣地方及昭平之大

洞龍寮荔浦之天平坳等處均為該匪奔逸之

路應請

欽定剿平粵匪方略卷十一

二

飭下兩廣督 臣廣東撫 臣於東西兩省毗連處所遴派

兵勇實力巡防其湖南與粵西接壤地方尤宜

豫籌防守並請

飭下湖廣督 臣妥籌堵禦毋令匪蹤闖入奏入

上命軍機大臣傳諭賽尙阿鄒鳴鶴曰二月十七日丑

刻永安賊匪冒雨突圍由東路奔逃我兵跟蹤追剿

殲斃數千人擒獲逆首洪大泉前據賽尙阿奏東路



之古束冲口等處被賊屢次攻撲此次逸匪是否即由此處竄越昭平之大洞龍寮荔浦之天平坳等處現在是否均有賊匪大廣地方究係何縣所轄其前路永安州時因我軍不能立時攻剿致賊深溝高壘抗拒多時現因窮蹙奔逃正可乘其蒼黃渙散分路截擊若令復踞城邑逆燄熾張朕惟賽尙阿是問該大臣現在駐紮何處向榮駐守荔浦是否足資策應

聖諭方略卷十一

三

此時平樂府城最關緊要該大臣所派鎮將是否得力省城重地務須督率文武激勵兵練加意防堵該撫如須帶兵出省接應勿稍拘泥據該撫奏陣亡鎮將究係何人檢獲之洪大泉是否即洪秀泉該撫現派弁檻送京師已諭令程喬采留心體察如長途恐有疏虞即一面奏聞一面正法

上又命軍機大臣傳諭徐廣縉葉名琛曰永安賊匪於

二月十七日冒雨突圍奔竄經大兵追剿生擒首逆洪大泉現在大廣地方及昭平之大洞龍寮荔浦之天平坳等處均為賊匪逃竄之路不可不豫為堵截著徐廣縉等迅派文武員弁嚴密巡防不准稍有疏虞

又命軍機大臣傳諭程喬采曰永安州城克復生擒逆首洪大泉現在該匪逃竄之路總在東北一帶業

聖諭方略卷十一

四

經賽尙阿等派兵堵截該逆離巢圖脫難保不四出竄擾湖南與粵西毗連處所尤宜加意嚴防著該督即飭地方文武員弁於交界要隘分投防堵不得稍形疏懈至逆首洪大泉已由廣西省城起解押送進京路經湖南湖北務須派員防護如恐或有疏虞即一面奏聞一面就地正法著程喬采酌量辦理

上諭內閣曰永安逆匪勢日窮蹙於二月十七日丑刻



旨兩突圍東竄官軍追剿斃賊數千名並擒獲逆首  
洪大泉惟稱賊竄之路總在東北一帶務當乘勝追  
截悉數殲擒勿使兇醜復熾諒賽尙阿等必能妥速  
籌畫相機剿辦也

十一日 辛酉 賽尙阿奏言永安逆匪被攻情急突

圍逃竄官軍克復州城並擒獲逆首洪大泉惟  
連日大雨雲霧迷漫山徑險滑烏蘭泰等督兵

聖學方略卷十一

五

追剿中途被賊衝突以致官軍失挫總兵長瑞  
等陣亡現探聞逆匪由大崗等村竄出昭平屬  
之三味搖天平劫至大小古西村及福祿村等  
處並訊據生擒賊匪供稱該逆不上窺平樂卽  
下駛梧州已飭各將士率兵勇分投堵擊現聞  
賊之頭隊已到陽朔縣屬之高田墟又據諜報  
有賊數千由山路越至臨桂縣之六塘地方距

省僅六十餘里 臣當飛咨撫臣鄒鳴鶴晝夜嚴  
防並調向榮等帶兵馳援省垣以固根本奏入

命軍機大臣傳諭賽尙阿曰永安逆匪竄出後我兵  
奮力窮追已出龍寮山口乃因山徑險滑被賊衝突  
以致鎮將陣亡據該大臣奏稱賊之頭隊已到陽朔  
縣屬之高田墟並據諜報有賊數千已由山路越至  
臨桂縣之六塘地方距省僅六十餘里現在向榮等

聖學方略卷十一

六

帶兵由間道趨省民心可定惟我軍全力保衛省垣  
而賊或乘機他竄上竄平樂下趨梧州其勢必更滋  
蔓向榮等馳抵省垣是否列兵城外間出奇兵扼賊  
奔竄之路抑係株守城中僅以登陴塞責現在四鎮  
陣亡各路追擊截堵派委何員管帶以目下情形計  
之省垣最要平樂梧州兩府地方均極喫緊正可乘  
賊蒼黃未定要擊尾追俾彼不得喘息賽尙阿駐紮



永安州城是否足資控制抑或移營平樂居中調度  
烏蘭泰分守荔浦果否扼要此中緩急輕重情形均  
著該大臣相度機宜妥速籌辦鄒鳴鶴督辦團練若  
專恃兵勇臨時調撥始資保護所謂團練者安在耶  
永安竄匪有前赴梧州之信勞崇光計已馳抵梧郡  
著卽督飭地方文武激勵紳民兵勇設法剿除賊首  
僅獲洪大泉一名其洪秀泉等匪有無被我兵殲斃

聖朝方略卷十一

七

及分竄何處均著確查具奏

上又命軍機大臣傳諭徐廣縉葉名琛曰逆匪竄出永  
安州城勢甚猖獗著徐廣縉體察情形如能親往督  
辦卽迅帶兵勇馳赴兩省要隘地方相機堵剿若徐  
廣縉出省會剿所有羅鏡匪徒或交葉名琛或交陶  
煜文專司督剿如葉名琛出省卽著柏貴暫留廣東  
辦理地方事務該督撫酌量緩急勿誤事機

上又命軍機大臣傳諭程喬采曰永安逆匪潰圍奔突  
難保不逃入楚境著程喬采於提督鮑起豹並丁憂  
提督余萬清兩員內酌派一員在兩省毗連處所扼  
要駐紮毋任鄰匪乘間竄入

上諭內閣曰此次永安州城逆匪逃出分竄我兵四面  
兜剿疊有斬戮現獲之洪大泉卽逆首洪秀泉之謀  
主爲賊中著名頭目現已派員檻送京師惟連日大

聖朝方略卷十一

八

兩山險路滑致總兵長瑞等同時陣亡覽奏實深悼  
惜烏蘭泰向榮督兵追剿銳進失機咎無可辭著交  
部嚴加議處署貴州安義鎮總兵王夢麟堵禦不力  
著卽革職拏問升用同知直隸州前任全州知州甯  
域協堵未能嚴密著革職留營效力賽尙阿調度失  
宜著交部議處所有追賊陣亡之總兵長瑞長壽董  
光甲邵鶴齡均著照提督例賜卹儘先參將成林田

第... 冊... 頁...



學韜儘先遊擊王瑞儘先守備丁廷仙羅錦川千總成魁吳正道劉元慶把總古振奇趙世祥蕭大龍儘先把總王榮外委職昇儒郭長安沙得勝馬應祥均著照應升之銜加等議卹

賽尙阿又奏言總兵長瑞自隨臣到營充當翼長任事公勤不避嫌怨旋卽帶兵勦賊於攻克風門坳諸戰親冒矢石且拊循士卒時出己資

黎粵匪方略卷十一

九

稿賞以是湖南潮勇爭爲效死伊弟長壽人亦剛正派赴北路軍營帶兵打仗甚屬勇敢不意同時臨陣捐軀溯查其父塔思哈道光十年逆回犯順在喀什噶爾幫辦大臣任內陣亡今該總兵兄弟從征粵西又於一日之間先後戰歿門庭義烈感泣路人伊母年逾八旬遠羈閩省未能迎歸聞者無不慘然流涕可否於常例之

外優加撫卹奏八

上諭內閣曰直隸天津鎮總兵長瑞甘肅涼州鎮總兵長壽先後派往廣西勦辦逆匪俱能奮勇出力屢立戰功乃因匪衆奔逃跟蹤追剿同時遇害實堪憫惻業經加恩照提督例賜卹因思伊父塔思哈於道光年間在喀什噶爾幫辦大臣任內打仗陣亡今該鎮兄弟復能爲國捐軀洵屬忠貞世篤著俟軍務告竣

黎粵匪方略卷十一

十

卽於殉節地方建立專祠同時陣亡各員一併附祀以慰忠魂伊母現在閩省著賞銀三百兩由福建藩庫發給卽著該督撫並沿途地方官妥爲照料護送回京

十三日 癸亥 鄒鳴鶴奏言二月二十九日逆賊由

六塘地方竄至桂林城下向南門文昌門西門環攻兩晝夜勢甚猖獗計省城存兵千餘名向



榮帶到兵壯亦千餘名兵力雖不甚厚而省垣城池堅固紳民鋪戶勦力同心尙能竭力守禦第城外賊匪日聚日多少延時日卽恐其空濠築壘恃險負隅而城內火藥鉛丸實有應接不暇之勢亟應飛調各路援兵星馳赴救所有前調之湖南兵二千名與粵西最近之永州鎮標各官兵並粵省提標全州各營兵六百名業經

勦平粵匪方略卷十一

十二

催令迅速到防以資厚集一面仍就現有兵力與賽尙阿會商勦辦奏入

上命軍機大臣傳諭賽尙阿鄒鳴鶴烏蘭泰向榮勞崇光曰賊匪逼近省城各路官軍著鄒鳴鶴飛催赴援烏蘭泰先經賽尙阿派往荔浦所帶兵勇三千名與許祥光張敬修李孟羣所帶各勇諒可早到但使該匪首尾不能兼顧則前有堅城後有勁旅逆匪進退

失據安知不轉敗爲功該撫當與烏蘭泰向榮等密商突出奇兵於該匪圍攻稍懈匪衆所不及防之處或於昏夜風雨之中內外夾擊一面偵探該匪自永安竄出後攜帶婦女輜重安頓何處恐修仁荔浦陽朔一帶山徑叢雜別有險要可踞卽當分兵前往勦襲令攻城之匪聞而疑懼亦釜底抽薪之法我軍雖新有挫失而賊匪亦係鋌而走險該撫正當持以鎮

勦平粵匪方略卷十一

十二

靜勿露張皇該匪狡譎異常恐有奸民勾結漏洩機宜尤須與合城文武官紳慎密搜查賽尙阿暫駐永安聞警後是否已移營北指應如何調度分投遏截該大臣定已計及本日已由六百里加緊諭知程喬采迅飭余萬清帶兵來粵並飛諭徐廣縉等酌量情形或徑行帶兵馳往粵西接應勞崇光諒已馳抵梧州當密防該匪與艇匪勾通並將奸細偵獲懲辦鄒



鳴鶴兩次奏報爲省城防守緊要於賽尙阿現在大營情形未經奏及朕不勝焦慮該大臣當與鄒鳴鶴等速籌勦辦隨時將現辦情形馳奏

上又命軍機大臣傳諭徐廣縉葉名琛曰賊匪直逼桂林省城專望各路援兵攻勦現在城內向榮等帶兵防守烏蘭泰等亦馳赴救援但恐兵力專注省垣南路未能兼顧著徐廣縉等卽遵前旨迅速籌計如該

欽定剿平粵匪方略卷十一

十三

督帶兵前赴廣西梧州一帶其羅鏡匪徒卽交葉名琛或陶煜文專司督勦想該督接奉前旨已通盤籌畫不致遲延誤事也

上又命軍機大臣傳諭程喬采曰賊偏桂林省城官民竭力守禦專望各路援兵攻勦著程喬采卽飭前任提督余萬清督帶精兵探明賊匪蹤跡馳往廣西迎擊既可杜其奔竄湖南之路卽可救援桂林該督接

奉此旨卽飭余萬清星夜遄行不可稍涉延緩至湖南與廣西毗連要隘著卽飭令鮑起豹實力巡防該督駐紮衡州是否足資策應並著酌量情形慎重防禦

十七日丁卯鄒鳴鶴奏言永安州逆匪潰圍分竄連撲省城經臣會同提臣向榮督率弁兵激勵紳勇於二月二十九日將撲城之賊擊斃甚衆

欽定剿平粵匪方略卷十一

十四

三月初一日卽選同知直隸州謝繼超等帶兵緹城將城外被賊占踞之空房縱火焚燬初二日又派湖南兵緹城衝殺斃賊數十名奪獲大黃旗二桿初三日參將蔣福長擊斃賊匪二十餘人奪獲木梯器械多件初四日參將瞿騰龍遊擊游坤垣都司朱占鼈守備米興朝等連放礮先後斃賊百餘人賊勢大挫紛紛退竄不



敢近城再在籍官紳龍啟瑞朱琦等督帶團練  
協同守禦並搜捕奸細邵小仔等二十餘名審  
明正法現在人心安靜賽尙阿已飭令署臨元  
鎮總兵王錦繡署徐州鎮總兵松安泗城府知  
府李孟羣各帶兵勇赴援均已先後趕到前任  
湖南提督余萬清亦督帶楚兵馳往應援此次  
攻城逆匪約有二三千人該匪揚言尙有六七

聖朝聖略卷十一

十五

千人隨後踵至臣等惟有督率文武並與在城  
紳士一面設防固守一面相機勦襲並咨商湖  
廣總督臣程喬采由衡州移紮零陵以便策應  
並防竄入湖南之路奏入

上命軍機大臣傳諭賽尙阿鄒鳴鶴曰逆匪竄至桂林  
城下是否有逆首在內該逆自永安竄出後未必全  
赴省城究竟共分幾股屯聚何處均未據該大臣與

該撫詳細奏到現在程喬采已撥兵一千名飭令余  
萬清統帶前赴桂林其廣西各路兵勇分赴應援者  
共有若干名賊匪揚言有六七千人隨後踵至亦須  
時加偵探飭令各路團練嚴密豫防儻能內外夾擊  
正可轉敗爲功賽尙阿是否尙在永安該大臣駐紮  
處所與省城必須聲息相通設爲賊兵梗阻以致彼  
此不相聯絡甚爲可慮烏蘭泰前經帶兵三千名赴

聖朝聖略卷十一

十六

荔浦追截賊匪今賊已至省城尙未知烏蘭泰所在  
荔浦儻有疏失關係非輕烏蘭泰豈尙按部徐行耶  
著賽尙阿查明迅速馳奏現在平樂梧州等處如何  
防勦亦著查明具奏

鄒鳴鶴又奏言粵西軍需續奉戶部咨撥各省  
關銀二百萬兩又蒙加撥銀八十萬兩現在永  
安州城雖經克復逆黨紛竄用項尙屬浩繁必



須月行籌撥相應額懇

天恩暫撥內帑銀一百五十萬兩

飭部迅速解至粵西以濟急用奏入得

旨戶部速議具奏旋經戶部議覆此時若再請撥給內

帑由京解粵路途遙遠較之前撥各省之項轉

形遲滯請將該撫所稱前由部撥之兩淮應解

滇餉銀三十萬兩廣東捐輸銀一百萬兩粵海

聖學聖方略卷十一

十七

關稅銀二十萬兩江蘇海運節省銀五十萬兩

甘肅軍需餘賸銀一十六萬兩共銀五款內除

兩淮三十萬兩及甘肅十六萬兩已據該二省

咨報起解外其餘銀兩即迅速起解或本款稍

有不敷即不拘於何款內先行挪湊飛速解往

上從之

同日程喬采奏言臣查楚省邊防惟江永一帶

為最要值茲鄰氛逼近尤屬萬分喫緊惟桂林

為根本重地解圍救困又不能稍緩須臾再四

妥籌祇得暫撥防兵先其所急現於江永各要

隘內酌撥官兵一千名飛咨提臣余萬清統領

管帶星速起行馳赴桂林省城並囑以何路迅

捷即由何路行走仍恐兵力單薄復飛調提標

撫標綏靖永綏常德保靖九溪辰州河溪衡州

聖學聖方略卷十一

十八

標協營兵一千五百名以五百名同前調鎮單

等處之兵赴永防堵其餘一千名應否馳赴粵

西聽候續調惟各營相距較遠邊防實難稍任

空虛臣又將前次派防永州衡州江藍道州東

安祁陽各府州縣之湖北兵六百名暫行撥赴

江永防所以昭慎重一面咨會提臣鮑起豹妥

為布置扼要嚴防奏入



上命軍機大臣傳諭程喬采曰逆匪攻撲廣西省城業經鄒鳴鶴等協力勦擊獲勝惟該逆既不得逞志難保不紛逸滋擾楚省邊界地方倍形喫重仍著程喬采督飭各州縣加意嚴防前任提督余萬清現已統帶官兵一千名馳赴桂林援應甚為迅速其續調兵一千名仍酌量緩急以備調用鄒鳴鶴咨商程喬采由衡州移紮零陵以期就近策應之處諒該督先已

聖諭方略卷十一

十九

籌及矣

十八日戊辰賽尙阿奏言逆匪全數北竄直撲省垣幸向榮帶領兵勇已抵桂林人心得以安定

連日復激勦在城兵練紳民設法抵禦疊獲勝仗惟烏蘭泰帶兵追賊至省城南門外將軍橋地方甫經接仗又因身受礮傷退回良豐復由良豐回至六塘以致將軍橋險隘被賊占踞修

立寨棚失此機會殊為可惜臣現已由荔浦統率兵勇並帶同總兵經文岱等移營陽朔該處切近桂林督兵攻勦聲勢既易聯絡兼可杜賊回竄之路奏入

上命軍機大臣傳諭賽尙阿曰烏蘭泰素有謀略何以前次永安追賊墮澗與秦定三帶兵退回此次又因受傷退回六塘其調度布置何以漫無把握現在受

聖諭方略卷十一

二十

傷輕重若何有無遷延情事即行查明具奏秦定三暫領烏蘭泰軍由南路進攻是否足恃此時賊勢前有堅城之阻後有援兵追擊乘其散渙內外夾攻不但城圍立解且可大挫賊鋒若再遲延時日使賊占踞要地又成巢穴勦辦更難得手該大臣親督兵勇並帶同總兵經文岱等拔營前進以為後路聲援正可趁此聲勢一鼓殲除余萬清想已帶兵由湖南



到一切情形仍當隨時知照程喬采驛路文報勿致梗阻該大臣務須通盤籌畫毋再貽誤

上又命軍機大臣傳諭徐廣縉葉名琛曰現在永安逆匪竄偏桂林省城經賽尙阿調撥各路兵勇赴援堵擊其勞崇光帶赴梧州之兵勇二千餘名亦經調赴桂林梧州兵力較單恐艇匪乘機勾結著徐廣縉迅卽督帶兵勇前往勦辦至凌十八股匪或交葉名琛

欽定剿平粵匪方略卷十一

三

或交陶煜文專司堵剿並著酌量辦理

十九日己巳吏部兵部奏言遵議統兵大員等處分請將向榮烏蘭泰革職賽尙阿革職留任奏入

上諭內閣曰現據賽尙阿馳奏分兵追剿情形向榮於逆匪竄偏省城之先帶兵由閒道馳抵桂林連日抵禦布置尙合機宜著加恩改爲革職留任烏蘭泰帶

兵追賊亦經接仗獲勝惟因散受礮傷退回六塘致失機會著拔去花翎仍加恩改爲革職留任賽尙阿並著加恩改爲降四級留任

二十一日辛未工部左侍郎呂賢基奏言粵匪河

工度支漕運事事可危敬請

詔求直言集思廣益以期挽回補救竊思我皇上登極以來

欽定剿平粵匪方略卷十一

三

特詔求言內外臣工各有條奏而近來奏牘稍稀卽偶有條陳不過毛舉細故藉以塞責無關大體今粵西會匪滋事二年以來

命將出師竟無成效甚至圍攻省城大肆猖狂南河豐工未能合龍重運之阻滯災民之屯聚在在堪虞河工費已四五百萬軍需費已一千餘萬計臣束手無措必至培克股削邦本愈搖夫以天



下之大萬幾之多惟我

皇上一人憂勤惕厲震動恪恭於上而耳目心思未能

徧及况年來諸務因循日壞一日易曰大蹇朋

來正在此時敬祈我

皇上特旨訪求直言令大小臣工悉去忌諱一改泄泄

沓沓之故習於時政闕失有可補救者各抒所

見盡言無隱以期集思廣益奏入

聖祖聖訓卷十一

三

上諭內閣曰呂賢基奏請求直言一摺朕登極後特詔

求言內外臣工條奏凡有可採取者均已見諸施行

現在粵西軍務未平豐北河工漫口未合內外諸務

因循未能振作畿輔自入春來缺少雨澤朕焦勞宵

旰方矢憂勤惕厲之忱爾諸臣目擊時艱自當與國

家同其休戚豈可泄泄沓沓自謂循分盡職乎著再

申諭各部院大臣九卿科道等有言事之責者於政

治得失民生利病有可補偏去弊力圖挽救之處各

據見聞直陳無隱朕非好諛惡直之主亦非欲博下

詔求言之名爾諸臣其各力矢公忠盡心獻替惟不

得徒託空言浮泛塞責若或受人指使詐偽居心或

欲沽直名置國是於不問殊負朕集思廣益之苦衷

也

二十三日

癸酉

鄒鳴鶴奏言竄省逆匪於三月初

聖祖聖訓卷十一

三

六日夜退屯對河各處僅向東西南及文昌四

門不時遙放槍礮未經逼近城下初七日有一

千餘賊由南繞至飛龍橋渡河直撲北門當調

滇皖官兵奮勇出擊斬首十餘級賊即退往飛

龍橋各村藏避午刻又率大隊冒雨蠡擁而來

復攻松安王錦繡營盤臣囑提臣趕至北城督

戰並調潮勇助剿李孟羣帶同良勇知縣銀沉



帶同福勇槍勇由北門外繞出賊後剽擊多時賊始紛紛潰走各路兵勇見賊大敗盡力衝殺追至飛龍橋橋窄人多賊匪擠落水中淹斃者不少初八日西門南門外空房並對河東岸均有賊匪藏匿出入文昌門外之象鼻山下泊有賊船多隻初九日賊復向南門文昌門連開大礮俱經兵勇擊退初十日提臣向榮督率紮營

欽定剿平粵匪方略卷十一

三

城外之兵勇由麗澤門整隊前往望見古牛山上聚賊多人我軍連放槍礮並拋擲火罐羣賊滾落山下者甚眾餘匪由山背竄逃惟偵探賊眾男婦約有四五千人大半廣東口音或聚對河東岸各村或屯西鄉五里墟或分處花橋四圍樓將軍橋頭塘等處其大小船四十餘隻則停於紫家洲及象鼻山背賊首有言係楊秀青

蕭潮潰並傳言洪秀泉章政亦在其內現在城內添備滾木插石石灰袋水噴筒等件以資抵禦城外又續到貴州鎮總兵秦定三副將常祿兵一千名勇二千名湖南永綏協副將馬龍兵一千餘名右江道張敬修東勇三千餘名援兵雲集臣現與提臣商定機宜即日分路進剿臣賽尙阿於初四日由永安移紮荔浦即可旋至

欽定剿平粵匪方略卷十一

三

陽朔日來文報繞道能通音問時至不致隔閡鄒鳴鶴又奏言查賊情刻有變遷機宜亦刻有更易現在賽尙阿駐紮荔浦日內移紮陽朔距省雖僅百里中間賊匪隔斷祇有間道往來若事事商酌後行既恐中途漏洩且往返需時必致貽誤大事臣再三審度所有目前戰守諸事其可稍緩者仍咨明賽尙阿商定如係刻不可



緩者卽由臣與提臣會商密計立時發令舉行  
適接賽尙阿來函以諸軍統領乏人囑卽就近  
會同向榮調遣各軍意見正相符合

鄒鳴鶴又奏言此次賊匪攻撲省城各文武大  
小員弁紳士兵壯團練固守十一晝夜疊次接  
仗俱能志切同仇謹將尤爲出力之湖南綏靖  
鎮總兵和春等先行開列懇

聖恩賜方略卷十一

三

恩獎勵奏八

上命軍機大臣傳諭賽尙阿鄒鳴鶴曰省垣重地豈可  
徒事株守該撫與向榮等此時想已督飭將弁分路  
進剿賽尙阿現駐陽朔正可與省城聯絡聲勢內外  
夾擊且逆首洪秀泉楊秀青蕭潮濱韋政等聚集一  
處尤不可失此機會務須合力痛剿聚而殲旃據稱  
賊衆分踞各村並將軍橋頭塘等處若不及早攻剿

勢必樹立柵寨踞險負隅仍爲窺伺城垣之計象鼻  
山爲水陸要隘賊匪搶占必應痛加剿擊北城外各  
山及水路亦宜嚴密防堵匪船四十餘隻停於紫家  
洲及象鼻山之背未始非因省垣堅固爲奔竄他郡  
之計其毗連楚粵之界尤宜隨時知照程喬采分兵  
駐守余萬清如已帶兵抵粵卽可合力兜剿烏蘭泰  
是否仍在六塘其礙傷輕重若何奏定三所帶之兵  
會同向榮調遣各軍等語所見甚是軍務緊急刻有  
變遷自宜相機行事也

聖恩賜方略卷十一

三

上諭內閣曰逆匪攻撲桂林省城因守禦嚴固退屯對  
河遙放槍礮疊經官軍擊敗現在賊已不敢近城各  
路赴援兵勇續到七千餘名著鄒鳴鶴會同向榮分  
撥調遣與南路賽尙阿烏蘭泰之兵合力夾攻務將



首要各匪悉數殲擒至連日守禦出力之湖南綏靖鎮總兵和春新升雲南楚雄協副將鄧紹良均著交部從優議敘候補都司湖南提標中營守備朱占鼈著以遊擊卽升鎮守鎮中營守備米興朝著以都司卽升均先換頂戴廣西撫標中軍參將蔣福長著賞加副將銜並賞戴花翎撫標右營遊擊游坤垣左江鎮右營都司常啟雲均著賞戴花翎慶遠協副將奚

欽定剿平粵匪方略卷十一

三

應龍著交部從優議敘卽選同知直隸州謝繼超著免選本班以知府卽選並賞戴花翎河南候補直隸州知州王建泰著免補本班仍歸原省以知府卽補並賞戴花翎其協同守城搜查奸匪之在籍翰林院侍講龍啟瑞御史朱琦著加恩交部議敘

二十六日 丙子 賽尙阿鄒鳴鶴奏言現在永安逆

匪竄攻省垣情形緊急省城雖經嚴設守禦必

須厚集兵力內外夾擊方可解圍破賊臣等復經節次札調勞崇光督領所帶川滇及張國樑等壯勇飛速前赴桂林幫同援剿奏入報

閱

二十九日 己卯 禮科掌印給事中陳壇奏言本月二十一日奉

上諭各部院大臣九卿科道等有言事之責者於政治

欽定剿平粵匪方略卷十一

三十一

得失民生利病有可補偏去弊力圖挽救之處各據見聞直陳無隱等因仰見

皇上虛己受人博采周咨之至意 臣惟弼違陳善責在

臣鄰而敬迓

天庥永綏億兆尤先歸重於

主德

皇上御極以來孜孜圖治宵旰不遑固宜四時順序寰



宇又安矣乃自上年以來天象屢異人事亦屢乖其尤可畏者如上年二月初旬連日天色黃赤淡而無光本年二月十七日辰刻日旁有黑子並出逾時乃滅查二月十七正永安州匪徒竄出之日也方今廣西逆燄愈熾省城被圍則全省之震動可慮聞馮雲山係廣東教匪李丹係衡州會匪隔省勾結則廣東湖南之伏莽可

聖皇聖方略卷十一

三

慮豐工尙未合龍人夫數十萬游手無食則直隸江蘇山東河南之騷擾可慮江蘇水手偏勒遣散則沿河之滋蔓又可慮夫禍患之生天以警聖人亦將以開聖人也將欲紓多難而收羣心必自

皇上遇災而懼益深惕厲始臣伏願

皇上亟沛

綸音徧諭廣西廣東湖南三省士庶將前此之被臣工

欺蒙及屢易將帥辦理未善現在地方蹂躪傷心慘目等情躬自引咎剴切宣示並軍營將士及本省鄰省紳民如有能自相團練保衛城池者立予破格獎勵其已陷賊中或被賊裹脅除著名逆匪國法難宥外苟能自拔來歸或殺賊自效者仍卽予以懋賞散賊黨而固人心在事

聖皇聖方略卷十一

三

官民捧

詔書而涕零必當感奮圖功藉以仰酬高厚卽他省不逞之徒亦將聞而膽落可消患於未萌矣抑臣更有請者

皇上每日辦事之暇將各部院九卿滿漢大臣之奏事值日者輪流召對考其所辦之事卽審其人之公私並可各詢其本省民生之疾苦吏治之舉



廢參衆論以驗情僞似亦集思廣益之一助也  
唐臣陸贄有言曰悔過之意不得不深引咎之  
詞不得不盡招延不可以不廣潤澤不可以不  
宏宣暢鬱湮不可不洞開襟抱洗刷疵垢不可  
不盪去癥痕此數語者似於今日時事頗爲切  
近臣願

皇上先定厥志開誠布公事事與天下相見此尤今日

黎學匪方略卷十一

三

之急務而感格

人人其應如響者也奏入

上諭內閣曰昨降旨令各部院大臣九卿科道各進直  
言以匡時政本日據給事中陳壇遵旨陳言懇請遇  
災而懼益深惕畏以召

天和而固人心披覽所奏頗合責難陳善之義深契朕  
衷朕承

皇考付託之重仰惟

列聖創業艱難天下億兆生靈撫綏懷保責在藐躬自  
登極二載以來無日不以敬

天愛民爲念兢兢業業夙夜不遑曷敢稍存滿溢之志  
致開逸欲之萌惟思與中外臣工洗滌前非共圖上  
理乃因循疲玩積習相沿法令廢弛拊循無術以致  
盜賊橫行重煩兵力自上年粵西小醜不靖調兵剿

黎學匪方略卷十一

三

辦各屬盜匪漸次解散撲滅獨金田會匪尤爲狡詐  
兇悍大兵節次進攻相持日久仍被突圍而出甚至  
挫師折將省城戒嚴前次破陷永安合城文武殉難  
捐軀追賊他竄後州城及莫村水竇各處僅留警病  
數人是城內居民或不得已而被其裹脅或不甘從  
逆而遭其屠戮者不知凡幾現又竄擾桂林城外及  
昭平荔浦陽朔一帶村墟居民諒無不受賊蹂躪傷



心慘目不言可知赤子何辜毒罹鋒鏑與言及此寢饋難安回思前任疆吏粉飾因循深堪痛恨然勞師糜餉俾么麼小醜未能迅就蕩平皆予罪也而南河豐工漫口至今尙未堵合災民蕩析離居更爲可憫自維薄德時切憂勤宵旰苦衷原難共喻亦不願天下知惟有自省愆尤倍深刻責而已廣西軍務賽尙阿未能迅速奏功疊予薄懲望其力圖補救以贖前

聖學聖方略卷十一

三五

愆現在該大臣駐紮陽朔與省城聲勢聯絡如能剋日會合攻剿兼扼其南竄之路不難復振軍威滅此羣醜若再曠日無功朕亦豈能寬宥著再申諭賽尙阿及帶兵大員等務各激發天良勿致復蹈故轍國典具在朕非不能執法之主也至廣西紳士居民人等於辛苦墊隘之中舉行團練各衛身家殊堪軫念現當賊勢奔竄靡常其各一乃心力敵愾同仇或偶

被妖賊煽惑或陷賊後革心悔悟自拔來歸者不惟予以自新且當妥爲撫恤有能殺賊自效者更當加以恩獎廣東湖南與廣西壤地毗連疊經諭令該督撫通飭所屬實力防堵仍當妥諭士民團集保伍並宜加意綏徠毋至驅良爲匪用副朕除害安民之至意

聖學聖方略卷十一

三五

臣等謹案惟德動天無遠弗届而當時臣鄰交傲則曰天聰明自我民聰明天明畏自我民明威誠以天不遠人人能思患天卽降祥水旱盜賊胥易弭也我

文宗顯皇帝邇言必察慎始圖終承

祖

宗積累之仁而又敬

天愛民孜孜靡已寇患如粵逆東南士庶不無轉徙流



離而敵愾同仇其中自有固結不解之意豈

非

德澤之入人者深歟迄今恭繹

綸音

愷惻慈祥薄海臣民同深感泣書云萬方有罪在予一

人以古方今殆無以過固宜

天休滋至而巨憝終就殄除也

欽定剿平粵匪方略卷十一

七

欽定剿平粵匪方略卷十二 壬子年

四月初二日 壬午 程喬采奏言臣前准廣西撫臣

飛咨逆匪竄撲桂林當卽在於各處防兵內抽

撥一千名咨會提臣余萬清帶赴粵西會剿並

查明楚境各要隘緩急情形分兵堵禦楚邊卡

隘共有五六十處之多昨因粵省告援先於防

兵內抽撥赴剿本境愈形單薄是以復於南北

欽定剿平粵匪方略卷十二

一

兩省總調官兵三千五百名催令先後起來一

俟到齊再以一千名赴粵仍以二千五百名補

防俾昭慎重以現在情形而論逆蹤北竄固距

江永稍遠而零陵東安新甯城步綏甯等縣轉

爲切近是楚疆防堵較之前踞永安時尤爲喫

重業將派防江永之道員張其仁派防宜章之

總兵孫應照一併飭駐永州府城以壯聲勢至



提臣鮑起豹駐守江華縣本屬邊界要區此時應毋庸移動庶與臣互相控制策應易周現又酌調鄖陽竹山施南黃州德安荊門各標協營兵一千名飭令星速來南分別添派堵禦奏入報

聞

初六日丙戌賽尙阿奏言竊省城重地被逆匪攻

聖皇聖方略卷十二

二

圍多日雖城中守禦暫保無虞並連次出擊獲勝而賊鋒未能大挫城圍未解臣自駐營陽朔嚴飭城外赴援各軍悉聽向榮號令並飭向榮設法調遣臣現在以二千兵勇駐紮陽朔將所有各路兵勇二萬餘全數飭赴省城援剿陽朔為省南首站地方衝要當賊回竄平樂梧州水陸總口且據向榮屢次函稟皆以賊於省河據

得船隻將婦女輜重米穀運載其中刻防該逆順流而下則朔邑係必由之路最為喫緊當將兵勇分布各處陽朔三面皆山路徑紛歧處處可通荔浦逐日於各要路築壘挖濠紮營分駐並採買米穀接濟桂林城外赴援各軍糧食省外毗連各郡邑經臣駐朔一軍嚴鎮亦漸覺人心安定惟是省城被賊攻擾已及兩旬城外諸

聖皇聖方略卷十二

三

軍數已萬餘而地方遼闊分紮各處猶形單薄逆賊連日攻戰極盡鬼蜮伎倆非大加勦洗未能折其兇鋒且尤慮其不獲逞於省垣則由平樂梧州等處北竄楚南東逸粵東蔓延可慮省城南路空虛將軍橋一帶本賊最先竊踞之所必須厚集勁兵由此攻擊再由城內出兵會合方期得手專候張國樑勇到會同東勇由此路



銳力進攻張國樑赴省必須經過陽朔俟其一  
到卽當嚴飭飛速赴省仍飭省城內外諸軍併  
力合謀進剿以期一鼓奏功奏入

上命軍機大臣傳諭賽尙阿曰逆匪尙在圍攻省城各  
處兵力聚於北路該大臣駐紮陽朔省南兵力稍單  
本日已飭令四川雲貴各再挑備精兵二千該大臣  
如有應需調遣之處卽一面奏聞一面飛調應用鄒

欽定剿平粵匪方略卷十二

四

鳴鶴向榮等守禦省城現與該大臣聲息相通除軍  
事隨機應變不及往返咨商外其舉劾等事仍當統  
歸欽差大臣具奏鄒鳴鶴赴任時卽以辦團練爲己  
任現在賊窺省城六塘九塘一帶毫無守禦而前奏  
省城團練五萬人似亦並無實際著卽會同徐廣縉  
密查該撫儻有夸大粉飾遇事張皇情事卽行據實  
叅奏

上又命軍機大臣傳諭徐廣縉曰據賽尙阿鄒鳴鶴先

後馳奏省城戰守情形該匪窺偏省城雖屢被攻擊  
而勢尙猖獗時已兼旬賽尙阿駐紮陽朔僅有兵勇  
二千陽朔爲省南衝要重地聞賽尙阿現在患病頗  
形委頓朕心甚爲焦急本日已明降諭旨令徐廣縉  
遴選精兵馳驛前赴廣西會同賽尙阿籌辦軍務該  
督接奉此旨著卽迅速帶兵前往現已諭知徐澤醇

欽定剿平粵匪方略卷十二

五

吳文鎔等各選精兵二千聽候調遣該督酌量如需  
此項兵力卽一面奏聞一面飛調但不可專待遠兵  
致誤機會該督行抵廣西如賽尙阿病勢難支卽將  
欽差大臣關防接領任事至鄒鳴鶴舉行團練未有  
成效經理糧餉是否覈實著會同賽尙阿密行察訪  
如有誇張粉飾等情卽據實奏叅

上又命軍機大臣傳諭徐澤醇吳文鎔蔣蔚遠曰廣西



軍務未竣兵力尙單急需添調著徐澤醇吳文鎔蔣爵遠於四川選備精兵二千名雲貴選備精兵二千名並派得力將領員弁妥備軍裝器械聽候調遣

上諭內閣曰著派徐廣縉棟帶精兵馳驛前赴廣西會同賽尙阿辦理軍務

賽尙阿又奏言副都統烏蘭泰被敵傷重於三月二十日寅刻身故該副都統秉性忠誠素知

聖恩厚隆卷十二

六

兵法詎意陣前猝遭傷挫遂至捐軀且其家本赤貧數代單傳尙無子嗣情形實堪惻憫仰懇照陣亡例從優議卹奏八

上諭內閣曰都統銜廣州滿洲副都統烏蘭泰自上年派赴廣西剿辦逆匪屢著戰功昨因追擊賊匪身受敵傷方冀調理速痊藉資倚任遽聞溘逝軫惜良深加恩著照都統例賜卹任內一切處分悉予開復並

賞銀一千兩由廣東藩庫交伊家屬祇領送柩回旗著沿途地方官妥為照料並准其入城治喪烏蘭泰現無子嗣著該旗於本族近支內擇其應繼之人卽為立嗣應得卹典該衙門察例具奏

初七日 丁亥

上諭內閣曰昨降旨將烏蘭泰照都統例賜卹因思逆

匪初撲省城烏蘭泰督兵直至城下已據將軍橋要

聖恩厚隆卷十二

七

隘乃因敵傷入骨甫及兩旬遽致殞命深堪憫惻烏蘭泰著加恩照陣亡例議卹以慰忠魂

十一日 辛卯 程喬采奏言廣西省城被圍已至二

十餘日兵勇疲乏居多前調鎮守綏靖沅州保靖各標協營兵一千名陸續抵永當派委遊擊傅振邦帶兵六百名於三月二十八日星夜兼程前往尙有兵四百名日內到齊豫派都司武



昌顯管帶赴援統歸提臣余萬清調遣楚境邊防自當督飭文武加意圖維未敢稍存懈忽又臣駐紮之處前聞永安潰竄卽已再四妥籌零陵切近桂林策應固便但其餘邊要實多如僅駐守偏隅轉有鞭長莫及之慮衡州地尙適中堪資兼顧奏入報

聞

欽定剿平粵匪方略卷十二

八

十三日癸巳賽尙阿奏言查此次逆匪竄出平樂

荔浦等處並未有賊竄匪現在省城兵勇除向榮及劉長清等所帶湖南廣西四川官兵在城內分門防守外王錦繡松安等兵與李孟羣等勇均紮省北門外張敬修勇改紮北門外迤西之飛鸞橋潮勇三千紮老西門外沿城地方秦定三常祿兵勇紮省東門外對河之上關提督

余萬清已帶楚兵一千名馳抵省城北門外紮營惟南路空虛僅許祥光委員朱啟仁等勇紮六塘一帶遙爲聲勢賊於城西之甘橋圈門脚五里墟一帶將民房盡行占踞南門文昌門外亦有賊衆分踞文昌門外之張氏宗祠及臨江之象鼻山上兩處均有賊礮臺又於象鼻山下灣泊擄得民船數十餘隻婦女輜重悉載其中

欽定剿平粵匪方略卷十二

九

圈門脚後有古牛山賊於其上登高瞭望可以窺見城中賊目分住西南門外自十九日潮勇勝賊福山脚後二十日向榮令謝繼超帶領提勇擊賊於獅子巖二十一至二十六等日李孟羣督帶良勇與萬明魁張敬修等勇均由飛鸞橋進攻嗣後皆因雨阻未能出隊現在各路兵勇全往省城如賊再竄亦必須由省城豫派兵



勇追襲各處地方緊要均不可再有疏失一俟勞崇光帶領張國樑等勇到來即飭由省城南路相機前進仍飭向榮督飭城內外諸軍於此項壯勇到後務即約期併力痛剿奏入

命軍機大臣傳諭賽尙阿曰賽尙阿駐紮陽朔兵力尙單本日諭令季芝昌揀選汀州漳州泉州各屬精兵三千名聽候調遣惟坐待各省徵調赴援尙需時

聖學聖方略卷十二

十

日省垣被圍而月萬無株守孤城一無展布之理南空虛尤須精悍兵勇接濟勞崇光既經兼程前來該大臣即可與之籌酌出奇制勝之策令其在南路協同攻剿杜賊回竄省城內外兵勇不下二萬餘人即著專責向榮劉長清等妥籌布置與勞崇光南北夾擊凡西門南門外分占之處與象鼻山上下所築礮臺及賊黨婦女輜重船隻必須隨地相機攻擊固

不可冒昧輕試尤不可坐誤事機若鄒鳴鶴專恃向榮爲長城向榮又藉堅城爲坐鎮賊來不能擊之使去賊竄又恐其復來困守待援豈桂林一城外皆不顧耶徐廣縉未到粵西以前該大臣務當通籌全局責成向榮勞崇光等分飭文武員弁併力合剿省城固屬緊要他處亦不得再有疏虞何路員弁兵勇不能得力即惟該處統兵大員是問

聖學聖方略卷十二

十一

上又命軍機大臣傳諭徐廣縉曰昨有旨飭令徐廣縉馳赴廣西會同賽尙阿督辦軍務諒該督接奉此旨必已星馳就道惟前飭揀帶精兵曾據奏稱廣東防剿喫緊兵力難分本日已寄諭季芝昌令簡派汀漳泉等屬精兵三千名以備該督調遣桂林省城現尙被圍據鄒鳴鶴奏賊匪約祇五六千人省城兵勇二萬不爲不多斷無株守坐困之理已飭賽尙阿督同



勞崇光向榮等相機夾擊該督如馳赴粵西卽會同妥籌辦理

上又命軍機大臣傳諭季芝昌曰廣西軍務未竣已諭令徐廣縉帶兵馳往會同賽尙阿籌辦福建汀州漳州泉州等處兵力向稱驍勇且與廣東潮州各屬毗連著季芝昌於提鎮各標內挑選精兵三千名聽候賽尙阿徐廣縉咨調

欽定剿平粵匪方略卷十二

十二

十六日丙申賽尙阿奏言接據鄒鳴鶴及向榮函

稟三月二十七日四鼓賊用四輪檔車多架乘夜直撲城下勢極兇猛守城及巡城官兵奮力拋擲火藥火罐將其檔車焚燒斃賊無數紛紛敗退同時又有賊匪用槍礮攻撲東西兩門黎明時復撲西南及文昌門皆爲兵勇擊退二十八日賊千餘人過東門對河由花園里繞李家

嶺分股來撲總兵秦定三常祿侍衛開隆阿等新營並於五通廟後地方埋伏賊匪數百秦定

三開隆阿等帶領兵勇從貓兒山兩路分出見賊在花園里一帶搖旗擁來兵勇向前攻打並由兩邊圍抄賊衆不能抵敵當卽敗走兵勇飛追殺賊數十名追至花橋賊匪紛紛撲河淹斃不少秦定三開隆阿恐賊隔河埋伏紮住兵勇

欽定剿平粵匪方略卷十二

十三

將隊撤於貓兒山後俟賊復來衝出齊攻少頃賊果由花園里楊家碑菜園三股分來每股數百當令楚勇潮勇迎敵菜園之賊博白勇迎敵花園里之賊各營迎敵楊家碑之賊賊又敗奔兵勇復追至花橋河干斃賊多名開隆阿等令兵勇將附近賊巢燒燬提督余萬清派兵過河接應均各回營二十九日有賊數千從棲霞寺



一帶前來兵勇仍由貓兒山分路而出賊眾由福隆墟橋衝至秦定三開隆阿等令兵勇於各土埠豫伏擗礮先令博白勇誘敵有手執大黃旗一賊拌命直前羣賊布開衝出開隆阿督兵勇奮力向前攻打兩邊伏礮齊發眾賊慌張敗走執旗一賊猶挺立不動兩旁圍繞數十餘賊秦定三開隆阿等令兵勇向前拋擲火彈眾賊

聖朝聖略卷十二

十四



擁護奔回開隆阿等親督兵勇追殺前浙江知縣江忠源等各帶官兵及博白勇分路尾追三面圍殺賊眾紛紛倒地生擒及撲水過河淹斃者計百餘人隨將楊家碑菜園一帶賊巢燒燬銀沉萬明魁等帶領福勇荔安勇由陸路張劍等駕小船分隊由水路進攻下關之賊並約秦定三等出兵接應賊船十餘正泊關雞山西岸

張劍等船俱到即時開礮打破賊船賊眾敗走遙見騎馬二賊飛馳在文昌門外雷祖廟一帶調出黃旗數十至關雞山下抄來張劍等將艇順流放下關雞潭東岸對河用礮轟打斃賊多名相持約有兩時忽見賊後岸上火起料係銀沉等勇接應賊眾蒼黃遁走初一日城內外礮聲不斷是夜賊已分股一由東路關雞山駕艇

聖朝聖略卷十二

十五



過河焚燒歐家村走江東背後扯綫路而去一由西路廟頭墟黃埔而去城外諸軍甫將大集方期四路併力就此一鼓蕩平詎逆賊知我後路勁兵齊至乘夜分投他竄查廟頭墟路通義甯該縣城小無兵且距省城僅五十餘里賊蹤飄忽俄頃即至前界龍勝可出湖南武岡等境江東扯綫路北走興安東走平樂富賀各通湖



南廣東亦可南走陽朔在在均須扼截秦定三  
開隆阿等一軍已自省城對河跟追江東賊股  
當卽飛札令其就近馳追除留兵防守省城外  
速撥兵勇拔營分投追剿已革總兵李能臣帶  
領博白壯勇千名馳赴義甯並飭朱啟仁所帶  
東勇會同由六塘探明追剿張國樑帶勇千名  
初二日晚間趕到飭令卽赴省東南路之沙子

黎軍方略卷十二

十六

街堵剿查該處爲平樂恭城灌陽興安四達之  
衝該壯勇等到彼最爲扼要其餘壯勇到齊亦  
令陸續前往張釗礮船調回順流駛下平樂並  
飛咨湖南廣東各於交界嚴防竄越平樂義甯  
兩處尤爲切近所冀省城兵勇亦如前在永安  
州時卽派撥跟追則兩處城守或可無虞疏  
失賊竄地方皆通湖南之路程喬采自帶重兵

防堵楚境賊果竄越定可迎頭截住較之竄由  
粵省各府州縣未有重兵防堵者轉可放心且  
該逆如果勢分我軍又添湖南調來新兵及南  
甞等壯勇合計五六千人從後分投追截如能  
與楚省防兵前後夾擊似較賊聚一處時我軍  
四圍密布動覺兵單者或轉易於蕪事臣惟有  
嚴催各路追剿之兵不許片刻稍遲使賊所到

黎軍方略卷十二

十七

不得喘息俟其奔突一有定向再飭諸軍分投  
繼往前截後擊庶可乘機力圖殄滅  
賽尙阿又奏言接到向榮稟函逆賊於初一夜  
二更後先於象鼻山點放火箭亂射入城又於  
文昌門西門轟打槍礮無數四更時五里墟圍  
門脚忽起火光向榮與撫臣上城查看知賊已  
走當卽商派新到湖南廣西四川雲南各兵勇



並提勇博勇等共七千名統歸劉長清余萬清督帶追剿該逆於初二日丑刻由關雞潭下之衛家渡過河約有五六千眾盡向伶仃坪而去又有說傳賊由西二塘竄赴義甯柳州去者向榮本欲自追撫臣及省城紳民挽留仍守省城當與撫臣會咨各提鎮趕緊帶兵即由省城東北一路追剿並探明該逆是否欲竄湖南即行

聖恩勇略卷十二

十八

飛稟等語查與臣所得探報稍有不同其過河東竄一路則已符合至義甯一路雖據函稱係屬訛傳臣探報言廟頭墟路分竄之賊較少而該縣距省最近且通柳州湖南尤恐逆賊聲東擊西似亦宜加防範奏入

命軍機大臣傳諭賽尙阿曰逆匪圍攻桂林省城已踰一月屢次為我兵擊敗於四月初一日夜開分投

他竄據該大臣探報一由東路關雞山過河一由西路廟頭墟黃塘而去與向榮所稟情形雖稍有不同而其過河東竄一路已偵探明確在粵西則平樂一帶最為喫重而湖南廣東交界處所尤為緊要其義甯一路亦與楚壤相接賊勢分竄無定該大臣務當密飭統兵大員於跟蹤追剿之時詳加偵察處處接應現在我軍統計兵勇七千名均歸劉長清余萬清

聖恩勇略卷十二

十九

督帶追剿兵力不為不厚正可乘賊勢分散喘息未定一鼓蕩平桂林省城解圍固須防賊回竄紳民挽留向榮守城亦係人情之常惟鄒鳴鶴坐鎮省垣督同留守防兵及紳民等嚴密巡護亦可有備無患向榮勇敢素著自應於城外扼要地方督兵為各路聲援使賊不敢回竄且可相機進剿較之株守省城更為得力著賽尙阿隨時調度勿誤事機



上又命軍機大臣傳諭程喬采略秉章徐廣縉葉名琛  
曰逆匪圍攻廣西省城於四月初一日夜聞分投竄  
逸廣西東北東南一帶與廣東湖南緊相毗連必當  
協力防堵著程喬采略秉章徐廣縉葉名琛督飭文  
武員弁認真巡防嚴密堵禦毋任賊匪闖入並隨時  
偵探賊蹤或於要隘處所迎頭截擊或越境協剿相  
機進攻總期速靖賊氛勿致蔓延貽患

聖諭方略卷十二

三十一

上諭內閣曰逆匪水陸被剿於初一日夜分路逃竄桂  
林省城解圍現在向榮駐守省城余萬清勞崇光均  
各趕到著賽尙阿卽飛催各路文武督率兵勇分投  
追剿並著程喬采徐廣縉等飭令文武於交界處所  
嚴防竄越勿令逆燄復張

十八日 戊戌

上諭內閣曰廣西自軍興以來在事文武各員志切同

仇竭忠矢報其有臨難捐軀舍生取義者朕於奏報

到日無不立沛恩施優加卹典因念陣亡各總兵之

子孫尙未盡邀賞賚著該旗及各省督撫查明廣西

陣亡各總兵子孫有無官職年歲若干分別開單先

行具奏俟孝滿服闋時由該部旗帶領引見候朕施

恩至於守土各員隨征將弁以及兵丁鄉勇殺賊殞

命業已隨時交部議卹其父母妻子勞獨無依尤堪

聖諭方略卷十二

三十二

矜憫著各該旗都統及各省督撫等轉飭該管各員  
逐一查明加意撫恤毋令失所用副朕推恩忠節有  
加無已之至意

臣等謹案軍興以來死事諸臣及傷亡兵勇

已得

旨下部議卹

褒忠之典備極優隆猶復



塵念行聞

推恩忠節或錄其後嗣或贖其室家所以

體恤而矜全之者無微不至此忠義之士所為奮不顧

身誓滅賊以報

國恩也

同日

上諭內閣曰陣亡都統銜廣州副都統烏蘭泰著加恩

聖學聖方略卷十二

三

賞給輕車都尉世職其應繼子嗣著於百日孝滿後

該旗卽行帶領引見

二十日庚子程喬采奏言探得粵逆竄至海陽坪

初五日攻撲興安縣城初六日卽進撲全州並

有賊船五十餘隻分爲水陸兩路意欲直撲永

州又探得該匪一竄義甯一竄永福此股首逆

係名羅亞旺約有五千餘人查永州水陸兩途

均緊與全州接壤水路尤爲迅捷江永防兵分

布要隘兵力本不甚厚又經兩次抽撥赴粵應

援現調湖北之兵因道遠刻難趕至賊氛猝近

實覺單薄堪虞查零陵縣屬之黃沙河係由全

至永水路要道臣本派有防兵四百名今恐不

敷又於附近酌撥二百名共資堵截並飛飭該

帶兵官先將灣泊各船全行撤歸楚岸一面在

聖學聖方略卷十二

三

兩岸設備槍礮一遇賊船卽行奮力轟擊提臣

鮑起豹駐紮江華現距賊蹤稍遠飛咨移紮永

郡相機策應正在布置閒適接署廣西提臣劉

長清來函已與總兵王錦繡等行抵興安之巖

關口擬卽徑詣全州因全州爲楚南門戶如得

固守則永郡可保無虞臣又飛咨迅速馳往兜

剿並咨商賽尙阿仍飭余萬清迅赴全州一同



守禦即使該逆竄楚而提臣劉長清等既跟蹤追捕楚省又迎頭堵截似可腹背夾攻臣當殫竭心力防勦兼施斷不敢稍事疏懈奏入

上命軍機大臣傳諭程喬采略秉章曰湖南永州水陸兩路均與全州接壤水路尤爲迅捷此時湖南防堵緊要該督現已添調官兵並飛咨鮑起豹移兵永州著卽督飭文武分路嚴防水路船隻業經全撤並於

欽定剿平粵匪方略卷十二

三

兩岸設備如遇賊船竄入務須併力堵截儻此處稍有疏虞賊得揚帆順流而下勢更蔓延劉長清王錦繡等馳赴全州恐未能繞出賊前余萬清本係留楚防堵之員如能折赴全州禦賊尙可保固楚南門戶儻賊竄楚境卽著與劉長清等分投夾擊毋稍延誤該督前調湖北之兵著卽飛催趕到前已諭令四川總督徐澤醇選備精兵二千名聽候廣西調遣此時

湖南防勦緊要著該督酌量情形如須調用卽著飛咨四川催令迅速赴楚以備攻勦至衡永一帶會匪仍應督飭地方官加意豫防毋令暗相勾結地方紳民尤須勸令實力團練互相保衛不惟禦外來之賊兼可防本境之匪總在該督撫等相機籌辦俾衆志成城庶幾有備無患

上又命軍機大臣傳諭賽尙阿曰湖南永州水陸兩途

欽定剿平粵匪方略卷十二

三

均與全州接壤水路尤爲迅速湖南官兵屢次調撥赴粵兵力較單現調湖北各兵亦難剋期趕到此時湖南防勦緊要所有前備調四川兵二千名已諭令程喬采酌量催調赴楚矣此股匪徒盡在全州一路其由西路廟頭墟分竄之賊究有若干賊首羅亞旺外其餘洪秀泉等各賊首又復竄往何處該匪旣由江東扯綫路北走興安其平樂富賀一帶是否仍形



喫重余萬清統帶重兵由桂林進追現在行抵何處  
著賽尙阿飛飭各員迅速應援合力夾擊毋稍延誤  
賊衆大股全奔楚境桂林業已解圍且有巡撫坐鎮  
省垣值此追剿喫緊之時向榮仍守省城置之空閒  
之地豈不坐失機宜著該大臣體察情形何處最爲  
緊要卽飭向榮帶兵前往相機勦辦並可堵賊回竄  
之路該大臣此時是否仍紮陽朔抑已移營扼要處

聖學聖方略卷十二

三

所軍情緩急應變制宜想必自有斟酌也

二十三日 癸卯 徐廣縉葉名琛奏言羅鏡凌十八

雖已窮蹙而黨固心堅并命抗拒惟廣西省垣  
被圍日久待援孔殷較之羅鏡尤爲可慮若果  
指日準可掃穴擒渠 臣徐廣縉自應一手經理  
再赴廣西儘時勢中變難以懸擬 臣葉名琛當  
卽出省前往接辦以便 臣徐廣縉迅速起程馳

聞

赴兩省要隘地方相機堵剿萬不敢稍有遷延  
奏八報

同日鄒鳴鶴奏言向榮日夜與 臣共守危城已  
踰月三月二十七日夜聞賊用呂公車攻城  
其勢十分危急幸 臣先期設備向榮憑城指揮  
自丑至卯在槍礮叢中竭力抵禦益形勞瘁次

聖學聖方略卷十二

三

晨卽脇痛寒熱交作迄今氣喘不止其年已踰  
六旬精神疲乏勢難力疾乘騎星馳就道並據  
城內紳民環籲以向榮兼程赴救民獲再生現  
在賊匪雖竄深恐奸謀百出詐去復來必得向  
榮留城坐鎮民心庶可安定情詞甚屬迫切自  
應俯順輿情藩司勞崇光業於三十日行抵陽  
朔張國樑亦卽日到 臣已馳函賽尙阿籌商



以該藩司所帶壯勇多係生力或竟令統領追  
勦各軍調撥進攻必可得力目前省城解圍搜  
查附近各村並無藏留餘孽所有四門四郊應  
行趕辦之事如修理被擊城垛搜尋賊遺器械  
激勵四鄉練衆分別裹脅罪犯均已趕緊舉辦  
奏入

上命軍機大臣傳諭賽尙阿鄒鳴鶴曰廣西省城既已

聖恩方略卷十二

三

解圍賽尙阿已由陽朔回省與該撫會商防守自可  
無虞疏失惟逆匪全數奔竄楚粵交界情形極爲緊  
要且湖南兵力單薄全賴粵軍大隊追擊合力兜勦  
現在劉長清等帶兵前往余萬清亦折回楚境仍恐  
賊股猖獗我兵不敷策應向榮現因脇痛暫緩出省  
該提督受恩深重具有天良想不肯藉詞株守省城  
坐失事機也前此廣西省城被圍湖南鎮將趕卽帶

兵赴援此時自以援勦楚界之賊爲要著賽尙阿體  
察情形隨時調度撥兵分路追勦毋任逆匪竄越鄰  
境

二十六日丙午賽尙阿奏言接據各路探報賊係

全股竄由關雞潭等處過河復由靈川縣屬之  
靈田圩奔興安縣屬之海陽坪爲興安靈川灌  
陽臨桂恭城等屬交通之處而興安尤爲切近

聖恩方略卷十二

三

先期派令張國樑壯勇卽由沙子街取道灌陽  
以趨興安迎頭堵截並飭李能臣將所帶博白  
壯勇卽由臨桂取道興靈追勦余萬清帶新到  
楚兵千名江忠源帶楚勇一千二百名劉長清  
率奚應龍帶廣西兵七百名提標三項壯勇一  
千名王錦繡帶雲南兵九百餘名秦定三常祿  
帶貴州兵五百名及博白勇一千五百名虎嵩



林帶川兵六百餘名分投迎截追剿賊於初四日竄至興安入城焚掠卽出城屯紮劉長清等兵追至興安之巖關口擇要紮營正與秦定三王錦繡商同進剿適余萬清常祿亦同時趕到當卽會商分兵三路前擊後襲秦定三江忠源由西小路出爲頭敵余萬清李瑞王錦繡由中路進劉長清常祿虎嵩林由東大道進探得賊

黎粵匪方略卷十二

三十一

復全夥竄往興全連界之唐家司而去初五日劉長清等兵勇追至離唐家司五里之瓦子鋪該逆分股搖旗吶喊擁擁而來劉長清與余萬清督率將士奮力齊擊該匪拚死拒敵鏖戰四時之久斃賊百餘人秦定三江忠源等兵勇由小路出碎井頭距唐家司五里許一面紮營一面撥兵豫防賊撲並於山衝內之蛇嶺地方設

伏該逆果卽分股來撲約千餘衆秦定三督同遊擊嚴承恩及江忠源等誘賊至伏突起猛擊該逆敗走半分水陸兩路往全州逃逸半回唐家司分夥盤踞各村莊要路抗阻初六日該逆復由唐家司竄至全州之界首地方又聞賊於水路之鎮安司鳳凰嘴等處游弋旋又探報賊船已抵全州四五十號該州先有官兵架礮堵

黎粵匪方略卷十二

三十二

守河面賊船不能前進賊又於全州對河紮營分起往各村莊擄掠全州城內及城北門外均有兵練防守又有湖南交界黃沙河地方防兵至全幫同守禦又據向榮稟據劉長清函報該逆竄攻全州勢甚猖獗我兵大隊行走稍緩恐未能迎頭攔擊當與余萬清商同將未到之楚兵四百名截留全州城內並札調楚粵交界之



黃沙河練勇亦至州城初七日探得賊匪後隊已過覺山其前隊現在圍攻州城劉長清等暫於覺山紮營賊之後隊午刻亦至州城現在分踞城外東南兩門船上及西門外盤石腳飛鸞橋北門外等處安設大礮晝夜轟擊幸所截留楚兵先期馳抵州城與城內營兵團練合力晝夜防守逆匪未能攻入城外附近民房均已拆

粵匪方略卷十二

三

毀查全州西門必由飛鸞橋進盤石腳其盤石腳山臨河小路僅容一人行走逆賊已於此處安設大礮而北門前有兩河每處僅有渡船一隻往來撐駕大兵更難遙渡現擬自覺山拔營仍由西門一路至魯班橋地方紮營先將飛鸞橋盤石腳奪回再行相機進紮臣前聞賊至興安已皆全夥北向南路陽朔一帶去賊漸遠即

於初七日由陽朔拔營晉省初八日行抵省城接見地方官紳及帶兵文武僉稱向榮倍道赴援保障全城厥功甚偉現在身發寒熱城中紳士呈懇留在省垣已由撫臣附奏開隆阿亦因在軍營日久身受潮溼右臂麻木囑令暫留大營養息俟痊愈時再為差遣查全州地方形勢為粵西門戶與湖南緊相連界設再被逆賊衝

粵匪方略卷十二

三

過乘勢竄越楚境楚省防禦稍疏則更難於收拾臣到省後即將陽朔帶來湖北雲南等兵千餘名派總兵經文岱副將巴圖管帶立即拔營前進並將現在駐省之四川貴州廣西官兵二千餘名派副將明安泰等管帶赴興全一帶追剿合計派出各兵三千九百餘名均已嚴催即日啟程緣省城原派追剿官兵七千餘名暨續



派湖勇三千餘名實恐不敷勦辦原留守城之楚兵一千五百名並東勇良勇撫臣均留在北門外分紮此外尙有臣自陽朔帶來守營兵千餘名由向榮分布守禦惟向榮既病且爲省垣留鎮未克前進各路追勦兵勇必須統率有人查湖南綏靖鎮總兵和春有謀有勇兵心畏服派充翼長前往統領諸軍提督余萬清本係奏

聖恩方略卷十二

言

留楚省防堵之員現在賊竄全州緊接楚省防務喫緊已令仍回湖南督辦防堵其所帶楚兵卽交和春管帶勞崇光新募之宜化鬱林等勇尙未到齊張國樑帶勇由灌陽馳赴全州此項壯勇當可繞越賊前迎擊初十日勞崇光亦由陽朔晉省當卽派充翼長與和春會督諸軍速籌勦辦並飭各帶兵勇文武悉聽指揮惟該布

政使總兵階資與諸將相等恐未足資統率請將勞崇光加巡撫銜和春加提督銜俾諸將咸知震服現在賊竄全州臣當卽由省城酌量移營前進並派許祥光帶領爬船由水路趨發飭勞崇光姚瑩一同前往俟臣定期移營仍將陽朔帶來守營兵千餘名帶領前行

聖恩方略卷十二

言

城門緊閉仍留勁兵坐守所派追兵僅止七千餘名賊係全夥竄由一路不敷勦辦臣入省見撫臣告以追勦必須添派得力之軍現在城守稽查自應嚴密勿懈而城門亦漸可酌開其城外東勇良勇等旣難令其追賊亦可漸爲裁撤該撫謂楚兵一千五百名分布西門南門文昌門三處城上最爲得力萬不可少未便調遣出



外城廂內外逐日仍拏有奸細恐其大夥瀕入城門斷不敢輕開城外兵勇現在僅餘東勇二千餘名良勇香山勇二千餘名開隆阿所帶之兵勇一千數百名此三營兵勇不過六七千人必得留護省垣俟賊痛剿淨盡後再行酌裁等語臣聞賊由永安撲省城時城中慌亂已極毫無布置若使向榮帶兵遲到數時則賊先至城

欽定剿平粵匪方略卷十二

三

下城守殆不可問省城重鎮之地猶賴此勁兵驍將馳救得全其他府縣一切守禦自更不如省城乃當賊蹤飄忽之際所有得力兵將撫臣堅議留守省城斷難強派前往追剿卽城外所紮兵勇其數幾與派出追兵相等亦必俟賊剿盡始能酌撤僅以劉長清等兵數千當賊全夥奔突追剿豈能得力現在全州雖未撲入聞賊

已將城外房屋燒燬將由水陸奔赴湖南永州一經踰越楚境逆燄愈張勢必更難戡事不料封疆大吏不能籌顧大局專以目前自衛希圖自免至向榮久歷戎行詳察其人材勇本屬可用到粵以來剿賊功績最多粵人稱頌輿論翕然惟其馳驅日久備極辛勞且其用兵能勝而不能敗一經挫折時輒思引卸臣用之一載

欽定剿平粵匪方略卷十二

三

朝夕策勵此次帶兵馳救省城猶能倍道星馳精神奮發到省一月力籌守禦城中士庶感戴益深惟每及追剿一節則自稱老病諉卸多方臣親往存視其病實未大爲委頓經臣拊循慰問亦竟未能慷慨力疾請行實再難強之使出惟當事局屢更凡此多方掣肘不敢不披瀝以陳奏入



上命軍機大臣傳諭賽尙阿曰賊竄興安全州向榮身受厚恩值此事機喫緊豈坐觀成敗之時該提督前次帶兵馳救省垣力籌守禦朕方念其勤勞倚以破賊乃當匪眾全數北竄亟須追剿輒又稱病不出與巡撫林守省城豈素號勇敢者固如是耶著該大臣傳知該提督一俟病痊卽督兵前往剿賊現在興安全州被賊攻撲而全州地方形勢爲粵西門戶與湖

聖學聖方略卷十二

三

南緊相連接設使逆賊豕突狼奔竄入楚境懲創愈難賽尙阿業經分派鎮將督帶兵勇分投追剿仍當通盤籌畫謀出萬全趁賊蒼黃未定之時與鄰境合力夾擊或可一鼓殲擒毋令越境滋擾

上諭內閣曰廣西省城解圍後賊匪竄擾興安全州經劉長清余萬清等分帶各路兵勇追擊現在賽尙阿已由陽朔進省著卽分飭帶兵大員迅速接應與楚

省文武合力攻剿毋令蔓延向榮患病不能出省諸軍無所統率湖南綏靖鎮總兵和春著賞加提督銜帶兵進剿廣西巡撫鄒鳴鶴身任封疆於賊匪攻撲省城之初城外象鼻山將軍橋等處險隘均無準備致爲賊踞所辦團練亦無實效疊次飛章入告桂林一城之外全未計及朕卽覺其張皇失措一籌莫展若非向榮赴省守禦幾誤事機此次賊匪北竄又欲

聖學聖方略卷十二

三

將猛將精兵留以自衛株守省城實屬怯懦無能大負委任鄒鳴鶴著卽革職以示懲儆廣西巡撫著勞崇光補授

同日軍機大臣刑部會奏言逆犯洪大泉押解到部奉

旨著軍機大臣會同刑部嚴審定擬具奏 臣等遵旨將該犯提訊據供認從逆據城抗殺官兵等情屬實



緣洪大泉籍隸廣東南海縣自幼跟隨胞叔洪雲秀在湖南衡陽縣讀書旋披薙爲僧閱看兵書潛蓄異志咸豐元年二月開洪大泉前往廣東一帶地方開蕩與洪秀泉夥黨胡以洸會遇胡以洸引至賊營與洪秀泉見面彼此投契結拜弟兄維時洪秀泉夥黨有馮雲山韋政卽韋涓輝蕭潮潰楊秀青石達開秦日涓賴漢英曾

欽定剿平粵匪方略卷十二

四十一

四朱錫琨曾玉秀羅大綱卽羅亞旺並胡以洸等藉添弟會名目裹脅賊匪到處搶掠財物屢與官兵打仗俱係洪大泉主謀洪大泉又自領賊匪與官兵打仗三次洪秀泉僭稱爲偽太平王封洪大泉爲偽添德王馮雲山等俱受僞封閏八月初一日逆夥韋政等攻破永安州城與官兵抗拒後因四路接濟不通官兵圍攻甚急

起意竄逃本年二月十六日燒燬民房乘便衝出韋政等擁護洪秀泉帶領賊匪五千餘人與洪大泉一併逃竄十八日走至鬱叢山地方被官兵追擊經守備全玉貴將洪大泉拏獲查洪大泉投入洪秀泉賊營代爲主謀抗拒官兵攻破永安州城復受僞封實屬罪大惡極合依謀反大逆不分首從凌遲處死律凌遲處死梟首

欽定剿平粵匪方略卷十二

四十二

示衆奏入得

旨洪大泉著卽凌遲處死梟示派刑部左侍郎書元署右侍郎陸應穀前往監視行刑

二十八日戊申鄒鳴鶴奏言逆匪自四月初二日

丑刻向東北之靈田圩竄去翻越山嶺至興安縣屬之海陽坪晝夜狂奔初四日突有一股數百人衝入興安縣城焚劫衙署監獄署興安縣



商昌本在南鄉集團得信後率眾趕回適省城  
派往官兵踵至奮力追擊該匪隨即出城走避  
官兵追至巖關口紮營出兵三路分追賊已全  
駭竄往興安全州交界之唐家司一半分水陸  
兩路逃往全州一半向唐家司盤踞各村要路  
抗阻初六日由唐家司竄赴全州之界首地方  
追至德水圩探聞賊船四五十號已到鎮安司

勦平粵匪方略卷十二

三



鳳凰嘴一帶旋即駛至全州城外分赴各村莊  
擄掠初七日諸軍馳抵覺山賊之前隊先至州  
城圍攻其後隊亦踞城外東南兩門船上及西  
門外盤石腳並北門外等處設有大礮晝夜轟  
擊查全州為粵西門戶緊接湖南之零陵道州  
東安等州縣必須乘此賊匪喘息未定前截後  
追杜其竄越入楚之路初六日催令前總兵李

能臣委員朱啟仁等帶壯勇三千名趕往初七  
日復派守城之潮勇三千名趕往賽尙阿初八  
日進省後又經飛催原派官兵復益以帶來湖  
北雲南各兵及原駐省城之四川貴州廣西各  
兵共三千九百餘名跟蹤追剿統計前後兵勇  
已及一萬七千餘名再益以張國樑生力軍三  
千餘名當可痛加懲創興安全州均係桂林府

勦平粵匪方略卷十二

三



屬距省甚近山徑處處可通且東鄉海陽坪一  
帶近有土匪更恐乘機剽掠是以臣與賽尙阿  
反復商推請將楚兵一千五百名仍行留省就  
原駐之文昌門西門南門三要地防守而以前  
留之良勇東勇分駐城外梭織巡查九門中惟  
開水東門一處其餘八門仍舊暫閉並擬於西  
南文昌三門及飛龍橋等處擇要建設敵樓礮



臺以期有備無患至此次興安縣城雖未失陷  
乃被賊匪衝入焚劫究屬防守不力應請將署  
興安縣事揀發知縣商昌先行革職一面委員  
馳赴接署仍責令商昌會同接署之員幫辦堵  
禦事宜不得置身事外奏入

上諭內閣曰廣西署興安縣事揀發知縣商昌於大股  
逆匪衝入縣城焚劫之時該員雖在鄉團練究屬防

欽定剿平粵匪方略卷十三

四

守不力商昌著先行革職毋庸留辦防堵仍著勞崇  
光確查賊匪竄擾實在情形及同城文武有無遇賊  
退避情事據實具奏

欽定剿平粵匪方略卷十三 壬子年

五月初一日辛亥鄒鳴鶴奏言此次逆匪突至桂

林城下官民協力齊心士卒爭先用命為時歷  
三十三日水陸經二十四戰在事各文武均能  
奮不顧身竭力堵剿茲擇其尤為出力者覈實  
開單懇

恩鼓勵奏入

欽定剿平粵匪方略卷十三

一

上諭內閣曰本年粵西逆匪攻撲省城曾經降旨令賽  
尙阿鄒鳴鶴於賊匪解圍後將出力人等覈實保奏  
茲據鄒鳴鶴具奏朕詳加披閱人數太多過於冒濫  
且此次圍城賊眾雖經疊次攻擊並未大受懲創仍  
復全數北竄豈得以郡城圍解視為奇功鄒鳴鶴所  
稱擊退賊匪殊屬失實惟念該文武員弁等保守城  
池一月之久亦未可沒其微勞著賽尙阿將單片內



所開各員逐一確查覈實酌獎並著勞崇光一體查覈不得任意濫保致滋虛冒

初二日壬子程喬采奏言現聞該逆轟陷全州據

馬塘船水陸並進已距楚粵交界之黃沙河僅二十餘里惟有厚集多兵齊心會剿或可化險為夷合無仰懇

聖恩飭令廣西撫臣迅將提臣余萬清原帶赴粵援兵

聖恩飭令廣西撫臣迅將提臣余萬清原帶赴粵援兵

二

除帶回二百名尙有一千八百名又上年調撥

楚省防兵二千名一併星夜趕由閩道回南以

資調遣

程喬采又奏言全州已失該匪愈肆猖獗儻竟

竄及楚疆則長沙不免震動合無仰懇

天恩備念省垣要地飭令江西撫臣酌撥精兵二千名

星夜來南以保地方而安衆志儻該逆並不北

竄或能迅挫兇鋒長沙似可無虞臣一面奏

聞一面飛咨截止以免糜費奏入

上命軍機大臣傳諭程喬采駱秉章曰全州失守賊匪

現近楚疆湖南民情浮動衡永一帶尤會匪充斥之地難保不暗與勾結該督等務當嚴飭地方官密為查拏豫防土匪乘閒竊發全州與湖南水陸兼通水路尤關緊要或設法阻其行舟或於要害地方密置

聖恩飭令廣西撫臣迅將提臣余萬清原帶赴粵援兵

三

兵船暗藏槍礮截擊尾追俾匪船不能順流直下方為萬全儻該逆竄入楚境該督即飛咨提督率同鎮將與粵西帶兵大員同心協力前後夾攻以期一鼓殲除所謂四川江西各兵如緩不濟急應如何變通調撥之處仍隨時與賽尙阿咨商辦理衡州為八省要路該督駐紮此處正可控制全省阻其入省之路並可隨時與賽尙阿咨商機宜儻一有移動則衡永



一帶人心惶恐卽全省亦不免震動所關非細湖北與湖南緊連該督仍當隨時知會龔裕嚴拏匪徒豫爲防範

上又命軍機大臣傳諭賽尙阿勞崇光曰逆匪攻陷全州直趨永州湖南官兵因救援廣西省城陸續調往現在程喬采於水陸兩路設防殊覺兵力單薄必須廣西兵勇兩面夾擊該大臣前奏擬由省城酌量移

欽定剿平粵匪方略卷十三

四

營前進現值楚邊緊要著卽迅速移營就近調度廣西省賊氛甫退防剿事宜不可稍懈勞崇光已授廣西巡撫責無旁貸著卽通盤籌畫相度情形或應留省督剿或應出省應援隨時與賽尙阿商辦合力同心以期共濟該大臣仍飛飭各路將弁督帶兵勇或由間道繞越賊前或跟蹤緊追使賊無暇喘息總以力遏賊鋒勿致蔓延楚境是爲至要徐廣縉如抵

粵西卽可專辦剿捕事宜該大臣此時應以楚境爲重若能乘賊分竄兩路痛剿仍可轉敗爲功懷之勉之

上又命軍機大臣傳諭徐廣縉葉名琛曰楚粵賊勢益張徐廣縉奉到前次諭旨諒已督兵前進此時賽尙阿已督兵由桂林馳赴楚境勞崇光已補授廣西巡撫該督到粵西後卽專辦該省剿捕事宜湖南兵勇

欽定剿平粵匪方略卷十三

五

多已調赴廣西現經程喬采咨調恐一時不能趕回衡永之間萬分緊要如能選派勁兵取道南雄州由郴州繞出永州據賊前路迎頭截擊亦出奇制勝之策是否可行酌量調度

上又命軍機大臣傳諭徐澤醇陸元娘曰前因湖南防剿緊要已有旨將四川兵二千名令程喬采酌量催調赴楚仍著徐澤醇卽派帶兵將弁速赴湖南聽候



程喬采調遣並著陸元煊於提鎮各標內挑選精兵二千名遴派得力將弁妥備軍裝器械馳往湖南協力防堵

上諭內閣曰廣西全州被逆匪轟陷賊蹤距楚界甚近自應厚集兵力以期堵剿兼施著賽尙阿勞崇光迅將前赴廣西援剿之楚兵酌量撤回湖南俾資調遣並迅飭綏靖鎮總兵和春及廣西各路兵勇兼程前

聖學方略卷十三

六

進與湖南弁兵合力夾擊程喬采惟當嚴飭在事文武實力巡防備賊蹤竄近卽令迎頭奮擊以遏賊氛同日駱秉章奏言粵匪竄近楚邊湖南辦理防堵亟須籌添經費懇

天恩飭部在於鄰近各省籌撥餉銀五十萬兩迅速委員解楚交收俾資接濟奏入得

旨戶部速議具奏旋經戶部議覆遵撥陝西河南等省

銀五十萬兩徑解湖南

上從之

初六日丙辰賽尙阿奏言接和春稟該逆於全州

城下開挖地道安放火藥十六日巳刻火發城裂賊衆一擁而入該兵丁乘亂逃出城中文武各官不知存亡旋據續報十八日早探得該逆全數竄出州城勢欲由河順流北竄和春親督

聖學方略卷十三

七

各兵勇用劈山礮向河流釘塞處所徹夜轟打又密令弁兵潛燒賊船二隻該逆未能卽竄十九日黎明仍令兵勇分路攻剿賊船二百餘隻已在蓑衣渡江心泊如營壘兩岸安設大礮我兵一進賊槍礮如雨和春親督兵勇四路奮攻該逆亦死力拒敵數時之久賊匪情形頗爲迫蹙臣惟有竭盡心力嚴飭將士激發天良並令



和春督率諸軍設法圍攻一面飛咨湖廣督臣程喬采速飭楚省防兵迎前堵截扼其竄突前後夾擊庶匪勢不至滋蔓

賽尙阿又奏言據和春劉長清等續報賊又竄逃各兵亟須追擊乘機勦滅請將留省楚兵仍卽全數撥給以資得力並請將粵西本省兵一千四百名撥回防守省城一轉移間於防勦兩

欽定剿平粵匪方略卷十三

八

得其宜臣復與撫臣商酌並告以臣現尙在省所帶親兵千餘城外尙有東潮等勇卽使土匪潛發亦尙足資鎮壓詎該撫遣向榮之子向繼雄回稱仍以省城緊要城外各勇多不足恃必須粵兵回至省城始允將留省楚兵撥往計粵兵由全至省然後楚兵由省赴全往返動須旬日軍情利害勢爭頃刻豈容如此稽延臣萬不

得已惟有飭令和春等仍將粵兵帶往追剿毋庸專俟此項楚兵應用鄒鳴鶴一意阻撓全不通籌大局似此恇怯情形實不足當封疆重任臣當此事機萬分喫緊之際動多牽掣不敢不據實直陳

賽尙阿又奏言大營親隨文武各員相隨年餘崎嶇艱險倍極勤勞臣當此軍務未竣曷敢爲

欽定剿平粵匪方略卷十三

九

該員等論功請賞惟該員等辛勤日久實爲得力未忍掩其勞動仰求

皇上天恩准加獎勵奏入

上命軍機大臣傳諭賽尙阿曰逆匪圍攻全州暗用地雷將州城轟陷已據程喬采奏到曾諭令該大臣嚴飭各路將弁跟蹤追剿茲據賽尙阿奏該匪連日被勦乘夜逃竄情形雖似窮蹙而現在賊蹤已逼近湖



南道州永州等處勢仍猖獗和春等帶兵追捕能否得力著卽嚴飭各路分督兵勇合力攻截並飛咨程喬采兩路夾攻迎頭堵擊以期轉敗爲功勞崇光前往興安等處昨已授爲廣西巡撫更屬責無旁貸該撫前在南太用兵尙有謀略正可隨時幫同賽尙阿籌畫一切毋致再有疏虞至該大臣酌保親隨文武各員該員等辛勤一載自不當沒其微勞惟當此城

聖學聖方略卷十三

十

池失陷之時忽然論功行賞殊不足以服人心已將原奏摺單暫存軍機處俟大獲勝仗再行分別加恩賽尙阿又奏言上年所謂川兵係於督標川東兩處挑撥到營以來打仗不甚得力黔兵亦多疲乏相應請

旨飭下四川省挑備松潘建昌兩鎮兵各一千名河南雲南兩省兵各挑備一千名如有需用卽一面

奏

聞一面飛調到營以資得力奏入

上命軍機大臣傳諭徐澤醇李德曰前已有旨著徐澤醇將前調四川兵二千名飭令迅赴湖南著再於松潘建昌兩鎮內挑選精兵各一千名並著李德於提鎮各標內挑選精兵一千名各備軍裝器械並派得力將弁管帶聽候調撥

聖學聖方略卷十三

十一

上諭內閣曰前據程喬采奏廣西逆匪北竄探聞全州失守茲據賽尙阿奏稱全州城內文武紳民嬰城固守已逾旬日詎於四月十六日被逆匪用火藥轟裂城垣以致失守該大臣統領全師而月之間興安全州兩城被賊攻陷雖由陽朔抵省趕緊派兵接應究未能先事籌防實難辭咎賽尙阿著交部議處已革廣西巡撫鄒鳴鶴身任封圻全省皆其專責若於省



城解圍賊衆北竄之際迅速派撥重兵追剿何至兩城先後被陷現據賽尙阿奏貽誤事機姑念守護省城尙有微勞業經革職免其治罪仍著賽尙阿查明帶兵大員是否援剿不力據實具奏現在賊匪竄近湖南該大臣已分飭水陸各路防剿兼施著卽與勞崇光悉心籌畫嚴飭在事文武督飭兵勇竭力堵禦以遏逆匪北竄之路仍隨時咨會程喬采合力籌

欽定剿平粵匪方略卷十三

十三

辦毋稍延誤

賽尙阿又奏言總兵劉長清業經臣飭令卽日帶領廣西四川官兵追剿賊匪所有廣西提督篆務未便再令署理查提督向榮旣經撫臣鄒鳴鶴奏留守禦省垣臣卽行知向榮令其派員前往全州將印齎回省城接領任事奏入

上是之

初八日<sup>戊午</sup>程喬采奏言查探粵匪自攻陷全州後由小路偷越於四月二十二日竄至永州城外旋竄零陵縣屬之雙排地方係通道州大路雖有提臣余萬清駐彼堵禦兵力尙單適綏靖鎮總兵和春由太平鋪統帶兵勇萬餘追至業經議定分爲兩路一由甯遠馳赴道州堵截一由雙排跟蹤尾追以期掃數殲滅

欽定剿平粵匪方略卷十三

十三

程喬采又奏言湖南省兵力太單前據紳士紛紛籲懇添兵已請調江西官兵二千名爲防護省城之用而攻剿尙屬不敷惟有懇

恩飭下賽尙阿鄒鳴鶴先將粵西兩次抽撥楚南防兵悉數撤回再將前調征兵以次遣回歸伍並請將徵調湖北官兵一併全行遣回藉資策應兩省藩庫均已支絀異常湖南現有軍需應請



飭部籌撥餉銀並准先將截留粵西解項暫行借動以

應急需楚省兵既單薄卽和春帶來兵勇恐亦

不敷且事權亦難歸一可否

飭令賽尙阿帶領各兵移紮南省庶遣將出師得以全

操勝算可期及早蒞事

程喬采又奏言准賽尙阿密函探得賊在全州

據船二百餘隻有無論全州攻得與否卽欲直

聖學方略卷十三

十四

撲湘漢之謠萬一衡湘被其偷越關緊匪輕又

准湖北撫臣龔裕飛咨四月十八日省城地方

揭獲偽示二紙填寫總理軍機鎮守湖北地方

大司寇郭偽銜內有天德年號現在密訪查拏

各等因臣兼圻責重晝夜籌思似未便株守一

隅已將衡州防堵並所調官兵逐一布置周妥

卽於四月二十五日兼程進省與撫臣暨各司

道等會商籌辦以固根本而定人心奏入

上命軍機大臣傳諭程喬采曰賊匪攻陷全州以後膽

敢直窺永州偏近城垣猖獗已極雖經大獲勝仗而

該匪既有直達湘漢之謠更恐衡永一帶所在會匪

被其嘯聚且郴州戕官案內漏網餘匪亦恐乘機勾

結况湖北省城獲有偽示則該匪耳目心腹散置兩

楚正復不少事機稍涉遲鈍必至勢若燎原該督折

聖學方略卷十三

十五

回長沙居中調度衡永兩郡雖有提鎮統兵嚴守而

水陸閒道既多處處均須防堵切勿顧此失彼致墮

奸計前經兩次降旨令四川豫備精兵二千名又松

潘建昌二鎮兵二千名候調如需用孔亟卽著該督

迅咨徐澤醇飛調至江西兵二千名想已催調起程

到後著察看情形妥爲布置各路所解廣西軍餉准

其截留湖南備用除前經該督請撥帑銀五十萬兩



已由戶部速籌迅解外現令該部寬爲儲備該督仍當樽節動用並督飭在事文武員弁協力同心奮勇勦捕乘此賊鋒大挫官軍得手之時一鼓作氣蕩除羣醜該逆聲東擊西是其慣技所稱欲撲長沙或卽令我應接不暇爲窺伺衡永之計必須兼顧周到仍當示以鎮靜以安民心

上又命軍機大臣傳諭賽尙阿曰前因楚邊緊要飭令

聖恩匪方略卷十三

十六

賽尙阿迅速移營就近調度現在賊匪竄至零陵縣屬之雙排地方恐由道州一帶肆行竄擾程喬采已回駐長沙爲防護省城之計著賽尙阿迅卽統帶大兵馳赴湖南扼要駐紮鎮將中孰應留粵孰宜赴楚自行酌量調遣向榮前爲鄒鳴鶴留駐省垣此次賽尙阿移營湖南是否仍需向榮前往抑或令其專辦廣西軍務均由該大臣酌度辦理

上諭內閣曰粵西賊匪自攻陷全州之後潛由小路偷

越四月二十二日竄至永州城外旋竄零陵縣屬之雙排地方現在余萬清和春分路進勦程喬采折回省城居中調度著賽尙阿迅卽馳赴楚境扼要駐紮毋稍遲誤所需軍餉著戶部寬爲籌備朕思全楚人心素稱強固當茲賊氛肆擾在籍官紳士庶諒必志切同仇咸深義憤著程喬采徧行曉諭如有紳民團

聖恩匪方略卷十三

十七

練自固藩籬互相保衛殺賊立功者卽行破格保奏候朕施恩其有被賊偪脅自拔來歸或搜獲奸細殲斃賊匪者並可寬其已往予以自新現復續調各省精兵馳往協勦蠢茲醜類計可速就殲除該大臣督撫提鎮等其各協力同心以副委任

臣等謹案禦侮之道莫如衆志成城軍興以來雖一鄉一邑不乏互相保衛殺賊立功之



士而湖湘扼全楚之勝興師蕩寇為天下先  
伏讀

諭旨飭在籍官紳士庶舉行團練其時賊匪初入永州  
全楚尙未騷動也乃

宸謨垂訓及此所以作士氣勵將才者至深遠矣至  
荷肆擾愚民身陷賊中原非甘心從逆

朝廷寬其既往咸與維新敬繹

聖諭不愈竟

皇仁之浩蕩哉

同日

上諭內閣曰前任湖北巡撫羅繞典著馳驛前往湖南

幫同欽差大臣賽尙阿湖廣總督程喬采辦理軍務

初十日庚申程喬采駱秉章奏言探聞該匪竄至

道州於四月二十五日攻破州城綏靖鎮總兵

聖諭不愈竟

和春先已帶兵分投迎截計可趕到等情查該

匪自桂林夜遁後甫經決旬即攻陷興全迨至  
擄掠一空復行他竄其猖獗情形本未十分窮  
蹙嗣雖經永州擊退一挫其鋒而人數尙屬不  
少但道州距永有一百八十里之遙究係何日  
被圍如何攻破是否由永竄往抑係另股匪徒  
均未據該道府等稟及且提臣余萬清自粵馳

回駐紮道州防守係其專責昨准提臣鮑起豹

咨稱四日未通文報而臣等於四月三十日曾

接余萬清二十四日來咨據稱逃匪披猖下游

喫重應即帶兵趕赴衡州兼護長沙省會並添

調宜章臨武桂陽各營官兵為迎頭截剿之計

而賊與道州逼近何以遠慮下游已屬不知緩

急且宜臨各縣向多土匪並擊接粵東存兵無



多何得擅調當卽飛咨阻止囑其仍在道州設法嚴防詎該提臣發咨之次日道州卽已失守而彼時有無賊匪咨內亦未提及竟不知該提臣現在何處此中顯有趨避該提臣係賽尙阿派令回楚防堵之員何以荒唐至此查道州與永明甯遠新田等縣處處相通雖經和春帶兵分投攔阻但由甯遠而至常甯則與衡州切近

欽定剿平粵匪方略卷十三

二十

若由水路直下又可回竄永州均屬萬分喫緊臣程喬采未敢稍事遲誤拜摺後卽行由陸起程星夜折回衡郡嚴密督防至道州被圍失守及余萬清究往何處並失防文武各員情形俟查明分別辦理

程喬采略乘章又奏言昨臣等因省垣緊要已調鎮守綏靖永綏乾州各標兵四百名道標練

勇一百名苗兵一千名以資守禦今蒙

聖諭飭將四川選備兵二千名酌量調用值茲逆氛肆竄自應趕緊徵調臣等已遵照飛咨但有兵無將仍恐調度乖方現在楚省除提臣鮑起豹駐紮永城外餘僅永州鎮總兵孫應照一員膽力又不足恃此外將備斷難總統重兵相應仰懇天恩飭令大學士臣賽尙阿選派有勇有謀之鎮將數

欽定剿平粵匪方略卷十三

三

員星速來南以資統勦一面另派精兵數千名倍道赴衡一俟該匪竄及卽行迎勦以爲前後夾攻之計奏入

上命軍機大臣傳諭程喬采曰該督前奏賊由永州竄至雙排係通道州大路余萬清在彼駐紮兵力尙單和春帶兵萬餘跟蹤趕至議分兩路一由甯遠馳赴道州堵截是道州已有和春帶到之兵何至遽爾失



守余萬清係在道州防堵之員何以率稱下游喫重  
徑赴衡州且該提督發咨次日州城已陷豈賊衆麤  
至先期一無聞見該州城有無準備文武各官有無  
懼怯畏避情事現在下落如何該督先已折回省城  
茲又前赴衡州省垣重地是否布置妥協衡永兩郡  
現俱喫重如何分派大員帶兵堵禦孫應照是否得  
力其和春分派雙排追兵是否足資策應和春現在

聖朝方略卷十三

三

何處攻剿所調四川江西官兵仍恐緩不濟急賽尙  
阿接奉前旨想已調回湖南征兵防兵並湖北官兵  
著該督卽與該大臣妥籌分撥嚴密布置現在賊夥  
是否盤踞道州抑係分股搶掠均應處處設防不可  
顧此失彼其由甯遠常甯至衡州之路尤須豫備迎  
頭截擊不可更有疏虞

上又命軍機大臣傳諭賽尙阿曰現在衡永一帶防剿

十分緊急賽尙阿接奉前旨諒已帶領得力鎮將統  
帥大兵前往扼要駐紮迅籌剿捕向榮曾任湖南提  
督一切情形尙稱熟悉現在病勢如何應否調往湖  
南協同剿辦卽著賽尙阿酌量飭知總期兼權熟計  
毋誤事機

上諭內閣曰粵匪竄至道州於四月二十五日攻破州

城程喬采略秉章未能先事豫防咎無可辭均著交

聖朝方略卷十三

三

部議處該督現已由省折回衡州堵禦並著賽尙阿  
迅速馳赴湖南督兵剿辦提督余萬清白粵馳回道  
州防守何以州城致被賊陷著賽尙阿程喬采查明  
據實參奏其道州失守情形並文武各官下落一併  
確查具奏

同日湖北巡撫龔裕奏言前此粵匪潰竄警信

頻傳臣日與藩臬兩司籌商防務晝夜焦慮寢



食難安以致舊患肝氣復發目眩頭暈甚形委頓巡撫責任綦重又當邊境戒嚴臣以病軀不諳軍旅若此時稍存瞻顧隱飾直待不能辦事失誤機宜再行自陳是直情同欺罔負罪益深可否仰懇

天恩俯准臣開缺調理奏入

上諭內閣曰龔裕身膺疆寄當此軍務防堵喫緊之際

欽定剿平粵匪方略卷十三

三

應如何殫竭血誠以圖報效乃因粵匪奔竄漸入楚境輒以肝氣舊病藉辭引退實屬辜恩大負委任龔裕著交部嚴加議處新任巡撫常大滄未到以前所有防堵一切事宜仍責成龔裕帶罪籌辦儘有疏虞朕惟執法嚴懲不能寬貸

十一日辛酉吳文鎔張亮基奏言滇黔邊界多與

粵鄰防堵不容刻懈因時差人赴粵西大營一

帶偵探賊情臣等細加訪察似係提督向榮誇詐冒功飾智欺人以致軍心不能帖服奮興卽如賊之由新墟竄入永安也向榮與巴清德營盤被劫所有軍火礮械隨營糧餉兵士衣裝全行遺失向榮首先遁入平南託言保守縣城其失機敗衄之罪已無可道蒙

皇上不殺之恩許其帶罪立功乃向榮復託病偃蹇月

欽定剿平粵匪方略卷十三

三

餘不出坐視永安百姓之塗炭而漠然不以介意經賽尙阿再四強之始肯赴軍營視事又令其總統北路全軍乃向榮徒爲大言一無實際屢屢自表軍令嚴明將士用命並未聞破一賊營擒一賊目而我軍損將折兵不一而足伊所稟報勝仗非曰轟斃賊匪多名卽曰奪獲賊械多件祇虛擬而絕無實數也且賊棄永安數日



向榮始統兵前追又不審機宜猝遇賊伏致大兵潰散傷亡鎮將四員聞向榮祇帶殘兵數十名一晝夜奔馳二百餘里入省城自保反捏稱統帶大兵聞道赴援似此有虛名而無實用之人諒未足倚以辦賊也 臣等聞軍營在事諸人文員中惟藩司勞崇光一人有膽略有血性武員中惟副都統烏蘭泰一人有膽略有血性 億重其事權俾與賽尙阿相助為理或可漸收實效奏入

聖學聖方略卷十三

三

上命軍機大臣傳諭賽尙阿徐廣縉曰向榮經朕屢次棄瑕錄用宜如何感激朕恩力圖報效若如吳文鎔等摺內所指各情種種辜恩溺職實屬大負委任著賽尙阿秉公確覈據實奏徐廣縉抵廣西後留心訪察如果屬實亦即叅奏毋稍含混

吳文鎔又奏言 臣溯查嘉慶年間川楚教匪滋事經臣明亮 臣德楞泰奏請堅壁清野築堡禦賊其時議者因恐費繁滋擾罷未舉行嗣於嘉慶六年經 臣額勒登保復舉前說奏請施行卒以此收效將賊匪蕩平 臣查現在粵西情事頗與相類可否請

聖學聖方略卷十三

三

旨飭下廣西撫 臣飭屬實力舉行惟此事必須府州縣得有賢員方能收效儻有司不得其人無誠實愛民之心與百姓聯為一體或任令差保藉端滋擾則無益而有損或奉行故事出示曉諭百姓而以空稟搪塞上司則亦有名無實法為至善事在人為伏乞

聖鑒採擇施行奏入

上命軍機大臣傳諭程喬采龔裕略秉章曰上年粵匪



滋事疊經有人條奏堅壁清野之議飭令實力舉行  
現在賊竄楚境已降旨飭令該督撫等勸諭紳民團  
練自相保衛著程喬采會同龔裕略秉章查照吳文  
鎔所奏各就地方體察情形飭屬認真試辦總須隨  
地制宜方為妥善常大瀆張亮基到任後並著接續  
辦理

十四日甲子龔裕奏言接督臣程喬采來函逆匪

欽定剿平粵匪方略卷十三

天

據湖南永州雖經官兵擊退詎該逆匪轉竄道  
州竟將州城攻陷現在賊勢颯張衡州以下水  
面甚寬阻遏為難現在酌調宜施及較近各營  
官兵一千名遴委委員管帶交台湧分撥防堵  
並咨明督臣程喬采湖南撫臣駱秉章迅派官  
兵在於南省臨湘縣之城陵磯及緊要口隘認  
真堵截至湖北武昌省城由洞庭大江直下僅

止五百餘里省城對岸之漢口鎮財貨聚集為  
賊覬覦更須添調官兵密為準備應請

旨飭下河南撫臣酌撥精兵二千名陝西撫臣酌撥精  
兵一千名選派得力參遊等官管帶來楚以資  
調遣提臣博勒恭武額請

陛見已奉

俞允尙未交卸應請暫留湖北俟防堵事竣再行赴京

欽定剿平粵匪方略卷十三

天

藩庫銀項支絀此時豫備防兵口糧及軍需一  
切經費實在無款可籌並請

飭下戶部迅賜酌撥銀三十萬兩解赴湖北以濟要需

奏入

上命軍機大臣傳諭程喬采龔裕曰粵西逆匪竄入楚  
境湖北與湖南接壤必應豫籌防堵據龔裕奏已調  
宜施各營兵一千名派員管帶交將軍台湧分派嚴



防並咨明程喬采等迅派官兵堵截卽著嚴飭兩省帶兵文武於水陸各要隘認真堵截無任賊匪闖入尤須察看地勢扼要設防前已有旨令提督博勒恭武暫緩來京陛見所有湖北防堵事宜著與台湧會同地方妥爲布置現當防堵喫緊之時龔裕雖經革職豈能置身事外若不激發天良意存諉卸設有疏虞朕必重治其罪程喬采身任兼圻責無旁貸務當

聖學聖方略卷十三

三十

通之全局不可顧此失彼致誤事機

上又命軍機大臣傳諭舒興阿張祥河李德曰前因粵匪北竄已有旨令李德挑選精兵一千名遴派得力將弁管帶聽候調撥著卽催令迅速前赴湖北交該督撫等酌量分派防堵並著舒興阿張祥河於陝西省提鎮各標內挑選精兵二千名派委得力鎮將大員妥備軍裝器械馳赴湖北協力防堵

上諭內閣曰龔裕奏籌辦防堵粵匪請飭部酌撥銀三十萬兩解赴湖北以濟要需著戶部速議其奏旋經戶部議覆遵於安徽江甯蘇州三藩庫內籌解銀三十萬兩迅解湖北

上從之

同日

上諭內閣曰自廣西辦理軍務以來失事獲咎人員聞

聖學聖方略卷十三

三十一

有因該省原奏聲明留營效力者朕念軍營用人難拘常格姑准留營以資差遣獲咎各員果能知感知懼力圖報稱原不必以一眚概從擯棄若竟不知愧奮遇事退縮軍營中亦安賴此劣員爲耶著欽差大臣暨各督撫等認真查覈不得濫請留營以爲開復地步並將從前准留各員詳加察看分別奏請留撤其失守城池各員尤當嚴查照例奏治罪斷不准



任聽稟報飾詞稍存姑息至臨事告病尤屬心存規避現在楚粵兩省防剿喫緊之際該地方文武各員有告病開缺者著照從前海疆告病例交吏兵兩部隨時存記俟該員病痊引見時聲明請旨

同日吏部奏言遵議龔裕處分奏入

上諭內閣曰龔裕著照部議革職仍遵前旨帶罪籌辦湖北防堵事宜俟新任巡撫常大瀉到任後再行交

欽定剿平粵匪方略卷十三

三

卸

吏部又奏言遵議賽尙阿處分奏入得

旨賽尙阿著加恩改爲降四級留任

十七日丁卯賽尙阿奏言逆賊於二十一日至距

湖南永州府三十里之水西橋由和春飛咨湖南提督鮑起豹及永州鎮總兵孫應照嚴密防剿二十三日行抵黃田鋪探得賊至永州城外

河西屯紮二十四日復由東南竄往道州一路和春馳抵永州賊已竄走又值大雨暫紮城外河岸山梁即日拔營跟蹤追剿臣因賊蹤未定情形日有變遷一經移動恐於控制調撥轉不相宜祇可暫駐省城督辦查逆匪自省城北竄時氛燄已覺稍戢及至興全又肆鴟張賴和春等兵到痛加剿擊斬馘甚多該逆懼爲大軍圍

欽定剿平粵匪方略卷十三

三

逼退出州城據船二百餘隻復欲順流駛竄臣聞信深切焦慮屢次飛移程喬采嚴密豫籌卽據該督函稱楚粵界連各要道俱已加意嚴防惟以兵分見單囑將余萬清所帶楚兵仍令帶回時以此項楚兵已由和春帶赴楚境追剿與余萬清帶領回楚無異目前賊雖竄近道州幸其匪黨在全州被官軍剿創斃其大頭目蕭潮



潰該匪與楊秀青同為洪秀泉左輔右弼謹將  
供詞鈔錄恭呈

御覽其馮雲山羅亞旺受傷險重勢亦必死惟賊中邪  
術能用水法取子治傷奇效或馮雲山等藉此  
苟延賊中自逆首洪秀泉以下猶有渠魁楊秀  
青韋政等數人或亦各生疑懼且賊在全州大  
挫既為河路釘樁不能遂其順流而下之志察

聖學方略卷十三

三

其焚棄舟船輜重婦女銀兩逃走情形似實較  
前窮蹙湖南永州防禦謹嚴賊至該郡又不能  
攻追兵甫近賊即蒼黃奔竄臣密授和春機宜  
令於奮迅之中倍加精細乘賊喘息未定出奇  
制勝或可一鼓成功劉長清所帶粵西本省官  
兵先經臣飭令帶領踰境追剿現據勞崇光稟  
明大兵赴楚足敷剿辦恐賊乘虛回竄或有措

手不及之處令該鎮仍將此項粵兵一千一百  
名帶回省城俾臣隨時調遣並令續由省城派  
往楚兵八百名即由副將鄧紹良管帶隨後探  
賊跟追奏入

上命軍機大臣傳諭賽尙阿曰據賽尙阿奏稱賊蹤未  
定一經移動恐於控制調撥轉不相宜並將劉長清  
調回粵西省城以防賊匪回竄等語葉名琛接辦凌

聖學方略卷十三

三

十八殺匪徐廣縉計日可到廣西刻下衡永一帶防  
剿十分緊急賽尙阿著俟徐廣縉到後仍遵前旨迅  
即馳赴湖南扼要駐紮與程喬采合力剿賊劉長清  
打仗素稱得力如賊匪不致回竄該大臣即酌量帶  
往楚南軍營以資調遣勞崇光現在邊界各處嚴密  
巡防楚粵兩省情形皆所熟悉著即通盤籌畫隨時  
知會程喬采併力夾攻或派勁兵越境追剿毋誤事



機賊首蕭潮潰是否實係職斃馮雲山羅亞旺是否受傷仍著偵查確實具奏

上又命軍機大臣傳諭程喬采曰賊匪破陷道州不即屯踞勢必向他處竄擾程喬采現已還駐衡州居中調度該督統轄兩省責無旁貸所有和春等統帶追剿之兵勇合共一萬五千餘名著即相機調遣督飭進剿毋令紛竄蔓延衡州為全楚門戶該督現在扼

欽定剿平粵匪方略卷十三



要駐守總當隨時偵探設法剿堵防其陸路翻山水路順流肆擾他處是為至要

同日

上諭內閣曰前有旨令賽尙阿迅赴湖南籌辦軍務其未到以前著程喬采督辦防剿所有軍營提鎮以下帶兵大員統歸節制

二十二日 壬申 荆州將軍台湧奏言接撫臣龔裕

來函逆匪攻撲湖南永州雖經官兵擊退而轉竄道州州城被陷現在賊勢颯張急應防守茲臣選派滿營官兵一千六十餘員名於五月十三日起程星夜馳往荆州所屬石首監利兩縣各要隘酌量設防奏入

上命軍機大臣傳諭台湧曰湖北與湖南連境前已諭令龔裕隨時與台湧會商布置茲據該將軍奏稱即

欽定剿平粵匪方略卷十三



日馳往荆州所屬石首監利兩縣將所帶滿營官兵一千六十餘員名擇要設防所有該處各緊要隘口即責成該將軍嚴密防守

二十三日 酉 程喬采奏言粵匪自竄踞道州後已於水南門紮營一座為逆首屯住之所又於斧子嶺洪家村何家村柑溪鋪百嶺頭各要隘均紮賊營業經賽尙阿派委總兵和春藩司勞



崇光會督總兵常祿秦定三李瑞經文岱王錦  
繡副將鄧紹良參將德亮復委江忠源並張國  
樞帶領湖北湖南雲南貴州廣東各官兵暨楚  
勇捷勇通共一萬五千餘名先後來楚並經提  
臣鮑起豹派令遊擊傅振邦帶兵六百名赴道  
會剿旋據和春稟報五月初五日晚趕將浮橋  
搭齊派令官兵分爲中後左右四路齊進並令

聖朝聖略卷十三

三

後路之四川兵在於何家村山後埋伏以爲後  
應初六日寅刻同抵五里亭偏近賊巢楚捷各  
勇施放槍礮誘賊出敵約半時許該匪分三路  
撲來每路約二千餘人勢極兇猛總兵常祿等  
分帶兵勇攔頭迎剿我兵槍礮齊施斃賊多名  
該匪開礮回攻我兵奮力向前鏖戰數時該匪  
先猶死力抗拒繼則紛紛倒地仍敢以槍礮回

擊我兵奮勇齊追突於嶺右衝出伏賊二三百  
人攔腰接仗又經後路官兵趕上極力擊退該  
匪紛繞嶺後敗走查粵匪雖踞道州而竄入楚  
境後已兩摧其兇燄惟亟須設法速殲方不至  
復形猖獗藩司勞崇光現駐永州臣自當妥與  
籌商剋期進剿奏入

上命軍機大臣傳諭程喬采勞崇光曰粵匪竄越楚界

聖朝聖略卷十三

三

盤踞孤城現在我軍兵勇共有一萬五千餘名和春  
向稱奮勇勞崇光前在廣西辦理南太一帶匪徒調  
度尙合機宜提督鮑起豹現亦督兵會剿務當乘賊  
營未定之際併力進攻兵貴神速斷不可稍涉遷延  
且聞道州紳民激於義憤團練剿賊正可設計約會  
作爲內應聚而殲旃萬勿失此事機致貽後悔道州  
處楚粵之交賊匪北竄可撲永州南竄卽回粵境勞



崇光係廣西巡撫越境勦賊尤當兼顧粵疆以防逆  
匪回竄之路賽尙阿到楚尙需時日所有現在防勦  
事宜卽責成程喬采勞崇光會商妥辦該督等其同  
心戮力迅掃賊氛

上諭內閣曰逆賊竄踞道州現在勢成孤立正可乘此  
機會併力進攻勞崇光已移紮永州策應較近和春  
等又帶到兵勇一萬五千餘名足資會剿著程喬采

聖學方略卷十三

四十一

督飭文武將弁激勵紳民與勞崇光合力圍攻務期  
一鼓蕩平以靖妖氛而綏疆圉

程喬采又奏言據署道州知州王揆一稟稱四  
月二十三、四等日探聞賊至雙排面懇余萬清  
妥爲布置二十五日辰刻賊竄至莊水塘離城  
僅四十餘里余萬清卽以帶兵堵剿爲詞意欲  
遁去經該署州催促上城隨同余萬清巡查四

門賊匪旋由西北一帶而來城西北角本係遊  
擊羅我謙派兵防守其時祇有甫經調到之千  
總唐得升在彼該署州卽囑乘勢攻撲一面飛  
請余萬清督禦詎至西門余萬清業已出城並  
將防兵帶去適有數賊踵至該署州督率丁役  
上前被賊打傷左手腕當卽跳城而去欲將余  
萬清挽回乃賊匪旋各入城該署州愧憤投河

聖學方略卷十三

四十二

經地方紳民撈救又欲自刎亦被將刀奪棄同  
聲願起義勇爲官收復城池等情臣正查辦閒  
該提臣隨來衡州堅求一見臣當面加斥責該  
提臣亦自認糊塗惟總以欲往蛇皮渡堵截爲  
詞查余萬清旣駐道州防堵係其專責兵力雖  
單亦應固守城池况大兵業已跟追猶可爲內  
外夾攻之計該提臣輒卽帶兵而出已失機宜



而前准來咨稱欲起來衡郡防護長沙臣已斥其舍近求遠今復稱往蛇皮渡堵截並無來衡之語尤屬前後兩歧實不免有棄城而逃捏詞支飾情事至署道州王揆一職膺守土未能先事豫防迨至賊匪撲城又以出城挽留提臣致州城竟為匪踞遊擊瞿我謙亦係駐守州城之員今亦不知去向均出情理之外自應分別嚴

聖學聖方略卷十三

聖

究以肅軍政相應請

旨將丁憂留防之提臣余萬清暨永州鎮右營遊擊瞿我謙一併革職拏問署道州知州王揆一先行革職交賽尙阿嚴審辦理再余萬清在江華防堵已將兩年先聞其情形熟悉辦事精細前經臣與駱秉章密保今如此恇怯無能實屬辜負天恩是臣與駱秉章均屬保奏不實應請交部分別議

處

程喬采又奏言查王揆一失陷城池雖非畏葸逃遁究屬職守有乖但據地方紳耆同股義憤公願代募鄉勇力圖克復是其民情愛戴素有循聲亦可想見可否仰懇

天恩准令該員隨營效力贖罪之處出自

鴻慈奏入

聖學聖方略卷十三

聖


上諭內閣曰前任湖南提督余萬清經程喬采派令帶兵防守道州乃逆匪竄入境內輒先棄城而逃又復捏辭支飾遊擊瞿我謙亦係駐守州城之員何以不知去向余萬清瞿我謙均著革職拏問仍於查拏瞿我謙到案時嚴訊逃避情形據實具奏道州知州王揆一有守土之責據奏受傷踰城投河遇救各情節殊屬支離著一併革職拏問所請將該員留營效力



著不准行現在賽尙阿尙未到楚此案卽交程喬采  
秉公嚴審確情按律定擬具奏余萬清係程喬采駱  
秉章奏請留楚之員該督等保舉不實著交部分別  
議處

二十五日乙亥賽尙阿奏言全州地方平日民風  
樸厚頗知禮義知州曹燮培等於寇至倉猝時  
躬率士卒同心戮力捍禦十餘晝夜及城陷揮

聖學聖方略卷十三



兵巷戰與城俱亡城中士民等亦各同仇敵愾  
效死危城實屬忠義可嘉相應詳細開列請

旨將全州知州曹燮培等交部從優議卹並將知州曹  
燮培前知州瑞麟參將楊映河等於該州及原  
籍地方建立專祠同時被難各員名一併附祀  
以慰忠魂至全州被陷時總兵劉長清帶兵追  
剿逐日進攻尙無失機惟紮營處所距城尙遠

賊於要路堵守不能前進以致州城陷失文武  
官民慘遭焚殺實屬援剿不力相應請

旨將四川川北鎮總兵劉長清卽行革職仍責其帶罪  
勦賊以觀後效奏入

上諭內閣曰逆匪前撲全州官民固守旬餘被賊轟陷  
後仍復盡力巷戰同仇效死致遭屠害極爲慘酷實  
深憫惻全州知州曹燮培升補西隆州知州瑞麟全

聖學聖方略卷十三



州學正農賢托護理全州營參將楊映河署全州營  
西廷汎把總卜有祥候補知縣盧金第候補府經歷  
陳垚寶慶協都司武昌顯護理綏靖鎮標遊擊余連  
陞千總田慶華署千總馬瑞龍署把總盧先振署外  
委孫紹全楊清麒署額外外委田宏義保靖營把總  
黃志林外委楊大賓額外外委龔心仁田宗南鎮守  
鎮標後營把總韓天興武舉唐殿試生員蔣成龍武



生張以敬文童金建勳生員甯瑀幕友祝永文朱福  
坪周希齡楊菱舟生員金家駒軍功黃伯彬均著交  
部從優議卹曹燮培瑞麟楊映河等並准於該州及  
原籍地方建立專祠同時被難各員名均著附祀以  
慰忠魂署廣西提督劉長清帶兵追勦正值該匪圍  
攻州城之際如果奮勇前進何難殺賊解圍乃於帶  
兵趕到後紮營過遠為賊所阻以致州城失陷官民

聖朝聖略卷十三

聖

慘遭荼毒實屬援勦不力劉長清著卽革職責令帶  
罪隨營效力以示懲儆

上又諭內閣曰余萬清以提督大員帶兵分守道州不  
知設法防勦乃於賊匪竄逼州城時輒先出城引避  
並將西門防兵帶出以致州城失陷似此喪心昧良  
開門揖盜實出情理之外著程喬采遵照前旨將已  
革署知州王揆一原稟情形逐一嚴查確實並提余

萬清與王揆一當面對質如果實係棄城逃避著卽  
按律定擬請旨正法其王揆一踰城投河各情節與  
已革遊擊瞿我謙有無下落迅卽查訊定擬具奏嗣  
後統兵大員有臨陣脫逃或託病遷延致誤軍機者  
著該大臣督撫等一經查明確實卽行據實奏請  
旨正法其參遊以下各員如有逃避畏葸以致失地  
喪師者著一面奏聞一面卽於軍前正法以肅軍律

聖朝聖略卷十三

聖

不得巧為開脫致啟徇縱之漸



欽定剿平粵匪方略卷十四 壬子年

六月初五日甲申程喬采奏言臣於四月二十八日抵省五月初三日聞道州失守當卽星夜折回在省僅止六日其團練壯勇盤詰奸細製造器械添鑄礮位各事宜業經撫臣督同司道趕辦惟省城形勢低矮現在擇要補苴並商同撫臣酌派官兵於城外扼要之處築壘築營以壯

剿平粵匪方略卷十四

一

聲勢將來江西兵到再行酌撥駐守藉保無虞至永州兵勇漸多足資捍禦衡州現亦有兵勇二千餘名於城內外布置昨賽尙阿又派副將瞿騰龍來衡幫同經理兼赴長沙省城查勘情形臣固不敢一隅株守而以現在喫緊地方而論自應仍駐衡州居中控制至甯遠最關緊要該處有鄧紹良堵截於前和春跟追於後賊必

腹背受敵卽可聚而殲旃江華永明宜章三縣緊接道州爲逆匪西竄必由之路宜章與粵東之樂昌等縣交界向係匪徒出沒之區現均募勇派兵各圖守禦

程喬采又奏言臣接據總兵和春稟稱逆匪占踞道州現於北門外築營似無急竄之意該總兵於十九日以五成兵勇出隊在於五里亭築

剿平粵匪方略卷十四

二

營逆匪突出二三千人分三股撲來勢甚兇猛該總兵嚴陣以待將及一箭之地我兵槍礮環施斃賊十餘名該匪紛紛敗走現在衡永兩郡已分撥兵丁一千五十名壯勇七百名又調苗兵一千名前赴甯遠爲迎頭堵擊之用並聞總兵劉長清右江道張敬修所帶兵勇亦入楚境諒不日均可到齊奏入



上命軍機大臣傳諭程喬采曰逆匪占踞道州已逾月計各路調集兵勇不少加以本地團練亟宜乘該匪營巢未定之時設法合力攻圍該州地勢既屬平坦與粵西崎嶇情形不同正可扼其要隘前後兜剿該督節制諸軍即飭帶兵各員相機勦辦萬勿遷延該城內外為賊匪偏脅之眾原其心跡不過畏累苟安豈肯甘心從逆乘此大兵雲集之時當先曉諭該

粵匪方略卷十四

三

居民或偵探賊蹤或作為內應及早掃除羣醜得以共安社席是亦固結人心解散賊黨之一道也至圍困賊匪總以嚴斷接濟為要米鹽之外尤應嚴防火藥透漏私售兵勇大半楚粵之民亦難保無與會匪暗通消息私為接濟即如廣東之羅鏡廣西之永安等賊皆圍困累月若鉛丸火藥真能斷絕逆匪豈能於彈丸之地憑恃兇燄久抗我軍耶此節最為要著

務須認真查察勿受欺朦永州乃遏賊要路防堵不可稍疏該督與勞崇光統籌全局隨時知照賽尙阿聲勢聯絡使賊匪無可乘之隙庶可一鼓殲滅

初七日丙戌賽尙阿奏言逆匪現於道州城外加

築土城豎立木柵並於進城隘口設卡意欲久踞和春於五月初七日會督各鎮將帶領兵勇扼要築營並添搭浮橋連日更番疊進誘賊出

粵匪方略卷十四

四

巢道州四面皆河城中糧食甚少我軍如能嚴密圍守使其不能復窺可期不戰自斃惟和春等僅能扼賊東北兩面其西南路通粵西之全灌及湖南之永明江華現在劉長清等兵勇難期得力而南面水南路通甯遠一處尤為緊要副將鄧紹良所帶鎮守兵八百名楚捷各勇亦有千餘如再添兵二千即於水南駐紮可資堵



截其甯遠縣城又須添兵防守現在飛咨湖廣督臣程喬采酌撥兵勇二三千名由甯遠前來幫同鄧紹良等兵分紮甯遠及水南二處似此布置該逆既不能竄越再嚴斷其接濟然後相機進剿賊自無所逞其伎倆勞崇光已由永州回粵臣於二十五日卽由桂林統帶文武弁兵起程前赴永州就近督剿再軍前兵勇力圖圍

剿平粵匪方略卷十四

五

攻實已單薄前調四川督標等兵到營未甚得力請改於松潘建昌挑選勁兵二千備調此項川兵如程喬采尙未調來卽令其指調松潘建昌挑備之兵其前所挑二千名毋庸再調至此次湖南已調之江西兵二千名湖北省又調陝西兵一千名河南兵二千名必須陸續派赴軍前就近圍剿方期得力若在湖南北等處地方

遙爲防堵非惟各處紛紛請兵駐守兵力斷難徧給且軍前合剿兵單不能扼賊四竄各處毗連郡邑尤爲防不勝防奏入

上命軍機大臣傳諭賽尙阿程喬采曰據賽尙阿奏稱嚴斷接濟一節最關緊要昨已諭令程喬采認真查察該大臣現已馳抵永州著卽將目前防剿事宜會商妥辦道州城外各險隘現尙被賊占踞務卽嚴飭

剿平粵匪方略卷十四

六

鎮將先將各險隘攻破撤其藩籬使該逆株守孤城庶可聚而殲旃四川前調之兵業已起程未便復令折回抽換其松潘建昌二鎮續調官兵並湖南湖北添調新兵卽著賽尙阿程喬采酌量情形隨時飛調或撥赴軍前或酌留防守一切機宜朕亦不爲遙制

賽尙阿又奏言臣前奉

諭旨飭令徐廣縉來西會同辦理刻下前路軍情緊切



徐廣縉雖已咨明由高州起程未知何日始到  
臣不敢稽遲現即馳赴永州力籌督勦惟大局  
所關不得不熟計詳陳徐廣縉馳抵桂林之日  
或令在廣西專辦防勦事宜其

旨將

欽差大臣關防歸臣專管在湖南辦理軍務抑遵前  
欽差大臣關防移交徐廣縉令其馳赴軍前伏祈

聖學聖方略卷十四

七

綸音明降以便遵行總期事權歸一方於軍務

國事有裨若臣與徐廣縉各駐楚粵仍復會同辦  
理一切轉多牽制奏入

上諭內閣曰現在粵匪竄踞道州湖南軍務緊要著賽  
尙阿即帶欽差大臣關防扼要駐紮會同程喬采籌  
辦防勦事宜相機調度勞崇光已回廣西徐廣縉亦  
經馳抵梧州所有廣西軍務即著徐廣縉會同勞崇

光接辦

同日徐廣縉奏言查道州至恭城富川賀縣皆  
較連州陽山為近路亦較平現據右江道張敬  
修稟稱已於五月初二日管帶兵勇馳赴恭城  
防禦惟富川賀縣尙覺空虛賊若折回則東西  
兩省之富賀開廣等處均為喫重臣現抵肇慶  
刻即馳往梧州相機調度奏入

聖學聖方略卷十四

八

上命軍機大臣傳諭徐廣縉勞崇光曰廣西大股逆匪  
現雖竄越湖南而本境零星土匪尙未淨盡波山艇  
匪勢尤猖獗徐廣縉現已馳抵粵西所有該省堵勦  
各事宜即責成該督會同勞崇光妥辦其湖南軍務  
已飭令賽尙阿會同程喬采辦理矣現在道州賊匪  
被勦緊急難保不復竄廣西即廣西未淨之匪與廣  
東毗連湖南處所亦難保不與道州賊匪暗相勾結



該督統轄兩省於楚粵交界地方務須嚴密防守以杜賊匪分竄向榮現既稱病其提督事務暫令馬龍代辦究竟該提督病勢如何該督卽察看具奏

十三日壬辰賽尙阿奏言臣於六月初一日馳抵

永州府城疊據和春稟報道州東北路通永州府城及甯遠縣東南亦通甯遠西通江華永明及粵西全州灌陽必須四面圍定方能進剿該

欽定剿平粵匪方略卷十四

九

總兵現紮北面可以兼顧東面其西南兩面必須增兵進紮臣先經飭令劉長清帶領粵西兵一千餘名由粵之富川取道永明以達道州西路和春復派撥四川官兵一千九百餘名川勇一百七十餘名統交劉長清帶領前往道州西路各隘口擇要紮營臣因賊蹤去粵較遠又將留守桂林省城之楚兵八百名派守備米興朝

帶領由灌陽前赴道州會合計西面兵力已不爲單足當此路堵剿道州南路緊接甯遠隘口甚多如藍山新田常甯衡陽處處可通且衡郡爲省城門戶一經竄越所關甚鉅是甯遠實爲保障衡長第一要隘而由甯遠走新田縣又有聞道徑達永州欲保甯遠必先嚴堵水南鄧紹良兵勇防守該縣實虞單薄未便令其進堵水

欽定剿平粵匪方略卷十四

十

南和春現以此路空虛未有大兵堵禦恐攻偏太緊該逆從此竄逸臣當卽函商程喬采於衡永等處撥兵二三千名派員由此路前進以成圍剿之勢旋據咨覆調派苗兵千名交鄧紹良管帶又挑衡州防兵六百名派總兵王家琳帶由常甯新田前進臣到永州後卽將留守永州之湖南兵撥出六百名交鄧紹良管帶連鄧紹



良原帶之楚兵八百名楚勇七百名一併由甯遠進紮偏近水南相機堵禦惟聞賊匪強悍者多在水南盤踞深慮其專由此路衝突我兵力單仍俟新調江西官兵到時再抽撥一千名前往會合以厚兵力其甯遠城守緊要臣委派總兵孫應照留兵防守俾鄧紹良帶兵前進臣現抵永州軍務一切可與程喬采就近籌商奏入

勦平粵匪方略卷十四

十一

上是之

十七日丙申台湧奏言臣此次管帶滿營官兵在荊州府屬防堵係帶印信前往茲將滿營官兵抽回歸營所有將軍印信是否委員署理抑係留帶行營請

旨遵行奏入

上諭內閣曰台湧現辦防堵事宜荊州將軍印信著即

帶往行營毋庸派員署理

台湧又奏言臣於五月十三日督同荆宜施道文輝起程二十二日出荆河口沿江周視酌量設防安設戰船礮臺惟白螺磯在楊林磯之南係出湖達江要隘臣駐此紮營可以首尾相應虎渡為南北兩省水陸總口令文輝赴彼分紮堵禦上游一帶共用官兵一千餘員名現已陸續到齊派往各處分堵奏入報

勦平粵匪方略卷十四

十二

聞

同日程喬采奏言查勞崇光業經回粵接任賽尙阿亦於六月初一日駐紮永郡粵匪占踞道州現無他竄之意聞於附城要隘豎柵立營臣咨催和春趕緊進剿稟道州地勢平坦四面皆河城內米糧亦少如能層層圍住斷其接濟



使其不能復竄定可一鼓成功惟軍營兵勇祇能顧及東北兩面其西面業有劉長清等兵勇分由富川永明灌陽恭城而來南面尙屬空虛請再於衡永防兵內酌撥會剿等情臣接賽尙阿咨現派副將鄧紹良統帶兵勇三千七百餘名進紮水南並委總兵孫應照帶領兵勇一千二百名鎮守甯遠以爲南路屏蔽江西官兵不日到現亦飛檄嚴催派撥前往一俟大兵雲集定可四面兜圍至糧餉爲行軍要務現赴道州攻剿之兵勇無論楚是粵一切鹽糧仍由粵局供支其在楚原防兵勇暨續調官兵則由楚局支應似此各專責成辦理尙爲周妥臣思逆氛雖竄楚疆一切支銷仍歸粵員承辦前此截留軍餉北南兩省均因兵勇續增需用愈繁

勦平粵匪方略卷十四

十三

先行借動其餘收儲銀兩仍分批趕行解往粵西藉資應用計南省已奉撥銀一百五十萬兩北省亦奉撥銀三十萬兩尤應彼此通融臣當體察情形如該省稍形支絀亦卽將借用之款照數撥還奏入

上命軍機大臣傳諭賽尙阿程喬采曰賊匪占踞道州於附城要隘豎柵立營雖尙無他竄之意而賊情詭譎難保不分遣匪徒潛赴各屬勾結伺隙竄擾賽尙阿現已馳抵永州務當嚴飭帶兵大員及地方文武合力進攻仍飭各屬密拏奸細確探賊情並激勵紳民搜緝匪黨互相保護或約爲內應乘其不備一鼓殲擒道州地勢平坦四面皆河米糧亦少果能於水路要隘嚴斷接濟賊勢豈能持久南路空虛現已調撥各兵三千七百餘名進紮水南並委總兵孫應照

勦平粵匪方略卷十四

十四



帶領兵勇一千二百名鎮守甯遠兵力已不爲單弱  
惟孫應照能否得力堪爲南路屏蔽仍須隨時察看  
勿致貽誤至糧餉爲行軍要務督辦須專責成現赴  
道州攻勦之兵勇無論是楚是粵一切鹽糧仍由粵  
局供支其在楚原防兵勇暨續調官兵卽由楚局支  
應以歸畫一面免混淆

程喬采又奏言臣接准賽尙阿函稱大營四面

聖學聖方略卷十四

十五

圍攻兵力尙形單薄四川松潘建昌二鎮之兵  
本係奏請豫備仍應指調臣卽趕緊飛咨惟據  
稱前所挑備川兵二千名似可毋庸調取臣查  
此項官兵計期早已在途如復檄令河川未免  
徒滋勞費且江西兵本爲保護長沙省城之用  
今旣派往道州卽以此兵留駐長沙亦足藉資  
捍衛又湖北省前調河南陝西兵三千名現准

賽尙阿來咨亦囑派赴軍前臣思此精銳之師  
僅作留防轉覺投閒置散自應令其合力攻勦  
以期及早成功

程喬采又奏言湖北地方現距賊氛尙遠但水  
則重湖浩淼陸則山路紛歧自宜未雨綢繆以  
期有備無患台湧現已酌帶官兵駐守監利縣  
屬之楊林磯嚴防水路提臣博勒恭武擬紮蒲

聖學聖方略卷十四

十六

圻爲陸路先行設備惟水陸難於兼顧臣查岳  
州府在長沙下游直達武昌提臣如移紮該郡  
布置防維不但與台湧僅隔一江聲勢可期聯  
絡且與臣所派巡防巴陵縣城陵磯之兵亦足  
互相應援  
同日駱秉章奏言粵西逆匪現踞道州督臣程  
喬采以新甯甯遠等縣皆居道州下游防兵甚



爲單薄咨 臣將調省江西兵分撥一千名同前  
調苗兵一千名撥赴甯遠新田分駐堵守以防  
該匪北竄指日大兵進攻道州誠恐各屬尙有  
應須添兵之處省城防兵現止一千數百名難  
再抽撥 臣已咨商督 臣添調鎮守官兵五百  
名苗兵一千名聽候調遣 臣仍隨時查察相機  
籌辦總期有備無患不敢稍事疏忽均奏入報

欽定剿平粵匪方略卷十四

十七

聞

同日

上諭內閣曰革職拏問之前任湖南提督余萬清遊擊  
瞿我謙道州知州王煥一前經降旨交程喬采審辦  
現在賽尙阿已抵永州著交賽尙阿會同程喬采將  
該革員等嚴行審訊按律定擬具奏

二十二日 辛 廣西巡撫勞崇光奏言 臣自永州  
丑

回抵桂林賽尙阿卽於五月二十五日由桂林  
移紮永州督辦 臣自應留駐省城鎮壓似可毋  
庸出省應援查道州在永州之東南相距粵西  
桂林平樂兩府屬之恭城富川賀縣灌陽興安  
全州均祇一二百里處處有徑路可達省城均  
應嚴加備禦 臣在永州時先經函商賽尙阿派  
令總兵劉長清道員張敬修知府顧諧庚帶領

欽定剿平粵匪方略卷十四

十八

兵勇分赴灌陽之文墟恭城之龍虎關富川之  
麥嶺扼要嚴防仍相機前進剿堵兼施 臣回粵  
後又經嚴飭各該地方官雇勇集團以助聲勢  
至桂林省城解圍雖經兩月羣情尙復驚疑現  
將派赴各處之省標官兵次第撤回並將留防  
省城之壯勇逐加挑選留其精銳撥令於城廂  
內外擇要分紮務使巡哨嚴明聲勢聯絡再揀



選各鄉團精壯練丁三四千名於城外稍遠各要路分布紮營嚴密防範仍隨時察看情形如果兵力尙單即將近省各協營官兵酌量抽調來省協防一面剴切出示以定人心激勵團練以作民氣招撫流亡以復民業訓練兵勇以肅軍紀搜緝土匪以靖內奸日來民間已漸安堵柳慶鬱林各府州屬游匪土匪不時蠢動起滅

聖學匯方略卷十四

十九

無常各屬每遇寇警卽紛紛請派大兵無如各省客兵均已陸續趕赴楚省大營本省額兵止有此數實難處處分撥惟有飭令多雇壯勇鼓舞團練以資捍衛而供援勦梧州艇匪擾及潯州貴縣尤爲恣肆節經前撫 臣 及 臣 派兵勦捕督 臣 徐廣縉復派高廉道沈棣輝管帶兵勇由北流興業一路進勦 臣 又飛飭知府黃輔相馳

至橫州齊團堵截使該匪不敢上竄各路兵勇現已齊抵潯州徐廣縉復親駐梧州督辦定可剋期殄滅再前次留防桂林省城之楚兵僅餘八百名 臣 到任後已面商賽尙阿派赴劉長清營盤與該鎮原帶粵西兵一千餘名合爲一隊由富川前赴湖南奏入

上命軍機大臣傳諭勞崇光徐廣縉曰道州距恭城富

聖學匯方略卷十四

二十

川賀縣灌陽興安全州等州縣均祇一二百里處處有徑路可通省城自應加意防堵所有分布兵勇團練各事宜俱著照議妥辦至柳州慶遠鬱林各屬游匪土匪不時竊發勢難紛紛派兵防勦卽著密飭各該管道府州隨時偵緝仍令實力團練以資捍衛潯山艇匪經徐廣縉親督兩省文武合力搜捕定可卽日悉數殲擒該督於竣事後卽行馳赴桂林與勞崇



光會籌一切嚴堵要隘毋令逆賊竄回賽尙阿現已  
移紮永州所有廣西軍務卽由該督撫悉心會議商  
辦其有關涉楚省事務隨時咨明賽尙阿行營庶可  
不致歧誤提督向榮在桂林稱病累月竟將公事諉  
之代理殊屬不成事體著該督傳旨飭令接印任事  
毋得藉詞觀望致干重咎

二十八日丁未徐廣縉奏言遵查吳文鎔張亮基

欽定剿平粵匪方略卷十四

三

原片內稱賊由新墟竄出向榮首先遁入平南  
蒙

皇上不殺之恩許其帶罪立功乃猶託病偃蹇月餘不

出迨賊踞永安向榮復赴營視事總統北路全  
軍並未聞破一賊營擒一賊目又由永安追賊  
不審機宜遇賊致衄誠如雲南督撫臣所言惟  
查此兩次挫頓皆經大學士臣賽尙阿奏恭

奉

嚴旨予以處分似可毋庸再議至謂向榮帶領殘兵數  
十名躲入省城自保及捏稱統帶大兵閒道赴  
援一節查逆匪攻撲桂林實由賽尙阿飛派向  
榮赴援該提臣帶領親兵數十人由閒道先行  
馳入省城大兵隨後趕到逆匪圍攻文昌門最  
急向榮獨守此門其親兵皆有中礮傷亡者該

欽定剿平粵匪方略卷十四

三

提臣指揮備禦始克保全此廣西人士所共見  
共聞平情而論新墟古東兩戰損兵折將之罪  
固不容寬而馳援桂林捍衛保障之功亦不可  
掩現在向榮在省養病臣在高州詢之總兵福  
興知其素有氣痛之證想因守城積勞舊病復  
發似尙非託故遷延相應請

旨嚴飭向榮激發天良力除惡習仰體棄瑕錄用之



厚恩勉圖報效至向榮在今日諸將中似尙可供驅策  
奏入報

聞

同日龔裕奏言 臣近接督臣程喬采咨粵匪占  
踞道州現經各路官兵合圍衡永兩郡要隘業  
已分派兵勇嚴防湖北地方亦應未雨綢繆使  
賊知我有備不敢竄越其前調陝西河南兵三

聖學方略卷十四

三

千名自應馳赴軍前進剿隨值副將高峻統領  
河南兵一千名陸續行抵湖北省城 臣卽飭令  
於六月初十一等日由湖南巴陵前進至陝  
西兵二千名一俟行抵楚境亦卽催赴軍營所  
有湖北應辦防堵地方將軍台湧現在監利縣  
屬之楊林磯水路駐紮提 臣博勒恭武在 臣前  
調湖北兵一千八百三十名內揀帶將備領兵

聞

一千三百餘名至湖南岳州查看形勢分別設  
防仍留兵五百餘名派員管帶在上達洞庭下  
通武昌之金口淮山大軍山駐紮巡守以昭周  
密奏入報

聖學方略卷十四

三



欽定剿平粵匪方略卷十五 壬子年

七月初三日 辛亥 徐廣縉奏言逆匪竄踞道州後

於六月初八日分夥二千餘人忽入湖南江華

縣境勢將南竄查江華與廣東之連州陽山廣

西之富川賀縣毗連而賀縣地面無重兵防堵

尤為可慮現先將 臣 隨營潮勇一千名委員帶

往駐守所有前派在潯州兵勇已飛飭高廉道

剿平粵匪方略卷十五

一

沈棟輝督帶迅來梧州酌量撥往富賀兵力稍

厚庶可不致疏虞廣西一省糜爛已久伏戎徧

地又有散遣各處壯勇沿途滋擾惟有設法次

第翦除以冀肅清邊圉奏入

上命軍機大臣傳諭徐廣縉勞崇光曰道州逆匪於六

月初八日分夥二千餘人入湖南江華縣境該縣與

廣東之連州陽山廣西之富川賀縣俱相毗連防堵

尤關緊要該督先經派委員弁管帶潮勇一千名扼

要駐守現復飛飭高廉道沈棟輝迅赴梧州酌撥兵

勇前往嚴防著徐廣縉會同勞崇光向榮卽飭令將

弁兵勇前往富賀一帶遏賊回竄之路或乘勢直抵

江華縣境與湖南將弁腹背夾攻殲除竄匪則道州

逆匪亦必聞而膽落其廣西游匪土匪與散遣兵勇

沿途滋擾均宜次第剿捕著徐廣縉等飭令各府屬

剿平粵匪方略卷十五

二

督同練勇迅速掃除

上又命軍機大臣傳諭賽尙阿程喬采曰據徐廣縉奏

稱六月初八日該逆分夥二千餘人已入江華縣境

勢將南竄其如何突圍出走情形未據該大臣等馳

奏朕心懸念實深江華與廣西富川賀縣接界一經

竄回賊蹤必將復熾本日已諭知徐廣縉派員馳赴

該處防堵該匪大隊是否尙踞道州既有竄逸之衆



難保不四出衝突窺伺衡湘是東北各路尤為緊要  
孫應照鎮守甯遠如不得力該大臣等即隨時酌度  
情形密籌援應萬不可稍有疏虞致衡永兩郡繹駭  
震驚也

同日勞崇光奏言臣於六月初九日接據署馬  
平縣知縣李燦稟稱初二日有外來土匪一千  
餘人攜帶礮械在縣境四都大發一帶滋擾臣

聖學聖方略卷十五

三

當即飛調慶遠協官兵二百名融懷營官兵一  
百名並由省派員管帶川勇二百名兼程馳赴  
會剿茲於六月十五日接據代理柳州府知府  
羅福杲稟報該匪糾集人數甚多勢益猖獗初  
十日夜直撲營盤官兵整隊出敵擊斃賊匪數  
百餘名因眾寡不敵署知縣李燦署守備舒曾  
謨在喇堡地方力竭被害查土匪聚眾搶劫經

官兵往捕膽敢添糾匪黨拒敵戕官實屬罪大  
惡極亟應迅速殲除免致勾結為患臣與提臣  
向榮熟商又由省城添派守備甘鍾棠千總萬  
明魁等統帶兵勇一千六百名審度機宜奮勇  
剿洗務將此股賊匪悉數掃除勿留餘孽所有  
陣亡之署馬平縣事准補修仁縣知縣李燦署  
左江鎮標右營守備事中營千總舒曾謨剿捕

聖學聖方略卷十五

四

賊匪力竭捐軀深堪憫惻應請交部從優議卹  
奏八

上諭內閣曰廣西馬平縣土匪攜帶礮械在縣境四都  
大發一帶地方滋擾經該署知縣李燦會同營員帶  
領兵勇往剿在喇堡地方力竭被害此股土匪突起  
滋擾拒捕戕官殊堪髮指著徐廣縉勞崇光督飭派  
往員弁並地方文武各員合力剿洗務將戕官各犯



按名擊獲匪黨悉數殲殪所有陣亡之署馬平縣事  
准補修仁縣知縣李燦署左江鎮標右營守備事中  
營千總舒曾謨均著交部從優議卹其現無下落各  
員弁及傷亡兵勇均著確查覈辦

初五日癸丑賽尙阿程喬奏言臣賽尙阿於六

月初一日馳抵永州體察地勢賊情知賊自竄  
越楚境各處土匪響應者轉較粵西爲多道州

欽定剿平粵匪方略卷十五

五

四面賊踞而州城附近地皆平坦我軍圍剿難  
周一俟抽調新兵陸續到來兵力加厚然後可  
以銳力圍攻而道州四達之衢東北面係通衡  
永正路和春等大營兵力稍厚前已分出兵勇  
二千餘名交劉長清會合所帶粵兵提勇等專  
紮西路現又分出楚滇兵提勇等六千餘名交  
常祿帶領與鄧紹良等兵勇由甯遠進紮南路

初八日賊匪突出千餘由岑江渡竄走係往江  
華之路和春當卽會督鎮將派兵出隊於五里  
亭一帶施放槍礮該逆出巢迎敵與我兵相持

甚久始復退回又據江華縣逃出弁兵人等報  
稱初八日逆匪分股詐稱潮勇闖入江華縣城  
約數百人城內僅有永綏防兵及壯勇三百名  
永州鎮標遊擊秦武林永綏協千總王士凱督

欽定剿平粵匪方略卷十五

六

同弁兵急開槍礮迎敵秦武林左腳爲賊矛傷  
江華縣知縣劉興桓被害室妾同時自盡等語  
臣等查永明切近江華刻下情形危急當由臣  
賽尙阿飭和春派劉長清迅帶兵勇馳由永明  
赴江華援剿並於永明留兵數百以固城守現  
據和春稟覆劉長清已奉飭前往且派定南路  
兵勇由常祿統帶於本月十一日移營由白馬



渡過河分兵三路進攻並於五里亭樹林內設  
伏以爲後應和春督率兵勇先開槍礮誘賊出  
巢該逆旋出二三千人分兩路撲來勢甚猛惡  
總兵經文岱李瑞秦定三王錦繡候補同知直  
隸州江忠源各帶兵勇亦分兩路迎擊和春居  
中調度槍礮連環進擊各路兵勇合力夾攻該  
逆敗走常祿等所帶兵勇卽於是日移營南路

聖朝方略卷十五

七

十四日和春仍分成出隊先於五里亭開礮誘  
賊該逆伏匿不出我兵漸逼漸近槍礮齊發斃  
賊多名該逆擁出千餘人我兵奮力壓下又斃  
賊數十名等語臣等查道州四路紛歧我兵不  
敷攻勦而該逆乘虛竄由西路徑撲江華勾連  
土匪以致縣城失陷臣賽尙阿程喬采均未能  
先事豫防臣駱秉章亦有地方之責均請

旨交部議處江華縣知縣劉興桓於縣城失陷難捐  
軀深堪嘉憫應俟將在城官弁查明一併奏請  
恩卹其遊擊秦武林以拒賊身受重傷是否屬實已飭  
由江藍廳同知就近查驗並確查該員有無臨  
陣退避及藉詞遁出各情報明辦理仍一面檄  
催江西河南陝西四川各省續調新兵星速前  
進庶幾兵力厚集得以迅速蒞功

聖朝方略卷十五

八

賽尙阿程喬采又奏言據永明縣知縣常連稟  
稱本月十三日夜賊匪千餘由江華道州兩路  
直撲永明縣城失守劉長清隨帶兵勇往紫富  
川縣交界臣等查江華失守後永明情勢危急  
專委該革鎮劉長清帶兵由永明前往援勦原  
以兼顧該縣城守該革鎮帶兵行抵該縣地方  
已聞城池被陷卽當乘勢進攻以圖克復乃繞



赴鄰縣地方坐視城池失守轉於遠處紮營實屬畏葸無能相應請

旨將已革總兵劉長清拏問飭解永州嚴訊辦理臣賽

尙阿督領全師調度失宜應請

旨交部議處提督銜總兵和春北路堵剿未能先事妥

籌應請

旨併交部議處現已派弁持令嚴催劉長清所統副

聖朝方略卷十五

九

將明安泰遊擊蕭逢春都司米興朝等管帶川

粵湖南官兵迅速前赴江永一帶剿匪總兵馬

龍現在廣西省城業由臣賽尙阿飛札調由恭

城取道永明接統劉長清兵勇俾資進剿並可

堵截逆匪分竄之路刻下逆匪大夥尙在道州

城內仍嚴飭和春常祿等極力攻剿至永明縣

常連所稟劉長清種種引避情節如果屬實必

當從嚴懲辦惟該令常連係守土之官是否藉

詞請兵擅離城守亦須確切查訊應請將常連

一併革職拏問俟劉長清解到提同質審明確

按律定擬

賽尙阿又奏言廣西柳州鬱林慶遠思恩各府

州屬匪徒滋擾現尙未能殲除臣業經馳抵湖

南永州於粵西事屬隔省難以兼顧當將各屬

聖朝方略卷十五

十

稟報移咨廣西巡撫自行專辦其應奏明各件

查照臣五月初四日奏單開列以後情形卽由

該撫查明具奏所有在事出力文武官紳並臣

歷次所奏剿辦各股出力人等會奉

旨保奏未經查覈具奏者均應由該撫臣查明辦理以

歸畫一而免歧誤奏入

上命軍機大臣傳諭賽尙阿程喬采曰逆匪竄踞道州



以來各處土匪多為勾結現既分股撲入江華永明二縣勢必四出衝突其南竄廣西之路固應嚴防而北路衡永一帶尤關緊要著賽尙阿程喬采督飭帶兵各員於水陸要隘層層布置嚴密堵截毋稍大意提督向榮前已有旨飭令任事如永州一帶情形緊急有須該提督帶兵協剿之處著賽尙阿酌量札調廣西提督印務即咨會徐廣縉派員署理所有續調

聖朝方略卷十五

十一

各省官兵著即飛催來楚粵西剿捕事宜前已諭令徐廣縉勞崇光會同商辦以專委任所有賽尙阿經手未完各事及歷次保奏未經查覆者均著徐廣縉勞崇光詳細確查奏明分別辦理其有交涉楚粵兩省事務仍隨時互相知照以免歧誤

又命軍機大臣傳諭王懿德曰前據季芝昌奏遵旨挑選精兵派統領管帶各員聽候咨調現在賊踞道

州仍須添調重兵以資堵剿著王懿德即飭前派鎮將等員統帶泉州漳州汀州等營精兵三千名迅速分起由廣東一路前赴湖南軍營聽候賽尙阿程喬采調遣毋稍遲誤

上諭內閣曰逆匪於旬日之間連陷江華永明兩城地方文武何以毫無準備帶兵大員何以不急籌援救且江華失守後劉長清帶兵已抵永明正當乘勢進

聖朝方略卷十五

十二

攻乃繞赴遠處紮營實出情理之外已革總兵劉長清著即拏問永明縣知縣常連係守土之官輒以請兵為辭擅離職守著一併革職拏問交賽尙阿程喬采嚴訊定擬具奏賽尙阿程喬采及駱秉章均著交部議處和春在北路堵剿雖分兵令劉長清援應究未能先事妥籌著一併交部議處該大臣等現已札調總兵馬龍帶兵由恭城取道永明並派副將門安



秦等帶領川粵各兵前赴永明一帶進剿著卽嚴飭各鎮將奮勇攻擊迅圖克復勿令賊匪再有蔓延江華縣知縣劉興桓臨難捐軀室妾同時自盡殊堪憫惻著交部照例賜卹其餘殉難員弁著查明請卹

十一日己未徐廣縉葉名琛奏言羅鏡逆匪凌十八負隅抗拒六月初一初二等日經總兵福興等派隊進剿計斃匪夥十五名生擒九十五名

聖朝方略卷十五

十三

嗣探得逆匪之弟凌二十八住宿鬼子埕礮臺時值四更卽令嚮導先行兵勇一路隨入徑登礮臺擒斬二名凌二十八受傷敗走福興等於初八日夜復遣兵勇帶同眼綫齊抵該處將全軍分作三層共爲十五隊星羅碁布宗元醇進駐南門彭舒萼吳昌壽進駐椽子山李敦業進駐石皮灣天將黎明卽分東西中三路齊撲入

墟我軍勇氣百倍都司姚麟督帶外委戴文英等由岡頭寨至鬼子埕攻破礮臺七座放火焚燒首先入墟該逆凌十八跳入塘內渡水直奔勇目馮日坤等越過短牆乘勢將凌逆首級砍落外委戴文英等生擒造言煽惑商同謀逆之犯婦陳葉氏一名焚燒榕樹根等處礮臺二座凌二十八由礮眼突出經兵勇割取首級候選

聖朝方略卷十五

十四

千總孔繼堯等力闢險要各隘直搗中堅焚燒礮臺十二座斬擒甚衆各營弁兵繼入西墟生擒逆犯之父凌五超一名分路進攻破壁直入擒殺無算東路派委都司黃曜吉等率同壯勇攻破東墟口外礮臺首先入墟賊之頭目凌十三張城蕙黃非濫彭位簡羅萬勝張蕪詳黃明受莫汝篤李汶盛葉林生梁起汝均已一併生



擒是役也自丑至午東西兩路生擒匪犯二百六十八名呈驗首級一百六十七顆並殲斃一千一百餘名焚斃屍身約有八百餘具奪獲槍礮器械無數查凌十八自道光二十九年即在廣西金田地方拜上帝會往來信宜蹤跡靡定係著名會匪與洪秀泉等同惡相濟擾及兩省荼毒良善此股既除縱有不逞之徒皆已膽寒

聖朝聖略卷十五

十五

骨慄至總兵福興親臨督陣正值風雨交加之會躍馬直入賊巢墜地墊傷仍復力疾前進洵屬謀勇兼施所有在事各文武相持一年之久前後幾及百戰殲擒六千有奇卒能同心協力滅此兇頑尙各著有微勞容俟 臣等確切查明再行據實保奏至於各會匪起於金田迫分股竄出後其勢已成本屬力不能制經過各該州

縣尙能嬰城固守力保無虞及大兵雲集又復協同堵剿所有該管地方文武功過似可准其相抵請免置議奏入

上諭曰卿等鞠躬盡瘁晝夜籌勦得以掃數殲除皆卿等力也覽奏深慰朕懷

上諭內閣曰羅鏡凌十八股匪黨衆心堅擾及兩省抗拒一年之久實屬罪大惡極經該督撫等先後籌勦

聖朝聖略卷十五

十六

不遺餘力得以掃數殲擒洵足伸國法而快人心徐廣緝督辦最久厥功甚偉著加恩賞加太子太保銜仍交部從優議敘葉名琛接辦後調度有方全股一舉蕩平州境肅清地方安堵如常辦理甚屬妥速加恩賞加總督銜仍交部從優議敘所有在事出力各文武首尾一年前後幾及百戰殲擒六千有奇皆能同心協力滅此兇頑洵屬著有勞績著即確切查明



據實保奏候朕施恩至該匪起自粵西竄入東省各州縣尙能保守城池又復協同堵剿所有該管地方文武官功過尙足相抵著免其置議

十二日庚申

上命軍機大臣傳諭徐廣縉葉名琛曰現在道州逆匪分擾江華永明賊勢日熾所有羅鏡軍營弁兵除應酌留若干搜查餘匪外著徐廣縉葉名琛迅即選派

欽定剿平粵匪方略卷十五

十七

得力將弁馳往湖南軍營協同圍剿總兵福興能否飭令統兵前往並著酌量派委仍咨明賽尙阿程喬采查照調遣

十三日辛酉 賽尙阿程喬奏言六月十五十六

至二十三十四等日常祿和春等由五里亭龍安

橋兩家鋪節節進剿斃賊無數二十五日和春

督率兵勇並約西南兩路進攻道州北路直偏

賊營賊仍不出官軍分三路環攻忽於二十五

日夜三更賊由州城乘夜竄由四眼橋小路全

數遁逃查四眼橋係道州至甯遠藍山之路並

可通永州郡城和春刻卽拔營進剿知會常祿

立即帶兵前截後追並派鄧紹良瞿騰龍等兵

勇星馳繞赴四眼橋前路並護甯遠縣城旋據

總兵孫應照甯遠縣知縣劉如玉等稟賊由四

欽定剿平粵匪方略卷十五

十八

眼橋竄至該縣之水打鋪鄧紹良兵勇趕至天

堂墟賊不敢近偏縣城竄往下灌和春帶兵追

賊至司馬星地方仍卽拔營前進一路檢獲賊

匪數十名立即訊明斬首又據探報永明縣逆

匪業已遁走江華賊匪亦回至水南兩縣城賊

無多和春已札催明安泰虎嵩林等督帶兵勇

速赴該兩縣相機收復此次和春及鄧紹良瞿



其壘獲勝仗稍事姑容應請

旨將總兵常祿交部議處奏入

上命軍機大臣傳諭賽尙阿程喬采曰逆匪占踞道州並分擾江華永明二縣牽掣我軍經該大臣等嚴飭和春常祿等併力進攻緊備州城壘獲勝仗該匪乘夜奔逃該大臣現已札飭鄧紹良等跟蹤追剿前後夾擊布置尙為周妥惟賊蹤靡定詭譎異常難保不

聖學聖方略卷十五

十九

聖學聖方略卷十五

二十

賽尙阿現駐永州府城臣程喬采現在衡州足資鎮壓該處為通省咽喉地方尤為緊要擬將續到新兵暫留以振軍威隨時探聽賊蹤指撥防剿查此次賊之分股由江永遁歸道州實係和春常祿南北兩路進剿嚴緊賊勢難支始由小路全股挺竄惟七里江四眼橋係屬南路應由常祿分兵駐守賊既由此夜竄臣等未便因

再從嘉禾藍山越過東竄郴桂等屬為北竄衡州之計該大臣等務當督飭各鎮將於水陸要隘設伏嚴防毋令伺隙奔竄衡州為省垣屏障程喬采駐紮該郡人心所繫不可稍有搖動尤須嚴飭文武兵勇加意防守省垣重地亦須鎮靜彈壓嚴密守禦該大臣駐守永州足壯聲威趁此賊勢渙散之時嚴飭各路帶兵大員合力兜剿前截後追庶可一鼓蕩平至副



將瞿騰龍鄧紹良守禦最爲出力何以此次保舉單內未經列入或因三月閒鄧紹良已得優敘瞿騰龍已賞勇號不須再保耶著查明覆奏

上諭內閣曰逆匪竄踞道州我兵四面攻勦自六月十五日以後總兵常祿等疊次攻擊連獲勝仗賊勢不支遂於二十五日夜逃出州城由四眼橋小路全數遁逸其永明江華賊股亦於二十三四五日棄城遁

欽定剿平粵匪方略卷十五

三

走回至水南欲圖併力奔竄我軍追捕迅速該逆不敢窺伺甯遠徑由水打鋪竄往下灌地方屯聚游弋賽尙阿現已札飭鄧紹良瞿騰龍等分路堵勦榔桂一帶亦飭一律堵截著賽尙阿等嚴督將士及各地方文武員弁合力兜勦一鼓殲擒毋得再任擾竄城池致滋勾結此次賊由小路竄出係屬總兵常祿分兵駐守之所咎實難辭常祿著交部議處

同日湖北巡撫常大瀛奏言臣籍隸湖南衡州府由南省至北省一路形勝皆所親歷上游永州衡州二府水陸關隘爲長沙省城屏障其長沙下游之岳州府接壤北省水陸要隘實爲湖北全省屏障是以議保湖北必守岳州現在粵匪占踞道州分出肆擾若被攻窮蹙難保不冒險竄越則岳州要口自應豫爲籌備嚴密北省

欽定剿平粵匪方略卷十五

三

方可無虞但該處水陸形勢須得本地紳民團練壯丁籌防相助方爲得力臣素知該處有在籍紳士吳巽行方宗鈞等俱有膽識才略爲郡屬紳民所信服洞庭湖中業漁船隻不下數千俱可隨地編查爲臨時雇募之用惟沿湖如何設卡戰守如何練習何人分領其任經費如何籌備必須臣親往察看與該紳士等導以桑梓



之義面為商推並督同該府縣立定章程以備  
臨時指使若僅委員前往查辦即難免官民情  
隔空言無濟臣擬於七月初間酌帶明幹委員  
前赴岳州辦理此事奏入

上命軍機大臣傳諭常大瀆曰據奏湖南岳州府為湖  
北全省屏障現擬親赴該處查看情形督同府縣及  
紳士等籌備防堵酌定章程等語兩湖交界地方犬

聖學聖方略卷十五

三

牙相錯自應不分畛域扼要嚴防據稱岳州紳士吳  
巽行方宗鈞等才略可用著即密向咨詢與地方官  
妥為布置其由武昌至岳州所過地方水陸各要隘  
應行查看設備之處並著豫為籌辦毋稍疏虞

十五日癸亥徐廣縉奏言臣查江華毗連賀縣永

明偏近富川而富川上接平樂恭城下抵蒼梧  
賀縣地面尤為扼要臣已札飭高州鎮總兵福

興挑選精銳兵勇二三千名統帶來西該鎮心  
地明白強毅有為堪資臂助俟其到梧後擬派  
候補知縣胡湘隨同就近將鬱林一帶土匪迅  
速剿滅總期先除本境匪徒庶可於楚粵交界  
之地併力籌辦不致竄後跋前柳州各屬亦有  
匪徒肆擾該處偏近桂林已由撫臣勞崇光派  
兵勦辦

聖學聖方略卷十五

三

徐廣縉又奏言逆匪竄入楚境粵西追勦兵勇  
二萬餘名所需口糧及雜支等項由廣西派員  
支應在永州設立糧臺每月約需銀三十餘萬  
兩至廣西防堵逆匪回竄並勦捕艇匪及各屬  
土匪一切口糧經費每月亦約需銀三十萬兩  
合計每月共需銀六十餘萬兩其湖南原防兵  
勇及續調官兵則另由楚局支應三處糧臺每



月將及一百萬兩而臣隨營糧臺所需尙不在  
此數

國家經費有常籌撥維艱此時防堵富賀一帶亦  
由臣派撥兵勇前往將來勦辦鬱林等屬土匪  
又皆派東省官兵統由臣隨營之局支應則省  
局所發自可量行裁減以免冒濫且臣自抵梧  
州後察知廣西招募壯丁實皆有名無實官吏

欽定剿平粵匪方略卷十五

三十五

之剋扣紳民之冒領在在皆然臣已移咨撫臣  
勞崇光確查辦理務使事皆覈實不得任聽局  
員開報以節軍餉而杜虛糜奏入

上命軍機大臣傳諭徐廣縉曰前諭令徐廣縉葉名琛  
選派得力將弁管帶獲勝兵勇馳往湖南軍營協同  
圍剿並諭令酌派總兵福興統兵前往茲據該督奏  
稱已飭福興統帶精兵二三千名前來廣西就近將

鬱林一帶土匪迅速勦滅自係爲先除本境匪徒並  
資防堵起見惟湖南道州及竄擾江華永明賊匪昨  
據賽尙阿等奏全股東竄徑由水打鋪竄至下灌地  
方屯紮正在郴桂一帶勦辦喫緊之際且恐各省續  
調之兵未能到齊衡永兩郡情形甚爲緊要該督仍  
當悉心體察隨時偵探如楚省急須援應卽酌派福  
興統兵迅由聞道馳往協勦速殄羣醜另片奏量行

欽定剿平粵匪方略卷十五

三十六

裁減省局支應一節所見甚是卽著照所議覈實辦  
理仍移咨勞崇光確切查覈前辦糧臺官吏紳民等  
有剋扣冒領等弊卽著從嚴叅辦至湖南軍餉近又  
請撥三百萬兩已由戶部籌撥一百五十萬其餘另  
行籌款陸續撥給

十六日  
甲子

上諭內閣曰現在湖南軍務未竣賊蹤竄擾靡定各路



帶兵攻勦需材孔亟因思滿漢各營中豈乏材技出  
衆足備干城之選者或因官職較卑限於資格無由  
及時自效殊爲可惜著各該將軍都統督撫等留心  
簡練隨時考察自領將以下無論官職大小有謀勇  
兼裕或材力堪任折衝禦侮者卽行據實保奏候朕  
簡用其鄰近湖南省分如保奏之員可資軍營差遣  
卽奏明請旨飭令該員前赴軍營聽候欽差大臣等  
酌量委用該將軍等其慎加遴選毋濫毋遺用副朕  
整軍經武之至意

聖學方略卷十五

三

十八日 丙寅 前任湖北巡撫羅繞典奏言 臣奉

命幫辦湖南軍務於六月二十八日行抵省城晤院司

道府各官據報所練壯勇廣勇瀏勇湘勇計三  
千二百有零查點均實 臣適連日聞江華永明  
桂陽州嘉禾失守賊匪現由小路紛竄下窺各

處省中紳耆恐賊氛逼近稟留 臣在省防禦 臣  
思省垣爲根本重地自應先固藩籬因與司道  
共商省城南城及大小西門外等處居民鋪戶  
幾萬千家毫無捍蔽惟有樹建木城徧安槍礮  
其沿江之昭山龍潭灣先已設有木筏守兵並  
礮船數隻橫截江面防賊偷渡但江岸左右山  
徑紛歧更須疊設望樓密派伏兵防截以限賊  
蹤數日內與在事官民相度會垣內外情形嚴  
飭擇要速辦務使有備無患奏入報

聖學方略卷十五

三

十九日 丁卯

上命軍機大臣傳諭賽尙阿程喬采曰昨據羅繞典奏  
籌商防禦省城南城及大小西門外樹建木城沿江  
之昭山龍潭灣先已設有木筏守兵各等語江華永



明賊匪竄出前經賽尙阿等奏明其桂陽嘉禾兩城如何失守情形未據馳報嘉禾至桂陽僅百里北界衡州儘再任其竄擾衡湘各路帶兵大員所司何事自賊匪竄入楚境各州縣紛紛失守大兵祇能尾追並不能設奇要擊現在賊衆是否占踞城池意圖越過永州大營直窺衡郡我兵如何截剿使賊不敢北竄該大臣等務卽督飭各軍分扼水陸要隘並飭遠

欽定剿平粵匪方略卷十五

三十九

近各郡縣偵獲奸細確訊賊情則剿辦更易得手其省城外木城或可禦賊若賊以礮火攻撲豈不轉資賊用其木筏一項亦恐運掉不靈賊匪得之適足爲梯衝之具果否適用不致貽患均著該大臣等妥籌辦理思患豫防

二十四日 壬申 賽尙阿程喬采奏言據和春等稟

報六月二十七日賊由下灌分遣數百人復竄

水打鋪地方二十八日和春親督大兵追至下灌常祿等兵至甯遠縣城時賊已於是日早由下灌分竄藍山縣之楠木橋地方及嘉禾縣城殺傷鄉勇嘉禾失守和春常祿等帶兵跟追沿途殺賊數十名二十九日紮營嘉禾縣城外之夏門墟初一日和春督同各鎮將兵勇分路進攻該逆見我兵將至城下遂開槍礮我兵偏近

欽定剿平粵匪方略卷十五

三十九

城根奪門而入賊猶有數百人執械巷戰殺賊一二百名餘匪由北門奔逃我軍追至城外十里之西車灣餘賊四散當於西車灣紮營酌留楚勇四百名守護縣城搜捕餘匪撫諭居民查詢城中文武未知下落常祿之兵行抵新田初二日探報行囊墟地方賊衆數百屯紮桂陽州城業已被陷初三日和春由旌德橋拔營至距



桂陽州城十里之七里亭賊猶占踞我兵掩至  
殺賊數十名適副將明安泰參將虎嵩林都司  
米興朝等帶領湖南四川官兵趕到合力同追  
直至城下斃賊不計其數該逆復由城內擁出  
約二三千人勢甚兇狠我兵連開槍礮該逆數  
次撲來均為我兵壓下是日鏖戰五時之久先  
後斃賊四百餘名千總馬金柱及幫帶楚勇把

聖朝方略卷十五

三

總銀邦光陣亡其餘兵勇亦有傷亡是夜四更  
州城火起和春傳各營兵勇出隊黎明兵勇翻  
越山坡遙見該逆已從東門絡繹前往郴州大  
路探報初三日該逆竄至郴州奪城占踞此次  
賊蹤飄忽旬日之間奔竄數百里我軍節節追  
勦其勢萬難四面合圍猶幸賊至嘉禾桂陽和  
春等大軍緊追奮力勦殺賊眾奔竄兩城旋即

克復臣賽尙阿臣程喬采究屬未能先事豫籌  
臣駱秉章亦有地方之責相應請

旨一併交部議處現在郴州被踞該處地頗豐腴市廛  
屯聚為廣東入湖南要口距州四十里河面船  
隻甚多一以資賊貽害不淺查該處下游永興  
耒陽皆為泊船處所臣程喬采已豫飭地方官  
將船隻盡行撤去該州水路自永耒而下直出

聖朝方略卷十五

三

耒陽河口即達衡州下游偏近長沙陸路由永  
興可走安仁攸縣等屬更可直達長沙臣屢經  
函囑臣駱秉章於川陝新兵陸續到省時截留  
保衛其先到永州之江西官兵一千名現已飭  
令趕赴長沙協同固守以重根本臣賽尙阿即  
於十五日由永州移營馳赴衡州與臣程喬采  
會合一處軍中諸事得以籌商調度並飛咨江



西撫臣於交界嚴防又疊次飛咨廣東督撫臣徐廣縉葉名琛於廣東交界嚴防相機派撥兵勇以備迎擊其桂陽進剿陣亡之千總馬金柱把總銀邦光應請

飭部議卹又銀邦光一員自備資斧投效隨同打仗數十餘次實屬奮勇得力今以殺賊臨陣捐軀尤堪憫惜仰祈

欽定剿平粵匪方略卷十五

三

天恩交部加等照千總例議卹以慰忠魂奏入

上命軍機大臣傳諭賽尙阿程喬采曰逆匪自竄湖南以來勢甚剽悍連陷數城固由土匪到處勾結內應何以各州縣地方官兵既不能先事偵緝又不能嬰城固守該大臣奉命出征一年有餘歷次奏報軍情不過派兵尾追並未迎頭截擊出奇制勝所謂調度者安在程喬采籌辦防堵爲日已久何以地方文武

毫無布置遇賊撲城竟不能相持數日以待外援耶現在賊已越過永郡踞守郴州勢將下竄衡郡竟圖長沙似此蔓延滋擾何所底止賽尙阿現赴衡州與程喬采會籌防剿若再失機宜自問當得何罪各省續調之兵計已到齊衡湘乃楚南門戶最爲緊要該大臣等務當通盤籌畫激勵將士分扼要隘趁此賊匪喘息未定之時併力夾擊迅掃逆氛其廣東廣西江西各省交界處所並著隨時知照一體嚴防毋任竄越

欽定剿平粵匪方略卷十五

四

上又命軍機大臣傳諭徐廣縉曰逆匪自竄入楚境以來連陷數城雖土匪勾結滋蔓總因督兵大臣調度失宜將弁不能用命所致現在郴州又復失陷被賊屯踞該處地頗豐腴市廛屯聚水陸兩路北通衡州長沙而水路尤爲喫緊賊匪勢甚剽悍意在窺伺衡



湘爲直撲長沙之計賽尙阿自統領大兵以來日久無功朕早慮其性情過於慈柔賞罰未能悉當以致將弁等日久生玩不肯用命更恐爲賊匪所窺動輒中其奸計是以前降旨令該督統兵前赴廣西如賽尙阿病體不支卽接受欽差大臣關防專辦軍務及該督到梧州而桂林匪徒已竄楚南彼時艇匪正須剿洗該督勢難兼顧今潯梧一帶漸次廓清卽各處

聖學聖方略卷十五

三

不無土匪勞崇光儘可籌辦較之楚匪情形自當先其所急徐廣縉沈毅有爲朕所深悉現在湖南逆燄鷓張情形甚爲喫重已明降諭旨著徐廣縉統兵前往湖南會剿著卽將高州鎮總兵福興所帶得勝之兵數千名迅速統帶馳赴衡州一帶扼要調度毋稍遲延並將此旨宣示賽尙阿卽將欽差大臣關防交徐廣縉祇領軍營及地方文武各員統歸節制該大

臣務當整飭紀律嚴明賞罰以期壁壘一新迅殄羣醜庶釋朕南顧之憂也賽尙阿交卸關防後仍著奏明聽候諭旨至廣西土匪卽責成勞崇光妥爲防剿上又命軍機大臣傳諭葉名琛曰賽尙阿程商采馳奏賊匪竄踞湖南郴州已有旨諭令徐廣縉由廣西帶兵馳赴湖南會剿所有兩廣總督並欽差大臣關防著葉名琛署理廣東巡撫卽著柏貴暫署楚粵交界地方防堵緊要該署督務嚴飭提鎮及地方文武員弁隨時偵探扼要設防儻須越境夾擊毋稍拘泥致失事機至廣西湖南兩省軍餉如有緩不濟急之處該署督撫趕緊設法籌備以資撥解

聖學聖方略卷十五

三

上諭內閣曰賊匪自道州竄出後於六月二十七日由下灌地方擁入嘉禾縣城經和春常祿等分路進攻七月初一日逼近縣城奪門而入賊由北門竄出我



軍追勦賊匪於二十九日分股已入桂陽州城我軍於初三日跟蹤追勦該逆全夥竟由桂陽竄出又陷郴州該大臣等調度無方實難辭咎賽尙阿程喬采均著交部議處駱秉章有地方之責著一併交部議處所有勦賊陣亡之千總馬金柱著交部議卹把總銀邦光著交部加等照千總例議卹其嘉禾桂陽郴州三州縣文武員弁著該大臣等確查奏明辦理賽

欽定剿平粵匪方略卷十五

三

尙阿現由永州移營衡州與程喬采會籌調度各省新調官兵刻下計已陸續到齊著徐廣縉卽統帶得勝將弁兵勇迅速馳赴湖南衡州會同勦辦務期同心協力迅掃賊氛以慰朕望

二十五日酉癸正紅旗蒙古副都統阿彥達奏言

臣近閱邸鈔賊勢若如奏報所云窮蹙不支原無難一鼓殲除但恐賊匪別蓄奸謀仍用前由

永安竄逸故智將空城棄置占踞險要竄擾別城官兵又將曠日持久而賊氛不能迅滅是誠不可不豫爲謀慮也臣管見所及謹就現在軍務情形約擬四條敬爲我

皇上陳之一地勢宜審也自來行軍之道以明地勢爲要務湖南廣西各地方山深林密路徑險窄應請

欽定剿平粵匪方略卷十五

三

飭下帶兵大員務將賊匪屯聚出沒之區道途形勢審察明確何處寬展宜於進軍何處險要宜於防守何處可以繞越何處可以飛攻然後相機而進攻堅擣虛不難聚族殲蕪一募勇宜汰也查召募鄉勇多緣地方事起倉卒一時兵力未齊不得不借資衆力俾壯聲威然應募者多游手無賴之徒藉以託身餬口未必果有敵愾之心



應請

飭下辦理軍務各臣將無用之勇設法裁汰有得力者

酌量留營用以哨探賊情防備口隘或尙不致

偵事一紀律宜明也我

朝營制立法盡善祇以承平日久武備漸弛不惟

兵不知兵抑且將不知兵應請

飭下帶兵大員務將軍規條約三令五申俾將士兵丁

勦平粵匪方略卷十五

三十九

各遵約束一法令宜嚴也此次廣西軍營每獲

勝仗其勇往出力者經該管大臣保奏往往多

至數十員閒遇失挫之時從未聞以軍法從事

卽具摺奏參尙復留營差委以觀後效至失守

城池之地方文武亦多曲爲開脫不加重懲臣

以爲法不嚴則人多玩人多玩則令不行應請

飭下辦理軍務各臣凡立功出力之人自當據實保奏

如有桀驁不馴推諉不前及防守不力失陷疆

土者覈其情節重輕照依軍法立予重懲如是

則法立令行人知感畏其有仍前玩愒而不殺

敵致果者蓋鮮矣

同日江南道監察御史黎吉雲奏言湖廣督臣

程喬采去年奉

命馳往廣西防堵該督專駐衡郡城中去廣西界尙三

勦平粵匪方略卷十五

四十一

四百里之遙駐衡幾及一年如結寨築堡守險

設伏諸法均未講求當賊破全州渡黃沙河至

永州正在抵禦喫緊之際該督乃於四月二十

五日微服乘小漁船棄衡州而下城中官民泣

留不得又適接到永州勝仗之報遂於五月初

四日復往衡州自該督起程後沿途各屬驚傳

制軍逃走均疑永州已破居民相率奔竄老弱



婦女投河死者不計其數夫賊蹤尙遠該督舉動一輕遂使數郡居民受害至此臣籍隸湘潭諸所指陳皆有時日可按事蹟可稽既居言職不得不據實直陳

黎吉雲又奏言臣昨見同鄉信函多言賽尙阿現在患病其言當非憑空結撰臣伏讀本月十四日

欽定剿平粵匪方略卷十五

聖

上諭據奏云該匪不能窺伺甯遠又云竄往下灌地方游弋屯聚臣查下灌卽係甯遠所屬之地省郡縣志可稽該大臣等語涉支離似亦卽係精神不能照顧之證當此事情重大若果該大臣患病恐致貽誤軍情均奏入

上命軍機大臣傳諭徐廣縉曰本日黎吉雲奏督臣程喬采專駐衡郡防堵幾及一年全無籌畫當軍務喫

緊之際退回省城以致人心動搖是其舉動著黃中情恇怯已可概見著徐廣縉按照摺內所指情節逐一訪察如果確實卽行據實奏另片奏傳聞賽尙阿患病甚劇前奏賊竄下灌語涉支離卽係精神不能照顧之證著一併查明密行覆奏又據副都統阿彥達奏陳軍務四條如募勇宜汰一條頗中時弊著卽體察情形酌量辦理朕旣命徐廣縉爲欽差大臣

欽定剿平粵匪方略卷十五

聖

事權歸一自當乘此聲威力加整飭各路官兵如有玩誤軍令者卽行嚴叅治罪賊匪現竄郴桂之間意圖下窺衡湘著於接奉諭旨後迅速督帶官兵前往並將起程日期先行馳奏

二十六日甲戌常大瀆奏言湖南岳州府爲北省

上游水陸門戶臣前奏以該處防堵緊要擬卽親往查勘拜摺後帶同鹽法武昌道王東槐等



於十三日馳抵岳州府接見該府廉昌等俱以  
洞庭湖直接長沙府所屬之湘陰縣順風揚帆  
半日可達郡城必應籌備嚴密隨傳到紳士候  
補中書吳巽行官名士邁降調知府方宗鈞籌  
議據稱吳巽行住居洞庭湖濱之鹿角承辦敦  
善堂救生公局凡湖中大小漁船皆有名冊可  
稽向備堂中救生之用現值粵匪滋擾志切同

欽定四庫全書

聖

欽定四庫全書

仇威願出力捕勦可以豫爲雇募平日操練所  
需辛資雇價伊與方宗鈞捐備無須開銷 臣隨  
與議定章程優立賞格傳集漁總承認挑雇漁  
船五百隻漁勇二千名漁泗五十名卽交該紳  
士吳士邁管帶就近在湖港密爲演習除平日  
由該紳士捐給資費外所需防堵經費及應行  
製備各項概由北省支應 臣仍隨時委員會同

該紳士籌備哨探以期周備 臣查勘事畢於十  
九日抵省連日接閱南省探報賊匪自竄出道  
州後連擾嘉禾等處刻下衡州長沙軍情緊急  
湖北防堵更加喫重亟應添兵防守相應請  
旨飭下安徽撫 臣挑取精兵一千名河南撫 臣挑取二

欽定四庫全書

聖

欽定四庫全書

再省城防守最重除現在募勇並團練外已挑  
備存城兵一千名逐日操練又荆州駐防滿營  
除守城外並挑選精壯一千四百名豫備各路  
臨時禦敵之用  
常大澗又奏言接督 臣程喬采函稱拏獲奸細  
訊據供稱逆匪欲從衡州一路攻取長沙直撲  
湖北荆州囑卽飛致將軍密爲籌備 臣查荆州  
緊接南省急應嚴密布置杜其竄越前經荆州







著蔣文慶陸應毅於安徽選備精兵一千名河南選  
備精兵二千名豫派得力將弁妥備軍裝器械聽候  
常大瀆咨調

聖學方略卷十五

聖

欽定勦平粵匪方略卷十六 壬子年

八月初一日己卯徐廣縉奏言七月十一日奉到

諭旨飭令提督向榮接印任事十二日該提臣函稱已

准撫臣勞崇光恭錄

諭旨知照惟因病難速痊求臣代為奏請開缺等情接

閱之下殊深駭異查向榮屢經棄取錄用

高天厚地捐糜難酬乃六月二十七日先已接印任事

聖學方略卷十六

一

七月初六日奉到

上諭之後竟敢藉詞病難速痊求為奏請開缺實屬喪

心昧良現當楚粵兩省防勦喫緊之時儻武員

相率效尤何以挽將士驕蹇之頽風而宏

國家駕馭之遠略相應請

旨將廣西提督向榮革職發往新疆充當苦差以為藉

病規避者戒奏入

一五二二 子 廣 學 方 略 卷 十 五 〇 頁 三 十 日



上命軍機大臣傳諭徐廣縉曰前因湖南賊匪連陷數城賽尙阿統領大軍日久無功諭令徐廣縉帶兵馳往祇領欽差大臣關防軍營及地方文武統歸節制該大臣接奉前旨著卽帶兵馳赴衡州相機籌畫調度勿令賊匪下窺衡湘致難措手總兵福興本日已補授廣西提督如須帶往湖南差遣其提督印務卽行派員署理湖南永州鎮總兵孫應照是否得力並

欽定剿平粵匪方略卷十六

二

著隨時察看據實具奏如不勝任卽派員署理毋令貽誤

上諭內閣曰朕因向榮久歷戎行才尙可用於道光三十年八月特旨調任廣西該提督到任以來偶有戰功無不立加優敘其官村古東兩次戰敗輒卽稱病遷延久曠職守朕以忠厚待人不爲逆億僅予薄懲旋卽復任提督賞還花翎並念其保守省城勞績開

復革職留任處分加恩伊子向繼雄以同知用前據吳文鎔張亮基奏其夸詐冒功飾智欺人徐廣縉亦查其趨避過明非人是已朕俱不爲深究該提督宜如何激發天良痛改積習感朕棄瑕錄用之恩力圖殺賊立功之效乃本日據徐廣縉奏向榮於六月二十七日先已接印至七月初六日奉到飭令任事之旨竟稱病難速痊求該督奏請開缺朕不料向榮

欽定剿平粵匪方略卷十六

三

喪心昧良膽大藐玩至於此極國家用人原期其才能幹濟卽使功過不掩亦不妨舍短取長若向榮如此存心殊出情理之外現當粵楚軍務喫緊之際該提督從容觀望竟欲置身局外且可藉口於朝廷不能用其才統帥不能盡其力若軍營相率效尤兵驕將玩更復何所懲戒耶向榮著卽革職發往新疆效力贖罪以爲辜恩巧避者戒



初五日 癸未 掌福建道監察御史張銘謙奏言廣

西賊匪竄入湖南道州等處賊蹤無定伺隙奔

突必須豫籌防堵杜其勾結自衡湘以北切近

洞庭水路之防更為喫緊必須招募熟習水勇

先期布置湖南湖北二省雖有額設水師但承

平日久武備易弛恐難得力擬照陸路團練之

法各就地方招募水勇以備差遣查湖南之洞

欽定四庫全書

四

庭湖北之大江均有捕魚小船不下數千百隻

名曰網划其船輕利便捷不畏波濤大船不能

行之時彼能前行大船不能到之處彼能獨到

其人以船為家童而習之何處可以停泊何處

可以偷渡無不周知又大江口岸水手慣習打

撈名曰水摸其人善於鳧水若以水摸之人乘

捕魚之船或作水師探報或作水師嚮導或為

兵船護衛賊雖窺伺無所施其伎倆但此輩皆

係窮民易以利誘若不早為招募轉恐為賊所

用應請

旨飭下督撫大臣行知該地方官廣為招募先行團練

編列字號統以水師堅明約束厚食以固其心

重賞以鼓其勇使若輩協力防堵以助水師之

聲援必能事半功倍奏入

欽定四庫全書

五

上命軍機大臣傳諭程喬采常大瀆駱秉章曰御史張

銘謙奏湖南湖北籌辦防堵請招募水勇一摺漁戶

熟諳水性若用之得宜亦可以備緩急著該督撫等

飭屬各就地方情形詳加體察諮訪紳民如漁船可

用即行妥為豫備一遇警急該漁戶等既可自保生

業亦可協助水師剿捕因思楚省當此防剿喫緊之

時府廳州縣稽察彈壓尤貴得人若才力不及平時



既不能振作又安望其爲民禦侮捍患該督撫等務須嚴加甄汰另擇人地相宜之員隨時酌調毋稍遷就

初六日甲申署兩廣總督廣東巡撫葉名琛奏言

四月二十六日逆匪由廣西全州竄踞湖南道州該省之江華永明藍山嘉禾桂陽郴州皆係鄰境卽兩粵各屬交界亦多相通是逆匪大股

欽定剿平粵匪方略卷十六

六

雖在楚境其牽掣兩粵情形實則並重臣與督

臣徐廣縉隨時咨商先期調度豫咨陸路提臣

崑壽統率兵勇馳赴陽山復又移紮連州扼要

防堵查逆匪甫踞道州之初廣東之連州綏濬

廳最爲喫重而連州尤爲緊要先經該提臣移

軍駐守督同各文武晝夜巡緝陸續拏獲奸細

四十五名並起獲尖刀銀兩及置買貨單內有

太平天國聖庫六字圖記隔別研訊各據供稱

皆籍隸道州江華零陵永明等處因逆匪遣令

假扮客商來探路徑有無兵壯防守等語其爲

該逆窺伺已可概見迨逆匪由道州竄出後六

月初八日先踞江華十四日復踞永明其大股

仍在道州二十六日寅刻全股竄出卽於二十

七日破嘉禾二十八日破藍山二十九日破桂

欽定剿平粵匪方略卷十六

七

陽州七月初二日破郴州臣查桂陽郴州與宜

章皆相緊接而宜章與廣東樂昌之平石汛白

家山三峯堆尤爲密邇他如樂昌之銅羅坪黃

土嶺乳源之白牛坪管埠汛仁化之城口汛陽

山之私人劫亦無不與桂陽宜章相連提臣現

駐連州所帶兵勇三千餘名分布各隘未能再

行抽撥兼之韶連各屬均與江華藍山江藍臨



武宜章桂陽交界相距皆不過百餘里或數十  
里若必待連州分兵往應亦恐緩不濟急 臣委  
順德協副將通安前往接護南韶鎮篆並另派  
兵勇三千名令其督帶馳往防勦一面飛咨提  
臣互相策應遂為聲援 臣由羅定晝夜兼程已  
於十二日抵省現在加緊籌防

勦平粵匪方略卷十六

八

同日常大瀆奏言據湖南岳州府知府廉昌稟  
稱粵匪勾結土匪竄入安仁攸縣攸縣距岳城  
甚近稟請調兵一千名赴岳堵禦等情 臣查湖  
南岳州府城及所屬之巴陵臨湘平江各縣均  
係緊連湖北現在匪勢猖獗業已竄擾攸縣並  
據南省探報醴陵瀏陽情勢俱極危急近偏岳  
郡亟應協力堵禦務保岳郡無虞方免蔓延楚  
北 臣當即飛咨提 臣博勒恭武將前帶赴岳安

設水路之官兵一千餘名迅即移於岳州府城  
南陸路要隘紮營探明賊蹤調度堵禦並飛咨  
程喬采駱秉章迅由長沙就近分派官兵馳赴  
岳州一路勦辦 臣亦擬添兵前往交與提 臣協  
同防勦且湖北交界如蒲圻通城崇陽各縣路  
徑紛歧均應添兵以備堵勦各路距省僅三五  
百里不等省垣存兵止有千餘名外營無可再

勦平粵匪方略卷十六

九

調查湖北官兵前經調赴粵南共計六千餘名  
此時應在南省就近撥回策應相應請  
飭下賽尙阿程喬采迅將所調湖北官兵剋日遣令  
回省俾資調撥均奏入

命軍機大臣傳諭葉名琛曰逆匪由道州紛竄連陷  
數城所有廣東毗連各屬先經葉名琛移咨提督崑  
壽統率兵勇移營連州扼要防堵旋因韶連各屬均



與江華藍山江藍臨武宜章桂陽各州縣互相毗連復委副將通安帶領兵勇馳往防剿是該省籌防尙爲周妥本日復據常大瀆奏賊復竄入安仁攸縣東奔西突觸處堪虞楚粵毗連各要隘急應嚴密巡防柏貴起程北上已有旨仍令折回署理巡撫著葉名琛卽酌帶將弁兵勇前赴連州一帶楚粵扼要地方駐紮調度且可與廣西近楚邊界聲息相通隨時咨

欽定剿平粵匪方略卷十六

十一

會勞崇光籌辦一切徐廣縉抵楚後如剿匪得手仍須兩省夾擊該署督卽帶領弁兵出其不意越境協剿使該匪腹背受敵則殲滅更可迅速

上又命軍機大臣傳諭常大瀆曰粵匪竄踞道州連陷數城復竄安仁攸縣岳州戒嚴該郡與湖北連界常大瀆請將調赴湖南官兵就近撥回自係爲賊情緊急起見惟湖南剿匪正須厚集兵力前調湖北各兵

能否撥回勢難遙制著該撫隨時咨會欽差大臣等應如何移緩就急之處酌量辦理該撫卽會同將軍台湧提督博勒恭武妥爲布置於毗連各要隘嚴密設防斷不可稍有疏虞

上又命軍機大臣傳諭賽尙阿程喬采曰據常大瀆所奏各情衡州長沙岳州各屬已均有賊匪竄擾官軍祇知尾追從未迎頭截擊且偵探賊情並無的信如

欽定剿平粵匪方略卷十六

十二

廣東現獲奸細四十餘名皆道州江華零陵永明等處人爲賊探路起獲貨單等物自係假扮客商希圖潛跡若湖南亦能確探賊蹤先時防備何至被其勾結連城失守我軍布置機宜旣不能慎密而賊匪轉得窺伺官軍消息恣意橫行所謂知己知彼者安在耶現在徐廣縉是否已抵湖南賽尙阿移營衡州以後與程喬采如何布置兩楚交界如何設防並賊匪



竄擾各處情形著卽迅速據實奏聞毋再延宕

上又命軍機大臣傳諭徐廣縉曰前有旨令徐廣縉馳

往湖南接受欽差大臣關防督辦軍務諒已接奉起

程矣本日據常大瀆馳奏粵匪勾結土匪竄入安仁

攸縣恐由瀏陽小路竄入平江距岳州甚近探知醴

陵瀏陽情勢俱極危急等語是逆匪竄出道州以後

勢更猖獗江華永明桂陽嘉禾郴州之陷疊經賽尙

聖學聖方略卷十六

十二

等奏到聲敘月日亦未明晰茲據葉名琛奏自六

月初八日賊匪先踞江華至七月初二日攻破郴州

中聞尙有二十八日攻破藍山之事似此情形不但

衡州可以超越長沙岳州亦萬分喫重該大臣抵楚

後卽將前奉諭旨宣示賽尙阿接受欽差大臣關防

統領全軍計賊匪現雖肆擾尙在奔突未定之際且

官軍勇練數萬人若得人調遣何至任賊橫行總由

賽尙阿督師日久無功兵與賊均不免心生玩視該

大臣當嚴定賞罰申明紀律爲一鼓成擒之計岳州

勢當孔棘兩省交界處所尤當力籌堵禦萬不可再

令蔓延湖北兵力較單豫皖徵調恐到亦需時如何

計出萬全俾居民不致驚擾之處著與常大瀆妥商

辦理柏貴現在折回廣東葉名琛卽可馳赴連州防

堵如楚省勦辦得手有須夾擊之處並可越境圍攻

聖學聖方略卷十六

十三

一切調度著徐廣縉與葉名琛隨時酌辦其廣西防

勦事宜卽責成勞崇光經理

同日陸建瀛奏言臣查江西之袁州吉安南安

三府皆與湖南之郴州等處接壤湖南賊勢猖

獗江華永明嘉禾三縣及桂陽郴州二城失守

江西沿邊處所皆已震動署撫臣陸元烺調撥

官兵分赴各縣妥爲堵禦並委署鹽法道王訓



前赴袁州其吉安南安一帶卽責成該管鎮道  
督率辦理布置似已妥協惟賊情叵測江西巡  
防誠不可不慎之又慎昨又接安徽撫臣蔣文  
慶咨准湖北督撫臣咨會豫備安徽官兵一千  
名前往湖北防堵業已遵照挑備一俟准調卽  
行起程等情臣查安徽省爲江西唇齒之區該  
二省額兵本屬無多前已調派安徽壽春官兵

欽定剿平粵匪方略卷十六

十四

一千名前赴廣西又調江西九江官兵二千名  
前赴湖南設該逆竟敢直撲長沙省城或擾及  
近省之湘潭等縣則湖北之漢口一帶卽行戒  
嚴九江地處下游一水直達彈壓無兵民情難  
免驚惶况袁州等處已近賊氛設有緩急不能  
不就近藉資安徽兵力臣當飛咨安徽撫臣卽  
將豫備湖北徵調之官兵一千名俟得江西續

報再行調遣奏入

上命軍機大臣傳諭蔣文慶陸應穀曰前經降旨令蔣  
文慶於安徽選備精兵一千名陸應穀於河南選備  
精兵二千名聽候湖北咨調本日據陸建瀛奏稱安  
徽所謂之兵請俟江西得有續報再行調遣等語惟  
現在湖北籌防緊要皖豫距楚道途較近自應先其  
所急著蔣文慶陸應穀仍遵前旨於各營兵丁抽撥

欽定剿平粵匪方略卷十六

十五

足數迅卽派往備用

初八日丙戌署江西巡撫羅繞典前任湖南巡撫  
略秉章湖南提督鮑起豹奏言粵匪竄擾楚境  
臣鮑起豹准大學士臣賽尙阿照會赴省防堵  
並派撥江西官兵一千名防護省垣旋准督臣  
程喬采來咨郴州賊匪探聞欲由醴陵竄越江  
西囑卽撥兵赴醴陵茶陵攸縣堵禦該匪自出



道州久有分路撲省之謠正在調撥官兵分投防堵突聞安仁攸縣於十八九等日失守賊即轉竄醴陵至二十八日辰刻猝至省城偏近南門外妙高峯駐紮臣等當即飛調石馬鋪等處屯紮之陝西各營官兵相機合剿並於城上密排礮位督飭四川江西各營兵勇登陴開放與該匪對擊相持兩時之久復運大礮於南城魁

勦平粵匪方略卷十六

十六

星樓上連向賊營轟擊經四川營弁兵瀏陽鄉勇首先斃賊百餘人賊勢稍退復向大西門小西門一路潛行及東南鰲山廟等處分駐臣等復咨西安鎮福誠等約會各營兵勇設法圍剿並於招募瀏陽勇二千名內先飭五百名向前迎敵擊斃百餘人查據現到賊匪土匪已有萬人尙有大股在後湖南省城防守兵勇甚形單

弱臣等惟有激勵將士熟商防剿並飛咨徐廣縉迅飭和春管帶大兵來省應援仍督飭員弁紳士分帶兵勇團練豫防土匪嚴查奸細以期人心固結兇燄立除羅繞典又奏言再臣奉旨試辦築堡事宜現屆秋收農事未暇須俟收穫事竣先擇緊要處所遵

勦平粵匪方略卷十六

十七

旨試行正在查辦聞忽值賊匪圍偏省城亟籌防剿祗得從緩試辦至省城駐兵本單先經臣查瀏陽鄉勇人甚果敢會商撫臣招募壯勇二千名以備調遣此次開仗亦尙得力奏入

上命軍機大臣傳諭羅繞典鮑起豹駱秉章曰羅繞典等奏賊匪攻陷安仁攸縣轉竄醴陵猝至省城偏近南門長沙為楚南根本重地逆賊既由間道疾趨而



來並有大股匪徒在後何以衡州大營官軍先期並無偵探沿途又未邀擊豈衡州刻下亦被賊圍撲耶且恐賊計詭譎陽撲省城而陰遣夥黨竄擾岳州湖北防兵亦僅能自顧無暇越境攻擊朕心殊深焦灼賊匪踞高憑險復分撲近城各處我兵必須於城外要隘倚角環攻令賊進有堅城之阻退無奔竄之路內外夾擊方可大挫兇鋒現已飛飭賽尙阿等速派

欽定剿平粵匪方略卷十六

十六

鎮將督帶大兵前來接應該撫等惟當激勵將士安撫居民毋令張皇遷徙督率地方紳士勸募勇壯分守各門偵拏奸細盤詰賊情虛實一面密遣得力文武官弁設奇出剿勿徒株守城中專待外援致令賊勢更熾羅繞典昨已有旨令署江西巡撫此時防守緊要自未便分身前往俟張亮基抵任省圍解後再行奏明請旨湖南防剿情形並著隨時知照常大瀆

一體嚴防毋稍疏懈

上又命軍機大臣傳諭賽尙阿程喬采曰道州逆匪由醴陵奔至長沙省城偏近南門外妙高峯分擾近城各處大軍現紮衡州乃任聽賊從間道直逼長沙並不派兵邀擊亦未據報近日攻剿情形豈坐擁重兵待賊自斃耶現在羅繞典等督飭四川江西各營兵勇登陴守禦省垣重地豈可稍有疏虞如衡郡尙未

欽定剿平粵匪方略卷十六

十九

被圍賽尙阿即帶領大兵迅赴長沙一帶督飭鎮將員弁於城外水陸各要隘分路攻擊使賊匪腹背受敵更宜嚴拏奸細多設偵探不惟知彼知己且內外聲息相通互資策應則剿滅更易得手惟賊情詭譎難保不分股竄擾或徑窺岳郡或轉掠衡州亦宜偵探的確豫爲布置並著程喬采督飭文武員弁分路堵禦以杜紛竄毋但坐擁郡城一籌莫展



上又命軍機大臣傳諭陸建瀛陸元烺曰江西吉安瑞州袁州各屬多與湖南毗連且賊匪本有由醴陵窺越江西之謠邊界地方亟應嚴密布置至團練保衛及地勢夷險情形本省紳士尤為熟悉前任刑部尚書陳孚恩現告養親回籍近在省城即著幫同陸元烺辦理一切團練防堵事宜隨時商酌務使官民聯為一氣

聖朝方略卷十六

三

上又命軍機大臣傳諭徐廣縉曰本日據羅繞典等奏賊匪由醴陵猝至省城逼近南門占踞妙高峯經羅繞典等督率官兵登陴轟擊賊勢稍卻復由大小西門至東南鰲山廟一帶潛行分擾雖省垣防守尚為嚴密而兵力未免單弱現已有旨令賽尙阿統領大兵赴援而衡州是否被賊圍撲亦尙未據奏報朕南望焦灼寢饋難安該大臣何日由粵帶兵起程抵楚

後應於何處要隘紮營何處分兵截擊總期迅速援剿萬勿稍誤事機且賊自郴州北趨越衡郡而徑撲長沙不顧我軍之襲其後若帶兵大員調度得宜賊之冒險深入亦有孤注之勢大兵前後夾擊何難一鼓殲擒但恐師老力疲將士驕玩畏蕙致令賊氛日熾坐失事機軍情變幻且夕不同亦難遙度想該大臣與朕同此焦思定能權衡緩急計出萬全也其兩

聖朝方略卷十六

三

粵防堵事務該大臣隨時與葉名琛勞崇光互相知照並將楚中剿賊情形與確探賊蹤所向隨時知會廣東廣西或嚴守邊界或越境痛剿妥籌辦理  
初十日戊子陸建瀛奏言接陸元烺函稱據各屬探報湖南之永興安仁攸縣於七月二十四十九等日先後被賊蹂躪二十日已至茶陵州該州與江西之蓮花廳壤地相接勢甚危急又



聞該逆有由蓮花廳至永新縣而趨吉安府城之謠臣查此時逆匪俱在茶陵州一帶江西之吉安等處已成切膚之患相應請

旨將湖北省奏調之安徽官兵一千名飭令帶兵各官先由捷徑馳赴江西聽候署撫臣調遣臣仍會同安徽撫臣蔣文慶再於江蘇安徽官兵內選調精兵一千接續前進

欽定剿平粵匪方略卷十六

三

同日常大瀉奏言臣查粵匪自廣西全州竄踞湖南道州連擾江華永明嘉禾桂陽各州縣旋竄踞郴州分踞永興旬日之間復分股竄擾安仁攸縣直由醴陵攻撲長沙勢甚猖獗下游岳常二府緊接長沙多與湖北連界竊計南省粵匪已由兩廣督臣徐廣縉帶兵赴南會剿長沙以下必須多兵迎頭攔截堵回合剿方可一鼓

殲除否則大兵在後尾追賊必由岳常直撲湖北湖北口隘紛歧在在需兵提臣博勒恭武駐紮岳郡分設防守止兵一千餘名尤須添派前往協助所有奏奉

諭旨准調安徽河南之兵值此賊情緊急未便緩期少調應再請

飭下安徽撫臣將所調兵一千名河南撫臣將所調兵

欽定剿平粵匪方略卷十六

三

二千名迅速如數派齊催令來楚俾資調撥均奏入

上命軍機大臣傳諭陸建瀛曰陸建瀛奏湖南之永興安仁攸縣先後被賊蹂躪七月二十日已至茶陵州與江西接壤勢甚危急請將湖北所調安徽官兵改赴江西惟本日常大瀉奏賊撲長沙省城恐分竄岳州常德直逼湖北是現在情形湖北尤為緊要所有



前調安徽官兵一千名著仍遵前旨飛速調赴湖北至江西兵力不敷著該督卽會同楊文定蔣文慶於江蘇安徽二省官兵內選調精兵二千名馳赴江西吉安袁州瑞州一帶聽候署巡撫陸元烺會同在籍尙書陳孚恩酌量調遣

上又命軍機大臣傳諭常大瀆曰前諭令蔣文慶等仍遵前旨抽撥官兵趕緊派往湖北本日復諭令江蘇

聖學圖方略卷十六

三十四



安徽派官兵二千名以備江西防堵並於陝甘兩省再備精兵三千名豫備接替以壯聲勢其先經該撫奏調之安徽兵一千名亦諭知陸建瀛等仍派赴楚卽著該撫與將軍提督扼要派撥妥爲布置毋稍疏虞又命軍機大臣傳諭舒興阿張祥河曰湖北江西兩省防堵緊要已有旨令安徽河南各調精兵迅赴各

該省聽候調遣惟豫皖兩省調兵過多須於鄰省備調接應以壯聲威著舒興阿張祥河於陝甘各標官兵內選備精兵三千名如安徽河南等省咨調卽奏明派往毋誤

十一日己丑羅繞典駱秉章鮑起豹奏言臣等昨

因賊匪猝至省城城中僅存四川江西官兵二千餘名賊勢猖獗不敷防守當卽飛調駐紮金

聖學圖方略卷十六

三十五



益嶺之沅州協副將朱瀚管帶九谿等營官兵又咨飭陝西西安鎮福誠潼關協副將尹培立等分帶陝西官兵設法圍剿並咨賽尙阿程喬采迅飭和春管帶大兵來省應援二十九日該匪復於妙高峯上對城開放槍礮兵勇幸未損傷臣等指揮弁兵於城上用槍礮擊斃數十人該匪挑土肩石蟻聚壘上意欲建築礮臺臣鮑



起豹督飭將弁用大礮連向轟擊傷斃數十人  
闕然四散經臣等先遣瀏勇千餘人豫伏山下  
攔頭截勦又斃百餘人瀏勇亦有傷亡該匪仍  
踞鼇山廟及馬姓高屋於牆隙疊開槍礮我兵  
分投放火將鼇山廟馬姓高屋焚燬該逆不能  
存身亦卽紛逃兵勇截殺該匪大股繼至寡不  
敵衆而金盆嶺之沅州協副將朱瀚先於二十

欽定剿平粵匪方略卷十六

三六

八日因石馬鋪陝西營盤失守前往接應復有  
賊繞黃土嶺回撲該副將營盤兵勇四散其在  
石馬鋪陝西潼關協副將尹培立等管帶陝西  
兵二千名亦先因與賊匪開仗尙無下落現在  
該匪屬集南門外之金雞橋並瀏陽門外之校  
場時復游弋小烏門等處人數甚衆晝夜環攻  
臣等疊次飛咨臣賽尙阿臣程喬采將前撥安

仁之河北鎮及鄧紹良並張國樑等兵勇六千  
名先赴省垣並咨現在岳州防堵之湖北提臣  
博勒恭武迅帶官兵前來應援又沿途迎提下  
游川黔等省未到官兵一面飛咨賽尙阿等迅  
催和春帶兵來省救應臣等惟有設法固守力  
保危城斷不任稍有疏失奏入

上命軍機大臣傳諭羅繞典鮑起豹略秉章曰逆匪大

欽定剿平粵匪方略卷十六

三七

股環偏城垣金盆嶺之沅州協副將朱瀚及石馬鋪  
之陝西各營盤均先後失利該匪現聚南門等處其  
北路一帶諒不至於阻隔所有城內應需等物務須  
設法轉運源源接濟毋致有匱乏之虞方可持久仍  
須時出奇兵以撓賊勢賽尙阿統領大兵此時諒已  
行抵長沙湖北提督博勒恭武紮營岳州去長沙甚  
近計不日亦可帶兵趕到徐廣縉自廣西督帶精兵



計亦行抵楚境該撫等惟當激勵守城兵民紳勇竭力固守無稍疏懈各路援兵一到即飭城內兵勇與城外各兵併力夾擊陝西西安鎮總兵福誠潼關協副將尹培立並沅州協副將朱瀚現在城外何處潰兵如何收集有無退避情事查明具奏

上又命軍機大臣傳諭賽尙阿程喬采曰賊匪圍逼湖南省城情形危急該大臣等統領重兵防勦賊匪保

聖學方略卷十六

三

衛地方是其專責乃任聽賊眾猖獗進逼省城漫無應援且省城被圍情形何以該大臣等並未具報現據羅繞典等奏稱已疊次飛咨該大臣等派兵救應是文報猶未阻絕豈奏報轉難馳遞耶著將現在賊勢及勦辦情形迅即據實具奏並著賽尙阿統帶各路將弁兵勇趕赴長沙合力援勦徐廣縉此時想已帶兵抵楚湖北防堵之兵已諭令相機赴援該大臣

務當振刷精神策勵將士毋再玩延致干重罪

上又命軍機大臣傳諭徐廣縉曰前經疊次降旨令徐廣縉帶兵兼程前赴湖南督辦軍務本日又據羅繞典等馳奏逆匪圍逼長沙甚為緊急恐賽尙阿等現在衡州形勢隔絕呼應不靈即派兵赴援亦恐不善調度致失事機該大臣接奉此旨務即星速帶兵前來並隨時偵探賊情相機籌辦

聖學方略卷十六

三

上又命軍機大臣傳諭台湧常大瀉博勒恭武曰逆匪攻撲長沙省城湖南湖北唇齒相依若長沙稍有疏虞則湖北更難防堵台湧現在荆江一帶擇要嚴防博勒恭武近在岳州著即督帶官兵星速馳往長沙援勦該將軍等當酌量緩急毋得坐失事機

上諭內閣曰逆匪自竄踞郴州以後膽敢繞越衡郡直撲省垣賽尙阿等若能迎頭截擊何至令其肆行衝



突即偵賊匪實屬深入亦應迅速發兵救護將現在  
攻剿情形詳悉奏聞何以半月以來並無奏報殊出  
情理之外賽尙阿程喬采均著摘去頂戴拔去花翎  
仍著賽尙阿統帶官兵馳往長沙徐廣縉此時當已  
帶兵行抵楚境著卽併力夾擊湖北提督博勒恭武  
現在岳州防堵亦著帶兵前進趕緊應援羅繞典等  
務當激厲兵勇紳民盡力守護朕現復簡派各省勁

聖學聖方略卷十六

三十一

兵卽日赴援賽尙阿統帶全軍程喬采節制兩楚均  
屬責無旁貸儘再玩誤失機自問當得何罪

十二日庚寅賽尙阿程喬采奏言臣等伏查自賊

踞郴州後卽經嚴飭各軍分投截剿雖據各路  
探報屢經獲勝尙未挫其兇鋒現在逆匪大夥  
及各逆首仍踞郴州永興與甯安仁各土匪勾  
合起應並聞賊中有將由衡州直撲長沙荊州

之謠州縣官民勇練一聞賊至立時奔潰以致  
所在城池失陷賊氛愈熾各處土匪勾連愈衆  
和春等大軍與賊大夥相持恐賊故分其勢希  
圖掣我兵力更滋猖獗殊於大局攸關未敢輕  
動安仁城池現已收復其永興之賊分踞已衆  
總兵常祿一軍兵力尙單不敷攻剿臣等飭令  
叅將德亮將所帶張國樑等捷勇四千餘名歸

聖學聖方略卷十六

三十二

其調遣以期併力進攻惟安仁之匪又已前竄  
攸縣醴陵各地方該處與江西吉安袁州所屬  
在在毗連節經臣等飛咨江西撫臣飭吉安袁  
州等府嚴密籌防又咨閩省督撫將所調福建  
官兵三千飭令取道江西來楚儘賊匪竄至江  
西境內卽可迎頭堵擊刻下郴州大夥賊勢未  
衰廣東韶州府屬仁化縣本月初間又突有匪



徒千餘聲言欲由樂昌九峯等處竄赴湖南桂陽州一帶臣等當卽飛咨廣東督撫臣飭屬嚴行堵截並經和春分兵暫紮興甯亦可兼顧東面惟和春大軍所紮獅子嶺偏屬西南現在軍情應以東北堵截尤爲緊要臣等飛函飭令量由東北移紮適接和春稟二十日移營至黃泥坳二十一日大雨未經出隊湖南貴州官兵楚

聖朝方略卷十六

三

勇並守備米興朝等楚兵共五千名於二十二日冒雨拔營抵臥烏坪派知府朱啟仁帶潮勇在於該處紮住係賊東路和春仍督兵勇前行至陳家樓安營係郴州東北賊之前路並留總兵王錦繡帶領雲南官兵廣西提標勇丁仍紮塘昌埠當賊西路總兵經文岱清保帶雲南兵勇及江西兵當賊南路卽日相機合力進剿其

陳家樓地方並查有小道可通永興如賊全竄仍可繞出攔截等語臣等仍飭迅速合力進攻卽將該總兵布置情形徧飭總兵常祿王家琳副將鄧紹良及咨明撫臣駱秉章羅繞典查照並令常祿等乘賊勢斷力分率同德亮等銳速進攻永興之賊令王家琳將所帶河南新兵暫紮安仁毋任前竄攸醴之賊復回占踞兼防永

聖朝方略卷十六

三

興之賊被擊前竄極力攔擊復催鄧紹良帶兵將攸醴之賊趕緊追擊乘勢掃除並由衡州撥出苗兵一千協同防剿一面咨撫臣等由省派撥新到陝西兵千名從醴陵等處迎出與鄧紹良之兵合力探蹤堵截似此四面兜圍已將郴州永興及前竄攸醴之賊層層截斷或冀諸軍齊力一鼓奏功臣等嚴鎮衡州扼要居中調度



署桂陽直隸州知州李啟詔帶勇擊賊力盡投水身死署郴州直隸州知州孫恩保擊賊被戕遇害甚烈江華縣教諭歐陽復被執不屈遇害相應請

旨交部從優議卹並於各任所原籍祠祀其餘在城文武統俟查明分別辦理至賊踞朱家灣山頂各路兵勇奮力鎗上追擊抄殺獨雲南兵勇退至

欽定剿平粵匪方略卷十六

三

山下殊屬怯懦該統兵官總兵經文岱由臣賽

尙阿摘去頂戴其督兵不力之雲貴督標右營遊擊呂盛元直隸遊擊白人鵬卽由總兵和春摘去頂戴以示薄懲

賽尙阿又奏言據撫臣駱秉章羅繞典提督鮑起豹咨賊匪倡近省城在金盆嶺接仗之陝西兵丁被賊衝散賊匪竟敢赴南門一帶圍城除

一面嚴飭兵勇防堵外飛咨速派重兵來省救

援臣等當卽專弁持令飛催鄧紹良楚兵及前

由衡州派赴長沙之委員賈晉亨所帶苗兵各

一千名又收復安仁暫紮該縣之總兵王家琳

所帶河南官兵一千名各由水陸星馳赴援並

飛札現隨常祿攻打永興之副將瞿騰龍所帶

苗兵一千名亦卽由永興赴省救應另飭該副

欽定剿平粵匪方略卷十六

三

將軍騎或帶精銳迅速兼程由閒道星馳晉省

以資守禦一面飛飭和春常祿等確查郴州大

夥及永興分踞賊勢酌量分兵赴援奏入

上命軍機大臣傳諭賽尙阿程喬采曰賽尙阿等近日

辦理軍務諸多遲緩歷次奏報或稱調兵未齊或稱

臨敵遇雨皆係據各路稟報藉詞搪塞現在賊踞郴

州分擾各縣直逼省城勢甚剽急而我兵遷延散渙



卽尾追亦不能盡力所陳合力進剿分路堵截之處亦恐全無把握昨已降旨摘去翎頂稍示薄懲該大臣等務當振刷精神激勵將弁奮勇圖功以贖前罪斷不可任聽各營飾詞稟報再誤事機臨陣怯懦之總兵經文岱遊擊呂盛元白人鵬仍著嚴查如係有心退避卽行嚴叅已革湖南提督余萬清前經降旨革職等因交程喬采嚴審定擬復令賽尙阿會同審

聖朝方略卷十六

三

辦迄今日久並未奏到此等情節一經查訊何難定讞乃亦如此延緩軍律何由整頓耶著卽將此案迅速定擬並將革職等因之總兵劉長清一併訊擬具奏

上又命軍機大臣傳諭葉名琛曰前據葉名琛奏稱湖南道州逆匪竄出分擾逼近廣東交界當諭令酌帶將弁兵勇赴連州一帶扼要防剿計柏貴奉到前旨

亦卽馳回廣東矣現復據賽尙阿等稱有粵匪欲竄桂陽之信恐與道州竄出逆匪勾結爲患著葉名琛仍遵前旨迅速帶兵馳赴楚粵交界地方扼要堵剿並與廣西聲息相通隨時咨會勞崇光妥爲布置徐廣緝不日到楚如須夾攻該署督卽督兵越境協擊以慰廬念

聖朝方略卷十六

三

上諭內閣曰本日據賽尙阿等馳奏賊匪仍踞郴州分竄永興安仁攸縣醴陵等處復敢由開道直撲長沙省垣該大臣現已飛催鄧紹良及委員賈晉亨副將瞿騰龍總兵王家琳由水陸星馳赴援並飛飭總兵和春常祿等分兵星速赴省策應卽著該大臣督飭帶兵大員與長沙城內外兵勇合力夾擊儘帶兵各員遷延觀望畏葸不前卽著立正典刑毋稍姑息著桂陽直隸州知州李啟詔帶勇擊賊力盡投水身死



署郴州直隸州知州孫恩保擊賊受傷遇害甚烈江  
華縣教諭歐陽復罵賊不屈遇害該員等忠憤捐軀  
深堪憫惻均著交部從優議卹並於各任所原籍祠  
祀以慰忠魂其餘在城文武均著確查具奏

欽定剿平粵匪方略卷十六

三

欽定剿平粵匪方略卷十七 壬子年

八月十三日 辛卯 調任湖南巡撫張亮基奏言臣

於七月二十八日自常德府水路起程三十日  
舟次沅江縣探悉賊匪已由攸縣醴陵北竄直  
撲長沙驛路不能前進查沅江縣距省將及三  
百里之遙旱路更爲迂緩臣隻身在途隨帶弁  
兵不過十人貿貿前往殊屬無益因念常德一

欽定剿平粵匪方略卷十七

一

郡係咽喉重地久爲賊所覬覦刻下無兵無餉  
防守甚爲單薄於此城暫行駐紮既可豫備防  
堵又可催集兵練爲省城援應前在辰州接准  
督臣程喬采函稱賊勢北竄極爲猖獗當卽札  
調辰沅道所屬土兵一千名令其剋日赴省聽  
用而

欽差大臣前次所調黔兵一千名現在銅仁松桃兩



營四百名甫到臣即令其暫駐常德藉以稍助  
聲威擬俟未到之黔兵六百名及土兵催齊酌  
留常德防堵外即分起帶領馳赴長沙知會城  
中派出精兵合力夾擊

張亮基又奏言楚南正當有事之際所有幹練  
人員俱經派居要地驅策甚屬乏人查有雲南  
糧儲道崔光笏辦事結實最為可靠貴州黎平

勦平匪方略卷十七

二

府知府胡林翼才識出眾且係湖南益陽人辦  
理堅壁清野事宜可以聯絡紳民因地制宜湖  
北黃州府知府徐豐玉循聲卓著才具素優俱  
係臣所深知合無仰懇

天恩俯念軍務喫緊需才孔亟准令該員等來楚聽候  
差遣奏入

上命軍機大臣傳諭張亮基曰該撫現抵常德去省較

近自應趕調官兵親督將弁馳赴長沙會同各路援  
兵與城中合力夾擊迅解省城之圍萬不可株守一  
隅致誤事機大股逆匪仍踞郴州永興一帶該撫俟  
省城解圍後督帶精兵或扼要堵剿截其來往竄擾  
之路或徑赴郴州相機圍攻為搗穴擒渠之計徐廣  
縉計可抵楚該撫統轄全省責無旁貸務當和衷商  
推統籌全局併力進剿以期勿負委任

勦平匪方略卷十七

三

上諭內閣曰張亮基奏請調道府各員赴湖南差遣等  
語雲南糧儲道崔光笏貴州黎平府知府胡林翼湖  
北黃州府知府徐豐玉均著准其調赴湖南以資差  
委

十四日 壬辰 羅繞典鮑起豹駱秉章奏言查賊匪  
連日用槍礮轟擊西南城角一帶經臣等督飭  
在事文武竭力防守初四日 臣鮑起豹先飭川



兵川勇下城攻擊斃匪多名現在該匪於金雞  
橋水道開挖意欲傾陷城池復經臣等豫將火  
桶安入轟壞數人誠恐該匪詭計多端省城水  
道甚多難保不舍此趨彼雖據原派防石馬鋪  
之西鳳營參將閻應敏平涼營遊擊張文行會  
稟招回兵丁一百四十七名又漢中營鎮標遊  
擊劉宗勝冊報招回弁兵七十七員名而陝安

欽定剿平粵匪方略卷十七

四

鎮福誠潼關協副將尹培立等及其餘兵丁尙  
無下落又派防金盆嶺之沅州協副將朱瀚等  
所帶九谿等營官兵除陸續報到外合之原存  
官兵僅止三千有奇賽尙阿等所派援兵僅到  
鄧紹良管帶之九百名其餘尙未到省新任撫  
臣張亮基現距楚省僅百餘里省中居民聞有  
救援人心稍定而賊勢仍屬狡猾臣等惟有督

飭所屬晝夜籌商力保危城斷不致稍有疏失

奏入

上命軍機大臣傳諭賽尙阿程喬采羅繞典張亮基鮑  
起豹略秉章曰賊匪圍攻省城連日用槍礮轟擊西  
南城角一帶經在事文武竭力防守殺賊多名該匪  
於金雞橋水道開挖意欲傾陷城池復經該撫等豫  
安火桶轟散我兵雖疊次獲勝而賊勢仍屬狡猾省

欽定剿平粵匪方略卷十七

五

垣重地豈容稍有疏虞著賽尙阿等飛催前派援省  
官兵星速前赴長沙合力夾擊毋得稍有遲誤張亮  
基現抵常德距省不遠著即迅帶調到各兵赴省救  
援相機痛剿其郴州永興一帶賊夥賽尙阿等仍當  
嚴扼要隘截其北竄之路陝安鎮總兵福誠潼關協  
副將尹培立係帶兵大員何以均無下落是否遇賊  
退避以致兵丁潰散其接仗之時首先退縮之弁兵



均著確切查明彙奏懲辦

同日

上諭內閣曰現在湖南軍務未竣地方閒被賊擾朕每披章奏念吾民流離顛沛深堪憫惻所有湖南被賊各地方應徵本年地丁錢糧著該督撫迅卽確切查明分別奏請恩施以慰塵念

十五日癸巳張亮基奏言臣前行至龍陽以益陽

聖學方略卷十七

六

甯鄉等縣路當要道無兵無餉人心驚恐而益陽尤屬要口是以將甫到之銅仁兵二百名撥往駐防其松桃之二百名暫行留駐常郡擬俟在前途之六百名趕到路出常郡益陽一併帶赴省垣會剿常郡衝要之地不可無兵除前調未到苗兵外又調鎮筸兵八百名來常一面酌留駐防一面由臣分起帶往知會省中內外夾

攻臣卽專弁迎催未到之黔兵星夜赴省援剿惟思苗兵及鎮筸兵計僅一千八百名常郡地方寬闊留兵太少不敷防堵而臣帶兵太單進剿亦恐無濟惟有仰懇

天恩俯准飭令湖北貴州撫臣就近各調兵一千名以資攻剿

張亮基又奏言臣在滇多年竊觀滇省之兵較

聖學方略卷十七

七

他省訓練似屬認真且滇人與臣相習兵弁亦皆用命合無仰懇

天恩俯准飭令雲貴督臣雲南撫臣挑選大理提標精兵五百名派委龍陵營參將韋中魁管帶來楚聽候調遣奏八

上命軍機大臣傳諭張亮基曰常郡衝要固不可無兵防堵該撫已將黔省先到之銅仁松桃兵擇要分路



防守惟長沙被圍情形萬分緊要調到新兵自應先其所急該撫當星馳前赴長沙地方督飭衡州派來官兵併力夾擊迅解省城之圍以固根本若留守常德一帶專待遠兵何以救目前之急所請湖北貴州兵各一千名已有旨分別飭令酌派備調請撥雲南大理提標精兵五百名亦諭令吳文鎔等挑選惟素習弁兵調度固易得力第恐親信太過稍形畸重則

欽定剿平粵匪方略卷十七

八

他兵轉生觀望軍營帶兵此等情形亦應計及惟在知人善任駕馭得宜自無流弊

上又命軍機大臣傳諭吳文鎔吳振械蔣爵遠常大瀆曰張亮基奏請飭雲南督撫挑選大理提標精兵五百名等語著吳文鎔吳振械卽照所請挑兵五百名飭韋中魁管帶赴楚至湖北貴州調兵數已不少所請各續調兵一千名著常大瀆蔣爵遠酌量情形先

其所急以備調遣

十七日乙未羅繞典鮑起豹駱秉章奏言查該匪

連日攻城經臣等防守嚴緊仍敢於南門開挖地道豫裝火藥臣等督飭兵勇將伊藥桶焚燒並殺斃掘洞賊匪署四川綏定營遊擊周兆熊等直衝賊隊兵丁接踵撲入跟追數里約斃賊三四百名我兵亦有傷亡初五日該匪復用大

欽定剿平粵匪方略卷十七

九

礮對城轟擊將南門城垛打去數尺該匪愈來愈衆乘勢撲城兵勇槍礮齊施時甚危急適賽尙阿程喬采飭撥之雲南楚雄協副將鄧紹良儘先遊擊朱占鼈等統帶湖南鎮守等營官兵九百名先後報到臣等一面分飭官紳趕緊用石條沙袋搶築一面飭該副將等統帶提標綏靖等標協營兵五百名圍剿該匪亦轉身對敵



我兵奮勇跟追共計斃匪數十名該匪仍分踞民房不出臣等趕緊於城上另築礮臺安放三千斤大礮以備轟擊賽尙阿程喬采等所撥土兵一千名亦已趕到臣等督飭文武晝夜防守並籌度萬全再行進剿奏入

上諭內閣曰逆匪自竄長沙連日攻城屢被官兵擊退其鋒已挫現在各路援兵雲集和春等大兵計亦不

聖學聖方略卷十七

十

日可到著羅繞典等迅即會合攻剿並著張亮基督帶所調官兵速抵省城內外夾攻務將撲城各匪悉數殲除毋稍觀望延緩

十八日丙申向榮奏言臣奉

旨飭歸賽尙阿酌量札調經臣賽尙阿飛咨督臣徐廣縉派員署理廣西提篆照會臣立即起程馳赴長沙省垣聽候調遣臣受

恩深重心非木石豈不知感激思奮實因舊有氣疼之證時發時止而兩足麻木行動仍不便利皆因幼年攻打滑縣毆受矛傷又西甯旋師途中忽染癱疾經年始愈年老衰弱瘴癘交侵以致舊疾復發步履維艱茲奉

諭旨赴楚援剿惟有力疾前往誓死圖報斷不敢顧惜身軀自外

聖學聖方略卷十七

十一

生成楚省軍務正在緊急若待督臣委員到日再行交卸起程未免耽延時日臣現將提督印信封固就近送交撫臣勞崇光暫行接收一俟督臣委定有人再由撫臣委員齎印送交署理臣於八月初二日交卸扶病起程由舟前進客俟馳抵長沙謁見臣賽尙阿時再行面商一切奏入上命軍機大臣傳諭徐廣縉曰前據奏參向榮藉病規



避當有旨將向榮革職發往新疆茲據向榮奏遵旨交卸赴楚援勦並詳陳患病情形朕以向榮久歷戎行屢次優容原爲其才尙可用惟屢於軍務喫緊之時稱病遷延是以降旨加以嚴懲該革員此次奏報似尙有愧懼之意著徐廣縉再行察看如向榮實係知感知懼力疾自效卽由該大臣奏明暫停發遣留於軍營差遣委用

欽定剿平粵匪方略卷十七

十二

十九日丁酉羅繞典鮑起豹駱秉章奏言連日賊衆負固不出初六日臣等飭令雲南楚雄協副將鄧紹良等統帶楚兵並撥川兵五百名川勇四百名出城直攻賊營分作兩隊後隊埋伏前隊進攻自辰至申賊始出巢前後夾擊共斃賊百餘名初七初八等日復令鄧紹良等統帶土兵川兵攻打城南賊營該匪踞巢不出尙未大

受懲創現在碧湘街鼓樓門西湖橋金谿橋一帶民房均爲賊踞黨與甚夥而老龍潭白沙井各處均建高臺其地若安大礮則城中殊爲可慮惟有設法先毀礮臺繼焚民房使彼無地自容庶幾一鼓殲擒不至再留餘孽

欽定剿平粵匪方略卷十七

十三

羅繞典鮑起豹駱秉章又奏言准新任撫臣張亮基咨現將貴州官兵四百名分派龍陽益陽該撫臣暫留常德俟四川等省官兵到齊除酌留防堵外餘均親帶赴省援勦等因查益陽龍陽常德距省稍遠且兵分則單現在省城危急萬分雖經賽尙阿程喬采先後撥兵四千餘名尙未到齊專望川黔等兵應援以期厚集兵力迅解重圍奏入

命軍機大臣傳諭賽尙阿程喬采羅繞典張亮基鮑



起豹駱秉章曰賊匪負固不出現在碧湘街一帶民房均為賊踞黨與甚夥老龍潭等處均建高臺若安設大礮則城中殊為可慮計惟先毀礮臺繼焚民房使賊失所憑依攻剿更為得手惟該逆詭詐多端難保非陽圍省城陰圖他竄以為聲東擊西之計抑或候大夥匪眾續到再圖攻撲亦未可定著羅繞典等密派得力弁兵詳細偵探應如何斷其接應防其逃

勦平匪方略卷十七

十四

竄相機籌辦毋稍大意賽尙阿等所派援兵除鄧紹良已抵長沙外如副將瞿騰龍河北鎮王家琳同知賈亨晉所帶各兵是否到齊著賽尙阿等確切查明儘藉詞逗留即著一面奏聞一面以軍法從事毋稍寬縱張亮基職任封疆責無旁貸自當前赴長沙就近督率若株守常德又將調到各兵截留省城設有疏虞該撫豈能辭咎著懷遵前旨即帶現調官兵星

速赴援毋負委任

二十二日庚子西安將軍舒倫保副都統常春雙

成奏言本年七月閒奉

旨遴選鎮將以下才堪禦侮人員臣與副都統常春雙

成會商在八旗官員內揀選得曾經出兵曉暢

軍務者協領訥欽布佐領穆精額俱堪備用臣

於去歲到任後揀選官二十餘員精壯兵一千

勦平匪方略卷十七

十五

名內馬上烏槍四百名撒袋四百名擡礮二百名教演馬隊槍箭擡槍擡礮準頭俱在七八成以上常川操演儘遇調遣尙可得力奏入

上命軍機大臣傳諭舒倫保常春雙成曰舒倫保等所練官兵仍著勤加演習並將需用器械等件製備齊全聽候諭旨一奉調撥即派訥欽布穆精額二員統帶前往



二十三日辛丑賽尙阿程喬采奏言據總兵和春常祿等稟報郴州大駭尙踞州城永興亦尙有賊踞臣等以省城根本重地情形緊要疊經飛飭總兵王家琳副將鄧紹良瞿騰龍鳳凰廳三知賈亨晉等統帶楚豫官兵及苗兵合共四千餘名星馳前往又於衡州防兵內續行抽撥楚粵官兵七百餘名交待衛開隆阿副將巴圖帶

欽定剿平匪方略卷十七

十六

領星馳赴省協同援勦和春接到臣等照會及省城飛咨亦卽選帶楚黔官兵楚勇等二千餘名取道耒陽衡州赴省救援與瞿騰龍所帶苗兵均先後過衡星馳前進瞿騰龍簡率精銳苗兵數十人先行倍道已與鄧紹良賈亨晉等兵前後馳抵省垣前據和春稟報移營紮定陳家樓後據郴州本地紳民暨各營探報逆首洪秀

泉現居城內州衙楊秀青現居考棚各有打手數百防護和春當於朱木山築立新營七月二十六日賊分兩股來撲每股約有二千餘人總兵秦定三李瑞知府江忠源各帶兵勇迎擊和春復令仁勇於隔河處所涉水截擊先後斃賊四百餘名次日進攻賊壘復斃賊數十名又據常祿等稟常祿由永興移營進紮小平沖查該

欽定剿平匪方略卷十七

十七

處距永興縣城十里有餘距賊營亦四五里一路茶山蹊徑叢雜難以進兵適德亮帶領張國樑等潮捷各勇四千餘名分兩路進紮常祿親率弁兵繞出賊營左近查看距靈龕橋二里許賊營三處勢相犄角移營攔擊會合張國樑等進攻復殺賊數百名並將賊營焚燬惟賊勢聯絡人數比前較多當飭捷勇等營另行設法進



攻臣等確探逆首大夥尙在郴州永興之賊分踞亦衆勢不能不通盤計畫惟長沙爲南省會垣必應極力赴援當卽夤夜檄催諸軍星馳前往計由衡撥出並和春等帶來兵勇合之省城存兵已有萬餘名卽日和春等兵到齊合力勦擊當可無虞現在廣西提督向榮經臣賽尙阿檄調到衡臣已令赴長沙將四川河南陝西等

勦平匪方略卷十七

十六

處官兵交其統領與和春等同心勦力奮勉圖功臣程喬采已札令四川續到新兵行抵荊州等處卽繞道赴岳州迎勦以防賊匪北竄江漢之路臣賽尙阿先已咨行福建督撫臣將閩省新兵取道江西來楚如賊竄至吉袁等屬卽可攔頭迎勦惟郴州兵勇分布已單經和春分兵赴援省城兵力更虞不足廣東仁化匪徒擾及

樂昌現屯乳源縣之坪溪等處恐竄越楚境與郴州逆匪串合永興之賊較前轉多非但土匪附從難保郴州之賊不因和春分兵潛由小路分赴永興救應臣等現飭李瑞常祿等極力嚴堵並密令不時偵探如郴州之賊又赴永興卽飭常祿等兵一面進攻永興以分賊勢一面乘郴州賊少出其不意會合進勦臣等仍駐衡州

勦平匪方略卷十七

十九

調度賽尙阿程喬采又奏言據調任湖南巡撫張亮基咨該撫臣行抵沅江縣距省三百里聞賊偏省城不能前進當卽折回常德府城適值貴州銅仁松桃營兵四百名到郡經該撫臣奏明截留分防查常德府城距省西偏尙數百里現在賊匪竄偏省城正望新兵厚集援勦所有貴州



新兵一千名自應由該郡星速晉省斷難令在常郡駐防應請

旨飭令該撫臣務將前項新兵卽行帶領由常赴省會  
勦又據湖北撫臣常大瀆咨現已奏明賊情緊急請將南省軍營所調湖北官兵剋日撥回調  
遣查湖北官兵正在軍前勦賊喫緊之際應請  
毋庸撤回至江西吉安袁州等屬本與長沙接

聖朝方略卷十七

三

壤該省額兵較少已由臣等將九江鎮總兵清  
保所帶兵一千名由郴州南路調回飭由醴陵  
萍鄉一路交界相機堵禦其九江鎮後營遊擊  
長春所帶兵一千名現在長沙守城臣賽尙阿  
亦囑向榮等到省後酌量情形如有他省官兵  
可以更替亦卽令其撤回以資防守  
賽尙阿程喬采又奏言再查有四川提督蘇布

通阿年富力强提督向榮深悉其能茲當軍前需人之際合無仰懇

天恩飭下該提督蘇布通阿卽由川省迅速馳赴湖南軍營以資臂使奏入

上命軍機大臣傳諭賽尙阿程喬采羅繞典張亮基鮑起豹駱秉章曰賽尙阿程喬采奏逆首洪秀泉楊秀青等均在郴州城內並分踞永興縣城是犬股逆匪

聖朝方略卷十七

三

尙在郴州永興分股撲省安知非牽掣官兵爲聲東擊西之計現在各路援兵陸續到省張亮基何以行抵常德輒將新調之兵分撥截留遷延不進著羅繞典張亮基駱秉章會同鮑起豹博勒恭武向榮和春等迅飭各路兵勇分投布置務將撲城股匪全數殲除毋得觀望延緩任令旁竄至郴州永興兩處俱報小有勝仗仍稱賊營聲勢聯絡又稱賊中人數比前



較多。是所報獲勝情形，尙恐不實。不盡賊勢仍向北竄，未見能迎頭截擊。此中調度布置，宜有把握，切勿僅據稟報飾詞。又墮賊匪奸計，逆匪入楚後，附從土匪雖多，皆係烏合之眾。其自粵來悍賊，總計不過數千。如能將大股逆匪痛剿，其餘脅從自然瓦解。衡州現有程喬采督兵防守，賽尙阿自應統兵赴省就近調度。仍著通盤籌畫，勿誤事機。至請將貴州新兵一

聖恩匪方略卷十七

三

千名督催赴省，及湖北官兵毋庸撤回。江西官兵酌量調回防堵之處，均著賽尙阿酌量緩急，分別辦理。

上又命軍機大臣傳諭徐廣縉曰：本日賽尙阿等奏向榮已由廣西馳抵衡州，檄令統帶四川河南陝西官兵赴長沙，勦辦撲城賊匪。察其此次赴楚，迅速不敢仍前遷延，觀望該革員本非不可用之才。湖南又當軍務喫緊之際，果能奮勉自效，原不難寬其罪。其量

子恩施。徐廣縉此時諒可馳抵湖南，軍營接受欽差。大臣關防如向榮實已悔過自新，即飭令統帶官兵，勉圖後效。如省圍已解，應如何迎頭截擊，不令該匪擾及湖北江西各界。著該大臣相機調度，朕亦不爲遙制也。

上諭內閣曰：前因向榮稱病遷延，降旨革職發遣。茲據賽尙阿奏稱前經檄調向榮由粵赴楚，現已馳抵衡

聖恩匪方略卷十七

三

州，飭令統兵即赴長沙，應援該革員。此次遵調來楚，尙爲迅速，著暫緩發遣，即令統帶四川河南等處官兵奮勉勦賊，帶罪圖功，以觀後效。

上又諭內閣曰：四川提督蘇布通阿著馳驛前赴湖南軍營聽候欽差。大臣調遣

二十六日 甲辰 程喬采奏言 臣前因逆氛竄楚，應

將永州支應局改作糧臺，飭據總理局務之衡



永郴桂道張其仁會同廣西臬司姚瑩鹽道許祥光議稟凡由粵追勦來楚官兵仍歸粵員支應其湖南原防兵勇及續調兵丁即歸楚員支付奏奉

俞允嗣因逆匪竄擾長沙各官兵分股攻勦離永較遠又將糧臺改駐衡州在案臣將粵省支發章程逐加查覈凡屬鹽糧銀數無不例外加增閱時

聖學方略卷十七

三

已久浮濫滋多即如兵丁鹽菜口糧每名日給銀八分米八合三勺已屬與例不符又每百名給長夫五十名外加挑運鑼鍋器械長夫三十名合計每兵百名即需長夫八十名又如武職鹽糧長夫除提鎮大員該省係隨時酌定外如副將一員外省者每月支給銀六十五兩四錢零本省者支給銀四十二兩四錢零比較楚省

連鹽糧馬乾跟役共議給銀三十一兩七錢零

數已多寡不同且該省復議有長夫銀兩副將例馬十二匹折夫二十四名外加增二十八名每名價銀一錢每月即需銀五兩二錢又該省每派一營員即支給長夫銀兩至派赴軍營辦事及管理行營糧員暨各省投效各官亦均支給長夫名數其中浮冒甚多兵踰數萬官亦不

聖學方略卷十七

三

下千百餘員各有長夫若干名即日需工價銀若干兩既無防勦之別又無行坐之分聚少成多經費實難為繼又查該省雇募壯勇價比兵餉為優且亦給予長夫計口授食實則未曾足數所費尤屬不貲夫

國家不得已而用兵今更不得已而用勇如該勇果能助我兵力原亦不必惜費但恐有名無實



轉致別滋事端因思該兵丁等或枕戈遠戍或  
用命疆場現又值分勦萬緊之時不但鹽糧仍  
應照舊支給卽長夫一項亦須令其得沾餘潤  
以期士氣飽騰至武職各員如果盡力戎行勤  
勞克著自有

酬庸懋賞似應將其鹽糧長夫量爲酌減或分防勦或

分行坐總期力求樽節庶可杜浮銷而重帑項

聖學匯方略卷十七

三

奏八

上命軍機大臣傳諭勞崇光曰用兵以籌餉爲最要若  
於例外浮加伊於胡底長夫不過爲挑運器物之用  
何以文員武職支給各數十名之多兵勇長夫亦漫  
無限制前任巡撫鄒鳴鶴督率糧臺大員專司其事  
何以任意開銷毫無察覈著勞崇光確查據實具奏  
並將細冊迅速咨送戶部其浮冒侵吞各員著卽嚴

參毋稍含混

程喬采又奏言探聞郴州大股逆匪因聞長沙  
賊匪疊次被創已於十一十二等日由小路分  
逃自係竄往省城助勢經總兵李瑞等分帶兵  
勇緊接跟追該逆竄往永興臣等已飭常祿等  
趕緊力籌堵剿

程喬采又奏言臣思逆匪分股肆竄逼近長沙

聖學匯方略卷十七

三

省城岳州緊在下游情形喫重一經大兵圍剿  
向北狂奔不但岳州正當其衝卽北省亦必震  
動署提臣雙福現經到楚自應趕緊接篆卽令  
坐鎮武昌博勒恭武仍行駐紮岳州庶兩處俱  
有大員駐守防禦益臻慎密奏八

上命軍機大臣傳諭賽尙阿程喬采羅繞典張亮基鮑  
起豹駱秉章曰逆匪由郴州永興北竄長沙中閒尙



有攸縣安仁醴陵等處若從中路衝截賊勢必不能  
會合若未能扼要布置不但爲長沙撲城股匪助勢  
安知不由瀏陽平江北窺湖北分窺江西大營將驕  
卒玩錮習已成兵勇雖衆遣調無策試問賊匪全股  
越過衡郡而北勢若燎原誰執其咎耶博勒恭武前  
飭赴援長沙據程喬采奏留仍駐岳州以現在情形  
而論自以控扼岳州爲要但亦須於平江一帶擇要

聖學方略卷十七

三

紮營使賊不能由陸路竄赴通城崇陽水陸兼扼更  
爲周密至長沙城外之賊屢被剿敗負固不出自因  
官兵勢盛待後路賊匪救援或圖會合他竄羅繞典  
張亮基等亟應激勵各路兵勇將城外賊營痛加剿  
洗切勿坐視株守失此機會

同日署江西巡撫布政使陸元烺奏言查粵逆  
由醴陵徑往長沙滋擾勢必四出奔竄江省連

界隘口甚多若不處處設備難期周妥况聞湖

南之瀏陽廣東之仁化翁源等縣各有土匪聚

衆滋事延及江西邊境則南昌府屬之義甯州

袁州府屬之萍鄉萬載南安府屬之大庾崇義

等縣又不可不添兵迎擊因念閩省之汀州浙

省之衢州二鎮均與江西接壤徵調較易擬由

臣就近飛咨閩浙督撫臣在於汀衢二鎮各選

聖學方略卷十七

三

精兵一千名配齊軍火器械派委得力將弁管

帶飭令星夜兼程來江以憑分撥防守奏入

上命軍機大臣傳諭王懿德黃宗漢曰江西需兵孔急

著王懿德黃宗漢於福建所屬之汀州鎮浙江所屬

之衢州鎮各選精兵一千名配帶軍裝器械派委得

力將弁管領星速馳赴江西交署巡撫張芾分撥防

剿



上又命軍機大臣傳諭張芾曰陸元烺奏江西需兵甚急就近調撥閩浙精兵堵剿已准其於福建汀州浙江衢州兩鎮營內就近各調精兵一千名由各該督撫派得力將弁管帶迅赴江西交張芾會同在籍尙書陳孚恩布政使陸元烺酌量分撥防守該署撫務須督飭地方文武各員嚴密巡防毋令賊匪闖入境內湖南軍營前調福建精兵三千名經賽尙阿奏令

聖朝方略卷十七

三十一

由江西行走如已行抵江西著張芾等酌度緩急截留備用

二十九日 丁未 羅繞典鮑起豹駱秉章奏言 臣等

連日進攻賊營該逆負固不出初十日復令雲

南楚雄協副將鄧紹良等督兵進攻南門外賊

營先由城左將房屋燒燬復從右拋擲火彈燒

去賊之哨棚數十間賊於牆孔暗放槍礮官兵

亦多受傷隨即撤回十一十二等日賊匪分踞高嶺遠瞰城內經我兵開礮轟斃多名時河北鎮王家琳管帶河南兵一千名來省次日鄧紹良等約會王家琳分路進剿槍斃賊匪百餘名王家琳由北路小西門前進該匪半踞民房半紮山頂當卽督飭前隊拋放火罐火彈燒燬賊住民房該匪由南路後山紛逃約斃匪二百餘

聖朝方略卷十七

三十二

人適值綏靖鎮和春鎮遠鎮秦定三等統帶貴州等省弁兵先後到省和春於十五日出隊兵勇分兩隊攻打賊巢該逆負嶮堅守仍由牆孔開礮回擊我兵自卯至午連開大礮打入牆內經知府江忠源管帶楚勇槍至牆邊奪獲大黃綢旗一面該匪匿而不出查該匪居高負固所恃輒牆林立剿旣難於成圍焚又不能徧及我



出則伏匿我歸則又攻城必須步步爲營先規地勢已商令和春於白沙井上首之蔡公墳紮營王家琳亦於小西門外紮營均屬偏近賊巢防剿均可兼顧向榮現准賽尙阿照會來省於賊情較爲熟悉容俟籌商設法圍剿風聞逆首實在郴州刻下大夥均有來省之信須於衡州安仁攸縣醴陵一帶豫爲堵截臣等亦經密咨賽尙阿程喬采並兩廣督臣徐廣縉諄飭將備沿途嚴密布置以免勾結奏入

欽定剿平粵匪方略卷十七

三

上命軍機大臣傳諭賽尙阿程喬采羅繞典張亮基鮑起豹駱秉章曰長沙城外賊匪總計不過三四千人我兵勇多至數倍自應乘後隊賊衆未到以前及早剿洗據稱該匪居高負固輒牆林立開南門外妙高峯地勢尙不甚高民屋輒牆雖然堅固豈能屹若城

壙難於攻破初十十一二等日接仗僅止互相轟擊十三日分路進剿王家琳督帶弁兵尙屬勇往而十五日和春等分兩隊攻打賊巢自卯至午僅十餘敵打入牆內則兵勇之距牆甚遠發礮無準已可概見獨委員江忠源管帶楚勇槍至牆邊其餘將弁兵丁何不同時槍進且賊營占地無多我軍宜各路會合四面環攻同時並舉何得分日輪流出隊任令負隅

欽定剿平粵匪方略卷十七

三

抗拒總由官兵積久疲玩不能併力向前和春自統諸軍以來惟事尾追道州郴州等處任賊衝突蹂躪竟無與賊鏖戰之時此次帶兵援剿若再不奮勉出力致郴州永興大夥賊匪北竄復行串合自問當得何罪現在向榮已到長沙著羅繞典張亮基等卽會同籌議剋日分派諸軍會合進剿務將城外屯踞賊匪全數殲擒毋再遷延時日賽尙阿程喬采現在行



州距攸縣安仁等處近在咫尺豈得坐視賊匪竄越  
務卽派兵從中路攔截並飭常祿等迅速進兵夾攻  
仍飛咨台湧博勒恭武於荊州岳州水陸各要隘及  
常德一帶嚴加堵截其江西與湖南交界地方一體  
飛咨嚴防毋任竄擾

勦平粵匪方略卷十七

三十四

聞

欽定勦平粵匪方略卷十八 壬子年

九月初二日酉己徐廣縉奏言查福興帶兵勦辦

鬱林土匪業已行抵濛江經臣調回梧州卽飭

該總兵挑選兵勇共二千餘名派遊擊蘇崇阿

隨同福興統帶以資調遣福興於八月初八日

在梧州起程臣近接探報知逆匪大股仍踞柳

州總兵和春現紮營獅子嶺圍剿此起援剿之

勦平粵匪方略卷十八

一

兵已飭令取道賀縣江華由閒道馳赴大營奏  
入報

徐廣縉又奏言臣勦辦艇匪節據擊獲首匪西

南長等供出前次投誠之張釗等在濛江充當

撫勇仍與艇匪勾連並有接濟火藥等事隨卽

密飭查拏現經拏獲訊據供稱伊在省城帶領



壯勇因聞大兵攻剿艇匪潛回探聽卽送火藥一千餘斤接濟等情不諱查張釗卽大頭羊旣經投誠膽敢勾通賊匪潛謀接濟實屬罪不容誅當將張釗及同獲之夥匪六名一併正法並曉諭各屬如果該匪等真知改悔予以自新儻仍有通盜等弊則罪在不赦斷難法外施仁奏

八

欽定剿平粵匪方略卷十八

二

上嘉之

同日

上諭內閣曰自廣西軍興以來將及兩載朕念生民塗炭宵旰焦勞無時或釋前因大學士賽尙阿人尙樸誠能任艱苦特命爲欽差大臣前往督剿又慮其秉性慈柔諄諄誥誥特賜遏必隆刀冀其隨時振厲以肅軍威上年大軍圍賊於新墟紫金山等處初猶屢

獲勝仗迫賊竄踞永安蕞爾一城圍攻半載有餘迄無成效轉致損將折兵任賊鴟張圍撲桂林省城旋又竄掠興安攻陷全州繼復任賊竄入楚境連陷數城現又分股圍撲長沙省城賽尙阿身爲統帥調度乖方總由號令不嚴賞罰失當以致勞師糜餉日久無功實屬辜恩大負委任著革職拏問由徐廣縉派員解交刑部治罪程喬采總制兩湖特命前往湖南

欽定剿平粵匪方略卷十八

三

督辦防堵一年之久如果布置得宜堵禦嚴密何至任賊竄越竟由道州郴州永興一帶直撲省城該督初聞賊警遽返長沙已不免張皇失措繼復株守衡州一籌莫展前已摘去翎頂不足蔽辜著卽行革職仍留軍營辦理糧臺事務駱秉章鮑起豹均有文武地方之責不能豫爲防範咎亦難辭惟念現在長沙城內守禦正當喫緊之時著俟剿辦省城賊匪完竣



後再降諭旨前次賊竄永安朕卽察知賽尙阿攻剿不能得力特諭徐廣縉統兵前赴廣西會剿嗣因梧州艇匪業已剿除淨盡桂林賊匪竄入湖南仍命該督統兵赴楚督剿嗣據奏稱接奉諭旨當卽啟行並飭福興統帶兵勇數千名先期開道前進計此時已抵湖南軍營徐廣縉平素辦事慎密操縱合宜朕所深悉著卽授爲欽差大臣接授關防並署理湖廣總

聖朝方略卷十八

四

督所有軍營及地方文武統歸節制賽尙阿所帶文武各員著徐廣縉察看酌量分別去留該大臣膺茲重任必能整飭紀律嚴明賞罰迅奏膚公以慰朕望所有廣東廣西江西湖北與湖南毗連地方均責成各該督撫提鎮等嚴密堵禦勿令竄越

初四日 辛亥 賽尙阿程喬采奏言據報賊踞省城南門外民房八月初九日瞿騰龍等帶領楚苗

各兵縋城出戰殺賊多名次日將附近賊營房屋並賊哨棚數十間盡行燒燬十一日南河港地方有賊船五十餘隻木簞數架在彼灣泊經長沙府縣密派壯勇潛往焚燒賊船二十餘隻奪獲木簞二架餘賊遁逃仍踞南門外鼇山廟黃土嶺等處十三日鄧紹良會同王家琳瞿騰龍分兵出擊槍斃賊匪百餘名生擒一名割獲首級四顆奪獲器械多件副將朱瀚亦用礮擊毀偽西王所踞民房並斃賊匪十餘人是日和春抵省將兵勇分紮各門當卽進城面與在城文武籌度據稟城內江西四川合本省官兵四千餘名足資守禦仍於各城周歷惟南門一面受敵城之西面本屬瀕江和春當將所帶楚黔各兵均於東門外紮營王家琳帶兵於西門外

聖朝方略卷十八

五



東西湖橋紫營開隆阿帶廣東等兵在北門外紫營和春之營距賊巢甚近其城外餉道及往來文報均可通行十五日分隊進攻該逆伏巢不出十六日於蔡公墳空築營壘賊由妙高峯寺右突出百餘人經貴州兵勇擊退是日向榮舟達湘潭計日可以抵省其郴州之賊併由西路全竄十三日李瑞追及於豐樂橋頗有斬獲

欽定剿平粵匪方略卷十八

六

次日追及於永興城外見賊紛紛渡河奔入城內據探郴州賊之大夥併歸永興並聞長沙賊被官兵擊敗有由郴州搬取大夥之信先是永興之賊分股千餘取道安仁前赴長沙常祿卽令張國樑分撥捷勇並楚兵千名往安仁大路攔剿一面設法攻城近城北面崇福菴地方有賊大營一座張國樑挑選精勇二千餘名令勇

目李連升程智泉分爲兩隊於十四日繞路潛至東北兩門外設伏參將慶福帶領楚兵川勇由西門外沈沙港一路焚燒賊營常祿親率湖北官兵由靈龕橋新路下街大路進攻賊隊千餘衝出我兵詐退俟其追至伏兵槍礮齊發賊匪多被擊斃李連升帶捷勇五百爲前隊詐爲賊兵直奔崇福菴賊營該匪正在觀望李連升

欽定剿平粵匪方略卷十八

七

等已偏近賊營火罐噴筒齊發賊衆忙亂我兵乘勢擁入殺賊無數餘賊奔竄城中之賊欲出救應張國樑等乘勢槍入城門刀矛齊舉斃賊四五十名生擒十六名賊由東門棄城而竄東門外豫伏潮勇又槍斃數十名生擒七名餘匪望茶山拌死竄走西門外及沈沙港賊見城中火起亦棄城東奔由浮橋過河兵勇追殺擄落



淹斃者不少時已昏黑未能窮追賊俱東走安仁將與永興賊合往長沙常祿督帶兵勇望安仁縣進發行近安民司一帶隔河見有賊衆千餘卽分隊前進甫抵河邊賊舉旗迎撲我軍涉淺直衝賊陣賊不能敵紛紛亂竄兵勇乘勝追殺數里暫於河干紮營據獲賊供稱僞太平王洪秀泉僞東王楊秀青兩賊首已在前隊此係

聖學方略卷十八

八

中隊後隊聞中隊爲官軍擊敗想必退回等語臣等現飭常祿等仍前追剿設法攔截並飭李瑞等軍趕緊前追合力勦洗一面飭令和春等慎防賊之大夥踵至並將總兵清保所帶江西兵千名調回該省在交界處所擇要籌防以期兼顧東越江西一路奏入

上諭內閣曰永興被賊占踞經總兵常祿等分撥兵勇

在安仁縣大路攔剿一面設法攻城乘間擁入殲獲賊匪多名立將永興收復常祿前在道州剿賊不力交部議處此次設法攻剿尙知愧奮所有前得處分著加恩開復德亮追賊出力著交部議敘張國樑奮勇殺賊疊次立功著以都司儘先升用

同日羅繞典向榮鮑起豹駱秉章奏言和春等連日督兵轟擊城外踞匪該匪堅壁不出臣向

聖學方略卷十八

九

榮與臣繞典等密商於二十日分三路進攻中路由白沙井直攻賊營左路由仰天湖進攻妙高峯之賊右路由蔡公墳沿城至南門大街進攻賊巢河北鎮王家琳督帶官兵在於西面攻擊俱於寅刻齊到賊營中路官弁兵勇撲至牆邊爭先搶上該匪於牆邊編插竹籤我軍隨進隨拔將賊營外牆拆毀數十丈一擁而入連開



槍礮斃賊多名時參將鄭魁士正欲搶上內牆該匪於牆內連放槍礮該參將額顛突被槍傷血流滿面猶復揮兵冒煙攻擊奈牆堅終難攻入左路秦定三江忠源帶領兵勇出隊見妙高峯賊巢突出賊匪五六百人即經我軍一齊壓下賊眾紛紛敗退右路官兵勇由蔡公墳直下先拋火罐燒燬房屋並撲至牆邊將其外牆

勦平粵匪方略卷十八

十

木板拆毀乘勢拔去編地竹籤計三路攻巢斃賊四百餘人兵勇受傷一百四十餘名陣亡十三名二十二日查探郴州大股賊匪由醴陵路緣山來省臣等當派秦定三等各帶兵勇迎頭攻勦逆匪三四千人分撲貴州湖南兵營盤並分千餘人由東路欲包我軍之後經兵勇奮力迎擊槍礮齊施繼以刀矛賊始敗退入巢官兵

亦即撤隊計斃賊一百餘名貴州朗洞營參將任大貴頭被礮傷登時陣亡副將德安骸受石傷知府江忠源被賊矛傷右髀落馬經楚勇救護得生並立時將此賊砍斃此外兵勇亦有傷亡現在飛飭帶兵員弁迅速趨程前進另籌防勦並疊咨湖北江西各省嚴密堵截以免竄逃奏八

勦平粵匪方略卷十八

十一

上諭內閣曰八月二十等日官兵分三路進攻白沙井妙高峯等處賊巢賊勢屢經挫折著各路帶兵大員迅速圍勦毋任竄逸陣亡之貴州朗洞營參將任大貴著交部從優議卹傷亡弁兵查明照例請卹

初七日 甲寅

上諭內閣曰駱秉章著暫留湖南辦理長沙防勦事宜事竣再行奏明請旨



初八日<sup>乙卯</sup>署山西巡撫郭夢齡奏言前准戶部  
咨指撥山西續收捐輸銀三十萬兩口外清查  
案內完解銀二萬六千兩速即委員解赴湖南  
以供支用等因遵即委員解交奏入報

聞

初十日<sup>丁巳</sup>賽尙阿程喬采奏言據報李瑞等於  
十七八等日追賊至安仁之白泥塘馬龍亦帶

聖朝方略卷十八

十三



川兵趕到賊聞大隊踵至直竄茶陵二十一日  
我軍追至茶陵州城賊已於夜間分竄攸縣醴  
陵李瑞王錦繡經文岱帶兵與常祿分路前追  
黃昏時李瑞等兵追及於茶陵之大台市潞嶺  
地方斃賊數十人我兵陣亡一名是日常祿兵  
勇趕至攸縣生擒長髮賊目數名馬龍之兵於  
辰刻馳至攸縣河邊探聞賊由對河上流東口

渡繼擁而來當派副將虎嵩林等分兵數百前  
往下流渡河由縣北繞出東南五里亭抄過賊  
前埋伏馬龍同副將明安泰等帶兵渡河擊之  
該逆槍礮齊施我兵撲入賊隊短兵相接賊由  
縣東順河一帶奔竄馬龍督兵追殺至五里亭  
虎嵩林等伏兵突起殲賊數十常祿探知賊之  
大隊改道從攸縣小路直竄醴陵即緊追至新

聖朝方略卷十八

十三



市地方屯紮二十四日經文岱兵勇先抵醴陵  
之丹陵橋探得隔嶺田溝有賊一股二千餘從  
東南路斜抄而來知賊於攸縣分道誘我追兵  
直從大路跟勦意欲從後抄襲參將德亮將隊  
伍潛伏松林俟賊頭隊已過突出腰擊經文岱  
等督率兵勇直衝賊陣該逆退踞路旁譚家大  
村相持時許忽分兩股從山溝抄來適王錦繡



李瑞常祿各兵勇齊到亦分左右從高壓下德亮麾令張國樑捷勇施放噴筒火罐焚燒民房煙燄蔽天各路兵勇併力攻擊槍礮齊施刀矛並舉斬殺及淹斃者不計其數餘匪紛紛潰逃又據向榮和春等稟二十日我軍分由白沙井仰天湖蔡公墳爲中左右三路進攻妙高峯及南門外賊營疊獲勝仗參將鄭魁士於攻破白

聖朝方略卷十八

十四

沙井賊營外牆時正欲搶上內牆頭額被賊槍傷牆堅未能破入妙高峯之賊秦定三等分投迎擊多有斬獲二十三日向榮將城內五千斤大礮移至南門天星閣地方另築礮臺直對賊營轟擊該逆巢穴房屋牆垣多被擊倒二十四日該逆突出四五百人由黔兵營盤之東三路來撲我軍連開槍礮賊見我軍嚴整復分股欲

抄貴勇營盤秦定三督兵夾擊該逆紛紛倒地立時敗退入巢是日計斃賊二百餘人千總李九成奮勇殺賊被賊槍傷登時陣亡其餘兵勇亦有傷亡臣賽尙阿現於九月初一日由衡州統領親兵赴省臣程喬采因新田一帶土匪未淨暫駐衡州督辦並堵該逆回竄之路仍隨時確探賊情或移營岳州斷不敢株守貽誤湖南

聖朝方略卷十八

十五

儘先參將鄭魁士疊次打仗立功今帶兵攻撲賊營頭額重傷猶復揮兵力戰實將領中不可多得之員相應請

旨將鄭魁士免補參將以副將儘先補用先換頂戴並賞給勇號以示優獎此次賊自郴州竄出總兵李瑞截剿未能得力實屬咎有應得懇請

旨交部議處貴州副洞營參將任大貴湖南千總李九



成殺賊捐軀深堪憫惻請

旨交部從優議卹奏入

上諭內閣曰郴州夥匪由茶陵醴陵一帶欲竄省垣經鎮將等分路追擊連日獲勝迨該逆退踞譚家村復經常祿李瑞德亮等督率張國樑痛加剿洗並將後路之賊剿殺殆盡其前路賊匪仍竄至省城復經和春向榮等屢次攻擊現在徐廣縉計已統帶精兵馳

勦粵匪方略卷十八

十六

抵大營各路援兵雲集提督福興所帶兵勇數千名亦可由郴州一路趕到著徐廣縉等乘此攻剿得手之時合力殲擒務期迅解省圍殄滅羣醜總兵李瑞沿途追剿雖屢有斬擒惟於郴州夥匪分竄未能攔擊咎實難辭著交部議處湖南千總李九成奮勇捐軀著交部從優議卹

上又諭內閣曰湖南儘先參將鄭魁士屢著戰功現因

攻剿賊營頭額重傷猶復揮兵力戰實屬奮勇可嘉鄭魁士著免補參將以副將儘先補用先換頂戴並著賞給沙拉瑪該巴圖魯名號

同日葉名琛奏言現准督臣徐廣縉咨稱總兵福興選帶兵勇二千名已於八月初八日由梧州起程取道賀縣江華前進臣查湖南逆匪現雖仍踞郴州聞已分股直撲湖南省城若再由

勦粵匪方略卷十八

十七

廣西轉赴湖南大營更恐有稽時日現已飛調潮州兵勇一千六百餘名飭由廣東樂昌至湖南宜章縣境較為迅速並沿途探明無論福興行抵何處令其合營併歸統帶以免遲延奏入報

聞

十一日戊午張亮基奏言臣等訊據生擒賊匪供



稱僞西王於二十二日出探地勢被我兵擊  
左肩傷重未愈章政已在郴州病故又據湘潭  
縣稟獲僞中王劉得中一名現已解衡審辦至  
北門外前派瀏陽鄉勇三百名保護今又添派  
防兵一千五百餘名以通文報而顧餉道奏入  
報

聖學方略卷十八

十八

十二日己未賽尙阿程喬采奏言臣等遵訊余萬  
清等棄城各情咸豐二年三月內逆匪竄及全  
州臣賽尙阿飭余萬清回南防堵該革員帶兵  
二百名回南因道州緊要前往防守於四月二  
十一日夜行抵州城時該州防兵及札調千總  
唐得升兵統計三百餘名二十五日逆匪竄至  
距城四十餘里之州冲莊水塘一帶該革員以

匪數眾多與王揆一等酌商欲於距城十里之  
蛇皮渡河岸堵截王揆一未允該革員自帶兵  
二百名由西門走出當被賊匪衝散王揆一等  
正欲閉門賊已闖入王揆一被賊打傷當即由  
城跳出欲趕回余萬清適賊眾大至失陷城池  
忿極投河經紳民陳立紀等撈救又欲用刀自  
刎亦為眾搶護瞿我謙在城禦賊因見兵丁被

聖學方略卷十八

十九

害亦撲城外經兵救免千總唐得升本駐防州  
境之蔣家嶺經余萬清調回二十五日午後甫  
經進城賊即猝至該千總率眾迎敵因眾寡不  
敵腰臂均受矛傷復被賊打跌城溝經人扶救  
所有該革員身受各傷均會委員驗明並非裝  
捏此案已革提督余萬清以提督大員帶兵分  
守道州因聞賊匪竄近防兵單薄欲赴城外之



蛇皮渡地方堵禦既經該署州王揆一等阻止仍復帶兵出城以致州城失守余萬清合依守邊將帥被賊攻圍城寨不行固守而輒棄去失陷城寨者斬監候律擬斬監候已革遊擊瞿我謙所稱禦賊撲城並無確據顯係捏飾瞿我謙亦應照守邊將帥不行固守失陷城寨者斬監候律擬斬監候已革署道州知州王揆一雖於

勦平粵匪方略卷十八

三

失城後未能死節但所稱投河自刎各情已據各紳民供認甚確且署篆數年頗有循聲民情愛戴王揆一應請發往軍臺效力贖罪千總唐得升甫經進城賊即猝至尙與未能固守者不同並曾斃賊多名身受三傷但堵禦究屬不力應請革職免其治罪  
賽尙阿程喬采又奏言遵審劉長清等永明失

守一案咸豐二年四月逆匪竄踞道州六月初八日分股撲陷江華永明縣知縣常連因與兩處毗連急須添兵堵禦時劉長清駐紮道州西路三十里橋十二日親往告急未允常連旋面稟和春當飭劉長清督帶兵勇趕往江華勦辦詎劉長清於十四日行抵永明之上江墟地方該匪已於十三日將永明城池攻陷守備錢志

勦平粵匪方略卷十八

三

祖迎擊身受重傷經各兵扶救出城常連適亦趕到被賊圍住身受刃傷奮力衝出劉長清因恐上江墟三面受敵有誤事機未敢輕進時常連受傷折回催請進兵劉長清以賊蹤未定稱須相機而行常連旋因傷痛臥於民房劉長清探得路途多已被賊空斷又以廣西富川縣恐被竄擾稟請攔截即帶兵繞赴南路進發尙非



藉詞逃遁此案已革四川川北鎮總兵劉長清帶兵前往永明雖於未到縣城時城已被陷救援不及亦應乘勢進攻立圖克復迺以上江墟三面受敵爲詞繞赴鄰境紮營與臨陣先退無異劉長清合依官軍臨陣先退者斬監候律擬斬監候已革永明縣知縣常連因賊陷江華本境兵單輒自赴大營告急雖非畏縮引避究屬

欽定剿平粵匪方略卷十八

三

擅離職守擬從重發往新疆效力贖罪守備錢志祖防禦不力應卽革職奏入

上諭內閣曰賽尙阿等奏遵旨審明已革提鎮並文武員弁定擬罪名各一摺著刑部覈議具奏已革提督余萬清已革總兵劉長清均著徐廣縉派員解交刑部聽候諭旨

程商采又奏言臣准廣東督臣徐廣縉來咨已

派高州鎮總兵福興統帶兵勇二千名由梧州起程取道郴州該督亦於八月十七日由梧來楚查郴州逆匪既經竄省福興自應速由閒道馳赴長沙會剿毋庸繞道郴州以免遲滯臣已飛行咨會至徐廣縉約計初十日內外可抵衡郡臣俟與該督晤後將防剿各事宜會商妥協亦卽移紮岳州嚴防北竄

欽定剿平粵匪方略卷十八

三

同日調任山西巡撫湖北巡撫常大瀆奏言接准撫臣羅繞典駱秉章來咨郴州大股賊匪竄至長沙上月二十三日兩次坐船開行約有五十餘號恐竄下游一帶據在岳籌防之湖北鹽法道王東槐稟稱盤獲奸細供稱逆匪現在長沙衆有兩萬欲分三股來攻湖北一由湖南常德澧州一由岳州巴陵縣一由岳州平江縣各



於陸路行走火藥槍礮擬用船裝載由水路前進等語臣以湖北兵單該匪被勦窮蹙勢必乘虛來犯岳郡緊接湖北水陸均係必由之路荆州滿兵分防湖南毗連處所難以抽調前此改道赴岳之川兵已經南省提往長沙而長沙大營亦無酌撥官兵赴岳助守信息臣雖將到省之安徽兵四百名派往交提臣博勒恭武助防

勦平粵匪方略卷十八

三



飭賽尙阿等於長沙大營速撥精兵二千名來岳交博

勒恭武調派以資捍禦再湖北南界湖南北界河南西界陝西四川東界江南江西皆係水路通衢儻被該匪竄擾人心必至動搖必於武昌再添重兵方足以備迎擊請

飭陝甘兩省將前所備精兵三千名派員管帶兼程前來湖北如賊匪被攻他竄即可由此調派赴勦均奏入

勦平粵匪方略卷十八

三



上命軍機大臣傳諭徐廣縉程喬采曰岳州水陸交衝最關緊要博勒恭武現在岳州是否可期得力著徐廣縉迅卽酌量情形選派大員統帶精兵前往策應務須杜賊北竄之路至江西交界地方偏近賊蹤該大臣仍當隨時知照該省一體嚴防應如何調遣協濟之處毋稍疏忽郴州永興等處賊夥既已北竄則福興所帶之兵自應趕緊馳赴長沙一帶併力勦賊

應請



程喬采前已有旨革職留辦糧臺毋庸前赴岳州現在賊匪大夥已至長沙糧臺應設何處並著酌定地方仍交程喬采辦理以專責成

上又命軍機大臣傳諭徐廣縉羅繞典張亮基鮑起豹駱秉章台湧常大瀆博勒恭武雙福曰湖北與湖南緊連水路處處可通現在長沙大兵雲集該匪被剿急迫難保不分股北竄該撫奏調陝甘各兵到楚尙

欽定剿平粵匪方略卷十八

三

需時日仍恐緩不濟急所稱盤獲奸細據供逆匪欲分三股來攻湖北各於陸路行走何以又稱火藥槍礮擬用船載由水路前進與羅繞典等咨稱該匪兩次坐船五十餘隻欲竄下游亦不符合究竟賊蹤現在如何情形湖北水路要隘處所如何設法布置均未詳悉籌及朕心實深繫念且岳州一路實爲北省屏障又係湖南運餉要道所關匪細著徐廣縉與羅

繞典張亮基等會商於長沙大營速撥精兵數千名前赴岳州交博勒恭武調派扼要嚴防如賊衆北竄所有水陸兩路必應派兵繞出賊前設伏截擊斷不可但事尾追致賊竄逸又蹈桂林前轍其湖北衝要各處著台湧常大瀆博勒恭武雙福等相機調度扼要嚴防

上又命軍機大臣傳諭舒興阿張祥河曰據常大瀆奏

欽定剿平粵匪方略卷十八

三

湖北防堵緊要懇請添調官兵赴楚防禦著舒興阿張祥河卽遵前旨將備調精兵三千名迅派得力將弁星速馳往湖北聽候調遣毋稍遲誤

常大瀆又奏言前奉部撥安徽省銀三十萬兩解赴湖北供用查自設防以來供支荊州武昌岳州各處調駐官兵行裝糧餉暨製備礮位軍械火藥鉛子修造兵船建設卡座雇募壯勇漁



勇經費已用銀二十餘萬現在長沙省城被賊圍攻湖北防堵尤為喫重前安徽河南官兵三千名均已到楚並臣添調省外各營官兵八百五十名又於武昌省會及水陸各路添雇壯勇水勇需用益繁必須再請添撥銀兩以濟軍需相應請

旨飭下戶部即日酌撥銀三十萬兩解赴湖北俾供支

聖學方略卷十八

天

用奏入得

旨戶部速議具奏旋經戶部議覆擬於陝西等省如數

撥給

上從之

十五日 壬戌 羅繞典駱秉章張亮基向榮鮑起豹奏言初二日賊匪六七千人突由妙高峯繞至瀏陽門外校場分三路進撲各營當派楚南官

兵並縣丞嚴正圻同知賈亨晉知府江忠源各帶兵勇迎擊秦定三帶隊從中攻截臣向榮選

派城內精兵二百餘名侍衛開隆阿帶領川兵絕城協剿該匪正在分撲營牆和春馳至上前橫截立斃賊匪多名復三面夾擊該匪紛紛倒地兵勇乘勢從賊屍躍過刀矛相接該匪死傷枕藉見勢不敵即由校場東首敗去正在緊追

聖學方略卷十八

天

賊忽總聚一處回頭猛攻我軍奮力開放槍礮繼以刀矛又斃數十人賊乃奔竄是日自卯至申六時之久計斃賊匪四五百名生擒十五名臣等惟有相機會剿悉數殲滅斷不任稍留餘孽奏入

上命軍機大臣傳諭徐廣縉羅繞典張亮基鮑起豹駱秉章和春向榮曰自逆匪圍撲省城經我兵屢挫其



鋒追賊大股來省又經兵勇分擊獲勝賊已大受懲創其上游各鎮將管帶重兵將次到省福興所帶得勝之兵計亦趕到正可乘此大兵雲集賊勢挫折之際合力夾擊一鼓蕩平現在賽尙阿業已革職拏問大營亟須統帥徐廣縉務當不分水陸兼程前進迅抵大營岳州湘陰等處爲賊北竄要路前諭徐廣縉選派大員帶兵數千速赴岳州協防著仍遵前旨趕

欽定剿平粵匪方略卷十八

三十一

緊派員前往其湘陰一帶尤關緊要應如何豫爲堵截遏賊北竄之路著卽妥密布置並隨時飛咨湖北江西一體嚴防總期四面兜圍俾賊進退失據自不難剋期殄除

十七日甲子賽尙阿奏言臣於初一日由衡馳抵

湘潭據報賊已由省城上游渡江於龍迴潭等處村莊滋擾該處路通寶慶常德距湘潭縣城

僅五六十里又接向榮報賊於初五日乘夜分

二三千人潛由南湖港過河從龍迴潭行走未

知竄往何處其大隊仍踞城南臣惟有密探賊

蹤前行攔截如直竄湘潭亦卽迎前堵剿計臣

所帶親兵二千餘名又潮勇三千係知府朱啟

仁帶在郴州打仗猾強不堪復用帶至衡州請

爲遣散者嗣因衡州糧銀不敷給發恐其在衡

欽定剿平粵匪方略卷十八

三十一

滋事飭令帶赴省城領餉臣到湘潭後查知該勇等行走距縣未遠卽傳令該知府將該勇等無論行抵何處卽行登岸前探賊蹤與向榮等派出追兵前後合擊奏入

命軍機大臣傳諭徐廣縉羅繞典張亮基鮑起豹駱秉章曰該逆於九月初二日在長沙校場曾經官兵大加懲創現復分股另竄顯係因省城大兵雲集希



圖分我兵勢所有長沙現到官兵仍當併力直搗賊巢四面堵截不可再任分竄又成尾追之勢其由龍迴潭竄出賊蹤現在滋擾何處亟宜派兵迅速追剿賽尙阿所帶之兵亦可迎頭截擊惟所稱潮勇三千名既係強猾不堪復用何以又令與向榮等追兵合擊逃竄之賊恐駕馭失宜轉為賊用不可不防省城大股賊匪前據羅繞典等奏敗回賊巢是否賊首及

勦平粵匪方略卷十八

三

夥眾均在妙高峯一帶盤踞抑或另有巢穴在附近村莊如廣西莫村水竇情形著徐廣縉與羅繞典張亮基鮑起豹駱秉章等分飭在事文武相機度地或合力圍攻或出奇兵截斷賊勢杜其接濟路徑痛加剿洗

十九日 丙寅 賽尙阿奏言據探賊分股由省城渡

江至龍迴潭等處又渡見家河而南屯踞陽湖

等村與平塘地方相距數里平塘為湘潭進省必由之路 臣飛飭知府朱啟仁將所帶潮勇先赴平塘紮定一面親督官兵前往堵剿初八日黎明突有賊船數隻泊近西岸約數百人登岸撲營朱啟仁帶勇奮擊斃賊多名該匪旋即回船我勇追殺開礮轟斃賊匪數名賊船撐出江心西岸樹林突起伏賊千餘我勇迎擊見家河

勦平粵匪方略卷十八

三

又有賊約二千餘前來接應其江心賊船復回攏西岸適 臣帶兵及水勇礮船趕到開礮擊碎賊船三隻追至豹子山腳並將東岸賊立望樓一座擊倒見家河及陽湖賊眾見我官軍大隊又到俱即奔回並據向榮稟稱派馬龍帶兵渡河約次日與潮勇等夾擊初九日黎明遊擊韓世禧鮑雲翥蕭逢春秦如虎都司許連城等各



帶兵勇分爲兩隊直攻賊巢仍令礮船由水路助攻陽湖村賊立即潰逃我軍乘勢進攻旋將賊踞陽湖一帶村房盡行燒燬賊由小艇渡過見家河北礮船趕至轟毀賊船二隻賊匿河北營壘不出兵勇梟水擊賊者受傷數名陣亡一名臣卽日從嶽麓山後取道前進令朱啟仁潮勇卽於見家河南岸紮定以防賊再渡河南竄

欽定剿平粵匪方略卷十八

十四

臣於初九日抵省與羅繞典等籌定戰守再行具奏奏入

上命軍機大臣傳諭徐廣縉羅繞典張亮基鮑起豹駱秉章曰逆匪分股由省城渡江至龍迴潭等處又由該處渡見家河而南屯踞陽湖等村雖經賽尙阿督率兵勇連擊獲勝將賊截回北岸並將南岸陽湖等村賊巢盡行燒燬惟見家河路通省城江面該逆已

有船隻數十礮船五六隻隨時可以偷渡現祇有潮勇一軍專堵見家河南岸之路仍恐未能得力而北路一帶尤關緊要必須將西岸之賊痛加剿洗其城南大夥尤應併力攻擊萬勿遷延致令分竄現在賊衆全在長沙城外情形萬緊統率無人何以至今尙未見徐廣縉奏報抵楚日期著該大臣迅速兼程前進直赴省城與羅繞典張亮基駱秉章鮑起豹等督

欽定剿平粵匪方略卷十八

十五

率文武乘此賊夥聚集之時合力攻剿一鼓殲除

二十二日己賽尙阿羅繞典張亮基鮑起豹駱

秉章奏言臣賽尙阿自衡州起程時卽催督各軍迅速援剿據探賊中糧食漸乏連日賊船偷渡河西擄掠米穀躡探路徑似有急竄之意臣賽尙阿由湘潭南路疊勦將陽湖賊巢屯聚米穀盡行焚燬常祿等兵由朱田鋪進至洞井鋪



地方偏賊而軍初三日向榮令開隆阿鄧紹良各帶兵繼城出勦秦定三帶兵由城外營盤迎至阿彌嶺地方遇賊四五千由南路來當經我軍擊退斃賊七八十人初四日和春約常祿等移近駐紮正在拔營賊五六千人分股來撲李瑞營盤槍礮如雨常祿分兵接應直衝賊隊賊始敗走乘勝追殺數里斃賊無數初五日移

勦平匪方略卷十八

三

營至石馬鋪地方初六日探得賊已分股於我軍紮營上游數里渡河和春等疊攻南門外賊巢賊堅匿不出初八日我軍進至金盤嶺該逆繞出東面踞住嶺頭勢欲從高壓下我兵奮攻賊陣移動乘勢趕殺頗有斬獲總兵常存帶兵勇二千名駐紮對河以防賊西竄甯鄉北竄湘陰益陽之路經首府縣各派壯勇潛往河面燒

去賊船十餘隻賊見河西既有準備又於上游之見家河乘夜分股偷渡築營向榮飛調馬龍兵會賽尙阿所帶之潮勇等合勦將河西賊踞房屋及屯聚米穀盡行燒燬南門外踞賊經向榮將東南鼇山廟等處房屋打壞楊秀青遣賊黨晝夜挖掘地道俱經兵勇殺斃現今兵勇就城外挖成橫溝一道惟正南及西南面賊踞房

勦平匪方略卷十八

三

屋尙多完固妙高峯一帶地勢較高賊立土城望樓拒守甚堅臣等籌議合圍攻擣以河西一路已有分股渡河之賊必須先爲翦除臣賽尙阿飭向榮統領新到屯兵及鄧紹良馬龍常存兵卽日渡河與現在平塘潮勇三千名合勦河西之賊和春秦定三等兵合力攻打南門外賊巢十二日至漁網洲地方賊從見家河出二千



餘人經我兵槍斃數十遊擊曾正川首先搶入賊隊短兵奮戰手刃悍賊數人身受多傷登時陣亡我兵正在喫緊之際向榮飛騎趕到親率屯兵二三百人接應奮勇衝殺賊匪紛紛倒地卽時敗走兵勇追殺直過兩重山梁餘賊竄歸舊巢和春秦定三帶領兵勇攻南門外賊巢賊三四千人出敵我軍用槍礮擊斃十餘人賊幾

勦平粵匪方略卷十八

三

次來撲均被兵勇擊走忽南面出賊一二千人叢擁而來適開隆阿帶兵接應張國樑等兵亦由南踵至我軍聲勢聯絡斃賊無數賊奔回巢現在和春秦定三紮營妙高峯下緊逼賊巢必俟向榮將河西分股之賊先爲勦洗該逆勢孤較易得手奏入

諭內閣曰現在省城兵力厚集和春秦定三紮營妙

高峯下與賊營緊逼逆首楊秀青屢謀開掘地道俱被我軍破其詭謀賊勢漸蹙亟欲覓路遁逃南面常祿等營分布梭巡聲勢極爲聯絡徐廣縉卽日亦可統帶精兵馳抵長沙務須乘此攻勦得手之際嚴飭向榮一軍將竄赴西岸之賊先行勦洗其城南賊巢東西南三面圍定並著激勵兵勇各路會合併力殲除毋任潰圍竄出復滋擾害陣亡貴州護遊擊曾正

勦平粵匪方略卷十八

三

川著交部照例議卹

二十九日

丙子

上諭內閣曰貴州提督善祿著赴湖南軍營交欽差大臣徐廣縉飭令管帶弁兵辦理勦捕事務

十月初二日

己卯

賽尙阿鮑起豹羅繞典張亮基駱秉章奏言自臣賽尙阿到省後城外賊巢防備加緊河西分踞之賊亦因向榮帶兵渡河往



勦又從河東渡賊添紮賊營數處自見家河至  
嶽麓山脚賊營中間踞地將十餘里十三日向  
榮親督各兵由排頭口與朱啟仁潮勇南北兩  
路進攻將山邊賊踞村莊燒燬斃賊約三百餘  
人朱啟仁潮勇亦計誘該逆出敵約千餘人潮  
勇等與礮船水陸並進見家河賊營扛出大礮  
沿岸拒敵委員張宏邦帶勇登岸奪獲賊銅礮

勦平粵匪方略卷十八

四十

一口約重四五百斤賊又由北岸沿河西走欲  
從上游過河包襲參將秦如虎等急率廣西兵  
由南岸沿河飛往迎擊兵勇梟水過河乘勢衝  
殺斃賊多名燒燬北岸田中賊營一所十五日  
礮船至見家河口賊營復出數百斤大礮並用  
大船載礮對擊被我礮船擊破二隻十六七日  
向榮將四川廣西兵一律移近趕築營壘並令

潮勇仍由車壇渡過河攻擊潮勇至龍迴潭地  
方有賊數百踞守潮勇槍斃數十名餘俱奔回  
下游河岸賊營十八日向榮分派各路指攻漁  
網市唐家洲黑石頭賊營賊伏牆內開放槍礮  
牆外竹籤徧地竟難攻入馬龍督兵將賊踞屋  
焚燒副將明安泰帶川屯兵由左家壠繞來潮  
勇亦過河進至見家河北岸夾攻鏖戰六時之

勦平粵匪方略卷十八

四十一

久殺賊過百此河西岸數日攻勦之實在情形  
也和春秦定三兵十三四日分路攻奪妙高峯  
西湖橋等處賊營將賊牆外望樓哨棚燒燬常  
祿兵移營進逼金盆嶺與賊僅一田隴之隔十  
四日直攻賊營一面出隊至大河邊新開鋪地  
方築營分兵往紮正攻賊營之際忽賊一股從  
河邊翻山前來接應被新開鋪築營兵勇擊退



十五日李瑞經文岱王錦繡等亦於五鼓直抵  
黃土嶺賊營槍礮齊施將賊牆草棚延燒賊旋  
撲滅仍於牆孔密施槍礮我兵撲攻數次疊有  
傷亡此省城外官軍攻剿之實在情形也臣賽  
尙阿張亮基等密飭鄧紹良兵由魁星閣城下  
地洞出至南門外攻打碧湘街賊巢光祿寺署  
正勞文翹所帶彪勇亦隨同前往賊匿牆孔內

剿平粵匪方略卷十八

三

施放槍礮我兵由後牆拋擲火罐焚燒該匪見  
火勢緊急蠡擁出巢迎敵我兵奮力攻擊槍斃  
賊匪多名臣等偵察賊情及研獲賊供現在賊  
中粵匪死黨不過數千惟新附茶醴安攸及郴  
桂各屬脅從之徒則不止萬眾現飭各文武凡  
有緝獲逸出賊犯果係脅從者務卽省釋期於  
解散或收實效竊計省垣重地逆賊攻擾已經

五旬臣等現飭將弁等嚴加偵守臣徐廣縉到  
楚尙無確信提督福興所帶兵勇聞抵道州臣  
賽尙阿當卽飛催迅由衡州湘潭取道河之西  
岸前來與向榮之軍合力會剿

賽尙阿鮑起豹羅繞典張亮基駱秉章又奏言  
河面牛頭洲等處有賊盤踞向榮親督官兵從  
牛頭洲上之江神廟一帶涉淺渡河該匪先從

剿平粵匪方略卷十八

三

樹林出賊數百拒敵總兵馬龍親率兵勇開放  
槍礮斃賊多名該匪不能抵敵卽時敗回復從  
林內擁出賊千餘人經總兵王家琳督率官兵  
橫衝而出賊匪紛紛倒地仍望林內奔回我軍  
連燒賊踞村房數處奏入

上命軍機大臣傳諭徐廣縉曰逆匪攻擾長沙已經五  
旬我兵雖連日攻剿獲勝總未直搗賊巢大加懲創



徐廣縉此時諒已帶兵馳抵長沙省城接受欽差大臣關防及湖廣總督印信所有軍營及地方文武統歸節制該大臣務當申明紀律督飭在事文武乘此賊匪屯聚一處併力圍攻以期一鼓殲除為擣穴搃渠之計萬不可任令竄逸更滋蔓延至河西分股賊匪尤須趕緊剿滅福興所帶之兵諒亦趕到著卽飭令合力會剿如將弁有臨陣畏葸退避仍蹈從前惡

勦平粵匪方略卷十八

四

習者該大臣卽一面奏聞一面於軍前正法逆首洪秀泉楊秀青等是否均在妙高峯一帶賊巢務須設法殲擒應如何解散脅從以孤賊勢諒該大臣必能統籌全局以副委任也

初九日 丙戌 陝西道監察御史王茂蔭奏言安徽

與兩湖一水可通湖南大兵剿賊賊破必將四竄設或竄入湖北則順水乘風三四日可到安

省防堵不在省城而在安慶府屬之宿松該縣與湖北黃梅江西彭澤均屬交界大江中流特筭一小孤山儼為門戶非獨安徽省之扼塞實亦全江之鎖鑰於此處善為設防賊斷無從飛越至陸路獨太湖縣界湖北餘如望江婺源祁門建德東流皆界江西山路處處可通安能一一設防大抵交界處率有崇山峻嶺可守惟當令

勦平粵匪方略卷十八

五

府縣體察情形敦請紳士告以團練章程使勸諭該處附近村莊自行妥辦其在官者則貴立法以拏土匪懸賞以緝游匪無庸官辦防堵招聚無賴徒滋擾害奏入

上命軍機大臣傳諭蔣文慶曰王茂蔭奏皖省設防不在省城而在安慶府屬之宿松縣此地與湖北黃梅江西彭澤各縣交界大江中流有小孤山為門戶於



此善爲防堵賊自無從飛越至於陸路獨太湖縣界連湖北餘如望江婺源祁門建德東流皆界江西率有崇山峻嶺可守惟當令府縣各官勸諭紳民互相保衛無庸官辦防堵等語著蔣文慶按照所陳各節詳細體察不動聲色妥爲籌辦

十二日己丑署湖廣總督徐廣縉奏言臣在桂林省城奏報起程後卽將所帶兵勇水陸並進現

欽定剿平粵匪方略卷十八

聖

於十月初一日行抵衡州據各路探報長沙城外河西之賊多於河東兩岸俱有賊營並於江面搭造浮橋見家河口已築礮臺向榮之營現紮河西臣已飛飭福興督帶兵勇馳往會剿前後夾攻又江面之賊利用船礮火攻臣隨營員弁楊雄超等熟諳船礮卽令在衡州趕緊置備隨同高廉道沈棣輝高州鎮玉山先行分帶前

進臣俟布置齊備亦卽馳往湘潭就近督辦總期將此股剿滅聲威旣振方可挽積疲之勢現在長沙分路圍剿之兵似難撤動臣已飛飭福建兵三千名由萍鄉一帶堵截其各省續調之兵應請

旨飭令行抵岳州各等處分駐防堵毋庸再赴長沙庶或防或剿得專責成奏入

欽定剿平粵匪方略卷十八

聖

上諭內閣曰徐廣縉馳抵湖南衡州已飭令福興督帶兵勇馳往長沙會同向榮攻剿河西一帶賊匪並派隨營熟諳船礮之員弁楊雄超等隨同高廉道沈棣輝高州鎮玉山分隊前進徐廣縉亦卽馳往湘潭就近督辦所有福建兵三千名業據飭由萍鄉一帶堵截其各省續調之兵著卽分紮岳州防堵該大臣務當嚴申紀律督率鎮將等同心協力直搗城南賊巢



毋令紛竄如有遷延觀望畏葸不前甚至賊至卽潰賊去不追貽誤事機者卽將帶兵之員用朕賜過必隆刀軍法從事以振積玩而肅戎行

十六日癸巳羅繞典張亮基駱秉章鮑起豹奏言

省城東面一帶路通湘潭等處最爲喫緊我兵於各營盤空處趕挖長濠一面密致向榮等扼截河西賊匪去路九月二十五日總兵和春分

剿平粵匪方略卷十八

吳

飭各營出隊齊抵賊巢該匪於妙高峯外遙開槍礮抵拒經我兵擊斃數十人二十六日朱啟仁張國樑等復會攻浮橋河面有賊駕礮船十餘隻兩岸接應之賊約二千餘人朱啟仁督勇開放槍礮賊匪紛紛落水二十九日賊於南城西邊暗放地雷城身蟄陷四丈有餘該匪約二三千人蠶擁向前副將鄧紹良大呼躍出缺口

手刃數賊右膊被礮子穿過尙屹立不退賊目麾衆直上千總趙繼宗頭受槍傷登時陣亡弁兵奮勇向前立將賊目斬首奪獲太平先鋒字樣大黃旗一面乘勢壓下殺斃長髮賊匪百數十名短髮賊匪約三百餘名餘賊紛紛敗退臣等立飭署長沙府知府倉景恬等迅將缺口補砌此二十九日賊匪猛撲城垣弁兵奮勇獲勝

剿平粵匪方略卷十八

吳

之實在情形也其河西一帶向榮馬龍於三十日五鼓出隊副將明安泰督兵勇開放槍礮立斃多賊參將虎嵩林等從上游接應一面攻拆浮橋賊亦掉船十數隻近橋救護我兵躍上浮橋截斃數賊奪獲賊船二隻賊匪紛紛鳧水逃竄十月初二日我軍正在南月城外加挖濠溝忽該處地雷轟發離城根丈許土石迸裂賊匪



突出二三千人繼擁直前和春揮弁兵迅由本營橫衝而出攜親兵二人上城躬臨垛口指揮殺賊忽賊中一礮飛來親兵二人應聲倒斃和春亦被垛顛碎砂撲傷頭面並傷右手倉卒間知府江忠源所部軍功徐以祥首先帶勇由城西缺口兩旁搶下直奔賊隊同時鎮守弁兵亦槍下會合和春所帶兵勇三路合力衝殺鏖戰逾時殺斃賊匪三百餘名此初二日賊匪猛撲省城兵勇奮勉獲勝之實在情形也現在仍將城外濠溝趕緊加挖以防地道 臣鮑起豹晝夜駐城防守和春等固守東南北三面各要隘向榮等屯紮河西不敢稍有疏虞行閒文武官紳奮勉出力擇尤開列懇請

天恩獎勵奏入

聖恩匪方略卷十八

五十一

上諭內閣曰此次賊匪暗用地雷連撲省城經羅繞典

張亮基駱秉章鮑起豹等督飭官兵殺斃多名疊獲勝仗勦辦尙屬認真所有戰守出力各員自應量予恩施總兵和春著交部議敘知縣王葆生著賞戴花翎以同知升用陳丕業著交部從優議敘縣丞楊恩綬著免補本班以知縣補用照磨蕭盛遠著以縣丞遇缺卽選並賞戴六品翎頂副將鄧紹良著賞加總

聖恩匪方略卷十八

五十二

兵銜都司全玉貴著以遊擊儘先補用周兆熊著賞戴花翎千總蕭知音著免補守備以都司儘先補用守備蘇元林著以都司卽用萬年新侯光裕均著賞戴花翎把總龍正耀著以千總儘先補用徐嶸姚大興外委尹開泰均著賞戴藍翎楚勇頭目徐以祥著以把總儘先補用陣亡之千總趙繼宗著交部照例

卹卹



同日

上諭內閣曰阿勒楚喀副都統薩炳阿著發往湖南軍營交欽差大臣徐廣縉酌量調遣

二十六日癸卯徐廣縉羅繞典張亮基駱秉章奏

言查湖南前因逆匪在粵滋擾先後調兵堵剿及逆匪竄擾楚境攻偪長沙添調各省兵勇合剿需費甚鉅經前任督臣先後奏奉

勦平粵匪方略卷十八

至

諭旨飭部籌撥各省餉銀四百餘萬兩除已陸續解收

外各省未到銀兩尙有一百六十餘萬兩現在司庫實存之項不及三十萬兩各省未到軍餉誠恐輾轉解運貽誤事機惟有仰懇

天恩俯念軍務緊要

飭部在於附近各省再籌撥銀二百萬兩以濟要需奏

入得

旨戶部速議具奏旋經戶部議覆請於江蘇等省共撥銀一百萬兩其餘銀一百萬兩容俟臣等另籌續撥

上從之

二十七日甲辰徐廣縉奏言臣現駐湘潭查得逆

匪屯踞長沙城南兩月有餘尙未竄動自分踞河西以後搭造浮橋往來接濟河西賊營實已

勦平粵匪方略卷十八

至

多於河東其東面一帶業經前大學士臣賽尙阿督飭將弁空濠分堵自長沙南門外蔡公墳起至豹子嶺止連營十餘里空濠寬深丈餘堵其東竄臣現已函致向榮督飭各路鎮將力籌攻剿至進剿次第誠如

訓示河西分股賊匪尤須趕緊剿滅確查長髮賊匪男

女老幼不過四五千人其眾萬餘多係土匪如



能將河西股匪剿滅則應援既絕圍剿不難至  
湘潭地面距省城九十里距賊營五十餘里實  
爲衝寶等屬扼要之地臣擬卽駐紮湘潭於西  
南一帶可資鎮壓且於大營呼吸相通亦可隨  
時調度奏入報

聞

同日署江西巡撫張芾奏言賊在長沙盤踞城

欽定剿平粵匪方略卷十八

五

南官兵圍剿日久深恐分竄江西袁州所屬之  
萍鄉密邇長沙本年七月間署鹽巡道王訓暨  
袁州協副將蔣益輝已赴該處防堵近日九江  
鎮總兵清保又自湖南帶兵折回亦在萍鄉駐  
紮袁州府城及所屬之萬載縣均與湖南連界  
各派委員協同地方官防守若吉安府屬之蓮  
花龍泉等廳縣與湖南茶陵等處交界而蓮花

驛尤爲緊要現有本省防兵八百餘名復將江  
蘇清標兵四百名派赴防守南贛鎮總兵阿隆  
阿暫駐吉安府城俟何處有警卽就近馳往督  
辦臣前聞賊有窺伺長江之意當以九江府襟  
帶江湖界連吳楚實爲咽喉要地卽與臣陳孚  
恩商派督糧道吳其泰等查勘險隘妥籌布置  
茲據稟稱九江府屬瑞昌縣爲湖北入江西第

欽定剿平粵匪方略卷十八

五

一門戶陸路與湖北興國州接壤水路則縣北  
馬頭鎮地濱大江對岸爲湖北廣濟縣武穴鎮  
等語現有江蘇狼山鎮遊擊薛升堂管帶官兵  
六百名在馬頭鎮駐紮又有福建署總兵音德  
布統帶官兵一千名到境經臣撥赴九江會同  
擇要扼紮並添設礮位以資捍衛九江水師戰  
船日久廢弛臣卽行司籌議辦理第恐緩不濟



急已函商督臣陸建瀛將鎮江水師三板巡船酌借數隻應用奏入

上命軍機大臣傳諭張芾曰九江一郡為吳楚咽喉先事豫防固當籌及第賊匪現在長沙經大兵攻剿若竄江西地界自以袁州吉安為最要關鍵九江距湖南尚遠較之萍鄉等處緊接賊匪地方者有閒該署撫惟當酌量緩急妥籌辦理兵分則單設非緊要之

勦平粵匪方略卷十八

三十一

區派撥較多恐於應行嚴防處所轉致疏忽戰船廢弛已久經費當支絀之時倉猝籌辦不但購料修造緩不濟急且徒糜餉需無濟實用江蘇三板船隻果否足資巡緝抑可就本地商漁船內酌度情形豫備應用該署撫務須不動聲色嚴密籌維勿使安堵居民因此驚擾

欽定勦平粵匪方略卷十九 壬子年

十一月初三日己酉羅繞典張亮基駱秉章鮑起豹奏言賊眾分踞省河東西恃有浮橋來往出沒詭譎無常節經我兵圍剿疊次將橋拆斷斷其接濟賊勢日窮惟恃地洞可避槍礮計圖陷城臣等恐賊窮思竄豫先知會向榮和春等將各營追兵派定並飭將弁兵勇無分晝夜不准

勦平粵匪方略卷十九

一

擅離堦口十八日黎明兵勇正在掘濠賊因舊穴斜穿一洞忽將南城轟塌一段寬至八丈有餘賊眾譁擁上撲時副將瞿騰龍等督率兵勇爭先堵擊乘勢搶下缺口追擊殺斃賊匪三百餘人賊眾因三次轟城均經大挫黨夥精銳半已死傷其逃過河西賊營者又經朱啟仁張國樑水陸並剿皆有斬獲十九夜該匪因追剿緊



急乘風雨黑暗河東賊偷渡西岸皆由小路翻  
山越嶺四散紛逃臣等伏思賊情詭秘或暗伏  
山僻掣動我兵追去仍撲省城或由山徑上下  
分馳使追兵無可蹤跡河西道路歧出上下皆  
可竄逃旋據探報賊由白箬鋪逃去白箬距甯  
鄉縣城僅五十里且有小路可以繞往湘鄉當  
卽飛咨署督臣徐廣縉急籌策應堯勦省門現

聖朝方略卷十九

二

無賊匪奏入

上命軍機大臣傳諭徐廣縉羅繞典張亮基鮑起豹曰  
逆匪分踞長沙省河東西八十餘日疊經我兵攻勦  
斷其接濟散其黨與勢已窮蹙前後三次轟城均被  
我兵擊敗兇悍黨夥半已死傷其逃過河西賊營者  
復因追勦緊急皆由小路翻山四散紛逃現在賊由  
白箬鋪逃去此地距甯鄉縣城僅五十里有小路可

達湘鄉常德岳州荊州一帶隨處皆可竄越若不嚴  
行追捕聽其一路裹脅必至餘灰復然又成巨患著  
徐廣縉飛飭各鎮將分帶兵勇星速攔追乘其紛紛  
逃潰之時痛加勦洗速蕝大功至省城防兵仍應安  
設著羅繞典張亮基鮑起豹等督飭在事文武官紳  
加意巡防毋稍鬆懈

略秉章又奏言臣前奉

聖朝方略卷十九

三

諭旨暫留湖南辦理長沙防勦事宜事竣再行奏明請  
旨查粵匪竄擾長沙兩月有餘經臣暨羅繞典張亮  
基鮑起豹晝夜登陴督飭在城文武竭力防勦  
保守危城該匪屢受懲創於十月十九夜由河  
西竄逃業經徐廣縉派令福興與向榮和春等  
乘勝截追長沙防勦現已事竣謹奏明請  
旨遵行奏入



上諭內閣曰前任湖南巡撫略秉章著遵照前旨來京  
另候簡用

初六日壬子徐廣縉奏言賊匪於十月十八十九

等日力撲長沙省垣牽掣東路之兵潛於十九

日夜乘風雨昏暗全股過河由金牛嶺一帶翻

山逃竄福興等在象鼻壩營盤聞信當卽督帶

兵勇由小路渡河追至牛頭山地方截擊獲勝

欽定四庫全書

四

賊匪四散向榮駐紮北岸亦卽派總兵馬龍等

追剿至安樂鋪地方見賊尙有三四千人卽督

率兵勇奮力直前斃賊不少該逆且戰且走我

兵卽於安樂鋪紮住向榮亦於是夜趕到探得

逆匪已至甯鄉據獲犯供稱有欲往常德者有

欲往寶慶者臣等查匪徒旣至甯鄉非南竄寶

慶卽北竄常德必須趕緊兜圍遏其奔突福興

等兵力尙單卽揀派和春秦定三李瑞王錦繡

四鎮之兵及瞿騰龍所帶鎮筸勁旅計五千餘

名趕上福興等營盤合力前進兵力已厚足資

追剿又另派知府江忠源督帶兵勇二千名趕

赴湘鄉截其竄寶慶之路至北竄常德惟益陽

最爲扼要已飛飭向榮由甯鄉設法抄前堵截

並派知府朱啟仁管帶潮勇四千名總兵常祿

欽定四庫全書

五

帶兵一千七百名及張國樑捷勇四千名馳往

長沙西北一帶攔截遏其竄往湘陰伏查匪徒

此次竄逃實因鹽米將盡且見大兵圍逼漸緊

勢窮力竭鋌而走險竄出後經官兵剿殺其氣

已衰臣惟有嚴督在事文武趕緊勦辦不敢稍

涉遷延致干重咎又查竄出之路與向榮福興

所紮營盤均不甚遠該提督等不能嚴密防堵



咎有攸歸未便因其追勦獲勝稍事姑容應請  
旨交部議處以示薄懲奏入

上諭內閣曰此次逆匪因大兵圍剿米鹽將盡紛紛竄  
逃經各路兵勇及各團義勇四面攔追截擊斬擒甚  
多勢已窮蹙該大臣分派將弁迅速堵扼兵力不爲  
不厚該逆卽冒死衝突料難他竄惟當嚴督在事文  
武趕緊兜剿務將著名逆首及從逆匪犯悉數殲擒

欽定剿平粵匪方略卷十九

六

不准仍任竄逸致干重咎仍隨時知照廣西湖北一  
體嚴防堵截勿令餘匪竄入至福興向榮所紮營盤  
距賊竄出之路不遠該提督等不能嚴密堵防福興  
著交部議處向榮係已革發遣帶罪自效之員著該  
大臣存記如果追勦得力據實具奏儻始終不能奮  
勉一併嚴叅重治其罪

十一日丁巳調任山西巡撫湖北巡撫常大澐署

湖北提督江南提督雙福奏言臣等先據探報  
賊匪自長沙逃竄後擾及甯鄉益陽一帶十一

月初三日復接岳州府知府廉昌稟賊由益陽  
分股竄至湘陰縣林子口相離岳郡一百餘里  
已稟署督臣徐廣縉等撥兵赴岳堵剿又據湖  
北派在湘陰縣土星港卡之知縣李嘉瑞疊次  
稟報賊匪於十月二十六日屯在林子口是夜

欽定剿平粵匪方略卷十九

七

有船三隻由蘆林潭下竄經該員與紳士吳士  
邁督帶漁勇沿河追捕開放槍礮賊船始行竄  
回復探得賊匪先在益陽搶擄糧食賊衆萬數  
擄船甚多因林子口設立水卡不能卽下二十  
八日該匪帶數千脅僞民人幫拆河內卡椿勢  
將直趨岳州該員與吳士邁因土星港守卡兵  
勇祇有二千名寡不敵衆現復趕派水卡會齊



船勇水師併力堵禦暨派湖中漁勇準備礮械等情臣等查前此募備洞庭湖中漁勇二千餘名在洞庭湖口土星港林子口等處設卡駐守以期遏賊水路要隘今賊匪大股竄至林子口雖經委員紳士督率漁勇暫得攔住現在添勇合力堵擊深虞賊眾我寡且卽水路阻遏又難保不由陸路奔突儻至岳郡則連壤之湖北荆

欽定四庫全書

八

欽定四庫全書

九

州武昌二府皆形喫重擇要分設兵勇無多實不足恃以制勝亟應添兵趕赴岳郡協助水陸兜剿早爲殲除臣等駐湖北武昌相去岳郡湖口六百餘里該處距湖南長沙省城一百餘里尙屬切近約計南省督撫諸臣此時均已派兵來岳策應臣等惟恐稽遲復行飛咨署督臣及湖南撫臣等迅卽籌撥多兵赴岳辦理並咨將

軍台湧提臣博勒恭武暨飭本省各路防所一體加緊嚴備至武昌省城重地凡修理城垣儲備軍需設礮安營等事均經臣等陸續辦理督同官紳訓練兵勇以備戰守惟前此所謂本省及皖豫兩省之兵除派防外此時省城內外存兵僅止二千餘名不敷調遣其前調之陝甘官兵三千名計月內陸續可抵楚省擬俟到時分別留衛省城及察看賊蹤調派征剿常大瀆雙福又奏言據委防蒲圻口隘知縣張開霽探稟賊匪大股已於十一月初三日竄入岳州府城並准提臣博勒恭武咨稱初三日未刻探悉賊匪離城僅三十里當帶兵八百餘名迎剿行至五里排地方遇賊約二千人我兵開放槍礮斃匪無數官兵亦有損折不料東門火



起復有賊匪馬步齊出從後抄襲我兵腹背受敵不能抵禦以致潰散該提督因馬中槍跌地腰膀受傷此時官兵營盤盡被燒燬不能安紮應撤回省臣等查岳郡爲湖北武昌荊州二府水陸屏障現被賊匪竄入所有湖北邊界各要隘前駐兵勇三五百名更不足恃以堵截其水路已出湖口江面寬廣雖沿岸均設有兵礮仍

欽定剿平粵匪方略卷十九

十

恐順流直下難資堵禦現在省城內外存兵祇及二千陝甘官兵僅到四百餘名其餘二千數百名尙未據報入境情形甚爲緊急卽飛咨徐廣縉速派大兵趕於捷徑繞出賊前馳來武昌援剿臣等已督率官紳兵勇將守衛一切事宜星夜嚴備惟盼南省大兵速到俾得迅殲醜類救靜地方奏入

上命軍機大臣傳諭徐廣縉羅繞典張亮基鮑起豹常

大瀆雙福台湧曰逆匪竄入湖南節經降旨諭令該督撫等派委提督博勒恭武帶兵駐紮岳州專司防堵乃於十一月初三日賊匪由湘陰竄至巴陵博勒恭武帶兵迎擊旋卽東門火起賊匪從後抄出營盤盡被焚燬以致府城失守是顯有匪徒潛入岳城爲賊內應該城文武防禦日久何以毫無覺察殊堪痛

欽定剿平粵匪方略卷十九

十一

恨岳州以北尙有蒲圻嘉魚咸甯等縣何以不擇要堵截遽稱撤兵回省豈蒲圻等縣竟全然置之不顧耶前此賊竄甯鄉據徐廣縉奏稱派和春秦定三李瑞王錦繡四鎮及瞿騰龍等各帶勁兵與福興向榮等合力追剿何以任賊肆竄並據稱令向榮設法抄前堵截另派朱啟仁常祿張國樑等各帶重兵遏其竄往湘陰之路何以此次賊匪徑由湘陰縣屬竄入



岳州且府城文武何以全無準備致賊匪如入無人之境種種情形殊不可解徐廣縉自粵赴楚業已遲延及到湘潭正賊匪窮蹙圖竄之時屢接奏報亦知杜賊竄路為最要關鍵何以亦蹈從前覆轍耶此時賊踞岳州是否分股北擾蒲圻以北水陸要隘如何堵截著該大臣迅即統帶大兵親往岳州一帶嚴督各提鎮等設法繞出賊前併力兜剿斷不得再任奔

聖朝方略卷十九

十二

突常大瀆雙福駐紮武昌防護省城及境內水陸緊要地方與台湧分飭文武嚴密防堵徐廣縉仍當設法派兵接應朕連日望報甚殷該大臣想已續有奏報在途以後軍情務須隨時由六百里馳奏以慰朕懷提督博勒恭武受傷是否屬實何以任兵潰散著先行革職仍著查明據實具奏岳州府城文武下落一併查明奏聞湖南省城現有張亮基鮑起豹駐守

羅繞典著暫留湖南若有應行帶兵堵剿之處著該大臣等酌量籌辦毋誤事機此次賊竄究係何路失防致令復肆猖獗著徐廣縉確查嚴辦毋稍姑息朕細察湖南軍營積習總由帶兵大員不能豫出城前迎頭兜剿或設伏要隘攔腰截擊其在後追剿之兵又不肯跟蹤緊躡即如徐廣縉前奏內向榮於追賊喫緊之時又以兵單為詞俟調省城兵到隨後尾追

聖朝方略卷十九

十三

此等舉動安能不失機會耶該大臣統領大軍責無旁貸南北兩省皆所統轄現在賊已竄踞岳州咽喉要路為其所扼軍餉銀兩何路繞越荆州防兵亦單武昌城守尤要該大臣應於何處駐紮調度必當全盤籌畫勿致顧此失彼陝甘續調之兵迅速催令趕到兵貴神速當此萬分喫緊之際若不就現在兵將相機調遣即再調遠兵亦緩不濟急朕宵旰焦勞省



躬滋懼該大臣等同膺委任當如何盡心竭力為朕分憂也

十二日 戊午

上命軍機大臣傳諭徐廣縉羅繞典張亮基鮑起豹台  
湯常大瀆略秉章雙福曰昨據常大瀆等奏逆匪竄  
入岳州已由六百里加緊諭令徐廣縉迅統大兵親  
往督剿岳州為北省屏障最關緊要前於九月間因

欽定剿平粵匪方略卷十九

十四

博勒恭武在岳州防堵兵力尙單且未知能否得力  
屢次諭令徐廣縉等速派精兵數千赴岳扼要嚴防  
即該大臣前奏亦因岳州緊要請將續調之兵分駐  
防堵嗣據常大瀆博勒恭武先後奏報查辦臨湘土  
匪情形恐其南竄與長沙大夥勾結復降旨令徐廣  
縉等速派精兵前往南北要隘合力防剿原以防守  
岳州為第一要務朕早料賊匪詭詐必由此路北竄

即該大臣亦見及此何以此次賊匪竄入岳境竟無  
湖南派往官兵與博勒恭武會同夾擊且博勒恭武  
係湖北提督越境防守該督撫等何以不早派得力  
鎮將協同防守該大臣於奉到疊次諭旨漫不經心  
以致賊匪肆行無忌竟陷岳州該大臣前派朱啟仁  
常祿張國樑等分帶兵勇遏賊北竄湘陰之路統計  
八千餘人兵力不為不厚若能抄出賊前或跟蹤緊

欽定剿平粵匪方略卷十九

十五

躡與博勒恭武前後夾擊即不能掃數殲除賊匪亦  
當大受懲創何致逆燄復熾至岳州城內文武各官  
如果豫防奸細查拏嚴密何至有東門失火之變種  
種貽誤實堪痛恨現在逆匪是否全股占踞岳州逆  
首洪秀泉等是否在內有無餘匪他竄該大臣務當  
迅統大兵速赴岳州或間道繞至岳州北路趁此賊  
匪聚在一處設法圍攻斷不可稍延時日致賊分踞



城外村莊要隘或擄掠江面船隻分股四竄岳州東  
達武昌西達荊州均關緊要常大瀆雙福等現在湖  
北省城防堵本日已有旨令駱秉章留於湖北幫同  
辦理台湧防守荊州兵力亦形單弱仍著該大臣速  
派勁兵及續調到陝甘新兵酌量分赴武昌荊州協  
同守禦總以鎮撫人心為要萬勿再有疏虞至漢口  
地方商賈輻輳為大江南北咽喉尤賊匪垂涎之地

勦平粵匪方略卷十九

十六

必應設法防護且恐匪徒溷跡勾串更須嚴密查拏  
奸細飭令地方官督率紳耆合力團練以資保衛岳  
州為兩楚重地一旦失守該大臣督撫等自問當得  
何咎昨已據常大瀆奏到而湖南奏報今日尙未接  
閱不勝焦灼此後緊要軍情務須隨時馳報以慰懸  
念

上諭內閣曰前有旨令駱秉章來京另候簡用現在計

已行抵湖北著即留於武昌省城幫同常大瀆辦理  
防堵事務

十五日辛酉徐廣縉張亮基羅繞典駱秉章奏言

十月二十二日賊匪竄至甯鄉縣城外向榮已  
於安樂鋪拔營追及賊即排列抗拒我兵分三  
隊進攻該匪勢不能支由城外小路竄往益陽  
一帶而去我軍於二十三日追至蒼水鋪匪已

勦平粵匪方略卷十九

十七

搶得多船搭造浮橋渡河徑到益陽向榮當即  
率同總兵馬龍郭仁布緊追該匪分股回拒向  
榮令明安泰等督隊進攻斃賊多名該匪退至  
河邊各村屯紮我兵恐有埋伏未敢再追而查  
看河內船隻數百號盡為賊擄我兵無船可渡  
各鎮追剿之軍一時不能繞出賊前查該匪既  
已據船則水路可自龍陽至常德亦可自湘陰



至岳州而岳州爲北省咽喉扼要之地尤爲喫緊臣等一聞探報立即商派總兵常祿及都司張國樑之兵趕赴湘陰堵截復另派總兵和春秦定三王錦繡李瑞督帶大隊馳往岳州並飭令確探賊蹤攔頭迎擊向榮等追剿之軍於二十五日齊抵甯家鋪趕緊於沿江尋覓木簕竹簕搭造浮橋以便我軍過渡續據探報賊從益

欽定剿平粵匪方略卷十九

十六

陽走藍溪欲往林子口逃竄向榮即派總兵郭仁布等統帶官兵從藍溪進剿二十六日郭仁布等於五更出隊直抵藍溪該匪擁出四五百人分數隊拒敵官兵迎擊從辰至巳相持兩時許擊斃多名無如賊來愈衆勢難抵敵正在喫緊之際適福興援兵趕到賊始敗入村內拒守二十七日向榮福興親率官兵五更出隊探得

該匪已於初更時全股逃竄並沿江擄船多隻分向西林港前竄當即催兵前進沿路橋梁俱被該逆拆斷必須紮筏渡河以致兵行不能迅速二十八日由河岸跟追所走均田塍小路兵勇魚貫而行甚爲遲滯向榮恐誤進剿即督率兵勇先由別路渡河繞出湘陰截擊而該匪前隊已於二十八日由林子口竄撲蘆林潭連夜

欽定剿平粵匪方略卷十九

十九

竄往湘陰二十九日早至南門外對岸扁擔峽地面開放槍礮並放船隻過河該縣莊心庠正在督飭兵勇堵禦適常祿張國樑趕到當即督飭兵勇沿河施放槍礮該匪見有援兵不敢拒敵退回原路向榮亦於十一月初一日行抵湘陰探得該匪前隊已在營田起程將船隻及重笨之物全行拋棄由陸路竄往歸義驛地方屯



踞查歸義地面大路係往岳州小路可由平江  
竄出與湖北之通城崇陽蒲圻等處毗連該匪  
詭譎異常偵知我兵趕赴岳州難保不由小路  
逃竄是以前派和春秦定三等抄截卽飭由大  
荆一路行走可冀抄出賊前現又專派提督蘇  
布通阿帶川兵專向平江一帶前進截其竄往  
北省之路惟逆匪前在益陽有河可阻該縣並  
未將河面船隻全行收往僻港以致匪得渡河  
進城據掠實屬罪無可道應請

聖朝方略卷十九

三

旨將益陽縣知縣陳應台革職拏問訊明有無退避情  
形照例治罪再臣徐廣縉已於初一日移紮長

沙奏入

上命軍機大臣傳諭徐廣縉羅繞其張亮基駱秉章曰  
逆匪竄至安樂鋪地方據該大臣奏報不過三四千

人迫竄至甯鄉後又據該大臣派令知府朱啟仁帶  
潮勇四千名馳往長沙西北一帶遏其竄往湘陰湘  
陰係赴岳州必由之路且堵賊之兵數已倍半何以  
任賊直竄岳州毫無堵禦聞該大臣等本日奏到連  
日追剿情形所有帶兵將官及兵勇等一味尾追從  
無一路繞出賊前者相沿惡習實屬可恨至所稱賊  
退至河邊各村我兵恐有埋伏未敢再追又於二十

聖朝方略卷十九

三

八日由河岸跟追所走均田塍小路兵勇魚貫而行  
甚為遲滯若云均係田塍向榮何以繞別路行走可  
見俱屬捏報以掩飾遲延之咎是沿途追剿之兵顯  
有耽延情事且水路船隻亦帶兵大員早應籌辦之  
事何以不豫為布置使賊先已搶占我兵轉無船可  
渡顯係藉詞諉罪以掩其遷延玩誤該大臣等僅奈  
一縣令了事豈於軍營惡習竟不加察岳州失守數



日該大臣等近在長沙尙茫然不知惟聽各將官等飾詞稟報任其耽延貽誤抑已知岳郡失事故分兩次奏報耶似此舉動豈不又蹈從前覆轍徐廣縉著卽遵前旨迅統大兵間道馳赴岳州迤北一帶督剿毋得再有遲滯並著查明追剿不力及岳州失事各員分別擬罪具奏備查有臨陣退縮及坐視不援者一面奏聞一面以軍法從事毋稍寬縱徐廣縉到楚

欽定剿平粵匪方略卷十九

三

以來軍營並未有起色朕用汝朕自知愧第問汝於心何忍何安

上諭內閣曰本月十一日據常大瀉等馳奏逆匪於十一月初三日竄入岳州府城摺內僅稱賊至岳州提督帶兵接仗旋卽東門火起府城失守並未將城中文武防堵情形及湖南追兵是否應援之處詳細具奏當降旨將博勒恭武先行革職諭令徐廣縉等迅

速追截斃剿數日以來望報甚殷乃本日據徐廣縉等馳奏猶是十一月初一日以前沿路追剿各情該大臣於本月初一日移營長沙此摺係初七日奏報何以初三日岳州失守之事毫無見聞軍營偵探所司何事據稱帶兵大員等於初一日已抵湘陰距岳州甚近豈前途失事遲至數日尙無稟報耶覽奏憤悶殊不可解徐廣縉羅繞典張亮基駱秉章均著先

欽定剿平粵匪方略卷十九

三

行交部議處岳州湘陰一帶乃南北兩省要隘朕早料及賊匪窮蹙必由此路奔竄九月間屢降諭旨令該大臣等派撥精兵前往協防卽徐廣縉前次奏報亦經派兵扼賊北竄之路何以博勒恭武與賊接仗並無湖南追援官兵前後夾擊近日軍營積習賊來不擊賊去不追種種膽玩實堪痛恨若不嚴申紀律何以整飭戎行著徐廣縉等遵照前旨查明賊由何



路竄越帶兵各官何人追勦不力億係臨陣退縮坐視不援卽著一面奏聞一面以軍法從事徐廣縉由粵赴楚本已遲延若不親督鎮將就近調度任聽飾詞稟報貽誤事機自問當得何罪長沙省城現有羅繞典張亮基與鮑起豹等防守徐廣縉著卽統帶大兵兼程馳赴岳州一帶繞出賊前迎頭截擊提督善祿計已行抵湖北著卽截留該省扼要駐紮幫同勦

聖朝方略卷十九

三

捕武昌漢陽荊州水陸各要隘俱著分派精兵並新調到陝甘勁旅一律防堵毋任再有竄逸逆匪前在益陽有河可阻該縣並不將船隻收往僻港以致匪得渡河進城擄掠罪無可逭益陽縣知縣陳應台著革職拏問治罪仍查明岳州失事文武各員據實具奏

十七日 癸亥 徐廣縉張亮基羅繞典駱秉章奏言

據向榮函稱初三日督率常祿等兵勇趕至大荆鋪聞逆匪連夜逃竄將到岳州當卽拔營追趕一面專弁移咨在岳防堵之提督博勒恭武囑其靜鎮嚴防能固守一二日大兵卽可趕到乃向榮於初四日行抵岳州之新口鋪地方已聞岳州失守並有巴陵縣走出之犯詢據供稱岳州官員於初二日先已出城初三日早知縣

聖朝方略卷十九

三

亦卽出城午刻賊分三股湧至官兵全行潰散城門大開無人把守該匪隨卽進城城內火藥大礮及餉輜一切均已資賊等因 臣接報之下憤懣難言查岳州有提督博勒恭武昌道王東槐帶兵在城防堵城池亦尙完固賊卽十分猖獗守禦總屬有餘但能固守兩日則向榮之兵已至儘可扼其前竄乃竟望風而潰從前所



稱雇募漁勇種種防堵盡屬虛文實屬罪無可  
道此時匪踞岳州水陸俱可竄往武昌如由武  
昌北渡則漢陽荊州等屬無處不當嚴防已飛  
飭向榮派兵四五千名由通城崇陽一帶迅速  
繞出武昌以資援剿現在賊蹤尙無定向俟確  
探匪竄何處臣亦卽督率將弁趕往剿辦惟是  
沿江上下防不勝防賊匪奔竄剽疾稍有疏虞

欽定剿平粵匪方略卷十九

三

則豫皖江西等處不免震驚臣徐廣縉力小任  
重似此情形斷非一人所能兼顧惟有仰懇

皇上天恩另派重臣分路堵剿並飭附近湖廣各省督  
撫專力堵防俾臣徐廣縉專辦督剿庶期迅掃  
賊氛其失守岳州文武員弁俟確切查明嚴參  
治罪臣徐廣縉調度乖方致派往攔截及追剿  
之兵均不能迅速趕上咎無可辭應請

皇上嚴行治罪以儆玩弛

同日常大瀉雙福奏言疊據探報該匪於十一  
月初三初四等日全股竄踞岳城後卽擄掠商  
船由湖南臨湘縣之城陵磯陸續轉竄湖北歷  
監利縣之楊林磯嘉魚縣之瀘溪口鍾洲順流  
直下約有船四五百隻賊衆數萬多係勾結土  
匪裹脅平民沿途口隘所設兵勇雖經堵截攻

欽定剿平粵匪方略卷十九

三

擊而賊船假扮商船混雜莫辨所有湖南甯鄉  
益陽一路賊匪全歸岳州一路北竄現探首逆  
賊隊尙踞岳州攔阻向榮等追剿之兵聞俟衆  
匪齊抵武昌卽行登岸攻撲省城首逆亦卽率  
衆竄來頃又探報前股賊匪已先後至江夏縣  
之金口肆行燬掠距省城僅六十里臣等查湖  
北省城周圍二十餘里前存防兵及現到陝甘



官兵共祇三千餘名其雇募民勇亦僅一千數百名堵守城堞尙屬不敷何能備勦且對江之漢陽府城暨漢口鎮商賈雲集均無兵勇防守臣等雖於武漢上游派有戰船水師堵截未識能否抵禦况該匪棄舟登岸陸行更近實屬萬分危急業已督同官紳兵勇登城嚴備雖民情堅定可期固守危城若援兵遲到亦慮事不可

聖學聖方略卷十九



測仍懇

天恩飭下徐廣縉迅卽帶兵來北不勝懸望迫切之至均奏八

上命軍機大臣傳諭徐廣縉羅繞典台湧張亮基駱秉章常大瀆曰該匪突入岳州守城官員瞻敢紛紛出城以致郡城失守火藥大礮餉鞘均已資賊可見湖南地方官吏前此並未講求守禦殊堪痛恨卽如城

陵磯地勢險要向榮等追勦之兵何以不疾行繞前扼守任令順流北駛該大臣所調度者何在現在該匪擄船四五百隻聚眾數萬直抵距武昌六十里之金口湖北省城危急防兵僅有三千餘名益以王錦繡常祿趕到之兵亦僅五千餘名深恐不敷堵禦且該省沿江直下經九江至安慶瞬息千里防不勝防而對江之漢口尤爲賊所垂涎北由孝感西由荊州

聖學聖方略卷十九



襄陽則河南震驚賊勢剽急所陷城池擄掠卽行並不似永安道州尙爲久踞之計其心叵測若再遷延觀望祇事尾追貽禍何可勝言該大臣等以爲朕不能執法從事耶著徐廣縉親督大兵迅速繞赴武昌設法救援並飛飭向榮等先到之兵與湖北現有兵勇合力攻擊並設法腰擊在後之大股賊匪毋令會齊併力死拒其博勒恭武收回潰散之兵與瑞元防



守蒲圻之兵能否在通城崇陽一帶接應以牽制賊匪使不能由陸路躡我之後所有各路運到軍餉火藥與武昌城內軍餉火藥應如何密籌分別布置文報往來驛路如何繞越省垣備禦之器械土石如何源源接濟著徐廣縉常大瀄等妥密辦理城內奸細尤須晝夜偵緝防守不力之文武員弁一經查明卽行按律正法務期保守武昌漢陽兩處於水路上游

欽定剿平粵匪方略卷十九

三十一

嚴兵扼守勿令賊匪更肆竄擾荊州一帶台湧仍遵前旨嚴密防堵仍著羅繞典等嚴防該匪回竄長沙常德等郡萬勿再有疏虞致干重罪

上諭內閣曰自賊竄長沙疊經降旨令於岳州荊州各要隘嚴密堵剿該地方官應如何認真防守乃賊匪於初三日竄至岳州而該郡官員於初二日初三日先出城外以致官兵潰散賊匪得以竄入府城是進

不能戰退不能守平日毫無準備遇變卽棄城而逃似此昧良喪心實出情理之外著徐廣縉等嚴行查辦此等貽誤員弁若不擇其尤者正法數人何以挽回積習昨因該大臣等奏報遲延已降旨交部議處茲據徐廣縉具摺請罪當此軍務緊急調度乖方身爲統帥豈能辭徐廣縉著革職留任張亮基鮑起豹均有地方之責著各降四級留任現在賊衆盤踞

欽定剿平粵匪方略卷十九

三十二

岳郡窺伺武昌據常大瀄奏向榮派總兵常祿王錦繡帶兵赴援已抵湖北省垣仍著徐廣縉飛飭向榮統領重兵速由通城崇陽繞出武昌截賊前路該大臣亦卽親督鎮將直赴武昌於水陸要隘分布兜剿荊州一帶著將軍台湧等一體嚴密防範毋任匪黨竄逸並著羅繞典張亮基鮑起豹等嚴防賊匪回竄之路現復添調各省精兵陸續前進誓必滅此醜類



拯我生民該大臣等具有天良其各悉心籌畫庶可  
以功補過儻仍前玩忽再失事機其能當此重罪耶  
近來地方惡習一聞警報輒藉詞擇險防堵先行出  
城規避取巧實堪痛恨著該大臣督撫等隨時嚴查  
儻賊經過地方文武員弁仍蹈此等惡習卽一面奏  
聞一面正法以昭炯戒而肅軍律

上又諭內閣曰現在逆匪竄入岳州將竄湖北河南省

聖學方略卷十九

三

應辦防堵著派布政使鄭敦謹馳赴信陽州一帶會  
同南陽鎮總兵柏山扼要籌辦署河南巡撫琦善著  
迅速起程馳抵楚豫交界地方督飭嚴防前已有旨  
添調陝甘兵二千名西安駐防兵一千名並帶兵副  
都統鎮將各員均著交琦善調遣並著訥爾經額於  
直省官兵內揀派精兵三千名交提督陳金綬統帶  
隨同琦善前往

上又諭內閣曰現在賊竄岳州江防尤關緊要署江西  
巡撫張芾著卽馳赴九江督同該鎮總兵清保及地  
方文武辦理防堵其省城事務著布政使陸元烺會  
同在籍尙書陳孚恩並司道等妥爲辦理安徽按察  
使張熙宇壽春鎮總兵恩長著馳赴沿江扼要處所  
會同辦理防堵事宜巡撫蔣文慶仍駐省城就近調  
度毋稍疏忽

聖學方略卷十九

三



欽定剿平粵匪方略卷二十 壬子年

十一月十九日<sup>丑</sup>乙常大瀉雙福奏言賊船於十二日辰刻馳至武昌省城江面當經兩岸開放大礮並師船開礮迎擊打沈划船無數詎該匪繞登對岸攻撲漢陽府城經一晝夜尙無確信旋據探報又有股匪約六七千人由蒲圻陸路竄下直抵省城東門外分作兩翼撲來<sup>臣</sup>等卽

剿平粵匪方略卷二十

一

於城上開礮抵禦擊斃賊匪數十名旋退踞洪山一帶查該匪自湖南竄入益陽後由小路攻撲岳州占踞府城搶擄商船加以沿途土匪引導旬日間水陸猝至情勢猖獗已極而湖北存城官兵及陝甘續到者僅止三千餘名其湖南派來總兵常祿王錦繡所帶兵二千七百餘名因在中途被賊截擊衝散實僅到省一千餘名

合計官兵止五千有餘分布城堞<sup>臣</sup>等會同該總兵等與文武各官晝夜駐城督率兵勇誓以死拒惟賊眾數萬同時水陸猝至四面環攻實屬萬分危急相應請

旨飭下徐廣縉等迅卽帶兵來北不勝懸望迫切之至再賊船灣泊省城上游之十餘里約數百號俱安有礮位所載軍火糧食甚爲充足兩岸對渡

剿平粵匪方略卷二十

二

又便於接應我兵水陸俱被截斷糧運不通必須先將大小賊船剿盡方可制勝聞湖南大營帶有粵西礮船應請

飭飛調來北助剿至下游江西安徽各省急須嚴行堵禦該匪早有直竄南京之說應請

飭調江南水師廣艇礮船並中號小號礮船多隻攔截九江順風逆溯武昌一路迎頭截擊不特可遏



其下竄並可斷賊兩岸接應去其糧食剿辦方能得手至武昌省城食用等物向俱仰給漢鎮店市及客商貨船今因賊匪狎陷岳州連船下竄所有店貨商船逃徙一空錢米油燭等物無從購辦又水陸梗塞更難轉運進城應請

飭下湖南糧臺多為購辦來北及探查轉運路徑以資接濟

聖學方略卷二十

三

同日安徽巡撫蔣文慶奏言探聞逆匪有由臨湘縣分撲武漢地方之說恐其順流直下安徽為東南數省門戶其與湖北交界之六安霍山英山宿松太湖等處犬牙相錯路徑紛歧水陸要隘不一而足亟應派兵防守以免竄入惟本省各營官兵已經節次調赴粵楚等省防堵省垣為根本重地存兵不過數百名宿松縣之小

孤山為皖蘇咽喉非派重兵駐守不足以資防禦統計安徽一省可調之兵不及二千名實形單薄除飛調徽甯等營官兵一千五百名移咨壽春鎮臣恩長來省統帶並咨督臣陸建瀛於江蘇水陸各營選派精兵三千名浙江省添派精兵一千名同前備調兵一千名配齊軍裝器械選派得力將弁飭令無分雨夜兼程來皖聽

聖學方略卷二十

四

候分撥外第思南省官兵較輒必須參用北省勁旅方足以資捍衛相應請

旨飭下山東撫臣移緩就急挑選精壯兵丁二千名派將統帶由宿州馳至皖省防禦以安江境均奏

上命軍機大臣傳諭徐廣縉羅繞典張亮基常大溍雙福曰自逆匪竄入岳州即由六百里加緊諭令徐廣



續迅統大兵馳赴岳州迤北一帶督勦該大臣諒已  
剋期赴援惟賊船已於十二日至武昌省城江面復  
繞登對岸攻撲漢陽府城又有股匪六七千人由蒲  
圻陸路竄下直抵省城東門外分作兩翼撲城賊勢  
猖獗已極湖北存城官兵僅五千有餘情形甚屬危  
急武昌重地且爲南北咽喉豈容稍有疏虞徐廣縉  
務當統帶官兵星速北來並飛催統領官兵之向榮

欽定剿平粵匪方略卷二十

五

及各帶兵大員帶領兵勇兼程前進救援武昌萬不  
可稍有耽延再誤事機常大瀆雙福駐紮省垣守城  
是其專責務須督飭在城文武紳民竭力守禦以待  
援兵並隨時嚴查城內居民無令奸匪潛入漢陽與  
武昌僅隔一江唇齒相依亦須飭令該城文武並紳  
民人等合力固守就近爲武昌聲援據常大瀆奏湖  
北口糧無從購辦請飭湖南糧臺多爲備辦又湖南

大營帶有粵西礮船請飛調來北助勦各等語著徐  
廣縉卽照該撫所請酌量妥速辦理毋稍貽誤

上又命軍機大臣傳諭陸建瀛蔣文慶曰現在逆匪竄  
踞岳州直犯武昌勢甚猖獗沿江各省均須急籌防  
堵據蔣文慶奏安徽地處下游請調江蘇水陸各營  
精兵三千名陸建瀛諒已據咨調往陸建瀛現任豐  
工督率彈壓正當喫緊之時惟安徽江西俱係該督

欽定剿平粵匪方略卷二十

六

兼轄省分儻軍情緊急必須親往督辦卽著扼要駐  
紮以資調度常大瀆等請調江南水師廣艇礮船並  
中號小號礮船多隻攔截九江順風逆溯武昌一路  
迎頭截擊著該督酌量緩急無分畛域合力堵截並  
著該督撫等分飭地方文武大員於沿江水陸要隘  
節節嚴防毋得稍有疏失

上又命軍機大臣傳諭李德曰現在賊匪已竄至武昌



據蔣文慶奏安徽逼近湖北急應防堵著李德移緩就急迅挑精壯兵丁二千名派得力將弁統帶由宿州星馳赴皖以資防禦儻山東有須添兵之處朕不難再由鄰省調往也

同日署河南巡撫琦善奏言臣仰蒙

恩旨署理河南巡撫連日將調兵籌堵各事次第辦理

竊念賊匪竄踞岳州督臣徐廣縉等集兵攻剿

聖學方略卷三十

七

自可剋期收復惟賊勢方張難保不四面竄突

江南江西一帶尚有長江天險可以扼要嚴防

河南則地處曠平南汝二郡及光州一州在在

與楚界緊接南陽又為荆襄上游當奔竄之衝

萬一賊蹤闖入不特一省腹地滋擾且與直隸

毗連關繫尤屬匪淺當此防堵喫緊之際必須

多集兵力更宜先選精銳昨蒙

簡派多兵俾資調遣不勝欽感惟尚須酌請添調並指

管調派以期得力擬請

派調吉林黑龍江馬隊各二千名直隸督標古北口提

標兵各二千名正定鎮屬之龍泉倒馬固關三

營兵共一千名大名鎮標兵一千名陝西漢中

陝安二鎮甘肅督標兵各一千名並請

飭該督撫提鎮逐加挑選以收勁旅之用再現當軍興

聖學方略卷三十

八

之際首以恤兵安民為重兵丁現已議加體恤

溫飽有資如再有絲毫擾累民間一經百姓喊

控即當以軍法從事而沿途各州縣辦差丁役

更不得私借兵差名目向閭閻濫行苛派如有

前項弊端准令百姓指告將丁役從重治罪州

縣一併彙處並請

飭下經過地方各督撫將現辦情形剴切出示曉諭奏



上諭內閣曰琦善奏請添調精兵以資調遣卽著訥爾經額挑選直隸督標提標精兵各二千名正定鎮屬之龍泉倒馬固關三營精兵共一千名大名鎮標精兵一千名舒興阿張祥河挑選陝西漢中陝安二鎮弁管帶均交琦善調遣現在賊由岳州竄至湖北武

欽定剿平粵匪方略卷二十

昌漢陽一帶地方朕已命徐廣縉督飭向榮等統領大兵飛速應援鄰近省分亦命該督撫嚴兵固守著琦善迅卽馳赴河南統帶新調精兵協力防剿並著嚴飭帶兵各員務各約束兵丁於經過地方毋得藉端訛索擾累民間如有多用民夫需索使費諸弊端卽著按照軍律懲辦沿途各督撫等並著一體嚴查儻州縣辦差丁役有藉兵差名目濫派閭閻者除將

該丁役從重治罪外並將該州縣嚴行叅處毋稍徇隱

琦善又奏言現在請調之兵已有萬餘名口食之需必須按日給發儘調兵陸續到齊而餉糈或有不給未免軍心先懈更敢賊匪窺伺之端自須籌備於前以冀糧足兵精一鼓作氣應請飭下部臣早爲籌撥俾得應時給發不致有停兵待餉

欽定剿平粵匪方略卷二十

之虞奏入

上命軍機大臣傳諭戶部曰現在賊竄湖北軍需緊要河南防堵亦需重兵一切供支款項均須急籌著戶部迅速籌撥餉銀二百萬兩分解軍營及河南聽候撥用

二十日丙寅署河南巡撫陸應穀奏言探聞賊匪於初三日竄入岳州該處距武昌省城甚近岳



州被擾荆襄鄖陽一帶處處戒嚴豫省南汝光各府州屬與湖北毗連計武昌至信陽州僅數百里而南陽府屬之新野縣水陸皆通均屬緊要臣當先派撫標官兵二百名前赴信陽州一面飛調護理河北鎮總兵崇安帶領精兵一千名馳往該州駐紮防禦並咨南陽鎮總兵柏山派委將備帶兵三百名前赴新野縣扼要駐守

聖朝方略卷二十

十一

河南兵額本屬不多且經調赴粵楚三千三百餘名此時省城統計滿營撫標開封城守各營除調出之外不足二千名而歸德考城兩營又與江南山東接壤現在豐北業已開工須資彈壓其餘南北兩鎮所屬亦形單薄無可調派賊情逼近武昌情形緊迫不能不調鄰省官兵協方堵禦相應請

旨飭下山東撫臣選派精兵一千名山西撫臣選派南鎮精兵三千名各派曾經出師得力鎮將管帶迅速來豫俾資防堵奏入

上命軍機大臣傳諭陸應穀曰河南與湖北毗連地方甚多水陸皆通在在堪虞此時逆匪圍撲武昌漢陽勢甚緊急南省追兵計日趕到合力夾擊難保不再圖北竄該署撫現在派撥官兵於信陽新野等要隘

聖朝方略卷二十

十二

防堵惟兵力尙單所謂鄰省之兵一時未能趕到著陸應穀於河南各營再行抽調一二千名迅速派往交界處所擇險布置該署撫如須出省調度卽著擇要前往駐紮俟琦善到日再行來京

上又命軍機大臣傳諭李德郭夢齡曰湖北賊勢猖獗河南急應防堵著李德選派山東精兵一千名郭夢齡選派山西南鎮精兵三千名各派曾經出師得力



鎮將管帶馳赴河南以資防守

同日

上諭內閣曰前因岳州失守將派往防堵之湖北提督博勒恭武先行革職並交徐廣縉查明該革員是否禦賊受傷又諭令將棄城逃走各員一併嚴行查辦守土各官遇有賊匪竄擾如能相機籌度或嬰城固守或出城奮擊文武各盡職守何至任賊橫行毫無

欽定剿平粵匪方略卷二十

十三

阻遏近日地方惡習一聞警報藉詞防堵出城規避前已降旨飭令該大臣督撫等隨時查辦因思帶兵員弁遇有要隘可扼仍須督兵堵剿又豈可藉詞退避城中棄險不守現在賊匪經過處所如有出城逃避員弁即當按律懲辦儻臨陣畏葸不出以致棄險失機者亦應查明嚴叅治罪以肅軍律毋稍徇將此通諭知之

二十三日己

上命軍機大臣傳諭徐廣縉常大瀆曰逆匪自岳州竄徧湖北省城圍撲漢陽及龜山營盤情形緊急數日來未得徐廣縉奏報朕心實深焦灼疊經降旨令向榮趕緊赴援並令徐廣縉督飭大兵星速前進不知此時如何攻剿向榮雖經獲咎而該大臣仍令其統領諸軍朕亦念其前守桂林之勞停其發遣俾令趕

欽定剿平粵匪方略卷二十

十四

赴長沙協同固守兩月以來尙無貽誤此次賊匪北竄岳州向榮不能迅追救援而其趕派常祿王錦繡帶兵星馳赴援武昌到在賊前見事尙屬機警向榮久於行陣此時武昌戒嚴正伊奮激圖報之日如能迅速剿賊不但可贖前愆並可重邀恩眷著徐廣縉即將此旨宣示向榮俾知感勵朕用人一秉大公功罪皆由自取想該革員必能仰體朕始終成全之至



意也

二十五日辛未陸建瀛奏言探聞該匪竄至岳州

武昌漢陽均已戒嚴查江西之九江府陸路則

與武昌府毗連長江則與黃州府接壤卽應水

陸兼防以備不虞而防江之法惟有於漢口以

下迤邐至黃州府屬之蘄州廣濟等縣察看江

岸寬窄約計礮力能及處所節節設備庶有把

欽定四庫全書

十五

握前准署江西撫臣張芾咨調鎮江三板船四

隻臣已飛飭守備方翔統帶兼程駛往其陸路

應以瑞昌等縣爲要隘防兵尙恐單薄可否

飭下徐廣縉體察現在賊情迅撤長沙之兵由江西徑

赴武昌迎頭截擊爲上援湖北下顧江西之計

其湖北省派防湖南交界之兵現似當回守漢

陽一帶臣已飛咨署江西撫臣張芾前任刑部

尙書陳孚恩探明實在情形不分畛域以援應

湖北爲自守計若闖入九江則無要隘可扼矣

至安徽省雖又在江西之下游而順流而下片

帆直達安徽撫臣已於小孤山兩岸安兵設礮

僅可以守陸路賊若由水路東下恐不足恃查

該省額兵本屬無多又調赴廣西湖北江西防

剿者三千名該逆儻已竄至湖北則湖南軍營

欽定四庫全書

十六

大兵必追逐而下是湖北不患無兵可否將前

此調赴廣西湖北之安徽官兵一併撤回臣已

飛咨徐廣縉酌量辦理江蘇省人情本屬柔懦

湖南北避難東下者非居江甯卽赴揚州訛言

日至勢將不可復遏臣急應馳回省城彈壓撫

綏一面溯流而上由安徽以至九江會同署江

西撫臣等妥爲籌辦惟豐工正在喫緊現在趕



緊趨辦一俟合龍卽行星馳回省察看情形酌量進止

同日張芾奏言探聞賊匪竄擾岳州武昌戒嚴伏查九江居武昌之下游爲吳楚咽喉重地如果賊到武昌擄掠民船順流而下數日可到現委臬司惲光宸帶領文武員弁及團勇五百名前往九江會同該護鎮道等妥籌防守臣仍當

欽定剿平粵匪方略卷二十

十七

隨時察看緩急馳赴督防以顧大局其九江上游對岸之武穴鎮係湖北地面業經江西撥兵往駐不敢稍存畛域之見均奏入

上命軍機大臣傳諭陸建瀛楊文定蔣文慶張芾陳孚恩曰現在賊匪攻撲武昌及漢陽一帶其下游各省處處可通急應嚴密防堵俾不至分路竄擾而江西之九江府水陸皆與楚北毗連尤爲扼要之地張芾

已委臬司惲光宸前往會同該護鎮道等籌辦張芾著仍遵前旨馳往督率調度省城重地陳孚恩與陸元烺等仍當全局籌畫勿稍疏虞所謂鎮江三板船僅四隻雖有水師方翔統帶是否足資抵禦陸路及江岸扼要處所亦必須派兵設礮互爲接應至安徽省雖在江西下游而順流而下片帆直達蔣文慶已在小孤山擇要設防諒不至顧此失彼現在河工軍

欽定剿平粵匪方略卷二十

十八

務均關緊要陸建瀛著酌量情形如須親往督兵調度卽星夜馳赴九江上游一帶扼要處所與張芾蔣文慶等相機布置並隨時知照徐廣縉琦善等合力進攻粵楚前調安徽之兵此時能否撤回並著咨商辦理江西之兵如能迎赴上游亦可助楚北聲勢不可稍分畛域

上又命軍機大臣傳諭徐廣縉常大瀆曰逆匪竄入長



江攻撲武昌漢陽一帶前據常大瀆奏報後又逾數日未得續報徐廣縉自報岳州失守後亦無奏報是否因道路梗塞文報不通朕南望殷憂莫名焦灼現在武昌城守情形若何徐廣縉向榮是否統帶大兵繞赴湖北逆匪後隊如尙留踞岳州作何分路攻擊湖南兵勇數萬急宜趨赴前途或由江西繞赴武昌或取道蒲圻一帶將陸路竄撲武昌東門之賊翦除

欽定四庫全書

十九

並將賊踞之大洪山等處卽行奪回省城形勢旣壯自能保固至漢陽切近省城情形危急必應迅速分兵救應賊衆精銳不過數千餘皆裹脅現在聲稱數萬大半烏合之徒總以合力攻剿爲第一要義若但紛紛防堵則水陸四達防不勝防徐廣縉抵武昌後當權衡全局一面憑城固守一面飛咨台湧督兵東下並知會下游各省師船派江西上迎頭截擊河陝

北路之兵亦可由襄陽建瓴而下乘賊首尾勢分揀選精銳併力兜剿勿但株守一隅毫無布置致賊匪肆行無忌徐廣縉業已遷延於前若再任賊蔓延自問當得何罪再昨已有旨切諭向榮該革員久歷戎行尙屬可用因思蘇布通阿係向榮推引資尙阿奏令來營前據徐廣縉奏明已飭管帶川兵前進該員如果得力可令與向榮會同督帶鎮將奮力衝鋒以期克敵制勝軍營惡習爭功妒能最易誤事向榮與蘇布通阿平素旣無猜嫌臨陣必互相應援不致掣肘該大臣到營日久於諸將材質高下等差諒已確加辨察尤當隨時激勵鼓舞使之齊心勦力勿蹈前此覆轍師克在和此語當時刻銘心也至大營兵勇雖多患在未能選練團勇一項尤不足恃急宜分別良莠妥爲裁遣以整軍威而節濫費

欽定四庫全書

二十

良莠妥爲裁遣以整軍威而節濫費



上諭內閣曰軍興以來將兩年矣廣西瘡痍未復湖南又遭塗炭近乃逆氛更熾擾及武昌漢陽所過郡縣悉被蹂躪雖桂林長沙兩省城幸保無虞而我民之遷徙流離亦已不堪言狀朕御宇三載未能安輯四方俾我民咸登衽席深宮自省豈止寢食不安因思軍營將帥及各督撫大員皆

先朝舊臣留爲保我子孫黎民之用際此時艱孔亟宜

欽定剿平粵匪方略卷二十

三

如何同心協力奠我蒼生以輔朕之不逮朕爲吾民請命不憚祈禱頻仍每閱軍報至地方被害情形朕心如擣逆賊以左道煽惑愚民肆行搶掠荼毒生靈實屬覆載不容神人共憤經我軍疊次殲戮外其兇悍之賊不過數千大半皆裹脅之徒其甘心從逆者無多揆之天道人心賊匪惡貫滿盈必當指日殲除不致久爲民患朕不惜數千萬帑金藉資勦辦大臣

督撫等均當仰體朕心爲民除害行軍之道紀律爲先務須信賞必罰約束嚴明俾知有進無退人皆用命卽小勝小負亦兵家之常事總宜據實奏報不可稍有粉飾朕賞功罰罪悉以軍報爲衡儻有偏重偏輕何以令在營軍士知感知懼至團練鄉勇乃民間自爲守禦藉以保衛身家或各村自爲一團或數村共爲一團其經費應由紳董自行經理豈可官爲抑

欽定剿平粵匪方略卷二十

三

勒且以守望相助之儔輒復紛紛調遣必致遷地弗良轉滋流弊民間捐助軍餉好義急公朕方破格施恩若地方官藉捐輸爲名苛派騷擾胥吏因緣爲奸又何以安善良而昭激勸朕宵旰焦勞冀蘇民困吾民一日不安朕心一日不釋前此被賊滋擾省分疊經降旨令該督撫查明奏請蠲緩撫恤茲者岳州失守擾及武昌漢陽一帶眷懷南服憂思益深若再令



照常徵納小民其何以堪著該督撫悉心體察被賊地方分別蠲緩奏請恩施庶幾吾民於顛沛困苦之時不至再受追呼迫切之累該大臣督撫等卽刊刻謄黃徧諭閭閻其各仰體朕意速振軍心用殲羣醜毋再因循玩泄致干重咎將此通諭知之

臣等謹案易謙卦六五曰利用侵伐蓋言在上而能謙以征不服無不利也粵匪於

聖德謙冲

三

光天化日之下肆其臨張我

文宗顯皇帝命將出師大張撻伐

廟謨指畫不憚宵旰焦勞而

聖德謙冲猶以未能安輯四方引以自責

如天之度超越尋常宜乎

天討所彰將士咸知用命至團練戒其調遣捐輸恐其

騷擾

聖慮周詳無非欲保護黎民登諸衽席伏讀諭旨曰吾民一日不安朕心一日不釋並特命疆吏查明被擾地方蠲緩錢糧仰見廛念民艱無微不至  
綸音宣布有不感激而奮興者哉

二十六日 壬申

上命軍機大臣傳諭陸建瀛曰前因江防緊要疊次降

聖德謙冲

三

旨令陸建瀛酌度情形如須親往督辦卽著馳赴上游扼要調度現已數日未接湖北續報賊氛方熾難保不順流東下擾及沿江一帶此時武昌漢陽戒嚴恐無暇顧及江防江西兵力又形單薄朕再四思維湖北黃州蘄州廣濟等處沿江險隘所關甚重著陸建瀛迅卽馳往九江上游扼長江之險援應湖北卽爲江西安徽自固藩籬之計軍事變遷且夕不一必



須籌之於先庶免臨時倉猝措手不及朕聞黃州迤南百二十里爲道士洲江面最窄有山可據地勢極爲險峻應否於此地扼守與徐廣縉南路之兵互爲聲援一面與蔣文慶張芾熟籌布置賊情詭詐必不專由水路前來其陸路險要地方仍須兼顧毋致失險沿江船隻必先收集以備我用毋爲賊匪所得

二十七日癸酉徐廣縉奏言據向榮報稱十一月

欽定剿平粵匪方略卷二十一

三

初五日行抵岳州各鎮之兵亦陸續到齊趕緊設法攻剿城外四面高處俱紮有賊營而後隊之賊在林子口土星港各處搶擄船隻順流東下已竄過岳州地面該匪水陸並下前路並無攔阻勢必徑撲武昌漢陽等處隨即派撥總兵常祿帶湖北官兵一千七百名王錦繡帶雲貴官兵一千五百名從小路馳往武昌以期繞出

賊前卽於初六日拔營前進向榮布置甫定於初七日早出隊逼近岳州府城探知賊船已經開動督帶各隊兵勇趕緊進攻城內賊匪業已紛紛逃竄兵勇登時槍上撿殺數十名追趕二十餘里因該匪大隊業已去遠卽在冷水鋪紮營此向榮追剿之兵也其餘福興玉山各隊在向榮之後蘇布通阿等又在福興之後經臣疊

欽定剿平粵匪方略卷二十一

三

次嚴札催進總未能迅速趨行查賊匪自到岳州一路土匪裹脅不少其由旱路走者不過三四千人馬匹甚多我兵步行勢難趕上餘匪俱從水路順流而下所有船隻盡爲賊擄兵勇轉無船可渡向榮於初八日督率各隊緊追初九日匪已竄至蒲圻該處本有官兵二千名守禦因省城緊要調回城中僅有兵四百名賊衆大



至兵不能禦以致失守知縣周和祥罵賊不屈被戕甚慘賊匪一過卽竄大兵分起趕上距賊總有五六十里以致不能兜剿其水路之賊沿江而下竄撲漢陽郡城失守聞信之下憂憤難名查武昌漢陽一江對峙該匪旣踞漢陽則武昌情形極爲危急此時追剿之兵計已齊到武昌必須設法水陸並進方可力籌攻剿臣在長

聖學方略卷二十

七

沙於十五日起程行抵湘陰據報巴陵縣屬土匪晏仲武勾串長髮逆賊招匪二千餘人沿途劫掠意在阻截糧道副將巴圖護解餉鞘至新牆地面已被該匪圍搶臣隨卽派副將鄧紹良總兵阿勒經阿帶兵一千餘名前往剿辦該處係糧餉經由要道且岳州當殘破之餘文武尙未知下落設或更滋他變所關非細必須將此

股剿滅南北方可無梗臣隨營之兵僅及千名現再趕調弁兵相機前赴岳州督剿斷不敢再有遲延自干重咎至岳州失守該文武聞警先潰實未聞有帶兵迎擊之事現在該府縣如何下落尙未據稟報而先期逃散已無疑義相應請

聖學方略卷二十

天

旨將岳州府知府廉昌巴陵縣知縣胡方毅岳州營參將阿克東阿一併按律治罪以肅官守臣現暫在湘陰探明賊匪如由漢陽北竄卽須由荊州上流馳往督辦又無庸卽赴武昌匪勢潰散四出一時實無把握辜負

天恩無任戰慄隕越之至奏入

上命軍機大臣傳諭徐廣縉台湧羅繞典張亮基略諫章常大瀆曰岳州爲南北咽喉該匪旣紛紛竄去卽



應趕緊收復著卽由湖南酌調文武大員來岳州駐紮分兵固守堵賊回竄之路萬不可再有疏失漢陽與武昌僅隔一江逆匪既踞漢陽則武昌更形危急省垣重地且爲南北關鍵四通八達之區所關甚鉅著徐廣縉帶領南省追兵星速至漢陽武昌一帶合力攻剿常大瀆雙福當督飭在城文武竭力守禦並與城外救援各將密商內外夾擊萬勿株守城中一

欽定剿平粵匪方略卷二十一

三十

籌莫展致誤事機土匪晏仲武勾結逆賊圍搶餉鞘該大臣業經派委鄧紹良等帶兵剿辦此股匪徒諒不難剋期殄滅現在楚北軍情著徐廣縉隨時飛咨河南江西安徽江甯各督撫準備兜剿三面圍擊不可任令竄逸復致滋蔓難圖台湧駐紮荊州據江上游著一面擇要防守無令股匪竄入仍一面派委得力水師兵船順江直下應援武昌毋稍遲誤

上又命軍機大臣傳諭陸建瀛楊文定蔣文慶張芾曰

前因江防緊急疊諭該督撫等迅籌防剿昨復諭令陸建瀛馳往九江上游扼險守禦現在賊匪撲入漢陽沿江下游地方在在堪虞情形十分緊要著陸建瀛酌帶江南水陸官兵馳赴上游與徐廣縉常大瀆等合力夾擊江防利用火攻務將槍礮火箭火罐等件配帶齊全以期應用尤須派帶得力將弁毋得以

欽定剿平粵匪方略卷二十一

三十

庸懦濫充江蘇安徽江西一帶均當亟爲設備自固藩籬著楊文定蔣文慶張芾妥籌布置互相應援至陸路各要隘尤恐有土匪勾結並著一體嚴防毋致稍有疏失

上諭內閣曰岳州文武等當賊未至先自逃散並未帶兵迎擊不料該文武等昧良喪心一至於此除已革提督博勒恭武由該大臣迅速查奏外岳州府知府



廉昌巴陵縣知縣胡方毅岳州營參將阿克東阿均著先行革職交刑部按律速議罪名具奏蒲圻縣存兵僅四百名賊眾大至以致失守知縣周和祥罵賊不屈被戕甚慘不愧守土之官嘉獎之餘實堪憐憫周和祥著賞加道銜照道員例賜卹並於蒲圻縣建立專祠以慰忠魂

二十九日乙亥陸應穀奏言欽奉

勦平粵匪方略卷二十

三



諭旨飭令署藩司鄭敦謹馳赴信陽州一帶會同南陽鎮臣柏山扼要籌辦防堵臣查南陽距信陽六百餘里相離窈遠往返咨商恐於事機有誤可否仰懇

天恩飭令署藩司鄭敦謹專辦信陽一帶柏山專辦南陽一帶似於事體有裨此時省城應辦軍火錢糧並應行料理事宜均經臣次第籌畫俟布置

略備臣即馳赴南陽查看調遣嚴密堵截計署撫臣琦善與直隸提臣陳金綬不日到豫再行商辦一切抑臣更有請者賊氛甚熾南省處處堪虞設順流直下九江安慶難免騷擾應請飭下徐廣縉統帶大兵繞至武昌下游遏其南竄並諭令琦善陳金綬分駐南陽信陽遏其北竄責成向榮帶兵跟追合力會剿不難一鼓殲滅矣奏入

勦平粵匪方略卷二十

三



上命軍機大臣傳諭琦善陸應穀曰南陽信陽相距六百餘里自應分路籌防鄭敦謹著仍遵前旨赴信陽州一帶防堵其南陽一帶即著柏山專辦琦善未到任以前所有籌防應辦事宜著陸應穀妥速辦理琦善陳金綬現已起程到河南後應如何扼要駐紮及分撥進剿之處著琦善等體察情形相機籌辦總期內資保衛防剿兼施方為不負委任

一  
二  
三  
四  
五  
六  
七  
八  
九  
十



上又命軍機大臣傳諭徐廣縉台湧羅繞典張亮基常  
大瀆駱秉章曰昨據徐廣縉查奏岳州失守情形與  
漢陽相繼失守當有旨令該大臣迅赴武昌一帶與  
常大瀆內外夾攻並令台湧一體設法應援細閱徐  
廣縉摺稱向榮出隊偪近岳州城內賊匪紛紛逃竄  
追趕二十餘里而岳州府縣如何下落仍未據探確  
實該大臣近在湘陰於逆匪突入岳州有無頭目在

聖學方略卷二十

三

內其大隊係何匪督領竄出之後是否尚有餘匪在  
城占踞向榮一路追剿在後之福興玉山蘇布通阿  
等何以不將岳州收復賊既遠竄則文武員弁存亡  
應有確信何以仍無稟報且稱該匪大隊去遠何以  
又稱趕調弁兵前赴岳州督剿是岳州之應否攻剿  
抑已收復該大臣尙無聞見奏報均未明晰至漢陽  
相繼失陷並無月日及詳細情形究竟現在逆匪分

爲幾股其陸路由蒲圻咸甯與水路沿江而下之賊

作何分合係何頭目統帶武昌省城係十二日被攻  
十九日報到至今旬餘未得續報朕心焦灼難言逆  
首洪秀泉楊秀青馮雲山蕭潮瀆羅亞旺等是否確  
在賊營何賊分撲武昌漢陽現在賊衆多寡漢陽城  
守文武如何下落該匪陷漢陽後是否又竄他處該  
大臣統率全軍兼轄兩省自應通籌兼顧勿再遲緩

聖學方略卷二十

四

失機著卽確查一一具奏本日已明降諭旨賞給向  
榮提督銜令其幫辦軍務該員經朕破格加恩棄職  
錄用自必逾常感激奮迅圖功所有武昌一帶剿賊  
事宜卽著責成向榮以專委任徐廣縉仍親督大兵  
由間道繞赴武昌下游扼定該匪去路必須水陸並  
剿勿令該匪再行奪險占踞仍與向榮渡江之軍併  
力攻擊漢陽之賊琦善已馳赴河南陸建瀛亦湖江



迎擊該大臣等三面攻勦定可立殄羣兇湖南賊匪與各縣小股土匪著責成張亮基鮑起豹盡數搜捕並確探岳州賊匪如未盡竄卽嚴飭將弁趁其攻擾湖北之時趕緊兜圍迅速收復此舉最爲緊要湖北荊州一帶雖有台湧防堵尙覺空虛著羅繞典揀帶得力文武員弁兵勇馳赴襄陽與荊州水陸各兵表裏密防遏賊西竄俾不得由漢江北駛則徐廣縉向

聖恩聖旨卷二十

三

榮援救武昌漢陽之兵可資得力丁憂侍郎曾國藩籍隸湘鄉現聞在籍其於湖南地方人情自必熟悉著該撫傳旨令其幫同辦理本省團練鄉民搜查土匪諸事伊必盡力不負委任

上諭內閣曰已革廣西提督向榮自抵廣西軍營節次勦賊獲勝雖間有挫衄而每遇接仗尙能身先士卒本年桂林長沙省城先後被圍向榮均有守禦之勞

現在逆匪攻撲武昌亦經向榮先派常祿王錦繡帶兵赴援並親督兵勇追至蒲圻福興玉山蘇布通阿等皆出其後是向榮督兵勦賊雖未見成效究屬老於行陣臨事尙知機警該員前因規避獲咎因念將材難得朕旋卽加恩停其發遣命赴湖南軍前帶罪立功經徐廣縉派令總統諸軍昨又降旨剴切訓諭令會同蘇布通阿共籌勦賊事宜並諭徐廣縉將此

聖恩聖旨卷二十

三

旨宣示該員具有天良諒必知感知奮朕復博稽衆論皆以向榮屢保危城緩急可恃宜專委任以重責成與朕所見適相符合向榮卽著免其發遣並賞還提督銜幫辦軍務提鎮以下悉聽節制迅卽統帶大兵馳赴武昌解省城之圍並杜賊奔竄之路凡湖南軍營得力將弁並准酌量檄調來營以備差遣向榮經此次破格任用宜如何感恩圖報果能迅掃妖氛



即可懋邀恩賞儘始終不知奮勉朕惟有執法從事  
決不姑容懷之勉之

同日

上命軍機大臣傳諭葉名琛勞崇光曰賊匪肆擾自粵  
而楚已逾兩載現復竄入岳州漢陽擾及武昌疊經  
降旨令徐廣縉統率大兵繞出賊前會同毗連各省  
之督撫三路兜剿因思賊起粵西沿途裹脅固多而

欽定剿平粵匪方略卷二十

七

首要各匪總以粵西爲巢穴大股出巢其老弱必不  
能悉數遠出且難保無渠魁踞巢爲黨與歸竄地步  
前據勞崇光奏鬱林賊匪剿除殆盡南太一帶亦漸  
就肅清而伏莽尙多若不及早搜捕恐貽後患著葉  
名琛勞崇光會同密查賊巢所在及賊匪餘黨合力  
搜捕毋令一名漏網其有縛獻賊黨者免罪其親族  
家屬縛獻者免連坐縛獻首要者予重賞或雜伏良

民之中紳士義勇及平民縛獻或密行報官者分別  
優獎並諭令地方官嚴查保甲勿因逆匪遠竄稍涉  
大意緝獲各犯嚴行審究首逆及著名賊目姓名有  
無僞託並飭屬密訪孽種墳墓現在何處盡行掘發  
以銷逆裔而除戾氣

欽定剿平粵匪方略卷二十

六



欽定剿平粵匪方略卷二十一 壬子年

十二月初一日 丙子

上命軍機大臣傳諭徐廣縉常大瀆張亮基曰前廣西賊匪竄出湖南降旨令湖南分設糧臺並命程喬采專辦糧臺事務現在賊由湖南復竄湖北該督撫等已派衡永郴桂道張其仁帶同各糧員隨營前往所有軍營糧臺自應移設湖北惟此時武昌被圍徐廣

剿平粵匪方略卷二十一

一

縉駐紮尙無定所糧臺應設何處著徐廣縉常大瀆張亮基會同酌量辦理仍著程喬采前往總司其事

初二日 丁丑 陸應穀奏言賊匪攻圍湖北省城勢

甚猖獗驛路不通該省防禦喫緊連日未得湖

北文報正飭確探接署信陽州宣維祁稟稱探

聞賊匪於十一月十三日攻陷漢陽府城將漢

口及江面用船搭造浮橋圍住省城七門並有

分股直下黃州之語現在向榮已至距江夏六

十里地方追剿大獲勝仗殺賊二千餘名並稱

湖北應山以下孝感黃陂黃岡等處驛路梗塞

黃陂一帶俱有賊營距信陽州僅三百餘里若

竄至荆襄又與南陽一帶逼近所謂鄰省官兵

除西安兵頭起將到洛陽外餘俱無到省確期

相應請

剿平粵匪方略卷二十一

二

旨飭下直隸山東山西陝西督撫諸臣迅將所調官兵飛速催趨來豫俾資調撥奏入

上命軍機大臣傳諭琦善陸應穀曰賊匪竄踞漢陽府

城圍住武昌省城湖北應山以下孝感黃陂黃岡等

處驛路梗塞豫省防堵甚為喫緊著琦善速即兼程

帶兵馳往河南湖北交界處所擇要防剿琦善未到

以前著陸應穀盡心妥籌毋稍貽誤至湖北文報既



由該署撫改道飛遞著卽通飭各該州縣改設驛站  
小心遞送

上又命軍機大臣傳諭舒興阿張祥河李德郭夢齡曰  
前因河南防堵緊要已有旨諭令該督撫等將前調  
陝甘山東山西等省官兵迅派得力將弁管帶馳往  
河南聽候調遣茲據陸應毅奏賊匪竄至漢陽偏近  
河南著舒興阿張祥河李德郭夢齡迅飭帶兵將弁

聖朝方略卷三十一

三

管帶前調精兵星速馳赴河南以資防剿

上諭內閣曰逆賊攻陷漢陽府城旋占江面直撲武昌  
現在向榮追剿大獲勝仗福興玉山蘇布通阿等統  
帶大兵計亦次第趕到著徐廣縉卽督率諸將迅掃  
賊氛向榮經朕破格任用並假以事權提鎮以下悉  
聽節制自當愈知感奮速解省城之圍並杜賊紛竄  
之路陸建瀛琦善南北兩路已令進兵合擊至各省

紳士朕先後降旨命羅繞典陳孚恩曾國藩等於本  
籍湖南江西幫辦防剿事宜其餘各省在籍紳士諒  
必志切同仇爲民捍患著該督撫傳旨令該紳士等  
各就該地方情形幫同團練保衛鄉閭或用堅壁清  
野之法使賊不能擄掠偏脅一切布置經費應由公  
正紳士籌辦不得官爲抑勒該督撫等惟當遴選賢  
能之員與各紳民同心協力嚴緝土匪密拏奸細以  
杜勾結被賊裹脅窮民皆吾赤子尤當分別良莠予  
以自新有能殺賊立功自拔來歸或殲擒賊首者立  
卽奏明優加恩賞朕宵旰焦思誓必殲此羣兇綏我  
黎庶封疆文武大吏其各仰體朕心毋負委任將此  
通諭知之

聖朝方略卷三十一

四

同日

上命軍機大臣傳諭祥厚陸建瀛楊文定霍隆武文藝



曰逆匪竄入漢陽沿江一帶防禦喫緊江南省城尤為重要必應籌備嚴密乃可杜賊匪之覬覦著祥厚陸建瀛楊文定霍隆武文藝妥速籌商無論駐防綠營水師各官兵遴派得力將弁一體勤加操演務令悉成勁旅以衛省垣並於江岸上游擇要嚴防扼賊東下之路至逆匪所到輒先有奸細潛來窺探尤當嚴密盤查審明後卽行正法以杜勾引其紳士人等

聖學方略卷三十一

五

莫不自顧身家著遴選公正明幹之員令其自行團練互相保衛如有實心任事於地方有益者隨時奏請優加獎勵所需經費出於樂輸毋許地方官藉端勒派淮徐各處每有匪徒匿跡並著認真訪查嚴行緝捕免致勾結為患

同日

上諭內閣曰前有旨令吉林黑龍江各備精兵候旨調

撥著固慶等卽飭令前經保舉之協領台斐音保等管帶前調馬隊精兵二千名馳赴河南其黑龍江前備馬隊精兵二千名著英隆等迅派將領數員統帶起程到京後卽著協領巴揚阿等管帶馳赴河南一併交琦善酌量調遣

初三日戊寅蔣文慶奏言臣探知湖北漢陽府失

聖學方略卷三十一

六

守安徽省距漢陽祇隔黃州一府兵單斷難防禦惟望各省援兵不日來皖兵民協力庶幾戰守有資第浙江山東距皖較遠急切未能應手查江省兵額五倍於皖督臣卽須帶兵親赴上游扼守兵力仍屬有餘若必舍近調遠臣恐民無固志皖城根本重地兵不滿千何以爲守懇飭督臣迅將調防水陸兵三千名星夜飭派來皖至本省將弁曾經出仗者前已調赴各省協剿現熟



諳戎務者止壽春鎮總兵恩長一人可與臣商

酌調度頃於十一月二十七日到省可否仰懇

天恩准留皖省俾各將有所稟承一俟援兵到齊臣卽

先擇陸路要隘令恩長帶兵迎頭攔截以防竄

越奏入

上命軍機大臣傳諭陸建瀛蔣文慶曰安徽前調防兵

業經陸建瀛於松江等處酌調水陸兵二千名赴皖

禦平粵匪方略卷三十一

七

茲復據蔣文慶奏待援緊急著陸建瀛再行撥兵一

千名迅赴皖省交該撫酌量分撥壽春鎮總兵恩長

卽留該省與該撫會商籌辦帶兵防勦陸建瀛著仍

遵歷次諭旨兼程馳赴九江上游擇要駐紮遏賊東

下之路

同日徐廣縉奏言臣接據漢川縣報稱賊匪於

漢陽之大別山及漢鎮均經紮營占踞又於襄

河之小河口謝家嘴等處搭造浮橋並於武昌

之塘角泊有船隻連亙數里勢甚狡獪聞之不

勝憤懣查常祿王錦繡之兵已馳抵省城向榮

等各隊大兵亦陸續到齊併力夾擊臣又飛派

蘇布通阿督帶川兵迅速渡江由上游漢沔等

處一面截堵一面分防趕緊將此股掃滅庶可

鎮定人心至各鎮將追勦不力種種貽誤誠如

禦平粵匪方略卷三十一

八

訓諭飾詞稟報一味耽延臣查賊於十月十九日竄出

其防東路之和春秦定三李瑞經文岱王錦繡

常祿等並由臣檄調忽於二十一日帶兵齊赴

湘潭臣以賊已西竄何以兵轉南來當卽申飭

令其拔隊緊追並慮及匪必東竄岳州喫緊臣

探聞匪至益陽卽知會向榮派兵往堵隨又札

飭和春秦定三李瑞經文岱瞿騰龍由小路馳



往大荆攔截以防匪竄岳州乃該總兵等於二  
十八日接札初三日始抵大荆而賊匪已於初  
二日竄過實屬有意遷延讓賊北竄其大隊追  
剿之兵惟向榮尙知愧奮繞道前行其餘將弁  
均不免遲延觀望尤可恨者福興所帶東兵向  
來尙稱得力自歸該提督統帶頓染惡習一味  
推諉不前臣前因查察未晰且以用人之際若

聖恩自干嚴譴奏八

九

概行叅奏又恐統帶無人致涉遲疑昏憤糊塗  
罪無可道現在調集兵勇趕緊將巴陵一帶土  
匪剿滅卽確探賊蹤前往督剿斷不敢再爲遲  
滯辜負

聖恩自干嚴譴奏八

上命軍機大臣傳諭徐廣縉向榮曰據徐廣縉馳奏軍  
營近日情形覽奏曷勝憤懣軍營將弁以及地方文

武贍玩至於此極該大臣身爲統帥正當用人之際  
雖不能概行叅奏亦當擇尤懲辦以儆將來岳州府  
城賊旣竄出是否收復何以並未奏及該府爲兩楚  
咽喉該大臣旣不能卽赴武昌亦豈可置之不顧昨  
據陸應穀馳奏賊匪攻陷漢陽圍撲省城已降旨命  
向榮幫辦軍務徐廣縉現尙未抵武昌軍營一切情  
形卽著向榮隨時奏報

聖恩自干嚴譴奏八

十

同日刑部奏言遵

旨速議失守岳州府城各員罪名此案已革岳州營參  
將阿克東阿係岳州府城武職已革巴陵縣知  
縣胡方穀係屬守土州縣已革岳州府知府廉  
昌係屬同城知府該革員等於賊未至之先輒  
自逃散以致岳州府城失陷較之被賊攻圍不  
行固守及守備不設被賊掩襲者情罪尤爲重



大臣等應卽比律分別加重問擬阿克東阿係專城武職胡方毅係守土州縣均應比照盜賊攻圍不行固守而棄去被賊攻陷城池專城武職守土州縣擬斬例擬斬監候請

旨卽行正法以照炯戒廉昌係同城知府按例罪應邊遠充軍向止加發新疆與阿克東阿等本罪應擬斬候者不同惟該革員與知縣同守要區兵

欽定剿平粵匪方略卷三十一

十一

力並不單弱乃不督率屬員嬰城固守竟於賊匪並未攻圍之時先期逃散自應比律從重問擬廉昌應比照守邊將帥不行固守而輒棄去因而失陷城寨擬斬律擬斬監候秋後處決以上各員均係官犯仍恭候

欽定查徐廣縉原奏內稱該府縣如何下落尙未據稟報現在該府縣等究竟如何下落應由該大臣

迅速查明遵

旨辦理奏入

上諭內閣曰已革湖南岳州府巴陵縣知縣胡方毅已革岳州營參將阿克東阿於賊匪未至之先輒自逃散以致府城失守情罪尤爲重大自應按律加等治罪胡方毅阿克東阿均著照部議卽行處斬已革湖南岳州府知府廉昌係同城知府乃不能督率屬員

欽定剿平粵匪方略卷三十一

十二

嬰城固守竟於賊未攻圍之時先期逃出亦應比律從重問擬廉昌卽照部議應斬著監候秋後處決該員等尙無下落著徐廣縉等迅卽查明遵旨辦理

初四日 己卯

上命軍機大臣傳諭徐廣縉陸建瀛琦善向榮曰逆匪猖獗疊陷城池朕以徐廣縉總制兩粵素有威望特命爲欽差大臣署理湖廣總督督勦賊匪是朕之倚



昇甚重乃因鎮將不遵調度懇請另簡重臣豈身任兼圻統制軍務尙不得爲重臣耶當此防剿喫緊之際軍情旦夕變遷又何能遽易生手更致呼應不靈頃命向榮幫辦軍務仍補授廣西提督不特向榮當知感奮力圖報效卽該大臣亦得指臂之助但須同心合力嚴申紀律督率諸軍迅剿羣醜又何必遲疑退諉另請簡員耶所有湖南北兩路剿賊事宜卽責

聖學聖方略卷三十一

十三

成徐廣縉向榮二人專辦江蘇安徽江西毗連湖北各要隘責成陸建瀛妥爲布置仍令於上游扼要堵剿其河南各要路卽責成琦善帶兵進攻琦善昨已起程著仍遵前旨兼程前進毋稍延緩朕所以命陸建瀛琦善爲欽差大臣者以湖北賊勢猖獗當其下游則江西等省最爲喫重防其北竄則河南信陽新野一帶亦甚緊要不但自固藩籬必當出境合剿該

大臣等膺此重任務宜度地相機互爲聲援或密行札商約期會剿三路並進賊縱狡獪亦有應接不暇之勢前之被賊牽掣者今卽以之制賊徐廣縉等雖各分各路所辦實祇一事斷不可稍存疆界之見總期勦力同心聲勢聯絡若何路致賊竄逸朕惟何路大臣是問果能出奇制勝迅奏膚公朕必加以懋賞若但知設防不圖進攻鄰省設有疏虞本境亦豈能

聖學聖方略卷三十一

十四

自固老師糜餉伊於胡底該大臣等接奉此旨其各仰體朕意和衷共濟懷之勉之

上諭內閣曰昨據徐廣縉奏軍營近日各情形實出情理之外徐廣縉身爲統帥節次諭令如有抗違軍令者卽將朕賜退必隆刀以軍法從事乃以人多礙難叅奏自認昏愼糊塗於事何濟此等將弁喪心昧良卽盡予斥革治罪亦屬咎由自取惟現值派委追剿



賊匪之時若令置身事外轉得遂其貪生畏死之私除王錦繡常祿帶兵救援武昌現已馳入省城守禦姑從寬貸外福興有心推諉厥咎尤重著先行革職留於軍營交向榮差遣委用帶罪自效和春秦定三李瑞經文岱瞿騰龍均著先行革職留任仍責令勦賊以觀後效朕思軍營積玩惡習皆由該大臣等含忍姑容又復代為彌縫以致號令不行毫無忌憚現

聖學方略卷三十一

十五

在賊氛肆擾兩楚地方吾民顛沛流離死者不知凡幾即將弁兵丁出力打仗者亦傷亡相繼而若輩仍復逍遙觀望自便身圖縱寇殃民實堪痛恨若不按律懲辦何以除錮習而振軍威嗣後該大臣等均當申嚴紀律如再有玩誤軍令不遵調度及帶兵藉詞遷延縱賊竄擾或守土文武遇賊棄城逃散者卽一面奏明一面先行正法昨已降旨將失守岳州之知

縣胡方毅參將阿克東阿卽行處斬知府廉昌亦定爲斬監候矣該大臣等卽傳諭軍營將士及地方文武等力洗前愆共圖振作儻仍因循不悟阿克東阿等卽前車之鑒勿謂國典可倖逃也將此通諭知之

同日

上諭內閣曰前命徐廣縉由湖南間道疾趨武昌以解省城之圍並命陸建瀛溯流直上扼守九江上游琦

聖學方略卷三十二

十六

善統帶重兵兼程前赴楚豫交界三面合勦陸建瀛琦善以鄰省督撫分路赴楚合勦不免限於疆域未能號召諸軍會籌夾擊著頒發欽差大臣關防兩顆分交陸建瀛琦善祇領陸建瀛卽督率水陸官兵駛赴大江上游飭屬將各險要妥爲防守卽可直抵楚省應援武昌琦善計已早過保定所有前調官兵迅卽催赴河南將南汝汝光等處要隘布置防守仍卽統



兵出境進攻與湖北向榮等所帶大兵合力勦賊徐廣縉卽當親赴武昌一帶與陸建瀛琦善水陸兜圍萬不可各存意見致誤事機該大臣等務期同心戮力迅奏膚公毋負委任

初五日庚辰直隸總督訥爾經額署河南巡撫琦

善直隸提督陳金綬奏言臣琦善行抵保定省垣會同臣訥爾經額臣陳金綬催提在後各路

勦粵匪方略卷三十一

十七

官兵前進查賊情詭計多端圍長沙而旋陷岳州攻武昌而先踞漢陽聲東擊西是其故智其間改裝設伏勾結內應狡譎自不待言現在南陽信陽二處已奉

旨飭派柏山鄭敦謹分路籌防而漢陽以北黃州麻城一帶暨九里等關偏近豫省光州處處有小路可通逆匪或假扮客商或詐爲難民先行潛入

各府州縣城內以爲內應必致內外受敵易於失事又現調各省征兵與豫省弁兵均未謀面該匪或詐爲援兵或假稱軍營差兵與我兵佯爲款接俾令猝不及防肆其戕害其他或假作乞匄黃夜放火或假充夫役詭擡器械甚或黑夜假稱上官詐令開城託詞寄物暗藏信礮官兵會屢受其害必須多派明幹之員改裝易服

勦粵匪方略卷三十一

十八

節節密探俾賊匪之動作我悉先知彼由何路而來我得扼要抵禦迎截抄擊庶可不落其後至各處河口渡船應悉收歸北岸派員嚴督兵役防守俾賊匪無可濟渡我得隨時調用方爲受制於我再懷慶衛輝等處均爲南北衝要門戶各宜選派曉事之員會督本管地方文武加意嚴防以上各情詳晰函商現署撫臣陸應穀



酌覈籌辦臣琦善一面發摺卽行前進臣陳金  
綬亦已行抵保定截至本月初四日查得催過  
保定各官兵共二千名由臣琦善督飭趨行其  
續到官兵卽由臣陳金綬管帶前往臣訥爾經  
額日事嚴催務令趕緊到齊飛速進剿奏入

上諭曰琦善現已授爲欽差大臣軍中有所統率自可  
相機調度一切緩急朕斷不遙制陳金綬忠誠素著

欽定剿平粵匪方略卷三十一

十九

勇敢無敵戰陣之事可與商酌現在營員中經戰者  
甚少大半皆怯懦之人陳金綬雖精力未衰究不宜  
使之在前朕不放心珍茲羣醜卽在此舉朕惟有竭

誠籲

天以消民劫也

同日

上諭內閣曰正黃旗蒙古副都統明慶正白旗漢軍副

都統德崇額鑲紅旗蒙古副都統忠泰御前頭等侍  
衛穆克登額乾清門頭等侍衛德興阿察哈爾都統  
西凌阿均著帶領吉林黑龍江官兵前赴河南軍營  
聽候琦善調遣

初九日甲申徐廣縉奏言臣查大營兵勇全赴武

昌逆匪於十一月十三日到武昌城外東南西  
三面俱紮有賊營又於長虹橋隔港屯踞以阻

欽定剿平粵匪方略卷三十一

二十

我進剿之兵向榮趕到後紮營於白木嶺十七  
日親督頭隊由長虹橋直抵賊營開放槍礮該  
逆分隊抗拒和春秦定三李瑞之兵亦卽出隊  
分投攻擊從辰至未轟斃賊匪多名斬獲數十  
名兵勇亦陣亡二名受傷四十餘名至巴陵一  
帶土匪亟須剿洗當派阿勒經阿鄧紹良帶兵  
攻剿並派知府江忠源帶楚勇協剿查得黃復



灘梁夫峴隆奉菴等處均係匪巢該員逐一搜捕並將匪巢燒燬鄧紹良等在新牆紮營步步進逼斃賊甚多擒獲要匪趙捷權等四名均係晏仲武死黨曾受洪逆偽職二十四日督兵逼近賊巢駐紮二十五日阿勒經阿鄧紹良督率兵勇分三面進攻並豫派遊擊鮑雲翥略永忠等帶湖北弁兵抄由賊巢後山梁壓下我兵行抵該處對準賊巢開放槍礮一鼓齊進擊斃黃衣賊目餘匪紛紛倒地兵勇乘機焚燒賊巢房屋眾匪慌亂竄逃當被大兵砍斃無數生擒賊匪晏七等五十七名惟時首匪晏仲武已改裝逃遁當經遊擊駱永忠都司許連城等奮力追捕至紅橋地面擊獲訊供該犯於道光二十八年即在廣西投楊秀青八會受偽提督之職訊

聖朝方略卷三十一

三

明後恭請

王命處以極刑餘匪分別梟決此次剿洗土匪員弁尙能出力可否容臣酌保數員以示鼓勵奏入

上命軍機大臣傳諭徐廣縉向榮曰省垣被圍日久內

外文報不通不堪再事遷延向榮業經趕到武昌直抵賊營著與諸將妥速籌勦當接仗獲勝之後士氣倍奮務須趁此機會竭力殲除能與城內拒守官兵

聖朝方略卷三十一

三

出奇接應水陸兩路節節設伏要擊不令該匪順流下竄尤為周密軍情變遷不一全在該大臣與向榮等戮力同心相機辦理迅速布置朕斷不為遙制前有旨令蘇布通阿與向榮合力剿賊嗣據該大臣奏稱欲令其渡江遏賊竄往荆襄之路不知此時究竟如何調遣總當察度緩急毋誤事機前諭羅繞典馳赴荆襄扼要駐守此時會否奉到諭旨前往台湧督



防荊州西路能否兼顧該大臣須通盤籌度不可顧此失彼斬黃以下水陸各要隘萬不可令賊奪險東下又滋蔓延開隆阿業經由江西折回湖北該侍衛係吉林人若令管帶吉林官兵較可得力該大臣即飭該員前赴河南交琦善酌量差遣至巴陵餘匪如安仁之李能通監利之張添佑及湖南地方各股零匪即著督飭地方在事文武實力搜查淨盡務絕根

欽定剿平粵匪方略卷三十一



株

上諭內閣曰逆匪圍撲武昌向榮趕到後紮營白木嶺福興玉山蘇布通阿馬龍等續到之兵徑趨武昌東門十一月十七日向榮親督頭隊由長虹橋直抵賊營開放槍礮和春秦定三李瑞等分投攻擊轟斃賊匪多名斬獲數十名該大臣等即督飭鎮將相機進剿迅解武昌之圍至巴陵土匪晏仲武等經徐廣縉

派阿勒經阿等帶領兵勇剿辦匪首晏仲武經遊擊駱永忠等拏獲該匪等均受僞職爲賊後應罪大惡極業已明正典刑掃其巢穴該大臣即統帶重兵前進將臨湘蒲圻一帶土匪乘勢剿洗直抵武昌與向榮等迅殄羣醜此次出力員弁著酌保數員候朕施恩

欽定剿平粵匪方略卷三十一



徐廣縉又奏言廣西逆匪竄入楚疆攻陷道州江華等州縣竄撲省城勢甚猖獗調集河南四川江西陝西貴州福建廣東及湖北湖南各省官兵招募鄉勇合力圍剿並前大學士臣賽尙阿暨臣先後欽遵

諭旨來楚督辦所有京城滿營官兵鹽菜口糧騎馱馬駝折給夫價四川及本省屯土官兵跟役鹽菜口糧騎馬折夫本省綠營官兵鹽菜口糧馱馬



口糧折夫官兵借支行裝銀兩例馬草料鄉勇坐餉號衣器械安設隨營糧臺步塘腰站夫馬雇募站夫長夫水陸兩路運送軍火餉糈製造軍火器械辦差文員騎馱馬匹採買米石文員支給鹽菜口糧陣傷官兵賞項採買馬匹雇用民馬撫恤難民犒賞士卒水陸兩路應付夫馬船隻解送軍營馬匹及一切物件隨營長夫搭

欽定四庫全書

三十一

三十一

蓋棚廠棲止軍營辦理各站各員隨帶書識支給安家行裝軍營差赴京城官員差解大營紙張筆墨藥料等物調赴軍營各項匠役軍營官員跟役給與帳房擡送轍位人夫調赴軍營醫士動用軍需銀兩查扣餘平賞給投誠鄉勇人等項糧臺應用倉夫斗級軍營亡故官員回籍陣傷亡故及在途病故兵丁骨殖回營投誠人

等情願隨營進剿效力應給鹽糧軍需公局經書辛工銀兩等項已經前督臣奏請設立長沙永州兩局並在衡州安設支應局行營糧臺調派各員經理臣伏查兩粵匪徒滋事首尾三年湖南籌防籌勦本省兵力不足調撥外省官兵協濟又因官兵徵調需時不得不招募鄉勇以資攻守各屬山多路歧要隘實繁自應擇地防

欽定四庫全書

三十一

三十一

守迨至調募兵勇為數既多餉項因而增費歷時既久用廣費繁本省歷辦軍需均係因地制宜有為軍中所必需而省之無可省者自應斟酌損益因時變通辦理茲據辦理湖南糧臺軍需總局布政使潘鐸等將此次軍需支發或遵定例或參成案酌覈事宜造具清冊會詳請奏前來臣覆加查覈均屬實情伏祈



皇上飭部覈覆施行奏入得

旨該部速議具奏旋經戶部分別准駁議覆得

旨允行

十一日丙戌蔣文慶奏言探聞粵匪現踞漢陽漢

口爲巢穴於江面上下游搶擄船隻搭造浮橋

直接湖北省城以通往來復於省城屯紮賊營

數處作圍攻之計匪勢日形猖獗現在九江已

欽定剿平粵匪方略卷三十一

三十一

有陸建瀛督帶水師扼守萬一該逆從黃州陸

路下竄甚爲可慮查鄂省北界河南南界江西

河南之信陽州有平靖關天生險隘聞已派兵

守禦逆匪勢難北竄江西有九江屯駐重兵扼

守足以制南竄之路惟東過黃州數百里內無

險可扼刻下黃州居民早已遷徙一空賊匪豈

無偵探乘虛直竄是其長技與黃州緊接者爲

安徽如英山霍山太湖宿松等縣處處毗連卽

就宿松一縣言之連界共有八處四處尙有山

隘可守其餘四處皆一路平衍不能不分兵防

禦而省城根本重地又豈能全不設備小孤山

爲水路入皖門戶形勢原屬可恃無如冬令乾

旱江渚悉成平壤賊若舍舟登陸由北岸則直

抵安徽省由南岸則遙連江南安得如許重兵層

欽定剿平粵匪方略卷三十一

三十一

層堵截臣愚以爲賊匪由粵西以至湖南湖北

本省尾勦有兵鄰省防堵有兵而賊蹤所至立

卽潰陷者無他由無重兵抄出其背故也惟有

徐廣縉急分大兵一萬名由湖北沔陽州間道

以至孝感黃陂潛出漢陽之後上游有徐廣縉

督帶大兵圍勦武昌漢陽下游又各有重兵堵

截迎擊先焚浮橋以斷漢陽往來之路截賊爲



二使其首尾不能相顧庶可一鼓蕩平奏入

上命軍機大臣傳諭蔣文慶曰陸建瀛諒已馳抵安慶

該撫卽會同籌商省城尤當扼險防守毋任該匪竄  
八

上又命軍機大臣傳諭徐廣縉向榮曰逆匪現踞漢陽  
漢口爲巢穴我軍均在江南若遴選精兵由湖北沔  
陽間道至孝感黃陂潛出漢陽之後直搗巢穴亦出

聖朝方略卷三十一

五

聖朝方略卷三十一

三十一

奇制勝之舉著徐廣縉向榮體察地方情形密速迅  
辦逆匪大股既在水路亟應設法火攻並焚其浮橋  
截賊爲二使其首尾不能相顧並咨陸建瀛會同夾  
擊互相策應再襄陽荊州一帶係陝豫兩省門戶最  
關緊要羅繞典前赴防堵此時曾否馳往卽酌帶官  
兵與台湧會籌辦理並與河南南陽駐守帶勇文武  
大員及陝西接壤處所隨時知照互爲接應不可稍

分畛域

上又命軍機大臣傳諭陸建瀛曰逆匪紛竄湖北圍撲

武昌疊經諭令陸建瀛兼程馳赴九江上游一帶迅  
籌江防遏賊東下之路現在該大臣行抵何處水陸  
各要隘如何設防文武員弁所用何人諒已一一籌

辦惟聞賊匪擄船甚多若被剿順流東竄則江西安  
徽等處萬分喫重陸建瀛前已計及於九江水陸上

聖朝方略卷三十一

三十一

游扼要布置著卽迅速馳往將籌剿各事宜由六百  
里馳奏以慰朕懷該匪現踞漢陽將武昌漢口俱搭  
浮橋三面接應省城勢甚危急向榮等援兵先後已  
到武昌若能渡江直搗賊巢水陸並進陸建瀛張芾  
等復於九江上游要隘派兵前後夾擊使賊首尾不  
能相顧自可稍挫逆鋒儻逆匪捨船登岸分擾黃州  
一帶則陸路與安徽接壤處處可虞亦必須先期擇



險設伏要擊方能互相策應若賊匪下竄黃蘄一帶  
我之水師既須防其火攻且可設法用火燒賊船隻  
或倣古人柴荻灌油繫走舸於船尾之法行之但必  
宜暗藏港汊俟賊船過後繞出上游順流東下方可  
得手陸建瀛於楚北水陸地勢素所深知著卽通盤  
籌畫與徐廣縉向榮互相知會毋得稍分畛域致誤  
事機

欽定剿平粵匪方略卷三十一

三

十二日  
亥丁

上命軍機大臣傳諭舒興阿曰逆匪占踞湖北漢陽攻  
撲武昌所有東南北三路疊派欽差大臣徐廣縉陸  
建瀛琦善各帶重兵分道進剿深恐該逆被創西竄  
則襄陽間道可以直達商州其鄖西鄖縣竹山竹溪  
等處路徑叢雜隨處可通現派羅繞典馳赴襄陽一  
帶與荊州將軍會籌防剿必須鄰省聲勢聯絡方不

致有疏虞著舒興阿卽日酌帶官兵迅速馳往陝西  
與湖北接壤處所察度形勢擇要嚴防務須隨時督  
飭地方文武員弁嚴密稽查勿使奸細闖入或假作  
楚省難民與南山無業之徒潛相勾結所有一切調  
度著該督撫會商督辦一面飛咨新任陝西提督桂  
明迅卽赴任仍須妥慎籌辦不可先事張皇致擾居  
民

欽定剿平粵匪方略卷三十一

三

上諭內閣曰欽差大臣兩江總督陸建瀛著加恩賞還  
頭品頂戴

十三日  
子戊 陸應穀奏言探聞逆匪自占踞漢陽

後竄至黃陂澗口地方經提臣向榮督同張家  
祥帶兵追至東湖驛殺賊二千餘人並將該匪  
所搭浮橋燒斷逆匪竄至黃州復經官兵截剿  
殲斃甚多賊勢已挫第恐剿敗之後四散竄逸



亟應嚴行兜剿河南信陽等處業經署藩司鄭  
敦謹前往派兵嚴堵臣亦即日由省馳赴南陽  
一帶相機調度前調山東山西精兵並直隸大  
名鎮暨西安駐防勁旅均已先後抵豫現在統  
籌進剿以遏賊氛奏八報

同日

聖學聖方略卷三十一



上諭內閣曰琦善接奉疊次諭旨必當兼程徑赴楚豫  
交界督同陳金綬籌辦防剿事宜毋用先行到省徐  
廣縉已將岳州土匪剿除自己督兵赴援著卽與向  
榮嚴飭各鎮將於大江南北分路兜剿黃州一帶毗  
連江西安徽等處陸建瀛此時當已馳抵九江上游  
著卽督同鎮將分扼水陸要隘毋任賊匪乘間紛竄  
徐廣縉陸建瀛琦善仍當隨時互相知照總期勦力

同心和衷共濟該大臣等身受重恩自必妥籌制勝  
以副朕望也

十五日庚寅徐廣縉奏言臣行抵巴陵接據大營

稟報逆匪自到武昌分股四面滋擾自洪山至  
南門外之江岸紮營數十座福興玉山蘇布通  
阿之兵先後到齊卽經向榮商令徑偪東門外  
之洪山紮營連日從長虹橋板橋一路轉戰而

聖學聖方略卷三十一



進紮營於卓刀泉會剿於十一月二十三日合  
力進攻湖南貴州廣東四川之兵最爲奮勇首  
先搶至賊巢該逆分數隊出拒我兵奮勇攻撲  
斃賊不少餘仍奔回巢內當經向榮嚴申軍令  
整頓隊伍會各鎮將分路進剿二十八日湖南  
貴州廣東之兵直撲洪山當將賊巢攻奪所有  
賊營一律燒燬我軍直追至城下賊匪逃向江



岸因通漢陽之浮橋先被我軍拆斷賊無後路  
仍退回死拒各鎮將督飭兵勇上前不敢收隊  
等因查武昌城外之賊經此次痛剿自可解圍  
惟占踞漢陽及水路之匪勢必聞風西竄臣惟  
有督飭向榮相機設法渡江並令蘇布通阿馳  
往漢陽上游遏其竄往荆襄之路奏入

上命軍機大臣傳諭徐廣縉向榮羅繞典常大瀛陸建

欽定剿平粵匪方略卷三十一

三

瀛楊文定蔣文慶張芾琦善陸應穀曰逆匪自到武  
昌分股滋擾其陸路賊營占踞洪山一帶向榮督同  
福興等合力進剿將賊巢全行燒燬直追至武昌城  
下其漢陽浮橋亦爲我兵拆斷賊匪經此次痛剿省  
城當可解圍惟南岸之賊仍係分股其大股俱在水  
路及江北漢陽漢口等處難保不聞風四竄且賊情  
詭譎異常更恐以南岸之賊牽掣我師其大股復潛

圖他竄徐廣縉計已馳抵武昌前奏擬派蘇布通阿  
馳往上游杜賊西竄之路此時是否已有布置著與  
向榮迅速籌辦羅繞典此時是否已抵襄陽台湧荆  
州兵單恐未能力遏賊鋒必須派得力將弁添兵防  
剿陝西交界處所已諭令舒興阿等派兵設防務須  
聲勢聯絡不可稍分畛域至江面下游一帶陸建瀛  
計已統帶重兵溯流而上江西安徽水陸要隘防不  
勝防惟有擇險據守確探賊蹤督兵進剿並隨時知  
照張芾蔣文慶楊文定及江甯將軍祥厚一體嚴防  
現在漢陽尙有賊踞孝感黃陂一帶均有賊營去豫  
甚近情形更爲緊急琦善未到以前陸應穀計已馳  
抵南陽所調直隸山東山西陝西各勁旅計亦趕到  
兵力不爲不厚卽著陸應穀妥爲布置堵剿兼施並  
隨時知照湖北軍營聯爲一氣毋得稍有推諉

欽定剿平粵匪方略卷三十一

三



欽定勦平粵匪方略卷二十二 壬子年

十二月十七日壬辰張芾奏言逆匪竄擾湖北偏

近江西現在大兵攻勦武昌當可解圍賊既窮  
蹙勢必紛竄毗連各要隘急宜堵禦臣現抵九

江並於道士袱安設營壘派委大員帶領兵勇  
前往駐紮惟九江存城及江蘇福建客兵不過  
二千名兵力尙形單薄所有湖南歸伍之江西

勦平粵匪方略卷二十二

一

兵一千名請

飭徐廣縉張亮基令其迅速折回奏入

上命軍機大臣傳諭陸建瀛楊文定蔣文慶張芾曰九

江防兵單薄已諭徐廣縉等飭令湖南歸伍之江西

兵迅速折回江西陸建瀛早經起程此時計抵九江

著會同張芾相機籌辦如向榮等攻勦得手尙須東

路策應陸建瀛卽帶領兵勇溯流而上與武昌大兵

合力夾擊或武昌圍解賊匪紛竄順流而下則迎頭  
截擊與向榮等派出之兵兩面兜剿更可得力惟水  
路固宜嚴防陸路亦必分兵守禦總期妥爲布置毋  
墮賊匪聲東擊西奸計

上又命軍機大臣傳諭徐廣縉向榮張亮基曰現在九  
江兵力單薄賊已竄離湖南所有撤歸原省之江西  
兵著徐廣縉張亮基卽行飛飭起程馳赴九江又福

勦平粵匪方略卷二十二

二

建兵三千名是否全數行抵大營應否馳赴九江協

防之處著徐廣縉向榮酌量辦理現在向榮等得獲

勝仗盡將賊營燒燬武昌自可解圍江中浮橋旣被

我兵燒斷當不患乏船濟渡徐廣縉計已抵武昌省

城卽與向榮督飭南岸大兵設法渡江將黃陂一帶

賊營痛加攻勦能將水面及漢口土城賊匪合力圍

攻卽可乘勢收復漢陽爲一鼓殲除之計惟賊情詭



詐勢必又圖他竄不上窺荆沔則下擾黃蘄徐廣縉  
向榮務須通籌豫防儻賊順流東竄江省兵單甚爲  
可慮著卽由大營選派奇兵繞出下游與陸建瀛派  
防之兵扼要合剿勿任竄逸其西北荆湘一帶亦必  
須派兵與台湧羅繞典協同防堵仍隨時知照河南  
出兵夾擊

十八日癸巳徐廣縉奏言臣於十二月初九日行

欽定剿平粵匪方略卷三十二

三

次岳州接據探報連日向榮等由洪山一帶追  
剿賊匪於省城之東疊獲勝仗西面平湖文昌  
各門濱臨大江不意該逆潛施詭謀開挖地道  
竟於初四日辰刻用地雷轟塌城垣守陴兵潰  
逆衆卽從缺口擁入省城登時失守文武各官  
不知下落請

旨飭下各路統兵大臣速撥勁旅會合進剿迅圖克復

臣救援不力應請將臣從重治罪奏入

上命軍機大臣傳諭徐廣縉向榮曰本日據徐廣縉馳  
奏逆匪攻撲武昌省城失守覽奏焦急之至已明降  
諭旨將該大臣等革職帶罪自效矣徐廣縉前次奏  
報尙云當可解圍乃數日之間省城竟被地雷攻陷  
該大臣如此料賊殊堪浩歎總由督兵遲緩致誤事  
機向榮雖於城東疊獲勝仗未能督率諸軍保護省

欽定剿平粵匪方略卷三十二

四

城均屬罪無可解現當賊勢猖獗剿辦喫緊之際姑  
從寬典徐廣縉著卽兼程前往武昌會合向榮妥籌  
兜剿一面知會羅繞典台湧等嚴防上游一面飛咨  
陸建瀛張芾等各派精兵溯流而上一律截擊毋得  
再有遲延湖北省城文武下落並著迅速查明具奏  
至武昌城中截留軍餉三十餘萬兩諒盡爲賊得軍  
營支用如何接濟此時撥餉在途者尙有若干著徐



廣縉飛催前途繞道解運並須加倍慎重本日已寄  
諭葉名琛令其設法籌畫由江西湖南解運軍營以  
濟急需矣

上又命軍機大臣傳諭琦善陸應穀陳金綬曰前有旨  
諭令琦善馳赴楚豫交界地方與陳金綬統帶大兵  
迅速進剿並令陸應穀馳赴南陽將調到各省勁旅  
妥為布置堵剿兼施現在武昌失守楚豫毗連處所

欽定四庫全書

五

防剿十分喫緊琦善陳金綬著即督兵前進與徐廣  
縉向榮陸建瀛等各路精兵四面兜圍相機進剿斷  
不可各分畛域致誤事機

上又命軍機大臣傳諭陸建瀛楊文定蔣文慶張芾曰  
陸建瀛前奏先赴省城料理即赴九江防剿現在賊  
勢益張若仍照常行走必致緩不濟急著該大臣迅  
速兼程馳赴九江會同張芾選派得力將弁會合楚

省官兵前後夾擊至安徽水陸各路與湖北多有毗  
連若賊匪乘勢東竄在在堪虞著陸建瀛蔣文慶將  
現在調到各兵遴選得力員弁管帶分守要隘一律  
堵截毋稍疏虞

上又命軍機大臣傳諭舒倫保舒興阿張祥河曰逆匪  
占踞漢陽尚未剿除現復攻陷省城勢益猖獗陝西  
路通湖北鄖襄等處防守緊要著舒興阿即遵前旨  
迅督精兵兼程前進其未到陝以前仍著舒倫保張  
祥河飭令所帶各員妥速設防毋稍延誤

欽定四庫全書

六

上又命軍機大臣傳諭裕瑞曰武昌省城失守四川與  
湖北毗連亟應調兵策應裕瑞現署總督未便遠離  
省城著即選派得力鎮將酌帶精兵順流直抵湖北  
交界與徐廣縉等會同剿辦所需經費並著該省設  
法籌辦



上諭內閣曰本日據徐廣縉馳奏逆匪攻陷武昌省城失守覽奏憤恨莫可言喻該大臣前次奏報尙云武昌自可解圍數日之間遽報失陷豈軍情緩急但憑稟報如在夢中耶徐廣縉自長沙前赴湖北本已遷延向榮爲軍中統領雖經趕到獲勝乃不能乘勢擇要攻剿遲延數日致誤事機均屬罪無可追現值勦辦喫緊之際若卽重治其罪轉得置身事外徐廣縉

欽定剿平粵匪方略卷三十二

七

著革去兩廣總督拔去雙眼花翎仍以欽差大臣暫署湖廣總督向榮著革職仍幫辦軍務帶罪勦賊以觀後效武昌爲省會要地巡撫大員駐紮處所乃竟被賊攻陷兵民慘遭荼毒朕自愧自恨用人失當不能拯我生民殄茲羣醜顧瞻南服寢饋難安前已令琦善陸建瀛爲欽差大臣各帶重兵馳往迎剿又命陝甘總督舒興阿四川將軍署總督裕瑞各選精兵

馳往楚省交界合力勦捕其各勦力同心以靖疆圉毋得各存畛域觀望遷延致干重罪武昌城內文武各員著徐廣縉查明具奏

二十一日丙申陸建瀛奏言臣於十一月二十四

日在豐北工次起程本月初七日晉省查江甯省城形勢南岸以東西梁山爲水陸門戶北岸以浦口鎮爲扼要又水路自蕪湖縣過丹陽等

欽定剿平粵匪方略卷三十二

八

湖爲江甯之後路蘇常之捷徑臣現已派撥兵役分投巡查撫臣楊文定業已由蘇起程計日可到臣不及晤商剋日飛催官兵戰船星夜趨行水陸兼程前進會同安徽撫臣蔣文慶署江西撫臣張芾將安徽江西境內應行設守地方逐一布置妥協卽由蘄州黃州一路進發函商臣徐廣縉臣琦善相機防剿



同日張芾奏言臣疊接探報皆稱武昌省城西面於十二月初四日被賊攻陷前提督向榮業已拔營退駐青山道路梗塞無從確探現有賊船數百已至黃州掠糧武昌省城密邇九江朝發夕至勢甚急迫所謂袁吉等處之兵又以風雪阻滯水陸皆難行走到潯者僅止百餘無可布置江蘇三板船至今尚無消息均經疊次飛

聖學聖方略卷三十二

九

催總兵清保臬司惲光宸亦待兵不至先赴上游履勘安營惟道士汛係屬楚界寇氛逼近能否前進俟該員等到彼勘明方能辦理此外惟有瑞昌之下巢湖馬頭鎮南北岸楚地武穴鎮老鼠峽等處江面尚狹前已於每處屯兵二三百名臣仍俟兵力稍集即當察看緩急統帶前往總期力爭上游扼要駐守再議進攻兵機早

晚不同亦不敢稍事拘泥徐廣縉本月初尚在湘陰大兵數萬不知在何處武漢下游如黃州大冶等處並無一兵堵截河南所謂精兵萬餘應請

旨速飭分道徑赴湖北省城東北兩面以遏賊赴河南安徽之路並請

旨嚴飭徐廣縉等速即進兵截其東竄勿再遷延一誤

聖學聖方略卷三十二

十

再誤以致不可收拾聞向榮疊次打仗而各路統兵提鎮率皆互相推諉不肯踴躍爭先軍心遂亦日懈殊堪痛恨均奏入

上命軍機大臣傳諭陸建瀛楊文定蔣文慶張芾曰武昌失守九江孔急現在賊船數百已至黃州劫糧所調官兵至九江者僅有百餘即下巢湖武穴鎮老鼠峽等處江面屯兵均僅二三百名賊氛逼近守禦實



嫌單薄著陸建瀛迅速兼程前進所調水師官兵船隻卽派遊擊楊冠春周鼐統帶與方翔徑抵九江上游迎頭堵截並已諭知徐廣縉向榮派得力鎮將統帶湖北大營重兵繞出黃州賊匪之前徑至九江截擊並令向榮察看賊勢何處喫緊卽行親赴應援其前經調赴江西未至之兵著陸建瀛嚴札飛催陸建瀛未到以前著張芾設法妥籌防守如可力爭上游

欽定剿平粵匪方略卷三十三

十一

扼要進攻卽著相機辦理琦善卽日可抵楚豫交界本日已飭令統帶生力勁兵疾趨湖北遏賊東竄並飭徐廣縉會合剿辦其安徽省沿江一帶布置機宜陸建瀛與蔣文慶務須悉心籌畫督飭張熙宇等嚴密防守有應行隨時酌商調派之事該大臣等妥爲商榷毋須在皖耽延總以急抵九江鎮定人心隨機進剿爲要江甯一帶各江防著楊文定與將軍祥厚

督同藩司祁宿藻並前廣西巡撫鄒鳴鶴將團練保衛事宜與江岸水陸各要隘妥爲籌辦江蘇安徽兩省均著密飭文武員弁分投巡查一有奸細闖入擊獲卽行正法江西安徽陸路湖北毗連處所一律嚴防該大臣馳赴蕪黃一帶與徐廣縉琦善會剿情形隨時奏報以慰廬念

欽定剿平粵匪方略卷三十三

十二

上又命軍機大臣傳諭徐廣縉向榮曰徐廣縉兼轄兩省不能迅速督兵前進力解武昌之圍以致省城失陷若再令東竄江西北竄河南自問當得何罪武昌失守後賊匪是否占踞分股他竄抑已大隊出城另圖滋擾向榮不能力救危城乃退守青山擬作何進止昨有旨令向榮署理湖北提督仍幫辦軍務責無旁貸現在九江告急陸建瀛溯流而上兵力單弱朕心甚爲焦急向榮與蘇布通阿福興玉山和春奏定



三鄧紹良瞿騰龍等所帶兵勇不下數萬豈有坐視該逆橫行不謀截擊之理著向榮速派得力鎮將大員先行統帶精兵數千名無論水陸各路設法繞至九江上游與張芾會同截擊遏賊東竄陸建瀛計亦馳抵九江兩省共辦一事斷不可稍存畛域之見向榮仍察看賊勢何處緊急卽帶兵前往攻剿毋失事機省城被陷文武官員如何殉節情形著該大臣等

聖學方略卷三十二

十三

迅速查明具奏並分派官兵撥往北路與河南大兵會合籌剿令逆匪不得遠竄該逆自粵而楚所至蹂躪不堪儻再蔓延他省則九江以下無險可守東南數省繹騷應山以北稍有疏虞河洛亦爲之震恐該大臣等撫心自問應如何爲朕分憂耶

二十二日 酉丁

上諭內閣曰學士許乃釗現由廣東學政任滿回京無

論行抵何處著卽馳驛前赴欽差大臣陸建瀛軍營聽候差委前任山東按察使徐思莊著交署江西巡撫張芾差遣委用

二十三日 戊戌

上命軍機大臣傳諭李德曰逆匪竄擾湖北漢陽武昌相繼失守昨聞賊船數百已至黃州掠糧九江勢甚急迫附近河南信陽州之應山黃陂等處俱有賊匪

聖學方略卷三十二

十四

河南安徽江蘇皆與山東毗連亦應早爲防範著李德偵探賊蹤遠近察看地方情形於交界扼要處所帶兵前往駐紮調度以資防守

二十四日 己亥 荆州將軍台湧荆州副都統官文

貴陞奏言據協領魁玉拏獲奸細金登進姚義漳等供稱賊目羅大綱帶賊四五千攻破省城使來荆郡窺探情形約定正月初旬由仙桃鎮



一帶來荆大隊由金口走外江到荆臣等查武昌省城爲楚北根本重地一旦失守賊勢更形猖獗荆郡滿營官兵祇存二千六百名合小甲閒散亦祇三千餘員名實不敷分派前接徐廣縉函咨派撥鎮將管帶弁兵前來又分撥提督蘇布通阿帶兵來荆協防商辦並湖北撫臣常大溱派撥河州官兵來荆堵禦迄今杳無音信

欽定剿平粵匪方略卷三十二

十五

茲據成都將軍裕瑞派令協領保慶等帶兵五百名馳赴湖南軍營現在荆郡需兵孔亟除飛札該協領等兼程來荆以資防剿外合無仰懇

天恩准其截留四川滿營官兵並請

旨飭調西安青州駐防勁旅星夜兼程來荆以資協剿

同日陸應穀奏言十八日據湖北孝感縣知縣李殿華等稟武昌失守情形其殺戮之慘悖逆

之情言之確鑿臣接聞之下憤懣填胸惟臣琦善尙未到南陽陳金綬亦無抵豫確信所謂之兵僅陝西駐防一千名大名鎮兵一千名於十八日到南陽臣撥大名鎮兵一千名駐紮南關外駐防兵一千名駐紮城內南陽鎮標兵並前調到之河北鎮兵共六百餘名分布四門稽查防守新野原駐兵三百名近聞該處有土匪暗

欽定剿平粵匪方略卷三十二

十六

聚又添派兵二百名委候補知縣袁詵馳往查拏其餘通楚要路新野之水臺村派兵百名鄧州之孟樓桐柏之冠子嶺各派兵二百名浙川內鄉一帶派荆關協霍隆武帶本標兵駐守兵力皆嫌單薄至南陽修城浚濠經該府夏雲岫督率該署縣鈕浦擇要興工臣惟有督同柏山悉心籌畫嚴密防截一俟大兵雲集即可進埽



妖氛均奏八

上命軍機大臣傳諭琦善陸應穀曰賊匪有於正月初間竄擾荊州之說該城守兵僅三千餘名不敷防勦武漢迤西一面無官兵駐守堵剿著琦善陸應穀迅將已到南陽之西安駐防兵一千名即飭統領官員星夜管帶馳赴荊州交台湧派撥守禦現計該大臣早已行抵信陽所有豫境防勦事宜即與該撫陸應

聖朝聖方略卷三十二

十七

穀將調到各兵分撥統帶嚴密布置陳金綬帶兵應於何路進攻斷不可以有用之兵置之無用之地自南陽至信陽一路凡有鄰楚州縣水陸要隘如何設防務須聲勢聯絡相機進剿為楚北援應該逆肆行慘毒總由各路援兵濡滯以致武昌困守二十餘日仍復失陷實堪痛恨昨張芾奏賊船已近道士袱黃州府武昌縣等處賊船游弋者數百下游巢湖孤軍

七八百名勢恐不支九江情形緊急陸建瀛所帶兵力亦甚單弱必須該大臣等選派精兵馳往會剿或派兵繞出安徽迎頭截擊不可專顧一面致誤事機在守土官員固當早謀捍禦而援兵觀望不前以致力竭失守罪亦難寬該大臣等即傳諭軍營將弁儻有派令援應觀望不前者即行嚴辦至賊匪分布奸細窺探軍情並著嚴飭文武隨時密拏勿墮奸計所有郡縣城濠應行及早修濬之處即行妥籌辦理

聖朝聖方略卷三十二

十八

上又命軍機大臣傳諭徐廣縉向榮曰武昌城內兵民數萬人盡遭慘害朕悲憫之餘尤深憤懣該大臣屢次遷延坐視貽誤是何肺腑向榮等雖帶兵於城外攻勦亦未能力解省圍致數萬生靈罹此慘毒若再不急圖補救自問於心何安現在荊州盤獲奸細有窺伺荆襄之信而下游黃州武昌縣一帶賊船游



弋距道士泐甚近賊情詭詐異常聲東擊西是其故  
智陸建瀛溯流而上九江等處兵力太單朕心甚爲  
慮念昨已有旨諭令該大臣等選派得力鎮將帶兵  
數千人繞赴江西湖北交界過其東竄此舉萬不可  
稍緩再有貽誤並著向榮確切偵探何處緊急卽提  
兵督率諸將親往救援並隨時知照陸建瀛張芾等  
不分畛域合力兜剿若荊州一帶喫重亦卽先其所

勦平粵匪方略卷三十二

十九

急不可顧此失彼賊情詭詐慣爲牽掣之計向榮諒  
已深悉不至墮其奸謀也

上又命軍機大臣傳諭陸建瀛蔣文慶張芾曰現在賊  
船游弋黃州武昌縣等處距道士泐甚近勢將沿流  
東下陸建瀛自必遵奉節次諭旨迅速馳抵九江著  
卽會同蔣文慶張芾互爲犄角相機防剿江蘇道員  
吳健彰捐備連環馬礮六百餘尊諒已酌量帶赴軍

營此礮位爲行軍利器或臨陣轟擊或扼險衝擊皆  
可用挫兇鋒但須慎重調撥不可聚於一處付之庸  
懦弁兵遇賊率行委棄轉爲賊匪所得貽害不淺慎  
之慎之

上又命軍機大臣傳諭祥厚楊文定霍隆武文藝福珠  
洪阿曰逆匪肆擾漢陽武昌相繼失守昨據張芾奏  
賊船數百已至黃州掠糧是該匪已有東竄之勢江

勦平粵匪方略卷三十二

二十

甯省城尤爲緊要現在陸建瀛馳赴九江督剿楊文  
定行抵省垣著會同該將軍副都統督同藩司祁宿  
藻等妥速籌商遴派得力將弁於江岸上游扼要防  
守遏賊東下之路提督福珠洪阿著卽帶兵前赴江  
甯於城外要隘密爲布置以衛省垣至京口爲江蘇  
省城門戶並著會同該副都統加意防範勿稍玩忽  
該匪攻城慣用地雷果能嚴密巡查並於城外空濠



何至墮其奸計現在鄒鳴鶴計已到省其桂林守城  
尙有微勞賊情諒所深悉著卽幫同籌辦江甯城大  
兵單守禦必應嚴密福珠洪阿到省後務當擇要布  
置以期水陸兜剿不可稍有疏虞

同日

上諭內閣曰欽差大臣琦善著賞給都統銜專辦軍務  
毋庸署理河南巡撫

聖朝方略卷三十二

三

二十五日庚子徐廣縉奏言湖北武漢兩處現在

均爲賊踞上下游人情震動先宜安鎮軍心再  
籌進止大兵仍紮洪山一帶未經移動武昌城  
內如何情形無從探悉惟有撫臣常大瀆親隨  
壯丁二人縋城逃出路過岳州據稱十二月初  
四日辰刻忽報文昌門被賊攻塌該撫臣聞警  
遂帶壯丁上城督守誓死不退當被賊匪戕害

壯丁亦被害多人其餘文武員弁分守各城如  
何下落伊等不知等因查撫臣常大瀆臨難捐  
軀應請

旨交部議卹其餘文武各員容查明奏辦武昌省會既  
陷湖北全省應辦事件臣暫爲經理此時大營  
兵勇已由向榮統帶全赴武昌而岳州爲南北  
兩省咽喉地居扼要卽大營糧臺亦須經由岳

聖朝方略卷三十二

三

城庶便往前轉運臣現擬暫住岳州擇要設防  
以爲我軍後路聲援並可遏該逆回竄奏入

上諭內閣曰調任山西巡撫湖北巡撫常大瀆秉性忠  
貞官聲素著前因粵匪竄擾湖南卽奏請嚴守岳州  
並力籌武昌防守事宜不料岳州文武棄城失守遂  
令逆賊長驅直入徑抵武昌該巡撫率文武官吏嬰  
城固守二十餘日竟被地雷轟發省城失陷該撫猶



親督守兵登陴力戰誓死不退爲賊戕害孤忠亮節  
可憫可嘉常大瀆加恩著晉贈總督銜入祀昭忠祠  
卽照總督陣亡例賜卹任內一切處分悉予開復應  
得卹典該衙門察例具奏其屍骸有無下落子孫是  
否隨任均著該署督查明並將武昌城內提鎮司道  
以下文武各官如何殉難情形迅速一併確查卽行  
馳奏

欽定剿平粵匪方略卷三十二

三

同日

上諭內閣曰前任漕運總督周天爵現在安徽寄寓著  
卽協同蔣文慶辦理團練防剿事宜候補鹽運使但  
明倫著交陸建瀛差遣委用

二十六日 辛丑 蔣文慶奏言賊匪若由水路直下

則必從九江入皖陸路則黃州府距皖城僅三  
百三十里現在並無一兵扼守何以堵禦皖省

奏調之兵距今一月有餘止到浙江兵一千名  
山東兵頭二三起雖已行抵皖境然兩雪載途  
到省尙需時日江南兵尙無入境信息安內攘  
外兩無足恃督臣陸建瀛不日將抵皖境惟所  
帶之兵不過五千而水師多於陸兵則黃州一  
路恐難分撥堵截伏思徐廣縉統兵六七萬原  
藉以援救湖北省城乃湖北省城失守該大臣

欽定剿平粵匪方略卷三十二

三

尙在岳州舟次軍務重事豈容一誤再誤此時  
情形迥非昔比省垣失守之後則徐廣縉所統  
之兵已成進退維谷之勢此時急圖克復非惟  
兵不可用抑且有所不能若從上游急攻漢陽  
一路賊匪則適足以速其下竄之路且省城旣  
爲賊踞各路賊匪日衆萬一分賊四竄益  
覺滋蔓難圖上游雖有重兵不能赴援下游各



省兵力處處皆單卽紛紛徵調亦恐緩不濟急  
惟有於下游各省重兵堵截然後徐圖進剿爲  
一鼓殄滅之計仰求

皇上速飭徐廣縉選派得力提鎮二員各帶精兵萬餘

一交陸建瀛一交琦善統帶調遣分布水陸隘  
口堵禦庶河南江西安徽等省可保無虞而上  
游尙有重兵數萬不慮其單然後水陸兼進合

聖學聖方略卷三十二

三

力夾擊先攻漢陽一路使之不能成犄角之勢  
一面以水師精兵焚其輜重斷其浮橋使其孤  
踞省垣外無應援自不難於克復軍情旦夕變  
遷及早圖之方克有濟若再俟遠路調赴之兵  
又在兩月之後彼時恐更難措手矣奏入

上命軍機大臣傳諭陸建瀛蔣文慶張芾曰軍情緊迫

該督撫等卽將本省官兵並已到各省官兵妥爲布

置防剿兼施但不可坐待援兵以致誤事

上又命軍機大臣傳諭向榮曰逆匪占踞武昌窺伺九  
江賊船數百隻逼近黃州下游九江等處情形十分  
緊急該大臣旣肩重任責無旁貸著卽遵前旨迅速  
選派鎮將撥兵數千前赴九江一帶遏賊分竄仍隨  
時知照陸建瀛張芾合力兜剿無論水陸兩路萬不  
可任賊東竄其武昌漢陽之賊並著相機進剿以圖

聖學聖方略卷三十二

三

克復荆襄一帶及江北與河南交界處所並隨時知  
照琦善陸應穀派兵接應該大臣統領重兵務當申  
明紀律嚴加整頓力洗從前遷延疲玩惡習公明二  
字時刻留心軍中奮勇將弁如鄧紹良等尙不乏人  
提鎮大員均朕特簡豈無天良但須調度有方甘苦  
與共自能同心協力迅奏膚公也

上又命軍機大臣傳諭琦善陸應穀陳金綬曰琦善計



早到信陽著將現到直隸官兵內擇其精銳者數千名交陳金綬管帶星速馳往安徽一帶繞出賊前幫同截剿南北兩路應援庶免賊匪竄越若但自固藩離遷延觀望坐視鄰境失事朕惟統兵大臣是問信陽南陽各處著琦善與陸應穀派兵嚴行防範琦善仍當遵奉前旨相機越境督兵進剿與向榮聲勢聯絡勿任賊匪從容布置再滋蔓延

欽定剿平粵匪方略卷三十二

三

同日

上諭內閣曰前因廣西逆匪竄擾湖南賽尙阿師久無功特命徐廣縉爲欽差大臣接受關防就近督辦乃由梧州抵衡州軍營業已遷延多日長沙被圍兩月有餘若非向榮及地方文武竭力守禦幾致失事及解圍後徐廣縉始抵長沙省城而逆匪已乘虛復陷岳州長驅北竄直撲武昌徐廣縉調度失機罪已難

追朕猶冀其帶罪圖功僅予薄懲疊經嚴諭令其督兵兼程赴援乃藉詞土匪率掣耽延不進至今株守岳州一籌莫展惟向榮及諸將先後趕到武昌與賊接仗雖屢次獲勝而主將遠隔數百里外兵機緊急何所稟承漢陽旣已失守武昌省垣又復淪陷文武官員兵丁人民數萬生靈慘遭荼毒朕引咎自責寢饋難安乃昨據徐廣縉奏報仍以防賊回竄爲詞竟

欽定剿平粵匪方略卷三十二

三

擬駐紮岳州所有江面上下游及漢陽北路一帶全未籌及是直以岳郡爲藏身之固擁重兵爲自衛之謀甘心失機大負委任已革兩廣總督徐廣縉著革去署任卽行拏問由張亮基派員解交刑部治罪向榮自抵軍營兩載有餘雖亦不免挫失而桂林長沙兩處守城均能迅速赴援追賊湖北亦係該員首先趕到朕用人略短取長毫無成見但能勇於任事卽



可承受朕恩向榮著卽授爲欽差大臣接受關防賞  
還提督頂戴專辦軍務所有軍營文武統歸節制有  
能奮勇立功者據實保奏其不遵調度臨陣退縮巧  
避者卽按律嚴辦值此勦賊喫緊之際陸建瀛琦善  
向榮雖分省統兵實則共辦一事若彼此推諉稍分  
畛域不肯合力夾擊以致鄰境被擾滋蔓難圖朕惟  
有執法從事決不姑寬懷之勉之

聖學方略卷三十二

三

同日

上諭內閣曰國家歲糜鉅餉蓄養兵丁當此軍興之際  
自應共圖奮勉以滅賊氛而安良善現在逆匪自外  
生成糾衆竄擾廣西湖南等省抗拒官兵實屬罪大  
惡極是以特命琦善爲欽差大臣督率各省官兵前  
往勦辦復調吉林黑龍江精銳官兵四千名到營諒  
此烏合之衆無難剋日殲除但該兵丁等甫至直隸

河南一帶儻有無知之徒難保無沿途格外勒索車  
輛口食任意騷擾民間者卽著該帶隊副都統等一  
面查明拏交地方官嚴禁一面據實奏朕卽將犯  
法之人按軍法治罪決不寬貸儻該帶隊副都統等  
徇庇不行奏聞一經該督等奏衆不但將犯法之人  
重治其罪定將該副都統等一併嚴加議處

二十八日 癸卯 署湖北提督向榮奏言 臣先後與

聖學方略卷三十二

三

賊鏖戰二百餘仗斬殺何止數千人該逆人數  
雖衆我兵誠能踴躍用命該匪早已殲除淨盡  
無如軍營積習疲玩顛預而壯勇一項不但追  
賊遲慢所過鄉村恣意擄掠且有與賊勾通情  
弊至地方文武均有守土之責如岳州城堅地  
險有兵數千尙不能爲一日之守其益陽臨湘  
咸甯並現在之黃州府武昌縣各文武均不能



嬰城固守一聞賊至卽棄城先遁以致百姓紛紛迎賊入城實深憤恨臣於十一月二十八日攻破洪山賊營立望武昌城圍可解乃十二月初四日賊用地雷轟塌文昌門城垣致被擁入其時城上有兵六千人何以疏懈若此該逆既陷武昌於漢陽漢口搭有浮橋以通往來並據報該逆三千餘人乘船三四百隻赴下游運糧

欽定剿平粵匪方略卷三十二

三

於十一日到黃州府及武昌縣滋擾該二處本無官兵防守地方文武早經遷避逆匪擄得銀錢穀米用船百餘隻於十三十四等日運回省城黃州有賊二千餘人武昌縣有賊千餘人分踞十二月十八日臣傳令各營齊出隊伍攻撲陰陽關賊營我兵吶喊擁入匪衆紛紛潰退遂敗賊於新南門查該匪船隻極多往來自如大

營兵勇既有長江重湖之阻又無船隻可渡籌思至再此刻剿除之法先將賊船賊橋焚燬斷其往來之路然後設法克復方可得手聞九江調有官兵及江浙水師戰船堵截陸建瀛張芾均奉

旨飭帶官兵赴上游會剿因查下游道士洲一處河面窄狹山勢險峻足爲長江關鍵現已飛咨督臣

欽定剿平粵匪方略卷三十二

三

陸建瀛及撫臣張芾卽將水師戰船迅速溯流直上扼要灣泊一面於兩岸設兵四五千名犄角紮營深溝高壘水面戰守互相應援應請

旨飭下陸建瀛張芾催令兵丁戰船星夜馳赴道士洲一帶扼險堵守廣東水師戰船會商請徐廣縉酌量調撥由海道駛入鎮江前刑部郎中盧應翔所帶礮船曾在長沙靳家河擊賊尙屬可用



已由徐廣縉飭調前來又總兵音德布管帶貴州陝西官兵千餘名遊擊韓世禧管帶湖南官兵數百名已請徐廣縉飛調音德布韓世禧於常德長沙多雇船隻配齊大礮順流而下並令韓世禧於長沙防城楚兵內再挑數百名湊成千名其副將鄧紹良帶有兵勇千餘名卽於岳州一帶多覓船隻並於洞庭湖招募水摸二三百名豫備柴草硝磺引火之物均令乘船駛至金口會齊約期一鼓而下焚賊船橋當較得勢此間尙有前在長沙靳家河駕船擊賊之捷勇甚爲得力廣東兵勇內尙可挑出水戰燃礮之人均商由徐廣縉迅速辦理俾資攻擊奏入

上命軍機大臣傳諭琦善陸建瀛向榮陸應穀曰該逆於漢陽漢口搭有浮橋並有賊三千餘人船三四百

欽定四庫全書

三

欽定四庫全書

四

隻滋擾黃州府及武昌縣向榮擬設法將賊船橋焚燬斷其往來自應如此辦理至所探黃州武昌兩城不能固守百姓紛紛迎賊距營一二百里並無官兵防堵似此情形則九江最爲急迫向榮奏稱各路防剿官兵堵截嚴密四面會剿自係實在情形前已疊次諭令陸建瀛迅帶水陸官兵前往迎擊並令張芾等嚴密布置惟陸建瀛並未徵調他省勁旅所帶兵勇不及五千人九江上游一帶兵力單弱朕心深爲懸念必須豫楚兩路大兵迅往應援堵截方能嚴密三路始可會剿朕所以屢諭琦善向榮等令其各選精兵馳往九江及安徽一帶與陸建瀛會合堵截正是此意向榮旣膺重任必當通籌合計一面攻剿武漢賊匪一面卽派提鎮大員統兵疾趨繞出黃州之前或道士狀尙可扼守卽於彼處堵賊東下計湖南



鎮將派撥船廠帶兵北來亦可剋期而至前後夾擊定能得手琦善已抵信陽卽統兵馳赴湖北並著陳金綬仍遵前旨由安徽一帶抄出賊前迎勦至陸建瀛兼轄三省前曾具奏有力爭上游之說自省城水路前赴九江已覺遲緩一切調度切須虛心集益勿涉囂矜張芾蔣文慶各有守土之責亦須與陸建瀛同心合力斷不可稍存意見致失事機

欽定剿平粵匪方略卷三十二

三

上又命軍機大臣傳諭張亮基潘鐸曰逆匪攻陷武昌仍於漢陽漢口搭有浮橋必須多備礮船將浮橋焚燬方可進勦前刑部郎中盧應翔所帶礮船曾在長沙蘄家河擊賊現在停泊何所總兵音德布在常德設防遊擊韓世禧分防長沙該處距賊較遠著張亮基潘鐸飭令音德布韓世禧於常德長沙多雇船隻帶兵前進韓世禧所帶湖南兵僅數百名著飭令於

長沙防城楚兵內再撥數百湊足千名以資調遣副將鄧紹良所帶兵勇卽於岳州一帶多雇船隻並於洞庭湖招募水摸二三百名豫備柴草硝磺等物同盧應翔船隻迅速駛往以期合力進攻焚斷浮橋斷不可稍有遷延致誤事機向榮旣命爲欽差大臣一切調度事有專責兵機貴速尤忌牽制張亮基平素辦事尙不迂緩今與向榮共事一方必須和衷共濟

欽定剿平粵匪方略卷三十二

三

諒不以前在雲南曾有會同叅劾向榮之奏稍存意見也黃州府武昌縣文武下落著迅速查明具奏同日刑部奏言本年九月初二日內閣奉

上諭欽差大臣賽尙阿身爲統帥調度乖方勞師糜餉日久無功實屬大負委任著革職拏問由徐廣縉派員解交刑部治罪等因經臣部恭錄諭旨咨行該大臣欽遵辦理去後茲於十二月二十七



日經湖南委員將賽尙阿解送到部伏乞

欽派大臣會同 臣部審訊奏入

上諭內閣曰已革大學士賽尙阿現已由湖南解京著

派大學士軍機大臣會同刑部審訊定擬具奏

聖學聖方略卷三十二

三

欽定勦平粵匪方略卷二十三 癸丑年

三年正月初二日 丁未 青州副都統常清奏言現

在賊陷武昌河南防勦喫緊 臣遵

旨挑選駐防精兵前往聽調當卽揀選青州精兵八百

名派委協領各員分爲三起管帶並檄德州城

守尉揀選精兵二百名由城守尉派員管帶共

成馬隊兵一千名前赴豫楚交界聽候調遣合

聖學聖方略卷三十三

一

無仰懇

天恩俯准 臣統帶前往奏入

上從之

初三日 戊申 江甯將軍祥厚兩江總督陸建瀛江

蘇巡撫楊文定江甯副都統霍隆武京口副都

統文藝奏言江南省城爲東南各省扼要之地

臣陸建瀛前函飭江藩司祁宿藻督飭道府州



縣邀集紳董勸令城鄉分段團練互相保衛該紳民等辦理尙屬認真至省城及鎮江揚州一帶八旗綠營水陸官兵亦經臣等嚴飭該管將備以一半水陸交巡一半留營操練臣陸建瀛復另調水陸官兵一千八百名廣艇船四隻八槳船二隻上海水勇一百名江甯水勇一百二十名又留狼山營三板等船十隻在省聽候調遣專防江路上游之東西梁山蕪湖攔江磯各要隘派委員弁兵役梭織巡防遇有形跡可疑之人詳加盤詰分別拏辦復於腹裏之斷山凹東壩等處派兵嚴查以資策應奏入報

聖朝方略卷三十三



祥厚霍隆武又奏言籌備戰守必先精製軍械江甯旗營額設燬礮八十門子母礮三十門檣

槍一百六十桿鳥槍一千二百桿其燬礮體質笨重安設城頭及防守要隘足資得力惟江南省城地方遼闊水陸紛歧必須轉運便捷之利器方足以資策應而轉動靈便之軍械莫若檣槍鳥槍子母礮最爲得力臣等督同八旗協領再四籌商擬請趕緊添造檣槍六百桿子母礮十門以資防守工價擬於旗兵馬價銀內暫行

聖朝方略卷三十三



旨允行

陸建瀛又奏言臣欽承

恩命賞給

欽差大臣關防諭令馳往上游堵剿賊匪遵卽酌調兵勇派撥戰船分別進發途次疊接江西安徽撫臣咨會探得賊於十二月初四日攻陷武昌



省城竄至黃州地界勢益狹猖該匪奔突靡常  
屢次攻撲城池悉皆抄出官兵之前乘虛竄踞  
復藉土匪隨處附益以致逆燄日張現欲設法  
殲擒尤以厚兵力固民心防後路為要著臣趕  
即督齊兵勇星速馳赴九江擇要駐紮與潯郡  
防兵為犄角之勢併力截剿覈計九江先後調  
撥江蘇安徽福建三省及本鎮標官兵已有五

聖朝方略卷三十三

四

千餘名尙恐一時未能齊到現在賊蹤下趨應  
將上游袁州吉安等府及西省防兵移緩就急  
先行撤赴九江扼要守禦臣所謂在後兵勇戰  
船阻於風雪尙未前來業經飛催安慶民情惶  
懼遷避頗多已由撫臣蔣文慶率屬彈壓示禁  
臣惟有竭盡血誠在九江則與臣張芾合營在  
湖北則與臣向榮合營會同攻剿仍隨時咨會

聞

臣徐廣縉臣琦善聯絡聲勢互相策應奏入報  
陸建瀛又奏言安徽東西梁山實為江甯省城  
門戶其蕪湖一關無險可扼應以上游荻港為  
關鍵惟梁山額兵五百餘名已經撫臣蔣文慶  
陸續調出四百名蕪湖額兵二百餘名亦經蔣  
文慶陸續調出一百六十名該二處空虛已甚

聖朝方略卷三十三

五

臣飛商江蘇撫臣楊文定及蔣文慶必須於東  
西梁山安兵一千名妥為防守蔣文慶與藩司  
李本仁總以無兵為詞臣思東西梁山如將原  
有額兵四百名調還尙可向楊文定設法撥足  
一千名駐守至荻港需兵一千名僅足備防安  
徽別營未嘗不可酌撥而蔣文慶格於李本仁  
之議迄無定見且該撫藩先將眷屬搬移以致



民心驚惶紛紛遷徙現在時事孔棘撫藩大吏未便苛繩而地方關繫緊要不得不從長計畫至湖北漢陽武昌先後失守查武昌爲江之上游漢陽爲漢之下游今由江南江西溯流而上非東北風不能前進其勢逆而難若有兵由襄陽順流而下直抵漢口先圖克復則彼必顧漢陽不能剋期東下而江南之兵徑赴武昌使彼

欽定剿平粵匪方略卷三十三

六

兩面受敵應接不暇庶幾可以取勝如計不出此恐彼毫無牽制非但琦善之兵難以直趨漢陽卽徐廣縉亦無從速赴武昌彼將垂涎三江水陸並進更屬不堪設想奏入

上命軍機大臣傳諭陸建瀛楊文定蔣文慶曰安徽東西梁山及荻港均須撥兵防守陸建瀛統轄三省所議自係通籌全局著楊文定蔣文慶迅卽酌撥安設

其上游小孤山一帶著仍遵前旨不可撤防庶安徽門戶亦資筦鑰至撫藩大員乃一省民望方將勸諭紳民持以鎮靜豈可先將眷屬移徙以惑人心且當此防堵緊要之時若再不和衷共濟竭力籌維以固結人心爲本必至良民逃避土匪橫行逆賊將乘虛而入該督撫等均不能辭罪也懷之

欽定剿平粵匪方略卷三十三

七

上又命軍機大臣傳諭向榮曰荆襄一帶地居上游現添調防守兵力尙單勢難分兵東下昨據向榮奏調取盧應翔所帶礮船及音德布韓世禧鄧紹良各帶官兵於常德岳州長沙一帶多雇船隻豫備火攻之具駛至金口將船及浮橋燒燬卽是上游出兵制賊東下之意已疊諭張亮基等如數趨發不准藉詞留緩著向榮迅速催調俟礮船一到卽飛咨琦善陸建瀛等各路進兵合力兜剿毋失事機至黃州武昌爲



省城東面門戶若任賊踞守江南兵何由前進當乘該處賊數未多盤踞未久即行遣兵截擊與下游聲勢方可聯絡朕疊諭向榮派兵繞赴九江想已迅往應援昨徐廣縉奏大營兵勇現在暫撤卓刀泉駐紮等語武昌被賊踞守客主之勢互易必應相機進取毋任賊匪得以從容布置分竄下游其湖北糧臺尙無定設地方賊情狡獪萬一斷我餉道於大局尤爲

聖學聖方略卷三十三

八

可慮該大臣遇事勇敢於一切機宜仍須隨時隨事妥籌辦理不可稍涉大意

同日江西巡撫張芾奏言九江情形緊急連日所謂各兵多已陸續來到臣隨即添派下巢湖及上游要隘駐紮聲威稍壯人心略安聞提督向榮屢欲與賊打仗督臣陸建瀛到潯後齊備兵船亦當剋期進剿匪衆烏合一經併力夾攻

勢必狼奔豕突省城與九江陸路相距三百里水路僅一鄱湖之隔大兵接仗聲息相聞江西人情不無震恐且慮匪黨乘隙潛竄而省中兵勇以及礮位多已調派來潯所存無多因思廣東額兵與浙江礮位本多請由臣飛咨署兩廣督臣揀選精兵二千名閩浙督撫臣酌撥五百斤西洋大礮二十尊各派幹員管帶解送星夜

聖學聖方略卷三十三

九

兼程來江以憑分撥守護省城奏入

上命軍機大臣傳諭張芾曰省城距九江甚近自應豫籌防守以資應援所請咨調廣東省精兵二千名閩浙五百斤西洋大礮二十尊著即由該撫飛咨葉名琛迅即揀選精兵如數配足軍火器械派委得力將弁管帶星馳前赴南昌並著咨明怡良王懿德黃宗漢酌撥大礮派員迅速解送江西以資守護該撫現



駐九江省城重地著陳孚恩與該司道等安撫居民密拏奸細毋稍大意

同日前署湖廣總督徐廣縉署湖廣總督張亮基奏言蕭潮濱一犯係賊中著名兇悍首逆偽號西王屢據擒賊供稱該逆遇戰當先匪黨均聽其指麾屢次攻陷城垣實屬罪大惡極此次在南城外執旗督陣時已被官兵轟斃臣等未

欽定剿平粵匪方略卷三十三

十

敢遠信賊竄後復拏獲賊黨羅五姜華輻余光政劉芒有李新三鄒德明等六犯逐一訊詰僉供蕭潮濱實已中礮斃命屍首現埋老龍潭地方問其面貌年歲衣服言之確鑿當委長沙府知府倉景恬到老龍潭起出逆屍與該犯等所供一一吻合適致祭陣亡將士即將羅五等六犯剡心致祭並將蕭潮濱屍首驗明梟剡以慰

忠魂奏八

上諭內閣曰逆賊洪秀泉等肆擾楚粵罪惡滔天所有著名逆黨除蕭潮濱外如韋政石達開馮雲山等犯非死即逃現在竄擾湖北惟洪秀泉及楊秀青羅亞旺等數犯沿途襲脅雖多皆係烏合之眾其自廣西同謀逆黨實已所餘無幾著統兵大臣暨各督撫等曉諭軍營將弁兵勇及地方文武並紳民人等合力

欽定剿平粵匪方略卷三十三

十一

同心共殄醜類至脅從之徒本非甘心從逆如能擒殺賊匪自拔來歸者不但免其治罪並可立邀重賞初四日己酉西安將軍舒倫保陝西巡撫張祥河奏言探聞賊匪竄擾武昌一經大兵兜勦勢必紛紛竄逸臣等咨令署陝西提督豐紳派兵一千名赴商州署陝安鎮總兵恆興帶領漢中兵一千名及本標兵五百名於卡隘分別防守現



派鳳邠道文海前往興安會辦防堵復移咨豐  
伸剋日馳赴商州妥為設防庶與楚省聲勢聯  
絡惟是陝楚毗連路徑叢雜隨處可通陝甘兵  
丁經楚豫徵調已及一萬此時本境附近各營  
實屬不敷分派查得河南兩次續調陝甘兵五  
千名除已起行外尙有在途未到省之兵一千  
一百八十名請將此項兵丁截留在陝以便擇

聖學聖方略卷三十三

十二

要布置至臣舒倫保前備兵一千名現又挑選  
一千名勤加操練以備應用奏入報

閱

同日蔣文慶奏言皖省英霍兩邑緊接黃州之  
羅田太湖緊接黃州之蕪州至宿松陸路與黃  
梅毗連水路亦與蕪州相接距省至遠者不過  
三百餘里水路雖隔九江而自武漢揚帆東下

一二日即抵省垣省城周圍九里高不及二丈  
額兵本少前又調赴粵楚所存更屬無幾臣前  
調江蘇山東浙江兵數千名距今兩月祇有浙  
江一千名抵省其餘尙無到省確期日內疊據  
英霍太湖宿松各縣稟稱該處密邇賊壘隘口  
歧出急請派兵嚴守復據臬司張熙宇稟稱小  
孤山為水程入皖門戶現僅兵勇六百人僅逆

聖學聖方略卷三十三

十三

船蔽江東駛斷難抵禦亦請添兵防堵臣覈計  
皖省兵丁統共不過二千多名欲分派則愈分  
愈單欲全派則省城何藉且皖省為東南數省  
門戶稍有動搖則江浙皆無屏蔽當此情迫勢  
危不敢不據實直陳現除嚴催各路後起官兵  
星速來皖外竊思督臣所調大小三板暨八槳  
船隻皆配足兵勇器械在皖省以下攔江磯東



西梁山等處安置與其俟賊竄至爲保衛下游之資曷若挪移向前爲力爭上游之計臣已商允督臣隨時挪調相機防禦俾水路足以堵截卽所調陸路官兵亦可酌量抽出分赴各隘實於皖江門戶根本均有裨益奏入

上諭曰已有旨令陸建瀛與汝不分畛域熟籌防剿矣安省有失江督亦難辭咎汝可慎速籌辦勿爲浮言

聖朝方略卷三十三

十四

所惑尤貴和衷若省垣先自搖亂則合省不可問矣汝設想此何時何事若不將意見關打破一誤再誤誤人實誤己也

初七日壬子陝甘總督舒興阿奏言陝西興安商

州所屬毗連楚省臣已札委鳳邠道文海署陝

安鎮總兵恆興等帶兵前往防守一面飛飭署

陝西固原提督豐伸挑備固原官兵二千名飭

令署宜君營參將薩炳阿先帶一千名馳往商

州之武關防堵又令漢中鎮再行挑備精兵五

百名甯夏延綏二鎮各挑備精兵五百名聽候

徵調復飭署靖遠協副將錫普常阿將原派固

原官兵一千名帶領馳赴武關協同薩炳阿駐

守並飛飭恆興體察關垵子現駐官兵如尙不

敷布置卽將漢中鎮前備官兵五百名就近調

聖朝方略卷三十三

十五

往協同防範其老河口一帶要隘亦已一體嚴

防一面飛咨撫臣張祥河於臣未到之先務須

督飭興安商州等處地方文武一體加意巡防

其潼關一路責成該處道府廳員嚴防密查毋

使奸匪闖入臣於布置妥協後卽挑帶官兵二

百餘員名於十二月二十八日自蘭州起程約

計正月初十日內卽可馳抵陝省彼時續調駐



守武關之固原官兵計可到齊其駐守關垭子之陝安漢中官兵先已抵彼臣與撫臣面商後當即馳往商州興安一帶相機察看如果兵力尙單再行酌量情形飛速續調甯夏延綏官兵馳往分撥駐守奏入

上諭曰迅速前往勿稍稽遲

舒興阿又奏言甘省幅員遼闊地方緊要計臣

聖學聖方略卷三十三

十六

出省後西路現有提督索文駐紮尙可放心惟東路之固原甯夏鞏秦一帶若無大員鎮守竊恐民情惶駭臣飭署參將薩炳阿副將錫普常阿馳赴商州武關一帶駐守豐伸似可暫緩前往俟臣抵陝後再爲察看辦理奏入報

聞

同日楊文定奏言臣遵

旨於十二月十五日馳抵江甯省城查江甯城垣周圍

九十餘里若論登陴固守自非七八萬人不可江蘇全省水陸額兵雖有三萬餘名除調赴他省防勦不計外他如外洋則防海盜徐州則防捻匪以及鎮江爲入蘇門戶揚州爲北上要津各營兵俱未便輕調是以督臣酌調四千八百名以三千名帶赴九江上游迎勦以一千八百

聖學聖方略卷三十三

十七

名留爲省垣設防而沿江水陸紛歧又有防不勝防之勢臣又於僻靜營分添撥兵丁七百名扼要嚴防當經咨商督臣復與將軍臣祥厚副都統臣霍隆武並前任廣西巡撫臣鄒鳴鶴等通盤籌畫以江蘇上游惟安徽之蕪湖實係水陸總隘其上荻港板子磯等處又復有險可據卽令福山鎮總兵陳勝元統帶官兵一千六百



名蕪湖約有兵四百名合共二千名加以遊擊周龍水師船八隻一併前往會同道員惠徵妥爲布置或於江面聯絡木筏或於磯上建築礮臺官兵兩岸分列其蕪湖以下之東西梁山爲江甯水路近隘各派員弁帶兵三百名設礮駐守仍察看江勢聯絡木簞中間亦令師船遊巡以爲策應荻港等處之用至東壩爲入蘇常捷

欽定剿平粵匪方略卷三十三

十八

徑已經督臣派都司生麟帶兵駐守茲復添兵並委文員一人前往會商防守江甯爲會垣重地必須豫占形勝查城東北之鍾山毗連內城又城南雨花臺離南門不遠均派員帶兵駐守至龍江上下關爲盤詰奸細之所已由督臣分撥鹽卡水勇一百二十名往來巡察惟該處江面寬廣且爲東下舟行所必經復飭於上關江

面聯絡木簞在城內四營派兵一百名於岸上分設營盤以資彈壓而陸路之浦口亦飭員弁帶兵查察所有存城督標城守四營兵丁一千八百名旗營兵三千名連前出防蕪湖梁山東壩之兵均與將軍都統嚴飭帶兵官申明紀律勤加操練所需火藥鉛彈等件飭令籌防局趕緊豫備至團練鄉勇編查戶口早經臣通飭沿

欽定剿平粵匪方略卷三十三

十九

江及省會各府縣妥爲舉行再前撫臣鄒鳴鶴多所閱歷一切與之籌商計定輒行頗稱果決尤爲臣與藩司祁宿藻所深賴奏入

上諭曰所奏各情形知道了鄒鳴鶴前在廣西身獲重咎此時自當倍加感奮協力籌防果能事事盡心殊恩無難立荷若仍有心取巧國法難再宥也同日琦善陳金綬奏言臣等均於十二月二十



四日馳抵信陽連日哨探賊情並無確耗直隸  
陝甘官兵均尚未到業經專弁沿途催趕令祇  
帶本身軍械及鉛彈火藥步行前進俾免株守  
車輛致滋稽延現在武慶勝保哲克東阿亦均  
趕到同深焦灼正月初二日據許州知州稟報  
山西大同鎮暨直隸提標各鎮營並陝西提屬  
各官兵甫於十二月二十四日至二十九日陸

聖朝方略卷三十三

二十

續過境其漢中陝安甘肅督標之兵尙未行抵  
該處臣惟有加緊嚴催官兵一到卽行前進徑  
赴湖北迎截抄擊再在先之大名宣化兩鎮弁  
兵已撥赴南陽防堵其山東山西之兵亦撥赴  
信陽羅山各關隘紮營巡防在後之山西弁兵  
一千三百餘名均撥赴光山商城駐紮民情均  
甚安靜奏入

上命軍機大臣傳諭琦善陳金綬陸應穀曰山西直隸  
陝西各官兵甫經行過許州其漢中陝安甘肅督標  
兵丁尙未行抵該處卽著琦善等飛札嚴催一俟到  
有成數卽先儘陳金綬帶領迅速馳赴安徽察手水  
陸地方何處緊急卽由何處迎勦如賊匪尙未竄出  
楚境卽由九江或安徽陸路直抵黃州與向榮派出  
鎮將前後夾擊軍情變幻不常陳金綬自能相機進

聖朝方略卷三十三

三十一

取先其所急琦善已將先到官兵分布南陽信陽羅  
山光山商城諸處其在後續到之兵日內當亦不少  
卽著親自統帶迅赴湖北確探賊蹤一路迎擊並與  
向榮密爲期會一則專攻漢陽一則專勦武昌兩路  
同時並舉俾賊匪彼此不能兼顧現在向榮已飛調  
湖南上游船礮駛至金口若水路乘勢下攻焚賊浮  
橋船隻兩江水師亦逆流而上迎頭截擊大江南北

一五二〇三冊 續修四庫全書 第 10 頁 反文句



兩岸陸路又有琦善向榮督兵合擊該匪水陸受創前後被攻當可聚而殲旃前任吉林副都統富春現在飭赴軍營著琦善派令帶隊剿賊其湖北西路尤須防其乘虛竄擾著琦善向榮豫爲準備萬勿疏虞琦善出豫境後南陽有陸應毅信陽有鄭敦謹駐紮防守務各嚴飭在事文武實力防堵毋令奸匪一名闖入其開封省會重地尤易藏奸卽責成沈兆瀾張

聖皇聖方略卷三十三

三

集馨等專司鎮撫旣當固結人心尤須偵緝土匪

同日向榮奏言臣因省城被陷反躬自責寢饋難安十二月二十一日臣派令總兵和春等攻撲新南門派提臣蘇布通阿等攻撲雙峯山長春觀小龜山田家園等處並諭副將羅騰龍等攻打長虹橋該逆於土城內開放槍礮抵死抗拒時城頭之賊亦用連環大礮轟出礮子密如

驟雨廣東署守備薩國亮奮勇爭先搶上小龜山賊營拋擲火罐燒斃賊匪多名猝被賊礮中腦陣亡我兵極力攻打計傷斃賊匪百數十人受傷者極多復查長春觀以外及新南門沿城一帶俱築有土城與城上之賊相應大礮極多防備甚緊臣思該逆占踞武昌漢陽搭有浮橋又有船隻來往此時殲茲醜類必須水陸夾攻

聖皇聖方略卷三十三

三

方可得手且該逆擄取財物極多船內輜重滿載斷不肯舍水就陸是下游之九江上游之荆襄及岳州回竄之路在在均關緊要昨接署江西撫臣張芾知會以所調皖豫官兵及三板戰船尙未見到道士汛一帶兵力過少新任雲貴督臣羅繞典函稱甫於長沙挑選兵勇五百餘名帶往襄陽堵禦北路一帶雖調有重兵俱未



趕到是北走信陽東下九江西上荊州南回岳州之路俱屬空虛必得上下游官兵戰船趕到先堵其逃竄之路然後水陸夾攻方可聚殲查隔江之黃陂縣雙廟驛紮有陝西官兵一千七百名臣已疊次知會該統兵官河州鎮總兵吉順加意固守又查離洪山二三里之卓刀泉爲東路要隘臣卽移營卓刀泉暫紮惟金日一帶

聖朝聖略卷三十三

三十四

並無船隻川兵不能渡江因查上游離省六十里金口爲武漢從西進剿要路大兵多於該處採辦糧糈業經咨會提臣蘇布通阿等統帶川兵全隊馳往該處扼紮並囑查看情形如須渡江卽速覓船繞往北面相機堵剿至賊船較多江面過寬非多撥礮船不能截擊臣前擬調長沙常德兵船會擊茲准徐廣縉函知此次官兵

仍留防守現調衡永撤回北省官兵管帶礮船駛下攻剿臣昨已飛咨撫臣張亮基於長沙一帶雇船三四百號多安大礮委員解至金口現札飭張國樑挑選善駕船燃礮之捷勇二百名星夜趕到以資下擊其下游武昌黃州之賊前有下江南之說難保不仍行東竄武昌縣在黃州上游現令總兵郭仁布統帶閩兵一千七百

聖朝聖略卷三十三

三十五

餘名馳往防守現在賊踞武漢阻絕南北所有軍行文報難免繞越稽遲臣已飛咨徐廣縉並江西河南兩省按站多備驛馬或添設腰站以通文報連日查城內潰出官兵飭令各帶兵官速爲收集以資差遣至長沙遣散潮勇一千餘人到營投效聲稱情願殺賊亦飭速爲募齊聽候調遣現查竄擾黃州武昌之賊均已折回省



城逆首洪秀泉尙在漢陽楊秀青任武昌羅大剛石達開往來尙無定處其餘韋政胡光會三秀則未聞其人是否被官兵擊斃尙須查探湖北巡撫常大瀆署提督雙福總兵王錦繡常祿藩司梁冕源泉司瑞元鹽法道王東槐等於城陷時均各殉節其餘在城文武尙多俟查明再行奏報至大營官兵現分紮東路卓刀泉南路

欽定剿平粵匪方略卷三十三

二十六

長虹橋西路金口爲三路進攻之計又抽撥官兵赴武昌防守上下兼顧城內逃出百姓聲稱逆匪有由水路逃竄之說陸建瀛奏

諭飭帶師船會剿久無到信徐廣縉張亮基履覓船隻亦未見到深恐貽誤事機倍深焦灼奏八

上命軍機大臣傳諭向榮曰該大臣現駐卓刀泉並分兵爲三路進攻之計著卽飛催上游官兵船隻迅速

前來金口乘勢下擊陸建瀛計已泐流上至九江若兩路兵船會剿焚賊船隻輜重斷其浮橋南北兩岸琦善與向榮合兵進剿一攻漢陽一攻武昌水陸互應使賊腹背受敵蘇布通阿馬龍等若能渡江繞往北面堵剿更可得力金口地方控扼上游爲糧餉赴營要道尤須妥爲布置勿令梗阻至所稱添設驛站收集潰兵各節均著照所奏辦理潮勇兇悍性成前

欽定剿平粵匪方略卷三十三

二十七

此遣散旣不得法此時必應善爲駕馭萬勿聽其一面之詞倚爲心腹軍情變幻不常該大臣惟須統籌全局斷不可令賊匪紛竄鄰境再誤事機省城文武據奏巡撫藩臬道員及署提督總兵均已殉節尙未敘明情形著再詳細確查並此外各員及漢陽黃州武昌文武下落一併查明據實具奏此次搶入賊營陣亡之署守備薩國亮著加恩照都司例賜卹



上又命軍機大臣傳諭張亮基潘鐸曰本日向榮馳奏  
勦賊情形據稱江面過寬賊船過多非多撥礮船不  
能攔江截擊經該大臣行調長沙常德官兵配駕礮  
船駛下金口會擊乃徐廣縉仍以留防為詞轉調較  
遠之衡永撤回北省官兵似此不知緩急無怪坐失  
事機自蹈重罪張亮基現署督篆統轄兩省豈可稍  
分畛域雖湖南防守及勦辦土匪亦須兵力而本省

欽定四庫全書

三

存兵及紳士團練儘可藉以自固軍情緊急豈身膺  
疆寄者竟漫無權衡耶向榮現已飭張國樑選善駕  
船燃礮之捷勇二百名委頭目管帶需礮船甚急其  
咨取長沙一帶船隻即著張亮基潘鐸趕即封雇三  
四百號多安大礮委員星夜駛往並節次諭令飭音  
德布韓世禧鄧紹良多雇船隻招募水摸同盧應翔  
船隻一併迅速開行駛至金口聽該大臣調撥現在

三路會勦琦善已擬由信陽前進陸建瀛計已馳抵  
九江當此喫緊之際若上游官兵礮船稍有遲誤即  
江岸兩路夾擊亦難得手必致賊船乘虛順流東下  
毫無牽制下游之兩江水師獨當其衝何以抵禦年  
來粵楚軍營惡習直以縱賊出境為了事以留兵自  
衛為得計張亮基目睹覆轍經朕疊次誥誡諒不至  
稍存意見也

欽定四庫全書

三

同日  
上諭內閣曰翁同書學政任滿交卸後著即馳赴琦善  
軍營聽候差委

初八日 癸丑 山東巡撫李德奏言東省形勢東面  
環海西南濱河南路之兗沂兩府壤聯江省淮  
徐地在黃河以北平曠曠野無險可扼西南之  
曹州府屬曹單兩縣與豫省接壤中隔黃河是



據河扼守實爲天險兗曹等屬界連徐州素爲  
捻幅兇匪出沒之區而曹屬民情尤爲浮動奸  
尤最易溷跡經臣密飭各屬實力巡防並委候  
補道劉慶凱等前往曹單等縣確訪匪徒出入  
情形設法搜捕並飭於黃河渡口嚴加盤詰將  
沿河上下大小船隻一體編號收聚北岸非京  
官票不准私渡以杜匪徒關入勾結臣現出省

欽定剿平粵匪方略卷三十三

三十一

以閱伍爲名親赴兗沂曹等府與江豫兩省接  
壤之處察看情形何處可以扼守何處可以設  
伏並於閱伍之時挑選驍勇兵丁以供驅策軍  
械火藥飭令豫爲製備一面會同曹兗兩鎮臣  
嚴諭文武各員彈壓地方搜捕土匪如交界之  
處必須添兵防守卽於兗曹兩鎮就近派調惟  
遇賊北竄必須扼河嚴防使上下游無船可掠

又無本境匪徒勾引庶不至擾及北地奏入

上命軍機大臣傳諭李德曰李德現以閱伍爲名親赴  
兗沂曹等府察看險阻要隘挑選驍勇兵丁製備軍  
火嚴飭地方文武搜查土匪一切布置均合機宜著  
卽照所奏辦理該撫周歷各郡體察情形仍將籌畫  
事宜詳細具奏並通飭各屬一體彈壓本境土匪盤  
查外來奸宄毋任乘機竊發致有疏虞

欽定剿平粵匪方略卷三十三

三十二

上又命軍機大臣傳諭陸建瀛楊文定楊以增陸應穀  
福濟曰李德奏請嚴防黃河渡口不但遏賊北竄之  
路並可密查奸匪惟必須江南河南等省一律設防  
稽察始可周密著陸建瀛楊文定楊以增陸應穀福  
濟分飭所屬廳營州縣並遴派委員各於黃河渡口  
要隘編列船號實力盤查儻有奸細溷跡卽行拏訊  
嚴辦設遇緊急卽先將渡船收至北岸分派重兵防



堵賊匪自不能搶船北渡儻派委非人防守不密甚至土匪勾串縱賊渡河朕惟該督撫等是問

李德又奏言查登州新造師船十隻寄存浙洋七隻已於上年十一月間經臣飭令守備黃富興駕赴粵東趕修務於今春駛回巡防現在東洋師船無幾黃富興又已赴粵若俟該守備趕回夫免緩不濟急臣思登屬水師額設兵丁一

欽定四庫全書

三

欽定四庫全書

三

千三百二十五名本境防守亦屬緊要其守備內尙不乏差遣之員卽船不敷用亦可雇募商艇臣遵卽飛咨登州鎮臣武迎吉速挑驍勇兵丁四百名配齊船隻軍械火器派員管帶揚帆南下再開上海一帶向有廣艇及水勇可雇其緝捕機宜與運用火器較之水師兵丁尤爲便捷似應就近招徠以資守禦奏入

上諭曰汝自到山東以來緩急籌維皆屬允當可見汝平時認真朕心甚慰

同日河南巡撫陸應穀奏言探聞賊在武昌過年後卽分三路東下水陸並進直犯安慶江甯二處並欲截瓜州水口糧船招集豐北飢民現賊約四五萬能打仗者萬餘有煤米船數千號留爲江南之用賊乘坐滿江紅船銀錢盡在大

欽定四庫全書

三

船煤米皆在小船探聞湖北賊匪情形如此至南陽防堵臣當咨商琦善會同妥辦現飭西安副都統常春卽將駐防兵一千名星夜馳赴荊州以備派撥臣查南陽現尙安靜擬暫行回省居中調度一俟探有賊匪確信再行相機堵剿至南陽所屬鄧州浙川內鄉地居襄陽上游賊匪勢難猝至惟唐縣之蒼臺鎮水路直通漢口



桐柏之出山店距漢陽四百餘里勢頗偏近所  
恃唐河水淺大船不能駛入出山店一帶山徑  
崎嶇扼要而守一可當十賊亦不敢冒險前進  
唐縣民較富庶團練已數千人聲威甚壯似可  
無虞桐柏則捻匪素多居民時相驚恐臣已派  
守備石鳴珂帶兵二百名協同該署縣潘澍霖  
合力擒拏盡法懲治奏入

欽定剿平粵匪方略卷三十三

三

上命軍機大臣傳諭陸應穀曰據奏南陽現尙安靜擬  
暫回省垣俟探有賊蹤再行相機堵剿著卽將省垣  
應辦各事宜趕緊料理仍遵前旨馳赴南陽督飭帶  
兵文武員弁嚴密防守勿稍疏懈

上又命軍機大臣傳諭陸建瀛楊文定蔣文慶張芾曰  
自賊踞武昌以來疊諭陸建瀛督帶大兵溯流迎剿  
該大臣此時是否已抵九江水路要隘如何布置尙

未奏報朕心甚爲焦急逆匪蓄謀已久若一旦順流  
東下九江首當其衝該大臣馳抵該處務須與張芾  
妥速籌備以防爲勦並知照向榮所調湖南上游礮  
船由金口駛下與江省水師會合夾擊其陸路各要  
隘亦須督飭帶兵各鎮將等確探賊蹤迎截兜剿現  
在向榮派郭仁布帶領閩兵前往應援陳金綬亦自  
河南帶兵從安徽一路繞出賊前若水陸聲勢聯絡

欽定剿平粵匪方略卷三十三

三

賊匪定難飛越皖省地方多與楚境毗連賊氛迫近  
情形喫緊江甯雖處下游一水直達該撫等亟須嚴  
密堵截擇要設防尤以固人心戢內奸爲要小孤山  
爲皖省險隘東西梁山等處亦金陵鎖鑰分兵扼守  
均屬緊要毋得各存畛域致誤事機楊文定現駐江  
甯其江蘇省城事宜著聯英倪良燿就近商辦李德  
奏稱上海一帶向有廣艇及水勇可雇其運用火器



尤為便捷著楊文定即飭上海道吳健彰體察情形如可得力即著迅速籌辦鎮江瓜州為南北水路咽喉斷不可稍有阻隔總之軍務情形變幻靡定全在該大臣等相機設法以備不虞賊匪竄擾粵楚吾民被害已甚儘復任其闖入江境肆行滋擾朕惟該大臣等是問

同日

勦平粵匪方略卷三十三

三

上諭內閣曰本月上辛

祈穀大祀朕詣

壇齋宿虔申默禱惟願吾民同登衽席永戢干戈念自逆匪滋擾以來由廣西而湖南由湖南而湖北所過城池多被蹂躪現復圍陷武昌省城數萬生靈慘遭荼毒即未被賊地方亦復聞警遠避備極流離顛沛之苦總由地方官吏平日既不先事豫防臨時又復

張皇失措甚至望風先遁以致居民失所不得不轉徙他方以全性命朕為天下生民主不能察吏安民致令盜賊肆行閭閻驚擾與言及此寢饋難安因思嘉慶年間川楚教匪蔓延數載嗣行堅壁清野之法令民團練保衛旋就蕩平即今廣西湖南地方多有團勇保護鄉里賊不敢偏且有殺賊立功者况各處鄉村良民多而莠民少若得公正紳耆董理其事自

勦平粵匪方略卷三十三

三

不致別滋流弊即地方間有土匪一經約束亦將去邪歸正共保鄉閭惟在良有司素得民心必可收眾志成城之效著各該督撫分飭所屬各就地方情形妥籌辦理並出示剴切曉諭或築寨浚濠聯村為堡或嚴守險隘密拏奸宄無事則各安生業有事則互衛身家一切經費均歸紳耆掌管不假吏胥之手所有團練壯丁亦不得遠行徵調各屬中如有捐貲倡



助或殺賊自效者地方官卽申詳大吏據實奏聞朕必立加獎敘如廣西湖南各鄉團出力者無不渥沛恩施凡土著良民各有產業與其蒼黃遷徙拋棄田廬轉不免土匪乘機搶掠何如堅守鄉里以子弟衛父兄以家資保族黨乎至於賊匪夥黨亦豈盡屬兇頑甘心從逆多因被賊裹脅供其役使苟延喘息末由自新現在著名逆匪如蕭湖潰等均已先後殲斃

勦平粵匪方略卷三十三

三

韋政亦伏冥誅惟一二逆首尙稽顯戮賊匪惡貫滿盈神人共憤光天化日之下豈容魑魅久肆兇殘朕奉行

天討軫念窮黎不惜數千萬帑金救民水火現復欽派大臣調集各路精兵合力會剿何難盡掃妖氛不留餘孽惟念此被脅之民不從則先死於賊從之則又死於兵蚩愚何知自罹陷阱古人有云殲厥渠魁脅

從罔治朕仰體

上天好生之仁何忍概行誅戮如有被賊裹脅自拔來歸者不妨貸其一死有能縛獻首逆或爲內應殺賊立功或戮取長髮賊頭目首級來獻者不但赦其前罪更當加以重賞其各深思猛省毋貽後悔我朝

勦平粵匪方略卷三十三

三

列聖相承深仁厚澤洽於黎庶朕以薄德紹承大統三載以來勤求民瘼惕厲時深雖因各省水旱偏災並南河決口蠲緩錢糧截漕賑濟粵楚被兵處所亦已分別查辦蠲緩加恩而民困未能盡蘇小惠恐難徧及每念生民塗炭撫育無方卽再三引咎自責亦屬虛文惟有恐懼修省叩顙

吳蒼宥予之辜拯我窮黎中外文武大臣及地方官吏亦當激發天良爲民除害各省紳民人等自必同仇敵愾速殄賊氛從此永慶綏豐仰承



天佑朕與天下臣民同深寅感茲值

大祀禮成是用敷布朕懷重申誕告著該部及各直省

大吏刊刻曆黃宣示中外咸使聞知

臣等謹案粵匪以跳梁小醜盜弄潢池由粵

省竄擾楚疆籌餉徵兵軍書旁午我

文宗顯皇帝宸猷廣遠念慮周詳運

聖智以照臨擴

聖學聖方卷三十三

四十一

聖學聖方卷三十三

四十一

仁思於疇載固已

堯天廣被

湯網宏開猶復

宣罪已之綸音陳頌

天之誠悃所以閭閻感化矛戟偕修迨同治年間疊克

堅城元兇授首大江南北一律肅清仰瞻

武烈之昭垂悉本

文謨之廣運從此十洲澄鏡六幕清塵孰不歌詠

昇平共優游於

光天化日之下也哉



欽定剿平粵匪方略卷二十四 癸丑年

正月初九日甲寅勞崇光奏言伏查逆匪洪秀泉

等起於粵西金田新墟等處既而踞永安撲省

城由興安全州闖入楚省該逆等每遇移巢皆

盡族以行經官兵跟蹤殲斃不少現在似無該

逆家屬在粵藏匿臣屢飭地方嚴密搜捕並無

蹤跡惟下游一帶大兵攻剿得手賊勢窮蹙難

欽定剿平粵匪方略卷二十四



保不回竄舊巢臣惟有懸賞購綫設法辦理並

諭地方編查保甲諄飭界連楚省各屬扼要嚴

防至洪秀泉籍隸廣東花縣其祖父墳墓在該

縣松岡嶺弔鐘形等處上年已據花縣知縣牟

洪齡查明與馮雲山祖父墳墓一併挖掘並拘

獲馮雲山家屬解省審辦又韋政之曾祖韋彩

葬於金田亦經前署桂平縣李孟羣查明發掘

聞

其餘各孽種墳墓容再確查發掘以除戾氣再

逆匪范運得家屬前經拏獲正法至各處土匪

並當趕緊分投掃捕以期一律肅清奏入報

同日陸應穀奏言探聞賊匪於上年十二月初

四日攻破武昌十三日至黃州知府及副將將

居民豫行遷避以官兵詐稱百姓頂香迎賊入

城設席送酒賊匪不覺飲醉官兵將賊匪大加

欽定剿平粵匪方略卷二十四

二

殺戮餘匪向西逃去十七日賊復至黃州復讐

十九日行至郭店經向榮派兵趕到復獲勝仗

又賊匪於十五日分股至蔡店向民人徧索穀

二十萬石錢二十萬串民人許給穀二千石錢

二千串十八日賊催齊所辦錢穀滿載欲行復

經臣徐廣緝向榮派兵抄截殺賊百餘將錢穀



奪歸大營現在大兵屢獲勝仗賊匪甚是驚恐再臣至南陽即聞新野襄陽均有土匪滋擾拒傷兵勇劫奪商船搶掠當舖製有黃旗擡槍大礮等件逆情顯露若不及早殲除深恐襄魯愈眾必致勾結粵匪侵犯城池臣當密派兵勇前往拏辦至前調到西安駐防兵一千名大名鎮兵一千名經臣暫留南陽扼要駐紮今駐防

聖朝方略卷二十四

三

兵奉

旨調赴荊州大名鎮兵一千名經臣派柏山管帶赴襄陽合剿土匪俟事竣即當隨臣琦善進剿現南陽兵太單弱相應請

旨飭催青州駐防兵迅速來南以資防守惟襄陽據楚北上游為陝豫門戶形勢險要守襄陽則陝西漢中之防堵亦可稍輕至豫省防守南陽亦不

如進兵樊城與襄陽夾守查南陽地勢平曠無險可扼樊城則前臨漢水與襄陽為犄角若築壘而守彼此救應賊必不敢輕犯可否飭令向榮分派大兵以屯襄陽俟南陽防兵到齊即酌留一二千名彈壓土匪餘皆帶赴樊城與襄陽合守奏入

上命軍機大臣傳諭琦善陳金綬陸應穀曰襄陽據楚

聖朝方略卷二十四

四

北上游為陝豫門戶最關緊要朕曾諭令羅繞典帶兵前往相度駐紮現在該處土匪糾眾搶奪該撫能不分畛域即令柏山帶兵馳赴襄陽會同該府攻其不備所辦正合機宜此等烏合之眾務宜趕緊殲除萬不可令其與武昌逆眾勾結該撫探聞黃州逆匪情形尚未據向榮奏報不知是否確實惟聞逆匪將城內大礮扛擡上船恐有順流東下之勢該撫亦探



聞賊衆有分三路水陸並進之信是九江以下十分喫重現在東路兵單朕甚爲焦急前諭陳金綬酌帶勁兵前赴安徽一帶迎勦諒已迅速起行所有調往河南之各路重兵諒已陸續到齊現聞賊船蟻聚武漢之間琦善所帶火箭施放必可得力著卽帶兵進攻如賊匪竟棄武昌漢陽全股東下琦善卽當督兵趕緊跟追儘或尙留賊匪牽掣我師亦可酌量分兵

欽定剿平粵匪方略卷二十四

五

留守該大臣仍率重兵追擊不得以收復漢陽爲詞致滋延誤至樊城與襄陽相爲犄角陸應穀擬俟南陽防兵到齊酌留一二千名其餘皆令帶兵大員帶赴樊城與襄陽全力防衛較之株守豫境更爲扼要著該大臣等酌量布置勦辦襄陽土匪亦關緊要儘須添兵協勦卽著琦善隨時體察酌撥應援務在統籌全局先其所急

上又命軍機大臣傳諭向榮曰襄陽北鄉一帶土匪膽

敢因武昌失守糾衆搶奪抗拒官兵不法已極若不卽時撲滅恐滋勾結爲患著向榮悉心籌畫能否分兵會勦儘因武昌一帶賊勢緊急卽飛咨陝西河南併力勦辦刻下武漢逆賊蹤跡如何前調湖南船廠何時駛到金口儘該逆等棄武昌漢陽全股順流東下兩江情形關繫緊要向榮必當統領大兵跟蹤追

欽定剿平粵匪方略卷二十四

六

勦斷不可稍有延緩若賊留餘匪牽掣我兵而以大股潛入江境亦須查看緩急酌留官兵在楚仍當督率重兵水陸緊追使賊匪無暇喘息與九江安徽江甯等處官兵前後夾擊賊匪進不得攻城肆掠退有大軍緊躡其後勦辦庶可得力從前粵楚失守賊來不能堵截賊竄又不能力追向榮深知其弊豈可自蹈覆轍該大臣軍營有無文員襄辦文案如有應行



調用之人卽著一面奏明一面調營差委據陸應毅奏探聞賊匪前往黃州官兵誘賊入城乘醉殺戮賊來復讐行至郭店向榮趕到獲勝賊股至蔡店偏索錢穀經我兵截殺奪回各等語河南探報虛實難憑仍著向榮確查隨時具奏

初十日<sup>卯</sup>陸建瀛奏言臣於正月初二日行抵

九江探得賊匪攻陷武昌黃州府武昌縣相繼

聖朝聖略卷三十四

七

失守槍去餉銀漕米擄船竊伺江東九江距黃

州一日可到現經撫臣張芾調兵扼守惟上游

之黃梅廣濟等八州縣密邇賊巢間閭遷避一

空臣所調兵勇未齊然賊情緊迫祇得督帶已

到弁兵卽日前進沿途安撫招集合各團練巡

防以免勾結一面飛催兵勇師船添募丁壯設

法咨會提臣向榮合兵攻剿但督臣徐廣縉曾

否渡湖前來尙無確信新任撫臣崇綸亦不知行抵何處提臣向榮素得軍心兼收民望惟有仰懇

皇上天恩飭派向榮以提督印兼署湖北巡撫事務俾官民有所統率奏入

上諭曰向榮已帶兵追剿斷難令兼攝巡撫事

同日向榮奏言連日查探逆匪糧缺知其日內

聖朝聖略卷三十四

八

必逃當於十二月三十日夜傳派各營於正月

初一日分路進攻臣督兵勇奮力轟擊賊眾敗

潰都司張國樑乘勢攻入賊營立將土城拆毀

十餘丈奪獲六百斤大礮二尊器械二十餘件

據城內百姓逃出聲稱該逆將大礮紛紛搬入

船內從上游走荊州並分股回竄長沙復據探

報賊船二百餘隻駛至上游離漢陽三十餘里

一〇二〇〇



之沌口地方隨後尙有賊船陸續揚帆而上等語查沌口係通荊州小河當卽飛咨駐紮金口之提臣蘇布通阿留心偵探如賊上竄卽速跟蹤追擊一面飛調防守常德之總兵青德布趕往荊州會同將軍台湧實力堵剿但恐該逆聲東擊西故作逃竄之計下游之道士泚兵力尙單卽於初二日派令總兵玉山參將劉開泰管帶兵勇馳往會同該處官兵扼要堵截初二日夜見保安大東門一帶火起刻卽出隊進攻派令總兵和春秦定三從後進襲臣率總兵李瑞等分攻東南二門兵勇直抵城門該逆不敢抵拒紛紛下城逃竄我軍一擁而入分投趕殺該逆由草湖門漢陽門逃出擁擠上船我軍追抵江邊殲斃賊匪多名餘賊撲水淹斃者無數當

將武昌省城收復查探頭隊賊船二百餘隻昨夜已駛下離省六十里之陽邏地方其餘尙在北岸一帶停泊臣已派令總兵和春李瑞秦定三帶兵先由南岸沿江追擊臣現將應辦事件妥爲料理卽日督隊緊躡賊蹤相機督辦一面飛咨琦善派兵繞出江南上游會同圍剿並咨陸建瀛張芾迅帶師船從江中攔擊及照會玉山劉開泰限以五日趕到九江會同堵剿省城收復一切需人料理臣急須督兵追擊不能兼顧查河南布政使嚴正基現在岳州辦理轉運糧局已照會該員速來武昌查辦一面飛咨調任湖北撫臣駱秉章趕緊前來以資表率奏入上命軍機大臣傳諭向榮曰武昌收復該大臣派兵馳往下游堵截著卽相機進攻與琦善陸建瀛三面會



勦賊匪銀糧輜重盡在船中若能設法燒燬勦辦更易得手湖南船廠是否調到蘇布通阿等若由金口乘船下擊必可得力仍須隨時知照陳金綬兩路夾攻江省兵力太單惟藉南北兩路合勦向榮統籌全局諒必能先其所急賊匪東駛船隻攢聚江面正可乘風縱火燒燬賊船或設伏用間或選派心腹潛入賊中相機行事惟在隨時酌辦朕亦不為遙制

聖學聖方略卷三十四

十一

上又命軍機大臣傳諭琦善陳金綬陸應穀曰武昌逆匪被擊逃竄出城現在賊船駛至離城六十里之陽邏地方停泊勢將蔽江而下其漢陽城內賊匪諒亦潛逃下竄情形危急陸建瀛已抵九江兵單尙難守禦疊諭陳金綬繞至安徽迎擊想已起程現在賊窺兩江全賴北路重兵星馳截勦與向榮勢成犄角以遏其鋒儘株守信陽專以待兵藉口必致貽誤事機

琦善接到此旨卽刻兼程前進相機追勦一面嚴飭得力鎮將於江面北岸沿途截追賊船現處下游當以火攻爲要著該大臣體察形勢酌量密辦儘經朕諄諄訓諭後琦善陳金綬仍不迅速遵辦致賊匪闖入九江宿松順流下駛朕必治以遷延貽誤之罪琦善赴楚後河南防堵事宜陸應穀督地方官嚴密布置勿稍疏懈

聖學聖方略卷三十四

十二

上又命軍機大臣傳諭陸建瀛祥厚楊殿邦楊文定蔣文慶張芾曰賊船駛下陽邏地方距道士浚二百餘里恐其順流直下向榮琦善一時未能趕到陸建瀛已抵九江著卽督帶兵勇迎頭遏擊與向榮琦善等分路夾攻互爲犄角不可再令紛竄所帶馬礮六百尊前諭令妥爲位置此項利器必須得力將弁管帶萬不可稍有疏失並著張芾蔣文慶嚴密守禦江甯



省城緊要鎮江瓜州兩處江口亦關繫南北全局斷不可使賊搶占致有梗阻江岸上游亦須密爲布置務期聲勢聯絡互相策應上海現有廣東艇船不下百餘號客商覓雇專爲護送貨船若雇令由崇明入京口可禦上游下竄之賊惟船夫皆澳門人是否可

以雇用不致別滋事端仍著妥速籌辦

欽定剿平粵匪方略卷三十四

十三

上又命軍機大臣傳諭楊殿邦楊文定曰鎮江瓜州爲大江南北咽喉重地漕糧運路文報往來在在均關

緊要其爲東南門戶較之武昌漢陽尤爲喫緊現在

楊文定駐守江甯省城楊殿邦計已行抵淮安著卽

就近駛赴瓜州江口扼要駐紮督同兩淮運使劉良

駒常鎮道姚熊飛鎮江揚州各知府並會同京口副

都統相機妥爲布置前任運司但明倫於揚州地方

素爲熟悉著卽留於該處隨同楊殿邦等協力防守

前諭陸建瀛等調撥崇明狼山福山等處水師爲省城聲援是否調到提督福珠洪阿是否已帶兵前來瓜州京口兩處祇有清標及京口協水師兵丁可資調遣恐兵力不敷徐州鎮標亦可酌量緩急撥調儀徵鹽船及夫役人等如有可用之處並著酌量雇募

以爲團練防守之助該漕督務須體察情形迅速籌辦勿致稍有疏失陸建瀛相距較遠著卽與楊文定

欽定剿平粵匪方略卷三十四

十四

隨時酌辦不可稍分畛域

上又命軍機大臣傳諭張亮基曰現在向榮督兵追剿

必須礮船應手方可得力其前調湖南船礮若徐廣

縉及早籌辦何至貽誤至此現值下游防剿萬分喫

緊著將前次諭令封雇船隻三四百號多安大礮委

員星夜駛行並飭音德布韓世禧鄧紹良多雇船隻

招募水摸同盧應翔船隻一併駛往下游聽候向榮



調撥該署督身受重恩若仍縱賊出境以收復城池防賊回竄為詞坐視鄰省下游失事朕必將張亮基從重治罪決不寬貸

上諭內閣曰武昌省城收復賊船駛往漢鎮下之陽邏地方向榮一面留兵在省防守即親督諸軍躡蹤追擊辦理甚合機宜著即督率和春等分帶兵勇水陸並下乘賊勢竄逃之時迅速追剿毋令會合東駛至

聖學聖方略卷三十四

十五

武昌城內文武殉難人民慘遭荼毒亟應大員前往綏撫招集著張亮基駱秉章即日兼程馳赴武昌並著嚴正基自岳州先行馳往將被難居民加意撫恤戕害屍骸分別查認收殮並將武昌漢陽殉節文武官員迅速詳查馳奏其漢陽城中賊匪是否全行逃竄著總兵吉順先行帶兵前往收復

十二日 丁巳

上命軍機大臣傳諭陸建瀛楊殿邦楊文定曰昨據向榮奏賊船駛下陽邏地方距道士汛二百餘里大江下游一帶不可不嚴密防守江面船隻亟應收用金山為南北兩口要隘必應重兵屯守安嚴設防其餘各隘口均須嚴密防備著該督等迅速籌辦鎮江一帶多有善泅者能於水中潛伏數日俗名水葫蘆亦可多為雇募備用現在賊匪東竄江口要隘關繫南

聖學聖方略卷三十四

十六

北全局斷不可使賊匪搶占致有梗阻設防處所尤應慎擇將弁管帶兵丁護守船礮木簞毋稍疏虞陸建瀛現在督兵九江上游相距較遠即著楊殿邦楊文定妥速籌撥無致延誤前任江南河道總督潘錫恩現在告病家居著傳知該員幫同辦理地方防堵事宜

十四日 己未 雲貴總督羅繞典奏言 臣奉



命防堵襄陽連日遣行旋於澧州接據荊州將軍台湧

咨稱臘月二十一日有賊竄至漢陽上六十里之蔡店搶掠並稱欲上漢沔而荊州兵力太薄應亟添調防兵並接襄陽府知府樊椿稟稱距襄陽三十里之雙溝及葉家村店聚有匪徒槍掠過客襄陽存城之兵祇有二百餘名不敷防剿臣當卽調取澧州分防雲南兵五百名令參

欽定剿平粵匪方略卷三十四

十七

將韋中魁帶赴荆襄一帶添防並將常德防兵五百名移紮澧州以固南省藩籬及至荊州之金龍寺面晤台湧籌商一切查看城內滿兵共有三千餘名城外關沮口塘樓子金龍寺等處分防兵一千二百餘名布置尙爲周妥惟下游自蔡店至漢川實爲荆襄要隘無兵堵禦臣與台湧商調現駐監利之宜昌鎮兵五百八十餘

名先移漢川駐紮適奉

上諭添調陝西綠營兵一千名西安滿兵一千名俟兩處兵到卽可以一千名添防漢川其黃孝一路現有陝兵一千七百餘名並飭各該州縣團練鄉勇以助兵勢臣於正月初八日馳抵襄郡查襄陽水陸交衝爲豫蜀門戶其對岸樊城並無城郭商賈輻輳竊恐匪黨垂涎臣所帶兵勇無多守剿均形單薄一面咨商河南撫臣陸應穀速將南陽防兵移近湖北交界俾聲勢互相聯絡奏入報

欽定剿平粵匪方略卷三十四

十八

羅繞典又奏言臣因所帶兵勇鹽糧不敷支發適於荊州遇有川省解遞湖南餉銀過境先行截留銀三萬兩帶赴襄陽以應急需現在調兵



籌餉刻無可緩湖北除武漢黃三府外其餘七郡皆在省城迤北署督臣尙隔重湖且道路亦形梗塞文報迂遲各府州縣稟商公事難期迅速合無仰懇

聖恩飭令現放之撫臣及藩臬兩司鹽道糧道暫駐荆襄則提解軍餉徵收錢糧及各州縣公事皆得有所稟承呼應始靈辦理較易奏入

聖恩方略卷二十四

十九

上命軍機大臣傳諭羅繞典張亮基駱秉章曰羅繞典所帶官兵鹽糧不敷請於川省解遞湖南餉銀截留三萬兩朕思該處需用孔亟著卽照所請行惟向榮大營籌辦防剿萬分喫緊所需軍餉刻不容緩嗣後務須統籌全局先其所急不得將過境餉銀輒請截留現在武昌省城業已收復前已諭令張亮基駱秉章馳赴省城辦理撫綏事宜荆襄一帶是否仍須巡

撫駐紮著卽會議具奏羅繞典現已馳抵襄陽所有團練防堵並緝拏土匪盤詰奸細各事著知會台湧一體籌辦不可稍有疏虞

十五日庚申祥厚楊文定霍隆武奏言江甯省城

保障東南自應守禦嚴固下游方可無虞惟兵力究形單弱查前次調到省垣留防兵一千八百名又續調七百名除派赴蕪湖及東西梁山

聖恩方略卷二十四

二十

官兵二千二百名外存城已屬無多經臣楊文定於僻靜營分添調五百名以爲近城鍾山雨花臺及北固山等處據險之用而省城絲延寥廓實屬防不勝防是前議以防爲守今須以戰爲守惟江南兵力柔脆備戰爲難而提標各營又節經徵調提臣帶兵亦屬無多且城外僅有提臣一軍其勢尙孤除由臣霍隆武選帶旗兵



一千名再派徐州鎮總兵程三光選帶綠營兵一千名均於城外扼要駐紮與提臣爲犄角之勢外惟有額懇

天恩准於山東之兗沂曹濟等處飭撥精兵二千名星馳來甯俾資勦堵至鎮江爲蘇省門戶先經督臣飭派副將統帶舟師於京口瓜州一帶會同各營水陸交巡臣楊文定復飭該道府紳董捐

欽定剿平粵匪方略卷三十四

三

資募勇豫籌防堵並咨商臣文藝將京口駐防兵一千三百名京口副將鎮江營參將等各調本營水陸官兵共八百名齊赴京口再以師船十隻分駐江面並據鎮江府豫立稟稱擬挑旗營精壯閒散三千名備用其據險開濠及一切守禦之具一併諭令稟商臣文藝趕緊布置揚州經運司督同府縣辦理防衛亦極緊嚴至省

城開挖城濠一事臣等業與前任廣西撫臣鄒鳴鶴及司道等籌畫工資趕緊挑辦所有城守各事宜並經鄒鳴鶴同藩司祁宿藻竭三日之力徧閱城垣指飭營員妥爲料理頃准山東撫臣咨會奉

旨派守備黃富興統帶水師乘駕新造師船迅往江甯聽候調遣現在黃富興赴粵造船未回飭派員弁配

欽定剿平粵匪方略卷三十四

三

齊師船雇募商艇聽調前來臣等查陸建瀛統調三板大船澳艇海鷗八樂等船共計四十四隻除派往江西及隨帶迎勦三十隻外所留省城備防十四隻業經臣楊文定分派蕪湖梁山各江面扼要駐守現已足用如萬一不敷尙有水師存營船隻及上海商船均堪調雇至山東師船不惟多未成造即使齊備而遠隔重洋亦



恐緩不濟急自可無須駕駛來江以節糜費奏  
入

上命軍機大臣傳諭祥厚楊文定霍隆武文藝曰江南  
兵力柔脆提標各營又節經徵調福珠洪阿於城外  
設防尙覺勢孤復由霍隆武選帶旗兵總兵程三光  
選帶營兵擇要駐紮與該提督互爲犄角布置尙屬  
周妥惟城內兵力單弱自係實在情形已諭令李德

聖朝聖方略卷三十四

三

卽選精兵馳赴江甯以資調遣所有師船無庸調往  
矣揚州鎮江兩郡防務經文藝暨該運司督同府縣  
辦理著卽趕緊布置無稍延緩

上又命軍機大臣傳諭李德曰據祥厚等奏江省備防  
船隻現已足用並稱江甯省城防兵單薄請調山東  
兵二千名迅赴江甯等語著該撫於兗沂曹濟等營  
內揀選精兵二千名派委得力將弁管帶迅速起程

前赴江甯聽候楊文定調遣其前派赴江南之登州  
水師各船著卽飭令無庸前往以節經費

十六日 辛酉 蔣文慶奏言 臣接奉

諭旨令周天爵協同辦理團練防剿事宜並飭陳金綬  
選帶精兵數千往安徽幫同截擊查周天爵募勇尙  
需時日陳金綬現尙不知行抵何處已咨催迅  
卽來皖日內山東官兵八百名江蘇官兵九百

聖朝聖方略卷三十四

三

名陸續到省省垣聲勢漸壯人心較前漸定除  
附城安置紮營並城上按垛派兵外當卽分撥  
兵丁七百名交浙江副將田大武遊擊孫國安  
帶赴宿松會同防堵又撥兵三百名前赴小孤  
山交臬司張熙宇督令協同防剿此外英山霍  
山太湖各要隘擬俟續有兵到再爲分布奏入  
報



十七日壬戌周天爵奏言訪聞逆賊現用木簞輔舟舟行中流簞行傍岸上堆泥築槍礮遮列四面直若無基之城有足之馬結陣而行戰船不能及火攻不能透又有連環小簞一遇敵軍可以圍裹又用木簞鋪板上覆厚土接連兩岸可以遏遮上游之師形雖重笨卻利行旅凡過者

欽定剿平粵匪方略卷三十四

三

皆以銀錢與之如此則川江漢江之兵米不能踰越鐵銅等船必被格斷賊如順流東下衝過九江安徽江甯各處雖有小隘口恐難抵禦賊若水陸並下以遏江西兩廣兩湖之兵則江甯勢甚可危揚州以北亦恐震動今祇有屯重兵於鳳宿徐州上下四面救應如賊竄至江甯則以重兵扼瓜州或溯流到觀音門以木簞厚塞

使不能下則布置可期得手奏入

上命軍機大臣傳諭向榮陸建瀛楊文定蔣文慶張芾楊殿邦琦善陳金綬陸應穀曰逆匪竄出武昌全行下船屯泊陽邏一帶勢將順流而東業經屢次寄諭總以火攻為上策不知此時上游船礮會否調齊周天爵奏賊匪木簞笨重我軍船礮應手正可順風縱火焚燬賊船向榮此時已督軍追赴下游陸建瀛現

欽定剿平粵匪方略卷三十四

三

在如何禦賊琦善陳金綬是否帶兵由北路趕緊追剿旬日以來均未據報實深焦灼九江以下安徽江甯水陸要隘必應實力設防尤須上游南北兩路之兵前截後追凡遇江口勿令賊匪占踞其船隻必須先期收入港汊多備火具繞出賊船上游乘勢焚擊陸路扼要處所萬不可令賊截斷總期通盤籌畫進可以戰退可以守至軍營必應明定賞格如有斬獲



首逆者無論官弁軍民人等應立加以鉅萬重賞卽爵職之榮亦所不靳著該大臣等明定條款徧行曉諭

十八日癸亥舒興阿張祥河奏言查陝甘兵如甘

省以西之甘涼西肅及河州一帶均應留防陝西各營多經楚豫徵調頗覺空虛是以臣舒興

阿將口外換防官兵奏明暫緩臣張祥河於河

欽定四庫全書

三

南兩次續調兵丁五千名內奏請截留一千餘

名在陝防堵此時設防之興安商州其間山谿

僻徑處處可通楚北而潼關為入陝門戶道路

扼要亦在所必防現在興安派兵一千五百名

商州派兵二千七百三十名潼關派兵四百五

十名尙形單薄擬俟臣舒興阿前往交界處所

查勘再當量為續調布置是陝省兵力防堵本

境勢亦喫緊茲奉

諭旨調赴荊州兵丁一千名臣等悉心體察祇有將派

赴潼關防堵之甯夏延綏二鎮兵四百五十名

抽調飭令遊擊馬驥管帶並派防商州之固原

兵內扣出五百五十名委副將錫普常阿管帶

趕赴荊州以資防勦

同日禮部侍郎曾國藩奏言臣遵

欽定四庫全書

三

旨幫辦團練查匪事務於上年十二月二十一日馳抵

省城與撫臣面商一切因念團練之難不難於

操習武藝而難於捐集經費若經理非人易滋

擾累臣此次擬訪求各州縣公正紳耆勸使董

理其事俾百姓知自衛之樂不復以捐資為苦

至搜查土匪撫臣張亮基業經嚴飭各州縣設

法辦理惟逆燄既熾長沙重地不可不嚴為防



守臣察看省城兵力單薄詢悉湖南各標兵丁多半調赴大營行伍空虛不足以資守禦因於省城立一大團練局認真操練就各縣曾經訓練之鄉民擇其壯健而樸實者招募來省念自軍興以來二年有餘時日不爲不久糜餉不爲不多調集大兵不爲不衆而往往見賊逃潰未聞有與之鏖戰一場擱頭一戰者其所用兵器

欽定剿平粵匪方略卷二十四

三十九

皆以大礮鳥槍遠遠轟擊未聞有短兵相接者皆由所用之兵未經練習無膽無藝故所向退怯今欲改絃更張總宜以練兵爲要臣擬現在訓練章程宜參倣前明戚繼光近人傅鼐成法但求其精不求其多但求有濟不求速效誠能實力操練於土匪足資勦捕卽於省城防守亦不無裨益均奏入報

聞

同日

上命軍機大臣傳諭陸建瀛張芾曰武昌賊匪東竄據向榮奏報已屆旬日賊蹤現向何處抑仍在陽邏地方屯聚未據續行奏到陸建瀛抵九江將屆兩旬是

欽定剿平粵匪方略卷二十四

三十九

否往上迎擊與向榮所派兵勇合力堵勦截賊下竄亦未據該大臣奏聞朕心日深懸念九江爲蘇皖各省門戶關繫十分緊要該處上游北岸黃州武穴鎮南岸瑞昌馬頭係江廣咽喉須重兵防堵九江城西龍開河地面得勁兵駐守可與瑞昌馬頭接應再將河口挑挖寬深以所挑之土培高基址堅築土城與郡城犄角以障衛陸兵而遷駐水師於黃梅之新開鎮小池口等處扼要築堡防賊偷渡卽與武穴鎮沿江接應賊匪四面受敵必不致徑犯長江該處情形



是否如此布置著陸建瀛張芾會同向榮迅速籌辦  
一面知照湖北督撫一體辦理

十九日甲子陸建瀛奏言臣行抵湖北廣濟地方

飭令壽春鎮總兵恩長督兵趕赴下巢湖左右

駐紮隨接向榮知會賊匪擄船千餘隻水陸並

下恐上游兵單萬難堵截須撤赴九江併力合

剿以期有濟臣當照會恩長酌量辦理一面飛

聖朝方略卷三十四

三

咨江蘇安徽各撫臣於入境水陸要路嚴兵防

禦旋據前路探報該逆於正月初八日五鼓順

流蔽江而下壽春鎮總兵恩長分水陸三路接

戰督率水師太湖協副將劉長清等連開大礮

擊碎逆船三十餘隻擊斃賊匪先鋒四五百人

該逆抵死抗拒愈聚愈多該總兵自用鳥槍炸

裂猶揮兵轉戰力竭投水身死臣所帶兵勇均

隨恩長赴防臣營僅留四百餘名而該逆注意

江甯省城竟欲分股竄擾現在九江一帶緊急

臣所帶兵丁不敷剿辦雇勇亦未到齊適聞向

榮統帶重兵前來急圖面商一切本日前途探

稱該逆已在姑塘一帶放火伏思江甯為三江

根本重地乃蘇浙淮揚之屏障該逆既有徑竄

滋擾之說則關繫更重臣自應趕回江甯會同

聖朝方略卷三十四

三

祥厚楊文定福珠洪阿等趕辦防堵事宜維持

大局其江西既有向榮安徽亦有周天爵均可

與各撫臣妥商防守臣未便稍事拘泥

同日蔣文慶奏言本月十一十三等日疊據臬

司張熙宇等稟報探得賊匪大隊已過老鼠峽

督臣陸建瀛退駐九江彭澤地方距小孤山五

里又於十三日據副將田大武稟報陸路賊匪



甚眾已抵湖北雙城驛地方離宿松界不過數十里伏思賊匪水陸兼進均已逼近皖界若長驅徑過則各該處所駐兵勇至多亦不過千餘名斷難阻遏現各省陸續到兵除添助小孤山駐防及撥赴宿松陸路堵守外省垣存兵按垛派人尙不敷用而所謂浙江山東江蘇各省官兵尙有未到者二千餘名疊次迎提杳不見至

欽定剿平粵匪方略卷三十四



此時水路堵截萬分喫緊督臣陸建瀛旣因賊氛近迫九江不能溯流直上而九江以下隘口惟小孤山爲天生險要實江南數省咽喉若舍之不守則過此以往由皖省直達金陵並無可守之險矣均奏入

上命軍機大臣傳諭向榮陸建瀛祥厚霍隆武文藝楊殿邦楊文定蔣文慶張芾曰陸建瀛前赴九江由水

路行走已覺遲緩乃抵潯十日毫無調度賊鋒甫接一戰而潰以致總兵恩長陣亡束手無策藉口防堵江甯竟委江西安徽於不顧實屬大負委任恩長旣經殉難尙有劉長清管帶兵勇船礙此時駐紮何處所帶馬轍有無遺失前調之楊冠春周鼈方翔等何以不能接應張芾以寡弱兵力駐守九江現在情形若何至周天爵幫辦安徽防堵尙未奏報起程且並

欽定剿平粵匪方略卷三十四



無管帶之兵向榮派赴九江之兵未知何時趕到而陸建瀛亦未與向榮晤面何以輒稱安徽有周天爵九江有向榮恃爲無憂以便其抽身之計耶江甯省城誠爲重地該大臣旣知折回與將軍巡撫等極力保衛豈九江安徽非陸建瀛管轄之境設有疏失罪尙可追耶該逆旣已水陸並下安慶最爲危險必當先其所急著向榮陸建瀛竭力設法堵截小孤山等



險隘此處不守縱賊直下卽陸建瀛欲以留營之兵  
四百名捍衛江甯庸有濟乎惟有扼險堅守與向榮  
合力夾擊俾賊匪不得疾駛而東一面嚴防安慶與  
蔣文慶激勵紳民妥籌固守並著飛咨周天爵促令  
迅赴安徽協同防堵周天爵如有素所練習之壯勇  
可資捍禦者並卽帶往酌量調撥浙江等省官兵如  
何催令趕到均卽相機布置至江甯籌備防堵節經

聖事方略卷三十四

三

諭令祥厚楊文定等慎密辦理此時一聞警信深恐  
人民張皇且賊勢警急尤須偵探確實以備不虞仍  
著祥厚等妥速籌商其揚子江京口一帶南北咽喉  
關係甚重萬不可令匪蹤闖入著楊殿邦察看形勢  
卽行籌辦

上又命軍機大臣傳諭琦善曰賊匪未經竄出武昌朕  
早料其東下長江安徽緊急疊經降旨著該大臣先

令陳金綬迅帶精兵馳赴安徽迎剿該提督素性勇  
往何以兼旬以來並未報起程日期現在到豫官兵  
數已不少儘可酌量抽撥催令帶往乃竟置若罔聞  
坐視鄰省危急不救是何居心今賊勢已全股東下  
豫省情形與前不同豈可以有有用之兵置之無用之  
地儻以兵未到齊爲詞不卽赴援或稍有掣肘俾陳  
金綬不能趕緊啟行致安徽復有疏失朕必將琦善  
在軍前正法斷不饒恕如能出奇制勝力挫賊鋒保  
全下游大局朕仍望琦善努力成功爲朕分憂也

聖事方略卷三十四

三

上又命軍機大臣傳諭陳金綬曰前因賊匪勢將東竄  
下游喫重朕以陳金綬久歷戎行屢次諭令管帶精  
兵迅赴安徽一帶迎剿該提督疊奉嚴旨自應趕緊  
起程何以遲之又久未據奏報豈因琦善以兵未到  
齊爲詞致令遲延不進耶現在賊匪東下安徽十分



危急亟望該提督帶兵赴援陳金綬係朕特命幫辦軍務所有豫省調到之兵卽著擇其精銳者自選數千星速馳往扼要接應至賊已乘船東下豫省情形與前不同其分撥各路防守之兵亦可酌量抽回先其所急該提督軍營必須文員襄辦一切卽著勝保同往並將起程日期迅速奏報陳金綬與向榮皆昔日楊遇春部下將弁軍情緩急自必熟諳長江兩岸

欽定剿平粵匪方略卷三十四

七

安徽江甯兩省安危所繫汝兩人聲勢聯絡相機進攻若能出奇制勝保衛江東庶不負朕委任倚重之至意也勉之懷之

上諭內閣曰賊匪自竄踞武昌後疊經降旨令陸建瀛馳赴九江會同張芾勦辦乃由水路前進已覺遲緩及聞所派鎮將於上游接仗失事該大臣輒行退保江甯毫無布置實屬大負委任陸建瀛著先行革職

仍責成辦理地方軍務一面防守江甯一面派兵接應安徽以觀後效向榮現已馳抵九江著卽分派將弁督帶精兵奮力追勦前經疊次降旨諭令琦善先飭陳金綬帶兵馳赴安徽策應乃本日據蔣文慶奏報河南援兵尙未到皖陳金綬是否起程琦善何日前進迄今未據奏報江皖待援甚急該大臣豈竟置若罔聞琦善著先行革去都統銜以示薄懲現在賊

欽定剿平粵匪方略卷三十四

八

匪東竄密邇九江陸路賊匪距宿松甚近若不痛加勦洗則蔓延幾不可問陳金綬著星馳赴皖琦善亦著督兵前進爲陳金綬接應仍隨時知照向榮等於大江兩岸互爲犄角分路夾攻勿任賊匪順流直下儻該大臣等仍前玩泄致江皖或有疏虞朕惟知執法從事不能稍從寬典也

上又諭內閣曰安徽壽春鎮總兵恩長督兵趕赴九江



上游迎勦該總兵分三路接戰督率各師擊碎逆船三十餘隻擊斃賊匪先鋒四五百人乃因鳥槍炸裂寡不敵眾力竭捐軀殊堪憫惻恩長著加恩追贈提督銜卽照提督陣亡例賜卹以慰忠魂

同日陸應穀奏言粵匪滋擾楚疆豫省籌備防堵事宜臣兩次奏請部撥銀七十萬兩現在琦善統兵會勦添調吉林黑龍江兵四千名山西

聖學聖方略卷三十四



等處馬一萬匹軍裝器械馬乾等項需用益繁較諸防堵用項不啻倍蓰前撥七十萬兩除已支用外僅敷兩月餘之用合無仰懇

天恩飭部於鄰近省分指撥一百萬兩兼程解豫以備支應奏入得

旨戶部速議具奏旋經戶部奏言臣等通盤籌計現在江西安徽等處防勦緊要自應先其所急豫省

經費尙敷兩月有餘况所謂兵馬疊奉

諭旨飭催進勦豈容久駐豫境該撫請續撥一百萬兩實未通籌全局臣部未便照給以致顧此失彼擬將該省清查收存及應解部飯銀兩內十四萬餘兩並官員捐餉十一萬餘兩准其留作軍餉支銷當敷數月支發相應請

旨責成該撫樽節動支毋許冒濫奏入

聖學聖方略卷三十四



上從之



欽定剿平粵匪方略卷二十五 癸丑年

正月二十日<sup>乙丑</sup>向榮奏言臣於正月初三日收復武昌省城卽督兵跟剿於初四日晚追至葛店地方赶上賊船開礮擊沈二隻並拋擲火彈立燒近岸賊船三隻其餘船均順流下竄當令各營挑選奮勇兵壯共得二千四百餘名不帶錫帳臣親率總兵和春秦定三李瑞玉山及革員福興等管帶晝夜疾追欲抄往九江截賊東下之路途聞撫臣張芾由九江移至瑞昌縣防堵臣卽於初八日戌刻趕至瑞昌已繞過逆匪之前因會晤撫臣張芾云下游巢湖紮有蘇皖及江西官兵二千三百餘名北岸老鼠峽亦紮有官兵一千六百餘名陸建瀛帶兵二千餘名並師船紮離下巢湖三十里之龍坪地方堵截

欽定剿平粵匪方略卷三十五



可以遏其下竄等語臣訪查下巢湖一帶防禦實未得法深慮賊至貽誤事機必得親往布置與陸建瀛會商酌辦卽於初九日五鼓帶同兵勇繞道往下巢湖至午刻約離十餘里卽據報探賊船已過下巢湖該處防守官兵均經潰散大礮火具盡已資敵督臣陸建瀛亦折回九江現在賊船旣已駛過下巢湖離九江僅百里順流直下瞬息可到情形十分危急臣復折回瑞昌卽派總兵和春等帶隊星夜趕往連日大雨軍士冒雨前進備極艱苦旋聞賊船已至盧家集一帶離九江僅三十里城內百姓搬徙一空防城器具一無所備祇大礮火藥極多無兵防守督臣陸建瀛已由九江折回下游一帶不知泊於何處聲息不通情形至此萬分焦灼急欲

欽定剿平粵匪方略卷三十五





趕救九江城池催兵直至官牌峽地方詎料賊船亦於十一日早先到十餘隻駛至九江河岸經各鎮將迎前轟擊打壞賊船七隻該逆不能抵禦駛往北岸灣泊時大隊賊船千餘連檣而至兵勇開礮轟擊該逆一面拒敵一面分十餘處擺岸灣泊約五六千人紛紛擁撲前來臣指揮官兵分路極力衝殺從辰至午斃賊不少兵

聖朝方略卷三十五

三

勇亦有陣亡受傷該逆又將近城小河浮橋砍斷以阻我兵進路現在賊至九江我兵須渡過北岸始可直達安慶若仍從大江南岸追躡既恐繞道太遠又小河極多並有鄱陽湖之隔該逆壓江而下尤為迅捷我兵步行疲於奔命勢難趕上若能多覓船隻順流追擊庶可得手臣昨已札飭興國州趕辦船隻又飛咨張芾趕緊

雇覓星夜放下以備追剿惟我兵到此無路繞往賊前如提臣陳金綬統帶北兵能趕到安徽一帶則安慶始可無虞至閩省官兵三千名聞其走散九百數十名之多殊屬有干軍令節經臣飛咨江西湖南福建各省督撫提臣轉飭經過各文武一體按名嚴拏重辦以儆效尤惟該管帶兵將備漫無覺察實屬咎有應得且派令防守武昌打仗亦不得力所有帶兵官參將周兆麟等均請

聖朝方略卷三十五

四

旨先行革職以肅軍令至總兵郭仁布統率無方咎亦難辭惟打仗尙無退避情事請旨交部議處至防守下巢湖官兵如何潰散亦咨督臣陸建瀛查明嚴行叅辦臣現將官兵暫紮拖船溝一帶離九江二十餘里一面催趨未到官兵



趕緊前來一面查探賊蹤相機籌辦奏入

上命軍機大臣傳諭向榮曰逆匪連檣東竄該大臣挑選官兵晝夜兼程冒雨前進繞出賊前行走尙爲迅速所稱軍士艱苦情形著該大臣隨時查察傳旨獎勵以作士氣逆匪已至九江我兵無路可繞賊前該大臣札飭興國州趕辦船隻又飛咨張芾趕緊雇覓現在是否敷用不致誤事音德布等所帶礮船會否

欽定剿平粵匪方略卷三十五

五

駛到著向榮分別催集於安徽江甯大江兩岸無分水陸趕緊追剿勿令賊匪占踞江口截我南北之路陳金綬統帶北兵已屢次催令趕赴安徽並令琦善帶兵從後接應此時如已馳抵安徽一帶該大臣卽當隨時知照兩路併力夾攻向榮與陳金綬素悉兵機必能和衷共濟行軍緩急應變惟在臨時酌度旣不可畏蕙失機亦不可輕率貽誤至福建官兵旣無

裨益著卽遣撤以節糜費其防守下巢湖官兵如何潰散北岸老鼠峽官兵如何堵截情形一併確查具奏

上諭內閣曰逆匪竄出武昌順流東下經向榮分路衝殺斃賊多名現在賊勢已近九江我兵先後趕到行走尙爲迅速著向榮督率鎮將等無分水陸相機追剿陳金綬此時諒已統帶北兵趕赴安徽與向榮合

欽定剿平粵匪方略卷三十五

六

力夾擊並著陸建瀛張芾蔣文慶等於大江兩岸沿途節節扼要堵截毋得稍有疏虞至福建官兵中途走散竟至數百名之多帶兵將備不能約束咎已難辭且派令防守武昌打仗亦不得力所有署泉州參將周兆麟漳州遊擊顧得欽都司陳光標遊擊陳金鑾汀州遊擊高士濬均著先行革職仍飭將逃兵嚴拏重辦以肅軍令總兵郭仁布統率無方著革職留



任以示懲儆

同日張亮基奏言粵逆竄踞武陽橫江搭造浮橋往來策應浮橋不斷誠恐此攻彼竄終難得手臣前接准向榮移咨卽已飛飭盧應翔將所帶礮船駕駛前往總兵音德布參將章中魁前經奏調管帶滇兵來楚卽在常德設防嗣因澧州兵單經臣等札飭章中魁移紮澧州羅繞典復將章中魁帶赴襄陽並札調音德布移紮澧州臣接奉

聖學聖方略卷三十五

七

諭旨後飛咨音德布卽於澧州雇船帶兵前進參將韓

世禧於上年十月賊解圍西竄時卽日跟蹤追

賊並未留在長沙現歸何人統帶容俟查明飛

催前進長沙現在防兵率皆疲乏難期得力臣

前奏擬募勇訓練較之客兵稍爲可恃意俟練

勇漸集卽將疲兵盡撤歸伍今奉

諭旨再挑數百名湊成千名可否俟臣馳抵岳州再爲

籌畫鄧紹良聞現駐城陵磯臣已飛飭於岳州

一帶多雇船隻並招募水摸二三百名豫備柴

草硝磺等物同盧應翔船隻迅速駛往奏入

上命軍機大臣傳諭張亮基曰逆匪已至九江東下官

兵隨後追剿需船甚急所有盧應翔礮船及音德布

聖學聖方略卷三十五

八

章中魁韓世禧鄧紹良各員旣據分別飛催著卽將

何日起程何日到營計程若干有無遲逾之處一一

查明分晰詳奏向榮孤軍前進軍糧最關緊要張亮

基署理湖廣總督責無旁貸務須及早籌備源源接

濟所稱挑兵一節並著迅卽調集催進勿致誤事武

昌黃州被賊搶去軍餉若干著卽詳細查奏

二十一日丙寅蔣文慶奏言臣於正月十六日申



刻接據探報九江賊匪全行東下已到小孤山  
伏思臣自上年八月奏辦防堵至今調兵未齊  
率皆遷延觀望以致坐誤事機此時臣雖激勵  
將士官員等奮勇登陴嬰城固守無如垣薄兵  
單何以當此兇燄伏乞

皇上嚴飭琦善兼程前來應援並求

諭令向榮即日帶領精兵兼程赴皖援救至直隸提臣

欽定剿平粵匪方略卷三十五

九

陳金綬經臣疊次迎催頃據探報由羅山光州  
固始到安徽潁州一帶繞道湖北黃州沿江直  
上尙無起身確期臣已馳函商囑徑由霍邱取  
道六安直到皖省仍求

嚴飭限日馳赴以資協助奏入

上命軍機大臣傳諭琦善陳金綬陸應穀曰前因賊匪  
勢將東竄屢次諭令陳金綬迅赴安徽並諭琦善前

爲接應本日據蔣文慶馳奏賊匪已到小孤山省垣  
危在呼吸疊次迎催陳金綬尙無起身確期覽奏實  
深焦灼賊艘連檣而下昨據向榮馳報督帶精兵趕  
抵九江惜無船隻北渡不能直抵安慶現已趨緊覓  
辦由水路追擊如陳金綬統帶北兵能迅速趕到安  
慶始可無虞陳金綬諒已起程若仍繞路湖北更恐  
緩不濟急著即徑由霍邱縣取道六安州不分星夜

欽定剿平粵匪方略卷三十五

十

兼程直赴安慶以救危急並與向榮聯絡聲勢隨時  
知會城內官兵前後夾擊堵其東竄之路琦善仍遵  
前旨星速前進徑赴皖省與向榮相爲犄角同心協  
力保全下游大局萬不可再有遲誤陸應穀此時會  
否折回南陽賊匪全股東下豫境防兵除酌留扼守  
外其餘均當直赴皖省接應現在吉林黑龍江馬隊  
陸續前往此項勁旅應由何路趕赴皖境著琦善陳



金陵酌度迎催毋任迂道致延時日軍營糧餉並著陸應毅派員經理源源接濟無稍貽誤

二十二日卯丁蔣文慶奏言皖省地處沿江城垣單薄各路援兵至今未到城中居民業已遷徙一空而糧餉軍裝所關匪細萬一盡為賊有更助兇燄臣接周天爵來函以皖城萬無守理迅催臣飭令兩司攜帶餉銀退保廬州囑臣帶兵

聖朝方略卷三十五

十一

馳赴正陽一帶既可策護糧餉復可為金陵後路接應臣亦未敢拘泥致誤事機遂速將糧餉軍裝分水陸兩路押赴廬州臣仍督同藩司統帶官兵在省奮力勦賊

同日呂賢基奏言臣昨閱邸鈔知陸建瀛因鎮將失事退守江甯毫無布置查江防須扼重上游小孤山為江皖第一門戶至皖省以下如貴

池之攔江磯羅刹磯銅陵之鵝頭磯繁昌之三山磯板子磯蕪湖之磁磯蠓兒墩等處次第相接形勢險要均可分設水砦安置礮臺其下則當塗之東梁山和州之西梁山兩山相距僅三里許矗立水際對峙如門江流至此一束所謂天門山者尤為天然關鍵又南岸迤東三十里有采石磯峭拔陡峻最為中流要隘守金陵者必先制勝於此至總督兼轄水師固應多調戰艦以備防勦儻一時未能調集惟木筏最為適用查南京城外龍江關上河下河等處木筏雲集其上可以築牆安礮攔截江心不為風浪所撼尤足以抵禦賊船而沿江柴船頗多亦足備火攻之用應請

聖朝方略卷三十五

十二

訪令陸建瀛於江面險要處所迅速布置至陸路賊匪



偏近宿松若由宿松驛路取道江北則由太湖  
桐城舒城合肥下巢湖達江僅五百餘里江北  
以廬州府爲最要廬州以巢湖爲最要蓋廬郡  
爲七省都會江皖水陸皆恃此爲屏蔽且其地  
多匪棍毗連鳳穎黨與聲息互通必須重臣駐  
紮此地既可扼賊北竄又可彈壓土匪又查巢  
湖在廬州府東五十里跨合舒廬巢四縣向來

欽定剿平粵匪方略卷三十五

十三

江北用兵多於此練習水師聞近年常有盜船  
出沒其中若令地方紳士購綫招募懸賞錄用  
遇賊順江東下卽令其駛出江口與梁山鎮水  
師合力邀截必可獨當一面現在皖省大員防  
守喫緊未能兼顧惟周天爵曾任廬州知府民  
情素所洞悉應請  
旨速飭周天爵駐紮廬州相機籌辦以爲江皖應援均

奏八

上命軍機大臣傳諭蔣文慶周天爵曰現在各路援兵  
未能到齊蔣文慶將省城糧餉軍裝押赴廬州該撫  
仍當與藩司等在省極力防守毋稍疏虞一切布置  
機宜蔣文慶既與周天爵意見相同著卽會同籌辦  
向榮諒已尾追東下省城現有防兵或周天爵所募  
練勇能與向榮併力夾攻亦可以挫該逆揚帆直下

欽定剿平粵匪方略卷三十五

十四

之勢至巢湖爲陸路要隘急宜防守鳳穎一帶土匪  
衆多尤宜設法彈壓招徠勿致爲賊所誘呂賢基到  
皖尙需時日先著該撫等熟商妥辦該逆慣用地雷  
所有挖濠鑿聽等法爲守城要務必須豫爲籌備  
上又命軍機大臣傳諭陸建瀛楊殿邦楊文定曰現在  
皖城告警金陵一水直下勢亦危急陸建瀛自九江  
折回沿途作何布置呂賢基所稱各處礮墩節節險



要原可設立水砦安置礮臺惟賊鋒已偏既恐措置不及且沿江兩岸袤延數百里零星分設兵單勢弱亦恐無裨守禦祇可就扼要處所迅速設防仍須以重兵紮護礮臺或省城外江岸屯兵互為犄角現在大江南北惟向榮一軍可資應援該督撫等務與聲勢聯絡以期彼此策應遇賊登陸之路又豫防地雷空濠窺聽之法著陸建瀛等妥籌辦理仍一面星速

聖朝聖方略卷三十五

十五

派兵援救安慶一面會同祥厚楊文定督飭鄒鳴鶴祁宿藻等將省城防守事宜籌畫周密毋致臨時失措其瓜州京口一帶仍責成楊殿邦督同地方官妥為防範

上又命軍機大臣傳諭向榮曰現在向榮統帶官兵駐拖船溝一帶所雇船隻是否可濟急用其盧應翔及音德布管帶礮船是否業經趕到不勝懸繫蔣文慶

已將省城糧餉軍裝移赴廬州該撫與藩司在省防守若賊至皖省空城無可擄掠連檣直下則江甯尤當其衝勢甚危急向榮惟當察看情形何處緊急即須迅往應援仍隨時知照陸建瀛楊文定蔣文慶等合力夾攻以勦為守陳金綬如已到皖著即會同籌辦無論水陸及江口要隘相機堵截勿令賊匪占踞截我南北之路

聖朝聖方略卷三十五

十六

上諭內閣曰工部左侍郎呂賢基著即馳驛前往安徽會同蔣文慶周天爵辦理防剿事宜安徽定遠縣知縣現署壽州知州金光飭即交蔣文慶周天爵等差遣委用

上又諭內閣曰前任漕運總督周天爵著賞加兵部侍郎銜會同蔣文慶呂賢基辦理防剿事宜 同日大學士軍機大臣刑部會奏言 臣等伏查



賽尙阿身為統帥調度乖方以致勞師糜餉日久無功實屬罪無可逭賽尙阿合依守邊將帥平時守備不設為賊所掩襲因而失陷城寨者斬監候律擬斬監候秋後處決奏入

上諭內閣曰已革大學士賽尙阿經朕簡派欽差大臣辦理廣西軍務未能迅速剿賊致令蔓延楚省勞師糜餉深負朕恩賽尙阿著卽照裕誠等所擬按律定

聖學聖方略卷三十五

十七

為斬監候秋後處決並著將伊子鑾儀衛冠軍使崇緒禮部主事崇熙工部主事崇綺吏部員外郎崇絢一併革職

二十三日 戊辰 江南提督福珠洪阿奏言臣奉

旨帶兵前赴江甯扼要布置查江南提標五營以及沿江沿海蘇福狼三鎮各營業經先後調防兵丁七千餘名松江近接蘇省又與上海唇齒相依

現屆海運亦須官兵護送地方巡防在在均關緊要是以臣於五營內先行派帶兵丁二百名

卽於本月初七日起程雨夜趨行十二日馳抵江甯省城將軍祥厚等已將城內城外設嚴密濠各事一律布置臣連日親往查看實屬周妥復查城外雨花臺最為扼要臣卽帶領官兵駐紮該處與副都統霍隆武升授徐州鎮總兵程

聖學聖方略卷三十五

十八

三光協力巡防以戰為守復調提標兵一百名福左營兵二百名狼右營兵三百名泰州營兵一百名飭令迅速來省均由臣帶領防守奏入上諭曰汝等既為兵丁統率必須示以鎮靜不可驚惶庶可同心奮勇以少勝多

同日向榮奏言臣前次追賊至九江打仗我兵因繞道折往下巢湖致該逆得以先期駛到九



江隨查探該逆於十一日將船灣泊城外因百姓早經遠避空城無所擄掠祇將廟宇衙署稅廠焚燒卽於十二十三兩日陸續開船下行並據逃出民人聲稱武昌被脅百姓沿途逃散者不少故該逆所過地方多未攏岸臣現將官兵暫紮九江城外惟逆船順流下行我兵陸路奔馳勢難趕上且到江南陸路須從九江渡河由

聖朝聖方略卷三十五

十九

北岸追剿始可直達安慶臣前札飭興國州趕辦船隻能否辦得尙無信息臣於到九江時卽派遊擊朱占鼈駛往大姑塘一帶雇覓船隻提臣蘇布通阿等統帶川兵駐紮金口臣已咨調前來並囑於上游順便覓船帶下以便渡江惟兵勇旣無餉銀又無糧米連日風雪交作實有凍餒之虞臣現已飛咨撫臣張芾迅提銀十萬

兩解赴大營並多張告示招商復業派弁赴各村莊採買米糧以資接濟至郎中盧應翔礮船前接徐廣霨復函於長沙解圍時已經撤退其上游雇覓船礮亦久未見到臣現已飛催副將鄧紹良星夜帶兵東下總兵音德布所帶滇兵千餘名現已調來差遣惟逆匪自擄得多船水陸往來無阻我兵祇能於陸路追剿難從水面

聖朝聖方略卷三十五

二十

攔擊故非水師礮船不能攔江截剿臣現飛咨兩廣督臣葉名琛速調外海水師戰船並快蟹大爬等項湊足百隻多配子藥選員統帶由海道駛至江南迎頭堵擊至賊船阻風尙在湖口縣一帶灣泊離九江僅二三十里臣一俟催到餉銀解到船隻卽催兵趕緊渡江跟蹤追剿同日祥厚楊文定福珠洪阿霍隆武奏言鎮江



瓜州爲南北咽喉重地清 臣楊殿邦奉

諭駐紮江口辦理防禦若待其到後調兵恐致遲誤 臣

楊文定隨於徐州河標吳淞蘇鎮太湖等營酌

調兵丁五百名師船入隻駛赴鎮江一帶豫備

漕 臣調遣並飛飭上海道雇募廣艇鎮江府雇

募水摸赴甯備用至於勸捐助餉早已分飭各

府竭力籌辦現又先將句容丹陽兩縣漕糧全

欽定剿平粵匪方略卷三十五

三

數截留分運江甯鎮江兩處備用其餘各府分

別酌留所慮兵力無多援剿諸臣尙無確信相

應請

旨速飭琦善向榮陳金綬剋日繞出賊前跟蹤追剿不

得再事濡滯

楊文定又奏言督 臣陸建瀛業已回省據稱已

將蕪湖防兵撤歸東西梁山 臣思蕪湖爲江蘇

全省水陸要隘該處荻港板子磯等處亦經督

臣奏明設防今倉猝撤回恐上游不免震驚而

東西梁山亦難布置周妥均奏入

上命軍機大臣傳諭向榮曰逆船順流下行我兵陸路

奔馳勢有難及現在安徽省城遷徙一空糧餉移至

廬州我軍船隻儘不應手亦難飛渡琦善陳金綬已

於本月十九日自信陽馳往安徽而陸建瀛蒼黃折

欽定剿平粵匪方略卷三十五

三

回江甯城大兵單亟望援兵相助向榮著卽督帶大

兵由陸路馳抵江甯與祥厚陸建瀛楊文定等會籌

守禦其江口上下並與文藝楊殿邦等扼險設防毋

令占踞要口致遏南北之路如上游所謂船礮趕到

卽可水陸夾擊與琦善陳金綬聲勢聯絡互爲犄角

至九江以下所過江安兩省州縣如有漕糧及庫存

銀兩倉儲穀石均著該大臣提用以濟急需



上又命軍機大臣傳諭陸建瀛祥厚楊殿邦楊文定曰  
陸建瀛自九江折回尙望其沿江布置省城恃以無  
憂乃將蕪湖荻港板子磯等處防兵全行撤歸東西  
梁山豈皖境安危與該大臣無涉而江省上游險要  
惟梁山可以扼守餘皆不必設防耶所有江省防守  
機宜經楊文定與該將軍等設法妥籌仍著陸建瀛  
一面援應安徽一面與該將軍等和衷商榷既將防

聖朝方略卷三十五

三

兵全行撤歸梁山卽當竭力扼守毋令賊船闖入至  
向榮大軍由陸路進行裹糧已竭若不卽爲接濟恐  
誤軍需著該大臣等迅飭沿途各屬府州縣無論蠶  
留漕米及常平義倉穀石速爲碾動所撥軍需銀兩  
亦應通融濟用運赴向榮大營毋稍貽誤其揚子江  
口經楊文定先後調集兵丁師船此時楊殿邦想已  
趕到一切派撥鎮守均著該漕督速籌妥辦至蕪湖

由東壩可達蘇常今蕪湖業已撤防應飭江蘇藩司  
聯英等就近設備以固藩籬著一併妥籌辦理

上又命軍機大臣傳諭葉名琛柏貴曰現在賊匪東竄  
江防萬分喫緊已命向榮馳赴江甯迎頭截擊著葉  
名琛柏貴卽將該省外海水師戰船並快蟹大爬  
項湊足百隻多備子藥遴委水師勇幹鎮將大員統  
帶星速由海道駛抵江甯聽候該大臣撥用毋稍遲

聖朝方略卷三十五

三

誤  
同日舒興阿奏言臣於正月十一日馳抵西安  
省城與舒倫保張祥河面爲商酌現在賊勢猖  
獗陝西與商一帶及潼關均應駐兵防守而三  
路之中尤以商州爲最要臣先經函商張祥河  
前後調派固原等處官兵二千七百餘員名派  
委署宜君營參將薩炳阿統帶前往商州會同



延榆綏道段大章在武關一帶擇要防堵又酌調漢中陝安官兵一千九百餘員名派委副將恆興統帶會同鳳邠道文海陝安道周鳴燮前往接壤湖北之關垵子白河一帶防堵並責令陝安鎮總兵郝光甲於所屬毗連楚境日隘一體飭屬嚴防又派固原兵四百五十名前往潼關交護潼關協副將寇文耀會同潼商道朱慶

欽定剿平粵匪方略卷三十五

三

祺與協屬官兵一律分布查三路官兵日前尙可駐守惟慮逆匪紛紛奔突不得不厚集兵力以杜竄越臣現復續調河州鎮屬官兵五百名飭令星馳前來與臣現帶官兵二百餘員名酌撥商州興安扼要處所以期周密臣於本月十六日起程先赴商州查看情形妥爲籌辦後再赴興安一帶相機調度奏入

上命軍機大臣傳諭舒興阿曰該督前後調到防堵官

兵統計五千八百餘名現在賊竄下游陝境情形與去歲不同前調防兵如有堪撥下游助剿者必須移緩就急該督卽一面奏聞一面調遣知照向榮陳金綬等率同攻剿不可以有用之兵置之無用之地其本境扼要處所仍著嚴密防守

欽定剿平粵匪方略卷三十五

三

同日都統銜琦善直隸提督陳金綬奏言臣等於正月初八日移出信陽城外依山紮營現在已到之兵僅止直隸督標五百名提標一千八百名正定鎮標一千名天津通永二鎮標各五百名陝西固原提標五百名其餘尙滯中途臣陳金綬卽將直隸提標暨天津正定通永各鎮兵共三千八百名於十九日管帶起程馳赴安徽一帶截剿現據候補四品京堂勝保聲稱情



願同往此外尙有現到之兵一千名臣琦善亦  
卽於是日先行管帶起程徑赴湖北江西一帶  
沿途截擊其餘各兵均令隨後追趨現該匪已  
棄陸登舟誠當以火攻爲要臣琦善已飛咨台  
湧暨羅繞典張亮基豫備寬大堅實之襄陽大  
編船千餘隻或五六百隻並於水手外添雇水  
摸多人派弁押赴下游相機備用奏入

聖學聖考卷三十五

七

上諭內閣曰現在賊匪已偏皖省情形緊急陳金綬著  
卽迅赴安慶等處琦善所帶之兵亦應徑赴安徽爲  
陳金綬後路接應若由湖北江西繞路轉恐緩不濟  
急該大臣等自豫起程已屬遲延必須兼程馳赴賊  
匪所在地方儘力追截毋得再涉紆緩致誤事機昨  
已有旨令勝保同陳金綬帶兵前進茲據奏該員於  
未奉諭旨之先自請同往尙屬奮勉可嘉琦善等起

程後糧餉一切著陸應穀派委幹員源源接濟河南  
防堵事宜仍著該撫督同藩司鄭敦謹妥爲籌辦毋  
稍疏懈

二十四日已祥厚霍隆武奏言九江上游情形  
緊急江甯城大兵單臣等現將精壯閒散挑選  
九百餘名以資遣用並商同楊文定鄒鳴鶴督  
率布政使祁宿藻及八旗協領等將城上一律

聖學聖考卷三十五

天

安設礮位二百七十餘門督飭官兵嚴密稽查  
防守伏思九江安徽上游情形如此江甯地當  
下游一水直達省城重地亟應添兵固守查城  
內綠營兵丁除調赴他處防堵外僅贍兵數百  
名撫臣楊文定所調兵五百名目下僅有徐州  
兵一百名奇兵營礮兵五十餘名到省提臣福  
珠洪阿雖已抵省祇帶兵二百名續調兵七百



名到省尙需時日旗營僅有兵三千餘名城垣周圍九十六里實屬不敷分撥惟有叩懇

天恩迅飭向榮琦善統帶兩處重兵速由捷徑繞出賊前直抵江甯省城協力堵截以資捍衛奏入

上諭曰已有旨令向榮趕赴金陵今閱汝等所奏情形城上多設礮位固因防守起見若兵少不能護礮適足資寇而助逆燄也

欽定剿平粵匪方略卷三十五

三十九

同日張亮基奏言臣由長沙前赴武昌於正月

十三日祇領關防任事武漢兩城新復亟應豫籌控制之策兼招集流亡嚴拏土匪以爲安民殄寇之計臣現飭南省總局裝米五千石制錢五千緡由水路運赴北省並出示安撫難民招徠商賈但兩城得自灰燼之餘武昌尤省會重地當此力圖整理實與從新創造無殊需用孔

繁無可設措頃准署湖北巡撫臣駱秉章來咨奏懇

飭部籌撥現銀三十萬兩迅速解鄂臣思部款起解需時緩不濟急惟有仰懇

天恩飭下附近之河南陝西四川等省無論何款先行借給三十萬兩委員迅速解赴湖北省城一俟部撥有款再行撥還該省庶轉運迅捷籌辦得

欽定剿平粵匪方略卷三十五

三十九

以應手奏入

上命軍機大臣傳諭張亮基曰武昌漢陽兩城現經收復所有招集流亡嚴查土匪在在均關緊要駱秉章已由岳州馳赴武昌張亮基亦經接受總督關防並於湖南總局裝米五千石制錢五千緡由水路運赴北省著卽兼程解往安撫招徠與駱秉章熟商籌辦至所稱需用孔繁無可設措亦屬實在情形現在該



省漕糧業經展緩該署督或於豐收地方勸令富紳大賈量捐銀米或於各該州縣內酌量碾動倉穀以爲賑恤難民撫綏一切之用至向榮大營現在待餉甚急該署督官仍遵前旨趕緊籌解源源接濟斷不准將各省解餉藉口截留致有貽誤

張亮基又奏言陝西候補知府江忠源前丁憂在籍時經前大學士臣賽尙阿奏調馳赴廣西

聖學聖方略卷三十五

三

軍營追賊入楚又經前督臣徐廣縉奏留管帶

楚勇嗣賊竄出湖南因該員所募之勇原議捍衛桑梓不遣出境經臣檄委勦辦巴陵晏仲武瀏陽徵儀堂各股土匪均已竣事該員現已服闋應卽給咨赴部惟湖北省城甫經收復撫綏防勦在在需才該員志在匡時才能應變臣深知其人差委足資得力可否准臣帶赴湖北差

遣委用奏入

上從之

同日張芾奏言臣於正月初十日在瑞昌督兵堵禦至十一日賊船全數下竄臣卽聞道趕回郡城邀擊行至中途知九江府城已於十一日失守督臣陸建瀛退在下游堵截臣萬分焦灼伏思賊情叵測是否祇在潯江滋擾卽行東下

聖學聖方略卷三十五

三

抑或分竄入湖窺伺南昌以圖牽掣均難懸揣

惟省城重地兵力尙單現在民心不免驚惶陳孚恩屢次來函囑臣趕回籌辦守禦臣一面函致向榮催兵追勦並札飭駐紮姑塘之臬司譚光宸等一俟賊退卽速入郡安撫居民復飭知府林福祥會同各將官收集兵丁以備遣用臣督兵進勦旣不得力又不能兼顧郡城以致倉

一第 502 冊 157 庫全書第 12 頁 59



猝失守實難辭咎相應請

旨將臣從重治罪奏入

上諭內閣曰張芾奏本月初十日賊船下竄該撫在瑞昌督兵堵禦十一日趕回九江行至中途探聞府城失守昨據向榮奏報九江城內居民先已遷徙一空是賊匪乘虛竄入旋即退出不知該處文武所謂嬰城固守者安在張芾雖在瑞昌防堵督率不力咎實

欽定剿平粵匪方略卷三十五

三

難辭著革職留任帶罪自效現在賊竄下游該撫卽

株守空城亦屬無益著卽回省與陳孚恩等於沿江一帶密爲防範查拏土匪鎮定人心並委幹員接濟向榮大營軍餉其九江城內卽飭令臬司惲光宸等招集流亡妥爲安撫該地方文武員弁或被難殉節或先期逃避著一併確查據實具奏

同日

上命軍機大臣傳諭楊殿邦日前諭楊殿邦等於鎮江

瓜州等處江口派兵防守計已迅速前往扼紮籌辦刻下賊船已過九江下游江防尤關緊要因思回空漕船現已渡黃南下且有一千三百餘隻之多江甯安徽兩處漕糧亦有旨准其截留此次運船是否可

欽定剿平粵匪方略卷三十五

三

以作爲堵截江口之用各幫水手可否飭令幫同防堵俱著楊殿邦悉心體察妥爲布置總期相機防剿毋令賊匪占踞鎮江瓜州二口是爲至要



欽定勦平粵匪方略卷二十六 癸丑年

正月二十五日 庚午 漕運總督楊殿邦奏言逆匪

東竄以後下游喫重且鎮江瓜州為大江南北  
咽喉重地其儀徵口之老虎涇地方係江甯瓜  
州適中要隘並通揚州內河必須派兵扼守惟  
臣標七營額兵三千餘名前經調赴江西江甯  
兩省派防兵一千二百餘名其餘除設防各汛

欽定勦平粵匪方略卷二十六

一

地及留城保衛外僅堪酌調兵五百五十名兵  
力甚單不敷派撥現又酌調徐州鎮標兵二百  
四十名分赴瓜州老虎涇一帶擇要派防一面  
飛飭兩淮運司常鎮道揚州鎮江二府團練壯  
勇雇募船隻水摸置造火器修建礮臺購備柴  
薪布置江口為有備無患之計並於江西多設  
划船作為游兵上下往來偵探嚴密防守期與

聞

江甯省城聲勢聯絡互為應援其廣艇是否可  
用現已飛咨撫臣楊文定會商酌辦奏入報  
同日楊文定奏言 臣奉

諭暫駐江甯就近調遣計抵省一月有餘所有省城內

外以及上游之蕪湖東西梁山防堵各事宜次

第布置均有頭緒惟鎮江為入蘇門戶屢飭府

欽定勦平粵匪方略卷二十六

二

道營縣趕緊籌辦而辦理究未妥善並據浙江  
督糧道周起濱稟稱漕船在無錫地方有水手  
聚集千人勒索身工等情現在設法辦理今督  
臣陸建瀛退回省城更有將軍都統提督足資  
防守而京口重地甚屬可虞清 臣楊殿邦奉

旨駐紮瓜州一江橫隔兼顧為難且現在尙無到揚消

息臣自應移紮鎮江面商都統親督道府趕緊



布置爲保守蘇常門戶之計仍請

旨容臣就近調遣儘賊氛稍緩卽乘隙先往彈壓水手

並籌募充壯勇以期有用而免滋事奏入

上諭曰汝旣出省有事可單銜具奏籌辦稍有頭緒自

應仍回省垣爲是朕見到及此汝可斟酌汝與陸建

瀛難期和衷第所辦一事斷難分別朕日夜焦思汝

旣爲大吏猶不知耶朕知祁宿藻事事盡心斷非自

勦粵匪方略卷三十六

三

顧身家者該員能否出省汝可酌量

同日呂賢基奏言臣奉

命馳往安徽會同蔣文慶周天爵商辦防勦事宜例應

隨帶數員共襄厥事臣查有翰林院編修李鴻

章刑部員外郎孫家泰皆籍隸安徽情形熟悉

刑部候補主事朱麟祺五品銜武生張瑞慶平

日俱留心武事應請

旨飭令此四員隨臣前往再在籍前任東河通判徐啟

山才識素優應請

旨飭令隨臣幫辦一切事宜再現屆安徽省堵勦喫緊

之時賊船過境利用火攻聞火器營所存火箭

甚多伏乞

飭撥二千枝派該營官兵解赴安徽軍營交蔣文慶周

天爵等收存以備要需再臣所過直隸山東江

勦粵匪方略卷三十六

四

蘇一帶地方如訪有請練軍務及技勇過人之

士可否准臣移咨各該督撫飭屬備文咨遣委

用奏入

上從之

二十六日辛未文藝奏言臣前因京口城垣殘缺

卽令地方官修葺未據呈報興修去年逆匪竄

擾楚北經臣在八旗甲兵閒散內挑選精壯一



千三百名每日操演餘兵分派巡邏查京口城垣周圍塚口一千六百餘座擬即督飭挑選兵丁與綠營存城兵三百餘名幫同守護兵力已形單薄其城外水陸各要隘因無兵防守會飭水師副將酌調兵五百名鎮江營參將在臣汛抽調兵三百名又督臣陸建瀛等調徐州等營兵五百名現均未到清臣楊殿邦奉

聖朝聖略卷三十六

五

旨督兵在於瓜州京口江面防堵至今未到該匪攻城慣用地雷臣隨飭地方官趕緊於城外挖濠迄未挑挖今聞上游喫緊臣思京口城缺兵單難資守禦實深焦灼奏八

上命軍機大臣傳諭陸建瀛楊文定文藝曰據文藝奏稱先後令地方官修城挖濠均未辦理該城文武不和覽奏實不可解當此軍務喫緊之時正宜協力同

心共圖捍衛似此意見齟齬必致貽誤現在楊文定移紮鎮江著即會同文藝嚴飭該處文武無分畛域迅速籌防儘有疏虞旗營與地方官均難辭罪上海船隻會否由吳健彰雇募備用現在陸路兵單水路又無援應浙江提督葉紹春溫州鎮總兵陳世忠所轄水師是否尙堪就近調用著陸建瀛楊文定酌量情形如能得力即令由海入江一面飛調一面具奏

聖朝聖略卷三十六

六

至瓜州江口楊殿邦以兵力不敷奏稱擬雇募划船水摸團練壯勇以資抵禦京口亦當豫爲計及豈可但以兵單難守爲詞一籌莫展耶

同日

上命軍機大臣傳諭琦善訥爾經額陳金綬陸應穀曰現在琦善陳金綬帶兵赴皖前調吉林黑龍江馬隊於安徽陸路亦屬相宜儘俟行抵信陽再令折赴安



徽不特遷延時日卽供支亦多冗費著請爾經額陸應穀查明此項官兵應由何處改道赴皖卽知照琦善陳金綬飛飭各地方官迅卽籌備毋稍遲誤並著琦善陳金綬催令該官兵迅速馳赴皖省其前次帶往之火藥火箭著琦善分撥解交陳金綬軍營以便先期進剿應用

二十七日壬申張芾奏言臣於正月十六日抵省

欽定剿平粵匪方略卷三十六

七

聞賊船有竄入湖口擾及姑塘之說省城人心驚惶紛紛遷徙旋探得賊船現已東下收復九江府城人心略定臣等不敢因賊蹤稍遠輒行懈弛提臣向榮督兵追賊需用船隻甚多江省船隻不能遠涉江湖惟川廣貨船可以載兵乃自十月以來九江蕪湖二關風鶴頻警舟楫不通到者甚少現在極力搜羅僅得六十餘隻不

敷駕駛再四思維祇有用糧船一法已飭令到省之船赴姑塘聽用未到之船亦卽截留銀餉軍火等件亦飭臬司輝光宸等妥爲應付並委前任運司彭玉雯前往照料九江居民亦令該司督同已革九江府知府劉熾昌等善爲安撫奏入報

聞

欽定剿平粵匪方略卷三十六

八

同日陸建瀛奏言臣到省後據隨員卽選知府德林稟稱十六日由東流縣開船行至五里塔下見賊船擁重前來該守督率兵勇奮力齊上擊碎賊船三隻奪獲大礮六尊火藥四桶雖未大挫賊鋒亦足稍寒其膽臣查蕪湖上游八十里荻港地方僅派兵一千餘名攻剿實難得力當與福山鎮陳勝元安徽道惠徵再四商酌不



如撤赴蕪湖下之東西梁山將各路精兵分屯  
紮營多備火器上可以接應蕪湖下可以堵截  
江甯來路惟兵力不厚請調之直隸山東各兵  
亦無到信逆情緊急難再遲延祇有額懇

天恩迅飭向榮統帶重兵直赴江甯一路追勦使賊不  
敢東下並可與東西梁山水陸夾擊庶不至坐  
失機宜

聖學方略卷三十六

九

同日江甯將軍祥厚江南提督福珠洪阿江甯  
副都統霍隆武江甯布政使祁宿藻奏言江南  
民情浮動遇事風生既當嚴密設防必須處以  
鎮靜兩月以來修補城垣製備防守一切器具  
地方尚稱靜謐詎督臣陸建瀛因總兵恩長失  
利卽迴舟東下藉口江甯喫緊趕回布置沿途  
險要並不屯紮更將駛上師船一概撤回專守

水路之東西梁山而蕪湖陸路爲入江蘇之門  
戶亦均撤防於十八日夜半隻身抵省遂致閩  
城紳民驚擾紛紛遷徙經臣等函囑督臣陸建  
瀛趕統舟師仍赴上游迎擊乃督臣晏坐衙齋  
三日並無回信加之撫臣楊文定執意移紮鎮  
江擅出省城臣等勸阻挽留仍不顧而去民情  
加倍驚惶遷徙更多省城震動雖有駐紮旗兵  
奮勇爭先無如兵力太單賊船順流下竄朝發  
夕至守禦萬分緊迫惟有請

聖學方略卷三十六

十

飭向榮琦善陳金綬迅速統兵繞出賊前徑抵江甯協  
力堵剿以固省城根本均奏入

上命軍機大臣傳諭祥厚福珠洪阿霍隆武楊文定曰  
昨有旨令向榮馳赴江甯會籌防剿計日可到琦善  
陳金綬先後自信陽起程如由霍山六安取道不惟



可爲皖省救援亦可爲江甯接應惟師克在和近來  
統兵大員意見稍有齟齬公事卽任聽貽誤似此惡  
習相沿尙望其勦賊立功耶祥厚現署兩江總督責  
無旁貸應如何擇要布置督兵固守著會同福珠洪  
阿霍隆武督同鄒鳴鶴祁宿藻悉心籌畫金陵重地  
關繫非輕儻稍有疏虞恐難當此重咎鄒鳴鶴辦事  
尙屬幹練祥厚等與之籌辦一切必能盡心竭力不

聖學方略卷三十六

十一

負朕望楊文定旣已出守鎮江該處安危卽其專責  
若鎮江有警該撫再藉詞退守亦何面目對江東兵  
民乎此時祥厚等惟有和衷共濟力圖守禦東西梁  
山旣有防兵必當盡力堵截一俟向榮兵到合力攻  
勦庶可大挫賊鋒斷不可再存意見致誤事機知府  
德林在東流縣五里塔下督率官兵擊碎匪船奪獲  
礮械著祥厚查明具奏

上又命軍機大臣傳諭向榮曰江甯急望援兵著向榮

迅卽兼程趕赴與祥厚等和衷商辦所有陸建瀛撤  
回之師船火礮及所謂撥各水勇並著向榮沿途妥  
爲布置如蕪湖板子磯荻港及東西梁山等處各要  
隘如何扼守不令賊艘直達金陵該大臣卽相機辦  
理萬不可稍有疏虞需用糧米及庫項卽由該大臣  
知會祥厚等無論地方何款均准酌量動用並著飛

聖學方略卷三十六

十二

催陳金綬迅速馳赴安徽截擊遏賊下竄

上諭內閣曰陸建瀛經朕特授爲欽差大臣令其馳赴  
九江上游防堵乃遲之又久方抵九江未及調度周  
妥而賊艘已至一戰兵潰不知收合餘燼與向榮大  
軍合力夾擊並不知力守小孤山扼賊入皖之路又  
不親督官兵據守東西梁山爲金陵保障遽行折回  
江甯以致省城驚擾紛紛遷徙經祥厚等函囑仍赴



上游迎擊乃安坐督署三日並無回信當此危急之時同城文武竟不能面商防剿事宜巡撫楊文定遂藉詞防守鎮江卽行出省民情更增惶惑封疆大吏遇事張皇失措退縮自全均屬罪無可逭陸建瀛辜恩昧良厥罪尤重著卽拏問解交刑部治罪所有欽差關防著祥厚祇領並著兼署兩江總督楊文定著革職暫行留任卽責成與文藝在鎮江竭力防守並

聖朝方略卷三十六

十三

著與楊殿邦隔江聲勢聯絡於瓜州京口各港汊嚴密設防斷不准折回蘇州及無錫地方以致江口要隘稍有疏虞向榮大軍瞬卽東下陳金綬統帶勁旅亦卽可繞出安徽祥厚膺茲重任著卽率同在城文武紳民勦力同心嚴密防守並與向榮等內外夾擊務期力挫賊鋒以定人心而固疆圉

同日兵部侍郎銜前漕運總督周天爵奏言賊

踞長江窺我財賦之地其奸細徧地皆有琦善出示曉諭凡有荆楚人口音不對者概行禁止渡黃不遵者搜出奸細憑據許百姓擅殺由是奸匪無敢從河南過者李德又奏請嚴防黃河渡口以杜逆匪北竄可否

降旨卽著李德帶兵移紮曹州迤南劉家口等處豫爲

防備臣思皖省之北廬鳳穎毫自古爲江南屏

聖朝方略卷三十六

十四

蔽而正陽關尤爲廬鳳必爭之地又壽州財賦之鄉居淮河之中路爲全淮咽喉此時人心震動所有江北不法之徒易於從賊臣已函致撫臣蔣文慶帶兵北駐廬州近聞賊匪另股竄至汝甯信陽一帶已踞淮河上游臣當急赴正陽關以作豫備團練鄉勇一節應請

旨通飭山江皖豫四省連疆地方一體遵照宿遷團練



章程保護黃河境界以固屏藩而衛畿輔再查  
亳州永城交界地方各股捻匪臣已陸續招徠  
張鳳山等一千二百餘名該匪多犯劫殺重案  
當此防勦喫緊之時相應請

旨加恩寬其既往准臣帶赴前路該匪等情願效力贖  
罪不獨殺賊立功並免內地滋事臣一面起行  
沿途再為招募先行酌調文武員弁分別帶勇

聖學方略卷三十六

十五

速赴正陽關以資差遣奏八

上命軍機大臣傳諭周天爵曰覽奏統籌全局不為無  
見周天爵現已馳赴正陽關所有一切應行豫備之  
事既能胸有成算著即酌量情形扼要防守所稱廣  
招鄉勇赦其重罪一節現當軍務喫緊果有犯罪之  
人誠心改悔樂於效命亦不妨破格收用以冀得其  
死力惟究係權宜之計人數不可太多該侍郎既已

開誠布公自必能操縱得宜不滋流弊至所奏聞另  
股賊匪竄至汝甯信陽一帶琦善陸應毅等從未奏  
及恐係浮言搖惑著即查明迅速奏聞

上又命軍機大臣傳諭楊以增福濟李德陸應毅曰賊  
匪東竄已過九江難保無奸細渡河窺探朕聞琦善  
在豫查辦實為嚴密著楊以增福濟李德陸應毅分  
飭所屬各於黃河渡口實力盤查儻有奸細潛蹤即  
嚴行懲辦遇有緊急即將船隻收至北岸使無船可  
掠自難偷渡扼守黃河北省安危所繫楊以增等若  
稍分畛域朕必即以軍法嚴辦

聖學方略卷三十六

十六

上諭內閣曰周天爵在宿州附近地方招募壯勇張鳳  
山等一千二百餘名帶赴正陽防勦其中有身犯罪  
名者既知感悟力圖報效亦何不可赦其既往予以  
自新著即照所請將張鳳山等免罪收錄以備驅策



如能殺賊立功仍准酌量保奏此係朝廷破格施恩  
化莠爲良至意該侍郎其慎加選擇無負委任至宿  
遷團練章程著卽先行知照附近地方官做照籌辦

二十九日甲戌陸應穀奏言查琦善陳金綬已於

正月十九日由湖北一路前赴安徽計程數日

可抵皖省儘令折回霍邱取道六安轉覺迂遠

至豫省防剿官兵經臣先奏調山西兵三千名

勦平粵匪方略卷三十六

十七

山東兵一千名續經琦善奏調直隸兵六千名

陝甘兵六千名吉林黑龍江馬隊各二千名西

安駐防兵遵

旨調赴荆州後添調青州駐防兵一千名補數惟陝西

以防堵緊要扣留一千一百八十名實調兵一

萬八千八百餘名現據琦善來咨自行統帶八

千名陳金綬統帶四千名留豫之兵南陽屬直

隸陝西青州兵共二千名光州屬山西兵一千

三百餘名信陽一帶山東兵一千名山西兵一

千六百餘名共防兵五千九百餘名此時南陽

雖覺安靜而襄陽土匪根株未絕留兵二千尙

恐不足彈壓儘一經調撥難保土匪不乘機竊

發光州所屬有與安徽六安州接壤之處亦應

防賊匪回竄信陽有糧臺總局護送糧餉軍裝

勦平粵匪方略卷三十六

十八

往來均須兵力實無可以抽撥惟皖省緊急臣

於萬無可撥之中先就信陽抽撥山東兵一千

名令其馳赴軍營俟臣到南陽查看如果土匪

肅清卽再撥青州兵一千名趕赴皖省以資調

遣至吉林兵已半至信陽半入豫境自應由信

陽前進跟追琦善大營庶免歧誤黑龍江兵二

千名如尙未出京則由山東徑赴皖省甚爲捷



便且可備江南之用儻已起程來豫自當由歸  
陳一路赴皖其琦善陳金綬糧臺前經委署藩  
司鄭敦謹總司其事茲據琦善咨會又派開封  
府知府瑛桂陝州直隸州知州邱文藻馳往幫  
辦其餘委員隨時加派務期源源接濟不誤軍  
行奏入報

聞

聖朝方略卷三十六

十九

陸應穀又奏言現據探報賊匪大股已至小孤  
山距安慶甚近勢頗危急安慶城小濱江防守  
更難惟望向榮大兵追及可資兜剿賊匪既至  
安慶勢必順流而下直犯江甯江甯城垣空闊  
非厚積兵力不可淮揚兩府爲江北咽喉亦應  
豫爲設防臣擬請

皇上速派山東精兵馳赴瓜州口以爲聲援並請酌派

浙江精兵馳赴江甯以資厚集至近來各處援  
兵往往跟蹤追剿是以未能迅速滅賊卽今琦  
善陳金綬向榮後追之兵甚多迎擊之兵太少  
可否

飭令陳金綬統帶大兵繞出蕪湖扼守一可助安慶防  
剿之勢一可截賊匪東下之路似較得力

同日周天爵奏言臣行抵宿州據鳳陽府知府

聖朝方略卷三十六

二十

楊福祺稟報十七日安徽省城失守臣當卽飛  
飭前路廬鳳潁滁等府州縣速行招募防堵迅  
咨琦善帶兵遮護全淮並咨陸建瀛竭力守禦  
江省臣查賊自竄入長江連破楚皖兩省城如  
入無人之境儻任其猖獗東下必至清江徐州  
北竄乃提臣向榮不由江北直趨安慶遏賊於  
前而反統兵數萬迂道江南以致重兵處處落



後事已如此大兵北來亦恐緩不濟急惟一面  
出示黃河南北廣為團練招募以資捍衛 臣尤  
慮豐工堵築土夫雜入災民梟捻聚集數十萬  
設一旦伺釁而動則山江皖豫四省強悍之徒  
勢將裹脅而起所以招募團練者即所以收拾  
人心也 臣竊再為全局計武昌以下所有北調  
防兵賊到均皆潰散以致黃河兩岸守兵為之

聖學聖方略卷三十六

三

一空而山東直隸兩省戰兵均已徵調數千不  
能再撥亟應請

旨特簡親信重臣統帶大兵檄 臣琦善迅即克復安慶  
保守江淮以固河北並牽制逆船不能東犯江  
省更請

飭下山東江南安徽河南四省速行團練招募嚴防黃  
河上下要隘以杜逆匪北竄之路

周天爵又奏言據鳳陽府知府楊福祺稟稱接  
到舒城縣稟報省城於十七日失守現在尙有  
解省餉銀三十餘萬兩在定遠未發現以招集  
散兵截留此項為急務 臣竊意賊破安徽省定必  
北竄搶掠當即飛飭該處道府速解宿州發交  
徐州道庫以備收集散兵之用 臣先請固鎮紮  
營即親赴壽州六穎亳一帶勸捐然後重兵進

聖學聖方略卷三十六

三

偏不敢孟浪輕戰惟查皖省祇有壽春一鎮前  
經粵楚用兵徵調已空續又調赴省城防守現  
在鎮 臣恩長業已陣亡餘兵潰散皖江以北一  
千餘里竟無一兵一將 臣所帶勇僅止一千二  
百餘名以此進剿數萬強賊斷難制勝現在陸  
建瀛退守江省向榮按兵江南琦善奉

旨會同陳金綬帶兵進剿至今尙未到皖應請



飭琦善就近先帶大兵速來會剿否則皖省江北各郡

縣無可收拾卽河北亦必不能保矣均奏入

上命軍機大臣傳諭周天爵曰逆匪水陸紛竄九江安

慶相繼失守如入無人之境實堪髮指周天爵已署

巡撫江北一面責無旁貸著卽擇要布置並收集散

兵招募義勇以壯聲援琦善陳金綬均於十九日統

帶大兵起程赴皖該撫卽與會商進剿之策金陵一

欽定剿平粵匪方略卷三十六

三

帶兵單已令向榮直赴援應該署撫如聞江甯告警

仍應分兵赴援與向榮併力夾擊安慶糧餉軍裝是

否運往廬州其解省餉銀三十萬是否已解回徐州

萬不可稍有疏失安慶省城旣陷則小孤山必已失

事巡撫藩臬以下各員下落著一併查明迅奏所有

團練事宜仍遵旨認真辦理

上又命軍機大臣傳諭向榮祥厚楊殿邦楊文定文藝

日向榮抵九江後數日未見奏報朕心實深焦盼現

在安慶失守江甯防剿尤爲喫緊琦善陳金綬計可

到皖向榮著迅赴金陵沿途察看何處緊要卽行扼

險截擊儘江甯鎮江已被賊擾向榮卽督兵赴援萬

勿遲誤陸建瀛已有旨拏問楊文定革職留任仍飭

令在鎮江防守省垣城大兵單向榮務與祥厚等扼

要固守不可稍有疏虞至鎮江瓜州兩口爲南北咽喉

欽定剿平粵匪方略卷三十六

三

喉楊殿邦楊文定文藝等尤當竭力嚴防勿令居民

驚擾該處兵單已有旨令琦善酌撥精兵赴淮揚一

帶交楊殿邦調遣著卽飛調以資接應襄陽荊州調

撥各省官兵現在可以移調軍營者著向榮揀選精

銳酌量調用

上又命軍機大臣傳諭琦善陳金綬曰本日據周天爵

奏安慶省城失守覽奏憤懣之至琦善等如能及早



應援何至江北失事卽信陽兵未到之先令陳金綬酌帶官兵馳往亦何至緩不濟急若必待事事齊備按轡徐行亦安用汝等爲耶著琦善陳金綬趕緊督兵與周天爵扼要攻勦儻任賊匪再有蔓延朕惟統兵大臣是問逆匪竄入安慶勢必順流而下直逼江甯該處城大兵單勢甚危急且鎮江瓜州江口爲南北咽喉設有疏虞江北一帶藩籬亦難自固琦善陳金綬統帶精兵萬餘所謂吉林黑龍江馬隊不日亦可到齊大軍雲集江北前在黃陂駐紮之陝西兵一千七百餘名總兵吉順想亦管帶赴皖兵力不爲不厚如賊陷安慶後知我北路有備江南空虛勢必急圍金陵圖占江口朕所以命向榮徑赴江甯援應正爲統籌全局不徒以保守江淮了事琦善陳金綬察看情形必須分兵渡江應援斷不可坐視不救至瓜

聖學聖方略卷三十六

三

州江口乃北路最要門戶亦應於所帶官兵內酌撥防守交楊殿邦調遣與安慶互爲聲援賊勢狃固應慎重相機以鼓衆軍銳氣亦不得以有用之兵置之無用之地若能調度得宜痛加勦洗大挫兇鋒庶可轉危爲安保全大局切勿堅執己見貽誤事機

上諭內閣曰蔣文慶於本月十七日尙在安慶發報奏事茲據周天爵奏稱據鳳陽府及舒城縣稟報安慶省城卽於十七日失守省城重地何以一日之間遽被賊匪攻陷是否該撫蔣文慶及藩司以下文武各員先期退避抑帶兵守城力竭殉難著周天爵迅速查明分晰馳奏安徽巡撫卽著周天爵署理現在賊勢紛竄南北靡定向榮琦善陳金綬著遵照疊次諭旨與周天爵擇要攻勦琦善等赴援已遲若再坐擁重兵遷延觀望朕亦惟有執法從事決不寬宥

聖學聖方略卷三十六

三



上又諭內閣曰前有旨令內閣學士許乃釗馳赴陸建瀛軍營聽候差委現在江甯防剿緊要許乃釗著卽迅赴江南幫同該督撫辦理防剿事宜

三十日乙亥琦善奏言臣奉

旨星馳進剿何敢藉詞耽延實緣豫省州縣積疲自鄭州以南節節無車兵丁猶可步行而鑼鍋帳房鉛丸火藥火繩勢不能悉行背負蒙

聖恩方略卷三十六

三

恩賞發火藥二萬斤火箭二千枝亦因無騾馱載僅帶火藥二千二百斤火箭四百零八枝其餘仍存信陽糧臺他如管帶吉林頭起官兵之都統德蒙額迄今未到聞亦等候馱騾且工部頒發火藥鉛丸火繩亦堆積信陽無騾馱載其自信陽以南不通車道早經臣行令多雇馱騾據省中司道稟稱已派各屬共雇六千頭而解到者僅

止四百六十餘頭不及十分之一募夫扛運又恐用人過多必致洩漏軍情現在提臣陳金綬已帶兵馳往安徽應援在後之提屬八溝營兵二百名亦經趕到臣飭迅速趕迎直隸提標兵二千名均歸陳金綬統帶庶兵將相習冀其得力通計陳金綬共帶兵四千名火藥則以騾頭不敷馱載每名僅佩帶三百出其餘皆寄存應

聖恩方略卷三十六

三

山縣隨後運送臣亦於二十六日拔營前進僅帶兵一千八百餘名除守護營盤外計打仗兵尙不足一千名鉛彈火藥等件亦須隨後運送其餘仍在信陽守候騾頭恐大名鎮兵一千名行抵信陽亦尙須守候攻剿無具臣實萬分焦急已飛咨河南撫臣暨催軍需總局信陽糧臺各司道將後起官兵及鉛彈火藥等項要需加



緊提催前進仍隨時源源護送接濟奏入

上諭曰迅速前往猶堪補救募夫多不可靠須用騾馱載騾夫豈盡屬可靠耶再德蒙額現已馳到以後續到者凡御前乾清門侍衛接仗時何人出力何人退縮隨時具奏好者不必候旨卽行保奏庶可鼓勵慚者從嚴叅辦朕知汝不若賽尙阿之事事從寬也

上命軍機大臣傳諭琦善陸應穀曰前經疊降嚴旨令

御學方略卷三十六

三

琦善馳往安徽援救乃自正月二十一日在湖北應山東旺鎮奏事至二十五日尙在該處等候馱騾昨已據周天爵奏報安慶失守轉瞬賊艘東駛江甯省城危在旦夕該大臣坐擁重兵逍遙楚豫之間必俟馱騾到齊豈不貽誤且騾頭不足勢不能不配用夫扛所有帶兵大小官員本當沿途隨時稽察亦何至募夫過多卽虞洩漏况馱騾六千頭卽須騾夫數千

人此數千人豈盡屬可靠耶河南非產騾之地卽向民間雇用亦豈能驟得六千頭之多春時工作方興田間需騾孔亟若抑勒供應勢必合省滋擾又豈用兵衛民之意乎該大臣明知其故而責以萬不能行之事以爲他日貽誤藉口地步是何居心朕因琦善久任封疆才具優長故畀以重任若不知感恩圖報巧爲趨避是真無天良矣著卽將解到騾頭先行裝

御學方略卷三十六

三

載一切迅速兼程前進其餘配用夫扛一同前往所有募夫及騾夫沿途行走卽飭令帶兵官隨時隨地嚴行查察並著陸應穀檄飭該司道仍行嚴催續到騾頭與續雇人夫將所存信陽糧臺之火藥火箭等項飛速解赴陳金綬軍營以應急需毋再遲誤

上又命軍機大臣傳諭陳金綬曰前經疊降諭旨令陳金綬催督官兵迅赴安徽並令其將軍情專摺具奏



昨據周天爵馳報安慶失守復諭令琦善等迅速赴  
援總以保衛江淮爲要乃據琦善奏稱大軍仍在應  
山因騾馱未齊不能前進而該提督自十九日信陽  
起程後旬日以來未見奏報究竟行抵何處大江南  
北望援甚急若專俟騾馱備齊再行前進豈不貽誤  
事機已諭令琦善陸應穀無論騾頭夫扛但使軍裝  
運送有資卽當趕緊催令前進現在黑龍江官兵已

欽定剿平粵匪方略卷三十六

三

由涿州大道徑赴安徽吉林官兵亦經諭令陸應穀  
酌量改道前進著陳金綬與勝保遵照前旨兼程前  
赴皖省何處緊急卽行扼要攻剿琦善所帶火藥火  
箭尙在大營該提督旣爲前隊豈可無此利器前已  
諭琦善解往備用著該提督卽行飛調毋再遷延干  
咎

同日掌山東道監察御史彭慶鍾奏言臣伏念

守土要務首在於固民心聞逆賊在長沙時岳  
州已移徙一空黃州九江一帶俱未見賊先行  
逃竄今安慶金陵各處又皆移徙一空民心不  
固卽遇賢有司效死弗去將誰與守然而百姓  
逃竄嚴禁之則愈加惶惑必有他虞是在地方  
官剴切曉諭使知逃竄無益庶可爲自守之謀  
然必使之實有所恃乃能無恐民志旣立斯民

欽定剿平粵匪方略卷三十六

三

氣自奮此堅壁清野之法爲今日之急務也  
同日翰林院編修何桂珍奏言臣竊觀賊勢去  
住無常不過志在擄掠然三年防剿竟至數省  
蔓延調兵雖多毫無實用將帥以遷延貽誤疆  
吏亦觀望偷安軍法旣有所不行帑項又有所  
難濟爲今之計惟有責成疆吏專辦團練尙可  
以安定人心應請



旨分飭各省督撫專心籌辦實力舉行兼派鄉紳會同籌辦妥議章程次第布置庶各省自固藩籬民無所用其遷避賊無所施其擄掠不必老師糜餉可以漸次蕩平則天下幸甚均奏入

諭內閣曰前有旨諭令各直省倣照嘉慶年間堅壁清野之法辦理團練以資保衛復令武英殿刊刻明亮德楞泰築堡禦賊疏龔景瀚堅壁清野議及示諭

聖訓方略卷二十六



條款頒發通行乘其未至設法自固近來被賊各郡縣本境已受其蹂躪毗連各鄰境一聞警急輒紛紛思避甚至移徙一空委城於賊糧餉軍裝盡被擄掠藉寇兵而齎盜糧深堪痛恨總因地方官素無布置未能固結民心遂至臨事蒼黃束手無策因思民間守望相助保衛鄉閭不特被賊地方急宜籌辦即距賊較遠亦應思患豫防惟專責守土之員不免胥吏

假手流弊滋多各省公正紳耆既於地方情形熟悉而人望所繫呼應尤靈前已有旨令侍郎呂賢基馳赴皖省辦理團練自必與在籍紳士悉心妥籌其江蘇一省即著在籍之前任左都御史沈岐閩浙總督季芝昌吏部侍郎侯桐左副都御史程庭桂宗人府府丞溫葆深江西巡撫錢寶琛湖南藩司王藻浙江藩司汪本銓等會同地方官邀集眾紳士酌辦團練

聖訓方略卷二十六



事宜此外各省在籍紳士著在京各部院堂官及翰詹科道各舉所知總期通曉事體居心公正素繫人望者責成倡辦自必經理得宜輿情允協當此賊氛未靖時勢孔艱該紳士等身受厚恩應如何自固里閭為敵讎同仇之計所有勸諭捐資浚濠築寨各事總宜就地方情形妥為布置一切經費不得令官吏經手如果辦有成效即由該督撫隨時奏請獎勵以

一第... 册... 日... 書... 第... 以... 反... 文... 句...



副朕爲民除害救靖疆圉之至意

禦粵匪方略卷二十六

三

欽定勦平粵匪方略卷二十七 癸丑年

二月初一日丙子李德奏言臣查曹州府屬之曹

單二縣南與豫省接壤以黃河爲界臣由曹縣

親歷河隄上下游詳細履勘各處河面雖寬狹

不等要皆橫流洶湧實爲天塹賊匪由豫入東

非有渡船兼素習操船之人斷不能投輟徑渡

詢諸土人平時來往商船爲數甚少兩縣濱河

禦粵匪方略卷二十七

一

地勢綿亙二百數十里各有大小渡口而喫緊

在曹縣之劉家口爲豫東兩省必由之津次則

單縣之董家口亦有附近商民私相濟渡臣已

飭將各處大小渡口船隻歸併劉家口董家口

二處不准別口私渡並於該處遴派文武員弁

帶兵常川駐紮日夜巡查設遇賊蹤漸近則將

渡船並外來商船盡收北岸以兵扼守要津至



曹屬西與直隸大名府屬開州東明長垣等州縣毗連東與江南豐沛銅山等縣接壤經臣派委候補道劉慶凱等於曹單等處將稽查私渡搜捕土匪之事就近督辦並與曹州鎮臣三星保挑選精兵一千名聽候應用仍令該鎮不時親赴邊界督查其兗沂兩府與江省接壤地在黃河以北同江省之豐沛邳宿各處皆屬平川

聖恩匪方略卷二十七

二

無險可扼江省如能於淮徐兩府濱臨大河南北兩岸各州縣將私渡歸併大渡派員認真稽查不使土匪往來偷渡勾結則兩省藩籬自固東省兗沂兩府現在情形惟有嚴搜土匪安戢流民使內患不則外患自可設法堵禦該二府距省亦遠臣派兗沂曹濟道厲恩官駐紮於嶧滕蘭邳四縣適中之處往來稽查一切撫恤

災黎防緝匪犯均責成該道認真督辦並商兗州鎮臣百勝挑選精銳弁兵以備不虞兗曹二鎮現存之兵散在各營汛地實形單弱臣前已飭蘭邳兩縣雇募壯勇六百名茲查荷澤曹單嶧滕均屬要地應請與蘭邳等縣各雇募壯勇三百名隨營團練所需口糧經費仰懇

聖恩匪方略卷二十七

三

聖恩俯准作正開銷議定章程刊發各屬認真辦理奏

八

上命軍機大臣傳諭李德曰曹郡河隄飭將各渡口船隻歸併曹縣之劉家口單縣董家口二處不准別口私渡其兗沂兩府派厲恩官駐紮要地認真查辦並令總兵百勝帶兵嚴防籌辦均屬妥協現在逆匪竄擾安徽一帶山東防堵緊要李德仍須出省前往扼要處所擇地駐紮庶鎮道有所稟承防守愈形嚴密



至所請雇募壯勇勸諭團練均著認真辦理

上又命軍機大臣傳諭楊殿邦楊以增曰兗沂兩府與  
江省接壤豐沛邳宿等處皆屬平川無險可扼淮徐  
兩府濱臨大河南北兩岸緊要渡口必須一律防範  
著楊殿邦楊以增飭令該州縣將私渡歸併大渡非  
有官票不准偷渡兩省合力嚴查毋任土匪往來勾  
結現在逆匪已陷安慶省城江北情形緊急淮揚尤

欽定剿平粵匪方略卷二十七

四

為喫重且豐工不日合龍遣散夫役被難窮民均宜  
設法彈壓該督等務宜遴派幹員認真妥辦南防江  
口北扼黃河毋令奸匪涵跡

同日駱秉章奏言武漢兩府在城守土文武各  
官多已殉難內訪查確實尋獲屍身者如前撫  
臣常大瀆學臣馮培元按察使瑞元漢黃德道  
王壽同丁憂鹽法道王東槐武昌府知府明善

武黃同知周祖銜署江夏縣知縣繡麟均據各

親屬家丁認明已妥為棺殮惟前布政使梁星  
源署鹽法道候補道林恩熙漢陽府知府董振  
鐸各屍身徧尋無獲訪得該故員等被害甚烈  
實為可慘臣已飭屬再行多方查認此外殉難  
文武各員尙多並有闔門捐軀遇害者容逐一  
查明妥為料理奏八

欽定剿平粵匪方略卷二十七

五

上諭內閣曰駱秉章奏查明武昌漢陽殉難官員等語  
湖北學政光祿寺卿馮培元著追贈侍郎銜卽照侍  
郎例賜卹應得卹典該衙門察例具奏湖北布政使  
梁星源按察使瑞元漢黃德道王壽同丁憂鹽法道  
王東槐署鹽法道候補道林恩熙武昌府知府明善  
漢陽府知府董振鐸武黃同知周祖銜署江夏縣知  
縣繡麟著各按官階均加一等賜卹常大瀆馮培元



梁星源以下各官均著於各該地方建立專祠以慰忠魂其有闔門殉節之家屬幕友著該督撫查明奏請附祀此外殉難文員及武職大小員弁著該督撫迅速詳查具奏候朕優加恩卹

同日張亮基奏言臣行抵湖北省城查武漢兩府自粵逆攻陷後流寓土著各紳民商賈或全家遇害或男婦被擄屍骸徧地慘痛難言城內

勦平粵匪方略卷三十七

六

房屋燒燬殆盡臣現與署撫臣商辦撫綏各事宜如修補城垣收殮骸骨撫恤難民安置流亡嚴治土匪並查明殉難文武官紳士民婦女及失守地方文武下落卽次第趕緊辦理以慰

宸廑奏八

上諭內閣曰賊匪竄擾武昌攻圍而月官紳士民嬰城固守迨至城陷之後慘遭焚掠深堪憫惻著張亮基

略秉章將現在存城老幼男婦並被擄逃回各丁壯加意撫恤一面掩埋屍骨安集流亡招致商民嚴懲土匪毋令一夫失所漢陽收復之後蹂躪凋殘亦與省城大略相似其應派員前往撫綏之處著該署督撫妥為籌辦

初二日丁丑祥厚陸建瀛霍隆武福珠洪阿奏言臣陸建瀛馳赴安徽太平府在東西梁山察看

勦平粵匪方略卷三十七

七

情形太平府為由安徽入江甯省城東路飭該署府潘鈞基召募鄉勇一千名備防由采石磯而進江甯鎮為江甯省城門戶飭江甯府魏亨達等亦募鄉勇一千名備防龍江關安水勇五百名上河安商勇一千二百名布置已定仍回省城會辦防務詎本月二十五日三更後賊船在太平府四合山順流而下二十六日辰刻福



山鎮總兵陳勝元督飭官弁兵勇分駕艇船迎敵打沈逆船三隻餘匪隨退追至蕪湖見逆船蔽江而下兩岸均有匪黨由陸路前進各船開礮攻擊打沈逆船二十餘隻逆匪沈斃者不計其數兩岸匪黨亦被礮擊傷無算攻至酉刻天晚風息不能前進乃該逆於戌刻乘流復下我兵攻擊多時陳勝元中礮落水殞命江甯省城

欽定剿平粵匪方略卷三十七

八

喫重防守最爲緊要現在旗綠各兵合計不過五千名而所謂外營及山東兵丁均無來信臣陸建瀛前募之勇亦未到齊惟有額懇

天恩俯念省城要地南北咽喉東南財賦之區重大過於他省迅飭向榮琦善陳金綬等飛速馳赴江甯以保危城惟江甯省城周圍九十餘里防守尤難現在兵力旣單臣等不敢拘泥原奏總以

登陣固守爲要俟向榮等兵到後再行分布城內外儘力攻剿奏入

上命軍機大臣傳諭祥厚福珠洪阿霍隆武曰逆船已至蕪湖一帶勢甚猖獗東西梁山去蕪湖甚近該處設有重兵水陸兼防著祥厚督飭在事將弁竭力堵禦如迎剿得手卽一面續派水陸兵勇前往接應向榮如已馳抵梁山著卽會同協力抵禦力遏其下竄

欽定剿平粵匪方略卷三十七

九

之路江甯省城旗營綠營各兵紳民團練此時若協力同心衆志成城亦可禦災捍患著卽傳旨曉諭務當嬰城固守嚴查奸細以待外援向榮統帶大兵馳抵省垣則聲勢更壯人心益固祥厚等卽當督同城內紳民兵勇及城外駐紮各兵堵剿兼施殄此醜類如此時向榮尙未趕到或前途文報阻隔著將此旨選派健壯繞道馳遞向榮軍營迅催赴援



上又命軍機大臣傳諭向榮曰賊船由太平府四合山順流而下福山鎮總兵陳勝元中礮落水殞命現在江甯省城十分喫緊合計放綠各營兵丁不過五千名而所謂外營及山東營兵並前募之勇均未到齊難資守禦該大臣當速赴江甯督率鎮將極力防勦勿稍遲延

上又命軍機大臣傳諭楊以增福濟陸應穀曰現在逆

勦平粵匪方略卷二十七

十

勦平粵匪方略卷二十七

十一

匪竄入安慶被難窮民紛紛逃避難保無奸匪潛跡其中希圖渡黃北竄東南兩河緊要各渡口必應一體防範稽查著楊以增福濟陸應穀飛飭所屬將各處渡口歸併大渡非有官票不准私渡並委幹員前往協同該管各官實力巡查遇有南來難民妥為曉諭毋令渡河均於南岸安插撫恤或由該地方官資遣回籍如查有奸宄潛瀆卽嚴拏懲辦此事最關緊

要萬勿稍存大意

上諭內閣曰逆賊船隻由太平府四合山順流而下福山鎮總兵陳勝元等帶領兵勇迎勦擊沈逆船三隻餘匪隨退官兵追至蕪湖逆船蔽江而下兩岸均有匪黨由陸路前進各船開礮擊沈逆船二十餘隻沈斃逆匪不計其數兩岸匪黨亦被礮傷逆船乘流復下陳勝元中礮落水殞命陳勝元著加恩追贈提督銜卽照提督陣亡例賜卹以慰忠魂傷亡水勇一併查明咨部議卹

同日周天爵奏言查賊現破安慶廬州鳳陽必不能守臣一面札飭廬鳳穎道奎綬將庫儲一切款項胥解宿州陸續搬運徐州備北來大兵之用臣料逆賊竊踞江甯必以鳳廬爲屏障正陽關臨淮關二處必有賊兵埋伏此時此勢實



關天下安危凡有自北省調到之兵臣皆截留以備防剿之用又江北既用東三省兵由中路進剿江南急須調生力軍由水陸兩路夾攻臣查廣東兵勇皆大可用相應請

旨飭下兩廣總督速選水陸兵各一千名外募義勇各二千名一起渡嶺由江西鄱陽入大江截其歸路一起航海入江駐紮圖山鵝鼻嘴一帶截賊

欽定剿平粵匪方略卷三十七

十三

前路即令水師提臣洪名香等管帶前來首尾夾擊而我東省大兵直出中路不難轉危爲安更請

飭江西湖南廣東督撫臣等採辦毒藥物料三十萬斤歸臣製造備用奏入

上命軍機大臣傳諭周天爵曰逆匪攻陷安慶其北路盧鳳一帶最關緊要陳金綬統帶大兵前往此時計

已馳入皖境即著該撫遣人迎催扼要駐紮與現在所集兵勇會合一處力堵逆匪北竄之路並知照琦善趕緊督兵前來接應仍密爲訪查如琦善有故意逗留情事即行據實奏聞東三省官兵素稱勁旅若調度有方必可得力其吉林官兵已由河南前赴安徽黑龍江官兵現令改道由山東徑赴安徽一帶路途更爲便捷此項官兵即著該撫先行酌量扼要地方妥爲布置不可以有用之兵置之無用之地盧鳳道庫現存銀兩若干此時是否業已運至徐州萬不可有疏失江甯城大兵單待援甚急且係東南最要省會若能保全於大局極有關繫如賊匪全力直撲江甯陳金綬之兵仍須渡江援應不可置江南於不顧也

欽定剿平粵匪方略卷三十七

十三

上又命軍機大臣傳諭葉名琛柏貴曰逆匪連檣東下



安徽省城失守其下游江甯一帶尤形喫重著葉名琛柏貴卽選派水陸精兵二三千名或由江西鄱陽湖入江或由海道入江並著派大員管帶迅速前赴江南以助攻剿並著派員採辦毒藥物料堪備火攻之用者迅解安徽交周天爵備用

上諭內閣曰周天爵著補授安徽巡撫所有現在應行防剿撫綏及地方一切事宜著該撫盡心籌畫無誤

聖朝聖方略卷二十七

十四

事機

同日翰林院侍讀學士宋晉奏言賊匪水陸南下皖江失守東南大局幾不可問向榮統帶大兵繞道行走不知能否趕出賊先而後路無跟追勁旅亦難收合剿之功因思新授壽春鎮總兵鄧紹良前在湖南守城時極著聲威又新授湖北臬司江忠源謀勇兼裕屢有戰功聞所帶

兵勇均爲得力應請

旨令鄧紹良江忠源幫辦軍務卽令鄧紹良仍帶鎮守之兵江忠源仍帶舊部兵勇迅速覓船順流東下緊躡賊蹤與向榮前後合剿庶冀賊氛迅掃東南一帶不致蔓延奏入

上諭內閣曰新授湖北按察使江忠源壽春鎮總兵鄧紹良著各帶親信兵練速赴江南向榮軍營聽候調遣

聖朝聖方略卷二十七

十五

遣

同日

上諭內閣曰太常寺少卿雷以誠翰林院侍講學士晉康著前往南河會同楊以增巡查黃河口岸詹事府少詹事王履謙著前往東河會同福濟巡查黃河口岸山東沿河各岸業經巡撫李德派員查辦其河南一帶並著陸應穀會同稽查無稍疏懈



初三日戊寅詳厚霍隆武奏言江甯省城周圍九

十六里旗營甲兵閒散三千九百餘名經霍隆武帶領旗兵一千名福珠洪阿及總兵程三光各帶兵一千名駐紮城外互爲犄角之勢省標綠營兵丁無多前調山東兵二千名尙未接到起程日期城內兵力太單經督臣陸建瀛商同臣等將福珠洪阿帶領本標兵二百名進城協

聖學方略卷三十七

十六

防霍隆武亦撤回城內除派旗兵二千三百名分守城上及添撥龍廣山扼要防守外下餘旗兵於城內適中地方分紮三營以備何城有警卽行策應刻下賊氛逼近城大兵單防禦萬分危迫惟有仰懇

天恩迅催向榮琦善陳金綬兼程抵甯協勦並請飭下李德飛催前調山東官兵趕緊星馳來甯以資協

勦

同日楊文定文藝奏言臣楊文定因鎮江辦防未能妥速奏明於二十一日馳往督辦於二十三日抵鎮江城內外遷徙一空隨與臣文藝晤商城內有旗兵一千三百名城守營兵三百名京口協師船十隻又調到協標河標等營兵各五百名至設礮防險修城置械以及一切守禦

聖學方略卷三十七

十七

之具詢之府縣僉以蘇藩司撥銀未到無從措辦臣楊文定先經奏明截留丹陽漕糧解鎮濟用一面札飭蘇藩司催令解銀委員兼程趨行臣等隨時登城周歷履勘見西南東三面羣山環繞北面濱江近城處又有北固山峙其上是城內宛如釜底防守實難再三斟酌惟有守險之一法當商同派撥協領管帶旗兵五百名於



北固山據守京口師船於金山下排列山上派  
京口標兵五百名設防金雞嶺先派鎮江營兵  
三百名前往俟河標等營官兵五百名到齊卽  
令赴金雞嶺更換城守兵三百名回城守禦以  
資熟手現在仍委員前赴各沙洲招募洲民前  
來城內協守儘能練集千餘人亦略備防守之  
用統由臣文藝酌量調派惟晝夜輪替挑補游

聖學聖方略卷二十七

十六

兵此數斷不足恃然實已無可再增惟求

皇上嚴飭帶兵各大臣繞前迎擊勿使順流而東再蕪  
湖爲江蘇全省水陸總隘東壩乃入蘇捷徑並  
形喫重蕪湖屏蔽旣撤東壩必須添設重防第  
無兵可增臣楊文定擬卽親往相度是否有要  
隘可守並飭令委員雇募糧船水手前往堵禦  
容俟勘明再行具陳均奏入

上命軍機大臣傳諭祥厚福珠洪阿霍隆武文藝楊殿  
邦楊文定曰逆船連檣東下江甯防堵十分喫緊各  
路援兵計日均可趕到該大臣等務須激勵弁兵及  
圍城紳民竭力固守以待救援楊文定旣退赴鎮江  
今又以東壩爲入蘇捷徑復擬親往堵禦東壩地方  
原亦緊要該撫統轄全省何處喫緊卽在何處設法  
堵截朕亦不爲遙制儘但謀退守任賊闖入以致民

聖學聖方略卷二十七

十九

遭荼毒惟執法從事決不姑寬現在逆船蔽江而下  
輜重均在船中著祥厚楊殿邦楊文定文藝及該省  
藩臬以下各員趕緊出示曉諭本地紳民團勇人等  
有能搶獲賊船者除軍器火藥繳官外所有船上貨  
財貨物盡行賞給搶獲之人以示獎勵其有雇覓船  
隻焚燒賊船及搶斃長髮頭目者該大臣等卽行奏  
請破格施恩俾人人感奮賊燄自消



同日向榮奏言逆匪竄越九江順流直下臣於十四日紮營九江城外既因無船不能渡江又因兵勇疲乏過甚延至二十日外方先後到齊因與各鎮將籌商分由水陸追剿直躡賊蹤當經飛咨撫臣張芾由南昌省河趕緊雇覓大船數百隻如不足數將回空糧船百隻即日放下九江分撥大兵六成先行渡江從陸路趕緊追

欽定剿平粵匪方略卷二十七

三

襲臣一俟船到即親督全隊兼程前進庶可水陸兜擊竊意逆匪下竄不特安慶萬分喫緊江南亦全省震動若下游能扼險攔截追軍一到即可會剿以遏賊鋒逆匪銀糧輜重盡在船中該逆斷不肯棄舟從陸我兵非戰船不能痛加懲創昨聞上海泊有火輪船上海道吳健彰於海上情形最爲熟習現已飛札該道配齊拖罟

三板等項戰船督赴江南聽候調遣又聞温州洋面有頭嶼船及拖罟大爬等項均屬船堅礮利但未識船有若干礮勇多寡臣已飛飭温州鎮總兵查明前項船隻委水師得力大員統帶前往江南會剿一面飛咨督臣陸建瀛及閩浙總督浙江提督查明二項戰船飛飭妥速辦理以期水面攻剿得力其逆船過多宜於火攻四

欽定剿平粵匪方略卷二十七

三

川富順縣所產井油點燃入水不滅燒船尤爲神物並川省所造鐵火箭亦爲軍前利器臣飛咨四川督臣迅速酌量解運來營以資利用至軍營官兵較多於一切籌備軍餉軍火派隊打仗稽覈功過均屬最要之事臣雖竭力籌辦究恐耳目難周茲查綏靖鎮總兵和春涼州鎮總兵馬龍隨臣軍營日久於緩急情形尙能曉然



現派該總兵等充當行營翼長期收指臂之助  
又查潮勇一項曠悍不馴現在隨營之潮勇二  
起共二千四百餘名業已陸續隨到九江臣現  
咨商撫臣張芾於江西州縣丞俸中無論實任  
候補如籍隸潮州者速派數員來營分起管領  
設法遣撤一面收回器械一面酌給路費俟委  
員到時責成管束能撤至廣東交界地方或可

聖朝方略卷三十七

三

不致復來其捷勇提標五項壯勇內有未能得  
力者現飭帶勇各員極力挑選將怯弱者概行  
撤去庶勇歸實用餉不虛糜其陸路追擊之兵  
業已渡江前進臣俟催到船米餉銀即趕緊督  
兵進發相機勦捕  
向榮又奏言查逆船東竄臣督兵追擊途中諜  
報並無賊用木簞堆塚之事惟賊船有二千餘

隻之多在武昌省城得大礮二百數十位其由  
岳州下巢湖九江所得之礮自亦不少是該逆  
船礮俱多此刻勦捕非用戰船不能挫其兇鋒  
故臣於浙江温州江蘇上海等處調集水師戰  
船俾得水陸夾攻殲茲醜類臣即日督兵馳往  
前途再行相機籌辦奏入

上命軍機大臣傳諭向榮曰江甯望援甚急疊經降旨

聖朝方略卷三十七

三

令向榮統帶大兵兼程馳赴江甯會合夾擊何以二  
十六日該大臣尙在九江張芾屨船六十餘隻並借  
用糧船載兵渡江諒早已駛到九江著該大臣即統  
帶大隊精兵揚帆東下迅抵江甯相機進勦潮勇爲  
害地方實堪痛恨應如何分作數起設法遣散或相  
機懲辦儘可便宜行事毋致養癰貽患刻下軍情緊  
急江甯省城關繫東南大局總期迅赴江南與將軍



祥厚勳力同心滅茲醜類此時安徽一帶琦善陳金  
綬之兵計可先後趕到惟江甯鎮江等處專待向榮  
一軍赴援萬不可遲誤致失事機

上又命軍機大臣傳諭張芾曰逆匪竄入安徽省城賊  
船數百隻順流而下江甯情形緊急向榮駐紮九江  
需船甚急前奏雇船六十隻並借糧船應用想已催  
趨前進無誤事機向榮所帶潮勇沿途滋擾現已咨

欽定剿平粵匪方略卷二十七

三十四

商該撫派員來營管領遣撤並著設法妥速辦理免  
致別滋事端

同日陸應穀奏言安徽省城失守永城與安徽  
亳州江南碭山毗連距皖省不過數十里賊匪  
既至安慶防禦不可稍疏 臣前派護河北鎮崇  
安管帶之兵一千名尙可挪移 臣已飛札往調  
令其星夜趕至永城擇要駐紮並派開歸道林

聞

揚祖先行馳往查看布置 臣現抵南陽先將土  
匪事宜趕緊辦理完竣迅即馳赴歸德一帶查  
看如果賊情緊急再行調兵堵截奏入報

初四日 臣楊殿邦奏言 臣於本月二十五日馳  
抵瓜州江口派令各弁兵同瓜州汛兵在大小  
兩口扼要防守京口爲蘇常咽喉亦關緊要正

欽定剿平粵匪方略卷二十七

三十五

擬渡江與文藝會商布置准江蘇撫 臣楊文定  
來咨知陸建瀛退保江甯省城楊文定亦由省  
移紮鎮江 臣思瓜揚一帶水陸兩路防不勝防  
京口與瓜州雖祇隔一江而南北相距四五十  
里設有緩急勢難兼顧現有撫 臣駐紮籌防 臣  
即日渡江與都統撫 臣會商後即當馳回瓜揚  
專力防守北岸彼此聲援較爲周密 臣嘗親赴



瓜州上游之儀徵縣水陸各處查看類皆平行  
散漫無險可扼籌辦防堵較之安慶江甯鎮江  
各處尤非易易全在上游防剿得力方無貽誤  
現雖委員招募壯勇團練糧船水手並雇募廣  
艇水摸以便分守水陸各口而經費不敷一時  
未能齊備況地方遠闊兵力甚單若不添調精  
兵斷不足以資捍禦相應請

聖學聖方略卷三十七

天

三

旨飭下浙江福建山東各撫臣迅速各調精兵二千名  
派鎮將大員統領管帶兼程馳赴瓜儀容臣擇  
要派防並請

飭下江南提臣暨福山鎮臣飛調水師營兵一千名由  
各營將弁帶同三板船隻配足礮械駛至瓜儀  
江面巡防俾得水陸兼防與鎮江互為犄角庶  
不致有疏虞

楊殿邦又奏言臣查徐州鎮標弁兵保奉  
聖謨指示調撥現在徐州地方尚稱安謐自應趕緊挑  
選飭令迅赴防所況逆匪分竄東下瓜揚為南  
北咽喉重地較之上游各處尤為喫緊臣日盼  
所謂各兵趕到以資捍禦乃該鎮道竟以巡緝  
地方為詞抗不發兵實屬不知緩急相應請

聖學聖方略卷三十七

毛

三

旨飭下南河督臣徐州鎮臣迅挑弁兵二百四十名飭  
令兼程馳赴瓜州聽候派防奏入

上命軍機大臣傳諭楊殿邦揚以增楊文定曰江甯勢  
甚危急下游瓜州京口為南北咽喉均極喫重楊殿  
邦既已馳抵瓜州必須扼要設防方為嚴密山東為  
京師屏藩節據李德奏稱該省官兵不能再行調撥  
此時防守河口需用孔殷惟安徽省前調浙江山東  
官兵尙有在途未到者即著楊殿邦楊文定查明催



調前赴揚州之儀徵瓜州各口與陸路上游各要隘  
迅爲布置防守並據李德奏挑兵二千名限正月二  
十一日以後起程前赴江甯著該漕督巡撫酌量緩  
急如江甯省城向榮大兵已到即可將此項兵丁調  
至江口上下以備防剿豐工現已合龍著楊以增飭  
令徐州鎮迅卽揀調該標得力官兵五百名前赴瓜  
州江口交楊殿邦撥用毋稍遲誤其江西撤回之漕

欽定剿平粵匪方略卷二十七

天

標兵四百名亦可調用楊文定已赴東壩所有鎮江  
防守事宜仍著楊殿邦與文藝熟籌兼顧和衷商辦  
務與楊文定聯絡一氣互相策應江甯省城由句容  
至丹陽可以越過鎮江而蕪湖東至高淳由東壩經  
溧陽宜興又係入蘇之路該逆詭計百出尤須豫爲  
密防該撫親往東壩相度有無險要可守著妥速察  
覈地方形勢卽行辦理至福山鎮水師營兵是否尙

敷徵調仍著該漕督等酌量妥辦所有上海商船會  
否由該道吳健彰雇募由海入江以資攻剿其沿海  
港汊商漁船隻及崇明寶山烏船尤須及早收用或  
飭令收藏僻處無爲賊得

又命軍機大臣傳諭怡良王懿德曰現在賊匪攻陷  
安慶順流下駛江甯省城危急瓜州鎮江爲南北咽喉  
該處兵力極單不敷防守著怡良王懿德迅卽於

欽定剿平粵匪方略卷二十七

天

福建省各標營內揀派得力精兵二千名派委勇幹  
將弁管帶配足軍裝器械飭令迅速起程由浙江行  
走徑赴江蘇交楊殿邦調遣此次揀調務須實在得  
力足資禦侮者方爲妥善所派將弁尤須平日講求  
訓練約束嚴明者飭令管帶不得以遵派起程一奏  
塞責並須嚴飭該帶兵官員兼程趨行毋得稍事逗  
留沿途滋擾



同日張芾奏言提臣向榮現經奏請於江西省就近設立總局多委幹員接辦支應查有隨辦防堵之前任長蘆鹽運使彭玉雯購設俱優實心任事前在直隸辦理軍需例案熟悉又江西鹽法道熊莪才具開展操守清廉支放錢糧必能詳慎該二員堪以委令總司行營糧臺事宜其餘隨員均由該二員會同藩司揀派並咨提

聖學略卷三十七

三十一

臣向榮酌留廣西糧員數人以資熟手其陸續轉運事宜仍由省局藩臬兩司籌畫源源接濟抑臣更有請者兵至某省即應由某省支應一切較為順手賊匪在安徽省以上滋擾則糧臺仍應在湖口彭澤等處若賊已東竄則官兵追賊過安徽省城江西總理糧臺之員於彼處人地生疏呼應不靈自應由安徽委員採買接辦

方臻妥協惟事機早晚不同如皖省保全無事請即由皖省接辦免致越境搬運諸多窒礙有誤軍行儻皖省有被擾被陷地方其勢不能兼顧者臣惟有隨時函商向榮權宜覈辦斷不敢諉卸干咎奏入

上命軍機大臣傳諭張芾曰現在大兵馳抵江南需用糧餉自應就近於江西設立總局多委幹員經理方

聖學略卷三十七

三十二

不致貽誤既經該撫派令前任長蘆鹽運使彭玉雯江西鹽法道熊莪總司行營糧餉著即設立總局飭令妥速籌辦如廣西糧員內有可留用者准酌留數人以資熟手至所稱賊已東竄應由安徽委員接辦等語現在安慶失守鄰郡戒嚴正防堵喫緊之時恐於糧餉事宜未能兼顧彭玉雯仍著會同熊莪商辦一切無論大軍行抵何處所需糧餉責成該員等沿



途支應源源接濟不可稍涉推諉致誤軍行經費支絀之時尤宜認真稽覈毋得稍有浮冒

上諭內閣曰前任長蘆鹽運使彭玉雯著賞加按察使銜前赴向榮軍營幫辦軍務仍令總司糧臺事宜以專責成

同日惠親王綿愉惇郡王奕諒恭親王奕訢定郡王載銓成郡王載銳睿親王仁壽鄭親王端

聖學方略卷二十七

三

華怡親王載垣順承郡王春山科爾沁郡王僧格林沁鑲白旗蒙古都統柏葰柰曼郡王德木楚克札布貝子奕格德勒克色楞奏言逆匪自廣西滋擾至今二年有餘我兵未能大挫賊鋒今復竄擾安徽省城猖狂益甚總由統兵大吏調度無方以致失陷城池糜餉勞師二年之久尙未滅此小醜該逆此時意圖順江下流窺伺

兩江竊思兩江爲緊要省分儘有疏虞南北路塞糧道不通應解錢糧一經阻滯卽不能接濟實心腹之患也臣等公同商酌非添派精兵不能迅速剿滅擬請

特派盛京兵六千名吉林兵二千名自旅順口乘船由

海赴江南再京兵一千名密雲駐防兵一千名

攜帶京中槍礮器械由運河護送到營再西安

聖學方略卷二十七

三

駐防兵一千名甯夏駐防兵五百名綏遠城駐防兵五百名山西綠營兵二千名甘肅綠營兵二千名陝西綠營兵四千名均速赴軍營交欽差大臣分路攻剿並請於四月間調取察哈爾馬隊兵四千名歸化城土默特馬隊兵一千名卽在張家口外擇水草蕃茂之地駐紮交察哈爾都統訓練調取黑龍江馬隊兵二千名東三盟



蒙古馬隊兵三千名交熱河都統照料統計馬隊兵共一萬名距京均五百餘里一有緩急五六日間即可到京以便調遣至所調馬匹即調察哈爾官馬二萬匹以防倒斃疲乏之用再直隸黃河以北防守尤關緊要請

飭訥爾經額確察地方情形添派精兵駐紮彈壓既可

防逆匪北竄亦可為琦善聲援奏入

欽定四庫全書

書

欽定四庫全書

書

上諭內閣曰惠親王等奏請添派重兵前往剿賊著大學士軍機大臣九卿會同戶部速議具奏至該部各項例發經費內應如何酌量裁減以備軍需之處著一併議奏

同日

上諭內閣曰軍興以來已越兩年逆匪自粵而楚攻陷州郡蹂躪地方吾民顛沛流離深堪憫惻現在賊自

九江東竄安慶失守民間遷徙蒼黃遭罹兵燹春耕將及力作未遑瞻念南邦實深虞繫所有江西安徽沿江一帶被賊擾害各州縣應徵新舊錢糧著各該督撫確切查明迅速奏請蠲緩其附近地方雖與被兵處所稍有不同而警報頻聞民難安業著一併查明分別奏請恩施



欽定剿平粵匪方略卷二十八 癸丑年

二月初五日庚辰安徽巡撫周天爵奏言逆匪自

破安徽省而後大隊由水陸蔽江東下直犯江南

省城至今文報不通萬分危急臣已飛咨琦善

陳金綬統兵迅速前赴江甯尙無信耗臣料江

甯一破揚鎮蘇常與清江一帶既爲漕運咽喉

而山東兗沂兩府賊所必窺其途一出宿徐一

聖學方略卷二十八

一

出邳郟均屬不可不防奏入

上命軍機大臣傳諭周天爵曰逆匪大隊已犯江南省

城文報不通該省關繫東南全局豈可稍有疏虞北

來之兵必須調往江甯應援著速撥前往不可遲誤

安徽前調山東兵尙有未到者卽催調前赴揚州各

口布置該撫亦不得概行截留

上又命軍機大臣傳諭祥厚福珠洪阿霍隆武文藝楊

以增楊殿邦楊文定曰逆匪大隊直犯江南省城文

報不通所有城內布置機宜與聽聽諸法須嚴密防

備不可稍涉疏忽至揚州鎮江一水可達難保該逆

不分股滋擾著該漕督巡撫等於江面趕緊設法堵

禦鹽販及糧船水手皆可招爲我用豐工遣散人夫

並著楊以增留心防範勿令爲賊所誘

上又命軍機大臣傳諭向榮曰逆匪已犯江甯至今文

聖學方略卷二十八

二

報不通危在旦夕著向榮卽日迅速馳赴江甯若稍

緩須臾恐該省城大兵單不能堅守一有疏失東南

大局關繫匪細賊船蟻聚江干利用火攻該大臣既

有船隻著卽設計施行不可坐失機會本日又催令

陳金綬先往救援該大臣到後與該提督合力攻擊

俾逆匪知外援已至有所顧忌牽制庶不至以全力

攻城而省圍可解務卽先儘所有之船督兵由水路



疾駛往救至陸路各兵跟接前進不可以等候船隻再事遷延江甯安危繫於該大臣此行朕急盼捷音無負委任

上又命軍機大臣傳諭琦善陳金綬曰現在賊匪已至江甯該省城大兵單望援甚急陳金綬接奉此旨著卽星速南馳渡江援救惟所帶官兵僅四千名仍恐不敷調遣著琦善再撥給精兵四五千派員管帶兼

聖學聖方略卷二十八

三

程馳赴江南交陳金綬調度琦善卽督率現帶官兵前進一面飛催吉林黑龍江馬隊扼要防守江北浦口一帶爲陳金綬接應賊船蟻聚江干利用火攻該大臣所帶火箭卽設計施行

上又命軍機大臣傳諭李德曰逆匪已犯江南省城危急山東兗沂兩府賊所必窺著該撫卽行出省迅赴各該處確探賊蹤分飭文武各員扼要嚴防切勿稍

有疏虞其濱臨黃河各處渡口仍著會商東南河督嚴密稽查勿使奸匪闖入

同日呂賢基奏言皖省辦理防剿及團練事宜正當喫緊之時需才孔亟臣查給事中袁甲三素有膽識辦事勇往廣東潮州遺缺知府趙昀才具開展又籍隸安徽熟悉情形可否

飭令前赴安徽軍營隨臣幫辦一切事宜奏入

聖學聖方略卷二十八

四

上諭內閣曰給事中袁甲三廣東潮州府遺缺知府趙昀均著前赴安徽幫同呂賢基辦理團練防剿事宜

初六日辛巳祥厚陸建瀛福珠洪阿霍隆武奏言

賊勢猖獗益甚本月二十八日膽敢分水陸兩路直犯江甯省城臣祥厚臣陸建瀛等立卽登陣督防二十九日黎明陸路一股先到攻打南城聚寶門又分擾水西西儀鳳太平洪武通



濟等門槍礮橫施自朝至夕狂悖不可名狀我  
兵旗綠各營數不滿萬幸皆誓死固守擊斃逆  
匪約千餘名始行退下詎三十日該逆水路一  
股衝突而至太平儀鳳兩處勢更危迫查江南  
旗綠各營兵祇此數前調山東兵二千名既無  
到信向榮琦善等亦無赴江的耗不奉  
恩旨速催恐金陵危在旦夕奏入

欽定剿平粵匪方略卷二十八

五

上諭曰江南勢甚危急該署督等嬰城固守多守一日  
可待援兵速到合力攻擊朕惟有仰額

昊天拯救萬人莫赦一人之罪謚也

上命軍機大臣傳諭向榮楊殿邦楊以增楊文定文藝  
曰賊船偏近江甯所有瓜州京口東壩及下游一帶  
均關緊要大江以北及黃河南北兩岸亦應豫爲籌  
防著楊殿邦楊文定文藝楊以增各就地方情形嚴

密籌防並著隨時知照向榮合力夾擊以期互爲聲  
援賊船林立江面最利焚燒著該大臣等體察籌辦  
上又命軍機大臣傳諭怡良黃宗漢曰現在賊偏江甯  
城大兵單急待援應著怡良黃宗漢飛飭提督葉紹  
春總兵陳世忠卽統帶水師鎮將挑選精壯兵丁駛  
駕戰船由福山口進兵迅赴上游迎擊以資救援怡  
良距浙省尙遠黃宗漢接奉此旨卽行就近飛調勿

欽定剿平粵匪方略卷二十八

六

得往返札商致稽時日

初七日壬午楊文定奏言賊匪東下梁山失險業

經直偏江甯城下臣擬在常州駐紮該府距江  
甯鎮江東壩等處均不過一百餘里及二百餘  
里不等地居適中卽在該府設立糧臺以便三  
處轉相應付至奏調山東官兵二千名准咨先  
後起程赴甯竊恐到省參差賊匪橫梗其間無



從收集隨咨行山東撫臣並沿途帶兵各官於  
行抵鎮江取齊俟有千人然後整隊派往至各  
城備防兵力本形單弱而蘇常兩府直是城守  
空虛無兵可恃賊若分股竄入水陸隨處可通  
危急情形不堪言狀相應請

旨飭下浙江撫臣就近揀調精兵二千名迅速前來臣  
將以一千名留蘇備防以一千名駐紮常州以

聖朝聖略卷三十六

七

為護送江甯鎮江等處糧餉之用擬俟山東浙  
江援師稍集臣即自行統帶進剿以冀得解江  
甯之圍並求

皇上速飭向榮琦善暨陳金綬限以時日趕到江甯庶  
可迅掃妖氛早奏蕩平之績奏入

上命軍機大臣傳諭楊文定曰賊匪現犯江甯楊文定  
擬在常州駐紮設立糧臺適中轉運惟鎮江為蘇省

門戶而東壩直達蘇州皆為緊要該撫務須分派重  
兵小心防守毋任賊匪闖入所謂浙江精兵二千著  
即飛催來蘇幫同剿捕江甯待援甚急該撫亦知以  
剿為防若援兵既集蘇常一帶布置已妥該撫即帶  
兵前進以解江省之圍更為妥善

上又命軍機大臣傳諭琦善陳金綬曰賊隊直犯江南  
省城文報不通亟望援兵琦善統領重兵假以事權

聖朝聖略卷三十六

八

原期督催諸將迅速應援為朕稍釋南顧之憂乃明  
知贏馱不敷不肯用夫解運藉詞遷延並陳金綬亦  
牽制不進以致安慶失守貽誤事機今江甯望援甚  
急若再不能如期應援設有疏失江南半壁又遭荼  
炭該大臣等自問當得何罪陳金綬著星速渡江直  
抵江甯以救危急沿江船隻豈不能設法購覓即木  
鐸亦可從上游浮渡若全不豫籌又以無船藉口安



用爾大帥爲耶琦善統帶大兵著卽兼程前往爲陳金綬接應毋得再有遲誤陳金綬抵江甯時如向榮大兵已到卽著會同合力夾擊不惟立解省城之圍並可殄除賊氛以慰朕念

初八日癸未周天爵奏言逆匪竄入長江連破楚

皖省城直犯江甯如入無人之境其故賊踞上游水陸並進蔽江而下我兵以下游當之無不

欽定剿平粵匪方略卷三十八

九

立破此形勢之一誤也論戰之法陸路用車馬水路用舟楫洞庭長江上下木簞船隻俱爲賊有聚泊漢口多時匪徒號稱數十萬持滿而發而我兵總計不過數萬卽使聚集一處全力迎擊已難制勝乃自黃州以下至金陵沿江千餘里要隘數十處更無木簞戰艦但以陸路弁兵分守各要隘或千餘名或數百名零星散布如

同兒戲一旦大隊賊來如風掃葉此機宜之一誤也臣竊觀我

朝自用兵以來未有味形勢失機宜如今日一誤再誤之甚者現在賊犯江甯絕我運道阻我鹽關一切清米課銀數千百萬舉而盡資盜糧臣又竊謂不昧形勢不失機宜未有如今日逆賊之甚者蓋京師倉儲庫項官俸兵糧仰食江南

欽定剿平粵匪方略卷三十八

十

者十之八九儻江省再失賊必畫江而守以彼強富之徒犯我空虛之境賊勢紛竄南北靡定不可不統籌全局豫爲防剿之計也亟請

特簡親信重臣統帶大兵由中路進取一面檄調廣東水師義勇前後兩路夾攻會剿一面團練山江皖豫四省連疆勁勇保護黃河各隘口遏賊北竄之路臣與呂賢基等統帶兵勇左右其間以



滅逆醜而彰

天威惟安徽巡撫任重事繁日不暇給加以收集散兵

安撫人心在在均關緊要臣年衰朽承辦江北

防勦事宜吏治兵機勢難兼顧應請

旨簡派明幹大員獨任其事俾臣得專責成所有團練

事宜臣已遵前

旨行知四省附近連疆各地方官認真辦理

聖朝聖方略卷三十八

十一

周天爵又奏言臣竊即安徽全局計之惟廬州

形勢據巢湖上游與正陽巨鎮相為犄角居重

馭輕應請遷省於此將安慶改作府城駐紮總

兵一員以資水陸防禦伏祈

聖裁正繕摺間適接候補知府牛鎮等稟稱賊匪於十

九日擾及池州府城卽於是夜失守該逆等槍

掠後於二十二日上船二十三日全行退出各

等語臣當飛札總兵王鵬飛將截留舒城之山

東官兵一千二百名帶赴省城相機辦理並於

攔江磯上游擇要防守遏其歸路旋又報江浦

驛文報不通江甯被圍危在旦夕亟請

飭下山東撫臣李德迅赴曹州劉家口一帶彈壓北路

以防教匪伺釁而動臣與呂賢基等一面迅卽

團練招募並截留各路官兵以防北竄宿徐一

聖朝聖方略卷三十八

十二

帶奏入

上命軍機大臣傳諭周天爵曰現在江甯危急該署撫

會同呂賢基辦理團練事宜自未能赴江南接應惟

淮徐一帶亦關緊要所有江北防堵該署撫卽督同

地方官認真妥辦務使各郡互相保衛毋令奸匪潛

蹤池州府失守該城文武並該藩司等下落一併確

查具奏另奏廬州形勢較安慶扼要請遷省城等語



俟李嘉端到任後察看情形會同妥議具奏

上諭內閣曰周天爵著仍以兵部侍郎銜辦理防剿事務安徽巡撫著李嘉端補授未到任以前仍著周天爵暫行署理

初九日甲申直隸提督陳金綬候補四品京堂勝

保奏言臣等奉

命馳往安徽截剿逆匪先經會同琦善挑選直隸精兵

欽定剿平粵匪方略卷二十八

十一

四千名於正月十九日自信陽起程因楚境山路狹窄難行又遇陰雨路滑每日晝夜趨程不及百里現在已過蕪水縣境距安徽省城僅五百餘里路漸平坦臣等極力分督前後各隊官兵迅速兼程察探逆匪所向併力追剿不敢稍事遷延其在後吉林黑龍江馬隊未據報抵何處應由琦善統帶接應如有需用隨時飛調

勝保又奏言此次安徽進剿之兵四千名除防守營盤衛護糧臺外出戰精銳不過二千餘名率皆未經戰陣恐難深恃臣日與在營諸將弁及各營兵丁講求陣法激勵士氣以誠意相感使上下不致睽隔該兵丁等亦深知

天恩高厚願切同仇臣愚以為兵貴精不貴多陳金綬攻打前敵不能兼顧後路臣即督兵在後策應

欽定剿平粵匪方略卷二十八

十四

將弁有不用命向前者以軍法從事臨時相度地勢或分兵抄截以蹙賊勢或據要設伏以挫賊鋒再加乘隙施放火箭以衝賊陣如前敵獲勝可以乘勢追殺如或眾寡不敵未能得手尙可首尾相顧不致大挫期保萬全陳金綬久歷戎行惟見其年逾七旬於行軍紀律駕馭人才之方未能十分周顧仰懇



皇上密飭該提督詳慎商推謀定後戰攻其所必救備其所必攻以操勝算似於大事有濟奏入

上命軍機大臣傳諭琦善陳金綬勝保曰現在江甯危急陳金綬勝保即著星速馳赴江甯與向榮合力援應前諭琦善添撥官兵四五千名一併前往江南交該提督調度此項兵丁如尚未到著即迅速迎提務令兼程東下以資攻剿琦善究在何處若既繞道行

聖學方略卷三十八

十五

走又復沿途耽擱是直欲以無賊之區為藏身之固豈大臣公忠為國之心乎琦善所帶之兵除撥出外尚復不少昨已諭令駐紮江北浦口一帶為陳金綬接應並著陳金綬勝保飛催前進該提督久歷戎行於一切用兵之法自必悉合機宜仍與勝保和衷商推計出萬全

上又命軍機大臣傳諭舒興阿張祥河曰現在江甯需

兵甚急所有陝西綠營官兵一千名並甘州陝安官兵七百餘員名即飭副將錫普常阿都司永恰布等管帶迅赴向榮軍營候撥其西安滿兵一千名即飭副都統常春等帶領馳往陳金綬軍營聽候調遣並著飭令星速前進毋稍延緩

初十日乙酉祥厚陸建瀛福珠洪阿霍隆武奏言

聖學方略卷三十八

十六

賊匪日益猖獗現在極力防守疊次殲斃多名無如抵死抗拒毫無畏忌現仍盤踞城外天后宮靜海寺等處藉為藏身之固總緣江甯城大兵單未能分兵出剿雖士卒敢戰紳民同仇終無以痛掃賊氛且該逆詭計不測遲之又久更恐別出變端惟有仰懇

迅飭山東撫臣將楊文定請調之兗沂曹等處兵丁二

千名並向榮琦善陳金綬等兵速赴江南以解



重圍而資合勦奏八

上命軍機大臣傳諭祥厚福珠洪阿霍隆武曰逆匪水陸並進攻打各城並盤踞城外天后宮靜海寺等處前已疊次諭令向榮帶兵東下並諭琦善陳金綬等統帶北路勁旅馳赴江甯與向榮合力援應並令李德將前調兗沂曹等處兵丁二千名兼程前赴金陵矣該大臣等務當督率在城紳民兵勇竭力固守以

欽定剿平粵匪方略卷三十八

十七

待外援俟大兵雲集內外夾攻必可解圍賊匪詭計百出總宜嚴防奸細以杜內應

同日兵部侍郎銜署安徽巡撫周天爵奏言江甯為東南最要省會大局攸關所有任事諸臣豈可置江南於不顧向榮琦善陳金綬但報起程之期不問行抵之處臣當遣人密查一面加緊迎催臣自行抵宿城以來民心稍定而山江

皖豫四省連疆跨河南北匪徒如蟻而起業經

通飭四省團練鄉勇安撫難民嚴誅匪類臣又

反覆籌思得一處處設防家家能戰之法倣宋

時之撒星陣而於前明戚繼光之空心礮臺擴

而充之遂親赴宿州試辦苟以是推行各府州

縣將無處非守亦無處非伏更無處不是勁兵

布置聯絡千有餘里皆鐵壁銅城矣奏八

欽定剿平粵匪方略卷三十八

十八

上命軍機大臣傳諭周天爵曰據奏處處設防家家能戰固屬善策惟千有餘里較長莫及一時何能措辦該署撫先就皖省實力整頓認真團練俾人人俱成勁旅一俟大兵到齊即當馳抵江甯會同截擊方為不負委任至官兵過皖俱備金陵之用萬不可任意截留吉順統兵三千名已抵皖城著即飛催渡江援應江甯萬勿遲誤此外如有續到官兵亦即飭赴江



甯應援不可遲緩

同日楊殿邦奏言賊匪竄至江甯省垣城門已閉文報不能出入瓜儀偏近金陵賊若由龍潭渡江而北距儀徵僅三四十里該處江口散漫無紀處處皆可登陸一經闖入則水陸無險可恃情形危急萬分臣現雖飛派兵勇赴瓜州儀徵各江口扼要防禦惟瓜儀水陸要隘共計二

聖朝方略卷三十八

十九

十餘處賊蹤已近兵力甚單委員團練之糧船水手及雇募之划船水摸等勇雖已陸續應募到營合計尚不足二百名實難濟事惟有仰懇

天恩飛飭浙江福建山東各撫臣暨江南提臣福山鎮

臣迅將臣奏調水陸官兵即日兼程馳抵瓜儀分段派防以資捍禦抑臣更有請者議防之難甚於議戰臣擬俟所謂水陸各兵到齊擇其精

銳者親加訓練督率將弁激勵士卒由長江溯流迎擊以解江甯之圍陸路則令幹練鎮將統領精兵至儀徵六合天長等處扼險駐紮以防分竄

楊殿邦又奏言坐補兩淮運使臣但明倫在兩淮最久於瓜揚情形極為熟悉與臣籌及揚州城垣低薄人心浮動斷難議守現經分防布置

聖朝方略卷三十八

二十

兵力單弱尤為可慮臣思自來用兵必有後援武昌九江均以無援坐困致令失守今江甯被圍數日並無救兵危急情形不堪設想臣俟所調各兵雲集統領弁兵溯流迎擊為江甯之援揚州為南北咽喉淮徐門戶並請

皇上速調勁兵簡派提鎮大員統領迅速馳赴淮城清江分駐為揚州之援節節設防庶為嚴密奏入



上命軍機大臣傳諭楊殿邦曰現在山東已無可調之兵所有北方勁旅皆在琦善軍營疊經降旨命陳金綬帶兵援救江甯琦善駐紮江北浦口一帶以爲後應如琦善兵到卽與儀徵揚州等處地方毗連正可互爲聲援至該漕督請俟所調各兵到齊後親往上游接應江甯籌辦尙合機宜該漕督起程後可令但明倫督帶存兵擇要扼守並卽於所調鎮將中留一

聖朝方略卷三十八

三十一

二員以爲後應目前江甯喫重不得不先其所急難以分兵駐紮淮城該漕督業經募勇添船以壯聲勢著卽嚴密防堵毋致疏虞

楊殿邦又奏言再逆匪現竄江甯瓜儀水陸各要隘固須多撥兵勇嚴密堵禦尤須鎮將大員督率管帶方無疏虞茲查有崇明鎮總兵葉常春署徐州鎮總兵聶金鏞金山營遊擊鄭乾熟

悉軍務勇幹知方合無仰懇

天恩准調來營容臣派委督防以資禦侮奏入得旨允行

同日李德奏言臣前請據河扼守之議仰蒙

俞允茲東省已將各渡口船隻歸併劉家口董家口二處不准別口私渡又另派弁兵駐紮會同印委各員嚴加盤詰務求周密其曹單迤西沿河尙

聖朝方略卷三十八

三十一

有直隸地面亦應一律照辦庶天險可憑事半功倍查黃河自潼關以東至河南南府其南北兩岸俱屬山巒鼎峙水溜湍急地勢最險難以偷渡惟北岸自孟縣南岸自鞏縣汜水以至江南之雲梯關數千里平曠輿衍環抱繁流間有橫互土山不甚高峻或數十里而止臣昔年曾周歷其地雖各處船隻寥寥急宜嚴防偷渡仍應



由各省督撫責成地方文武各將所轄地段節節認真嚴防復於熱鬧馬頭密派幹員稽查如此同心協力無隙可乘逆匪即屬猖狂安能斷流飛渡奏八

上命軍機大臣傳諭訥爾經額楊以增福濟楊文定陸應穀曰據李德奏已將各渡口船隻歸併劉家口董家口二處不准別口私渡又另派弁兵駐紮會同印

聖朝聖略卷三十六

三

三

委各員嚴密盤詰等語逆匪竄入安慶現又竄出肆擾難民逃徙愈多恐奸細潛跡冀圖偷渡黃河潛行窺探江蘇淮徐兩府屬濱河地方十分喫緊黃河南北兩岸自河南孟縣鞏縣汜水以下地多平疇防範尤應周密其山東曹單兩縣迤西沿河尚有直隸地面亦須一體設防著訥爾經額楊以增福濟楊文定陸應穀督飭所屬廳營州縣各按所管地段認真稽

查嚴防偷渡並遣派委員隨同巡緝遇有緊急將船隻收入北岸勿任奸匪潛越至各處渡口必歸併一二大渡盤查始覺嚴密著該督撫等體察情形迅速籌辦

十一日丙戌周天爵奏言臣適接到徐州遊擊馮

景尼稟稱正月二十九日馳抵浦口不能渡江

二月初三日辰刻突有賊匪數千四路夾攻該

聖朝聖略卷三十六

三

三

遊擊帶領兵勇分投迎敵馬上義勇衝殺數十人斬取首級六顆兵勇奪獲大黃旗一面槍械多件自辰至戌砍死轟斃計賊二百餘人馬勇直衝追勦而逆賊復聚萬餘四路輪流來攻賊船陸續增進火藥鉛子俱已用盡繼以短兵相接兵勇致有傷亡勢難抵敵祇得收隊退回臣查馮景尼所帶之勇內有馬上義勇三四十人



此次衝陣殺賊頗資得力應請

飭下旗營多派馬隊以備衝擊山東官兵報到一千三百六十四名臣緣江甯危急先撥頭起五百四十名迅赴江甯應援二起五百名隨後啟行其未到之兵臣當飛咨迎催改道赴揚州各口布置防守並未截留奏入報

聞

欽定剿平粵匪方略卷二十八



十三日戊子陳金綬勝保奏言臣等於初六日入

安徽宿松縣境卽於是夜抵太湖縣據該處防堵委員等稟稱賊匪於正月十七日由水路竄至安慶省城夜間被賊轟開城門因而失守該匪卽於次日乘船東下已到東西梁山地方等情伏思安慶省有防兵數千不意賊到逾時卽已失守臣等雖連日極力趨程前進竟致救援

不及曷勝憤恨查東西梁山地近江甯太湖縣距江甯對岸之江浦縣以小路捷徑覈計尙有七百餘里當卽咨會向榮一面飛札沿途州縣並派委幹練將弁分投查探賊蹤一面督帶官兵無分兩夜星馳直赴江浦一帶迎勦截擊臨時審度何處緊要相機會勦奏入

上諭曰汝等止能在江北截擊不克渡江如有船隻仍

欽定剿平粵匪方略卷二十八



應赴江南救援爲是

同日陸應穀奏言襄陽土匪擒獲多名首夥逃散現在南陽地方安靜惟逆賊竄陷安慶歸德一帶情形喫緊臣現將宛郡應辦事宜布置完竣卽日馳赴歸德相機籌辦奏入

上命軍機大臣傳諭陸應穀曰現在逆匪竄擾江甯如安徽鳳穎江南徐州等處均與歸德接壤陸應穀卽



馳往該郡相機籌防尤宜嚴拏奸細勿令賊匪漏跡

十四日己丑祥厚陸建瀛福珠洪阿霍隆武奏言

江甯為省會重地南北咽喉逆賊既過湖南即

垂涎此地稍有挫失則由揚州而至清江渡河

由鎮江而擾江蘇過浙江四通八達情形不堪

設想臣等與前廣西巡撫鄒鳴鶴激勵旗綠各

營晝夜嚴防並募本城勇壯一萬餘人協同守

聖學聖方略卷三十六

三

禦兵民一心已歷十日擊斃逆匪亦不下二三

千人而援兵不至驛路梗塞向榮琦善陳金綬

等均無赴援信息即撫臣奏調之山東兗沂曹

兵二千名亦無入境文報奏入

上命軍機大臣傳諭祥厚福珠洪阿霍隆武曰逆匪圍

撲省城該大臣等激勵旗綠各營晝夜嚴防並募本

城勇壯一萬餘人協同守禦已歷十日並擊斃逆匪

不下二三千人足見兵民一心布置嚴密向榮統帶

大兵已有船隻諒已順流駛下陳金綬亦於二月初

八日行抵安徽太湖縣各路精兵計日均可趕到該

大臣等務當督同在事文武兵勇紳民竭力固守俟

大兵雲集即可內外夾攻殲茲醜類逆情詭譎務須

隨時嚴查奸細以杜內應即援兵到後仍宜加意嚴

防不可稍形鬆懈

聖學聖方略卷三十六

三

上又命軍機大臣傳諭向榮陳金綬曰賊圍江甯十日

向榮陳金綬何以至今尚未趕到向榮所謂湖南船

礮江西船隻早經應手若順流東駛不過旬日即可

直達金陵該大臣現在行抵何處未據奏報殊不可

解陳金綬前日報到於本月初八日始抵太湖距江

省尚遠何以濡滯若此著即星速帶兵前往應援

十六日辛卯楊殿邦奏言瓜儀為北路門戶較之



鎮江東壩尤爲喫重且山東官兵自北至南必先經瓜州而後抵鎮江自應就近截留派赴瓜儀一帶防剿其安徽所謂未到官兵係從常鎮行走應由撫臣就近留派東壩鎮江守禦如此酌量截撥庶兵力可期早集惟山東官兵聞有從河南安徽一帶徑赴江甯者現在江浦縣城聞已失守浦口被賊搶占道路梗阻東省官兵

聖學方略卷三十八

五

萬不能由該處渡江前進臣已飛咨河南安徽撫臣查明前項官兵無論行抵何處卽令飛速繞至揚州以資防剿至臣所募之各處壯勇及糧船水手雖已集有八百餘名然均未經行陣必須久練而後可用今剋期招募倉猝湊成器械未齊訓練未精祇能藉壯聲勢防範土匪以之打仗禦賊恐難得力刻下江甯省城被賊圍

困專望大兵救援而六合江口已有賊船該縣請兵請餉告急頻仍臣雖調撥廣艇及京口舟師給予重賞派員督令駛至儀徵上游相機進剿竊恐賊衆我寡未能濟事且儀徵瓜州水陸要隘數十處現到之兵及揚州存城官兵不及千名分防各隘口勢甚單薄設或賊匪分路竄至則瓜揚危急情形不堪設想惟有懇

聖學方略卷三十八

三十一

恩飭催山東福建等省官兵迅速馳抵瓜儀以資抵禦現在江甯城門關閉多日文報不通一切軍需刻不可緩前此運庫籌撥銀十萬兩用已過半現雖百般撙節亦僅足支旬餘頃接探報向榮大兵將次繞至六合上游臣已飭總局備銀一萬兩委員解赴儀徵以上接濟支用存銀實已無多且浦口爲賊竄踞江路梗塞各路大兵業



經撫臣楊文定咨照由六合儀徵而至瓜州取齊會合進剿雇備船隻及一切支應所需更屬不貲卽臣所謂防守兵勇亦指日可以到齊需用餉糈不得不豫爲籌備合無仰懇

天恩飭部在於附近各省藩關等庫籌撥銀五六十萬兩迅解揚州以濟急需奏入

上命軍機大臣傳諭楊殿邦曰逆匪圍困江甯援兵尙未趕到瓜儀一帶爲北路門戶必應竭力守禦所有

聖皇聖方略卷三十六



前調山東福建等省官兵已有旨催令星速前進惟山東官兵自北至南必先經瓜州後抵鎮江著卽就近截留派赴瓜儀一帶防剿其安徽未到官兵由常鎮行走派赴東壩鎮江防守布置尙爲妥協現在江浦失守浦口被賊搶占東省官兵恐有梗阻著卽飛咨皖豫各巡撫查明官兵行抵何處卽令飛速繞道

馳赴揚州毋令中途阻滯官兵陸續到齊復有所募壯勇及糧船水手八百餘名藉壯聲勢著楊殿邦督同但明倫等竭力籌畫晝夜嚴防遏賊北竄之路斷不可稍有疏虞至六合江口賊船經該清督調撥廣艇及京口舟師派員進剿諒可及早翦除不至占踞江口江甯危急向榮將次繞至六合上游距省已不甚遠陳金綬亦計日可到合力進剿當可解省垣之

聖皇聖方略卷三十六



圍瓜揚爲南北咽喉該清督仍當督飭嚴防毋稍鬆懈

上諭內閣曰楊殿邦奏軍需緊要請速籌撥近省餉銀一摺著戶部速議具奏

同日陸應穀奏言軍需經費支絀待用孔殷前留減平銀十萬兩官員捐輸銀十一萬餘兩上年防堵業已陸續支用無存卽部撥銀七十萬



兩除製造軍裝一切並解信陽州糧臺南陽光  
州防堵支應外省局現僅存銀十餘萬兩加以  
現奉指留銀十四萬六千餘兩共止二十餘萬  
兩刻下琦善陳金綬帶兵分路進剿所有糧餉  
等項若不先時請撥安能如期濟運卽本省留  
防馬兵支應採辦製造亦皆刻不容緩合無仰  
懇

欽定剿平粵匪方略卷三十八



皇上天恩俯准飭部於鄰近省分撥銀一百萬兩兼程  
解豫以濟急需如有餘贍仍卽儘數解部斷  
不敢以軍需專款留作別用奏入得

旨戶部速議具奏旋經戶部議奏該撫所請百萬之數  
未免過多擬將奏撥部庫之山西春撥地丁等  
銀二十萬兩並在河南春撥應報地丁等款內  
撥銀十萬兩共銀三十萬兩解交該撫酌量分

給

上從之

欽定剿平粵匪方略卷三十八





欽定剿平粵匪方略卷二十九 癸丑年

二月十七日 壬辰 楊文定奏言 臣自丹陽拜摺後

折回鎮江豫籌水陸進剿其東省兵由宿州而來及向榮分兵由皖前來均須由浦口渡江現在浦口江路梗塞 臣差弁迎探一面傳知沿途州縣豫備車馬船隻轉請帶兵官繞赴六合儀徵而至瓜口渡江一面為進剿之計江甯被圍

剿平粵匪方略卷二十九

一

文報不通僅於初五日接據前督 臣陸建瀛初二日遣人絕城遞出咨文一角內稱省垣二十九至初二等日賊匪晝夜攻擊勢甚危急鎮江雖關緊要究不若省垣為根本重地請急撥兵數千救援等因 臣心急如焚向榮又無來甯確耗惟俟山東勁兵二千名到後加以此間北勇千名即令葉常春統帶前赴句容或龍潭駐紮

雖未必遽解重圍但使城內聞知外有援兵其膽自壯而鎮揚蘇常等府亦可恃以無驚水路則上海道已添雇艇船數隻配以現在師艇各船並備帶火船十餘隻遇東北風起便可密約水陸進攻惟現在山東官兵僅到四百名不敷進剿惟有仍懇

天恩嚴飭向榮陳金綬限以時日飛速來甯以救危急

剿平粵匪方略卷二十九

二

楊文定又奏言再 臣正在拜摺間接據探報江甯省垣於十一日被賊偷挖地道暗用地雷轟開儀鳳門而入一云城內有漢奸放火為號賊即由火起處用蜈蚣梯爬入省城失守等語 臣查江甯城濶池深猶不可守東南半壁尙何能為隨與副都統 文華會商鎮江祇一空城且形如釜底防守甚難况各險隘派兵分防均嫌單



薄不若聚於扼要處所猶堪一戰查有山嘴頭地方係從龍潭句容來鎮總路當將城內旗兵八百名山東官兵四百名調赴江甯之狼山營兵三百名一併飭赴該處紮營駐守由文藝統帶當此時事萬難臣仍竭力支撐或居中調度或由水陸進擊截其來路保此瓜口使大軍及文報可通以待援兵大集伏乞

聖學方略卷三十九

三

皇上大振天威嚴飭各大臣飛速前來極力勦洗以圖克復奏八

上命軍機大臣傳諭楊殿邦楊文定曰江甯省城失守現授怡良爲兩江總督飭令督帶前調之閩兵二千名星馳就道然到尙需時楊文定與文藝因鎮江不能防守匯集兵力駐守山嘴頭地方亦祇可如此辦理所有句容至丹陽東壩至蘇州各陸路務須節節

堵截楊殿邦前奏向榮已抵六合上游刻下諒已渡江著該漕督卽與向榮南北聯絡策應嚴防江口斷不可致有阻隔

上又命軍機大臣傳諭琦善陳金綬向榮曰據楊文定奏江甯省城於本月十一日失守覽奏曷勝憤懣前曾屢諭向榮陳金綬趕赴金陵不料救援不及一誤至此昨據楊殿邦奏向榮已繞赴六合上游儻因江

聖學方略卷三十九

四

浦失守賊踞要口著卽督兵迅擊剋期渡江相機攻勦使逆賊不敢窺伺蘇常仍可與江北聲勢聯絡以圖克復現在賊踞江甯江北要隘最關緊要琦善陳金綬督帶重兵旣不及救援江南則江北一帶是其專責必須嚴密防守內戢土匪外遏賊匪北竄之路現在黑龍江馬隊已抵宿州與前隊吉林官兵均當擇要布置以備攻勦並將現在如何辦理情形迅卽



馳奏

上又命軍機大臣傳諭李德曰據楊文定馳奏江甯失守鎮江以南固形喫重而江北黃河毗連處所尤為可慮該撫現在兗沂曹一帶巡防大河千里處處險要想已妥為布置竭力設防其上鄰河南下接江蘇各州縣應如何合力防守仍須隨時知照楊以增福濟一體稽查堵截

聖學聖方略卷三十九

五

上諭內閣曰楊文定奏江甯省城失守覽奏不勝憤恨惟該撫接據探稟逆賊於二月十一日偷竄地道轟開儀鳳門又有奸匪內應賊見火起梯城而入究竟如何情形合城滿漢文武官員如何下落紳士商民遭此慘劫南望增悲若使援兵早到何至旬日之間遽行失守現已命怡良補授兩江總督星馳赴任楊文定駐守鎮江著卽暫署兩江總督事務聯英著暫

行辦理江蘇巡撫事務向榮刻下諒已渡江著卽相機攻剿並督率前調師船水陸扼要與楊文定等合力夾擊毋令蔓延所有江南被賊擾害各州縣應徵新舊錢糧著楊文定迅卽查明奏請蠲緩其附近地方居民防堵方殷難安耕作著一併查明分別奏請恩施

上又諭內閣曰怡良著補授兩江總督迅卽馳驛前赴

聖學聖方略卷三十九

六

新任並將前調之福建精兵二千名趕緊催赴江南以資防剿

十八日癸巳楊殿邦奏言江甯省城於本月十一

日失守現在逆匪盤踞城內外不下十數萬人四路劫掠勢甚猖獗伏查瓜州城圯於水無險可恃上下沿江數十里皆散漫平川處處可以登陸儀徵揚州又水陸紛歧非重兵數萬扼要



分防難期堵禦臣雖團練糧船水手招募壯勇皆係未經行陣僅可恃以防守接仗則未能得力臣所調漕標及揚州本營各兵合計不足千名此外所調官兵尙無一起到場何以禦此巨寇瓜揚設有疏虞北路震動關繫不淺惟有仰懇

皇上速簡重臣統領勁兵數萬星馳來揚會同勦辦俾

得早滅醜類

楊殿邦又奏言儀徵濱臨大江所募勇丁僅止二千餘名亦屬單薄前聞向榮已繞至六合上游至今仍未到江而琦善所統大兵現在行抵何處亦無文報若再遷延不到瓜揚望救無兵設或逆匪遙至其何能禦仰懇

皇上嚴飭向榮琦善各統大兵迅抵瓜揚與臣併力進

勦奏八

上命軍機大臣傳諭楊殿邦楊文定曰江甯失守賊匪勢甚猖獗刻下調兵遠處斷難接濟惟向榮陳金綬兩路重兵可以就近援應楊殿邦接奉此旨著一面迅催向榮設法渡江攻勦一面飛催陳金綬帶兵直赴淮揚合力防守其安徽江北一帶琦善統領大兵在後接應仍可與周天爵及該督等互爲聲援也

上諭內閣曰署理四川總督慧成現在行抵陝西著卽折回馳驛前往江南淮揚徐州一帶會同楊殿邦辦理防勦事務

同日浙江巡撫黃宗漢奏言近日江甯文報不通該省安危未卜儻經大兵進勦逆匪勢必四散奔竄現聞匪船有停泊蕪湖之信查蕪湖由水路抵浙歷常州蘇州卽至嘉興由旱路抵浙



歷廣德四安卽至湖州計程均不過三四百里而皆無險可扼臣與司道各官日夕籌商必得於蕪湖一帶實力防堵使匪船不能竄入方足固浙省之門戶並可衛蘇省之藩籬惟徵兵募勇緩不濟急祇有雇覓艇船由上海駛至鎮江及蕪湖各口較爲迅速藩司麟桂前在上海服官熟悉廣艇情形自願前往招募爲江浙兩省防勦之用臣卽飭令星夜起程會同蘇省妥速辦理奏入

聖學聖方略卷二十九

九

上命軍機大臣傳諭黃宗漢曰江甯失守賊勢猖獗藩司麟桂自願前往上海招募廣艇該藩司曾任上海道於該處情形熟悉著卽督帶船礮駛赴鎮江上游一帶相機攻勦一面知照向榮楊文定楊殿邦等南北策應儘能將江面賊船痛加轟擊則賊氣已奪旣

可衛蘇省之藩籬亦可固浙江之門戶轉移之機在此一舉

十九日甲午琦善陳金綬奏言臣陳金綬臣琦善

於本月初十一日先後均抵安徽省城初十日向榮亦由南岸駛至安慶臣等再四熟商向榮仍由南岸水陸前進惟北岸較單不但後路之漢中大名等處官兵未到卽與臣等同在湖北拔營之兵亦因臣等兼程趨行彼則有鑼鍋帳房等項行走笨滯亦尙未能到齊臣等不及守候一面加緊催提一面就已到之兵由北岸

聖學聖方略卷二十九

十

桐城廬江無爲巢縣含山和州等州縣陸路馳行節節追探賊蹤相機擊勦如逆匪直犯江甯亦卽覓渡徑行追擊與向榮約定在東西梁山地方彼此知會彼處距江甯百餘里聲息易通



惟江甯在江南岸下游有賊之處勢必無船可渡現已分飭上游之巢縣和州等處豫覓船隻以免臨時遲誤臣陳金綬於十二日拔營前進臣琦善亦同日起程與臣陳金綬相距數里紮營前後接應並與向榮南北聲勢聯絡會合夾擊以期有濟

同日向榮奏言賊船於十七日駛至皖省江岸

欽定剿平粵匪方略卷二十九

十一

開礮兵勇皆由北門退走撫臣蔣文慶登陴督陣見兵勇皆潰隨卽自盡文武各官不知下落二更時賊從八卦門大小南門直入搶擄倉庫燒燬衙署十八九二十一二等日賊船陸續開赴下游河州鎮總兵吉順於二十三日馳抵安慶城外二十餘里地方探聞城內尙有逆匪數百人搜擄銀物該鎮卽於次早督兵入城分投

追剿斃賊數十人生擒長髮賊十餘名正法餘匪逃竄業將省城收復臣抵九江後江干船隻賊擄一空無從過渡並因隨征兵勇自上年冬臘至今正餉銀未發軍火等項亦已用完必於江西省城提撥方能應用且兵勇轉戰數百里疲乏難堪斷難速其追剿又江南濱臨大江陸路多有支河汊港渡船橋梁悉被賊毀我兵到

欽定剿平粵匪方略卷二十九

十二

彼臨期搭橋覓船亦復耽延時日自正月以來又無日不雨道途泥淖難行再四躊躇勢不能不由水路而下嗣據各州縣委員稟報江干船隻有被賊掠去者有居民雇覓逃難遠去者雖飭差四出而雇到寥寥臣一面行咨江西撫臣張芾由省代雇並令回空糧船前來載兵一面飭令總兵李瑞帶同各營將備親往吳城姑塘



一帶封雇二十三日後僅到百餘隻而撫臣來函亦因糧船水手驟難招集多方招募不能剋期而至餉銀於二十三日僅到三萬兩臣不得已撥大兵六成先行渡江仍由陸路追擊奈春兩連縣渡江之兵軍火衣履全行沾溼祇得將各路已到之船一百數十隻令貴州廣東官兵乘坐先行至二十六日復到餉銀七萬兩即飭

聖朝方略卷二十九

十三

分給各兵勇催令於二十七日開行並令湖南廣西官兵及捷勇提標各項壯勇趕赴姑塘就船撫臣張芾又由省城續雇到江船一百一十隻軍船三十七隻總兵李瑞於吳城雇到四百餘隻楚粵官兵及各勇亦於初一日由姑塘登舟開出湖口臣即於初二日由潯開行川兵繼後臣深知金陵喫緊盼援甚殷惟是從前自將

一軍拔營甚易今蒙

皇上畀以重權必須通籌全局布置周密然後可期得手連年以來因見各路官兵每當追賊之時憚於跋涉所有疲弱不前者此時不能不嚴加懲治業將潮勇三千五百名全行撤退張國樑所帶捷勇留一千二百名撤去二千八百名提標五項壯勇留一千二百名撤退四百名通計撤

聖朝方略卷二十九

十四

退六千餘名其襄陽滋事土匪昨經臣飛調總兵普德布帶滇黔兵一千二百名署鄖陽鎮總兵耿文錦帶湖北兵八百名升用遊擊王國材申有謀等帶滇兵七百餘名馳往會勦業已肅清所有陝西兵一千名尚未出關自應撤回歸伍其宜昌兵五百名並湖北兵八百名雲南兵七百餘名亦已飛咨署湖廣督臣張亮基就近



撤回至音德布所帶之兵及副將瞿騰龍所帶  
楚兵仍調來營差遣二月初五日 臣於彭澤舟  
次接奉

諭旨著兼程趕赴江甯查三江民風柔懦一聞有警相  
率遷徙長江要隘如小孤山等處有險而不能  
守致逆船得以長驅直下 臣一路目擊情形不  
勝痛惜惟自九江起程後連日狂風駭浪舳舻

欽定剿平粵匪方略卷三十九

十五

未能暢行現於初十日行抵安慶省城查探賊  
船前隊離金陵不遠後隊尙在東西梁山一帶  
臣立即催齊兵勇馳往應援惟是江南形勢本  
屬生疏何處守險設防殊難懸揣至前督 臣陸  
建瀛撤回之師船大礮及所調各水勇必身到  
其境方可相機調撥 臣現已飛咨將軍祥厚先  
行妥爲布置一俟 臣到時再行會商辦理一面

飛催長沙岳州所配船礮不分星夜駛下趕上  
大隊合同前進均奏入

上命軍機大臣傳諭琦善陳金綬向榮曰現在金陵已  
失危急形狀不堪設想該大臣等於二月初十日同  
抵安慶既已會商再四諒必謀出萬全惟賊蹤靡定  
是否占踞金陵抑或窺伺淮揚殊難逆料著琦善陳  
金綬與向榮察看賊勢大江南岸如何攻擊北岸如

欽定剿平粵匪方略卷三十九

十六

何防守水陸要隘如何互爲聲援總期勦力同心速  
殲羣醜前調吉林黑龍江馬隊將次到齊此項勁旅  
於渡江不甚相宜著卽留於江北防賊奔竄或於淮  
徐一帶扼要駐紮以備調遣北岸江浦儀徵瓜州等  
處江口在在均關緊要必應督兵前往與楊殿邦合  
力防堵勿稍遲誤東南半壁朕惟該大臣等是倚偵  
探賊勢勦辦情形必當隨時馳報所過州縣倉糧漕



米俱准酌量動用兩路餉銀亦可彼此通融撥放各歸糧臺報銷鄧紹良昨已補授江南提督仍可隨同向榮勦賊玉山已調補壽春鎮總兵江北祇此重鎮著卽迅赴新任督兵勦捕土匪以專責成

上又命軍機大臣傳諭訥爾經額曰現在江甯失守琦善陳金綬向榮卽日督兵前進已諭令該大臣等於大江南北兩岸扼要合力攻勦矣賊情詭譎異常難

聖朝方略卷三十九

十七

保無奸細比來窺探希圖勾結土匪爲患界連豫東等處稽查彈壓必須大員督辦與鄰省聲勢聯絡方足以定民志而杜奸萌著訥爾經額體察情形如須親身扼要駐紮卽奏明前往總期有備無患毋致臨事周章

向榮又奏言臣馳抵安徽省城查得正月十七日賊船駛至江岸防兵開礮轟擊賊亦對放槍

礮巡撫蔣文慶登城督陣見南北官兵紛紛跳城與城外官兵一同潰散勢不能支回署趕具奏稟未及繕清已報賊匪爬城卽將奏稟交家丁馮春等隨卽出署登城甫出西柵圍牆巷口卽遇賊數十人隨行人役潰散致被戕害巡撫關防聞交巡捕盛世忠亦已遺失文武被戕者十四員其餘不知下落安徽省城新遭蹂躪其

聖朝方略卷三十九

十六

撫綏彈壓招集流亡事事均關緊要臬司張熙宇業已回城籌辦三營官兵亦陸續回營藩司李本仁退至舒城縣地方亦經調回省城料理撫臣蔣文慶登陣督戰城亡與亡不愧守土大吏伏懇從優

賜卹通判楊序鏞等相應開列一併請卹奏入上諭內閣曰賊匪竄陷安慶巡撫蔣文慶登陣督戰疊



受刀傷殞命尚不失城亡與亡之義著加恩照巡撫  
例賜卹安慶府通判楊序鏞等均著照現在官階加  
等議卹自蔣文慶以下並著於該地方建立專祠以  
慰忠魂其餘安慶城內文武各員並著該撫查明下  
落詳細具奏

上又諭內閣曰據向榮奏查明張熙宇業已回省李本  
仁現在舒城該藩司係該撫奏明留省之員乃於倉

聖學聖方略卷二十九

十九

庫錢糧概置不顧巡撫業經盡節而藩司以守土大  
員竟敢退至舒城顯係棄城逃避李本仁著卽革職  
拏問交李嘉端會同周天爵按律定擬具奏張熙宇  
防守小孤山是其專責何以賊船東下輒卽退回著  
先行革職交李嘉端會同周天爵確查該革員是否  
與賊接仗抑係聞警先逃據實具奏此外遇賊潰走  
之文武各員並著該撫等確查奏明按律分別治罪

向榮又奏言內閣學士臣許乃釗奉

旨馳赴陸建瀛軍營因長江水陸兩路梗塞難行於二

月初十日與臣同至安徽省城知陸建瀛業已

革職拏問許乃釗仍與臣一同前進俟接奉

諭旨應赴何處軍營再當遵

旨而行奏入

上諭內閣曰內閣學士許乃釗現已行抵向榮軍營著

聖學聖方略卷二十九

二十

卽幫同辦理勦捕事宜

同日

上命軍機大臣傳諭李德曰聞山東兗沂曹三府匪徒

聚擾情形現雖未著而當逆氛正熾之時心懷觀釁

亟應防其勾結著李德卽督率地方文武員弁認真

查拏或統兵會勦或購綫躡緝總期淨絕根株毋致

養癰貽患現在黑龍江官兵改道由山東行走如該



地方兵力不敷該撫即可將此項官兵就近暫留數日藉資勦捕朕已命琦善等酌量布置仍著隨時知照毋誤事機

二十日乙未 陳金綬勝保奏言查該逆已至江甯

占踞對岸浦口地方現在南岸已有向榮由水陸分兵攻勦臣等若再渡江會合不但現無船隻且恐北岸空虛賊易奔竄况浦口與淮徐盧

聖朝方略卷三十九

三

鳳無為六安及河南光信一帶道路相通設再蔓延為患更鉅惟有仰懇

皇上密飭向榮由南岸迅速進勦設法燒斷逆賊浮橋以免賊匪北竄臣等即遵

旨星速督兵直攻浦口賊營與向榮約定日期南北岸同時並進如北岸浦口賊營一破則南岸賊勢自孤臣等即設法渡江與向榮會合夾攻似為

勝算至琦善所帶陝甘直隸已到之兵尙止二千餘名其餘馬步隊均未趕到實在無可撥調

前在安慶晤面時曾囑臣等先行琦善即隨後趨赴接應計臣等一到浦口與賊接仗琦善相

距不遠聲勢自然聯絡臣等已於十五日由桐城取道舒城合肥滁州一帶直赴江甯浦口進勦惟到處土匪疊起地方不靖臣等須步步為

聖朝方略卷三十九

三

營以防不測惟有極力督兵行走以期迅速前進奏入

上命軍機大臣傳諭向榮陳金綬勝保曰江甯未陷以前逆匪已將浦口占踞若不及早克復則儀徵瓜州等處江口在在堪虞向榮統領大兵水陸並進現在想已渡江著即分路夾攻出奇制勝其江北一帶著陳金綬勝保督率弁兵扼要駐紮迅將浦口賊營併



力攻破不惟遏賊北竄且可與向榮會合夾攻以殄  
群醜琦善亦不日趕到更可互爲聲援相機接應所  
有逆賊浮橋尤須及早燒斷著向榮陳金綬勝保等  
察看情形何處可以得手卽向何處燒燬總期斷其  
紛竄之路俾進退無據則剿辦方可得力

同日

上諭內閣曰前任湖北藩司唐樹義熟悉湖北地方情

欽定剿平粵匪方略卷二十九

三

形著卽前往湖北幫辦一切撫輯事宜

上又諭內閣曰湖北武昌漢陽黃州等處先後被賊竄  
擾蹂躪凋殘深堪憫惻被害官民流亡子女或應掩  
埋屍骨或應設局收養均著妥籌辦理所需經費務  
當覈實動用毋任絲毫浮冒俾窮黎均霑實惠地方  
日就乂安

二十一日 丙申 江南河道總督楊以增奏言江甯

省城失守揚州爲江甯下游清江距揚州四百  
餘里爲南北通衢無城郭可守無險隘可扼揚  
州有警則淮安危過淮安則渡黃而北可以直  
窺東豫誠如

聖諭必須嚴密籌防惟河庫空虛無可支用懇請

皇上天恩飭部酌撥銀數十萬兩星速解浦備支至防

守黃河必須扼其來路如揚州爲清江浦渡河

欽定剿平粵匪方略卷二十九

三

必由之路安徽宿州亳州等處爲徐州府渡河  
必由之路扼其來路則地少而兵力易集徧防  
黃河則兵多而稽查難周且南岸奸匪固應防  
其偷渡而北岸如山東曹單江南邳宿等州縣  
捻幅各匪尤恐其勾通逆賊將收至北岸船隻  
偷放予賊必須南北兼防方足以杜賊蹤 臣標  
五營兵丁存營不過一千七百餘名以之防守



五營汎地已屬不敷更無餘兵遏賊北竄之路  
臣通盤籌畫先募民勇數百名以壯聲勢一面  
勸諭團練俾土匪不致竊發民心藉以安定仍  
懇

皇上飭令琦善陳金綬各統大兵十分之七收復江甯  
防堵鎮江蘇州撥十分之三星夜馳赴清江浦  
防賊北竄並撥江南狼山鎮標兵一千名掘港

欽定四庫全書

三

靖江鹽城三營兵各一百名以備會同堵截洪  
湖南岸鄰近盱眙天長船隻收至清江東清堰  
高堰一帶以免偷渡並遴委能事文武前往募  
勇巡防以期慎密奏入

上命軍機大臣傳諭楊殿邦楊以增曰江北防堵緊要  
河標存營兵丁不敷調遣漕標兵丁亦屬單薄惟琦  
善等所帶官兵可以就近接應著即遵旨飛催酌撥

協濟所請江南狼山鎮兵一千名掘港靖江鹽城三  
營兵各一百名並著飛咨調撥以資防守至招募壯  
勇勸諭團練收集洪湖南岸船隻均著照所議辦理  
該督等務督飭文武員弁晝夜巡防尤宜彈壓土匪  
查拏奸細斷不可稍涉大意所需餉銀數十萬兩前  
因楊殿邦請餉已由戶部議准撥給山東藩運兩庫  
及長蘆解部各款銀三十萬兩自可通融動用河庫  
無論何款亦須先其所急極力籌畫務須加意樽節  
勿稍浮冒

欽定四庫全書

三

上又命軍機大臣傳諭琦善陳金綬曰逆賊蟻聚江甯  
必藉浦口賊匪為接應以便牽掣我師梗塞江路必  
須先將浦口占踞之賊剿滅其六合儀徵瓜州等處  
江口均關緊要亦不可顧此失彼此時向榮諒已渡  
江相機攻剿琦善陳金綬等務即將北岸江口先行



廓清萬不可令賊匪北竄其黃河南北兩岸防不勝防自應擇要駐守重兵如揚州爲由淮入河門戶清江浦爲渡河咽喉著琦善陳金綬迅卽酌撥官兵數千名飭赴淮揚一帶會同楊以增楊殿邦併力防堵琦善所帶之兵刻下想早到齊吉林黑龍江馬隊均可趕到應如何擇要布置該大臣等自必胸有成竹至河南陝西防兵內如須添調卽著酌量緩急辦理是爲至要

欽定剿平粵匪方略卷二十九

三

同日

上諭內閣曰署理四川總督慧成著卽於陝西省現在調赴防所官兵內酌帶數千名迅卽起程馳赴江北一帶扼要處所會同楊殿邦楊以增籌辦防剿毋稍遲延

同日戶部奏言楊殿邦奏軍需緊要等語臣等擬請在山東藩運兩庫籌撥銀二十六萬兩再撥長蘆鹽課銀四萬兩共銀三十萬兩以資應用奏入

上從之

欽定剿平粵匪方略卷二十九

三



欽定勦平粵匪方略卷三十 癸丑年

二月二十三日 戊戌琦善奏言臣於廬州府之合

肥縣探聞江甯省城失守現在陳金綬等業已

先行臣即飛咨該提臣等由浦口直趨儀徵徑

赴瓜州與漕臣楊殿邦籌商渡江繞至龍潭抄

出賊前會同向榮暨江蘇撫臣楊文定一面杜

賊下竄之路一面攻復江甯臣先馳赴浦口如

該處尚有逆賊即率兵攻擊杜其北竄儘不甚

喫重即由儀徵瓜州渡江以為應援至臣現在

隨帶之兵仍止二千八百名其餘漢中大名吉

林官兵均尚未到實屬無可分撥一俟有續到

者即撥赴陳金綬軍前隨同攻勦黑龍江兵聞

已抵皖惟無船不能渡江江南亦不能施用馬

隊應留北岸浦口一帶以資堵截再查楚粵鄉

勇業經向榮遣去七千名乃該勇等並未回籍

仍冒充向榮兵勇沿途滋擾更恐隨營探聽軍

情實有誅不勝誅之勢現在向榮尙帶有三千

餘名自應悉行遣逐又慮激成他故不得已暫

事羈縻惟有加意嚴防庶不致再為所誤奏入

上命軍機大臣傳諭琦善陳金綬向榮曰江甯失守賊

蹤靡定總須南北兩岸互為聲援南岸如何攻擊北

岸如何嚴防該大臣諒能悉心籌畫謀出萬全刻下

向榮兵船計已駛到若能上下夾攻乘風縱火將江

面賊船浮橋燒斷燬其輜重勦辦自易得手所稱馬

隊不宜用之江南著即留於江北扼要駐紮以備調

遣粵楚鄉勇沿途滋擾且恐潛通消息易聚難散別

滋事端仍著向榮加意防範總以陸續設法遣散為

要慎勿勉強羈縻致貽後患近日攻勦防堵各情形

勦平粵匪方略卷三十

一

勦平粵匪方略卷三十

二



並著隨時馳奏

同日張亮基駱秉章奏言臣等馳抵武昌督飭司道暨武漢兩府選員設局查辦殉難文武官紳旬日以來羈有端緒伏思該文武各官當賊至而嬰城固守志切同仇值城陷而力盡效忠從容就義並有舉室妻孥暨僕婦家丁同時自殉者實屬可傷可慘至紳士幕友捐軀被害亦

欽定剿平粵匪方略卷三十

三

堪憫惻茲將據報查訪明確者先行開列恭呈

御覽仰懇

聖恩從優賜卹以勵臣節而慰忠貞奏入

上諭內閣曰上年逆匪先後攻陷武昌漢陽該處文武官紳力竭捐軀並有舉室妻孥幕友家丁同時殉難者覽奏不勝憫惻湖北巡撫常大瀄學政光祿寺卿馮培元布政使梁星源按察使瑞元著再加恩賜諡

署湖北提督雙福著交部從優議卹鄖陽鎮總兵署雲南臨元鎮總兵王錦繡前河南河北鎮總兵常祿均著賞加提督銜卽照提督例議卹與雙福一併加恩賜諡襄陽府同知王本立等均著照現在官階加等議卹常大瀄之子都司職銜常集松等均著照陣亡例議卹在籍防守之湖南試用通判殷利謙等著一併照例議卹殉難各員道府以上之子孫著俟百

欽定剿平粵匪方略卷三十

四

日服滿及服闋後由該旗該部帶領引見候朕施恩所有各該員被難之幕友家丁等均著該部查照單開姓名照例議卹常大瀄等業經降旨建祠其餘殉難文武各官並家屬幕友及家丁等均著一併附祀以慰忠魂此外官紳人等眷口盡節者並著查照單開分別旌卹未經查出各官紳仍著該署督等迅速查明具奏



二十四日己亥向榮奏言連日疊據探報稟稱逆匪於正月二十八日至金陵城外焚燒民房上下十餘里水道俱賊艘灣泊南岸一帶南門通太平府陸路東門通鎮江府陸路距城七八十里均紮營築堡防我後路追兵金陵對岸浦口地方亦有賊守並時有船隻往來蕪湖縣城搬運糧米臣連日催督兵船揚帆東駛前隊兵勇

聖學方略卷三十

五

已於十四日晚趕抵蕪湖兵勇一擁登岸立將守糧之賊殺斃多名餘俱逃竄當將蕪湖收復臣於十五日早趕到卽日舍舟登岸由陸路趕赴金陵援救惟臣所帶皆係陸兵不習水戰且水戰利器必須礮船在先轟擊兵船方能繼進現在礮船爲數太少且各路所謂礮位未齊祇得在蕪湖地方趕造礮船俟調取礮位解到卽

可分配各船再由水路進剿臣陸路之兵先抵金陵城下紮立營盤以爲城內聲援再將蕪湖水次各兵相機前進紮成水寨與陸兵相爲犄角至琦善所帶各兵雖係生力然未經大敵不敢驟令當先臣前在安慶已與面商臣兵先進琦善之兵在後作爲接應至提臣陳金綬與臣當日同隸楊遇春部下最爲相得茲又共事一

聖學方略卷三十

六

方更當勦力同心剿除醜類臣素聞江南民風柔懦恐被圍以後目擊心驚相率逃散現在四路出示告以大兵已到立卽赴援務宜同心固守並又恭錄

諭旨破格獎勵團練等因備文專弁繞道入城交將軍祥厚一體刊刻曉諭先期固結人心一面酌撥精兵勇將設法入城協同守禦庶省垣可保而



大局無虞至閩浙粵東水師與火輪各船臣先  
已飛札催調並令趕緊駛入大江援救金陵又  
恐該逆渡江北竄已飛飭淮揚徐各地方官趕  
緊開挖城濠補葺堞口繕兵練勇豫爲防守奏  
入

上命軍機大臣傳諭琦善陳金綬向榮曰向榮於十五  
日卽抵蕪湖距江甯不遠何以十七日奏報尙不知

欽定剿平粵匪方略卷三十

七

江省失守之事豈沿江一帶毫無偵探耶據稱蕪湖  
城內賊匪逃竄派兵由陸路馳赴金陵現已救援不  
及祇可於水陸扼要處所相爲犄角以圖克復尤須  
將水面賊船浮橋先行設法燒燬若南岸之兵離省  
遠紮營盤北岸之兵又復遠離各江口要隘任賊從  
容布置爲負隅久拒之計或聽其南北分竄安用該  
大臣等督兵赴援爲耶

上又命軍機大臣傳諭怡良曰前令怡良赴兩江總督  
新任並催前調之福建兵二千名趕赴江南此項官  
兵想已陸續起程惟必俟各營調齊統帶前進恐需  
時日現在江南防剿喫緊一切軍務亟須調度著該  
督卽行兼程赴任一面催提各營官兵隨後趨行不  
可稍涉拘泥

上又命軍機大臣傳諭慧成曰前令慧成於陝西省現

欽定剿平粵匪方略卷三十

八

在調赴防所官兵內酌帶數千名馳赴江北淮揚一  
帶會同楊殿邦楊以增扼要防剿惟兵數旣多若俟  
該署督自行帶往未免有需時日現值江防喫緊之  
際一切調度需人著該署督星速兼程前進一面飭  
催各官兵隨後趨行勿致稍有遲誤

二十五日 庚子

上命軍機大臣傳諭訥爾經額曰江甯現已失守各屬



隘口防範尤宜嚴密請爾經額居中調度藉可鎮定人心不必卽行出省界連黃河及與豫東接壤各隘口著卽嚴飭派出之鎮將大員分帶弁兵會同各地方官實力巡防儻有土匪竊發奸細溷跡立即嚴拏務獲切不可稍有疏懈其江南山東所轄黃河地面及淮北一帶關繫緊要已屢諭各該督撫嚴密籌辦該督仍當隨時照會與鄰省呼吸相通聲勢聯絡則

聖學聖方略卷三十

九

查辦更爲嚴密奸匪自無隙可乘矣

上又命軍機大臣傳諭張亮基駱秉章潘鐸曰上年逆

匪自粵竄楚所過郡縣望風潰破地方文武除蒲圻縣知縣周和祥外從未聞一人嬰城固守以待援兵而軍營帶兵及防堵各員亦皆聞警先遁赴援不前以致岳州武昌相繼失守此等庸懦畏葸之員若不早正刑章何以肅軍律而厭民志該督撫等於疊奉

嚴旨竟敢置之度外延不覆奏如劉長清余萬清等罪名早已審訊定擬朕所以令其解交刑部者原欲使供情確鑿共見共聞並非謂情有可原姑緩其死俾得從容就道也岳州棄城逃避之博勒恭武罪無可追特因其有墜馬受傷一語若不詳查罪狀亦未能昭著是以諭令查辦乃逃回武昌之後直至城陷杳無下落該督撫等到省已將而月事事皆能經理

聖學聖方略卷三十

十

豈獨於此一人竟至無從查考耶阿克東阿業已奉旨斬決至今亦未遵旨具奏尤出情理之外似此瞻徇玩延是直欲聽若輩隱匿病故以業已身故一奏了事在朕則法無可加而該督撫等則自詡陰功盛德是何政體是何居心賊匪初竄湖南地方文武猶有一二畏法者以力竭自解迨至郴州道州連次潰陷大吏從不查參卽至避匿逃回亦無一言論及以



致效尤接踵習爲故常該督撫等當賊匪在境之時或可藉詞無從訪問今賊去已遠被兵州縣中有收復已經半載者何至毫無覺察任聽此等庸員逍遙事外朕不知該督撫等何顏對此兵燹遺黎也著張亮基略秉章潘鐸於接奉此旨後勒限半月將業經奉旨解部及斬決各犯迅速遵辦其失事地方未經入奏之文武官吏並軍營將弁一律嚴查定擬罪名

欽定剿平粵匪方略卷三十

十一

具奏如再遲延遺漏朕必將該督撫等重懲不貸懷之

上又命軍機大臣傳諭怡良楊文定李嘉端張芾曰逆匪自竄出武昌以後擾及江西安徽江南連陷城池各該地方文武員弁除守城殉難各員外均有應得之罪所有江西九江所屬地方及安徽省沿江各府州縣並江南省被賊處所著該督撫等查明文武各

員有棄城先逃臨敵退避者卽行革職拏問按律定擬罪名迅速具奏毋得稍有瞻徇遲延致干重咎

同日

上諭內閣曰前有旨諭將湖北武昌漢陽兩城殉難各員道府以上之子孫帶領引見因思軍興以來各省帶兵提鎮大員或臨陣捐軀或守城殉難均宜賞延後嗣以慰忠魂除先經降旨准將子孫帶領引見各

欽定剿平粵匪方略卷三十

十二

員外其餘陣亡殉難總兵以上大員之子孫均著俟百日服滿及服闋後由該旗該部帶領引見候朕施恩

臣等謹案失律有誅死綏有卹此賞功罰罪之權所以整軍而戡亂也當粵逆初出湖南沿江郡縣望風瓦解疆臣貽誤兵機生靈慘遭荼毒遂致東南糜爛我



文宗顯皇帝赫然震怒嚴喪地之誅而殉難諸臣之子孫

諭令帶領引

見聽候

恩施使知倖生苟免者罪無可逭臨敵捐軀者賞延於

後罰則天下畏威賞則天下懷德卒能削平

禍亂謂非

聖人神武有以啟佑也哉

聖人神武有以啟佑也哉

二十六日

辛丑

杭州將軍調任福州將軍有鳳杭

州副都統巴彥岱奏言本月十七日撫臣黃宗

漢來署告知江甯省城於十一日失守臣等隨

派能事兵丁前赴江蘇安徽等處節節偵探賊

蹤一面仍與撫臣黃宗漢選派官兵妥備軍火

利器一有警報立時上城周圍支搭帳房並於

扼要處所安設大小礮位與綠營撫標城守弁

兵分汛防守日夜梭巡瞭望臣等仍不時督率

協領等官分投查察並另派精壯官兵五百餘

員名分清隊伍整齊軍械以備臨期應用惟省

城周圍三十六里而駐防官兵祇有一千六百

餘員名綠營官兵亦不過二千餘員名省垣為

根本重地城大兵單不足以資守禦惟有速調

聖人神武有以啟佑也哉

聖人神武有以啟佑也哉

福州駐防滿洲兵六百名乍浦駐防滿洲兵四

百名飭令委員統帶星飛來浙協同守禦再查

武林門外之武林頭為嘉湖至省要路鳳山門

外之鳳凰山距城里許山上設礮可以四面轟

擊該二處均係扼要之區現由撫臣多派兵勇

於該二處分別屯紮與城內為犄角之勢以備

合力攻剿



同日黃宗漢奏言江甯與江蘇壤地相接儻該逆裏脅土匪水陸並進不日即可抵蘇該省鎮江蘇州居民遷徙已空兵力又單實有難以支持之勢浙省又與蘇省一水可通防堵萬分喫緊當卽飛飭處州同知和齡等扼要巡防以顧省城門戶臣則會同將軍都統織造督飭司道府縣暨在省紳士派員帶領兵勇於城廂內外

欽定剿平粵匪方略卷三十

十五

晝夜巡查並於武林門外之武林頭鳳山門外之鳳凰山各設營盤一座又於十城門由紳士捐雇鄉勇徹夜巡邏聲勢極爲聯絡惟省城防兵統計滿綠各營不過三千餘名本省鄰省之兵均無可徵調所有鄉勇除各處居民自行團練外官爲召募者亦不過三千名勦捕尙難得力惟有請

旨飭下琦善向榮等迅帶大兵星夜前至江浙交界地面居中策應西面圍剿以冀迅速殲除不致再行延蔓再浙省人心懦怯義勇豈盡屬干城察看杭嘉湖地勢又難堅壁清野雖已竭力布置難保其必能制勝萬一賊氛逼近臣擬馳赴蘇浙交界擇要守禦遏其入浙之路均奏入

上命軍機大臣傳諭有鳳巴彥岱黃宗漢曰逆匪竄踞

欽定剿平粵匪方略卷三十

十六

江甯若由水路分擾則浙江之嘉興湖州處處堪虞有鳳昨已有旨調任福州將軍現在浙省防勦喫緊著暫留浙江與該撫籌辦防勦黃宗漢擬赴蘇浙交界擇要守禦遏其入浙之路自應如此辦理所調福州駐防兵六百名乍浦駐防兵四百名著卽飛催來浙以助防守前調福建兵二千名刻下想已起程著一併迅催趕到亦可爲江浙兩省聲援葉紹春並著



會同籌辦省城防勦事宜該將軍巡撫等務當悉心籌畫竭力嚴防安撫居民稽查奸細是為至要

上又命軍機大臣傳諭琦善陳金綬向榮曰逆匪竄入江甯省城鎮江蘇州等屬俱已震動浙省與蘇省水陸毗連情形極為喫緊向榮現已渡江如攻勦得力自可遏賊東竄陳金綬由浦口直趨儀徵徑赴瓜州現在能否渡江與向榮併力攻擊若能用船礮轟擊

聖朝方略卷三十

十七

斷賊浮橋燬其輜重並分扼要隘杜賊南北分竄之路則蘇常嘉湖一帶猶可不致擾害琦善駐紮江北尤宜統籌全局相機策應務當嚴密布置毋稍延誤

二十七日 壬寅 陳金綬勝保奏言臣等於二月二

十一日行抵江浦接壤之全椒縣地方接據江浦縣飛稟賊匪屢次犯境俱經該縣文武併力抵禦並未入城惟縣屬浦口地方係江甯對面

一大鎮市現在賊船密泊並聲言指日率眾萬餘北渡等情伏思該逆此番過江未必非欲嘗試北兵利害臣等所帶兵丁僅四千名尙形單弱現已飛調馬隊藉資衝擊惟有相機辦理庶可不致失機俟浦口一復即當咨琦善駐守浦口督兵接應臣等即設法由六合一帶渡江以便會合上下攻勦現在向榮已抵和州距江甯

聖朝方略卷三十

十六

亦祇一百餘里即日可由上游進勦臣等業已知照定期進兵仍與琦善合防北岸遏賊上竄勝保又奏言江甯一府為東南保障江甯一失全局震動必須豫為籌畫逆賊思竄之路亦應早為防備臣等日思渡江逼近賊營奮力合勦然以大局而論北岸雖有琦善駐守浦口策應而和州直通廬州六安勢不能不分兵據守至



下游北岸由六合可達徐州由瓜州可至淮安  
雖揚州已有楊殿邦帶兵堵禦而淮徐一帶不  
可不豫爲計臣愚以爲宜速飭信陽防兵移紮  
六安廬州等處爲北岸後路接應更宜就近添  
調弁兵在清江浦一帶扼要駐紮爲揚州聲援  
並將襄陽駐守之兵進移湖北漢黃等處以備  
調赴下游堵截賊匪上竄並擬咨令向榮攻剿

欽定剿平粵匪方略卷三十

十九

江甯西南等門賊營水陸布置臣與陳金綬相  
機攻剿江甯東南等門若再將廣東調來礮船  
由水路進擊東下之賊船庶可大挫賊鋒再圖  
殲擒首逆奏入

上命軍機大臣傳諭琦善陳金綬勝保曰軍旅之事變  
幻靡定若藉口遵旨株守江北任賊從容布置不但  
蘇常一帶蹂躪堪虞萬一渡江北竄其能當此兇鋒

不令闖入否陳金綬係幫辦大員且久歷戎行何以  
漫無定見著與勝保迅速籌商先將浦口賊匪剋日  
殲除卽渡江救援江甯亟圖克復其江面賊船浮橋  
務當設法先爲燒燬使賊不能北渡得以併力進攻  
勝保現已補授內閣學士幫辦軍務責無旁貸著與  
琦善陳金綬同心勦力迅掃賊氛並隨時酌量無論  
江南江北何處緊急卽便宜辦理毋得拘泥候旨致

欽定剿平粵匪方略卷三十

二十

誤事機陳金綬等現帶兵丁僅四千名實屬單弱所  
有吉林黑龍江馬隊計已陸續趕到琦善所帶各路  
精兵刻下亦斷無不到之理著卽分撥三四千名交  
陳金綬等大營聽候調遣並著陳金綬勝保飛速催  
提毋任延誤總之江北地面延袤數省防不勝防若  
不激勵將士設法進剿不但糜餉勞師轉恐賊燄益  
熾該大臣等膺茲重任務當妥籌全局與向榮隨時



知照合力進剿毋再觀望遷延任賊紛竄

上又命軍機大臣傳諭羅繞典張亮基駱秉章陸應毅

曰據勝保奏亟籌大局宜速飭信陽兵移紮六安廬

州等處為北岸後路接應更宜就近添調弁兵在清

江浦一帶扼要駐紮為揚州聲援並將襄陽駐守之

兵進移湖北漢黃等處以備調赴下游堵賊上竄等

語著羅繞典張亮基駱秉章陸應毅將可以調撥之

聖學聖方略卷三十

三

兵移遠就近一遇徵調即令星速馳往庶緩急有資

勦辦可期得力

上諭內閣曰勝保著補授內閣學士兼禮部侍郎銜並

著幫辦軍務

二十八日 癸卯 向榮奏言臣馳至蕪湖境後因聞

江甯城大兵單斷難久守星夜馳至江甯縣境

始知逆賊於正月二十七日先到省城南門外

紮營二十九日及二月初二日均用火箭巨礮

攻打初四日以後並至水西旱西儀鳳等門四

面環攻攻城之賊被城內礮火擊斃甚多初十

日逆匪先攻儀鳳門甚急城內之兵皆聚一處

堵禦該逆見水西旱西南門三處兵少遂接木

梯爬城而入四門同時被陷賊隊擁進聞旗兵

拚命死鬪殺斃賊眾不下三四千人現在城內

聖學聖方略卷三十

三

滿漢大小各官均無下落臣即於十八日馳抵

江甯縣之板橋查看近城紮營處所証該逆先

於城外多掘陷坑密布竹籤並於長壽橋左右

築有土城連紮賊營數座防備甚嚴此外俱係

小河無可繞越因查東路孝陵雄黃鎮一帶地

勢寬敞進攻較易兼可扼賊竄擾蘇常之陸路

當即統兵繞從秣陵關一帶馳往東路度地紮



營相機進剿惟金陵既已失守北路空虛誠爲可慮臣趕緊飛咨琦善統帶官兵卽於北岸扼要之處駐紮設法堵禦杜其北竄之路其淮揚徐州一帶臣先已飛咨楊以增轉飭各該處嚴密防守矣臣伏思流賊荼毒三載蹂躪六省

皇上軫念江南惟恐生靈再遭塗炭畀臣以督師重任馳往救援並且疊次

欽定剿平粵匪方略卷三十

三

嚴飭以此城安危繫於一身茲竟不能先事趕到設法

保全實屬負

國負民罪無可遁相應請

旨卽將臣交部從重治罪以爲玩誤不職者戒現在惟當激勵將士恢復金陵盡掃狂寇以冀稍贖罪戾奏入

上命軍機大臣傳諭向榮曰前以安慶失守疊經降旨

令向榮督兵馳赴江甯應援乃該大臣行抵九江住閱旬日於本月十五日始抵蕪湖其遲誤之罪與琦善之不能赴援安慶無異卽將該大臣等按律懲辦明正典刑亦屬咎由自取惟念一時簡用乏人且臨敵易將兵家所忌向榮著卽責令帶罪圖功以觀後效據稱該逆於城外多掘陷坑密布竹籤並築土城紮營數處總因援兵遲緩致賊得以堅壁自守其東

欽定剿平粵匪方略卷三十

三

路雄黃鎮一帶既經查明地勢寬敞進攻較易兼可扼賊竄擾蘇常之路現已馳往紮營著卽相機妥爲布置以目前事勢而論總當燬賊浮橋燒賊船隻使江面先就肅清賊匪無從北竄方可專意進攻前調湖南船礮並吳健彰所雇廣艇諒可陸續到齊著卽定期知會水陸並進並隨時知照琦善陳金綬等或於後路策應或於北岸嚴防總期合力兜剿俾賊進



退失據方能制勝該大臣已邀寬典感激之餘必更  
思奮諒能殫竭血誠誓滅此賊以副朕望也

二十九日甲辰大學士軍機大臣九卿會奏言遵

議惠親王等奏請添派重兵前往剿賊一摺臣

等伏查賊匪竄擾粵楚以來二年有餘陸續徵

調各省兵八萬四千七百餘名連各本省之兵

共九萬七千七百餘名各省練勇數目尙不在

聖學聖方略卷三十

三

內經戶部先後奏撥軍需銀二千五百一十萬

餘兩是兵力不爲不厚撥餉不爲不多雖向榮

軍營兵勇疊經裁撤尙敷攻剿琦善所謂馬步

精兵亦已到齊刻下向榮帶兵由九江繞至安

慶業經渡江琦善陳金綬等統帶官兵在江北

一帶防剿如果水陸並進南北夾攻自無難殄

茲小醜惟以現在形勢而論逆賊竄踞金陵不

但鎮江京口南岸恐致梗塞卽北岸浦口可由  
陸路直達徐州又可由瓜儀水路徑抵揚州此  
兩路極爲扼要據該王等奏請

特派盛京兵六千名吉林兵二千名自旅順口乘船由

海赴江南再調京兵一千名密雲駐防兵一千

名攜帶京中槍礮及各項器械由運河護送到

軍營再調西安駐防兵一千名甯夏駐防兵五

聖學聖方略卷三十

三

百名綏遠城駐防兵五百名山西綠營兵二千

名甘肅綠營兵二千名陝西綠營兵四千名速

赴軍營交各該大臣分路攻剿如此厚集兵力

洵足以寒賊膽而快人心惟查乘坐海船必須

水師習慣方無顛簸昏暈之虞至兵丁攜帶槍

礮軍械由運河行走河面偏窄不克連檣且盤

塌倒踊節節稽遲此時添兵助剿自以陸路馳



往較爲迅速查向榮統帶各路官兵萬餘名又已到之陝甘官兵及咨調滇黔武昌等處官兵共七千餘名琦善陳金綬等統帶京火器營及吉林黑龍江馬隊並西安青州駐防直隸山東山西陝甘各等處官兵一萬七千三百四十名兩路官兵已逾三萬昨復欽奉

諭旨命兩江總督怡良帶福建現調兵二千名署四川

欽定剿平粵匪方略卷三十

三

總督慧成帶陝甘現派防兵數千名星馳赴剿儘能剋期會集均足爲該大臣等前後應援惟刻下防剿喫緊擬請將現在桐城之山東兵除琦善奏帶外尙有二千餘名均令趕赴楊殿邦楊以增軍營交其管帶其防堵襄陽奏撤之直隸大名宜昌陝甘湖廣雲南各標鎮兵三千四百五十餘名均令趕赴江北琦善陳金綬軍營

由該大臣等擇要調紮以爲兩岸攻剿之助且可兼顧瓜儀一帶江口仍令琦善體察兵力如須添調卽由陝甘總督舒興阿於調赴商州防兵內再酌調二三千名以遏北來之衝是於江南江北原有重兵之外更添生力勁軍七八千名合怡良慧成所帶之兵增添又已逾萬人與惠親王等奏調駐防綠營兵數相符且覈計程

欽定剿平粵匪方略卷三十

三

途均距江皖甚近較之遠處徵調更爲便捷至所請酌量挑選京兵一千名密雲駐防兵一千名西安駐防兵一千名甯夏駐防兵五百名綏遠城駐防兵五百名共四千名內除密雲駐防兵一千名京兵一千名均未便遠調其西安駐防兵一千名甯夏綏遠城駐防兵各五百名可否請



旨飭令各該將軍選派得力營員迅速管帶起程交釐成調遣至現已奉

旨豫備候調之吉林兵二千名黑龍江兵二千名可否

一併請

旨飭令該將軍派員分起管帶迅即來京並請

特簡重臣統領前往大河南北扼要地方駐紮相機防

勦以爲各路官兵聲援其請交察哈爾都統訓

聖學方略卷三十

五

練之察哈爾馬隊兵四千名歸化城土默特馬

隊兵一千名共五千名交熱河都統哨地紮營

至黑龍江馬隊二千名東三盟蒙古馬隊兵三

千名共五千名內除黑龍江兵二千名業經請

旨飭調外其餘各處馬隊兵並調察哈爾馬匹應否一

併飭令豫備請

旨定奪如蒙

俞允所有西安甯夏駐防兵由陝西籌款支領起程綏

遠城駐防兵由山西籌款支領起程其吉林黑

龍江官兵應先由吉林黑龍江

盛京三處墊發由戶部籌款撥還此次添調各處

滿漢官兵爲數較多需餉甚鉅應請

賞給內庫銀五十萬兩以應急需至黃河以北衝要標

營之兵有調赴各處者應將本省各營彙酌撥

聖學方略卷三十

三十

補認真訓練並如何辦理益臻嚴密之處應請

旨飭下直隸總督山東河南巡撫妥爲布置互相策應

總期有備無患以固衆志而靖地方奏入

上命軍機大臣傳諭琦善陳金綬勝保曰本日據大學

士軍機大臣九卿奏稱請將前在桐城之山東兵除

琦善奏帶外其餘各兵均令赴楊殿邦楊以增軍營

交其調遣防堵襄陽奏撤之直隸大名宜昌陝甘湖



廣雲南各標鎮兵三千四百五十餘名均請交琦善  
陳金綬軍營擇要調紮以爲兩岸攻剿之助且可兼  
顧瓜儀一帶江口仍請令琦善等體察情形如須添  
調卽由舒興阿調赴商州防兵內再酌調二三千名  
等語琦善等先後調撥官兵已有一萬餘名此次添  
調之兵或先已檄調或現在各處分防應如何調撥  
備用其會奏摺內兵數與現在軍營各處兵數或有

欽定剿平粵匪方略卷三十

三

參差之處均著酌量辦理不可拘泥牽就致有延誤  
現在防剿萬分喫緊斷不可因奉有添兵諭旨又復  
姑待也

上又命軍機大臣傳諭楊殿邦楊以增曰現在江北防  
堵緊要所有前此調往江南之山東官兵據琦善奏  
稱現存桐城尙有三千餘名除該大臣奏帶一千名  
外尙有二千餘名著楊以增楊殿邦迅卽飛調以供

防守若此項官兵復經他處調派或不敷一千之數  
卽著該漕督等飛咨欽差大臣軍營酌量調撥勿得  
拘泥原奏致誤事機

上又命軍機大臣傳諭恩華英隆曰前有旨令於吉林  
黑龍江各選精兵二千候旨調遣著該將軍等卽遴  
派委員管帶各官兵備帶軍裝器械迅速來京毋得  
遲誤

欽定剿平粵匪方略卷三十

三

上又命軍機大臣傳諭舒倫保成凱托明阿曰著於西  
安駐防兵內挑選精兵一千名甯夏綏遠城駐防兵  
內各挑選精兵五百名配齊軍裝器械委員迅速馳  
赴江南淮揚一帶交慧成調遣

上又命軍機大臣傳諭慧成曰本日據大學士軍機大  
臣九卿會議請添調西安駐防兵一千名甯夏綏遠  
城駐防兵各五百名請飭各該將軍派員管帶迅速



起程前赴淮揚一帶交慧成調遣該署督卽遵旨催調以備防剿之用

上諭內閣曰前據惠親王等奏請添兵剿賊先後交大學士軍機大臣九卿會同戶部議奏茲據覆奏所議各條均屬周妥現在欽差大臣向榮統帶各路大兵並續到之陝甘官兵咨調之雲南貴州湖北等省官兵欽差大臣琦善幫辦軍務陳金綬勝保等統帶京

勦平粵匪方略卷三十

三

火器營及吉林黑龍江馬隊並西安等處駐防直隸山東山西陝甘各處官兵分路攻剿怡良慧成復帶福建陝甘精兵星馳會合南北兩路併力進攻惟東南數省蒼生疊遭荼毒朕每一念及寢饋難安仍宜厚集勁兵迅殄羣醜著將現在桐城之山東兵先令趕赴楊殿邦楊以增軍營交其管帶其由襄陽撤回之直隸大名宜昌陝甘湖廣雲南各標鎮兵均令趕

赴江北琦善陳金綬軍營由該大臣等擇要調紮以爲兩岸攻剿之助仍著琦善等體察兵力如須酌添卽由舒興阿調赴商州防兵內再行咨調以資策應以上各路重兵覈計程途均距江皖甚近不難迅速到營並著西安甯夏綏遠城各將軍將諭調各處駐防官兵均卽選派得力營員迅速管帶起程交慧成調遣前此備調之吉林黑龍江各官兵著該將軍等亦卽派員分起管帶由京前進至所請調察哈爾馬隊官兵歸化城土默特馬隊官兵蒙古馬隊官兵及察哈爾馬匹著各該將軍並東三盟蒙古王等一併豫備候旨遵行

勦平粵匪方略卷三十

四



欽定剿平粵匪方略卷三十一 癸丑年

三月初一日乙巳楊殿邦奏言賊匪於二十二日蔽江而下臣卽飭令瓜州艇船在江面接仗打沈賊船無數不料申刻風轉賊船順流而下我兵衆寡不敵賊勢乘機擁入隨飭瓜口安置之徐州兵二百名開礮轟擊無如賊數衆多復由儀徵旱路分道而來水陸並進直抵揚城我兵

剿平粵匪方略卷三十一

一

力弱不能兼顧揚城隨於二十三日失陷臣折回高寶一帶擇要守禦沿途察看情形河隄高出於城地勢城身均皆低窪雖議固守實無把握因思淮安水利向由隔壩啟閉爲洩蓄現在各路大兵未到兵力單弱斷難守禦不若啟放各隔壩洩盡淮水使賊舟滯行不能上竄祇須在兩岸堵禦較易爲力若賊匪竄至高寶或竟

決洪湖使水下注該匪自當全股淹沒惟水係

河臣專管臣當赴浦密商籌辦一面飭但明倫駐紮高寶一帶多雇壯勇先行擇要防堵臣亦卽由浦趕緊南下在淮安一帶招募糧船水手一千名鄉勇一千名交前任淮安府知府福楙統帶可資得力並督同該司在高寶堵禦請旨迅飭各路大兵趕緊前來庶可併力前進臣未能竭

剿平粵匪方略卷三十一

二

力堵禦以致府城失守應請從重治罪奏入上命軍機大臣傳諭楊殿邦楊以增曰楊殿邦奏揚州失守請啟放各隔壩洩盡淮水使賊舟滯行不能上竄祇可如此辦理若賊至高寶或竟決洪湖使水下注俾全股淹沒事至危急或可相機應變但恐賊匪未能全股淹沒而吾民又遭昏墊之苦朕心益增憫惻該督等斟酌行之不必拘泥陳金綬所帶之兵在



琦善前路應由何路進援並著知照飛催所募水手鄉勇即交前任淮安府知府福祿管帶以資堵禦

上又命軍機大臣傳諭琦善陳金綬勝保日前經疊次諭令琦善等嚴防江北杜賊奔竄如果該大臣等迅速進兵相機防剿何至揚州失守現在淮徐一帶在在堪虞著琦善陳金綬勝保即統帶大兵會同楊殿邦楊以增探明何路緊急即由何路進攻其黑龍江

聖學聖方略卷三十一

三

吉林馬隊官兵諒已行抵江北著即飛催進援以遏賊鋒軍情變幻靡常該大臣等務須相機應變力遏賊匪北竄之路萬勿再有延誤致干重罪

上又命軍機大臣傳諭李傅曰現在賊匪竄入揚郡山東與江南交界地方必須嚴為堵禦東省各路營兵如有可調務即調赴徐州接壤之處督飭鎮將密為防堵沿河兩岸前經疊次諭令該撫設法巡防想已

布置周密仍隨時偵探與楊以增等聲勢聯絡毋令賊匪北竄

上諭內閣曰楊殿邦奏揚州失守自請治罪覽奏憤恨之極逆匪連檣東竄疊次諭令琦善陳金綬督兵前進嚴防江北並分兵兼顧儀徵瓜州一帶該大臣等如果迅速應援猶可扼要堵禦何至賊匪竄入揚郡陳金綬著即摘去頂戴帶罪圖功琦善前已革去都統銜此時若加重懲轉得置身事外著該大臣等迅督大兵前往堵剿如再延誤自問當得何罪楊殿邦著革職留任仍令會同楊以增極力防守毋得再失機宜致干重罪

聖學聖方略卷三十一

四

初二日 丙午 陸應穀奏言賊情緊急請調東三省兵並蒙古各王兵數萬一由山東取道瓜口一由河南取道淮徐與向榮等合力圍攻賊匪但



既派蒙古官兵非有威望夙著公忠體國之王  
公不足以資統馭伏願

皇上擇賢而使假以便宜俾之統帥諸軍則專權歸一  
兵機可以速決奏入

上命軍機大臣傳諭陸應穀曰逆匪攻陷揚州狡猾已  
極山東與江蘇毗連最形喫重現已調遣重兵扼要  
駐紮至河南與安徽接壤亦應一體嚴防遏賊由滁

欽定剿平粵匪方略卷三十一

五

州分竄之路所有前次調赴信陽州及南陽等處防  
兵著該撫卽酌量調赴豫皖交界地方嚴密堵禦

上又命軍機大臣傳諭舒倫保成凱托明阿恩華英隆  
曰前經降旨調西安駐防兵一千名甯夏綏遠城駐  
防兵各五百名著該將軍等迅速派員管帶起程馳  
赴江南淮揚徐州一帶交慧成調遣又續調之吉林  
黑龍江官兵各二千名並著該將軍等卽飭配帶軍

裝器械派委得力營員迅速管帶起程來京毋稍延  
緩

上諭內閣曰著調山西省官兵三千名陝甘省官兵四  
千名各派得力將弁管領星速馳往山東江南交界  
地方交李德調遣以資攻勦

初三日丁未直隸提督陳金綬內閣學士勝保奏  
言臣等於二十五日距浦口二十里之護國菴

欽定剿平粵匪方略卷三十一

六

地方紮營探聞浦口一帶已無浮橋賊船在彼  
停泊或數十隻或百餘隻不等並於北岸江邊  
刨挖陷坑徧插竹籤以防我兵進戰臣等會商  
於二十六日寅刻督飭將弁分隊進兵已刻馳  
抵浦口鎮城內外賊匪紛至我兵分布四面臣  
陳金綬督兵圍攻賊眾撲出南關迎拒我兵奮  
力擊殺臣勝保督兵繼之忽聞南岸賊營礮聲



不絕江邊帆檣絡繹駛泊北岸急令將弁繞出賊前截擊並分兵由東關衝入追殺該逆勢不能支紛紛逃竄奔赴江岸擁上賊船盡行開赴下游一帶共計斬獲黃巾賊匪首級二十餘顆生擒十餘名鎮城業已收復惟該逆未受大創臣等又不克覓船渡江曷勝焦憤現聞賊船分赴下游揚州鎮江俱極喫緊又恐南岸賊匪併

聖學方略卷三十一

七

力復來更不能不加意防範應候琦善到浦駐守臣等即當移兵直赴下游北岸一帶擇要防勦儻能渡江進攻隨時相機辦理斷不敢稍事遷延奏入

上命軍機大臣傳諭琦善陳金綬勝保曰此次浦口接仗尙爲得手而逆匪總未大受懲創昨據楊殿邦奏揚州失守已諭令琦善陳金綬等趕緊進攻著即統

帶大兵迅赴揚州痛加攻勦使賊匪不敢占踞揚州庶可杜其北竄之路現在淮徐一帶萬分喫緊專待陳金綬等帶兵赴援切不可再有遲誤致干重咎同日呂賢基周天爵奏言據江浦縣知縣曾勉禮稟報賊匪本不甚多其黨與係沿途裹脅凡有身家者皆不願從恭請

聖學方略卷三十一

八

皇上乘此時民心未失拔之陷溺之中各予以自新之路  
欽頒賞格令統兵大臣等廣爲布告俾脅從之衆或在賊中殺賊以爲內應或將賊中虛實密報大營或於臨陣時倒戈向賊均准赦其從賊之罪賞其殺賊之功並請亟

飭統兵諸臣乘賊守具未備之時四面兜勦賊現於金陵城外築土城插竹籤以爲固守之計若不乘



機速戰誠恐墮其術中

周天爵又奏言徐宿一帶人心甫定撫綏彈壓一切均須布置工部左侍郎呂賢基暫駐宿州以資坐鎮臣拜摺後即馳赴廬鳳一帶抄勦南路土匪再折回泗州盱眙由洪澤湖上下巡拏奸匪直抵清江督辦防務其山東與安徽江南毗連各處當隨時知照山東撫臣李德一體嚴

欽定剿平粵匪方略卷三十一

九

防臣巡行周徧即回宿州一帶扼要駐紮彼時呂賢基再親赴各屬巡查團練事宜再徐州為黃河上下千有餘里居中要隘臣料髮逆既踞江甯儘欲北竄必經清江滁州東西兩路而以徐州為控制喫重之地署總兵聶金鏞守護糧臺是其專責且營中弁兵奉調將盡該員更難遠離相應請

旨將聶金鏞暫留徐州庶於禦賊守餉兩有神益奏入

上命軍機大臣傳諭呂賢基周天爵楊殿邦楊以增李德李嘉端日前曾疊降諭旨令統兵大員解散脅從懸賞殺賊此時逆匪攻陷揚州事勢緊急更應防其迫脅良民勾結滋擾即著該督撫等剴切宣諭設法招徠妥為辦理徐州為居中扼要之地設立糧臺總兵聶金鏞著即留於該處於禦賊守餉兩有神益其

欽定剿平粵匪方略卷三十一

十

南路各股土匪現在周天爵親赴廬鳳一帶抄勦務即督飭各州縣趕緊搜捕毋令竄過滁州與揚州儀徵一帶賊匪聯為一氣其與山東河南毗連各處著楊殿邦楊以增李德一體嚴防以期聲勢聯絡呂賢基即暫駐宿州以資坐鎮俟周天爵回宿後再赴各屬巡察團練事宜仍先與各紳耆籌商妥辦

初四日戊申琦善陳金綬勝保奏言浦口收復後



臣琦善卽於次日辰刻親督弁兵馳抵浦口江岸察看見江北有賊船二十餘隻停泊沿江葦柴林立後賊船多隻均爲葦柴遮蔽臣陳金綬等正在江岸整隊彼此晤商以賊人隱匿舟中難於攻擊必須誘其上岸方可乘機剿除臣陳金綬卽帶弁兵由浦口東山外越赴江邊出其不意拋擲火彈將停泊賊船二十餘隻焚燒船賊驚起正思抵敵火已延發該逆紛紛墜水人船同時俱盡復督率弁兵馳赴西邊江岸將葦柴數處亦用計燒燬臣勝保帶兵接應而江心及南岸停泊賊船但放大礮並無船隻前來撲救亦無賊匪上岸迎拒我兵多方引誘不出江面又寬火箭遠不能及祇得收隊伏思賊匪恃舟爲藏身之固此時京兵已抵北岸大江遙

聖朝聖方略卷三十一

十一

隔無船可渡若徒事堵守轉中該匪牽掣之計現在會商臣陳金綬臣勝保卽於二十九日先行帶兵馳赴六合儀徵一帶追剿臣琦善飛催吉林黑龍江弁兵趕緊前來酌量派撥留守後亦卽馳赴下游以爲接應至前調之山東西安兵探無確耗由豫改道之黑龍江官兵祇有第三起德興阿趕到其西陵阿明慶管帶之兵與吉林官兵均尙未到惟有趕緊迎提一面相機勦辦琦善又奏言聞該逆將船中輜重搬運江甯省城其船隻不肯輕棄每於上下游肆意游蕩現在揚州被擾鎮江文報不通蘇松一帶處處可危卽竭力堵禦該逆不能竄擾下游而上游未被蹂躪之區難保不肆行紛竄四川爲腴潤之

聖朝聖方略卷三十一

十二



鄉一江直達防範尤未可稍疏近來各省皆以守城爲重待其兵臨城下始與抵禦爲時已晚惟有於沿江各處覓備船廠先於江心迎截衝擊一面固守城垣搜斬奸細庶不致處處落後以冀賊可鏟除奏入

上命軍機大臣傳諭琦善陳金綬勝保曰揚州失守淮徐一帶萬分喫緊該大臣等統兵嚴防江北是其專

勦平粵匪方略卷三十一

十三

責現在江浦雖經收復揚州仍被占踞淮徐兵力甚單急盼大兵進攻遏其北竄陳金綬勝保旣先行追剿著琦善一面飛催未到官兵一面督率將弁前往接應務將揚州收復無令賊匪紛竄淮徐切不可官兵尙未到齊藉詞再有延誤

上又命軍機大臣傳諭陸應穀曰大兵已至江南所有河南信陽糧臺應改由歸德取道徐州徑赴天長六

合較爲近便著陸應穀體察情形應如何籌畫盡善以期無誤軍需卽行知照琦善等總期源源接濟不致梗阻遲延

上又命軍機大臣傳諭張亮基駱秉章曰現在賊匪攻陷江甯揚州疊飭各路大兵會剿難保該逆被創後不沿江回竄湖北武漢黃各郡雖經收復各要隘防堵仍不可鬆懈據琦善奏該逆不肯輕棄船隻現在

勦平粵匪方略卷三十一

十四

江面肆意游蕩著該署督撫察看沿江地方如道士泖黃石港等險要處所必須設法防守當此無事之時正可安排船廠以備不虞並可爲下游調撥攻剿之用仍須搜捕奸細毋令潛伏勾結

初五日酉 己刑部侍郎奕經奏言竊查逆匪臨張蹂躪數省現在江北戒嚴 臣曾歷其地揣其形勢並無險要可守東南地勢河汊紛歧我兵行



走遲緩致賊得以長驅肆擾所有黃河南北及  
附京各海口山東直隸河南奉天等處籌備似  
宜周密請

旨飭下近京各督撫將軍相度機宜派委幹練員弁扼

要駐守並嚴飭該管府廳州縣商同在籍紳士  
各分地面團練防備務期聲勢聯絡互相策應  
又查黃河南北口岸極多其過渡船隻亦宜防

聖學聖略卷三十一

十五

其劫奪至洪澤湖距黃河最近一帶即從前放  
清刷黃之所僞逆匪暗掘隄壩則河湖相連勢  
若建瓴不特大江船隻可以溯流渡黃而下游  
一帶各隄岸實有衝決之患思患豫防尤當早  
爲之計請

旨飭下河督及地方各官早爲籌備以防詭謀其由清

江浦以南一路宜多設偵探如有警報迅將黃

河各口岸官渡及商販各船調泊北岸杜賊北  
竄之路又長江出海之口爲圖山關其口外海  
面迤南爲崇明上海迤北轉東折西而行南爲  
山東登萊海岸北即奉天之金州旅順蓋平牛  
莊諸口再西則直達天津海口每年春夏之交  
閩廣江浙山東直隸各商船載貨販糧咸集奉  
天各口岸誠恐逆匪假扮商賈乘此南風正盛

聖學聖略卷三十一

十六

之時由海駛至天津勾結土匪爲肘腋之患又  
思賊匪既謀入海自必覓用商船恐海岸遼闊  
偵探不確則良莠難分是須責成江南浙江出  
海各口及山東登萊等處文武各官設法密探  
彼此知會庶免貽誤奏入

上命軍機大臣傳諭奕興曰逆匪竄踞金陵復陷揚州

若被追勦入海則奉天亦應豫防著奕興及各該副



都統將水陸各兵揀挑精銳認真操演以備不虞升任副都統瑞昌於金州情形熟悉著卽酌量情形若瑞昌尙得力卽奏明緩赴新任並著持以鎮靜不動聲色密查奸細毋任勾串滋擾

上又命軍機大臣傳諭訥爾經額曰逆匪竄至揚州當經諭令山東巡撫李德添兵防剿直隸界連東省陸路扼要處所該督當已密爲防範天津水陸交通亦

欽定剿平粵匪方略卷三十一

十七

須不動聲色嚴密布置並著飭令該管鎮道隨時查緝奸細毋任溷跡

上又命軍機大臣傳諭李德曰現在賊踞揚州山東地方更形喫重該撫務當嚴飭地方各官及沿河文武實力巡查無任奸宄溷入山東官兵調往他省者已數千名前有旨添派山西兵三千名陝甘兵四千名交李德調遣但恐一時未能趕到該撫卽先將本省

之兵移遠就近以備防守登萊等處海口爲商船由海赴天津必由之路難保逆匪不假扮商賈駛至天津勾結土匪亦不可不豫爲之防著該撫卽飭令沿海文武各官密爲偵探如有逆匪假冒商船北駛卽一面奏聞一面飛咨直隸總督妥爲防範

初六日 庚戌

上命軍機大臣傳諭琦善陳金綬勝保曰淮徐一帶界

欽定剿平粵匪方略卷三十一

十八

連山東該處兵力單弱現雖添調山西陝甘各兵迅赴山東江南交界而到齊尙需時日朕心實爲焦急該大臣等統帶大兵進剿揚州股匪務當一面圍攻剋期收復仍一面分兵繞至淮徐等處扼要堵截遏賊北竄之路逆匪詭詐多端往往爲聲東擊西之計我兵總須繞出賊前出奇制勝斷不可徒事尾追致賊深入是爲至要



上又命軍機大臣傳諭李德曰現在山東與江南接壤地方情形十分緊要所謂山陝官兵一時未能即到所有黑龍江馬隊官兵由山東境內行走著李德斟酌情形如須留於山東江南交界扼要處所即知照琦善陳金綬勝保等酌量布置現當賊勢猖獗地方喫緊該撫務宜妥速籌防與楊殿邦楊以增合力辦理萬不可令逆匪北竄

聖朝方略卷三十一

十九

上又命軍機大臣傳諭訥爾經額曰現在賊勢猖獗誠恐乘機北竄直隸與山東河南接壤地方急應嚴密防堵著即飭令新任藩司張集馨擇要駐紮督飭地方文武員弁實力巡查毋任奸宄濶入本省官兵著該督酌量調撥移遠就近以備防守

初七日 辛亥 楊以增奏言揚州已於二月二十三日失守賊氛逼近清江非得大兵屯紮難期堵

禦現浦上存兵不過三百名新募練勇不過一千餘名即使續有新募亦恐難期得力臣前請調狼山鎮標暨鹽城掘港等營兵丁恐揚城既失通州一帶亦資防堵未必能兼顧清江臣探聞琦善十九日已抵合肥向榮二十日抵丹徒陳金綬二十二日抵全椒均距清江不遠應請旨飭下該大臣等星速分兵來浦會堵以資周密奏入

聖朝方略卷三十一

二十

上命軍機大臣傳諭楊以增楊殿邦曰淮河以下水勢湍急賊船斷難上駛其由陸路分竄者似非大股陳金綬所帶之兵足敷抵禦楊殿邦前奏自浦回淮後招募水手鄉勇亦可以助兵力著即會同擇要堵剿萬不可使其踰淮而北黃河襟帶雖云天險防守總恃人力若一經竄至清江愈難著力該督等總須加意慎重勿致疏虞



上又命軍機大臣傳諭琦善陳金綬勝保曰賊竄揚郡  
淮安清江勢甚危急陳金綬勝保必須設法繞出賊  
前迅速援應方不致有疏虞賊蹤靡定軍務情形日  
夕不同一切布置朕既不為遙制琦善等統領重兵  
若不能為民除害任賊北竄自問當得何罪

初八日  
壬子

上命軍機大臣傳諭向榮許乃釗曰近聞鎮江又復失

聖朝方略卷三十一

三十一

陷因思江甯孝陵衛壤接句容為內通蘇常要道該  
逆既陷鎮江難保其不由丹陽直趨常州則蘇杭各  
郡勢在危迫楊文定久無報到現在何處鎮江係何  
日失事城中文武官員是否先已遷徙該大臣相距  
較近當已探悉賊匪攻陷揚州其分擾江南江北是  
否意在北竄抑欲牽掣北軍專擾蘇杭其大隊首逆  
尚在江甯與否向榮營中兵勇一萬七千餘名帶兵

提鎮將弁均係久歷戎行若能相機攻剿不但南岸  
賊匪不敢窺伺蘇常即現竄北岸揚州一帶之賊亦  
易剿除許乃釗現署巡撫更當設法保衛蘇州省垣  
所有先經雇覓之上海夾板船及廣艇等船廠計已  
早到江面向榮所帶上游湖南船廠亦當駛到若水  
陸夾攻可期得力現在揚州已有賊匪已飭陳金綬  
勝保扼守江北徑赴揚州琦善相機策應向榮與許

聖朝方略卷三十一

三十一

乃釗即熟商江南如何兜剿不令更致蔓延並可一  
面知照江忠源迅帶兵練接應怡良到江南尙需時  
日所謂福建官兵著向榮許乃釗飛催前來為蘇常  
應援並嚴飭地方文武隨時密拏奸細以防內應仍  
將現辦情形迅速具奏

上又命軍機大臣傳諭琦善陳金綬勝保曰揚州失守  
淮徐戒嚴疊經諭令該大臣等相機應援陳金綬勝



保自以急勦揚州之賊為要其所帶官兵有六千七百餘名亦不為單弱其未到各路官兵既經琦善加緊催提當可陸續趕到陳金綬勝保既抵揚州後著即剋期克復會同楊殿邦揚以增等扼要防勦琦善仍遵前旨隨時策應該逆聲東擊西避實搆虛是其慣技或由陸路抄襲或由水路竄擾應如何防堵截擊軍情變遷靡定在該大臣等熟籌緩急遏賊北竄

聖學聖方略卷三十一

三

不致貽誤事機方為盡善

上又命軍機大臣傳諭陸應穀曰現在賊陷揚州琦善駐紮浦口江北防勦萬分喫緊若令官兵行糧匱乏鉛藥馬匹等項亦不應手則雖有勁旅亦難展施著陸應穀竭力籌畫將糧臺現擬改設何所以期妥便之處迅速具奏並將現到大營之馬隊官兵應需鍋帳鉛藥馬匹速飭糧臺先行趕運未到後起各兵一

體嚴催應付萬不可再有遲誤

上諭內閣曰湖北按察使江忠源著帶領親信兵練馳赴江南向榮軍營幫辦軍務

上又諭內閣曰楊文定現署兩江總督所有江蘇巡撫印務著許乃釗暫行署理仍幫辦軍務

初九日癸丑署兩江總督江蘇巡撫楊文定奏言前因江甯失守曾經奏明陸路由副都統文藝

聖學聖方略卷三十一

三

統兵扼要設防臣由水路親督艇師各船防守瓜口乃旗營各弁兵竟未在山嘴頭地方紮營二月二十一日探聞賊船東下已過儀徵是晚適清臣咨令蘇松鎮總兵葉常春到鎮統帶水師次日辰刻遙見賊船百餘隻艇船即迎上開敵擊破賊船十餘隻並斃匪數十人賊遂敗逃艇船追至黃天蕩賊匪多棄船登洲後復來大



股賊船三四百隻艇船順流退至金山下屯紮  
斯時若陸路有兵助戰尙可有爲乃臣遣人登  
山瞭望並不見岸上有一人一騎爲水師助勢  
賊雖不敢漫船而過已分股由鮎魚套登陸至  
金山放火艇船驚恐亦卽退過焦山賊復至北  
固山放火直入鎮江府城城內守兵暨副都統  
早已不知所在遂爲賊踞二十三日葉常春恐

欽定剿平粵匪方略卷三十一

三十一

賊船繞襲其後並未知照到臣卽自坐艇船下  
行各船隨之復退二十餘里臣恐去賊過遠無  
從牽制賊匪使不得逞次日復將艇船紮近焦  
山口門臣當此欲進不能欲退不可之際惟有  
移紮江陰靖江江面探明南北道途權通文報  
仰懇

皇上嚴催統兵各大臣剋期前來臣統帶各師船繼進

水陸交攻庶可使江路開通各城克復奏入

上命軍機大臣傳諭向榮楊文定許乃釗曰瓜州鎮江  
爲南北水路咽喉屢次諭令該署督等豫爲籌防嚴  
密堵禦乃賊匪乘船東下葉常春統帶水師楊文定  
督飭艇船迎剿忽因風信全無艇船退下以致賊匪  
登陸直入鎮江而旗營弁兵又未在山嘴頭地方紮  
營毫無準備一至於此楊文定已退至江陰並非要

欽定剿平粵匪方略卷三十一

三十一

路又退敗之餘更無把握向榮駐兵江南所有南岸  
堵剿事宜是其專責該大臣現任孝陵衛原以防賊  
南竄之路今鎮江亦失可由丹陽直達蘇常著向榮  
斟酌情形如能撥將弁帶兵扼要攻守或克復鎮江  
使賊不得進擾蘇常則向榮一軍庶不致腹背受敵  
該大臣總當統籌全局勿爲浮言所惑楊文定亦當  
收集殘兵據守要路所調上海船隻諒已早到著與



向榮陸路之兵合力夾擊以贖前愆江蘇省垣防守事宜著許乃釗悉心籌畫毋誤事機

上諭內閣曰賊船越過瓜口直入鎮江該府為南北咽喉朕早料賊必窺伺屢次諭令楊文定等嚴密籌防如果布置得宜何至遽行失守楊文定等嚴密籌防兵葉常春督戰不力均著革職暫行留任以觀後效同日陳金綬勝保奏言臣等自收復浦口後即

聖學匯方略卷三十一

三

與琦善籌商先由六合一帶渡江與向榮合力夾攻琦善馳紮浦口隨後接應臣等即日由陸路帶兵東下行抵六合縣地方據報逆賊分股竄擾揚州儀徵等縣文報不通郡城已經失守並傳聞該逆偽南王偽西王等率賊眾萬餘盤踞郡城四出滋擾查揚州素稱財富為北岸重地且自該郡而東為邵伯高郵寶應等處均係

糧食聚會之區再東為清江浦湖河襟帶地接山東係北上大道此正北路最為喫緊之時臣等惟有激勵將士設法進剿並飛調馬隊前來接應以期挫賊兇鋒現聞大路俱有賊探窺我消息已帶兵由六合縣屬之樊家集陳家集小路聞道馳赴揚州出其不意如能及早克復即當迅由瓜州南渡進逼金陵會合夾擊趕緊掃蕩妖氛斷不敢稍有拘泥致誤事機奏入

聖學匯方略卷三十一

三

上命軍機大臣傳諭琦善陳金綬勝保曰賊竄揚州盤踞郡城四出滋擾儀徵等縣文報不通陳金綬等由六合縣屬之樊家集陳家集小路馳赴揚州以圖克復揚州為北路咽喉自應先其所急若能迅掃逆燄收復揚郡以後何處緊急即由何路進兵斷不可稍有拘泥軍情變幻無定旬日以前江北江南原應兼



顧辰下則北方爲不可緩之勢設或逆匪進撲淮安該處兵力甚單惟盼陳金綬等勁旅救援所謂馬隊兵丁前來接應必可得力文報儘有梗塞著卽改道馳遞毋致遲延

上諭內閣曰著盛京將軍迅挑精兵八千名派委得力將弁配齊軍火器械星速來京聽候諭旨調赴東南各路攻剿前有旨令察哈爾都統豫備馬隊官兵四

欽定剿平粵匪方略卷三十一

五

千名著該都統遵照前數調赴張家口屯任以備調用至前次所謂山西官兵三千名陝甘官兵四千名吉林黑龍江密雲各路勁兵計已分投起程並著該將軍督撫副都統等飛飭帶兵各員沿途迅速趨行毋稍遲誤

初十日甲寅向榮奏言逆匪竄踞金陵於土城一帶紮營堵我進兵之路臣當將各營兵勇分作

十隊於二十六日五鼓分路直攻賊營開放槍礮該逆不敢拒敵紛紛棄營遁去立將土城一帶奪回就地趕築營壘分紮要隘適鍾山賊營有賊四五千叢擁而來當令官兵迎頭開放槍礮交戰時許該逆不敢抵敵全行敗走我兵奮勇追殺斃賊無數斬取首級十餘顆二十九日寅刻傳令各營出隊攻打鍾山各賊營兵勇直

欽定剿平粵匪方略卷三十一

三十一

逼賊營環攻該逆並不出戰僅於營內用礮環擊我兵力難攻入隨令兵勇佯爲退去誘其離巢該逆見我兵退後果擁出三四千衆分股趕來誘至里許兵勇返身擊殺賊衆亦放槍礮死拒該逆敗而復出出而復敗傷斃不少戰至巳刻仍敢拌死力鬪臣卽指揮兵勇爲兩路分左右翼從嶺腳抄上親自率領一軍從中路直衝



而上連斃數十賊該逆勢不能敵紛紛逃潰現  
在我兵已偏至孝陵一帶紮營趕緊設法相機  
進剿能將鍾山奪占即可俯瞰全城克復金陵  
較易得手奏入

上命軍機大臣傳諭向榮許乃釗曰逆匪占踞江甯雖  
經我兵連日接仗獲勝仍未大加懲創賊匪現在分  
股滋擾揚州及鎮江各處則江甯城內外屯踞之賊

聖祖聖訓卷三十一

三十一

其勢已分正可趁此機會設法進攻若此處進剿得  
手則揚州鎮江分股之賊自必聞風膽落即常州蘇  
州一帶賊匪亦不敢深入現在陳金綬統帶大兵已  
馳赴揚州遏賊北竄之路楊文定退至江陰鎮江京  
口與瓜州南北阻隔該大臣若能設法水陸夾擊方  
可制勝至常州為蘇浙門戶該大臣已派總兵李瑞  
等帶兵二千前往著即隨時飭令嚴密防守毋得稍

有疏虞

同日

上諭內閣曰著調歸化城官兵二千五百名綏遠城官  
兵五百名熱河官兵一千名該將軍都統等即派委  
得力營員配帶軍裝器械星速馳赴山東江南交界  
地方交慧成酌量調遣毋稍遲誤

上又諭內閣曰現在添調大兵剿辦賊匪所有軍餉要

聖祖聖訓卷三十一

三十一

需必須妥為經理略秉章著即馳往徐州總辦糧臺  
事務

十二日 丙辰

上諭內閣曰所有前調之密雲駐防官兵現已陸續來  
京著派奕經統帶前赴山東會同李德擇要防堵

十三日 丁巳

上諭內閣曰前調綏遠歸化等城駐防官兵著托明阿



統帶前往山東會同李德擇要防堵

十四日<sup>戊午</sup>楊殿邦奏言查漕船保臣專管水手

素稱強悍再四挑選得精壯健銳者一千五百

名又招募清淮海安一帶壯勇一千五百名派

令前任淮安府福祿管帶又河右營遊擊馮景

尼率領徐州兵勇千餘又令添募邳宿壯勇一

千餘名共兵勇三千名仍令該遊擊統帶並添

聖諭方略卷三十一

三

置槍礮器械此次所募壯勇皆係敢死之士臣

復諭以大義明立條規如有殺賊立功者立予

重賞殺賊頭目者逾格保奏臨時逃避者立即

斬首數日以來臣親自反復開導該兵勇等遂

皆敵愾同仇誓將殺賊立功可期得力正在啟

行間接到臣陳金綬臣勝保飛咨已統帶大兵

駐紮揚州之甘泉山會同攻剿兵勇聞之膽氣

倍足奏入

上命軍機大臣傳諭陳金綬勝保楊殿邦楊以增曰朕

聞現在賊踞邵伯鎮以下之灣頭挑築土城分令各

賊赴六隔買糧以爲持久之計其心叵測恐暗遣奸

細探聽前途虛實又圖竄突正當乘其布置未定極

力攻剿並斷賊接濟嚴防竄路陳金綬勝保已抵揚

州之甘泉山其地是否扼要且在賊後路攻擊若賊

聖諭方略卷三十一

三

北竄楊殿邦等所募壯勇當賊前衝儘不得力則淮

安清江勢甚危急稍有疏虞關係甚鉅陳金綬勝保

務須分領官兵設法繞出賊前與楊殿邦等所派兵

勇會勦使賊腹背受敵庶可一鼓殲除楊殿邦楊以

增所派將弁兵勇亦應嚴飭併力夾攻不得但恃援

兵致有延誤至吉林黑龍江馬隊官兵即可就近調

撥以資攻剿總以相機扼賊前途無任北竄爲要



十五日己未李德奏言竊思統帶官兵總須得力  
鎮將查現任陝安鎮總兵郝光甲本係東省膠  
州協副將臣夙知該員才具開展技藝優長以  
之效力行閒可得指臂之助仰懇

天恩諭令該總兵郝光甲卽統帶前調官兵迅速來東  
再曹州府桃源同知姚錫華已升廣東惠州府  
知府甫經交卸該員辦事勤幹熟悉情形請留

聖朝方略卷三十一

三

營差委可期得力奏入

上從之

十六日庚申向榮奏言臣疊次督兵誘戰該逆總  
不接仗臣等再四籌商非以計取不能得手先  
密飭各營將備挑出奮勇敢戰兵壯以備暗襲  
賊營之用並令暫緩攻勦以懈其心適連日風  
雨賊營防備漸疏探得通濟門外賊營稍單先

於初六日夜密傳號令分兵兩路一攻鍾山一  
攻中和橋以分其勢使之不能應援別選精兵  
從中路直襲通濟門外之營派提督蘇布通阿  
等領軍進攻開放槍礮該逆伏營不出李連升  
帶勇先繞賊營之後途遇防哨數賊立時砍斃  
伏於山麓秦如虎李若珠帶兵勇由前面進攻  
楊瑞乾朱占鼈鄭魁士帶兵勇由左山梁進攻  
虎嵩林明安泰帶兵由右山梁進攻一齊逼近  
賊營四面疊進該逆因我兵屢次攻勦俱未到  
此猝不及防被我兵槍至賊牆拋擲火罐噴筒  
打入營內寮棚帳房一時俱燃我兵見賊營火  
勢已大同聲吶喊搶入營中刀砍矛刺殺斃極  
多立將賊營三座同時攻破其長髮真賊焚燒  
殆盡聞有逸出者又爲李連升伏兵擒殺城上

聖朝方略卷三十一

三



之賊見三營已破卽於通濟門內擁出二三千人來救復被官兵直前衝殺該逆勢不能敵不敢戀戰卽時退回通計殺斃賊匪約三百餘人燒斃六七百名斬獻首級一百五十餘顆生擒九十餘名此初七日攻破賊營大獲勝仗之實在情形也現仍籌畫攻復事宜不敢稍懈總須先奪鍾山以據形勝此外各營便易攻襲奏入

欽定剿平粵匪方略卷三十一

三

上命軍機大臣傳諭向榮許乃釗曰逆匪竄踞金陵堅拒不出向榮與許乃釗等籌商分兵設伏攻勦賊營官兵人人用命生擒斃斃賊匪甚多辦理甚合機宜軍威大振賊膽已寒該大臣卽督率帶兵大員激勵將士設法圍攻務將城外賊營悉數燒燬奪據鍾山乘勝克復省垣該逆被創不支勢必豕突狼奔其東南各路既經該大臣派兵扼守常州仍宜嚴密布置

不可令該匪乘間南竄所謂上海各兵船計已可抵京口添造船礮共有若干該大臣務須分飭驍勇將弁水陸兩路夾擊先將北固山賊船與雙橋上新河北河口下關等處賊船木鐸設計焚燒不得與北岸瓜儀一帶賊匪聯絡卽可肅清江面收復鎮江其東壩一路仍不得以該匪無暇顧及稍涉鬆懈著與楊文定許乃釗嚴飭密防惟該逆狡譎異常難保不聲言將擾蘇常悉索兇徒渡江疾趨邗上乘勢北竄卽其占踞金陵堅守抗拒未必非有意牽掣我師令該大臣不及北顧

欽定剿平粵匪方略卷三十一

三

上諭內閣曰該逆疊陷城池神人共憤經此大加懲創自不難勢如破竹向榮調度有方深堪嘉尙發去白玉如意搬指一箇白玉翎管一枝綠玉煙壺一箇著卽祇領又發去翎管十一枝搬指三十六箇荷包一



百四十四箇火鑊十三箇小刀四十九把著向榮擇其出力之提鎮將弁及兵丁等傳旨分別給賞前奏所稱都司張國樑首先撲至賊牆被礮打斷左手中指此時是否傷痊遊擊朱占鼐乳傍亦被槍傷此次復於左山梁勦匪均屬奮勉出力著一併酌量賞給

上又諭內閣曰現在賊匪分竄揚州陳金綬勝保統兵

進勦定可大挫賊鋒迅殄羣醜並著發去翎管十二

聖朝聖方略卷三十一

三十一

枝墩指三十五箇荷包一百四十二箇火鑊十五把小刀四十九把交琦善陳金綬勝保等祇領如有奮勇員弁兵丁著卽傳旨隨時酌量賞給以示激勵

同日步軍統領衙門奏言據江甯駐防前鋒校

松柏副前鋒普定步甲吉陸呈訴本年二月初

十日將軍祥厚因賊匪攻陷儀鳳門已至內城

隨飭令八旗滿洲官兵上城護守八旗婦女或

在城上防堵或送飯巡更祥將軍令松柏等趕

赴鎮江向楊撫台並文副都統稟明被賊攻陷

外城情形懇求代奏因賊兵圍困不能出城旋

因賊眾兵少力不能支是日夜間賊匪攻陷內

城祥將軍霍副都統俱被傷陣亡松柏等由牘

口出城所有兵丁婦女或被賊人追殺或投河

身死均各殉難松柏等到鎮江見楊撫台文副

聖朝聖方略卷三十一

四十一

都統面稟祥將軍等陣亡前後情形並懇求歸

入京口當差文副都統未經收留是以來京呈

訴等情查江甯省城被賊攻陷將軍都統陣亡

伊等前赴鎮江稟見巡撫等不肯收留因係滿

洲駐防無處可奔是以來京呈訴奏入

上諭內閣曰步軍統領衙門奏江甯駐防前鋒校松柏

等呈訴省城失守旗營殉難情形覽奏實深憫惻前



據向榮琦善先後探報江甯被賊攻陷駐防官兵竭力巷戰殺賊數千人茲閱該前鋒校等所呈賊匪初陷儀鳳門時該將軍等飭令八旗滿洲官兵悉力護守內城卽婦女亦多登城防堵追將軍副都統受傷陣亡內城失陷所有官兵婦女等或奮勇捐軀或臨難自決無一偷生大義凜然洵不愧我滿洲世僕如果守城文武勳力同心皆能似此又何至旬日之間

聖朝方略卷三十一

聖

堅城遽破卽著向榮楊文定許乃釗查明將軍副都統總督提督及省城文武大小各員陣亡殉難情形迅速奏明候旨加恩優卹來京具呈之前鋒校松柏副前鋒普定步甲吉陞卽著暫留京營本旗當差以示體恤

十八日 壬戌 琦善陳金綬勝保奏言 臣等查看揚

城南面近江東面濱河且賊營環列難以繞越

惟西北兩面尙通陸路臣陳金綬臣勝保卽於

初九日已刻移營至帽兒墩臣琦善亦於是日

移營至雷埔集相距賊營均止數里臣陳金綬

臣勝保督飭直隸山東各營將弁帶領官兵攻

打城西賊營因河港紛歧橋梁已斷設法渡河

攻擊賊分兩股來迎開礮抗拒我兵奮勇撲殺

斃賊三百餘名賊卽敗竄我兵因不得地勢未

聖朝方略卷三十一

聖

便窮追臣琦善亦於是日已刻督飭疊儀使武

慶總兵雙來帶領將備官兵出隊由城北賊營

攻打賊匪紛紛迎拒排槍礮我兵向前衝擊

偏近土城燒燬賊營三座計殺斃賊匪二千餘

名初十日卯刻臣琦善復督官兵勦殺北路賊

匪三百餘名生擒十餘名臣陳金綬臣勝保復

由西路進攻賊營自卯至酉燒燬賊營二座殺



斃賊匪一千數百名餘眾紛紛逃散統計兩日  
斬獲賊匪幾及四千連用火箭燒燬賊營五座  
夜間探悉逆賊潛出附近賊營各村擄人並據  
儀徵縣稟報初十十一等日有賊船四五百隻  
自江甯連檣東下停泊瓜州一帶顯係該逆前  
往江甯撤取救兵 臣等現擬合攻一次俾得及  
早克復以杜賊北竄之患奏入

聖學圖方略卷三十一



聖學圖方略卷三十一



上命軍機大臣傳諭琦善陳金綬勝保曰逆匪竄踞揚  
州極力抗拒經該大臣等分路攻剿兩日斬獲賊匪  
幾及四千燒燬賊營五座辦理甚合機宜前據向榮  
奏報連破賊營生擒殲斃甚多兩路大兵勦辦均已  
得手正可趁此聲威設法圍攻揚州一城不難剋期  
收復浦口等處現派何員扼守馬隊何處屯紮務須  
遏賊北竄尤當嚴密偵防萬勿大意該大臣等一面

合力進攻揚州股匪仍一面與向榮等知 水陸並  
進南北夾擊俾賊彼此不能相顧楊秀青既據探詢  
現在揚州城內尤當設法用計誘擒如能將逆首擒  
獲則餘眾聞風潰散勦辦更易得手前據楊殿邦奏  
督帶兵勇前赴邵伯鎮一帶攻剿著該大臣等隨時  
咨會互為聲援

上諭內閣曰逆匪竄踞揚州於水陸兩路負險拒守琦

善陳金綬勝保分路進攻連獲大勝統計兩日斬獲  
賊匪幾及四千連用火箭燒燬賊營五座琦善陳金  
綬勝保等統帶重兵初次接仗即能大挫賊鋒深堪  
嘉尙琦善著賞還都統銜並發去白玉搬指一箇白  
漢玉煙壺一箇大荷包一對小荷包二箇交琦善祇  
領陳金綬著賞還頂戴並發去四喜玉搬指一箇白  
玉翎管一枝大荷包一對交陳金綬祇領又發去四



喜玉搬指一箇大荷包一對小荷包二箇交勝保祇領前發去賞件並著分賞出力將弁以示鼓勵該大臣等乘此聲威合力進剿不難剋期收復迅掃妖氛

同日

盛京將軍奕興奏言臣揀選精兵四千名必須大員統領查新陞杭州將軍瑞昌有膽有識老成持重臣雖遵

欽定剿平粵匪方略卷三十一

聖

旨斟酌情形暫將該員留於金州然當大兵出征必須有妥幹大員總統庶可收衆志成城之效臣擬卽令瑞昌來省統領官兵進京儻蒙

天恩卽令瑞昌統兵出征兵帥一心必能得力至金州副都統印務卽請

派盛京副都統富呢雅杭阿前往署理以資防範奏入上從之

欽定剿平粵匪方略卷三十二 癸丑年

三月二十日甲子琦善陳金綬勝保奏言臣等自連獲勝仗後臣琦善隨將大營移至離城三里之保山臣陳金綬臣勝保亦移營至司徒廟距揚州城及臣琦善營盤均止三里可以相機進剿而賊營自聞大兵前來復由江甯添兵救應較前愈衆臣等靜守不動選派官兵四出哨探

欽定剿平粵匪方略卷三十二

一

十二日辰刻賊衆數千擁出北門向臣琦善營盤直撲而來勢甚兇猛臣琦善親督總兵雙來等迎擊其鬢儀使武慶等抄截其後賊匪見我兵勢盛復由土城內擁出賊衆接應該鎮將等督率官兵身冒槍礮奮勇環攻並將銅礮連環施放剿殺一時之久轟殺殲斃之賊甚衆賊始紛紛敗竄各官兵盡力追剿至鳳凰橋地方賊



眾不及投入土壘落荒奔竄官兵槍礮齊施殲斃千有餘人由橋上落水者不可勝數我兵復回身撲入賊營土城之內痛加勦洗共焚燬賊營三座奪獲旗幟器械槍礮甚多各營賊匪羣出救護木城內大礮連環向官兵施放我兵竭力分勦各賊匪愈殺愈多遊擊白含章中礮陣亡官兵愈憤各執槍礮刀矛直撲上前臣勝保

聖朝方略卷三十二

二

臣陳金綬亦督帶參將鞠殿華等帶領各營官兵並由臣琦善撥來差遣之佐領魁斌等率領火器營弁由西路繞過觀音山會合截殺臣陳金綬臣勝保親督將弁分投追勦賊眾紛紛迎拒讎擁而至我兵奮勇直驅不避兇燄乘風燒燬賊營二座殺死賊匪不計其數賊匪復由城內擁出數千接應臣琦善復督鎮將與臣陳金

綬臣勝保合兵勦擊賊眾均敗入木城時已昏黑當即收隊計自辰至酉連獲五次勝仗焚燬賊營土城五座計殺斃賊匪七八千人內長髮賊死者甚眾奪獲旗幟器械無算

同日向榮奏言臣查金陵城外險要首在鍾山其次則七橋壘兩處賊營互相援應最為堅固必須先破七橋壘以分其勢則鍾山與南門外

聖朝方略卷三十二

三

雨花臺等處賊營聲勢不能聯絡然後左右進攻我兵方可得手臣與許乃釗等悉心商度於十一日子時密派提督蘇布通阿總兵馬龍帶領川兵屯兵川勇捷勇分爲四隊於寅刻暗襲七橋壘賊營先飭總兵和春等帶領官兵分左右兩路聲言進攻鍾山使彼瞻顧本營不敢輕出救援蘇布通阿馬龍先於丑刻密遣川勇四



百名縶至賊營之後豫行埋伏又分撥捷勇屯兵從橋左右潛涉過河親督副將虎嵩林明安泰等帶領四川官兵進至橋頭乘天未明四面齊攻該逆從睡夢中驚起蒼黃罔措黎明後又大霧迷漫對面不能見人我兵乘勢搶入賊營火罐噴筒一齊拋擲該逆無處躲避登時燒斃無數聞有潰圍而出者俱爲兵勇斬獲殆無漏

欽定剿平粵匪方略卷三十二

四

網所有挨近大小四營無一賊敢於出救臣又親自督兵前往接應我兵愈加奮勇乘勝分隊前進卽將毗連三座賊營先後攻破臣當令蘇布通阿馬龍等卽將賊壘趕修進紮七橋窰先據要地再圖攻克鍾山及雨花臺兩路我兵自丑至午先後攻打已閱六時兵力疲乏卽令收隊亥刻又密遣捷勇潛赴七橋窰西燒燬賊營

一座斃賊無數計本日燒斃賊匪三百餘名斬取長髮首級五十餘顆生擒四百餘人救出脅從難民一千餘衆臣當將奮勇兵壯尤爲出力者酌加犒賞以示鼓勵一面仍趕緊設法進攻鍾山及雨花臺等處賊營

欽定剿平粵匪方略卷三十二

五

向榮又奏言臣接琦善來信知逆匪占踞揚州府城築壘空濠於城外要地處處設防甚爲周密覈與金陵城外情形大略相同首逆僞東王楊秀青往來金陵揚州之間又聞賊有由浦口六合北竄之說黑龍江官兵六起已到浦口卽令在彼駐紮其六合儀徵俟吉林兵到再爲布置臣聞信之餘正深焦急幸續接琦善信知我兵於初九日大獲勝仗該逆南北被創當不敢復萌北竄之念臣總當掃平賊壘克復省垣保



全蘇浙大局不敢稍有鬆懈查逆匪自攻破武昌以前從未分股近因裹脅日眾遂敢肆行分擾其實從前起事逆黨三載以來剿斃已多今又分股心腹愈少至後來脅從人數雖眾其心不一我兵果能深溝固壘使賊無隙可乘接仗時槍礮近而後發即足制勝臣年來與該逆大小二百餘戰知之較深曾於安慶途次告知琦

聖學聖方略卷三十二

六

善及陳金綬務使兵將共明此意膽氣既壯即可轉敗為功至於水上火攻事宜上游一路臣已於太平糧臺密為置辦惟盧應翔所帶湖南礮船及臣續調江西大礮均尙未到未敢輕進其下游所謂各海口戰船應如何上攻之處總未據楊文定確實咨覆臣恐其猶豫不進坐失事機訪有定海鎮總兵周士法諳悉水師業經

調赴鎮江統率師船進剿惟一時難以速到特先派鄭魁士前往江陰督催各船迅赴京口聽候調遣其陸路又續派提督鄧紹良帶兵一千名與總兵李瑞所帶二千名均在丹陽會齊與舟師密約水陸夾攻務期克復鎮城以為東南保障又鄧紹良係江南提督所帶兵力如有不敷本省之兵尙可隨時調遣臣均已面授機宜

聖學聖方略卷三十二

七

酌量辦理均奏入

上命軍機大臣傳諭琦善陳金綬勝保曰逆匪竄踞揚州負隅抗拒該大臣等親督官兵進攻屢獲勝仗此次焚燬賊營土城五座殺斃賊匪七八千人長髮賊死者甚眾辦理甚合機宜本日復據向榮奏連破賊營四座燒燬一座並占據七橋壘要地是兩路剿辦均已得手正宜乘勝痛剿以期迅掃妖氛金陵鎮江



各匪已由向榮督兵進攻江北情形自以克復揚州爲最要現雖大挫兇鋒而賊情鬼蜮難保不窘極思竄仍宜於攻剿之餘防奔竄之路斷不可稍涉大意淮徐一帶雖有楊殿邦等分路設防而兵力單弱且自淮而北一路平坦無險可扼儻賊匪被剿窮蹙大隊北竄淮徐猝不及防蔓延更爲可慮著該大臣等悉心妥籌總期防剿兼施勿令賊匪乘間北竄

欽定剿平粵匪方略卷三十二

八

上又命軍機大臣傳諭向榮許乃釗曰據向榮奏連破賊營大獲勝仗並籌攻鎮江情形該大臣前奏於通濟門外襲剿賊營數日之內復連破賊營四座燒燬一座將七橋壘要地襲據使賊勢不能聯絡即可攻克鍾山雨花臺以便收復省垣覽奏欣慰該大臣自統師以來倍著奮勇膽氣尤壯實屬不負委任本日適據琦善等奏於十二日燒燬揚州賊營五座斃賊

七八千人大獲勝仗可望剋期收復揚州是該逆經南北兩處大兵攻剿必有不及兼顧之勢該大臣務卽乘勝厲兵痛加剿洗尤須密防城內首要逆匪窮蹙奔突據稱楊秀青往來金陵揚州之間又聞賊有由浦口六合北竄之說逆賊鬼蜮伎倆往往避實擣虛向榮深悉賊情務須隨時知照琦善等南北聲息聯爲一氣萬勿墮其奸計所有浦口已到之黑龍江

欽定剿平粵匪方略卷三十二

九

官兵經琦善派令在彼駐紮該處距江甯甚近著該大臣隨時飭知帶兵之員嚴密防堵毋令該逆潛蹤偷渡致誤事機所調湖南礮船江西礮位因何遲久未到卽著飛札嚴催惟該大臣已派鄧紹良李瑞分帶兵丁會齊丹陽進剿鎮江之賊是水路師船刻不可緩本日復諭令楊文定並諭麟桂吳健彰迅帶海口戰船至京口爲夾擊之計楊文定退守江陰恐不



免遷延畏葸該大臣卽與許乃釗妥籌知照楊文定  
卽飭鄭魁士迅速督催各船上駛以應急需定海鎮  
總兵周士法旣據向榮查知熟諳水師卽著催赴鎮  
江會督師船協剿總之江面賊船必須設法焚剿淨  
盡使賊南北隔絕庶可一鼓殲除

上又命軍機大臣傳諭楊殿邦楊以增曰遊擊馮景尼  
業經飭令帶勇赴剿知府福楸帶勇三千名是否足

聖學方略卷三十二

十

資守禦楊殿邦楊以增於北路防守事宜究竟作何  
布置現據琦善向榮陳金綬等疊次奏報勦辦江甯  
揚州賊匪屢獲大勝該逆受創窮蹙難保不豕突狼  
奔儻大股逆匪直趨淮浦該督等何以禦之且賊匪  
竄踞各處每於城外添築土木各城層層設備以圖  
堅拒我師豈該督等於淮安清江一帶獨不能設法  
嚴防耶現在南路攻剿雖可期得手而北路防守尤

爲喫緊該督等務須扼要布置計出萬全切勿專靠  
南路大兵以爲可幸無虞儻敢稍涉大意致有疏失  
朕惟楊殿邦楊以增是問

上又命軍機大臣傳諭楊文定麟桂吳健彰曰本日據  
向榮奏連獲勝仗並派提督大員水陸進取鎮江又  
據琦善等奏攻勦揚州賊匪亦經疊次獲勝大江南北  
焚殺逆匪不下萬餘克復三城在此一舉江上火

聖學方略卷三十二

十一

攻水師最爲緊要該署督所帶廣艇師船自焦山一  
挫之後匿跡江陰至今並無續奏究竟現有廣艇若  
千師船若干麟桂願備兵船入江助剿此項船隻是  
否已到向榮又咨調浙江總兵周士法統帶水師前  
來應援若能將京口停泊賊船先行掃蕩陸路有鄧  
紹良李瑞帶兵夾擊鎮江一城不難先行收復該署  
督不可仍事遷延致失事機麟桂吳健彰所辦船隻



何時駛入江口卽行飛報向榮聽候調度務當聲息相通水陸並進迅殄羣醜以慰朕懷

上諭內閣曰該逆竄擾江北擄掠橫行經琦善等親督官兵旬日之間疊獲勝仗實屬可嘉之至昨已降旨優加賞賚琦善調度有方著加恩賞戴花翎至該官兵等如此奮勇朕心甚悅前發去賞件著擇其尤爲出力者分別頒給並傳旨獎勵指日克復揚郡再當

聖學方略卷三十二

十二

渥沛恩施直隸署遊擊白含章中敵陣亡著照例賜卹陣亡兵丁查明一併議卹

上又諭內閣曰向榮於三月初六日襲破通濟門外賊營之後於十一日與許乃釗彭玉雯籌商派提督蘇布通阿等帶領兵勇於寅刻暗襲七橋窰賊營該大臣親自督兵前往接應我兵愈加奮勇當將賊營先後攻破進紮七橋窰據定要地復於亥刻遣捷勇潛

赴七橋窰西燒燬賊營一處該大臣自統師以來倍著奮勇膽氣尤壯實能不負委任深堪嘉尙前頒發賞件想已祇領所有出力提鎮將弁並受傷之都司嚴成恩守備張金燦等均著傳旨獎勵擇其尤爲出力者將前所頒賞件分別賞給陣亡兵丁著咨部議卹

二十一日乙丑李德奏言臣查統兵各臣如向榮

聖學方略卷三十二

十三

琦善陳金綬等所帶各省官兵不爲不厚此外怡良慧成楊殿邦楊以增等又各帶兵數千名臣現防兗沂曹一帶奉

旨添調山西陝甘兵七千名尙不在內固已師徒廣集士馬飽騰調度果得其宜醜類何難殄滅况偵探長髮賊不滿五千餘皆裹脅而數省蔓延不能稍挫其鋒者實由守土之官先事張皇帶兵



之將臨敵畏葸以致紳民遷徙士卒潰奔疊陷名城職此之故伏思

天威震怒

命將出師誠不惜數千萬帑金救民水火並使失機者皆議罪違律者不加寬天下士民咸知怯戰之非靡不振臂奮起賊即金陵竊踞何異釜底游魂趁此四面圍攻立可一鼓殲盡是兵力之厚

聖朝方略卷三十二

十四

事機可圖莫若此時臣以為斷不可再有續調勞苦遠方近來兵驕將懦沿途騷擾其弊不可勝言即如二月間黑龍江官兵行抵東境需索多方甚或紛擾民舍不服彈壓並偪令車驟過站倒斃許多地方官酌價賠給困官病民莫此為甚是戰守尙未見有益各處已受累無窮此後正值農忙更恐相繼滋擾激成事端應懇

天恩俯念南省調集官兵足資防剿所有吉林黑龍江

及歸化綏遠密雲熱河各路勁旅如已起程即暫緩前進或留於京畿以壯聲勢庶內外控制嚴密吏民安堵如常防患未然非僅為勞師糜餉起見也奏入

上命軍機大臣傳諭李德曰逆匪竄踞金陵分擾鎮江

現經向榮督兵將賊營連次燒燬痛加剿洗揚州賊

聖朝方略卷三十二

十五

匪亦經琦善陳金綬勝保等督兵進剿斬獲甚多逆鋒大挫惟三城尙未克復賊勢奔突南北靡定山東與江南接壤地方防剿最關緊要而畿輔重地亦不能不豫為設防朕所以特調各路重兵前往山東及江南淮徐等處以備攻剿且可彈壓地方鎮靜人心俾吾民有所憑恃不致驚惶遷徙非不知帑餉難籌兵差難辦實出於萬不得已之苦心也現在軍務方



殷所謂各兵均已起程未便中止惟有嚴飭統兵大員及地方官認真查察申明紀律以肅戎行惟冀

上天眷佑迅殄妖氛逆賊早滅一日吾民卽早安一日

卽徵調之兵亦可剋期凱旋歸伍此朕所日夜禱祀而求者想該撫定能仰喻朕意也

上諭內閣曰前因調派各路官兵前往剿賊恐其沿途需索擾害閭閻疊經降旨諭令統兵大員及沿途各

欽定剿平粵匪方略卷三十二

十六

督撫嚴行查察並將查出滋事官兵分別懲辦現在續調各路官兵次第起程朕思軍行首重紀律必須嚴明約束方可安靜進行該兵丁等儻仍有向地方官任意婪索甚或擾累民間者著統兵大員卽將犯法之員按軍法從事並將帶兵之員嚴行懲辦勿稍寬貸至所過州縣應付一切差務自應按照定例妥爲豫備如有辦理不善及任聽辦差人役剋扣侵漁

以致兵丁藉口逗留別滋事端該督撫卽行指名嚴劾以靖地方而肅軍律

二十二日丙寅向榮奏言官兵奪據七橋壩前後

四營並燒燬一營後我兵卽就所奪之處分紮四營將鍾山及報恩寺賊營隔斷該逆前後不能兼顧所有報恩寺三營於十二夜間逃徙一空臣等於十三日復飭各提鎮分五路進攻以

欽定剿平粵匪方略卷三十二

十七

四路趨其別壘以一路大兵直搗鍾山先於明孝陵衛街豫伏疑兵各兵勇均於已初出隊一齊直撲賊營逆營大礮極多我兵於槍礮叢中奮力攻打各持稻草一束蔽身兼爲填濠燒營之用一路轉戰緊逼賊營拋擲火毬火罐營賊驚慌欲遁城上賊衆見各營力不能支於對面朝陽門衝出一隊約三千餘濠擁而來並有騎



馬賊目在門外指揮督戰我兵遂以一半攻營  
一半回擊賊目吶喊直前該逆不敢抗敵即時  
回遁兵勇追上砍殺無數斬取長髮首級七十  
餘顆追至朝陽門外該賊目隨即閉門城上礮  
石雨下未能搶進臣以接戰過久收兵暫息即  
傳令將挑出奮勇兵壯多備火具於是夜四鼓  
乘月襲燒賊營三更後忽見鍾山前後五營一

聖朝方略卷三十二

十六

齊火起明孝陵饗殿亦燃即催隊直至鍾山旋  
見南門雨花臺各賊營同時火光燭天當即檢  
獲賊匪數十名鍾山各營之賊自知萬不能守  
連夜自行焚燬於朝陽正陽通濟各城門外將  
舊營加高培厚爲退守計此十三日接仗後賊  
匪燒營退守之大略情形也臣現探查南門以  
西漸與水路相近擬即進兵截擊夾江賊船惟

是夾江紆折火攻船隻斷不能到隨飛調新抵  
太平之滇黔官兵一千二百名及守護糧臺之  
陝西官兵一千二百名迅速馳赴板橋一帶步  
步爲營進紮雨花臺既可遏賊南竄東壩及回  
竄太平之路兼可偏近夾江水次一面再由大  
營撥兵前往城南迤西紮營兩路官兵聲勢聯  
絡更與上游火攻礮船相近可以互爲聲援惟

聖朝方略卷三十二

十九

鍾山雖得而距賊甚近城上及朝陽門口賊營  
礮子均能打及一時不便紮營刻下賊已退守  
城門不敢輕出須用計取擬與城門脅從之衆  
潛通消息再行動手方能有濟水上燒船之事  
亦已次第辦理一俟大礮解到天氣乾燥即可  
相機行事

向榮又奏言江上賊船非火攻不能制勝惟是



該逆防守極嚴必須先將江中形勢及賊踪停泊所在一一查探明確方能下手臣查該逆小船皆聚夾江口內已用浮橋斷路復於江中沙洲安營設礮以護浮橋於南岸近船之處環以木城連營固守夾江口外厚集木簞通連兩岸橫截大江防我西面下擊是上游欲用火攻非先破大木簞潛渡沙洲從陸路拋擲火罐火輒

欽定剿平粵匪方略卷三十二

二十

不可其下游大隊賊船全在浦口以便南來復於下游厚集木簞通連兩岸橫截大江防我東面上擊是下游欲用火攻非火船礮船從京口乘風上溯不可所有上游應備火攻船隻及水摸人等已於蕪湖當塗密爲豫備惟是火船之後必須繼以礮船方能得力除湖廣先到礮船九隻外已令臣子向繼雄添造六隻惜大礮不

敷配合江西續調之礮亦尙未到已將大營新獲賊礮重五六百斤者陸續解赴當塗應用盧應翔管帶湖南礮船十四隻礮勇四百名甫於三月初十日駛抵當塗卽令與向繼雄同候調遣至下游賊船必得署督臣楊文定趕緊設法將所雇各船東路駛上方能兩面夾擊該署督此時仍在江陰以等待海上各船爲名江南輿

欽定剿平粵匪方略卷三十二

三十一

論沸騰臣奪鍾山原爲俯擊金陵遠控鎮江起見惟省城爲賊所踞沿江水路近處皆不能通太平已隔一百四十里鎮江江陰尤爲遠莫能及火攻之事處處不能應手此時金陵南門以外有路可通水次卽當趕緊設法辦理奏入

上命軍機大臣傳諭向榮許乃釗曰鍾山爲金陵形勝之地距城甚近可以俯瞰城中最爲要地現在奪獲



而一時未便紮營不可稍涉大意復令該逆竄踞至江面賊船自以火攻為要所有上游應備船隻及水摸人等該大臣業已密為豫備並令向繼雄及盧應翔管帶礮船駛抵當塗聽候調遣其下游應用船隻已有旨諭令楊文定設法籌辦並疊諭麟桂吳健彰由上海雇覓師船由海入江該大臣已派員迎提戰船惟楊文定久駐江陰毫無展布其畏怯情形已可

聖朝方略卷三十二

三

概見恐不足恃許乃釗現署巡撫責無旁貸此時麟桂等所覓上海各船如已趕到著即與麟桂密商約定上下游同時夾擊務將江面賊船焚燬淨盡斷其南北往來之路則賊勢自可坐困而鎮江一城可先克復惟現在大隊賊船全在浦口江甯城內外賊匪被剿窮蹙難保不由浦口渡江北竄本日已諭令琦善等隨時防範該大臣等仍當一面督兵進剿力圖

收復仍一面偵探賊情如有渡江北竄之信即行派委得力將弁設法截擊並飛咨琦善等趕緊堵禦萬不可稍有疏虞

上又命軍機大臣傳諭琦善陳金綬勝保曰逆匪竄踞金陵分擾鎮江現經向榮督兵攻剿疊獲勝仗已將鍾山奪回省城當可克復惟賊匪被剿勢必紛紛北竄且江面賊船未經懲創江北一帶防堵最關緊要

聖朝方略卷三十二

三

著琦善陳金綬勝保等督飭將弁兵勇扼要堵截務將揚州賊匪迅速殲滅克復府城毋令賊黨久踞乘閒奔突聞淮河水涸賊船自五臺山至九龍山均已擱淺正可乘此機會設法火攻聚而殲旃至浦口江面為大隊賊船聚集之處向榮已將火攻船隻及水摸人等密為豫備並派員管帶礮船礮勇一俟上海船隻提到即相機焚剿著琦善等豫籌布置密為援



應若能水陸夾擊斷賊南北之路定可迅殄妖氛所  
有江北淮揚徐州一帶地勢險隘現在紮營地方及  
防堵處所著繪圖貼說具奏

上諭內閣曰向榮奏續獲勝仗奪回鍾山覽奏欣慰向  
榮自到金陵疊次勦捕逆匪運籌制勝悉合機宜著  
賞穿黃馬褂並頒給祗領以示嘉獎該大臣卽與該  
署撫許乃釗悉心籌畫乘勝攻勦克復省城在事出

欽定剿平粵匪方略卷三十二

三十四

力各員定當同邀懋賞勉之望之

向榮又奏言臣派天津鎮總兵李瑞帶兵二千  
名前赴常州府城駐紮原爲控扼要路安撫民  
心起見乃該鎮稟稱常州城垣太舊難以守禦  
祇得扼要堵截等語此言一出必致民心驚惶  
似此心存畏蕙庸懦無能難勝專閫之任應請  
旨降爲遊擊留於軍營聽候差遣以觀後效所有該鎮

統帶兵二千名已飭令歸於提督鄧紹良統帶  
以資克復鎮城奏入

上從之

同日李德奏言伏查東省兗州之嶧滕沂州之  
郟城均與江南之豐沛邳州沐陽海州桃源宿  
遷等處毗連其交界處南去黃河八九十里百  
數十里不等道路處處可通形勢散漫臣統籌

欽定剿平粵匪方略卷三十二

三十五

全局與其分遣各處歧出而防勦難周何如嚴  
守黃河憑險而聲勢聯絡且以重兵扼守黃河  
兩岸要地兼令沿河文武廳汛督飭兵役上下  
巡防不但逆賊不敢北竄土匪亦難偷渡因思  
淮安之清江浦已有河臣楊以增退其前今擬  
以托明阿統帶歸化綏遠等兵三千五百名繼  
其後卽在該處助勦益足壯我軍威是爲折衝



之師由清江浦渡黃北岸為王家營擬以奕經統帶密雲兵一千名再由臣添派山西兵一千名分布該處稽船隻之偷越樹對壘之聲援是為策應之師由王家營以上七十里至桃源縣北岸之重興集淮安府所轄也擬派兗州鎮臣百勝帶山西兵二千名駐之探賊情虛實量我師堅瑕或分趨或旁擾緩急因時進退有法是

聖恩方略卷三十三

三

為攻守兼用之師又由重興集沿河而上百里至宿遷縣之順河集為江南北來要道擬派陝安鎮臣郝光甲帶陝甘兵三千名駐之其宿遷縣以北距城數里為山湖分路之處臣擬帶陝甘兵一千名輔以本標兵二百名駐之該處呼應既靈調度無慮稽遲省署文案事宜亦可兼顧如此黃河兩岸節節嚴防藉天險以施人力

事半功倍較之交界堵禦殊有把握如各該處

尚有不敷彼時調回前赴河南兵一千名量為

接濟不致再虞短少其省城本屬腹地臣標左

右兩營並濟南城守營兵千餘名加以練勇數

百名足敷彈壓毋庸另派客兵轉致紛擾此外

曹州府屬之劉家口董家口二處南岸係河南

歸德府境情形較輕臣已先派遊擊張遇祥帶

聖恩方略卷三十三

三

兵駐紮防守並咨曹州鎮臣三星保時常往來稽查亦可不致疏虞奏入

上命軍機大臣傳諭李德曰現在琦善向榮等連獲勝

仗賊勢窮蹙難保不乘間北竄黃河兩岸尤宜處處

嚴防該撫駐紮宿遷迤北為山湖分路之處調度無

慮稽遲即就近督同兗州鎮總兵百勝等統帶弁兵

分扼要隘並知照托明阿奕經互相聯絡以壯聲援



至曹州府屬之劉家口董家口等處既已派兵防守仍隨時飭令總兵三星保往來梭巡不可稍涉大意上又命軍機大臣傳諭奕經曰前有旨令奕經統帶密雲官兵一千名前往江南山東交界地方防堵疊據琦善向榮等奏報續獲勝仗難保賊匪不窮蹙他竄著奕經迅帶所調密雲官兵前赴王家營駐紮與清江浦防剿之兵互相策應仍當隨時察看何路緊要

欽定剿平粵匪方略卷三十二

三六

即往何路扼守並與慧成李德知照辦理毋誤事機上又命軍機大臣傳諭托明阿曰現據琦善向榮等馳奏續獲勝仗難保賊匪不窮蹙他竄著托明阿督帶所調官兵三千五百名前赴清江浦駐紮與楊以增協力防剿仍當隨時察看何路緊要即往何路扼守並與慧成李德知照辦理毋誤事機

二十三日 丁卯 代理江蘇巡撫布政使倪良耀奏

言粵匪自長江東下蘇省各府早經戒嚴迨至竄擾江甯鎮揚失守蘇常等屬尤為喫緊本省額兵留營甚少前經撫臣楊文定奏調浙江山東兵各二千名又經 臣督飭各屬雇募壯勇隨時訓練以備調遣現在山東兵除前到四百名外未據報有續到浙江兵已到一千一百二十名並安慶折回兵三百名由副將都隆阿等分

欽定剿平粵匪方略卷三十二

三六

帶駐紮無錫縣屬之皋橋黃埠墩等處又陸續雇募各起壯勇七千七百餘名亦經分派常州府屬各處防守並恐兵勇人數既多分散各處無所統率現在向榮派天津鎮總兵李瑞管帶四川湖南貴州等省兵二千名至丹陽常州一帶防堵所有各兵勇應即移咨該鎮就近調度約束俾可相機策應聯絡聲勢如隨後再有續



到另行察看情形分別派撥奏入報

聞

二十五日已綏遠城將軍調任江甯將軍托明

阿奏言臣奉

旨統帶綏遠歸化等城駐防官兵共三千五百名前往

山東會同李德擇要防堵遵卽飭令前調之士

默特蒙古官兵一千名續調之二千五百名趕

聖學匯方略卷三十二

三十一

緊齊備以便帶往起程惟查續調之歸化城土

默特蒙古官兵二千五百名係種地土兵未經

訓練難期得力而軍裝器械均未齊備似未便

令其前往可否仰懇

天恩卽於各省現在所調官兵內就近補撥一二千名

俾臣統帶馳抵山東防堵以重軍務再臣於本

月二十日督帶官兵起程奏入

上命軍機大臣傳諭托明阿曰土默特蒙古兵未經訓

練難期得力且軍裝器械亦不齊備著照所請此次

續調之歸化城土默特蒙古官兵二千五百名無庸

調往軍營該將軍卽統帶綏遠城前後所調駐防官

兵一千名土默特蒙古操演兵一千名共二千名迅

速馳往清江浦一帶現在慧成已抵淮徐地方著該

將軍卽與籌商扼要防剿並可爲琦善陳金綬等應

聖學匯方略卷三十二

三十一

援毋稍延緩

同日

上諭內閣曰所有前經飭調之盛京官兵將次來京卽

著署金州副都統杭州將軍瑞昌統帶前赴淮徐一

帶會同慧成防剿其吉林官兵著恩華統帶前赴直

隸會同訥爾經額擇要駐紮以備調遣

二十七日辛琦善陳金綬勝保奏言自三月十



四日陰雨連綿至十九日尙未晴霽平地水深尺許該逆深溝高壘負固不出我兵仰攻殊難得力臣等焦灼實深查瓜州在揚城之南淮安在揚城東北臣等在西北兩面迎擊正所以杜其北竄現在揚州赴淮一帶運河水勢僅存尺許不惟重載難行卽小船亦俱淺擱是水路賊船不能竄至淮安又據泰州知州張之杲稟稱

欽定剿平粵匪方略卷三十二

三

三月初七等日均有賊匪至該州交界仙女鎮等處搶擄經該州團勇分起殲斃賊匪五十餘名自大兵到後並未滋擾地方尙屬安謐等情查該州壤接揚州旣無被擾其以下之泰興等處不問可知陸路道途紛歧揚城西北兩路可以上竄者臣等均已紮立營盤賊匪不敢繞越惟東面一路可由灣頭仙女邵伯等鎮上赴淮

安清江其由西北至東門橋梁早被賊匪拆毀均於要隘紮立賊營此時我兵無從繞越若徑往攻打又恐該逆乘閒由西北竄出是以札調遊擊馮景尼帶領兵勇在灣頭鎮安營堵截並飭知府福林帶領徐州壯勇二千名在附近灣頭上方寺紮營爲馮景尼後路援應至六合縣之甘泉山陳家集兩處地方臣等已將

欽定剿平粵匪方略卷三十二

三

飭調來營之山東兗曹二鎮官兵一千名分派駐紮以截其上竄之路惟儀徵縣祇有團練鄉勇防守俟前調陝甘兵一千七百餘名到時再行籌撥防堵查現踞揚城賊匪自初九日經臣等攻其不備又經連日合兵痛剿其鋒已挫該逆惟恃土壘木城於揚城內外分股屯聚東西北三面要隘處處堵截亦不敢乘閒逃竄擬察看情形



一二日內卽督兵分路直搗賊巢力圖克復  
琦善陳金綬勝保又奏言查清 臣楊殿邦於 臣  
等抵揚州府時尙在淮安府駐紮現聞已由高  
郵前進距揚州百餘里所派接應之淮揚道曹  
文昭及副將李輝遠並未據報行抵何處至劉  
良駒但明倫二員 臣等詢據紳民僉稱賊匪於  
二月二十三日申刻竄踞揚城劉良駒但明倫

聖學方略卷三十二

三

先於二十二日戌亥之間隨漕督楊殿邦乘舟  
至上游一帶退守現在該二員下落不知如何  
知府張廷瑞江都縣知縣亦不知去向惟甘泉  
縣知縣梁園棟曾赴營稟見 臣等詢以因何走  
避據稱該府縣因逆匪犯境恐兵勇單弱勢不  
能支且大吏皆已先行亦卽隨同出城揚城竟  
爲賊踞等語 臣等聞此情形殊覺出人意外惟

有極力籌畫設法克復以杜北竄  
同日左副都御史雷以誠翰林院侍讀學士晉  
康奏言逆匪現竄揚州近距清江三百餘里高  
郵寶應一帶更爲清淮門戶南有高寶等湖北  
距運河隄路狹隘隔壩重疊若運道各隔逐節  
關閉下游淤淺不便帆檣則賊上竄之路惟有  
運河長隄隄上再安設礮位派兵固守可期得

聖學方略卷三十二

三

力至防江岸之賊則宜守廬滁一帶要隘以定  
遠鳳陽爲後路並於徐郡厚集兵力以資接濟  
度賊必無北窺之志此防河不如防江之事半  
功倍也現聞向榮勝保陳金綬琦善等雖連獲  
勝仗然未能卽時克復者因各城失守大小礮  
位並火藥鉛彈俱爲賊有以致反客爲主在彼  
守之愈固則在我攻之愈難卽使幸獲全勝而



餘黨數萬恐難一鼓盡殲賊既不能回奔亦且  
出海無路勢將激而北竄當此大兵未齊與賊  
相持之際正宜先其所急不可坐失事機若不  
及早運籌恐揚州戰敗之賊鋌而走險或避甘  
泉山大軍徑趨高寶犯及清淮又江甯戰敗之  
賊或竄徽省由廬滁定遠鳳陽直抵徐州等處  
西可以向河洛北可以走山東其勢不能堵禦

欽定剿平粵匪方略卷三十二

三

恐復蹈失險之故轍曷若慎選精銳擇要扼守  
兵不久頓餉不虛糜蠹茲逆匪直如釜底游魂  
計可剋期殄滅立奏膚公矣均奏入

上命軍機大臣傳諭琦善陳金綬勝保曰該大臣等現  
在揚州西北兩面迎擊該逆不能分竄潛匿不出計  
賊匪攻陷揚州已踰一月前雖節經該大臣等獲有  
勝仗而該逆負嵎抗拒以老我師是其慣技惟當用

計誘令出巢我兵方可併力圍攻該逆在城抵拒何  
處較爲疏懈其城外之土壘木城應如何攻破如何  
設法縱火焚燬使逆賊失所憑依郡城自可剋期克  
復其東面灣頭一路可通仙女邵伯兩鎮直達淮安  
清江馮景尼福楸所帶兵勇恐不足以資控禦已諭  
慧成統帶重兵由徐州一帶徑赴該處督同堵截該  
大臣等務當合力進攻互爲聲援斷不可令賊匪乘

欽定剿平粵匪方略卷三十二

三

間北竄查文經已令護理漕督卽可令其統帶揚殿  
邦之兵勇督同馮景尼等辦理防剿所有河南應行  
解運餉械業據陸應穀奏報均經趕運前進計此時  
已可全數到營陝甘官兵卽著該大臣嚴催撥往儀  
徵防堵本日又據雷以誠等奏大兵與賊相持若該  
逆於揚州戰敗後或避甘泉山大軍徑趨高寶犯及  
清淮或於江甯戰敗後由廬滁定遠鳳陽直抵徐州



西可以向河洛北可以走山東等語琦善等一面攻  
勦揚州賊匪仍隨時知照向榮既不可使該逆竄出  
後渡江而南與金陵賊匪會合尤須刻刻防其北竄  
設有疏虞所關非細諒該大臣等必能籌畫萬全迅  
奏膚公也

上又命軍機大臣傳諭慧成曰據琦善等奏籌定防勦  
情形揚城西北兩路均已紮立營盤賊匪不敢繞越

聖朝方略卷三十二

三

東面一路遊擊馮景尼帶領兵勇在灣頭鎮安營堵  
截知府福楫帶領壯勇於附近灣頭上方寺紮營為  
後路接應惟馮景尼所帶兵勇究恐單薄灣頭為東  
北要隘必須重兵防守方能遏其北竄此時慧成計  
已馳抵淮徐一帶著卽統帶官兵督率馮景尼福楫  
等擇要防勦與琦善陳金綬勝保軍營互為聲援合  
力進攻儘該逆勢窮奔突卽分路截擊以遏兇鋒奕

經托明阿等所帶密雲歸化綏遠官兵並陝甘調撥  
官兵陸續趕到並著慧成酌量調遣總期揚州及早  
克復江北肅清則金陵勦辦更易得手慧成經朕特  
簡諒必能相機應變以副委任

上又命軍機大臣傳諭向榮楊文定許乃釗曰現當勦  
賊喫緊之時大江南北兩岸雖屢獲勝仗而賊船橫  
梗江面毫無顧忌儘各路船隻不能及時攻勦任令

聖朝方略卷三十二

三

該匪南北自如何時始就殄滅耶本日諭令黃宗漢  
飭令麟桂會同吳健彰將上海雇備各船迅速駛入  
江口以備該大臣調遣楊文定退守江陰已難辭咎  
乃屢奉嚴旨尙不趕緊設法督船進勦豈坐觀成敗  
竟能置身事外耶向榮前派鄭魁士往江陰迎提船  
隻未知能否得力仍著派員催提麟桂等所覓各船  
如有入江確信著向榮許乃釗密商布置其上游礙



船應於何處會齊同時夾擊務將江面賊船焚燬淨盡迅掃妖氛

上又命軍機大臣傳諭葉名琛柏貴曰逆匪竄踞江甯揚州鎮江等府疊經琦善向榮馳奏屢獲勝仗大挫兇鋒惟賊船蟻聚江干非有得力舟師不能制勝前飭調之廣東外海師船既據該督等奏稱笨重難行能否駛入長江尙難豫定現當江面攻剿喫緊之際

欽定剿平粵匪方略卷三十二

四十

著葉名琛柏貴迅即將紅單船隻酌定數目趕緊募雇配帶礮位鉛丸火藥卽派遊擊黃開廣管領星速由海入江聽候向榮等調遣以資攻擊如黃開廣距省尙遠調到需時卽著該督等另派熟習情形員弁管帶前進飭令該遊擊隨後駛赴江南協同攻剿上又命軍機大臣傳諭黃宗漢曰前因賊踞鎮江等處急需兵船攻剿疊經諭令麟桂吳健彰趕緊雇備船

隻駛入江口助剿想該藩司等屢奉諭旨當已早爲齊備現在江甯城外連燬賊營而水路賊船屬聚必須此項船到方能水陸夾攻以清江面著黃宗漢卽飭該藩司將所備船隻並吳健彰所雇船隻親爲統帶前赴鎮江等處聽候向榮調度萬不可稍有遲誤

欽定剿平粵匪方略卷三十二

四十一

上諭內閣曰前因逆匪東竄揚州防堵最爲喫緊特令漕運總督楊殿邦督同前兩淮鹽運使但明倫兩淮鹽運使劉良駒辦理防堵乃賊匪竄入揚城楊殿邦輒先期退至上游但明倫劉良駒及揚州府知府張廷瑞等迄今查無下落實屬罪無可逭楊殿邦但明倫劉良駒張廷瑞並甘泉縣知縣梁園棣均著革職交部分別定擬罪名具奏楊殿邦仍著留於清江浦隨同楊以增辦理防堵帶罪自效其江都縣知縣著該部查明一併革職交刑部治罪



同日刑部奏言遵議京口副都統文藝罪名擬請發往新疆效力贖罪奏入

上諭內閣曰文藝著照刑部定擬發往新疆效力贖罪現在京口駐防官兵督率乏人著暫留該革員統帶俟新任副都統長安抵任再行發遣

二十九日癸酉琦善陳金綬勝保奏言二十二日

分路進攻賊營臣琦善派總兵雙來帶領官兵

聖學聖方略卷三十二

聖

攻其中鑿儀使武慶副將松齡等攻其右派遊擊英貴等帶兵接應又令侍衛伊興額等管帶綠營馬隊分兩翼從旁抄截一面知會陳金綬勝保一同督兵攻勦雙來帶兵先到城北遇有河渠卽令軍士用袋土立時填墊一擁而過直搗賊巢槍礮齊施突向北門攻打該逆果不料官兵乘霧驟至倉猝迎拒不敢出巢僅在木城

內暗放連環大礮形同驟雨我兵不避兇鋒奮力進剿忽有手執黃旗賊首擁出卽被我兵用銅礮轟斃賊衆仍復奔回潛匿不出我兵因從

下仰攻驟難得手暫退數武故示以隨該逆果

率衆槍出我兵見賊離巢當卽大聲喊殺擊斃

無數並將騎馬賊首立時轟斃槍獲礮械多件

賊復退回土壘木城藏匿臣陳金綬督帶直隸

聖學聖方略卷三十二

聖

官兵進攻廿四橋賊營先於沿路土坡及林深草茂處所分兵設伏選派官兵上前誘敵賊營開放大礮我兵佯敗該匪追趕我兵猛起擒殺賊匪百餘名該匪立卽退敗臣勝保督帶壯勇由觀音山進攻法海寺賊營分兩路撲勦該逆望見我兵卽開礮迎敵我兵避開礮路奮勇直前轟斃賊匪數十人賊衆在牆內搖旗吶喊匪



不出戰統計三面分攻自寅至酉傷斃賊匪四百餘名擊斃黃衣大頭目三名揚城內外之賊經臣等督兵痛剿現在不敢離巢但賊匪環城築壘層層遮護我兵不能繞越其後僅從對面勦擊臣等行營又無大礙目睹情形萬分焦灼再四熟商凡破壘攻城之利器全恃大礮當先臣琦善知直隸督臣請爾經額鑄有大礮已飛咨督臣趕緊派員押送前來以備攻賊營壘奏入

上命軍機大臣傳諭琦善陳金綬勝保曰逆匪盤踞揚州環城築壘層層遮護我兵雖屢次獲勝總不能直搗巢穴該大臣已飛咨請爾經額即調大礮來營一俟礮位運到督飭各營將弁乘勢進攻總宜設法出賊不意迅圖克復郡城尤當於城外水路要隘豫為

布置防賊衝突北竄若能將江面賊船擊散則南北兩岸攻勦更易得手著該大臣等與向榮酌商迅籌辦理  
三十日甲戌楊文定奏言臣於本月十九日統帶水師副將李德麟等督率各船駛至北固山及大馬頭地方見有賊船數十隻隨即開礮轟擊賊匪紛紛上岸內有黃衣賊目二名均被擊斃賊船亦開礮迎拒我船隨擊隨進行至瓜州口見有賊船排列如林岸上又圍築木城安設礮位該逆水陸開礮拒敵我船奮力攻擊復獲賊船二隻生擒賊匪二十二名隨將該二船焚燬又燒大賊船七隻擊壞賊船百餘隻約計斃賊數百人奏入

上命軍機大臣傳諭楊文定曰此次水師各船在北固



山等處擊斃賊目二人復進至瓜州口焚燬擊壞賊船多隻斃賊數百人勦辦尙爲得手陸路大兵亦先後據琦善向榮等奏報屢次獲勝軍威大振惟賊船橫梗江中往來自如必須先將水面之賊設法肅清並將鎮江剋期收復則江甯揚州大股賊匪南北隔絕彼此不能相顧兩路大兵進勦更易爲力現在上海及雇浙江各艇船已有二十餘隻浙江已報起程

聖學方略卷三十二

吳

之師船及上海夾板船二隻此時諒均馳到前據向榮奏已豫備敵船火具在當塗一帶停泊專俟下游師船駛到即可前後夾擊楊文定統帶師船一俟齊備卽一面知會南北兩岸同日進攻並一面密約向榮與上游各船兩路會勦兵貴神速總宜剋期進勦萬不可稍有遷延

同日署湖北提督向榮署江蘇巡撫內閣學士

許乃釗奏言查該逆自七橋窰鍾山兩處險要並失附近各營皆不能守先後自焚者二十餘座東南賊壘十去其九卽西南隅之木城亦復自行燒燬惟於各城門外深溝高壘爲退守計近又探聞於城北一面東西兩旁各築土城一道其地離下關較近所有賊船皆聚於此臣恐該逆屢戰失利且兩旬以來解散賊黨不下三

聖學方略卷三十二

吳

四萬人其勢日孤萬一自知難守竟從江面他竄追勦更難爲力臣等再四熟商不如緩攻金陵先從水上去其船隻使江甯鎮江揚州三城之賊首尾不能兼顧然後可以制其死命查三城形勢鎮江最爲扼要蓋京口與瓜州相對而京口又爲上海兵船進攻必由之路先復京口則揚州江甯之賊應援自多中阻臣早擬從此



八手因上游礮船下游兵船未能剋期並到是以不敢輕舉盧應翔礮船到後卽令與臣向榮之子向繼雄督帶礮船二十八隻先由當塗開至江甯境內小河口以扼上游一面派鄭魁士隨同督臣楊文定由江陰一路督帶上游艇船及三板等船四十餘隻從圖山關順風上擊尙恐各船不能迅速隨又添派總兵和春沿江催

禦粵匪方略卷三十二

吳

督此臣所籌水師大略情形也提督鄧紹良駐紮丹陽原帶精兵三千名又續撥川兵五百名廣東兵六百名抽撥無錫防堵浙兵四百五十名廣勇八百名令其統領會同副都統文藝管帶駐防兵八千名由馬陵新豐陸路進攻鎮城臨時再添派得力兵將前去爲水陸夾擊之計探聞賊船江上林立防禦甚嚴我軍礮船兵船

共止七十餘隻且上下分爲兩處多寡未免懸殊然不亟將江面肅清則該逆北竄回竄在在堪虞今大營陸路之兵由南而西漸近江口可與上游礮船聲勢聯絡鄧紹良兵進攻鎮城又與下游艇船三板船互相策應陸兵相助水師亦不嫌其單鎮江之賊現已被困不能更擾蘇常至金陵城南現又陸續安營設法相機進剿

禦粵匪方略卷三十二

吳

此係東壩必由之路自可無虞竄往至溧水高淳等處臣許乃釗已札飭該縣團練鄉勇以助聲勢現在金陵近城各鄉亦皆一律團練遇有長髮真賊鄉民立時格殺不致零星逸出琦善等音信頻通遇有緊要事宜無不詳細函商如探有逆賊他竄形跡總當隨時知會合力追剿奏入



上命軍機大臣傳諭向榮楊文定許乃釗曰向榮許乃釗所稱先從水上去其船隻使三城之賊首尾不能兼顧又稱三城形勢鎮江最爲扼要先復京口則賊之應援自多中阻各等情與朕寄諭楊文定意見正相照合該大臣等務當相機妥籌水陸夾攻總以神速爲妙萬不可遷延貽誤惟金陵大股賊匪堅拒不出且逆首均在城中必須嚴防奔突毋任乘間竄逸

聖朝方略卷三十三

五十一

應如何設計破城並著密籌辦理仍隨時知照琦善等南北同時進攻毋失事機

欽定勦平粵匪方略卷三十三 癸丑年

四月初一日 乙亥 訥爾經額奏言藩司張集馨奉

旨任直隸交界地方駐紮防守經臣查得臨洺關爲直

隸扼要之路奏明飭令該司察看地勢擇要駐

防在案茲該司由豫來直道經臨洺關一帶周

歷相度地勢寬平之處堪以紮營駐守先行來

省將履勘情形及駐防事宜面稟籌商後卽起

聖朝方略卷三十三

一

身赴防並篆刻木關防一顆以爲往來文檄之用再前任密雲副都統德順現亦到省已飭令隨同該司前赴防所聽候差委奏入報

聞

初二日 丙子 黃宗漢奏言江甯省城失守浙省防

堵萬分喫緊查鎮江爲由蘇入浙門戶必須厚

集兵力除將蘇省咨調兵一千六百名委副將



王琳等陸續前進並咨會蘇省截留之副將都隆阿管帶溫州兵三百名飭赴常鎮一帶防守外其由蘇省至嘉興水路扼要在上游平望由蘇省至湖州水路扼要在上游太湖由安徽至湖州陸路扼要在四安廣德 臣飭同知和齡等帶兵八百名在平望一帶紮營知府常恩等帶兵八百名在四安廣德一帶紮營太湖地方本

欽定剿平粵匪方略卷三十三

二

有太湖營駐紮惟該營兵丁曾於上年調赴安徽二百名 臣已飛咨該省札飭帶兵官遊擊孫國安管帶回營並查有前調安徽之嘉湖二協兵五百名現在宿松駐紮 臣亦咨商該省飭令帶兵官副將田大武管帶回浙在嘉湖二府居中策應復委臬司黃樂之同知仲孫樊選帶兵勇前赴嘉湖履勘形勢嘉湖至省城有宜於安

設礮臺之處或修築或添建次第舉行至於省城重地如武林頭鳳凰山二處均紮營守禦並由督 臣調撥閩兵一千名即日來浙分防統計現在杭嘉湖三府屬滿綠防兵已有一萬此外官紳募勇亦有五千應用刀槍器械火罐火箭分飭委員多為置備並鑄就五千斤鐵礮二十門於各路礮臺一律安設需用礮兵已飛調溫黃二鎮乍浦協水師礮兵一百四十名分撥派防本月初六日准向榮咨會已在江甯孝陵衛紮營指日大兵進剿自必悉數殲除儘有餘匪奔竄則浙省已有準備必當極力剿捕斷不敢任其蔓延奏入

欽定剿平粵匪方略卷三十三

三

上命軍機大臣傳諭黃宗漢曰浙江與江蘇接壤自應嚴密設防以為蘇省後路聲援該撫派兵分路紮營



並安設礮臺調集水師之處均著照所議辦理該撫  
現在省垣督飭所屬嚴密籌防尤須安撫人心持以  
鎮定隨時剴諭紳民剖陳利害令其集費練團互相  
保衛總期人心固結衆志成城如有緊要卽著該撫  
親往嘉湖督率妥辦麟桂熟悉艇船情形著仍遵前  
旨迅赴鎮江與楊文定督率礮船奮力攻擊吳健彰  
所雇局艇等船如有未到者卽著飛催前進浙江師

聖朝方略卷三十三

四

船已由總兵陳世忠統帶提督葉紹春復派員駕船  
同往若再於浙江多撥師船並廣艇等船陸續助剿  
則聲勢益壯務須不分畛域與鄧紹良等內河陸路  
之兵併力攻復鎮江卽疾趨江甯江面爲向榮援應  
截賊北竄之路毋得株守杭城致失事機

初三日 丁丑琦善陳金綬勝保奏言 臣等查賊匪

自被剿後恃有土壘木城堅守不戰每於四路

潛出焚掠均被巡邏官兵擒斬奪獲旗幟器械  
其向七里甸司徒廟窺伺者亦被 臣陳金綬 臣  
勝保分派官兵擊斃百餘名至數十名不等餘  
賊逃入土壘堅匿不出賊巢修築旣堅賊礮安  
設尤密我兵自下攻上甫近賊巢該逆卽燃礮  
抵禦勢難搶入察看賊情其所以時時出巢窺  
探又不敢對面迎拒者意在引誘官兵追近巢

聖朝方略卷三十三

五

穴彼可燃放大礮中其奸計 臣等再四籌商惟  
有設間解散脅從用奇攻破賊壘方爲計出萬  
全且近日賊將揚州城外關廂之民房概行燒  
燬訊之逃出難民僉稱賊計在死守又探聞儀  
徵江岸停泊賊船百餘隻在彼造具器械意欲  
由儀徵趨劉家集抄出 臣陳金綬等營盤之後  
當遣弁兵前往埋伏待其前來截殺不使得逞



惟埋伏不能常設而陳家集劉家集兩處要隘  
必須駐兵 臣琦善所帶之兵止於四千 臣陳金  
綬 臣勝保亦止四千五百名卽灣頭高廟一路  
僅有壯勇亦須添兵前次蒙

恩飭撥由襄陽撤回歸 臣等調遣之大名宜昌鄖陽雲  
南官兵三千四百餘名及副將錫普常阿參將  
張守仁管帶之陝甘官兵一千七百名屢經 臣

欽定剿平粵匪方略卷三十三

六

等咨催湖北江蘇各督撫均無回覆不知前項  
官兵現在何往抑經他處截留因查吉林官兵  
現到六合者一千名在後各起計亦相距不遠  
臣琦善已將吉林官兵先撥二百五十名令副  
都統銜開隆阿帶赴 臣等營盤又於浦口防堵  
之黑龍江官兵內籌撥四百名令侍衛德興阿  
暨城守尉哲克東額管帶一同前來以助攻剿

至黑龍江吉林官兵應用戰箭亦飛咨漕 臣河  
臣及安徽撫 臣先將各標營存箭趕緊撥解其  
西安兩營馬隊官兵頭起於二十三日行抵淞  
州二三起亦接續前進 臣琦善已飛檄嚴催派  
令前赴儀徵縣駐紮防堵並飭該縣將存漕及  
常平倉穀碾磨就近接濟奏八

欽定剿平粵匪方略卷三十三

七

上命軍機大臣傳諭琦善陳金綬勝保曰據稱賊情詭  
譎既堅守不敢迎拒又時出窺探引誘我兵且探聞  
江岸賊船欲由儀徵趨劉家集抄出軍營之後鬼賊  
伎倆不可不防著卽妥籌布置如能設法火攻繼以  
陸路官兵進剿當可得手該大臣等謀勇兼施諒不  
使賊匪久踞孤城耗我兵力也

上又命軍機大臣傳諭張亮基李嘉端曰琦善等奏襄  
陽撤回之大名宜昌鄖陽雲南官兵三千四百餘名



及副將錫普常阿參將張守仁管帶之陝甘官兵一千七百名屢經咨催不知何往等語著張亮基李嘉端查明此項官兵現在行抵何處迅即催赴軍營毋稍延誤

琦善又奏言臣查調赴河南之山東兵一千名係隨臣等在信陽防堵者嗣來江南復奉

特旨飭令隨同征勦現已派赴甘泉山七里甸兩處今

聖朝方略卷三十三

八

山東撫臣李德欲行調回是以有用之兵置之

無用之地而臣等後路空虛何以制敵若因該

省防堵需兵尙有前赴安慶接應之山東登萊

等處官兵二千名並派赴江甯接應之兵二千

名除調來七百名外其餘均在安徽儘可撤回

山東防堵似此一轉移間兩有裨益奏入報

聞

同日周天爵奏言臣現駐合肥縣梁園地方分飭員弁勦辦各鄉土匪查探賊船一有回竄上游信息即馳往裕溪口梁山一帶扼防截其歸路如賊近浦口即赴浦口滁州鳳陽一帶相機布置惟臣僅帶兵二百餘名募勇五百五十一名不敷調遣儻蒙

皇上畀以勦匪之任則設伏應敵必得兵勇足萬方可

聖朝方略卷三十三

九

竭力馳驅伏懇

恩准截留陝兵一千名及北來過境兵二千名並飛飭

江西撫臣迅速豫備木鐸趕催廣東兵船到齊

臣俟有警報不拘南路北路皆可統領前去出

力血戰制賊死命也清江以北防禦太空宿遷

舉人臧紆青人品膽略臣知之最深其所與豪

俠者流如鹽知事張翊國劉長思等皆有忠肝



義膽能招集健夫死士泗徒水手數百人惟賊  
紆青能驅遣駕馭之業經欽奉

諭旨令其剿賊立功惟是籌辦召募一切皆需經費可

否

賞撥餉銀二萬兩交該舉人樽節覈實支銷以濟要需

奏入

上命軍機大臣傳諭周天爵曰現在各鄉土匪橫行必

欽定剿平粵匪方略卷三十三

十一

得痛加剋洗以靖地方惟該侍郎前募義勇除裁汰  
外所存無幾而揚州大營兵力尙嫌單薄不能不先  
其所急所有各路過境官兵均著毋庸截留卽行咨  
商李嘉端於安徽省壽春鎮等營官兵就近酌調以  
資防剿舉人臧紆青前經降旨令其剿賊立功招募  
壯勇自應給與經費卽著周天爵撥給餉銀二萬飭  
令樽節覈實支用責成在清江以北剿捕土匪

初四日戊寅有鳳巴彥岱黃宗漢奏言臣等查江

甯鎮江尙未克復常州爲江蘇省城門戶其安

省蕪湖以下之東壩可由問道直達湖州該二

處最爲喫重均經咨會向榮派兵協防以遏其

竄入蘇杭之路備逆匪四散奔竄臣有恩等領

守省城臣黃宗漢卽帶兵親赴嘉湖扼要抵禦

斷不敢稍涉鬆懈惟所謂福州乍浦駐防官兵

欽定剿平粵匪方略卷三十三

十二

除乍浦四百名現已到省外其福州六百名及  
督臣調撥派防之閩兵一千名今准怡良知照  
以福州駐防兵未便徵調卽於所謂閩兵一千  
名以六百交臣有恩等派防以四百交臣黃宗  
漢派防刻下尙未到浙現由臣黃宗漢添雇各  
路義勇並挑選糧船水手以資防守所籌餉位  
尙不敷用已委員在上海購買洋礮五十六門



分撥各礮臺安設奏入報

聞

同日楊殿邦奏言查逆匪竄踞揚州後曾至仙

女廟邵伯鎮等處滋擾並於揚州城外挑築土

城遊擊馮景尼經臣派作頭隊先帶兵勇二千

名前進其續募壯勇一千名業已到齊臣先飭

馮景尼在揚州城東之灣頭高廟等處紮營進

聖學聖方略卷三十三

十三

勦前派知府福楸所帶壯勇為二隊紮營於揚

城北路之上方寺瓦窰鋪一帶以為犄角之勢

臣亦督同曹文昭李輝連進紮邵伯為頭二隊

應援且距大營甚近聲息相通易於策應一面

遵

旨嚴飭將弁兵勇夾攻不敢專恃援兵致有延誤惟灣

頭等處偏近揚州為北路最要門戶現在琦善

陳金毅勝保大兵齊到連獲勝仗賊勢窮蹙且

據自城中逃回難民稟稱該逆困守揚城米糧

將盡做做兵勇號衣冀圖逃竄又連日掣獲奸

細多名所供賊情無異臣詳度情形揚城東北

一路兵力尙單且首當其衝誠如

聖諭稍有疏虞關繫甚重查邵伯至清江運河水勢雖

已洩淺但陸路必須厚集重兵嚴密防禦以堵

聖學聖方略卷三十三

十三

北竄之路所有琦善等大兵正在攻勦喫緊之

際難以分撥兼顧昨接李德來咨知山陝等省

勁旅派撥清江南北兩岸防堵者不下一萬餘

名合無仰懇

天恩俯念下游喫重

飭下南河督臣楊以增山東撫臣李德將派防清江兩

岸官兵酌撥二三千名迅速馳赴邵伯一帶防



禦既可保衛高寶淮安並可策應進剿爲前後夾攻之計奏入

上命軍機大臣傳諭慧成曰據揚殿邦奏稱揚州賊勢窮蹙冀圖逃竄東北一路兵力尙單請撥兵馳赴邵伯防堵等語慧成此時諒已馳赴高寶一帶擇要駐紮前曾諭令托明門帶兵二千名前赴清江奕經帶兵一千名前赴王家營原爲江北後路接應現在揚

欽定剿平粵匪方略卷三十三

十四

州城內賊勢既窮難保不豕突狼奔希圖他竄其西北一路有琦善陳金綬等大營在彼駐紮該逆自難突越惟東北一路水陸皆通著慧成即將所帶官兵及托明阿奕經所帶之兵扼要調撥以資防剿並著體察情形如尙須添兵接應即將調赴山東之山西陝甘等省官兵酌量調往該署督務當督飭兵勇嚴密堵截並隨時與琦善等知照合力進剿以期揚城

及早克復萬不可任賊竄逸致令蔓延

初五日己卯兵部侍郎銜周天爵工部左侍郎呂賢基安徽巡撫李嘉端奏言粵匪自竄擾各省以來每於飽掠之餘乘間竄逸現在賊自儀徵東陷揚州並擾鎮江業經

特旨調齊各路大兵赴清江浦一帶救援所以遏賊北竄邳邳之路也近聞大兵已抵揚州並攻圍江

欽定剿平粵匪方略卷三十三

十五

甯屢挫賊鋒惟是此等兇徒鋌而走險但有徑路可通卽當防其紛竄而關繫北竄之路尤宜添設重兵加意嚴防伏查北之黃河南之大江均屬天險可以設防而皖省所屬之淮水亦爲黃河屏蔽每年水漲難以遽渡是淮水亦江河間一界限也凡赴揚州之大兵均由鳳滁一路經過是此路最爲緊要如由揚州向西北行至



皖省之天長縣自盱眙縣渡淮北過五河縣泗州經江蘇之睢甯宿遷二縣渡黃河亦距山東驛路甚近此又一北竄之路也至江甯城臨大江探聞匪船尙在江中遊行儘由采石及蕪湖暗渡則江北之和州實爲要衝如由裕溪口北渡恐其勾結巢湖匪艇以北擾廬鳳凡此二路亦須防守統計全局則滁州兩面受敵非有精

聖學聖方略卷三十三

十六

兵難資堵禦其次則盱眙鳳陽爲渡淮北竄要路和州裕溪口爲渡江北竄要路均應屯駐勁兵方可以壯聲威而防不測臣等現雖招集散亡募練義勇而各處土匪紛起馳赴撲勦日不暇給若欲厚集兵力以扼衝要實屬無可籌撥惟有仰懇

皇上天恩飭撥附近省分勁兵數千名或於附近各路

防兵內權衡緩急分撥數千名飭赴皖省聽臣等擇要布置庶防禦可期嚴密卽東豫二省得此屏蔽益增磐石之固矣奏入

上命軍機大臣傳諭周天爵呂賢基李嘉端曰前命舒興阿等調陝甘官兵四千名赴山東交李德軍營差遣此項官兵計尙在途如踰鳳一帶急需兵力著酌量截留安徽交周天爵等相機剿賊並卽知會舒興

聖學聖方略卷三十三

十七

阿張祥河李德一體遵照周天爵現辦土匪務期剿除淨盡令該逆無從勾結竄入並將前拏奸細供出黨與設法偵獲懲辦

上又命軍機大臣傳諭琦善陳金綬勝保曰本日據周天爵呂賢基李嘉端奏稱江甯入皖滁州爲必經要路其次則盱眙鳳陽和州裕溪口均應分駐重兵等語現在賊匪被創情急儘由上游江口北竄不惟皖



省滁州一帶空虛可慮卽下游防兵亦恐被其牽掣且金陵賊匪探知我兵均赴揚州一帶難保不乘虛由浦口等處陸路北竄所有吉林黑龍江馬隊官兵經該大臣等派令駐守要隘務當加意嚴防與向榮南岸聲息相通切不可稍涉大意仍一面設法克復揚州慧成現亦趕到卽可合力攻剿並著與周天爵等緩急兼顧毋誤事機

欽定剿平粵匪方略卷三十三

十六

上又命軍機大臣傳諭慧成曰揚城賊匪欲圖北竄自以高寶清江爲要隘而江甯之賊屢受大創亦不免窮而思竄若使竄出江浦徑犯滁州則專防河路究於遏賊北竄之法尙未周備本日據周天爵等奏安徽省存兵無多不敷調遣所有前調赴山東之陝甘官兵四千名已諭令周天爵酌量截留此項兵丁儘一時未能到齊而滁鳳一帶或有警急並著慧成於

所帶陝甘綠營及各路駐防兵內分撥協濟皖省俟陝甘兵到時或再行撥還或卽歸該署督統帶隨時酌辦總之嚴扼賊匪北竄水陸兩路並重尤當互相應援先其所急琦善向榮周天爵李德或防或剿均爲北省慎固藩籬諒必統籌全局相機辦理彼此知照不俟朕再三諄囑也

初六日庚辰署四川總督慧成奏言臣於三月二

欽定剿平粵匪方略卷三十三

十九

十六日由徐州府起程三十日行抵清江晤河臣揚以增將該處緊要情形詳細詢問逆匪險詐異常金陵揚州雖屢獲大勝恐其潛圖北竄查前調之陝西甯夏熱河等處官兵到齊尙需時日勢不能不移緩就急臣已飛咨托明阿李德將山東防堵之綏遠歸化等城駐防官兵三千五百名配齊軍裝火藥選派勇幹員弁管帶



星速前來以濟急需奏入

上命軍機大臣傳諭慧成曰逆匪占踞揚州急宜克復  
疊經降旨令慧成督兵前進會同琦善等合力攻剿  
所有托明阿奕經所帶之兵並山西陝甘各官兵均  
准調撥本日復有旨將前調之盛京兵一千名黑龍  
江兵二千名均令馳赴淮徐一帶聽候該署督調撥  
兵力已不為單琦善等雖疊經獲勝而逆匪負隅抗

聖朝方略卷三十三

二十

拒已四旬之久若不急圖攻剿恐賊匪更致蔓延是  
克復揚州即可保全清江著慧成仍遵前旨由清江  
前進會同琦善等分路攻擊總期及早克復揚城肅  
清江北其清江浦一帶應如何撥兵添助防守並著  
該署督相度緩急辦理

上又命軍機大臣傳諭奕經瑞昌曰前調盛京官兵諭  
令來京聽候調遣慧成現已馳抵清江浦所有盛京

官兵一千名著瑞昌統帶徑赴慧成軍營酌量分撥  
防剿其餘暫緩起程之官兵三千名著即停止飭令  
各歸本營

上諭內閣曰此次續調之黑龍江官兵著副都統特爾  
慶額協領委營總穆特布分起管帶前赴淮徐一帶  
交慧成調遣其瑞昌所帶之盛京官兵亦即馳赴慧  
成軍營分撥防剿

聖朝方略卷三十三

三十一

初七日辛巳楊殿邦奏言據知府福楨稟報於四  
月初一日派隊前進適有被擄民人在揚州土  
城內放火逃出兵勇乘勢攻撲槍礮併發斃匪  
不計其數將土城悉數踏平城外已無餘匪其  
逃出各難民訊明釋放又據馮景尼稟報同日  
派勇出隊各有斬馘並砍斃黃緞補服頭目一  
名初二日寅刻該遊擊統帶兵勇隨同琦善等



所派馬隊同往東南各門攻勦賊匪閉城死守各等情查賊匪自陷揚州逆燄日熾攻擊劇難現經琦善等各路兵勇疊加痛勦將土城全行攻破卽當策勵士卒設法圍攻惟屢勝之後尤宜嚴防西南面已有各路重兵東北一帶兵力稍單臣先派員添募壯丁又有各村莊紳富團練義兵當於扼要處所或援或伏節節設防總

聖皇聖方略卷三十三

三

期嚴堵衝途絕其北竄奏入報

聞

初八日壬午琦善陳金綬勝保奏言臣等自獲勝後復於三月二十九日夜分西北兩路進攻臣琦善密令總兵雙來等整備隊伍由象鼻橋偃旗息鼓潛攻揚城北面賊壘臣陳金綬臣勝保派參將鞠殿華等於三十日丑刻分三路衝枚

疾走並令隨營當差之鹽知事王中孚乘夜督帶鄉夫用木石暗搭浮橋以備渡河臣陳金綬先於司徒廟南直至賊營沿河及大路東西林深草茂處所節節設伏以防賊竄臣勝保親督兵勇由都天廟前直撲鎮海寺南賊營出其不意圍攻西門外三座土城奮力撲入參將鞠殿華及火器營弁與川勇鍾玉龍等奮勇先登兵勇一擁而進賊衆不能抵禦殺死長髮賊匪甚多生擒二十餘名並槍斃大頭目二名賊衆紛紛竄出列隊相抵我兵槍礮齊施復傷斃賊匪二百餘名並放火箭火罐將賊營焚燒並將賊築礮臺拆毀奪獲大礮二位逆賊復由城內調來數千人抄我兵後臣勝保趕調都司王巨孝等由東路攻擊遊擊魁霖由七里甸繞至賊營

聖皇聖方略卷三十三

三



西路攻打賊匪死力抗拒我兵不避鋒刃三面齊進槍礮環擊傷斃賊匪千餘並令守備馬國陞將調到一千斤大礮向西門賊營連放數十傷賊甚衆將逆賊土城哨樓轟毀賊首騎馬率衆南走我兵向前追擊賊匪大敗紛紛奔入城中閉門堅匿復由北門賊營閃出黃旗數十面約衆二千餘人紛撲而來臣琦善卽派參將李

聖朝方略卷三十三

三

志和等由平山堂前往接應臣勝保復督令官兵乘勝合攻賊勢不支潰圍而出俱被斬擒將五鼎橋逆匪所築礮臺拆毀卽派已革參將張文照帶領正定兵五百名就近紮營控制西面要路臣陳金綬見賊已披靡卽乘勝督帶後路將弁兵丁奮勇前進直撲廿四橋一帶賊營三座同時焚燬復殺賊數百名生擒十三名其北

門一路經總兵雙來帶同將備直撲賊壘槍上濠牆極力攻打斃賊數百名殺死賊目十數名生擒賊百餘名卽時正法餘衆潰敗遁入木城我兵追殺又斃死紅衣賊目二十餘名匪衆百餘人並將賊營四座同時焚燬臣琦善復派鑾儀使武慶帶領將弁勦殺逃匿餘賊是日自丑至申兩路交勦大獲勝仗次日黎明又復照前

聖朝方略卷三十三

三

分路攻撲賊營賊見我兵復來向城逃竄兩路追殺復斃斃無數追至城下該逆避匿入城城上用槍礮抵禦我兵勢難搶入隨將所餘營壘盡行燒燬又搜獲餘匪數十名此次連日分投攻勦統計斬獲廣西老賊三百餘名湖廣等省賊匪二千餘名撲毀賊營十座臣等會商蔣王廟保揚城赴儀徵總路尤應扼要嚴防當經



飛飭魁霖等將前駐七里甸之山東官兵一千一百名星夜移赴蔣王廟並由臣琦善添派由浦口調來之侍衛德興阿管帶黑龍江官兵四百名前往督同防堵復派都司文哲璋帶領大名官兵前往接應截賊西竄之路又查灣頭一帶爲東北要隘雖有遊擊馮景尼管帶兵丁二千名在彼紮營尙恐力單又添派由六合調來

欽定剿平粵匪方略卷三十三

三

之副都統銜開隆阿侍衛伊興額管帶吉林官兵二百五十名與都司王永帶領直隸督標弁兵星夜馳往協防扼賊東竄之路初一日據防守高廟之知府福林稟稱該守亦於是日辰刻見自便宜門起至五臺山賊營火起當卽乘勢進剿斃賊不少並據都統西凌阿等稱三月二十八日辰刻在浦口巡查適有賊船三百餘隻

自南岸江汊順流下駛又江之中流亦有賊船百餘隻連檣而下當經該都統等督率官兵於小塔山東口江面各處整隊堵截賊船於大江中流向北岸施放槍礮經副都統銜魁福帶兵在江岸用擡槍向賊轟擊賊船卽轉舵折回旋經魁福帶同都司富勒登布在江口深密蘆葦之中搜獲潛匿賊匪八名旋於初二日接據探

欽定剿平粵匪方略卷三十三

三

報城內賊匪於是日巳刻潛由南門竄出欲向儀徵陸路奔逃行近蔣王廟卽被侍衛德興阿等奮力勦截殲斃數十名生擒數名賊匪見有防截之兵仍竄回揚城不敢再出臣等伏查揚城向來堅固非多集大礮合力轟擊不能攻破現在雖由三江營調取千餘斤至三四千斤大礮僅據運到四位不敷分路轟擊之用現已派



委員弁雇覓人夫飛速挽運刻下大礮未至賊匪堅匿城中臣等惟有晝則挑兵誘戰夜則分路埋伏俟攻城有具合力禰斃為一鼓蕩平之計奏入

上命軍機大臣傳諭琦善陳金綬勝保曰逆匪竄踞揚州經該大臣等督率鎮將兵勇分路進攻賊匪奔潰入城該逆被剿窮蹙踞城堅守是其慣技若任其喘

聖朝方略卷三十三

三

息久延勢必乘閒衝突又圖他竄該大臣等務當督飭將弁兵勇嚴密堵截屢勝之後萬勿稍涉大意致墮奸計慧成已抵清江續調官兵現到若干著即知照派撥扼要攻剿調取大礮計日亦可到齊務即乘機圍攻急圖克復水路要隘均應豫為籌備毋稍疏虞儻逆賊被攻潰圍而出或東走秦通下游一帶或回竄金陵或沿江上溯湖北江西等處均不可不豫

防著隨時咨會向榮楊文定及上游各省督撫嚴防要路截其紛竄

上又命軍機大臣傳諭向榮楊文定許乃釗曰琦善等馳奏連日攻剿大獲勝仗揚州逆匪遁入城中情形窮蹙惟該逆詭譎異常潛匿城中難保不陰圖他竄恐由瓜口回竄江甯向榮務當加意堵截楊文定統帶艇船在瓜州口一帶務當極力攻擊遏其回竄之

聖朝方略卷三十三

三

路秦州通州水路俱通揚州亦當一體嚴防無任竄入其江甯賊匪現在因守城中作何舉動至浦口南岸賊船三百餘隻順流下駛又中流有賊船百餘隻連檣而下經官兵轟擊旋即折回此等賊船究竟意欲何往該大臣等當隨時偵探如有賊匪北竄浦口及竄赴上游之信即飛咨琦善等及上游安徽江西兩湖各督撫趕緊設法堵禦鎮江為南北咽喉該大



臣等前曾奏明先行收復京口現在作何布置楊文定雇募船隻及麟桂所帶浙江艇船此時諒已到齊卽與上游所備礮船合力夾擊勿令賊船橫互江中往來自如兵貴神速該大臣等卽當乘此聲威四面兜截無使竄逸蔓延

上諭內閣曰逆匪竄擾揚州多置土壘木城希圖踞守經此次痛加剿洗賊勢已極窮蹙琦善陳金綬勝保

欽定剿平粵匪方略卷三十三

三十一

調度有方不負委任均堪嘉尙勝保以京卿幫辦軍務卽能親督兵勇奮勉直前並著賞戴花翎以示獎勵該大臣等仍當督率鎮將激勵兵勇乘勝克復郡城嚴防水路要隘勿任賊匪竄逸此次出力人員著查明分別保奏候朕施恩傷亡兵弁照例請卹

欽定剿平粵匪方略卷三十四 癸丑年

四月初十日甲申向榮許乃釗奏言臣等因陰雨

兼旬道途泥淖城南雨花臺以西陂塘縈繞林木回環該逆依樹臨流結營自衛三月二十九日後天色始霽臣等密派提臣蘇布通阿總兵馬龍帶領四川兵攻賊營中路總兵秦定三帶領貴州兵攻賊營右路捷勇提標兵勇爲頭敵總兵吉順帶陝甘兵攻賊營左路副將劉開泰帶廣東兵伏中和橋之右革員福興帶廣勇伏中和橋之左以防通濟門內賊匪抄出我兵之後三十日寅刻蘇布通阿馬龍帶領嚮導渡小橋十餘處紆回曲折始達賊營該逆於營前伐木臥地以當鹿角並又密布竹籤我兵披斬鹿角拔去竹籤乘天色微明直薄賊壘槍礮齊施

欽定剿平粵匪方略卷三十四

一



出營接仗之賊盡皆擊斃該逆棄營入林於叢菁中施放槍礮兵勇乘勝進追兩翼官兵爲水木所阻無路可進不能夾擊惟將附近賊營兩座毀去燒斃賊匪約數十名斬擒五十名其餘有逃進南門者有難民乘機逃出者其城內衝出救援之賊當經貴州官兵擊敗臣向榮親往督陣細察地形一時驟難得手當令整隊撤回

聖朝方略卷三十四

二

至鎮江勦賊之兵先已調往三千六百餘名所有續撥駐紮無錫浙兵四百五十名京口駐防滿兵八百名兵力過弱卽廣勇八百名亦復未經戰陣以之攻勦均恐不能得力臣等又續派雲貴精兵一千五百名湖南精兵七百名令總兵音德布管帶前往鎮江通共先後派去之兵約計八千名統歸提臣鄧紹良督率相機進勦

以專責成而圖克復奏入

上命軍機大臣傳諭向榮許乃釗曰自大兵奪取鍾山以後日望捷音此次進勦經該大臣等密派蘇布通阿等分路攻擊僅將賊營焚燬兩座燒斃及斬擒賊匪亦不甚多是勦辦尙不得手昨據琦善等奏將揚城外賊營木城土壘盡行攻毀賊踞揚城堅匿不出亦與金陵情形大略相同該逆雖屢經懲創南北三

聖朝方略卷三十四

三

城現仍負嵎死守江面賊船亦尙未能擊斷必當趕緊合力攻勦以期及早克復現在城內難民逃出者甚多若能乘賊窮蹙之時設法裏應外合尤爲上策現在如何用計如何離間俾內外可以消息相通著向榮許乃釗妥籌迅辦下游戰船已到五十餘隻不知閩浙各船續到者有若干隻聞逆匪輜重糧米多在夾河船內若能設法擊毀奪其所恃勦洗更可得



力至鎮江派往各兵先後約八千名兵力已不爲單  
鄧紹良督率進剿如能水陸夾攻先克復鎮江一城  
斷賊江路則金陵揚州勢如破竹我兵屢勝之後乘  
此聲威自不難一鼓殲滅惟當加倍慎重計出萬全  
切勿大意

十一日酉乙楊文定奏言臣查本月初二日東風  
大作總兵和春葉常春督同副將李德麟等傳

欽定剿平粵匪方略卷三十四

四

知各船刻卽起碇連檣直上駛至焦山口遙望  
江面賊船各艇船趕緊跟追賊船數隻落後忙  
跳小船逃逸各艇船當將賊船燒燬隨由甘露  
寺至大馬頭一帶見沿江泊有賊船二百餘隻  
江岸設有大礮該逆水陸開礮拒敵各艇船亦  
開礮轟擊直衝至瓜州口見賊船林立約計七  
八百隻沿岸賊兵排列齊開大礮各水勇駕駛

艇船縱橫衝突回環轟擊燒燬賊船二十一隻  
擊壞數十隻傷斃賊匪無數生擒四名現查鎮  
江賊船無多惟艇勇祇能於江面攻擊不克登  
岸若沿岸有兵夾擊使賊水陸不能兼顧可期  
克復鎮江查是日提臣鄧紹良尙以陸路兵單  
咨請向榮添兵未到未能並進當俟日內陸路  
兵集再行會合夾攻力圖克復奏入

欽定剿平粵匪方略卷三十四

五

上命軍機大臣傳諭向榮楊文定許乃釗曰賊船蟻聚  
江邊沿岸復有賊兵排列經和春等督帶各船直衝  
至瓜州口燒燬賊船多隻水師一路軍威已振鎮江  
賊船無多逆匪多在陸路必須岸上有重兵夾擊方  
能得手昨據向榮等奏續派雲貴兵一千五百名湖  
南兵七百名令總兵音德布管帶前往鎮江此時諒  
均趕到派往之兵先後共有八千名各路艇船計均



先後可到著向榮卽飭令鄧紹良與和春等統帶水陸各兵約期會合夾攻先將鎮江一城趕緊收復並將瓜州口一帶賊船設法盡行擊毀以通南北往來之路江面既清則賊匪應援路絕金陵揚州之賊自可坐困務當趁此聲威剋日進兵萬勿稍事遷延致有貽誤

十五日己丑周天爵呂賢基李嘉端奏言據滁州

聖朝方略卷三十四

六

江浦等州縣並署藩司稟報揚州逃竄逆匪有船千餘號自儀徵六合等縣江面竄至浦口初六日有逆船數十隻停泊浦口北岸分路上岸竄擾焚燒營盤及浦口鎮斗岡糞把營花家營等處房屋人心驚惶臣等查浦口爲江甯北岸距安徽滁州不及百里由滁州至鳳陽二百餘里由鳳陽至宿州徐州亦僅二三百里均爲北

竄要路且安徽滁州一帶上至安慶廬州下至鳳陽宿州處處有路卽處處宜防前截留之陝甘兵四千名何時可到殊難豫定卽使先後到齊亦屬不敷分撥浦口防兵本係琦善等布置且揚州距浦口二百餘里勢可兼顧現逆船既由揚州折回則揚州自可收復兵力不患單薄應請

聖朝方略卷三十四

七

飭下琦善陳金綬勝保等迅速分兵堵禦北岸俾該逆匪不至乘此空虛狼奔豕突臣等一面飛催截留官兵來皖俟有成數卽派員帶同前招義勇赴滁州關山一帶堵禦廬鳳宿州等處亦擇要扼其來路仍一面嚴飭各州縣趕辦團練民勇處處防守以壯聲威  
周天爵呂賢基李嘉端又奏言據署藩司奎綬



稟稱逆匪於初八日辰刻自浦口登岸將江浦縣之東葛驛馬槍去前派浦口防守之黑龍江兵因山東兵與賊打仗卽於初七日全數退回滁州現在浦口實無一兵該署司當將過境之山東兵八百名一面截留委員管帶馳赴滁州關山一帶堵禦等情臣等思賊匪北竄宿徐是其要路萬一渡黃更難收拾現擬兵勇湊有成

欽定剿平粵匪方略卷三十四

八

數卽先赴固鎮一帶擇要安營攔其渡淮之路惟皖省情形不惟兵無可撥將領亦屬甚少請飭下河南巡撫將留住永城之兵令原帶之提督善祿酌帶一二千來皖協防至徐州要地應以何路統兵大臣移營駐紮以固藩籬恭候

欽定奏入

上命軍機大臣傳諭周天爵呂賢基李嘉端曰揚州賊

匪尙未殲除遠有賊船駛至浦口是必該逆詭計乘虛分竄以圖牽掣該處爲江甯北岸情形緊要亟宜防堵現在陝甘官兵四千名已由永城行抵皖境卽著周天爵等截留以資防剿尤須嚴勦土匪勿令勾結蔓延

上又命軍機大臣傳諭琦善陳金綬勝保曰據周天爵等奏揚州逆匪竄至浦口現在浦口實無一兵等語

欽定剿平粵匪方略卷三十四

九

此股逆匪是否係揚州竄出抑係江面船中賊匪分股牽掣所稱黑龍江官兵是否與賊打仗敗退抑見山東兵敗卽行退走滁州黑龍江兵素稱勁旅不應遇賊卽退著琦善等查明確實情形具奏浦口爲江北門戶滁鳳一帶兵力尙單雖前准截留陝甘官兵四千現在甫入皖境仍恐一時未能全到此時琦善等想已相機撥兵往剿逆匪避實搆虛是其慣技總



須斟酌緩急勿墮奸計萬不可稍有疏虞致令賊匪北竄

上又命軍機大臣傳諭向榮楊文定許乃釗江忠源曰

據周天爵等奏揚州逆匪竄至浦口現在浦口無兵

防守等語此股賊匪是否由揚州城內竄出抑係江

面賊船上岸搶掠或係金陵賊匪乘間過江希圖牽

掣亟應探訪明確相機勦辦楊文定所帶艇船前已

聖朝方略卷三十四

十

疊獲勝仗正可進扼瓜州衝擊賊船著向榮等迅速

籌商趕緊撲滅毋任蔓延北竄

上又命軍機大臣傳諭慧成托明阿曰揚州賊匪正在

攻剿喫緊之時何以賊船忽竄浦口是否係揚州城

內賊匪乘間竄逸或係瓜州京口江面賊船登岸搶

掠以圖牽掣江浦滁州一帶為北岸陸路門戶最關

緊要慧成現駐清江著即與托明阿會商迅即撥兵

馳往援應如賊勢緊急常清所帶青州駐防官兵亦可前往協勦現在陝甘續調兵四千名已由永城行入皖境前已准令周天爵截留慧成等務當斟酌緩急相機勦辦萬不可任賊北竄

上又命軍機大臣傳諭陸應穀曰據周天爵等奏揚州

逆匪由浦口北岸分三路竄擾請添兵協防等語逆

賊避實搆虛是其慣技斷不可令其北竄著陸應穀

聖朝方略卷三十四

十一

即飛咨提督善祿酌帶永城防兵迅赴安徽扼要協

防現在續調陝甘兵四千名已由永城行入皖境著

即飛催前進該撫如須出省駐紮亦即親往調度毋

誤事機

同日湖北按察使江忠源奏言逆賊滋事以來

用兵數年糜餉二千餘萬人無固志地罕堅城

巨寇狃久稽



天討非賊衆而我寡賊強而我弱賊智而我愚也法之不肅謀之不臧貽誤至今宜思變計臣謹將兵事大略有關得失者撮舉八條爲我

皇上敬陳之一曰嚴軍法軍興以來法玩極矣全州以失援陷而赴救不力者相仍道州以棄城陷而望風先逃者接踵馴至岳州豫設防師不能爲旦夕之守九江厚集兵力不能遏水陸之衝文

欽定剿平粵匪方略卷三十四

十三

武以避賊爲固然士卒以逃死爲長策皆由畏賊之念重而畏法之念輕耳誠使將士知國典之不可倖逃自不得不併心一力以致死於賊將有致死於賊之心而謀自生士有致死於賊之心而勇自倍是所誅戮者不過一二人而所保全者常千萬人也苟欲反怯而爲強莫如易寬而以猛

皇上執法以取將帥將帥奉法以令偏裨偏裨行法以

督士卒遇賊潰走藉詞巧退者有誅臨陣不互相救援者有誅不奉令而遽先撤隊者有誅堵禦不力致賊竄逸者有誅軍律既嚴士氣自奮討賊之效庶可計日而待也一日撤提鎮提鎮而下有副參遊都守千把以次遞相節制而提鎮之位爲最尊位尊則意爲趨避而偏裨不敢

欽定剿平粵匪方略卷三十四

十三

與爭法難驟加而大帥未敢擅決夫人情當齒壯官卑之日每思奮發有爲致身通顯及其身居高位則顧惜之念重而進取之志衰矣且軍營體制副參以下俱聽命於所轄之提鎮提鎮不得其人卽所屬之副參以下均難得力是姑容一二庸妄之提鎮致可使之將弁兵丁同歸無用也又軍興旣久籌餉滋艱提鎮薪水夫價



之需及役使護衛之人均較參遊數倍計裁一  
提鎮之費養精兵二百而有餘亦何取以有限  
之餉糈豈此無益之提鎮哉副參以下資位較  
輕則奉檄不敢遷延擢拔方始則臨事易爲感  
奮誠擇提鎮之久歷戎行膽略尙優者以資統  
御其餘概行撤遣副參以下量才委任務盡其  
長斯軍政嚴而軍食亦裕儻亦計之最得者與

聖學方略卷三十四

十四

一曰汰弁兵選兵之道膽氣第一樸實耐苦次  
之技藝嫻熟次之巧猾懦怯爲下有武藝而無  
膽氣臨陣忙亂並其平常演習之技而亦忘之  
質實耐苦之人軍令易於服習性情易於調馴  
登山涉水不知其勞歷夏經冬不形其瘁故其  
衆可得而用至於巧猾懦怯之流旣不足以整  
軍又不足以禦敵徒糜金粟無補絲毫此兵弁

之應汰者一也軍興旣久徵調頻頻有從征數  
年漸形委頓者老羸充數堪驅使者是謂疲  
乏之兵又如曾經戰敗部曲散或遇急卸裝  
而得生或事後潛逃而就伍苟取充兵萬難再  
振是謂殘敗之兵當茲餉運不繼之時豈容若  
輩更滋虛耗此兵弁之應汰者又一也誠飭各  
營於此數者嚴爲淘汰選其膽氣充壯者爲

聖學方略卷三十四

十五

等以備攻勦之用其次備守營圍堵之用斯亦  
當今之急務矣一曰明賞罰勝有賞而所賞者  
非眞勝不如無賞敗有罰而所罰者非眞敗不  
如無罰無賞無罰人猶冀有賞罰之時賞非功  
而罰非罪則人知賞爲主帥私暱之人罰爲主  
帥傾陷之人懲勸之用乖怨讟之聲起矣且軍  
中賞罰非可一概論也戰而勝固當賞然或雜



然旅進割取他人所殺之首級以冒功或當追擊至要之時不思乘勢掩殺祇顧奪取財物以致大勝變爲小勝者又當罰戰而敗固當罰然或奮勇前驅而後援不繼或大眾卻走而一軍獨全者又當賞今則大帥惟據營主之稟報營主又付諸左右之品評功罪之實旣非採訪所能知又因毀譽而多誤求其權衡至當犁然悉

欽定剿平粵匪方略卷三十四

十六

合於人心難矣自非親歷行陣開誠心布公道何以慰士卒之懷而振積疲之習乎一曰戒浪戰粵逆頗有盜賊之智臣隨諸軍自粵西至湖南與賊大小百數十戰亦嘗備觀其結營置陣矣賊之結營也因地築壘環以深濠牆厚數尺層開礮眼濠闊數丈密釘竹籤其止也匪黨四出窺吾虛實以廣其謀其行也颺忽倏至乘吾

蒼黃以逞其毒新兵未曾與賊戰者不諳營壘牆濠之式往往爲賊所乘陝西兵在湖南及湖北江西安徽江南諸軍之失利皆由於賊知結營之利而我不知也賊分數路我每以一路當之卽或數道並發而臨陣彼此不相顧賊得以施其奇正抄伏之術廣西湖南諸戰之失利皆由於賊知布陣之訣而我不知也我軍圍賊專

欽定剿平粵匪方略卷三十四

十七

以撲營逐利爲事追賊專以跟蹤尾擊爲能小有挫失其氣先餒又須養之經旬始堪一戰逆賊得以長兇鋒我軍終莫操勝算此兵謀不可不豫而浪戰所以宜戒也一曰察地勢兵志曰不知地利不可行師地利云者非僅山川一定之險也視賊出入之蹤而先爲之防察賊分合之勢而遙爲之制雖漸車之澮數仞之岡苟形



勢在所必爭卽機會不可偶失請以近事明之  
全州篋衣渡之戰賊鋒已挫宜連營河東斷賊  
右臂道州之役賊勢本孤宜分屯七里橋扼賊  
東窺長沙之圍賊路俱窮宜駐兵龍回潭土牆  
頭堵賊西潰之路他如道州雙牌蓬濤濤六十  
里之奇險賊入死地而縱之使生湘陰之臨資  
口岳州之城陵磯皆水陸必爭之隘而放之使  
遁利害昭然猶堪覆驗此正宜引爲前車之鑒  
者也一曰嚴約束盜賊之虐民甚矣然有謂盜  
賊之虐民猶愈於兵勇者盜賊志在擇肥而噬  
且或一時詐示仁義兵勇則攫取姦汙雖窮苦  
之家亦鮮得免於是民不怨盜賊而反怨兵勇  
若不隨時懲以軍法將何以服民心軍中兵勇  
而外有餘丁有長夫有隨營貿易之人兵丁約

束無難鄉勇名隸伍籍有犯尙可按册而稽惟  
長夫及隨營買賣之人均游蕩性成不安鄉里  
甚或僞造兵勇腰牌假其裝束時赴近營各鄉  
村掠物轉賣肆行無忌此輩久處營中熟視戰  
鬪之事輕生嗜利習爲固然將來事竣撤遣散  
處民間必多不靖應飭各營於所轄兵勇長夫  
及買賣人等嚴明約束遇有干犯除兵勇分別  
治罪外長夫及買賣人等尤宜從重懲處其有  
逃匿他方者地方官一體嚴拏懲辦重卽處死  
斯亦結民心而絕後患之一端也一曰寬脅從  
粵逆起事死黨存者不過數千其餘則新附之  
匪與裹脅之衆也會匪盜賊與兇惡痞棍粵楚  
州縣所在有之一旦有警遂爾率其醜類從亂  
如歸又在配軍流及被賊劫放監禁各犯乘亂



得脫為賊馳驅此皆甘心從逆寬之而無可寬

者若良民被賊驅脅本無從逆之情賊匪自武

昌下竄時黨眾薙髮潛逃者無數即其中長髮

之賊為居民澀訴被裹之由往往聲淚俱下可

見小民具有天良終非左道所能惑也宜飭各

營多寫簡明示諭射入賊中臨陣豎立投誠免

死大旗令其乘官軍與賊接仗時棄械奔赴旗

剿平粵匪方略卷三十四

三十一

下並設一薙髮公局發給免死執照資遣回家

散其黨與即不難殲厥渠魁其於勦賊機宜或

亦不為無補奏入

上命軍機大臣傳諭向榮許乃劍江忠源曰江忠源奏

軍務情形所陳八條朕詳加披覽均屬切中機宜該

臬司親歷行間兩載以來目擊軍情自非空談可比

現已統帶楚勇一千七百餘名前赴江南軍營著即

將所陳各條與向榮許乃劍等悉心商推認真辦理

江忠源督帶壯勇應於何處扼要攻剿並著向榮酌

量調遣

同日刑部奏言遵

旨詢明順天府拏獲假名逃匿官犯實係已革湖北提

督博勒恭武供證明確並將該革員所遞供詞

恭呈

剿平粵匪方略卷三十四

三十二

御覽奏入

上諭內閣曰博勒恭武係湖北提督大員特派防堵岳

州不能固守郡城以致失守罪已難辭乃該革員自

岳州潰逃後由湖北穀城改裝易服逃至清江又潛

至京外黃村假名圖脫種種狡詐實出情理之外直

至拏獲交部審訊始行具呈曉曉置辯無論一面之

詞殊難憑信即令當時遇賊接仗而於潰散後南北



逃避輾轉偷生亦屬罪無可逭若不明正典刑何以  
申軍律而服人心博勒恭武著卽處斬派刑部尙書  
周祖培署侍郎培成監視行刑

十六日庚寅琦善陳金綬勝保奏言臣等陸續由

三江營調到大礮十四位於初四日分運西北  
兩路對揚城連開數十礮僅擊卸城堞數座城  
身未見轟裂又趕造雲梯多架初十日飭令官

勦平匪方略卷三十四

三

兵帶赴西北兩路近城處所該逆先於城上安  
置滾木擗石灰袋甄塊等件城堦外面俱密排  
鋒利鐵釘一見我兵奮勇直前城上已槍礮齊  
下不能直抵城根仍卽收隊回營至揚城東路  
因隔河未能帶礮前往馮景尼等會飭壯勇分  
投攻擊該逆於河邊密插竹籤城上又彈如雨  
下不能站立現在負嵎固守者尙有三四萬人

城大兵單圍攻勢有未能直由南門水路至瓜  
州一帶未能遏賊往來自南京駛下賊船俱聚  
泊瓜州江口臣等紮營地面距該處幾及六十  
里若分兵前往燒其船隻一日間斷不能往返  
臨陣之士亦難使之晝夜跋涉至浦口六合各  
被賊擾請兵接應臣等已商撥兵二千名飭令  
武慶開隆阿西昌阿伊興額帶領星赴六合浦

勦平匪方略卷三十四

三

口迎擊若六合賊已殲滅卽赴浦口紮營防堵  
惟臣等所帶之兵僅止六千斷難再行分撥合  
無仰懇

上天恩俯賜添派官兵來揚俾臣等經歷戰陣之兵  
調防各隘將續到之兵留營操練使成勁旅刻  
下軍情無定臣等惟有相機而行設法急攻早  
圖勦滅



琦善又奏言查四月初六日午時浦口地方有賊船數十隻停泊北岸分三路上岸竄擾經山東官兵迎剿於蘆席營接仗因賊匪施放火礮山東官兵人數較少抵敵不住走退斗岡黑龍江馬隊一見山東官兵退去即將馬隊撤回山後山東官兵雖仍抵禦而逆匪越山過嶺追拒我兵燒燬營盤參將張守仁等帶領兵勇飛往

欽定剿平粵匪方略卷三十四

三十四

管盤軍器槍藥馬匹有無遺失亦不得其詳似此趨避畏葸殊堪痛恨相應請旨將都統西凌阿副都統明慶烏凌額副都統銜總管魁福等四員摘去頂戴以示懲儆仍嚴飭該都統等一面星速紮營浦口扼要密防一面查明帶兵官弁嚴行懲辦臣現又飛飭原派儀徵防堵道經江浦之甘肅參將張守仁將所帶甘肅官兵三百餘員名暫留江浦幫同堵禦再據副都統德崇額等報稱初八日卯刻賊由浦口直至六合縣境已帶領各隊將賊匪殺死四五百人燒燬賊船三十餘隻兵丁亦有受傷輕重不等又另稱賊匪甚多兵單力薄恐一時難於取勝城外有運河一道馬隊不能過河請撥兵接應又據儀徵縣知縣都榮森稟稱初七日申刻

欽定剿平粵匪方略卷三十四

三十五



探得有賊船六七百隻由金陵順流而下各色旗幟俱全是否竄入瓜州容再續探各等語查逆賊之敢於死踞揚城者原恃江甯鎮江之賊源源接應今該逆自因揚州攻勦緊急多係賊船前來救應我兵正宜厚集嚴防而浦口六合被賊分擾又各來乞師查浦口在六合之西由揚州前往浦口須路經六合現在浦口賊匪雖

聖學聖方略卷三十四

天

已回船而六合有警不能不派撥重兵迅速赴援

琦善又奏言續據德崇額等呈稱初九日見賊復至當卽督率吉林官兵闖過浮橋使賊首尾不能相接官兵奮勇爭先副都統忠泰侍衛穆克登額亦帶領營總參領督兵接應是日共殺斃賊匪一千餘名生擒二百餘名焚燬賊船八

十餘隻又據江浦縣知縣曾勉禮稟稱初九日有賊匪三四千人由浦口北竄直往滁州各等情適委參領福拉登布等來營面稱賊匪於初六日竄至浦口西凌阿等帶兵迎敵接仗旋因賊衆繞至後面夾攻勢不能支兵丁紛紛退避賊衆趁勢追趕焚燒現帶官兵前來大營呈請嚴處臣詰以軍火器械據稱均已被焚祇賸隨身弓箭鳥槍馬匹尙有三百餘匹前以浦口濱臨大江江面盡係賊船時存窺伺屢飭嚴防該官兵有一千六百名之多何以任其登岸實屬重負

聖學聖方略卷三十四

天

國恩非嚴處所能了事大加申飭將福拉登布等摘去頂戴並傳令迎告西凌阿等均先摘去頂戴前往滁州追勦不准來營僞再退避不前定



將該都統及官員等請

旨俱行正法臣等現在揚州攻剿雖距浦口較遠然西

凌阿等庸怯退避卽屬臣琦善無能應請

旨將臣琦善從重治罪奏入

上命軍機大臣傳諭琦善陳金綬勝保曰揚州城內賊

衆負隅固守我兵驟難得手該大臣等仍當督飭帶

兵各員相機進取不可更待添兵致延時日浦口六

欽定剿平粵匪方略卷三十四

三六

合一帶被賊滋擾浦口至滁州一帶爲江北門戶最

關緊要該大臣已派撥精兵前往策應並令西凌阿

等跟蹤追剿著卽嚴飭該處統兵大員及弁兵等奮

勇前往與德崇額等合力夾擊東省素稱勁旅吉林

兵已獲勝何以黑龍江兵並未接仗輒卽退回西凌

阿等庸怯無能實堪痛恨比年軍營失事多由紀律

不嚴琦善深知其弊必當力挽積習以振軍心信賞

必罰闔外之權朕不爲遙制刻下調兵不爲不多籌

餉不爲不鉅務當通籌全局迅掃賊氛以慰焦思

上又命軍機大臣傳諭慧成曰本日據琦善等馳奏探

有賊匪數千由浦口直竄滁州等語賊匪舍舟登陸

分路搶掠意在牽掣我兵現在揚州攻剿正當喫緊

之時自未便紛紛抽撥致墮奸計著慧成酌量緩急

將現到各路官兵相機調撥尤當迅速援應斷不可

欽定剿平粵匪方略卷三十四

三九

稍有延緩致賊北竄蔓延

上又命軍機大臣傳諭楊文定許乃釗曰現在逆氛未

靖江面賊船蟻聚經楊文定等雇備艇船相機籌剿

茲聞揚州賊船俱在瓜州江口擱淺琦善等所帶之

兵難以繞越楊文定等統帶艇船如能由江路繞至

瓜州江口焚其擱淺之船則賊鋒可以大挫朕思賊

匪若被剿奔竄由江入海亦當豫防現在雇募艇船





ZW 21101000583240

S  
2121.5  
15a

續修四庫全書 史部 紀事本末類

攻勦務須加意慎重不可令該匪奪獲至近海各船  
不比江船尙可收藏港汊惟有於沿江一帶嚴臺嚴  
加守禦著楊文定許乃劍隨時偵探稽查毋任賊蹤  
偷越

上諭內閣曰吉林黑龍江兵素稱勁旅此次分竄六合  
之賊經吉林兵擊敗而賊至浦口何以黑龍江兵卽  
行撤回總由帶兵大員約束無方殊堪痛恨僅予摘

勦平粵匪方略卷三十四

三十一

勦平粵匪方略卷三十四

三十一

項不足示懲所有統帶黑龍江馬隊之都統西凌阿  
副都統明慶烏凌額副都統銜總管魁福均著暫行  
革職琦善著交部議處仍著嚴飭該革員等督兵迅  
速進勦儻再不知奮勇畏葸退縮卽著該大臣一面  
奏聞一面卽以軍法從事毋稍姑息以振軍心

同日

上諭內閣曰奕紀著卽釋回賞給六品頂戴前赴軍營

交恩華差遣委用